


Anut san bilaluŋ
foun



The New Testament in the Takia Language of Papua New Guinea

Anut san bilalun foun
The New Testament in the Takia Language of Papua New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2013-12-11

PDF generated using Haiola and XeLaTeX on 7 Nov 2023 from source files dated 31 Aug 2023

757b3e4e-2023-5b45-893a-ee9294ddeb9d

Contents

Matyu	1
Mak	50
Luk	81
Jon	128
Aposel	164
Rom	208
1 Korint	232
2 Korint	256
Galesia	271
Efesus	280
Filipai	288
Kolosi	293
1 Tesalonaika	299
2 Tesalonaika	304
1 Timoti	307
2 Timoti	313
Taitus	317
Filemon	320
Hibru	322
Jems	337
1 Pita	343
2 Pita	349
1 Jon	353
2 Jon	358
3 Jon	359
Jud	360
Revelesen	362

Matyu

Jesus anen tubun bagen

Luk 3:23-38

¹ Yanjak e irig ipalu den in Jesus Kristus san tubun bagen a. Jesus in Dawid lo ilasa ya, agod Dawid man in Abraham lo ilasa ya. ²⁻⁵ Abraham log ipalug Kin Dawid lo man, tubun bagen san yanjak igo iri a: Abraham, Aisak, Jakob, Juda in tein muroun dida. Aria, Juda man Peres in Serah da tamadi, agod uraru an tinadi Tamar. Aria, Peres, Hesron, Ram, Aminadab, Nason, Salmon, Boas (Boas tinan Rahab), Obed (inanan tinan Rut), agod Jesi. Aria, Jesi man Kin Dawid taman.

⁶⁻¹¹ Dawid log ipalug saen Babilon san kin yu yabisag Jerusalem daon ipani dugo, Juda adi ikudai go Babilon na subanek tamolpein igo won diau go ante dumado na yan san saen lo man, tubun bagen sad yanjak igo iri a: Dawid, Solomon (in tinan man, pein nek a imug Uraya inane ya), Rehoboam, Abijah, Asa, Jehosafat, Jehoram, Usia, Jotam, Ahas, Hese kaya, Manassei, Amon, Josaya, agod Jehoyakin in tein muroun dida.

¹²⁻¹⁶ Aria, Juda adi Babilon na dumado yan san saen ibiseig ipalug, Jesus ilasa yan san saen lo man, tubun bagen sad yanjak igo iri a: Jehoyakin, Sealtiel, Serubabel, Abiud, Eliakim, Asor, Sadok, Akim, Eliud, Eliasar, Matan, Jakob, agod Josef nek a Maria inane ama ya. Maria nek a Jesus igansi a, in tamol nek a Kristus tabol dama ya.

¹⁷ Aria, Abraham log ipalug Dawid ilasa yan tubun 14 lo dar igile ya. Anteg, Dawid log ipalug Juda adi Babilon na dumado yan san saen lo, tubun 14 taida lo dar igile ya. Aria, anteg tubun 14 taida lo dar igile gug Kristus ilasag malan ipuk a.

Kristus ilasa ya

Luk 2:1-7

¹⁸ Aria, Jesus Kristus dugo ilasa amaiak san dal man igo ya. Maria tinan taman in Josef inane san nien dupani, ago yak man Josef pein an da gamugo dien dugo, Awan Urgun san dabai inane Maria luan anda

yan tamolpein fidian dile dulon a. ¹⁹ Agog in iwon Josef man tamol itaot ago yan lo in pein an malak malak miai ipani man imoi, agog pasak nam pein an ibiseip isol yau o ilo sou ago igane ya. ²⁰ Saen in san ilo sou ago igane man, yen dugo Tubun ak san enel njonamin lo san na ilasag irupeig ibol, “Josef, Dawid nanun, Maria on iwo yak ninen o ilo ta gidigheid na wa, fun dugo, nanuk Maria tinan lo man Awan Urgun san dabai lo ilasa la ya. ²¹ In nanuk tamol ak igansi wa, ago dop on yan Jesus ubol a, fun dugo, in in san tamolpein inane aupasek san ai wadan an lo patud ipasi wa.” ²² Mel an fidian dilasa yan san fun man igo ya, wagam Anut ru fulalek profet ta awan lo ibol ilasa yan gamu nunon fotusuda ya. ²³ In ibol, “Pein baras ta kitek tamol ta da dutor man tia yak, tinan lo nanuk tamol ak ta ilasa wa. Ago dop yan Imanuel dubol a.” (Yanjak Imanuel fun man igo: “Anut id da tumado da.”) ²⁴ Agog saen Josef nion lo imasa man Tubun ak san enel awan irig, Maria iwon on inane san panu na diaug iwon on ida dumado se ya. ²⁵ Ak man saen inane yau man kitek iwon on ida dien man tia ya, agog yaug pein an nanuk tamol luan lo yan igansi a. Agog Josef nanuk an yan Jesus ibol a.

2

Manau tamol Jesus dile wo dupalu ya

¹ Jesus Betlehem na ilasa, Betlehem man tan tubun Judea na yen da. Saen an lo Herod in kin imado se ya. Saen Jesus ilasa man manau tamol adi ad ilasa dak lo yak Jerusalem na dupalug gidigheid dusumiaen se ya, ² “Nanuk a ilasa amaiak dugo mi aki? In murnap Juda adi sad kin imado wa. Ilasa yan man malon a, man dugo, in san patui ad ilasa dak ate fun inane ided do mile ya, an lo man ubou an mile wo mupalu ya.” ³ Saen kin Herod in sad ninen ago ilon man ilo sou ifini saian, ago dugo tamolpein Jerusalem na dam sisem ilo sou gidigheid inane se ya. ⁴ Agog Herod pris gurman adi, agod kubiaen san girek manau adi dida itumanai go isumianaig ibol, “Aben dugo amaiak lo Kristus ilasa wak i?” ⁵ Ago dugo dubol, “In aben Betlehem o Judea na

amaiak ate ilasa wa. Man dugo, wagam ru fulalek san profet ta igireg ibol,

⁶ ‘O Betlehem, tan Judea na, on Judea san gugoi gurman lulunad lo panu kawan ak on tia ya.

Man dugo, mitep on lo gurman ta ilasa wa. Gurman an n̄aisag tamolpein Isrel itir-nai a.’ ”

⁷ Murnag Herod pasak nam manau tamol adi igiaig dupalug isumianai, “Saen dugon lo patui fun iganeg ided ak i?” ⁸ Agog Betlehem na idinaig diau o dugo ago ibol, “Aup nanuk an n̄inen o aban ale wo uyanan a. Saen ale dop ru ananep apalup, abol n̄alon dop, n̄ai dam n̄aup ubou an n̄ile wa.”

⁹⁻¹⁰ Saen kin san n̄inen dulon go itout man fun diganeg Betlehem na diau a. Ago dugo patui a ad ilasa dak lo dile yan, afon ilasa dag dile ya. Saen patui an dile man ilod uyanan geig go uyad isusa ya. Agog patui an imug naod na yaug, nanuk ab a lo yen dak ate gug, ab fufo ago ided dugo yen se ya. ¹¹ Agog ab an ate dilasag diladug, nanuk tinan Maria da dumado dugo diliai man, ditakoksig ubou an dile ya. Ago gug melmel naod lak na lak na disini an, awad dupasi idug lou dupani a. Mel naon ibol gol, agod ubou san marasin ta yan frankensens dubol dan, agod marasin ta yan mirr dubol damaiak dupani a. ¹² Agog dumul man Herod san na ta diau na ya, man dugo, insad n̄ion lo Herod san na ta diau na wo Anut geg ipidinai a. Ago yan lo dal senamo dijaneg sed naod na dumul diau a.

Disol go Egipta na diau a

¹³ Aria, saen dumul man Tubun ak san enel n̄ionamin lo Josef san na ilasag irupei, “Masa kisaek on pe nanuk tinan da unjal pe tan Egipta na ante asol pe au a. Aup ante amado dop saen isudap n̄ai amul o n̄abol dop amul. Man dugo, Herod nek nanuk an daon ipani wo aban ile da.” ¹⁴ Agog Josef imasa kisaek on go nanuk tinan da tidom lo injal go, ab dibiseig fun diganeg Egipta na diau a. ¹⁵ Diaug Egipta na dumado yau dugo Herod imat. Ago gug Egipta dibiseig Judea na dumul diau a. N̄inen nek e ru fulalek san profet wagam ibol ago mi nunon ilasa ya. Tubun en ibol, “Egipta ilon lo

n̄aineg nanug n̄uwagin go tan en ibiseig ilasa ya.”

¹⁶ Saen Herod manau tamol dirawi ago ilon man, tinaen imumari geig a. Agog wagai tamol idinaig Betlehem na fidian mi lubanek diaup ante nanuk tamol ananar urarug isuda agog ananar urarug idu yan fidian dufu dumat o diau a. Man dugo, imug Herod manau tamol an isumianaig ibol, “Nal dugon lo patui an fun iganeg ided se yak i?” Ago dugo in ru naon durupeig dubol, “Ananar uraru yau la ya.” ¹⁷ Dal an lo ulon tamol yan Jeremaia wagam n̄inen a ibol ilasa yan nunon ilasa ya. In ibol,

¹⁸ “Kilagun ta panu Ramah lo dulon a, tina igane dugo tubun mi isasai se ya. An man Rasel nanun muroun n̄inedi wo tina yabi se ya. Ilon dijaneg gug imoi, man dugo, inanen nanun muroun fidian dumat pasik a.”

In dumul ak man Nasaret na diau a

¹⁹ Aria saen Herod imat man, Tubun ak san enel Egipta na yaug n̄ionamin lo Josef san na ilasag irupeig ibol, ²⁰ “Masap nanuk tinan da unjal pe tan Isrel na ante au a. Man dugo, tamol in dufuni imat o digane yan man gubak mi dumat la ya.” ²¹ Agog Josef imasag nanuk tinan da injal go tan Isrel na atna diau a. ²² Saen dumul diau man, Akilaus taman Herod aben inaneg kin imado se yan Josef ago ilon a. An n̄inen o Josef irer an lo provins Judea ante imado wo man imoi a. Agog afon n̄ion lo Anut ru kagin ipanig Jerusalem na ta yau na wo ibol a. Ago tag Jerusalem irinanig Galili na yau a. ²³ Agog yaug aben ta Nasaret dubol dak lo imado se ya. Ante afon ru ta wagam Anut san ulon tamol adi dubol an nunon ilasa da ya. N̄inen an igo ibol, “Tamolpein in tamol an n̄inen o Nasaret tamol dubol a.”

3

Jon suguek tamol Jesus san dal ikubine da

Mak 1:1-8; Luk 3:1-18; Jon 1:19-28

¹ Saen malak malak lo Jesus gamugo ilasa man, Jon suguek tamol dubol dan ipalug, Judea na tan kawan ak lo ru ifulale se ya. ² In ru kuai te iganeg ibol, “An ilom

ibileksa wa, man dugo, Anut san kagin panek an sumeik ipanad la ya.”³ Profet Aisaia tamol an ninjen o wagam mi igo ibol a,

“Tamol ta san kilagun tan kawan ak lo iwagin go ibol,

Tubun en inanen dal akubunep itaot yen a.”

⁴ Aria, Jon san biouŋ tinin fo idiri man kamel san fufulun nam igane ya. Agod san let luan na man makau san suŋulon nam igane, agod san anan man sis tutubun agod nini* sad dubei bulbal bulbal dineg ilasa damaiak mi ile dop yani da. ⁵ Saen inŋsan urat fun iganep ru ifulale se man, tamolpein wei mi Jerusalem nag Judea ilon lo fidian, you Jordan yen dugo giranen na aben an fidian dupalug ru dulon se ya. ⁶ Agog saen inŋsan ru dulon man aupasek digane na yan walal te dubol ilasa dugo, Jon you Jordan lo isuguai idu ya.

⁷ Ak gug saen inŋ tamol wei mi Farisi agod Sadyusi ago inŋ isuguai o naon na dupalug dilasa dugo yil a, agog ru dabai ipidinaig ibol, “Anŋ mot nanun moroun! Enti Anut san tinŋae saian mitep ilasa wan ninjen o ru kagin ipanŋ dugo asol dak i? ⁸ Anŋ kagin mok a ilom ibilisa dak iri panig yen dan mi agane ilasa wa. ⁹ Anŋ ansem ilom lo igo ta abol na wa, ‘Abraham man manŋ tamama, an manŋ o idaisuda ya.’ Man dugo, nŋai en nŋrupaianŋ itaot da, Anut ilon ibol tap man, pat e dien den ka inŋiliaip ibilaip Abraham nanun muroun mok dilasa wa. ¹⁰ Pilagis ai dabin lo yen la ya. Ai fidian a nunod uyan uyan ta ifu na dan, Anut itarep yai lo yabi yaup inanai yau a.

¹¹ “Nŋai you lo mi anŋ nŋusuguanŋ da, ago dop tamolpein naod na anŋ ilom ibilisa yan kuai isi wa. Ak man tamol a nŋai patug fo ipalu dan inŋsan dabai nŋaisag dabai irinŋani geig a. Nŋai man tamol gidad a, amaiak ninjen o inŋsan sendal nŋisini san o yanŋag tia ya. Gug tamol en man Awan Urgun lo isuguanŋ a, agod Urgun an san yai nam ifulanŋan pe ikok alasa wa. ¹² Inŋ banin lo kon gilek lo idirai san biouŋ yabig imado da. Aben ate urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon ananŋ ab lo

itumani wa. Ak man metmet adi man yai lo isuwari yau a. Agod tamol ta yai an igane imat san tia ya.”

Jon Jesus isugui a

Mak 1:9-11; Luk 3:21-22

¹³ Aria saen ta Jesus Galili ibiseig you Jordan lo Jon isugui wo yau a. ¹⁴ Ak man Jon ipadau go ibol, “Onŋse amaiak nŋai suguag a. Ata wo onŋ nŋusuguo wo ubol go nŋaisag na palu i?” ¹⁵ Jesus ru naon irupeig ibol, “Gidad umoi dop ago ilasa wa. Id kagin itaot ak fidian tigane san an tigane itout o uyanan a.” Ago tag Jon awan mi iri a. ¹⁶ Agog Jon Jesus isugui a. Nek saen a Jesus you ibiseig tan fo isuda man, kumaen panu san dalawan awan pasek go yen dugo, Anut san Ur muluk onŋ idug, inŋ kabunan fufu imasi dugo ile ya. ¹⁷ Agog kumaen panu lo wagin ta inŋinŋ idug, igo ibol dugo ilon, “En man nŋaineg Nanug, nŋaineg bubeg mok, inŋ ninjen o nŋai ilog tubun mi uyanan da.”

4

Ur saian a Satan dubol dan Jesus bitinaek lo igane ya

Mak 1:12-13; Luk 4:1-13

¹ Aria, Jon Jesus isugui itout man, Urgun inŋ Jesus iduduwig tan kawan ak lo yaup an lo Satan inŋ bitinaek lo igane wa. ² Ante man Jesus sen ananŋ lo geg ipani a. Nal 40 ad tidom da ananŋ ta yani na ya, ak ninjen o nal wadan ante man imatigen saian geig a. ³ Ago dugo ilo nŋanek san ur saiak an inŋsan na ilasag irupeig ibol, “Onŋ Anut Nanun tap, ubol dop pat en bret onŋ ibili wa.” ⁴ Ak man inŋ ru naon irupeig ibol, “Girek ta buk lo igo ibol, tamol bret lo mi ta kumaen imado na da, tia, ru a fidian Anut awan lo ilasa dan lo mi inŋ ka kumaen imado wa.”

⁵ An itout go Satan inŋaneg Jerusalem na diaug, lak na tempel san nŋudun fufu igunig itur a. ⁶ Ago dugo irupeig, “Onŋ Anut Nanun tap sokalik udu, man dugo, girek ta buk lo igo ibol,

‘Inŋ inanen enŋel irupidai dop kagin dupano wa.

Banid nam disawo wa, kabelan pat onŋ nŋie ifini banau.’ ”

* **3:4:** Kunŋobnŋob

⁷ Ago dugo Jesus ibol, “Girek ta buk lo dam igo ibol, oŋ mel ta gane tap lo Tubun en oŋane Anut an bitinaek lo ta gane na wa.”

⁸ Agog afon Satan Jesus inaneg did lak na geig ak kabunan fufo igunig itur dugo tan en san aban fidian, agod inaned girager dam, ikubiai pani a. ⁹ Agog irupeig ibol, “Oŋ takoksip ubou ag ule tap man, ŋai mel e ule den fidian nupano wa.”

¹⁰ Ak man Jesus ru naon irupeig ibol, “O Satan sen lasa wau! Man dugo, girek ta buk lo igo ibol, ‘Oŋ Tubun en oŋane Anut mi ubou an ule wa. Inŋen mi ninen o bigabeg urat gane wa.’ ”

¹¹ Ago ibol dugo Satan ibiseig yau a. Agog eŋel dudug kagin dupani a.

Jesus inanen ru fulalek san urat fun igane ya

Mak 1:14-15; Luk 4:14-15

¹² Aria, Jon dusubanig subanek ab lo digane ya. Saen Jesus ninen an ilon man aben an ibiseig Galili na yau a. ¹³ Inŋinanen panu Nasaret ibiseig, yaug Kaperniam na imado ya. Taun an you tilianek ta, you uyanan ak man, yanŋan You Galili dubol dan, siŋiren na yen da. Distrik an gugoi uraru a yanŋad Sebulun agod Naftali amaiak sad tan. ¹⁴ Dal amaiak lo awak aban ta profet Aisaia ibol an nuŋon ilasa ya. Inŋ ibol,

¹⁵ “Tan Sebulun agod tan Naftali, you tilianek siŋiren na yan, you Jordan aen ate, tan Galili gob wei mi ante dumado dan, tan an ninen o ŋabol da.

¹⁶ Aban an san tamolpein a tidom tubun lo dumado dan, lilaman tubun ak dile ya. Agod ensauta a mateŋ san miriau lo dumado dan, ilalaŋ inŋsad na ilasa ya.”

¹⁷ Nek saen an lo Jesus fun iganeg ru ifulaleg ibol, “I lom abilisa, man dugo, Anut san kagin panek man anŋsam na ipalu sumeik la ya.”

Jesus inŋsan megeloum malmalan ak igiai a

Mak 1:16-20; Luk 5:1-11

¹⁸ Jesus You Galili gigin irig itor dugo tamol ta tein da yil a. Tamol an imug

* 4:25: Dekapolis

yanŋan Saimon, agod yanŋan ta dam Pita dubol da. Agod tein Andru. Uraru an iy ŋalaŋal, ago yan lo inaned dob you lo dubal idu dugo, Jesus ipalu ya. ¹⁹ Agog irupidai, “Nai ŋieg abag ari gup tamol aŋal san maŋau ŋipiteŋanaŋ a.” ²⁰ Agog dob dubal yen dugo ŋien aban diri kisaek oŋ a. ²¹ Jesus you aen gigin irig isuda yau man afon tamol ta tein da yil a, Jems Sebedi nanun agod tein bakanan ak yanŋan Jon, uraru an wog fo tamad Sebedi da dob duwei se ya. An dam urarum igiai a. ²² Agog urarum wog fo dudu kisaek oŋ go tamad dibiseig Jesus ŋien aban diri a.

Jesus ru ifulale dugo tamolpein subam ifu ak ikubuniai a

Luk 6:17-19

²³ Aria Jesus aben Galili ilon lo fidian itiliani pasik go sad ubou ab ilon lo maŋau ipiteŋanaŋ dugo, Anut inanen kagin panek an san bilaluŋ dam malak malak ifulale se ya. Saen an lo tamolpein ilod lo subam naon funfun fidian agod ŋied banid ikikai an ikubuniai idu se ya. ²⁴ Ago tag ninen inŋ ninen o ifurak yaug tan Siria ilon lo inŋsan yanŋan tubun geig ilasa ya. Ago yan lo tamolpein fidian subam amad da yan diŋal go san na dupalu ya. Tamolpein madai gidigidad tinid lo, agod subam naon funfun, tamolpein ur saiak saiak ilod lo yen dan, a saen wei mi kurbarib ifu dan, agod tamolpein ŋied banidi imat ak an fidian dusu dupalu ya, agog inŋ ikubuniai idu pasik a. ²⁵ Agog tamolpein wei mi geig ŋien aban duri na ya. Galili na dipalug, provins a TenTaun* dubol dan te, Jerusalem na, Judea na, agod aben you Jordan aen ate dam fidian inŋ dile wo dupalu se ya.

5

Jesus Anut san kagin panek an ninen o ru ifulale ya

Luk 6:20-23

¹ Aria, saen Jesus tamolpein dubuluwi dugo ago ile man, yaug did giranen na isuda yau a. Agog saen imasi an, inŋsan megeloum awan duloŋ o san na dupalu ya.

² Agog awan isupanig fun iganeg ipiteŋanaŋ a. Agog ibol,

- ³ “Talpein enti n̄tun lo binawek niñen katukan, an bar iñaneg imado da.
Man dugo, Anut san kagin panek man iñsan mok a.
- ⁴ Talpein enti tan en lo tinañ yabi dan, bar iñaneg imado da.
Man dugo, Anut iñ ilon iñane dop ilon pasa ibol a.
- ⁵ Talpein enti mos kagin mi iri pani dan, bar iñaneg imado da.
Man dugo, tan tilianek en san taman igo ilasa wa.
- ⁶ Talpein enti tamolpein fidian kagin itaot digane san niñen o yaes isofutani dan, bar iñaneg imado da.
Man dugo, iñsan mala nouk an idaisuda wa.
- ⁷ Talpein enti aenta ilod imuñanai dan, bar iñaneg imado da.
Man dugo, Anut dam talpein an iñanen ilo muñanek ipani wa.
- ⁸ Talpein enti ilon lo ikokan imado dan, bar iñaneg imado da.
Man dugo, iñ Anut ile wa.
- ⁹ Talpein enti maror ipidinaig itor dan, bar diñaneg dumado da.
Man dugo, iñ man Anut san nanun muroun mok ago dubol a.
- ¹⁰ Talpein enti kagin itaot ak niñen o muruan ile dan, bar iñaneg imado da.
Man dugo, Anut san kagin panek man iñsan a.

¹¹ “Tamolpein an naom dufute wak, muruan dupanan ak, agod an niñemi wo ru saiak saiak lo sewak digane wa. Man dugo, an n̄sag tamolpein ago yan niñen o ago digane tap man, an bar an̄aneg amado da.

¹² Yousai lo amado dop ilom uyanan a, fun dugo, an̄anem naon kumaen panu lo yen den tubun geig a. Man dugo, nek muruan naon kisaek mi tamolpein profet adi imug dumado yan dupidinai se ya.

*An̄ beig ilalañ da igo won̄ a
Mak 9:50; Luk 4:34-35*

¹³ “Tan en lo man an̄ nek ibol beig on̄ a. Ak gug beig san gigen itout tap, aria dugo won̄ tamol ta san gigen an̄ iganep beig on̄ ilasa da wak i? Beig an̄ urat aman tia ya, an̄ niñen o tamolpein tan fo diabi yau dop

fufu diau dumul pe duparfufari wa. ¹⁴ An̄ tan en lo ilalañ on̄ amado da. Panu ta did fufu yen dan tamolpein dimiani san tia ya. ¹⁵ Nek ago mi tamol ta lam ibanip sareg paen na ta igane na da. Tia, lam an̄ ab ilon lo isuñani dop ate ab ilon igane ilalañ da. ¹⁶ Nek dal kisaek an lo na agane dop tamolpein ilod lo an̄sam midiad* an dile wa, an lo tamolpein an̄sam kagin uyan uyan an̄ kuai tem dile wa. Ago dop iñ an̄anem Tamam kumaen panu lo imado dan per dupani wa.

Jesus Moses san kubiaen̄ dabai ipani a

¹⁷ “Kabelan Moses san kubiaen̄ agod profet sad ru an̄ n̄ai n̄igane itout o n̄pulu abol banau. N̄ai mel uraru an̄ n̄igane itout o ta n̄pulu na ya, tia, n̄ai tinig lo iñaned ru idaisuda wo n̄pulu ya. ¹⁸ Man dugo, n̄ai rumok n̄urupaian̄ da, gamu yaup tan keit da itout san saen idu dop, samun kitekan ta kubiaen̄ ilon lo yen dan dupasi yaup itout san tia geig a. Tia, mel fidian kubiaen̄ lo man nek ago yen yaup, nek ru fidian digire yan sad nuñon ilasa wa. ¹⁹ Aria, talpein enti a kubiaen̄ tusan ak ta ipilali dugo tamolpein aenta ago mi digane wo ipiteñanai dan, talpein an̄ kumaen panu lo yañan tia wa. Gug talpein enti a kubiaen̄ fidian iri ipani dugo tamolpein aenta kubiaen̄ an fidian diri wo ipiteñanai dan, iñ yañan kumaen panu na man tubun geig a. ²⁰ Aloñ uyan a, man dugo, n̄ai itaot n̄urupaian̄ da, an̄ gidad maeg aganep an̄anem kagin itaot an, kubiaen̄ girek mañau adi, agod Fasidi adi dam, sad kagin itaot ak iriñani wa. Tia tap, an̄ Anut san kagin panek lo aladu san man tia geig a.

Jesus tin̄ae saian san ai wadan niñen ipiteñanai a

²¹ “Ru kubiaen̄ a Anut an̄sam tubum bagem irupidai an aloñ a. Ru an̄ ibol, ‘On̄ tamol ta funi imat na wa. Talpein ta tamol ifuni imat tap, isol yau san tia ya, tia, iñ mok mitep Anut san sumiaek lo itur a.’ ²² Ak man n̄ai n̄urupaian̄ da, an̄ an̄anem turam niñemi wo ilom wananan dan, kagin an̄ dam saian geig a. Man dugo, talpein enti a tein lo tin̄ae saiak igane dan,

* 5:16: Mididan̄

in dam Anut san sumiaek lo itur a. Agod talpein ta tein pilapil ru saian ak ipani tap, Juda sad kot malan te yak lo itur a. Agod talpein ta tein ipeip 'onj njeo' ibol tap, in Ades san yai lo idu yau a. ²³ Fun an ninen o, saen onj Anut ilo uyan pani wo mel ta alta san yai fo mari san ninen o sini palu dop, tei mel ta ninen onj lo ilon saian an ilo sou tap, ²⁴ onjane ilo uyan san mel an alta naon na wabi idu dop, umul waup tei da bubem kisaek gup, umul palup onjane mel an sinip marip Anut ilo uyan pani wa. ²⁵ Saen onj kot ab naon na wau dop, tamol a injilog kot lo wau o dan, dabai ganep ida ninen an dal te mi akubune kisaek onj gup aup alasa wa. Kabelan kot lo alasa dop, tamol an tulek tamol† banin lo iginiop, in onj ai katuk banid lo iganep, subanek ab lo dibilio waup, dusbano banau. ²⁶ Nai rumok jurupaio da, onj nek ago mado yaup naon dugo dupano yan udad pasik a.

Jeit kagin san pitejanek

²⁷ "An ru kubiaen e dubol en alon a, 'Onj jeit kagin ta gane na wa.' ²⁸ Ak man naj igo jurupaian da, tamol ta pein ta ilep ninen o ilo masa lo malan isi tap, in ilo sou lo da jeit kagin digane la ya. ²⁹ Onj mala iganep kagin saiak lo udu tap, mala an fure ilasap biliau a. Gidad, an uyan a, an man onj tini san boi ta mi ideg yau a, kabelan onj tini fidian mi Ades lo idu banau. ³⁰ Agod saen onj bani won ak boi iganep aupasek lo udu tap, an dam tutep biliau a. Gidad, an man onj tini san boi kisaek o lian bisei a, kabelan an iganep onj tini fidian mi Ades lo yau banau.

Jesus iwo kudi san manau ipidinai *Mat 19:9; Mak 10:11-12; Luk 16:18*

³¹ "Ru kubiaen e dubol en dam alon a, 'Tamol ta iwon pein ak ikudi wo ilon ibol tap, nug banin diabi an itout san girek iwon pein ak an ipani wa.' ³² Ak man naj igo jurupaian da, tamol ta in san pein ikudi san fun man kisaek o lian a, pein an jeit kagin igane la ya, nek an mi a. Saen pein an jeit kagin ta igane na yak gug iwon ikudi tap, in iganep pein an jeit san pein ago ilasa ya. Man dugo, in san pein an tamol foun ak injane tap man, da jeit digane wa. Ago dop

tamol sen ta pein a iwon ikudi an injane tap, in dam pein an da jeit kagin digane ya.

Jesus ru dabai panek san ipitejanai a

³³ "Afon ru a Moses san kubiaen tubud baged irupidai an an alon a, 'Saen onj sigane ninen dabai pani wo dop, ninen nunon aman tia yak lo dabai pani wo ago ta gane na wa. Tia, onjane ninen Anut malan lo uri uyanan an mi gane wa.' ³⁴ Ak man naj igo jurupaian da, onj mel ta san yanjan lo onsa ru dabai pani wo ta gane na wa. Onj kumaen panu yanjan patep lo onjane ru dabai ta pani na wa, man dugo, aben ante Anut san badim yen da. ³⁵ Agod tan san yanjan patep lo onjane ru dabai ta pani na wa, man dugo, tan en man aben Anut san nien ate yaes ibal da. Jerusalem san yanjan patep lo ago gane wan ninen o umoi a, man dugo, aben an man Kin tubun amaiak san panu malan te ya. ³⁶ Taidam, onj kabunja dam san yanjan patep lo onsa ru dabai ta pani na wa, man dugo, onj gumura roun ta ganep milkouk boi bilkas boi ilasa san tia ya. ³⁷ Nek 'awok' ubol a, tia dop, 'tia' ubol a, an mi idaisuda ya. Onj mel ta suguan taida gane tap, kagin an san fun man, ilo sou saiak a ilo lo yen damaiak lo ilasa ya.

Jesus naon pani san manau ipidinai *Luk 6:29-30*

³⁸ "An mel e kubiaen ibol en alon a, 'Malak ta in onj mala san a, agod luok ta in onj luo san a, agodo naon pani wa.' ³⁹ Ak man naj igo jurupaian da, onj tamol a saian an ta wabiani na wa. Tia, saen talpein ta kudanjan won ak igufte tap, nas ak dam bilisa dop dam igufte wa. ⁴⁰ Agod saen muruan ta ninen o talpein ta kot lo injilio waup ante tulek tamol irupaio, 'onjane siot pani.' Ago tap, siot mi ta pani na wa, tia, mel suguan taidam pani wa. ⁴¹ Agod saen yu san tamol ta injanen bioun sinip kilomita kisaek wau wo isoduduno tap, sinip kilomita uraru wau pani wa. ⁴² Agod saen talpein ta mel an tia dop bunawi wo ibol tap, pani wa. Agod saen talpein ta onsa na gubun igane wo dop ta umoi na wa.

Idsad ager bubeid tupidinai a *Luk 6:27-28,32-36*

† 5:25: Jas

⁴³ “An mel e kubiaen ibol en alon a, ‘Onane tura murou ilo pidinai a, ak gug onane ager adi ninedi wo man siai gane wa.’
⁴⁴ Ak man nai igo jurupaian da, ananem ager adi dam bubem apidinai a. Agod ensauta a muruan dupanan dan ninedi wo Anut san na agudani wa. ⁴⁵ An lo dop an man Tamam kumaen panu lo imado dan in san nanun muroun mok ago amado wa. Man dugo, in sen mi in anen ad igane ilasa dugo tamol uyan, agod tamol saian ak sisem ilalan ipidinai da, agod ui iganep tamol sad kagin itaot, agod a sad kagin ta itaot na yan, sad na isi wa. ⁴⁶ Ak dugo, tamolpein a on nibe wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, moni takis njalan tamol adi dam, kagin nek ago mi digane na ya. ⁴⁷ Agod on tura murou mi sad na adian ubol tap, on kagin dugo uyan ak suguan taidam tamolpein aenta ta digane na yan gane di? Gob adi dam kagin nek ago mi digane na ya. ⁴⁸ Amaiak ninen o nek ibol onane Tama lak na yan itaotan igo won, on dam itaota lasap mado wa.

6

Jesus pani san manau ipidinai a

¹ “Kagin gane wo uyan a, onane kagin uyan uyan man tamolpein naod na gane dop lo dilio wo ago ta gane na wa. On ago gane tap, Tama kumaen panu lo imado dan naon ta ipano na wa.

² Fun an ninen o, saen on talpein enti mel aman tia yan mel ta pani wo ilo ibol tap, talpein ta imug mi dinip yaup dugo gane wo dan ninen o tour ta iwi na wa. Tamol balek uraru san kagin diri dan man, ubou ab lo, agod dal te dam, tamolpein dil o kagin naok ago yak digane na ya. Nai rumok jurupaian da, tamol naok an in aned naon idaisuda mi dinane la ya. ³ Ak man saen on tamol filiad tia yak mel ta pidinai tap, onane bani nas an biabi a bani won ak nam gane dan ilon o ta ulefuni na wa. ⁴ An lo dop mianuk lo mi onsa binawek pidinai a. Ago dop lo onane Tama kagin a mianuk lo mi gane yan ile dop, naon ipano wa.

*Jesus gudanek ninen o ipitenanai a
 Luk 11:2-4*

⁵ “Agod saen on gudani wo dop, tamol balek uraru san kagin diri dan, igo won ta gudani na wa. In ilod ibol dak ubou ab lo, agod dal titin gidigheid ate dam, dugudani wo dutur dop lo tamolpein diliai o digane da. Nai rumok geig jurupaian da, in naon nek an mi dinane wa. ⁶ Ak man saen on gudani wo dop onane galun lo ladup, dalawan futani gup, mianuk lo mi Anut enti a sen imianig imado dan san na gudani wa. Ago dop Tama enti a mel ta mianuk lo yen ak gug, in kuai te mi ile dan, naon ipano wa.

⁷ “Agod saen an agudani man, nek ibol gob adi igo njene kawan ak ta afuti na wa. Man dugo, insad njene wei mi dubol dan lo mi Anut kududon igure wak ago dubol a. ⁸ Nek ibol in dugudani dak igo won ago ta agane na wa. Man ata wo? Gamugo onane Tama sumiani dop mel a ninen o umat pe sumiani wo dan in ilon la ya.

⁹ Fun an ninen o an igo agudani wa.

O Bai, on did lo mado da.

Onane yan gun migane da.

¹⁰ Onane kagin panek idu ipalu wa.

Onane awa mi muri mupani wa,

tan na nek ibol did lo digane dak ago mi a.

¹¹ Gamu nal en san anan panama wa.

¹² Mansama gubun on lo migane yan pasi yau a,

nek ibol aenta sad gubun man lo diganeg mupasi dak ago mi a.

¹³ Man kubianek lo madu san an lo ta giniana na wa.

Tia, Satan tuon lo patuma pasi wa.

¹⁴ Man dugo, an tamol ta sad aupasek apare idu tap, Tamam lak na yak ansiganem aupasek dam ipare idu wa. ¹⁵ Ak gug aenta sad aupasek ta apare idu na tap, Tamam ansam aupasek dam ta ipare idu na wa.

Jesus anan geg pani san ninen o manau ipidinai a

¹⁶ “Saen on gudanek san dabai nane wo anan lo geg gane tap, nao san leil ta ganep saian na wa, nek ibol tamol balek uraru adi digane dak ago mi ta gane na wa. In naod diganep saian dop aenta dil dop dubol a, ‘in anan tia ditor da.’ Nai rumok jurupaian da, in aned naon idaisuda mi dinane la ya. ¹⁷ Ak man saen on gudani wo anan lo geg gane

tap, usug pe nao kubune wo uyan a. ¹⁸ Ago dop aenta oŋ anan lo geg gane yan ta dulon na wa. Ago dop Tama mi ilio dop, in mel mianuk lo ile dan, naon ipano wa.

Filian kumaen panu lo dien da
Luk 12:21,33-34; 11:34-36; 16:13

¹⁹ “An tan en lo filian tubun mok afuti wo urat maeg ta agane na wa. Fun dugo, ente man kadum diani wak, teirteir dam malad dusue wak, gumagam dam ab digilep diladup digam a. ²⁰ Ak man kumaen panu lo mi filian afuti wa. Aben an ate kadum ta diani na wak, teirteir dam malad ta dusue na wak, agod gumagam dam ab digilep diladup ta digam na wa. ²¹ Man dugo, aben a oŋane filia ate yen dan, nek aben an mi lo oŋane ilo tini fidian dam antem yen a.

²² “Oŋane mala man tini san lilaman. Saen oŋane mala uyan tap, tini fidian mi igane ilalan a. ²³ Ak man saen oŋ mala saian tap, tini fidian geig an tidom tubun da awan isa wa. Aria, saen lilaman oŋ lo yan tidom tubun oŋ tap, tidom tubun an bilkas geig a.

²⁴ “Tamol ta gurman uraru mi nal kisaek lo mi awad yabi san tia ya. In ago igane wo igane tap, in kisaek o lian ninen o imat dop, turan ile sisaian a. Tia dop, kisaek o lian ilon ipani dop, turan patun ipani wa. Nek ago mi oŋ Anut moni da sisem uri san tia ya.

Ilo ta muruan na wa
Luk 12:22-31

²⁵ “Nek an ninen o ŋurupaian da, anŋsam madok ninen o ilom ta muruan na wa. Mel ani wan ninen o, mel aluk san agod biouŋ tinim san an ninedi wo ilom ta muruan na wa. Ak dugo, anan an mel tusan dugo ŋutumi an mel tubun ak i? Aria, taida mi, biouŋ tinim san an mel tusan dugo tinimi mok an mel tubun ak i? ²⁶ An ninen o kuseŋ eil, in anan ta dupae na da, in anan disinip anan ab lo ta dutumani na da, ak man Tamami kumaen panu lo amaiak inaned anan ipidinai da. Ak dugo, Anut malan lo kuseŋ mel tusan dugo an mel tubun geig ak i? ²⁷ Ak dugo, an lulunam lo talpein ta ilon weiwei dan lo nal taidam ka imado wak i? ²⁸ Agod an ata wo biouŋ direk san ninedi wo ilom muruan dak i? Garaj san kakak

dugo wonŋ disa dak ilom isou a. Kakak an urat ta digane na dak, agod inaned biouŋ dam ta diwei na da. ²⁹ Ak man ŋai ŋurupaian da, gidad Solomon damag siŋaokan ak dupani bo man, inŋsan leil man kakak an san leil igo tia ya. ³⁰ Aria, Anut garaj san kakak san leil iganep siŋaokan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam tusan a, ak dugo, an dam biouŋ tinim fo ta idiri na wak i? ³¹ Amaiak ninen o ilom muruan pe ‘ata tani wak i?’ tia, ‘ata taluk ak i?’ tia, ‘ata tinid san biouŋ oŋ tidiri wak i?’ ago ta abol na wa. ³² Man dugo, gob adi mel an fidian abanan diabi dutor da. Agod ananem Tamami lak na imado dan mel dugo ninedi wo amat dan in fidian ilon pasik a. ³³ Gug imug mi man, inŋsan kagin panek lo aladu san, agod inŋsan kagin itaot an dam anane san ninen o maeg agane wa. Ago agane tap, mel an fidian dam anane wa.

³⁴ “Ak ninen o gabulo san ninen o ilom ta muruan na wa, man dugo, gabulo man inŋsen ninen o mi ilon muruan a. Nal anen anen inaned muruan anen anen idaisuda la ya.

7

Aenta bitinaek lo ta dirai na wa
Luk 6:37-38,41-42

¹ “Oŋ aenta biai dudu wo bitinaek lo ta dirai na wa. Oŋ ago ta gane na tap, Anut dam oŋ lo ago ta igane na wa. ² Man dugo, dal kisaek nek a lo, aenta bitinaek lo dirai dan, ago mi Anut oŋ dam lo ago igane wa. Agod saen aenta sad madok bitinae ule man, tou dugo yan lo oŋ aenta pidinai dan, tou nek kisaek an mi lo Anut oŋane madok dam ibitinae ile wa. ³ Dugo wonŋ go metmet samun ta tei malan lo ule gug oŋsigane mala lo ai lapan yen an ta kubiani na yak i? ⁴ En dugo wonŋ tei rupeip ubol, ‘Gane dop metmet samun a mala lo yan ŋupasi yau,’ dugo oŋsigane mala lo ai an nal fidian mi ago yen di? ⁵ Oŋ bale uraru ama ya, imug mi sigane mala lo ai lapan an pasi gup, lo aban ka ule uyanan dop lo tei malan lo metmet samun an pasi yau a.

⁶“Mel gun ak gown ta pidinai na wa. Ago gane tap, gown an didansap tini diburtiti kitiktik a. Nek ago mi onjane koksai bor naod na ta ubal na wa. Ago gane tap, bor njied nam duparfufari wa.

Sumiaen, aban ule, dalawan tuti

Luk 11:9-13

⁷“Sumiaen dop Anut ipano wa, aban ule dop ule wa. Dalawan tuti dop ipasi pano wa. ⁸Man dugo, talpein a isumiaen dan inane wa, talpein a iban ile dan ile wa, agod talpein a iladu wo isumiaen dan, Anut dalawan ipasi pani wa.

⁹“Enti an lulunam lo nanun bret o isumiaen dop pat ipani wak i? ¹⁰Tia dop, iy o isumiaen dop mot wagai ak ipani wak i? ¹¹Fun an ninen o gidad onj tamol saia bo man, nanu murou mel uyan uyan ak pidinai o ulon a. An ninen o mel uyan uyan ak sapita taida dop onj Tama kumaen panu lo yan tamolpein a dusumiani dan ipidinai ak i? ¹²Ak ninen o mel fidian lo kagin tamolpein aenta dukubiai pano wo ilo ibol dan, kagin nek an mi onj dam imug mi kubiai pidinai a. Ago agane tap, kagin naok naok nek a kubiaen lo ibol an, agod profet sad ru kubiaen durupaian an dam ibulumai a.

Dalawan ipipiani aman

Luk 13:24

¹³“Dalawan ipipiani* aman an lo mi aladu wa. Man dugo, dalawan a pitininek aben lo yau an man tubun geig a, agod san dal dam nek ago mi a, agod tamolpein a dalawan amaiak lo diladu dan man wei kasik a. ¹⁴Ak man dal a kumaen aben lo yau dan man ta pasauman na ya, agod san dalawan ipipiani aman a. An ninen o tamolpein kisaek kisaek mi dal amaiak dile da.

Ai ta nunon an da

Luk 6:43-44; 13:25-27

¹⁵“Profet sewak an ninedi wo kagin agane wa. Inj tinidi sipsip sunulon nam dubuluwi dop lo mos nam ansam na dupalu wa, ak man tinidi ilon lo man inj nek ibol gown kasik yai ided geig ak igo wonj a. ¹⁶Injad urat nunon digane ilasa dan te gup sad bunud lo ale alon ak inj tamol naok

ago ya. Ak dugo, ka tamolpein ai dudurun anda yak lo anjar nunon dinjane wak i? Tia, nom lo fud nunon dinjane wak i? Tia geig a.

¹⁷Fun an ninen o saen ai ta uyan tap, san nunon ifu ilasa man dam uyan mi a. Ak man saen ai ta saian tap, san nunon dam saian a. ¹⁸Ai uyan ak lo nunon saian ak ilasa san tia ya, agod ai saian ak lo nunon uyan ak ilasa san dam tia ya. ¹⁹Saen ai ta nunon ta ifu uyan na tap, ai an ditare idup dubal yai fo isuda wa. ²⁰Nek dal an lo mi sad naok naok dugo sad kagin lo igane ilasa dan te, inj tamol naok dugo yan an ale alon a.

²¹“Tamolpein a naj durupaiag pe ‘O Tubun ak, O Tubun ak’ igo dubol dan lulunad lo, aenta Anut san kagin panek lo diladu san tia ya. Tia, tamolpein nek a naisag Tamag kumaen panu na imado dan san ilon dugo yen dugo durid amaiak mi diladu wa. ²²Nal an lo tamolpein wei mi durupaiag pe dubol a, ‘O Tubun en, O Tubun en, man onj yanja lo profet ru mabol ilasa ya, onj yanja lo ur saiak saiak tamol ilod lo mukudai diau a, agod onj yanja lo dam urat dababai anda yan wei mi migane na yan ta ulon na i?’ ²³Ak gug naj nurupidaip njabol a, ‘Nai nal fidian an ta njalon na ya. An kulob saiak saiak san tamolpein, abisawag pe sen alasa!’

Ab bek ta san kankan milaen inj ab bek ta san kankan njieo ak da

Luk 6:47-49

²⁴“Ak ninen o talpein a naisag ru ilon pe awag kagin ipani dan, inj nek ibol manjau tamol ab yabi wo dugo bag san gib kuror mi yabig, pat nam bag fun isueg sakar ak igo wonj a. ²⁵Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. ²⁶Ak man talpein ru e njabol den ilon gug awag kagin ta ipani na dan, inj man nek ibol njieo tamol igo ya, inanen ab yabi wo dugo gib ta yabi nag, lul fufu mi yabi ak igo wonj a. ²⁷Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitininek man saian geig a.”

* **7:13:** Ipinima

²⁸ Saen Jesus tamolpein sad na mel e fidian ibol se yen igane itout man, inſan dal dugo lo maſau ipidinai man dileg maladi ifure idu ya. ²⁹ Fun dugo, in nek ibol inſad kubiaen san girek maſau adi igo won maſau ta ipidinai se na ya, tia, tamol tubun yanjan anda yak on ipitenjanai se ya.

8

Tamol ta tinin lepra yafutani a *Mak 1:40-45; Luk 5:12-16*

¹ Saen Jesus did an fo idu dugo tamolpein wei mi njen aban diri se ya. ² Ago dugo tamol ta tinin lepra yafutani an ipalug Jesus naon na turun isaluwig irupei, “O Tubun ak, on ilo ibol tap, nai kubuniag pe tinig ikok ilasa da wa.” ³ Agog Jesus banin iwateg isupurig ibol, “Ubol agom nai ilog ago yen da, ikok lasa.” Agog tamol an tinin ikok ilasa kisaek on a. ⁴ Ago dugo Jesus irupeig ibol, “Kagin gane, kulob ilasa yen njen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onjane subam itout a.”

Rom yu gurman san ilo rumok *Luk 7:1-10*

⁵ Jesus Kaperniam na yaug saen iladu wo dugo Rom san yu gurman ta inſan na ipalug binawek ipani wo imosiai a. ⁶ Ago dugo irupeig ibol, “O Tubun en, naisag urat tamol ta subam ifunig ab lo yen da. Nien banin imat dugo madai tubun kasik lo yen da.” ⁷ Agog ru naon irupeig ibol, “Nai npupalup nukubune wa.” ⁸ Ak gug yu gurman an ru naon irupeig ibol, “O Tubun en, on naisag ab lo ladu san man nai yanjan tia ya. Ru mi ubol dop lo naisag urat tamol uyan isusa da wa. ⁹ Man dugo, nek onse ago mi, nai dam tamol aenta waged lo urat njigane da, agod naisag yu tamol adi paeg na dumado da. Saen nai yu tamol ta ‘wau’ nabol tap, in yau a. Tia, ta ‘palu’ nabol dop in ipalu wa. Tia, naisag biabi njalan ta ‘igo gane’ nabol dop, in igane wa.” ¹⁰ Jesus ru an ilon man, irut saian geig a. Agog idansag tamolpein a njen aban diri se yan irupidai, “Rumok geig nurupaian da, tamol ta ilo rumok naok igo yak aman da Isrel ilon lo njile man tia

ya. ¹¹ Nai nurupaian da, tamolpein wei mi ad ilasa dak ate, agod ad idiau dak ate dam dupalup Abraham, Aisak, agod Jakob dida dutumanip, Anut san kagin panek aben ante sisem dumasip, soubul san anan diani wa. ¹² Ak man Anut inſan kagin panek aben san tamolpein injal pe yabiau patun fo dilasa dop tidom tubun lo mi dumado yau a. Aben ante man tamolpein tinan digane dop madai lo luod dugurmi wa.” ¹³ Agog Jesus yu gurman an irupei, “Waup, nek ibol on ilo rumok ama da ago mi, nai dam nek ago mi njigane wa.” Saen Jesus ago ibol go itout man, biabi njalan an uyan isusa kisaek on a.

Jesus tamolpein wei mi ikubuniaig uyan dilasa ya

Mak 1:29-34; Luk 4:38-41

¹⁴ Pita raon subam ifunig tinin dam wananan go, gadab fo inſiganen ab lo diganeg yen se ya. Saen Jesus ab an lo iladu man, pein an yen dugo ile tag ¹⁵ banin iwateg pein an banin yabi a. Agog pein an tinin ibubarum kisaek on dugo subam an ibisei a. Agog imasa itur go anan ikubuneg Jesus kagin ipani a. ¹⁶ Aria, saen gurai isi dugo, tamolpein a tinid ur saian saian amad da yan dinjal dupalu ya. Ago dugo Jesus ru ta dabai anda yak lo ur saian an fidian ikudai diau a, agog tamolpein subam amad da yan dam ikubuniaig uyan dilasa pasik a. ¹⁷ Jesus kulob a igane yan lo awak aban ta profet Aisaia ibol an nunon ilasa ya, “In idsad muruan injal go inanen tinin nam idsad subam isini a.”

Jesus awan tiri san muruan *Luk 9:57-62*

¹⁸ Saen Jesus tamolpein wei mok dubuluwi dugo yil an, inanen megeloum adi wog nam you aen ate diau wo irupidai a. ¹⁹ Agog kubiaen san girek maſau ta sinjiren na ipalug irupei, “O Girek Maſau, on dugon te wau o dan, nai dam ate tau a.” ²⁰ Gug Jesus ru naon irupeig ibol, “Goun kasik in wur amad da ya, anakanak dam wur amad da ya, gug Tamol Nanun njen o man aben ta ate kabunan igansip njen yabi san o man tia ya.” ²¹ Agog tamol ta in njen aban iri an irupeig ibol, “O Tubun en, umoi dop naupt, tamag nisare gup.” ²² Ak man Jesus irupeig

ibol, “Njeg aban uri wa. Tamolpein a n̄tudi imat la yan bisawai dop in̄siganed tubabun ka disiriai a.”

*Jesus in̄neṅ dugo beig tim da dutokubol a
Mak 4:35-41; Luk 8:22-25*

²³ You lo dupalug Jesus imug wog lo isuda gug in̄anen megeloum murna disudag diyawai diau a. ²⁴ Agog you titiṅaem dumado dugo tim tubun ak ifure ya. Ago dugo you tubun geig imasag wog ilon lo iladu bo man Jesus n̄ion yabi se ya. ²⁵ Agog diaug Jesus dufufunig dubol, “Tubun ak binawam, tadeg tau o sumeik da.” ²⁶ Agog irupidaig ibol, “O aṅ tamol ilo rumok amam nanunan, ata wo arer dak i?” Agog imasa itur go tim tamun da ipidai man, tim ifure na yan itout dugo you malin idu geig a. ²⁷ Saen in̄san megeloum ago dile man malad ifure idu dugo sed nug dusumianig dubol, “En so tamol ta igo yak i? Gidad you tim da dumasa yak dubo man awan duloṅ a.”

*Jesus tamol uraru tinid ur saian saian
anda yak ikubuniai a*

Mak 5:1-20; Luk 8:26-39

²⁸ Jesus wog nam you aen ate ipalu dugo aban ta Gadarin tamolpein dumado dak ate disasau a. Aben ante tamol uraru tinid ur saian saian anda yak mutou aben lo dumado se ya. Uraru an yaieded nuṅon a, an lo tamolpein niṅedi wo tubun mi direr dugo aben ante ta diau na da. Saen Jesus sumeik ipidinai man mutou dibiseig diaug naon na dilasa ya. ²⁹ Ago dugo tubun mi disasai dugo duwagin go dubol, “O Anut Nanun, oṅ mel ta maṅ lo i? Dag in̄san saen mok gamugo ilasa wo dugo, maṅ imug madai tubun ak panama wo palu i?” ³⁰ Aria, in̄ dumado dak ate kitekan asau man, bor malan tubun geig ak dunuaen se ya. ³¹ Agog ur saian saian an Jesus san na dumosiag dubol, “Gidad oṅ tamol uraru en ilod lo kudama tap, diramap maup bor malan tubun an tinid lo miladu wa.” ³² Agog in̄ irupidaig ibol, “Au.” An lo man, ur saiak saiak dilasag diaug bor tinid ilon lo diladu ya. Ago yan lo bor fidian dumasag, dumaspalug diaug damab aen te dudug you duluk go dumat pasik a. ³³ Tamol bor kagin dupidinai dan disol go dumaspalu oṅ panu

lo diaug mel ilasa yan ninen o tamolpein durupidaig duloṅ a. Agod tamol a ur saiak saiak ditirni na yan mel dugo in̄ lo ilasa yan dam ninen o dubol go duloṅ a. ³⁴ An lo man, panu an san tamolpein fidian direr go Jesus dile wo dupalu ya. Saen dupalug dile man in̄aned aben ibisei wo dusumiani a.

9

*Jesus tamol n̄ien banin ikikai ak ikubune
ya*

Mak 2:1-12; Luk 5:17-26

¹ Jesus wog fo isudag you ituteg aen ate siganen taun lo yau a. ² Ante tamol ta n̄ien banin fidian ikikai aman ak kapal anda disinig Jesus san na dupalu ya. Agog saen Jesus in̄aned ilo rumok ile man, tamol an irupeig ibol, “O ṅai nanug, se ilo wabisa; ṅai oṅane aupasek fidian ṅusuas yau la ya.” ³ Ago dugo kubiaen san girek maṅau aenta in̄ awan duloṅ man ilod lo mi dubol se, “Tamol an Anut lo ru kukok igane da.”

⁴ Ak man Jesus in̄ kankan dugo digane se yan fidian ilon pasik an lo irupidaig ibol, “Aṅ ata wo ilo saiak saiak ilom lo agane dak i? ⁵ Ata mel pasauman ak i? Aria, ṅai igo ṅabol, ‘Oṅane aupasek ṅupasi yau wo?’ Tia, ‘Masap kapal wabisap utur o?’ ⁶ Gug kulob e ṅigane en lo, ṅai Tamol Nanun, tan en lo Anut wagen lo aupasek ka ṅupasi yau amaiak aloṅ o ...” saen ago ibol man, tamol a n̄ien banin ikikai aman ak irupei, “Oṅ masa utur pe oṅane kapal ṅanep oṅsigane na wau.” ⁷ Agog tamol an imasa itur go siganen ab lo yau a. ⁸ Aria, saen tamolpein a Jesus dubuluwi an kulob ago dile man, dirut saian go Anut yaṅan diabisa ya, man dugo, in̄san dabai naok ago yan tamol ta ipanig, an lo tamol n̄ien banin ikikai ak ikubune ya.

Jesus Matyu iwagi a

Mak 2:13-17; Luk 5:27-32

⁹ Jesus kitekan taida yaug ab ta, ate moni ṅilaṅal tamolpein sad na takis diṅane dak ate ilasa ya. Ate man takis ṅilaṅal tamol ta imasig imado dugo ile ya. Tamol an yaṅan Matyu. Agog irupei, “Njeg aban uri.” Agog Matyu imasag n̄ien aban iri a.

¹⁰ Murnag saen Jesus Matyu san ab lo imasig imado dugo sisem anan diani man, takis nilanjal wei mok, agod tamolpein aenta wei mi a Farisi adi ninedi wo “aupasek tamol” dubol dan dam, dupalug dumasig Jesus inanen megeloum dida sisem anan diani a. ¹¹ Saen Farisi adi ago dile man Jesus san megeloum dusumianai, “En ata wo anjam girek manau takis nilanjal, agod aupasek tamolpein dida sisem anan diani daki?” ¹² Ak man Jesus insad sumiaen ago ilon man irupidaig ibol, “Tamolpein a uyadi ak dokta san na ta diau na da, tia, tamolpein subam anda yak mi diau da. ¹³ Alasa aup girek en ilom isou uyan dop san fun alon mok a, ‘An ilo uyan apanag an ninen yai agane panag o ilog ta ibol na ya, tia, an aenta ilom imunanai o mi njamat da.’ Man dugo, nai tamolpein a itaot adi dubol dak ngiaip dupalu san ninen o ta npupalu na ya, tia, aupasek tamol adi mi ngiaia o npupalu ya.”

Jon san megeloum anan san geg ninen o dusumiaen a

Mak 2:18-22; Luk 5:33-39

¹⁴ Agog Jon san megeloum Jesus san na dupalug dusumiani, “Man agod Farisi dida nal kadi anan lo sema geg ipanama da, ago gug ata wo onsigane megeloum anan lo geg ta digane na dak i?” ¹⁵ Agog Jesus irupidaig ibol, “Tamol ta iwon da sad nug nanek san saen an ilom isou a. Ak dugo, saen tamol an inanen turan muroun dida dumado dan, wali diganep lo ilo muruan amad da dumado wo ago digane wak i? Tia geig. Gug nal ta ipalu dan te man, nug nanek san tamol an naon atna tia wa, nal an lo gup wali digane dop ilo muruan lo ditata wa.

¹⁶ “Tamol, yamel kilaken ta ikukuik* na yan irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop afon irasire dop daon ipani wa. ¹⁷ Agod tamol dam wain foun ak bilelek sunulon wagam ak lo ta diwali na da. Man dugo, ago digane tap, wain foun an iganep bilelek sunulon wagam an ikafut yaup ipuk dop, wain ikulmaek pe tan fo idu dop,

* 9:16: Ikukup isuda

bilelek sunulon dam daon ipani wa. Fun an ninen o in wain foun ak bilelek sunulon foun ak lo mi diwali da, ago dop bilelek sunulon an in wain da sisem ka uyanan mi dien yau a.”

Kubakan ta imat ak in pein ta subam anda yak da

Mak 5:21-43; Luk 8:40-56

¹⁸ Saen Jesus mel an sad na ibol ilasa dugo, gurman ta san na ipalug nien fun na turun isaluwig irupeig ibol, “Naineg nanug pein gamu na geig imat a, ak man on in san na palup bani kabunan fufo gane tap man, kumaen ilasa da wa.” ¹⁹ Ago tag Jesus imasag inanen megeloum dida nien aban dirig diau a.

²⁰ Gug saen dal durig diau man, pein ta subam anda imado se yan nien aban irig yau se ya. Pein an ananar 12 siganen dar tinin ilon lo yak ilasa se ya. Aria, in Jesus patun fo yang sumeik man banin iwateg in san kulos bitinen isupuri a. ²¹ Man dugo, in imug mi siganen ilo sou lo ago ibol, “Nai banig inanen kulos mi nsupuri tap, inanen dabai ikubuniag a.” ²² Saen inanen kulos isupuri man, Jesus idansag ileg irupeig, “O nanug pein, ilo wabisa, onsigane ilo rumok nai lo yan ikubunio ya.” Ago ibol man pein an tinin nek saen ante mi uyan ilasa kisaek on a.

²³ Saen Jesus gurman an san ab ate ilasa man, ilon lo iladu ya. Ante man tamol suduk duwi dugo, tamolpein ditata wo dutumani an, lilihan tubun mok diganeg dumado dugo yil a. ²⁴ Agog irupidaig ibol, “Alasa au, man dugo, pein baras an ta imat na ya. Tia, in nion yabi da.” Ago ibol man disel on dugo kukok an digane se ya. ²⁵ Ak man Jesus imug tumanek malan an ikudaig kuai te dilasa, agog pein baras an san galun lo iladug banin te yabi a. Saen yabi man pein baras an imasa ya. ²⁶ Agog kulob e igane yen san ninen an dinaneg aben tubun an san titin fidian lo dubol itiliani a.

Jesus tamol malad itau agod tamol awan itau ak dam ikubuniai a

²⁷ Jesus aben an ibiseig yau dugo tamol uraru malad itau an nien aban duri se ya.

Inj tubun mok disasai dugo duwagin se, “O Dawid Nanun, gidad ilo panama wo!”
²⁸ Saen Jesus ab ta lo iladu man, tamol uraru malad itau an ate san na dilasa ya. Ago tag irupidaig ibol, “Ak dugo, ηai kulob e ηigane san an ilom lo rumok ak i?” Go inj durupe, “Awo, O Tubun ak.”
²⁹ Agog Jesus uraru an maladi isupuri dugo ibol, “Ananem ilo rumok iri panim nek ago mi an o ilasa wa.”
³⁰ Agog maladi uyan ilasag aban dile uyan a. Ak gug Jesus ru dabai nam ru kagin igo irupidai, “Kagin agane wa, talpein ta kulob e ilasa yen dulon o ta arupidai na wa!”
³¹ Ak man dibiseig diaug ηinen an aben fidian distrik an ilon lo dubol ditiliani se ya.

³² Saen Jesus inanen megeloum dida ab an dibisei man, tamol awan itau ak ta dijaneg san na dupalu ya, man dugo, tamol an ur saiak ilon lo imado na ya.
³³ Jesus tamol an ilon lo ur saiak an ikudi man, tamol an ininen kisaek on a. Agog tamolpein a dutumanig dumado dan kulob an dileg durut saian go dubol, “Mel tutubu naok ago yak imug mi Isrel na ta ilasa na ya.”
³⁴ Ak man Farisi adi dubol, “Ur saiak sad gurman inanen tuon nam ur saiak tamol tinid ilon lo yak ikudai da.”

Urat tamolpein wei an tia ya

³⁵ Jesus panu fidian agog taun fidian lo itilianig itor se ya. Inaned ubou ab fidian ilod lo ipitejanai go aben gidigheid lo Anut san kagin panek an san bilalun uyanan ak ninen o ibol ilasa se ya. Agod subam naok funfun an fidian dam ikubunia na ya.
³⁶ Saen tumanek ile man, ilon lo tubun mok imunanai a, man dugo, inanen malan lo gown kasik tamolpein an dirasisirai ak igo won a, agod tan fufo dudug dabai amad tia yak dien dak igo won a. Nek ibol sipsip sad muroun tia yak ago mi dumado se ya.
³⁷ Agog Jesus inanen megeloum irupidaig ibol, “Anan wei mi ibes pasik a, ak man sinek san tamol wei an tia ya.”
³⁸ Amaiak ninen o ananem gadin lo man, an sinek urat san muroun asumiani dop inj ka sinek san tamol wei mok injal pe idinaip, anan dutumani wo, inanen abi lo diau a.”

10

Jesus inanen megeloum urat digane wo manau ipidinai a

Mak 3:13-19; 6:7-13; Luk 6:12-16; 9:1-6

¹ Jesus inanen megeloum 12 an igiaig siniren na dupalug dabai ipidinai a. Ago yan lo inj wagen lo ka ur saiak saiak tamolpein ilod lo dukudai diau a. Agod dam ka subam funfun dukubunia idu wa.
² Aposel 12 an yanadi igo ya, imug an Saimon, tamol an yanjan neinta Pita dubol dan, inj tein Andru da. Tinin te Jems inj Jon da Sebedi nanun muroun.
³ Filip, Bartolomiu, Tomas, Matyu tamolpein sad na moni takis isi dan, Jems Alfeus nanun, agod Tadaeus.
⁴ Saimon neinta inj Rom san yu tamol sad ager, agod Judas Iskeriot tamol an murnag Jesus ager tamol banid lo igane yau a.

⁵ Jesus tamol 12 en idinaig ru dufulale wo diau a. Inj igo digane wo irupidai a, “An tamolpein Juda tia yak sad tan lo ta au na wak, agod taun dugon Samaria sadi dam lo ta au na wa.”
⁶ Tia, sipsip a dideg diau san dumado dan Isrel sad warou lo dilasa yan sad na mi au a.
⁷ Atiliani ator dop igo abol ilasa wa, ‘Anut san kagin panek ipalug sumeik la ya.’
⁸ Subam ifu an akubunia, dumat la yan afufunaip dumasa wa. A tinid lepra amad da yan akubuniaip tinid afon uyan ilasa da wa. Agop ur saiak saiak tamolpein ilod lo yan akudai diau a. An ηaisag dabai sen kawan anane amaiak ninen o, tamolpein dam moni tia kawan akubunia a.
⁹ An moni dam ta asini na wa. Pat naon ibol gol boi ta silva boi ta kopa ago won ananem let lo iyuk dan ta asini na wa.
¹⁰ Au wo dop turen san badam ta asini na wak, madid san kulos taidam ta asini na wak, sendal dam ta anane na wak, agod makud dam ta anane na wa. Man dugo, a sad na urat agane wo dan anan lo dibinawan san man uyan a.

¹¹ “Agog saen panu ta boi, tia taun ta boi lo aladu wo dop asumianai a. Ago dop enti tamol uyan an dubol alon gup, aup, tamol an da amado na gup, abisei dap, au a.
¹²⁻¹³ Agog saen san ab lo aladu wo dop, bar maror san an tamolpein ab an lo dumado dan ninedi wo agudani gup, aladu wa. Saen

tamolpein an ilo uyan lo digian tap, bar an in da dumado wa. Ak man saen in ta digian o uyan na tap, bar an apasi anane da wa. ¹⁴ Ak gug saen tamolpein aban an ate patud dupanan boi, tia, an sam ninen ta dulon na tap, niem fo gufgaf afuni idu gup, ab boi, tia, aben boi, an abiseip au a. ¹⁵ Nai ru en rumok geig nurupaian da, saen nal a lo Anut tamolpein ibitinae san ilasa dop, aben an san tamolpein muruan tubun geig ak ipidinai a. Agod inaned wadan naon an taun Sodom in Gomora da sad wadan naon an irinani geig a. ¹⁶ Alon sirjaokan, nek ibol sipsip in goun kasik lulunad lo dutor dak igo won, nai an ndinan pe tan en san tamolpein naod na au o da. Ago yak ninen o mot igo won aban ale wo uyanan a, gug ananem turen lo nek muluk on mos kagin lo mi ator a.

Murnap muruan wei mi dilasa wa

Mat 24:9-14; Mak 13:9-13; Luk 21:12-19

¹⁷ “Tamol ninedi wo kagin agane wo uyanan a, man dugo, tamol an dsubanan dop dijilian pe inaned tumanek lo dibitinan o dugunan a, agod Juda sad ubou ab lo rasau nam dufunan a. ¹⁸ Tamolpein an nai nineg o dibian dop dirian on dijilian pe tamol gurman in kin da naod na atur a. Ago yan lo in naod na, agod gob fidian naod na dam, ananem ilo rumok nai o kuai tem ka abol ilasa wa. ¹⁹ Aria, saen ager banid lo didiran dop, ru dugo abol man ninen o ilom ta muruan na wa, ru naok dugo yak arupidai an dam ninen o ilom ta saian na wa. Man dugo, saen nek an lo ru a arupidai an Anut san Urgun ipanan a. ²⁰ Man dugo, ru a ubol dan onsa mi tia ya. Tia, onane Bai Anut anen Ur, in sen mi on awa lo inin da. ²¹ Tein ta inanen tein ager banid lo iganep dufuni imat a. Taman ta dam nanun muroun lo ago igane wa. Nanuk dam tinan taman patun ipidinaip ai katuk banid lo idiraip dufu dumat a. ²² Agod tamolpein fidian nai nineg o an lo siai digane wa. Ak gug enti a muruan en fidian lo itur sakar on yaup inanen wadan idu dop, nai talpein an njanep patun npasi wa. ²³ Saen panu ta ante muruan dupano tap, usol pe panu turan ate wau a. Nai rumok nurupaian da, an panu fidian Isrel

ilon lo yan ate gamugo au itout dop, nai, Tamol Nanun, namul npalu wa.

²⁴ “Nanuk manau inane wo dan, in san girek manau ta irinani na da. Agod urat tamol dam inanen tirnek ta irinani na da. ²⁵ Nanuk a manau inane dan siganen girek manau igo won ilasa tap, an idaisuda ya. Agod urat tamol siganen tirnek igo won ilasa tap, an dam idaisuda ya. Ak dugo, ab muroun in Satan dubol dak ago tap man, sapta taida dop ab muroun an san gugoi lo uf ru dupidinai ak i?

Tamol Anut mi ninen o irer a

Luk 12:2-9

²⁶ “Amaiak ninen o an tamolpein naok ago yak ninedi wo ta arer na wa. Man dugo, mel fidian gamu dufutanig dien dan murnap walal te dilasa wa, agod mel fidian gamu mianuk lo didiraig dien dan dam, murnap Anut iganep id fidian talon a. ²⁷ Ru tidom tubun lo nurupaian dan, ad lo abol ilasa wa. Agod ru dugo kisikisik lo alon dan, ab fun fufo atur pe awam tubun mi abol ilasa dop fidian dulon a. ²⁸ Agod tamolpein a on tini dufuni imat gug, on ntu dufuni imat san ta idaisuda na yan ninedi wo ta urer na wa. Tia, gidad enti a on tini ntu sisem Ades lo daon ka ipidinai san dabai aman da yan ninen o mi urer a. ²⁹ Ak dugo, kusen uraru didaen san an sapita yak i? Nek toea kisaek o lian a. Ago bo man, onane Bai ilon ago ta yen na tap, kusen an dumat pe tan na dudu san tia ya. ³⁰ Nek gurma roun san sutek Anut ilon pasik a. ³¹ Amaiak ninen o urer umoi. Anut malan lo onane naon lak na geig a, naon an kusen wei mi sad naod irinani geig a.

³² “Talpein ta tamol naod na in naisag ago ibol tap, nai dam Tamag kumaen panu na yan naon na natur pe nabol ak in naisag a. ³³ Ak man talpein ta tamol naod na in naisag tia yak ago ibol tap, nai dam Tamag kumaen panu na yan naon na in naisag tia yak ago nabol a.

Jesus tan na ilasa yak san fun

Luk 12:51-53; 14:26-27

³⁴ Kabelan nai maror tan en lo nigan ilasa san npalu yak ago ilom isou banau. Tia, nai muruan ale yau o an lulunam lo

ɲupalu ya. ³⁵ Man dugo, ɲai ɲupalu san fun man igo ya,

‘nanuk dimasap tamadi lo siai digane wa, nek ago mi nanudi pein dimasap tinadi lo siai digane wa.

Nek ago mi, nanuk pein dam dimasap iraodi lo siai digane wa.

³⁶ Tamol san ager mok man, siganen gugoi ilon lo mi a.’

³⁷ Talpein ta tinan taman niɲedi wo tubun geig imat gug, ɲai o tubun mi ta imat na tap, talpein naok ago man in ɲaisag talpein ilasa san an ta idaisuda na ya. Agod talpein ta nanun muroun niɲedi wo tubun geig imat gug, ɲai o tubun mi ta imat na tap, talpein naok ago yan dam ɲaisag talpein ilasa wo ta idaisuda na ya. ³⁸ Agod talpein siganen aigim fufo imat an isinip ɲieg aban ta iri na tap, in dam ɲaisag talpein ilasa san ta idaisuda na ya. ³⁹ Talpein a siganen madok yabituani dan, madok mok a kumaen panu lo yan banin lo ideg yau a. Ak man talpein ta ɲai niɲeg o siganen madok tan san an banin lo ibisei yau tap, madok yen yau san an inane wa.

Id aenta tibinawai tap, naon uyanan ak tinane wa

Mak 9:41

⁴⁰ “Talpein enti uyan ipanap tap, ɲai dam uyan ipanag da. Agod in a uyan ipanag dan, a idinag go ɲupalu yan dam uyan ipani da. ⁴¹ Talpein ta in profet ta ilon gug profet an uyan ipani tap, in profet sad urat naon inane wa. Nek ago mi, talpein ta in tamol itaot ak ta ilon gug, tamol an uyan ipani tap, in dam tamol itaot aman an san naon inane wa. ⁴² Agod talpein ta nanuk kititik lulunad lo nanuk kisaek o lian, in ɲaisag megeloum ago ilon go, talpein an you bubarum kitek an mi nanuk an ipani tap, ɲai rumok ɲurupaian da, kulob an san naon irinani san tia geig a.”

11

Jesus in Jon suguek san da

Luk 7:18-35

¹ Saen Jesus inanen megeloum ru kagin irupidai itout man, in aben an ibiseig yau a. Yaug aben an san taun gidigidad dien

dan lo sad tamolpein ipitenanai dop Anut san ru ifulale wo itor se ya.

² Aria, saen Jon subanek ab lo imado se man, Kristus urat naok naok igane dan ilon, in siganen megeloum aenta idinaig ru disinig Jesus san na diau a. ³ Ru sinek tamol an Jesus san na dilasag Jon wagen lo ago dubol dusumiani, “Tamol a ipalu san niɲen o man mala nouk mumado dan, on tamol nek amaiak i? Tia, man tamol sen ak ipalu san niɲen o mala nouk mumado wak i?”

⁴ Jesus ilon go ru naon irupidai, “Amul aup mel dugo ale dugo, ru alon na yan dam Jon arupeip ilon a: ⁵ malad itau ak afon aban dile dugo, ɲied saian ak afon turen diabi dugo, a tinid lepra amad da yan tinid sinjakan dilasa ya. Kududod itau ak niɲen afon dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak ɲifulale pidinai dugo dulon da. ⁶ Agod talpein a ɲai o ilon ta saian na yan, in Anut san bar inane wa.”

⁷ Jon san megeloum dumul diau dugo, Jesus Jon niɲen o tamolpein irupidai o fun iganeg igo ibol, “Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i? ⁸ Tia tap, ata wo au ak i? Nag an tamol ta tinin kulos naon lak na geig ak idiri amaiak ale wo au ak i? Tia, tamol a bioun naok ago yak didiri duman, in kin sad ab lo mi dumado da. ⁹ Ak niɲen o ata mel mok ale wo au ak i? Nag profet ale wo boi i? Awo, agod nek amaiak niɲen o ɲurupaian da, profet en man rumok in profet a, ak gug urat subanan taidam da imado da, ¹⁰ tamol nek emaiak niɲen o girek e Anut san ru lo digire idug yen den, igo ibol,

‘Ule, ɲaisag ru sinek tamol ɲidinip, on nao na imug mi yau a.

An lo man onsa dal ikubune wa.’

¹¹ Nai rumok ɲurupaian da, tamol a pein tinæd lo dilasa yan lulunad lo tamol ta kisaek Jon Suguek san irinani man tia ya. Ago bo man, tamol ta Anut san kagin panek aben ilon lo yan aman tia yan, fidian aenta paed na imado dan, in Jon Suguek san an irinani a. ¹² Saen Jon Suguek San

kuai te ilasag yaug saen gamu tumado den lo, Anut san kagin panek aben an sen wagai ikubiani na ya, agod tamol wagai san amaiak silei nam aben an diñane da.

¹³ Man dugo, profet adi agod Moses san Kubiaen dam profet ru lo dubol ilasag yaug saen Jon ilasa yan lo inaned urat itout a.

¹⁴ Agod ninen e njurupaian en ilom lo rumok o ilom ago yen tap, profet Elaija Anut san buk lo in ipalu wak ru ago ibol an man nek Jon ama ya. ¹⁵ Tamol on kududo ama da tap, ru an ulon yunan a.

¹⁶ “Saen en san tamolpein in naok dugo won ak i? In nek ibol nanuk kititik daden aben na dumasig dumado dugo nanuk aenta igo dubol digiai da,

¹⁷ ‘Man an atari wo dum muwi se ya, ak man an ta atari na ya.

Agod maten san saen an san bar mabi se ya, gug an ilom saian dugo atata man tia ya.’

¹⁸ Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, ‘in ur saiak aman da ya.’ ¹⁹ Ago dugo Tamol Nanun dam ipalug anan tubun mi yani dugo you sakar dam iluk da, an ninen o ago dubol, ‘Ale wo, tamol en tunalek tamol, agod lukluk tamol, in man takis nilanj agod aupasek adi dam sad turadi!’ Ak man, kankan a milaen mok amaiak, inanen kagin naok naok an lo mi tamolpein malah lo man itaot geig an ago ikubiai pidinai a.”

Taun funfun a sad tamolpein ilod ta dibili na yan muruan dile wa

Luk 10:13-15

²⁰ Agog Jesus taun ante in san kulob tubu yak wei mi igane se yan ibubunanai o fun igane ya, man dugo, taun an sad tamolpein ilod ta dibili na ya. Agog in igo ibol, ²¹ “O Korasin san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a nai an lulanam lo ngane se amaiak, wagam geig taun Tair agod Saidon dam ante ngane wo tap, taun uraru an sad tamolpein ilod ibilsag, mugun san kulos didirig, yai san utut fo dumasig dumado ya. ²² Amaiak

ninen o nai an njurupaian da, saen Anut san bitinaek san nal ipalu wan lo, urat naon Anut an ipanan an naon senamo geig a, agod muruan an Tair in Saidon da sad urat naon an irinani geig a. ²³ Agod an Kaperniam tamolpein, sem yanam abisap timtaen lo isuda waki? Tia mok, Anut in sen inilian pe au adu dop tan ilon lo aben yan an Ades dubol dan lo idiran pe amado wa. Man dugo, kulob girager a nai lulanam lo ngane yan taun Sodom ante ago mi ngane yak man, gamu taun an yen dop na wa. ²⁴ Amaiak ninen o nai an njurupaian da, saen Anut san bitinaek nal ipalu wan lo, muruan Anut an sam na igane ilasa wo duman, muruan a gubak mi Sodom san aben ante ilasa man irinani geig a.”

An nai sinjireg na apalup yaes abal a
Luk 10:21-22

²⁵ Saen an lo Jesus ago ibol, “O Bai, on kumaen panu agod tan en dam sad Tubun ak, nai on ilo uyan nupano wo da, en ata wo? On melmel en mianaig an lo tamolpein a manau amad da yan, agod tamol kankan milaen amad da yak dam melmel en dulon san tia geig a. Ak gug tamolpein in nanuk kititik on dumado dan melmel en kubiai pidinaig dulon o uyanan a. ²⁶ Awo, Bai, onane ilobol man nek ago ya, an ninen o ilo uyan ak lo on ago gane.

²⁷ “Melmel fidian man naineg Tamag in nai tuog lo idiri a. Tamol ta in Anut Nanun ta ilon na ya, nek Taman in sen mi a. Agod tamol ta in nai Tamag ta ilon na ya, nek naiseg mi, gug nai mi tia ya, tia, tamolpein a naisag ilobol lo mi Tamag nukubiai pidinai o yan in dam ka dulon a.

²⁸ “An fidian urat dabai geig agane dugo ilom isali dan, agod muruan tubun mi asini dan, naisag na apalu dop, nai an tinim yaes ibal uyanan san nupanan a. ²⁹ Naisag urat ananep paen na sem ibian adu dop, nai lo manau anane wa. Man dugo, naiseg mi mos kagin lo numado dugo maror numado da. Ago dop an ntotumi nai lo yaes ibal a.”

³⁰ Man dugo, naisag urat man muruan an tia ya, agod muruan a nupanan dan dam pasauman a.

12

Jesus man ubou nal yanjan Sabat dubol dan san muroun

Mak 2:23-28; Luk 6:1-5

¹ Murnag Sabat nal* lo Jesus kon abi lo itor se ya. Ago dugo inſan megeloum dimatigen, amaiak ninen o inſ kon nuſon aenta dufunig fun diganeg diani a. ² Inſ ago digane dugo Farisi adi dil a, ago tag Jesus durupeig ago dubol, “Ule, urat a Sabat nal lo tigane san ninen o idsad kubiaenſ ipadau amaiak, gamu onane megeloum adi urat an digane da.”

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? Inſ inſanen turan muroun dida kadag† san saen lo ananſ o dumat go, ⁴ Dawid Anut san ab lo iladug, bret a Anut naon na didirig dien an isinig, inſanen yu tamol adi dida diani a. Bret an tamolpein fidian lo geg a, nek Anut san pris mi diani wa. ⁵ Nag anſ ru a Moses san kubiaenſ lo yen dan ta asuti na i? Sabat nal lo pris adi tempel lo urat diganep, saen an lo kubiaenſ a Sabat nal ninen o ibol dan dipilali bo man, muruan amad tia ya. ⁶ Aria, nſai nſurupaianſ da, tamol ta anſ luluſam lo imado dan inſ tempel irinſani geig a. ⁷ Anut san ru igo ibol, ‘Anſ ilo uyan apanag san yai agane wan ilog ta ibol na da, tia, anſ aenta ilom imuſanai o mi nſamat da.’ Aria, anſ ru an san fun mok alonſ uyan tap man, anſ tamol e muruan amad tia yan ta abiai dudu na wa. ⁸ Man dugo, Tamol Nanun man inſen Sabat nal an san muroun.”

Jesus tamol tuwon ikurnjak yau an ikubuneya

Mak 3:1-6; Luk 6:6-11

⁹ Jesus aben an ibiseig yaug, taun ta sinſiren na ilasag, inſad ubou ab lo iladu ya. ¹⁰ Tamol ta tuon ikikirig ikurnjak yau ak ante imado ya. Ago dugo tamol aenta dal abanſ dilep lo Jesus ru dupani san ninen o dusumianig igo dubol, “Ak dugo, idsad kubiaenſ an iliad funad dop subam tamol ta ka ubou nal lo tukubune wak i?” ¹¹ Ago tag Jesus irupidaig ibol, “En dugo, tamol ta anſ luluſam lo inſ sipsip kisaek aman da ya, ak

man sipsip an ubou nal lo gib lo idiau a, an ninen o tamol an inſanen sipsip ta irae isuda na wak i? Man tia ya. ¹² Ubou nal lo sipsip tibinawi wo uyanan tap, sapta taida dop id ka ubou nal lo tamol ta tibinawi wak i?”

¹³ Agog Jesus tamol a tuon ikurnjak an irupe, “Bani wate.” Ago man tamol an banin iwateg foun ikubune dag banin aenta igo mi uyan ilasa ya. ¹⁴ Ak man Farisi adi dumasag ubou ab dibiseig Jesus palanſ an dumari wo diaug dutumani a. Dal dugo man lo Jesus daonſ dupani san ninen o dinſinenſ se ya.

Jesus inſ urat tamol Anut ipiliani a

¹⁵ Ak man Jesus kagin dugo digane wo dan ilonſ, an ninen o aben an ibiseig yau. Ago dugo inſ tamolpein wei kasik iraug dadi diau se ya, ago dugo a subam amad da yan fidian ikubunia i a. ¹⁶ Nal an lo dam inſ ru kagin ipidinaig ibol, “Anſ nſai enti mok an ninen o tamolpein ta arupidai na wa.”

¹⁷ Kagin nek amaiak lo, awak aban ta profet Aisaia ibol an nuſon ilasa ya. Inſ ago ibol,

¹⁸ “En man nſaisag urat tamol, nſaiseg mi nſupiliani a, nſainegeg bubeg mok, inſ ninen o ilog bulbal da.

Nſai nſaisag Ur inſ lo nſigane wa, agod dop inſ tamolpein aben fidian lo dumado dan sad na bitinaek Anut san nag ipalu dan ninen o ibol ilasa wa.

¹⁹ Inſ maeg iganep lo ru ta ikubiai dop iwaginſ na wa.

Taun san dal lo inſanen awan iwaginſ den ta dulonſ na wa.

²⁰ Inſ war roun dabai an tia yak daonſ ta ipani na wa, agod lunſ ided onſ dan ta igane imat na wa.

Ago igane yau onſ dop, nal wadan lo man, tan en san tamolpein kot ipidinai an lo, kagin itaot an imug pe malan te ilasa wa.

²¹ Agod tamolpein a tan titin fidian lo dumado dan inſanen yanjan ninen o tini ganei digane wa.”

* **12:1:** Juda sad ubou nal yanjan Sabat dubol dan man Sarare. † **12:3:** Pitol

Inj dubol ak Jesus inj Satan san dabai lo tamolpein ikubunia se ya

Mak 3:20-30; Luk 11:14-23; 6:43-45

²² Saen an lo tamol ta inj tinin lo ur saiak aman da yan Jesus sinjiren na diñane dupalu ya. Tamol an inj kududon agod malan dam itau a. Jesus ikubineg uyan isusa ya, agog tamol awan itau an ru ibol dugo, malan dam ka abañ ile ya. ²³ An niñen o tamolpein fidian durut dugo ago dubol, “Dag tamol en man Dawid Nanun boi i?”

²⁴ Ak man saen Farisi adi niñen an duloñ man ago dubol, “Tia, ur sisaiak sad gurman yañan Belsebul tabol damaiak, san dabai lo mi inj ur sisaiak ikudai diau da.”

²⁵ Jesus injsad ilo sou ilon dugo irupidaig ibol, “Kiñ ta san kagin panek aben ilon lo man, injsan tamolpein sed itarpaleg malan ururu dilasap nug dufuni tap, kiñ an san ager injsan na yu diñane dupalup aben an daon dupani wo man pasauman geig a. Agod taun ta boi, tia, warou ta boi, san tamolpein tarpalek uraru dilasap nug dufuni tap, taun an, warou an dam, sed ipitiñinai dop ririan sad kagin fidian itout yau a. ²⁶ Amaiak niñen o Satan injsen mi sen ikudi yau tap, injsen lo yu yabisa da. Ago tap, en dugo won pe injanen kagin panek aben an dabai yen yau ak i? ²⁷ Taida mi, ñai Belsebul tuon lo ur sisaiak ñukudai diau dak an rumok tap, enti mok an muroumi ibinawaig ur sisaiak dukudai diau dak i? Fun amaiak niñen o an muroumi injsed mi, kubianek tamol on dilasap bitinaek lo didirañ a. ²⁸ Ak man ñai Anut san Urgan lo ur sisaiak ñukudai diau dak ago tap, an gidad alon uyan a, Anut san kagin panek an sinjirem na ipalu la ya.

²⁹ “Agod fon, en dugo won pe tamol ta tamol dababai geig ak san melmel isini wo san ab lo iladu wak i? Dal ta tia ya. Inj gidad imug mi tamol dababai an rasau nam isubani gup, inj ka tamol an san ab lo iladup melmel isinip yau a.

³⁰ “Talpein enti inj ñai ta iganurag na dan, inj ñai patun ipanag da. Agod talpein a ñai da sisem anañ mutumani san urat ta migane na dan, ñaisag urat iratitale da.

³¹ Amaiak niñen o ñurupaian da, aupasek fidian agod uf ru fidian dam a tamolpein

digane dan, Anut aupasek an ka isuas yau pidinai a. Ak gug talpein inj Awan Urgan niñen o uf ru igane tap, aupasek an Anut ta isuas yau na wa. ³² An niñen o talpein ta inj Tamol Nanun niñen o ru saiak ibol dan, Anut aupasek an ka isuas yau a. Ak gug talpein ta inj Awan Urgan niñen o ru saiak ibol dan, saen e gamu yen den lo, agod saen foun ak a murnap ilasa wan lo dam, Anut talpein an san muruan ta isuas yau na wa.

³³ “Talpein ai uyan ak ipae tap, ai an san nuñon uyan ak injane wa. Gug talpein ai saian ak ipae tap, nuñon dam saian a. Man dugo, ai nuñon lo mi ule dop, ai naok dugo yan ka ule ulon a. ³⁴ An mot wagai ak sad nanud muroudi! En dugo won an saian geig amado yan ru uyan ak ka abol ilasa wak i? Man tia geig a. Man ata wo? Kagin saian ak boi, uyan ak boi, tamol ilon injanefute yan injanep awan lo ibol ilasa wa. ³⁵ Tamol uyan ak inj kagin uyan uyan ak tinin ilon lo itumanai an lo, kagin uyan uyan ak mi injal dop an idirai dilasa wa. Ak man tamol saian ak inj kagin saiak saiak tinin ilon lo itumanai an lo, kagin saian saian ak mi injal dop an idirai dilasa wa. ³⁶ Ñai ñurupaian da, Anut tamolpein fidian bitinaek lo idirai san nal lo, tamol Anut naon na itur dop, ru kitek a fidian injsinan awan kagin ta ipani na dugo lo gubak mi injineñ se yan, niñen o inj Anut naon na ru an naon ipani wa. ³⁷ Man dugo, onsigane ru lo mi Anut on tamol uyan ak ibol a, agod onsigane ru lo mi on tamol saian ak ibol a.”

Jesus kulob girager igane wo dusumiani

Mak 8:11-12; Luk 11:29-32

³⁸ Agog kubiaen san girek mañau aenta, agod Farisi aenkadi dam Jesus durupe, “Girek mañau, mañ iloma igo ya, on gidad kulob girager ta ganep an lo kob igo won on Anut san ak ago kubiai panama wa.”

³⁹ Ago gug Jesus inj ru naon irupidaig ibol, “Nek ibol tamol ta tamol aenta iwodi niñedi wo ilon imasa dak igo won, tamolpein ensauta a kulob girager dile wo dusumianag dan man, anut sewak aenta niñedi wo dumat dak igo won, inj aupasek tinadi a. An lo kulob girager ta ñigane panañ dop ale san ago ta ñigane na wa, nek

profet Jona san kulob girager amaiak mi a. ⁴⁰ Jona in adian utol, tidom dam utol, in iy tubun ak tinjen lo imado se ya, ago yak ninen o, nek ago mi Tamol Nanun dam, adian utol tidom utol tan ilon lo imado wa. ⁴¹ Ninive san tamolpein man an gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an ninemi wo ru dubol ilasa dop boum dupanan a. Man ata wo? Ninive adi Jona san ru ibol ilasa yan dulon go an lo ilod ibilisa ya; ak man tamol ta in Jona irinani geig an gamu imado da. ⁴² Kwin a saut lo ilasa yan man, an gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an ninemi wo ru ibol ilasa dop boum ipanan a. Man ata wo? Kwin an in tan asau mok imado bo man, Solomon san kankan milaen amaiak ibol ilasa dop ilon o ipalu ya. Ago yak gug tamol ta dam in ente imado da, tamol an man Solomon irinani geig a.

Ur saiak fon imul yau da ya

Luk 11:24-26

⁴³ “Saen ur saiak ta tamol tinin lo yak dukudip ilasa yau man, aben igosan ak ate gidigidat ila iso wa. Ante aben ta yaes ibal san ile wo aban yabi wa, ak man aben an ta ile na wa. ⁴⁴ Ago dop ilon lo ibol, ‘Nai gidat njamul pe ab gubak mi ate njamado amaiak lo njan a.’ In imasap yau ak man, ab an kawan di ilon dam diriani dugo bala dupani la yan ile wa. ⁴⁵ Amaiak ninen o in imul yaup, ur saiadi geig ak 7 taidam in a. Ur an kulob sisaiak digane san man in dirinani geig a. In sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a. Kagin nek amaiak tamolpein saiadi a gamu saen en lo dumado dan ilasa pidinai a.”

Enti in Jesus tinan di tein muroun ak i?

Mak 3:31-35; Luk 9:19-21

⁴⁶ Saen Jesus ab lo imado dugo tamolpein dida dinjen se man, insinan tinan in muroun dida dupalug kuai te dutur se ya. In Jesus da dukubiai o ilod ago yen a. ⁴⁷ Tamol ta irupe, “Ulon, onane tina, tei murou dida akubiai o kuai te dititiano da.” ⁴⁸ Ak man Jesus tamol an ru naon

irupeig igo ibol, “Enti mok naisag tinag ak i? Agod enti mok naisag teig ak i?” ⁴⁹ Agog inanen megeloum banin nam ikubiaig ibol, “Naisag tinag di teig muroug man nek en mi a. ⁵⁰ Man ata wo, tamolpein ensauta a in nai Tamag kumaen panu lo yan ilon duri dupani dan, nek an mi naisag teig, lug di tinag muroug a.”

13

Tamol ai patun tan fufo iratitale yak san ru fanan

Mak 4:1-9; Luk 8:4-8

¹ Nal kisaek an lo mi Jesus ab ibiseig you aen te yaug imasig imado se ya. ² Ak man tamolpein wei kasik dutumanig Jesus dubuluwi a. Ago tag Jesus wog lo isudag wog an kitek isuk ilasa ya. Agog Jesus imasig imado dugo, tamolpein dutumani an lon na dutur se ya. ³ Ante man Jesus ru fanan lo mel wei kasik ninedi wo irupidai se ya. Ru ta ago irupidaig ibol, “Saen ta lo tamol ta ai patun isinig abi lo ipae wo yau. ⁴ Yaug sinanen abi lo man ai patun banin igane inawaig tan fufo iratitaleg idu se ya. Saen iratitale man, ai patun aenta dal fufo dudu dugo, anakanak dupalug diani itout a. ⁵ Agog ai patun aenta sagargar fufo dudu ya, tan ante man kuror an tia, ago man milaen tiag ai patun an balud isa ya, man dugo, tan mok an ta kuror na ya. ⁶ Ak man saen ad isuda man ai baludi an dukurnak diau a. Ai an dam dabidi tan lo ta idiau geig na, an lo dugos diau kisaek on a. ⁷ Ai patun aenta ud saian an lulunad lo dudu ya, agog sisem disag diau dugo, ud saian an ai uyan ak yafutani an lo nunon ta igane na ya. ⁸ Ak man ai patun aenta tan uyan ak fufo dudu man nunodi digane ya, aenkadi patudi 100 dilasa, aenta 60, aenta 30. ⁹ Tamol on kududo ama da tap, ru an ulon uyanan a.”

Jesus ru fanan ibol ak san fun

Mak 4:10-12; Luk 8:9-10

¹⁰ Agog murnag megeloum Jesus san na dupalug dusumiani, “On ata wo saen tamolpein manau pitenanai o dop ru fanan lo ninen dak i?” ¹¹ Jesus ru naon irupidaig ibol, “Anut insan kagin panek aben san melmel imianuk an san manau ipanan a. Ak man in manau an ta ipidinai na ya.

12 Man dugo, talpein a mañau anda yak man Anut in subañan taidam ipani dop an lo in mañau idaisuda geig a. Ak man talpein a mañau aman tia yan, ata mañau kitekan in lo yen dan, Anut mañau an inñsan na ipasi inñane wa. 13 Nai inñsad na ru fañan lo ninñinñ dan san fun man igo ya.

‘In leil digane bo man, ilod ta itarpasi na da.

Kududod nam duloñ bo man, fun mok ta diñane na da.’

14 Rumok, in lo profet ru en Aisaia wagam ibol an nuñon ilasa ya:

‘Saen an ru aloñ man, ka aloñ on se ya, ak man san fun ta añane na ya, agod saen abañ ale man, malami ka yau on se ya, ak man ilom ta itarpasi na ya.

15 Man dugo, tamolpein en sad bubedi dabai geig dilasa ya,

in kududodi ta duloñ uyan na ya, agod maladi ikilakil pasi a.

Tia tap, maladi nam in ka abañ dile wak, kududodi nam ka duloñ ak,

agod ilodi nam mañau ka diñane wa.

Ago dop an lo ilod ibilisa dop didañsap naisag na dupalu dop nukubuniai a.’

16 Ak man an malami bar diñane ya, man dugo, malami abañ ka ile da, agod an kududomi dam bar diñane ya, man dugo, kududomi ka ilon da. 17 Nai ru rumok ak nurupaian da, imug geig profet adi agod tamol itaot ak wei mi, mel e gamu an ale den dile wo mok dumat se ya, ak man in digane san tia ya. Agod ru e gamu an aloñ den duloñ o mok dumat se ya, ak man ta duloñ na ya.

Ru fañan an san fun

Mak 4:13-20; Luk 8:11-15

18 “Kududom agurep tamol ai patun tan fufo iratitale yak, san ru fañan san fun mok nisafulale wo da. 19 Ai patun dal te dudu man nek ibol tamolpein Anut san kagin panek aben san ru duloñ dugo san fun ta diñane na yak igo woñ a. An lo Satan ipalup ru a Anut tamolpein ilod lo ipaeg yen dan inñanep ipasi yau a. 20 Agod ai patun sagargar fufo dudu man, nek ibol tamolpein ru duloñ go ilod rumok kisaek on go, ninñen o ilod uyanan a. 21 Ak man in

dabidi man ta idiaug kuror na ya, ago yan lo sad ilo rumok an ilod lo ta yen milaen na ya. Saen Anut san ru ninñen o muruan sad na ilasa boi, tia, kubianek ipalu tap, inñaned ilo rumok dibisei kisaek on a. 22 Aria, ai patun ud luloñad lo dudu man, nek ibol tamolpein ru rumok an duloñ pe ilod lo rumok kisaek on dak igo ya. Ak man in tan en san madok ninñen o ilo sou gidigheid mi digane da, agod in melmel wei mi amad da wo dumat da, an lo kagin uraru an Anut san ru ilod lo yen dan yafutani da. Ak ninñen o ru amaiak nuñon aman tia ya. 23 Aria, ai patun tan uyanan fufo dudu man, nek ibol tamolpein ru rumok an duloñ go san fun dam duloñ siñaokan ak igo ya. Talpein nek amaiak mi nuñod ifu mok a, aenta nuñod 100, aenkadi 60, aenta 30, nuñodi ago ifu yau a.”

Ud san ru fañan

24 Jesus afon ru fañan taida naod na irupidaig igo ibol a, “Anut san kagin panek aben man igo ya. Tamol ta siganen abi lo yaug kon kubulan ipae ya. 25 Agod tidom lo saen inñsan urat tamol dien dugo, san ager tamol ipalug kon ipae yan luloñad lo ud marasin saiak anda yak dam ipae idug, isol go yau a. 26 Agog kon isag nuñon dam didilan te dilasa ya, ak man, ud an dam luloñad lo dida disa kisaek a. 27 Agog tamol an san urat tamol inñsan na dilasag durupeig dubol, ‘Gurman, ai patun a on pae yan uyan a. En dugo woñ go ud dam dida disa kisaek ak i?’ 28 Inñsad gurman an ru naon irupidaig ibol, ‘Naisag ager tamol kulob an igane ya.’ Ago tag dusumiani, ‘Ak dugo, maup ud an mubilanai idu wo umat di?’ 29 Gug in ibol, ‘Man tia, kabelan aup kon dam abilanai banau. 30 Amoi dop urarum ka disa diaup, nuñod tiñane san saen ante gup, nai urat tamol adi igo nurupidai a. Ud an tu kisaek kisaek atem imug mi atumanaip, yai fufo abibol dusudap dinani diau a. Ak gug kon man atumanaip naisag anañ ab lo adiri wa.’ ”

Ai patun kititikan kawan ak san ru fañan

Mak 4:30-32; Luk 13:18-19

31 Jesus ru fañan taidam naod na igo irupidai, “Anut san kagin panek man igo ya.

Tamol ta ai yañan mastet dubol dan patun iñaneg siganen abi lo yaug ipae ya. ³² Ai patun an sen kawan kititikan a, ak man saen isa yau dop ai tinan igo woñ ilasa wa. Agop raen dam idirip ibalsarer dop kusenj ka ate wur dufuni wa.”

Yis san ru fañan

Luk 13:20-21; Mak 4:33-34

³³ Inj ru fañan taidam irupidaig ibol, “Anut san kagin panek man igo ya. Pein ta yis kabelan iñaneg plawa tubun geig da itumanig ikubuli kisaek, agog yis an plawa ilon lo ifurak yaug iganeg plawa fidian mi ikafut isuda ya.”

³⁴ Jesus melmel an fidian niñedi wo ru fañan lo tamolpein dutumani an irupidai a. Inj ru itaot ta irupidai se na ya. ³⁵ Inj ago igane yan lo awak aban ta profet ta ibol an nuñon ilasa ya.

“Nai awag isupani dop ru fañan lo mi niñinjen a.

Melmel mianuk lo dien se yan, tan ilasag ipalug gamu en nek ago mi dien dan, niñedi wo niñinjen dop tamolpein dulonj a.”

Jesus ud san ru fañan ifulale ya

³⁶ Saen Jesus tamolpein dutumani an ibisawaig ab ilon lo iladu man, inñsan megeloum san na dupalug ago dubol, “Ud a abi lo isa damaiak san fun ubol dop malonj a.” ³⁷ Agog Jesus ru naon irupidaig igo ibol, “Tamol a inj ai patun uyan ipae yan, Tamol Nanun naon iñane ya. ³⁸ Abi man, tan en naon iñane ya. Ai patun uyan man, tamolpein ensauta a Anut san kagin panek paen na dumado dan naod iñane ya. Agod ud saian an man, tamolpein ensauta a Satan nanun muroun amaiak naod iñane ya. ³⁹ Ager tamol enti ud ipae man Satan inñsen, agod ananj tumanek san saen man, saen gamu lo tumadog ilag san wadan lo amaiak naon iñane ya. Agod urat tamol enti ananj dutumani an man, enjel adi naod iñane ya. ⁴⁰ Nek ibol ud saiak dutumani idup yai fo digansa inani yau dak igo woñ, saen gamu lo tumadog ilag san wadan lo nek ago mi ilasa wa. ⁴¹ Tamol Nanun mitep inñsan enjel idiraip dudu wa. Agop inj mel fidian tamolpein idiri dop aupasek

digane dan dibiai ak, agod tamolpein fidian a sad turenj saian an dam dibiaip, dutumanai kisaek pe inñsan kagin panek aben patun fo diabibol dilasa wa. ⁴² Diabibol pe Ades san yai wananan geig an lo dudu wa. Aben ante man tamolpein tinañ digane dop madai lo luod dugurmi wa. ⁴³ Agog Anut san tamolpein, inñsad Bai san kagin panek aben lo man, ad ided dak ago woñ dided a. Tamol onj kududo ama da tap, ru an ulonj uyanan a.”

Filian naod lak na geig mianuk lo yen dan san ru fañan

⁴⁴ “Anut san kagin panek man igo ya. Tamol ta gib yabig mel naod lak na geig ak tan lo imianaig dien na ya. Agog tamol sen ak ta yaug walal ipanig afon ituanai da. Agog yousai lo yaug inñsan biounj fidian moni iñane wo didaenj lo idiri yau a. Biounj an san moni iñaneg tan an muroun san na yaug tan an idad a.

⁴⁵ “Anut san kagin panek dam igo ya. Dadenj tamol ta koksai siñaokan ak idad o abanj an ile se ya. ⁴⁶ Nal ta, koksai siñaokan geig ak ile, ago tag yaug inñsan biounj fidian didaenj lo idirig an lo moni iñaneg ate koksai an idad a.

Dob san ru fañan

⁴⁷ “Afon Anut san kagin panek an dam ibol dob onj a. Iy niñanjal dob ta beig lo dubal pe iy funfun diñane wa. ⁴⁸ Saen dob an iy lo inawai man, lonj na dirae isuda wa. Agop iy naok naok atem sensen didiri wo dumasip dumado wa. Iy uyan ak senamo didiri dugo saian ak dam senamo didiri wa. Agop uyan ak iñaned kulgou lo ditane idu dop, saian ak diabi yau a. ⁴⁹ Saen gamu tumado den san wadan ifutani dop nek ago mi ilasa wa. Enjel adi dudup tamolpein saiadi ak, uyadi ak da, sensen didirai idu wa. Agop saiadi ak diabibol diau dop ⁵⁰ Ades san yai wananan geig ak inanai a. Aben ante man tamolpein tinañ digane dop madai lo luod dugurmi wa.”

⁵¹ “Ak dugo, anj mel fidian en alonj uyanan ak i?” Agog durupej, “Awo, malonj a.” ⁵² Agog Jesus irupidaig ibol, “Amiaiak niñen o kubiaenj san girek manjau ensauta a Anut san kagin panek niñen o manjau

diñane yan man nek igo ya. Ab muroun ta filian aman da yak, in ka siganen bioun lo mel ta foun ak, agod wagam ak dam, iragursip tamolpein malad lo kuai te idiri wa.”

Profet inñsan muroun luluñad lo yañan tia ya

Mak 6:1-6; Luk 4:16-30

⁵³ Saen Jesus ru fañan inñen itout man aben an ibisei a. ⁵⁴ Agog inñan panu mok lo yaug ubou ab lo mañau ipiteñanai se ya. Ak man Nasaret tamolpein saen inñsan ru duloñ man durut saian a. Agog dubol, “Tamol en dugon te mañau inñane yak i? Agod kulob dababai a igane idu dan san dabai dam dugon te inñane yak i?” ⁵⁵ In man nek kapenta kawan amaiak san nanun, tinan Maria, agod tein moroun Jems, Josef, Saimon agod Judas. ⁵⁶ Agod lun moroun e dida tumado da! Amaiak niñen o tamol en dugon te mel a fidian igane dan san dabai inñane yak i?” ⁵⁷ Fun an niñen o naod ikafut go patud dupani a. Ago gug Jesus irupidaig ibol, “Panu fidian lo tamolpein profet ta yañan diabisa wa, nek inñsiganen panu fun lo, agod inñsiganen dar lo man tia ya.” ⁵⁸ Nek an niñen o aben an lo kulob dabai anda wei mi ta igane na ya, man dugo, in niñen o ilodi ta rumok na ya.

14

Jon suguek san dufuni imat a

Mak 6:14-29; Luk 9:7-9

¹ Saen an lo Herod, provins Galili agod Perea sad tirnek tamol imado se ya. In tamolpein sad ru Jesus niñen o dubol dugo ilon a. ² Agog inñan urat tamol irupidaig ibol, “Tamol en man Jon suguek san. In mateñ aben lo yak imasa da ya, an lo man dabai tubun geig tinin ilon lo yen dugo lo urat igane da.” ³⁻⁴ Imug Herod in Herodias iwon igo inñane ya, ak man pein an inñsiganen tein Filip san iwon a. Ak niñen o Jon suguek san an niñen o Herod irupeig ibol, “On Herodias iwo igo won ñane amaiak niñen o kubiaen pilali a.” Fun an lo Herod inñan ai katuk irupidaig Jon diabig, dusubanig, subanek ab lo digane yau a. ⁵ Herod ifuni imat o igane se ya, ak man doup adi niñedi

wo irer a. Man dugo, inñsad ilo sou lo man Jon in profet ago dubol se ya.

⁶ Ak man saen Herod tinan igansi ak san nal idu yan lo, Herodias nanun pein tamolpein ante yan naod na isaluwai ila iso se ya, an lo man Herod pein baras an niñen o ilon uyanan a. ⁷ An lo in ru dabai nam irupeig ata mel niñen o isumiani dop man, rumok geig ak mel an ka ipani san mi a. ⁸ Ago tag yaug tinan, dal dugo ipani wak o isumiani a. Agog imul go Herod irupeig, “Gamu geig Jon suguek san an kabuñan daeg lo ganep sini palup panag a!” ⁹ Kiñ Herod ilon muruan geig a, ak man ru dabai geig pein baras an Herod turan muroun naod na ipani an niñen o, inñan yu tamol irupidaig nek pein an ibol ago mi digane ya. ¹⁰ Ago tag inñsan yu tamol diaug subanek ab lo Jon buron dutute ya. ¹¹ Agog kabuñan daeg lo disinig Herod san ab lo diaug pein baras an dupani a. Agog pein an afon inñaneg isini yaug tinan ipani a. ¹² Agog Jon san megeloum dupalug tinin diñane diaug disare ya. Agog diaug mel ilasa yan Jesus durupeig ilon a.

Jesus tamol 5,000 ifutuwai a

Mak 6:30-44; Luk 9:10-17; Jon 6:1-14

¹³ Saen Jesus Jon san mateñ ilon man, wog fo isudag pasak nam aben ta yoitout yen dak ate yau a. Ak man saen aben a ate Jesus imug imado yak san tamolpein Jesus ibisawai an duloñ man, inñaned panu anen anen dibiseig, lon na diaug ñied nam Jesus dirig diau se ya. ¹⁴ Saen Jesus wog ibiseig idu man, tamolpein malan tubun geig ak dititianig dumado dugo yil a. In ilon ipidinai an lo talpein a subam amad da yak luluñad lo yan ikubuniaid idu ya.

¹⁵ Ad idu yau dugo inñsan megeloum dupalug durupeig dubol, “Aben en yoitout a, agod ad dam idu yau da, amaiak niñen o on tamolpein dinaip panu na diaup, anañ didad pe diani wa.” ¹⁶ Agog Jesus ibol, “Gidad, aben en dibisei dumoi, anñsem mi anañ ta apidinaip diani wa.”

¹⁷ Ago gug inñ Jesus durupeig dubol, “Mañ etna bret faiv o lian a, agod iy dam uraru o lian a!”

¹⁸ Agog inñ ibol, “Igo asini apalu wa.”

¹⁹ Agog tamolpein dutumani an irupidaig,

“Ago gafurfur fo amasi.” Agog bret faiv in iy uraru da yan isinig, malan keit lo isudag, bret iy da bar ipanig yafute idu se ya. Agog anaŋ an megeloum ipidinaig diaug tamolpein dupidina a. ²⁰ Fidian diani man luadi ipuk a. Diani itout man megeloum diaug samsamun disini wo ditiliani se ya. Samsamun disini an sareg 12 tutubu yak digane inawai a. ²¹ Tamol mi faiv tausen anaŋ an diani a, taida mi pein wei mi, nanud muroudi dida anaŋ an dam diani a.

Jesus you fufo itor a

Mak 6:45-52; Jon 6:15-21; Mak 6:53-56

²² Saen anaŋ dianig itout man Jesus inanen megeloum wog fo dusudap aen ate imug diau wo irupidai a. Ago dugo in kitekan ka imado dugo, tamolpein siganed ab lo dumul diau wo irupidai a. ²³ Saen tamolpein idinaig diau pasik man, in sen mi did fo Taman san na igudani wo isuda ya. Agog saen ad idu yau man sen kisaek did fufo imado se ya. ²⁴ Saen an lo wog man you titijaem yen se ya. Agog tim ifure dugo you dam imasa man wog ifuni ila iso se ya, man dugo tim naon na yen se ya.

²⁵ Salso idug aban ipasti yau dugo, Jesus inanen megeloum sad na you fufo yau se ya. ²⁶ Ak man saen inanen megeloum ago dile man direr dudug dubol, “An man tamol nŋutun a!” Agog disasai dugo disuruwor se ya.

²⁷ Agog Jesus irupidai kisaek oŋ go ibol, “Dabai aŋane! Naiseg o, asuruwor amoi!”

²⁸ Agog Pita ru naon irupeig ibol, “O Tubun en, oŋse mok tap, ubol dop ŋai dam you fufo oŋsa na nŋupalu wa.”

²⁹ Agog Jesus ibol, “Palu!” An lo man Pita imasag wog lo yak ilasag fun iganeg you fufo mi yau se ya. ³⁰ Ak man malan yaug tim tubun ak ifure dugo ile man irer saian geig a. Agog fun iganeg you lo isarir idiau dugo iwagin, “Tubun en, binawag!”

³¹ Jesus banin iwate kisaek oŋ go yabi dugo isumiani, “Oŋ tamol ilo rumok ama kabelan, ata wo ilo weiwei ak i?”

³² Saen uraru an wog fo dusuda man, tim ifure yan itout kisaek oŋ a. ³³ Agog inŋsan megeloum turud disaluwig ubou an dile dugo dubol, “Rumok geig, oŋ Anut Nanun mok a!”

³⁴ Saen you dututeg tan yaŋan Gene-saret dubol dak ate disasau man dusuda ya. ³⁵ Tamolpein ante Jesus naon dile da man, ru diganeg panu tan ante yan fidian sad na yau dugo, tamolpein subam amad da yak Jesus san na diŋal dupalu wo dubol a. ³⁶ Tamolpein subam ifu dan Jesus dusumiani dop inŋsan kulos bitinjen an mi ka dusupuri wa. Ago dugo fidian a dusupuri an uyad isusa da ya.

15

Juda gurman sad balek uraru san kagin

Mak 7:1-23

¹ Agog Farisi in kubiaen san girek maŋau da Jerusalem dibiseig Jesus san na diaug dusumianig igo dubol, ² “En ata wo oŋsa megeloum adi idsad tubud baged sad tamol kagin digansi an ta diri na dak i? In banidi ta dufulani na gup anaŋ diani da.”

³ Ago tag Jesus ru naon irupidaig igo ibol, “Ata wo aŋ siganem tamol kagin ari apani wo Anut san ru kubiaen patum apani dak i? ⁴ Man dugo, wagam mi Anut ru kubiaen en igansi, ‘Oŋane tina tama awad paen na mado dop kagin pidina o uyan a.’ Agod Anut ru kubiaen en taidam ibol, ‘Ta in awan nam tinan taman saian ipidina tap man, mateŋ ile wa.’ ⁵ Ak man aŋ abol, ‘Tamol ta taman boi, tinan boi, ka igo irupe, mel ta ate ŋai ka ŋibinawo san man, ŋai mel an Anut nŋupani san ŋien nŋupani la ya. O kabel, an ninjen o ŋai mel an nŋupanaŋ san tia ya. ⁶ Tamol an ago ibol tap, ru kubiaen a in tinan taman kagin ipidina o ago ibol an man, nuŋon an tia ya.’ Ago man aŋanem tamol kagin ari apani dan lo Anut anen ru nuŋon tia agane ilasa da. ⁷ Aŋ balem rararu a! Profet ru a Aisaia gubak mi aŋ ninemi wo ibol ilasa yan rumok geig a. In igo ibol,

⁸ ‘Tamolpein en awadi nam yaŋag diabisa da,

ak man bubedi man asau geig yen da.

⁹ In sen kawan ŋai ubou amag dile da, man dugo, pitenanek a tamolpein durupidai dan man nek tamol siganed ilo sou mi a.’”

¹⁰ Agog Jesus tamolpein inŋsan na dutumani wo igiai a. Dupalu dugo irupidaig ibol, “En alon dop aŋane o uyanan a!

¹¹ Anaŋ a tamol awan ilon lo iladu dan, ilon

ta nun igane na da. Tia, mel a tamol awan lo ilasad amaiak ilon nun ipani da.”

¹² Agog inanen megeloum adi sinjiren na dupalug durupe, “Ak dugo, saen Farisi adi njinon an dulon man, on niye wo ilod saian an ulon ak i?”

¹³ Jesus Farisi adi njinedi wo ru naon megeloum irupidaig igo ibol, “Ai fidian naj Tamag tan lo ta ipae na yan, ibilani yau a. ¹⁴ Abisawai, in man unbek malad itapul ak igo ya. Aria, tamol ta malan itapul aman ak, turan ta dam malan itapul ak, dal ikubiai pani wo banin te yabi tap man, tamol uraru an dog lo diau dudu wa.”

¹⁵ Ak man Pita irupeig ibol, “Ru mitilaen a rupidai an fun fulale dop malon a.”

¹⁶ Agog Jesus ibol, “An dam nag manau lo katuk am mi ak i? ¹⁷ An ta alon o uyan na yak i? Mel a tamol awan lo iladu dan anan mi a, agop tinjaen lo dam iladup dibeisan dal lo yaup tinin patun fo yak ate ilasa wa. ¹⁸ Ak man mel ta awan lo ilasa man senamo geig a, man dugo, an njutun lo ilasa da, agod mel amaiak mi tamol ilon nun ipani da. ¹⁹ Man ata wo? Kagin naok naok igo yan tamolpein sad njutud lo ilasa da: ilo sou saian ak san kagin, tamol ifuni imat dak, turan iwon ida dien dak, jeit kagin, gumagam kagin, supalek ru agod uf ru dam mi a. ²⁰ Mel naok amaiak tamol nun ipani wa. Ak man tamol banin ta ifulani na gup anan yani dan, nun ta ipani na wa.”

Tan Kenan san pein ta Jesus o ilon rumok a

Mak 7:24-30

²¹ Agog Jesus aben an ibiseig gob adi sad tan ate yaug, Taia in Saidon da sad distrik lo itilianig itor se ya. ²² Aria, gob pein ta tan Kenan dubol dan ate imado dan isusag awan tubun ak lo iwagin, “O Tubun ak, Dawid Nanun, ilo imunanag! Ur saian ta naj nanug pein itirni dugo muruan ipani geig da.”

²³ Ak man Jesus ru naon ta irupe, na ya. Agog inosan megeloum sinjiren na dupalug dubol, “On pein an peip sen ilasa, man dugo, in man irama dugo mibinawi wo igiama da.”

²⁴ In ru naon irupidai, “Anut naj Isrel san sipsip dideg diaud amaiak mi njibinawai o idinag a.”

²⁵ Ak man pein an sinjiren na ipalug turun isaluwig irupe, “O Tubun ak, binawag!”

²⁶ In ru naon irupeig igo ibol, “Nai nanuk sad anan njinanep goun diani wo nabi yau tap, an ta uyan na wa.”

²⁷ Pein an ibol, “Awo, Tubun en ru rumok ubol da. Ak gug goun dam inaned muroudi sad awad aban tan na idu man ka diani wa.” ²⁸ Agog Jesus ru naon irupeig ibol, “O pein, onane ilo rumok an tubun geig a! Nek on ilo yen dak ago mi on lo ilasa wa.” Ago ibol dugo pein an nanun pein uyan isusa kisaek on a.

²⁹ Agog Jesus aben an ibiseig You Galili aen irig yau se ya. Agog yaug bubun ta fo isudag ante imasig imado ya. ³⁰ Ago dugo tumanek malan tubun ak inosan na dupalu se ya. Tamolpein njied ikael ak, a malad itapul ak, a banid ikael ak, a awad itau ak, agod aenta dam wei mi dinjal go dida dupalu se ya. Agog Jesus njien fun na didiraig tinid ikubune dugo uyad isusa da ya. ³¹ An lo tamolpein dutumani an, saen tamolpein awad itau ak dinjine dugo, a njied ikael ak uyad isusa dugo, a njied ikikai ak ditiliani ditor dugo, agod a malad itapul ak afon aban dile da dugo dil man, durut saian geig a. Ago dugo Isrel sad Anut yan an diabisa ya.

Jesus tamol 4,000 ifutuwai a

Mak 8:1-10

³² Agog Jesus inosan megeloum san na dupalu wo igiai a. Dupalug irupidaig ibol, “Nai tamolpein malan tubun en ilog imunanai da, man dugo, gamu nal utol yau la dugo in naj dida mumado ya, ak gug anan ta diani san etna tia ya. Ak man dimatigen dop njidinaip diau man, ilog ta ibol na da, kabelan dal na yaes ifu dop malad itiliani banau.”

³³ Agog inanen megeloum durupeig dubol, “Man dugon te anan mile dop minanep lo tumanek tubun geig en ka mufutuwai ak i? Aben en yoitout a.”

³⁴ Jesus isumianai, “An bret sapita yak i?”

In dubol, “Bret seven dien da, agod iy kikitik kisaek kisaek a.”

³⁵ Agog in tamolpein tan na dumasi wo irupidai dugo ³⁶ bret seven in iy da inane, Anut ilo uyan ipani gug yafuteg inanen megeloum ipidinaig, diaug tamolpein

duwae pidinai a. ³⁷ Fidian anan an dianig luad ipuk. Diani itout go megeloum dumasag anan samsamun dutumanig sareg seven lo ditaneg awad isa ya. ³⁸ Tamolpein ensauta a anan diani an sad sutek man tamol 4 tausen, agod pein nanuk man ta dusutai na ya. ³⁹ Jesus tamolpein siganed panu anen anen atem diau wo irupidaig, wog lo megeloum dida dusudag, panu Magadan* san tan tilianek lo diau a.

16

Jesus kulob girager igane wo dududuwi
a

Mak 8:11-13; Luk 12:54-56

¹ Farisi adi Sadyusi dida Jesus san na dupalug dusubani wo bitinaek lo digane ya. In Anut san dabai nam kulob girager ta kob igo won igane dop dile wo dusumiani a. ² In ru naon irupidaig igo ibol, "Saen ad idu yau dop an abol, 'Gabulo dop malin ibalsi wa,' man dugo, timtaen daran da. ³ Agod tidom lo mi dop abol, 'Gamui isi wa,' man dugo, timtaen daran an bilkas ak ituani a. An ka keit san leil akubiani ale uyanan mok a, ak man an kulob sensen a anjiganem saen lo dilasa la yan, sad fud mok akubiani ale san an ta idaisuda na ya. ⁴ Nek ibol tamol ta tamol aenta iwodi ninedi wo ilon imasa dak igo won, tamolpein ensauta a kulob girager dile wo dusumianag dan man, anut sewak aenta ninedi wo dumat dak igo won, in aupasek tinadi a. An lo kulob girager ta njigane panan dop ale san ago ta njigane na wa, nek Jona san kulob girager amaiak mi a."

Farisi in Sadyusi da sad yis

Mak 8:14-21

⁵ You tilianek dututeg you aen ate diaug disasau man, inanen megeloum bret ta disini na yan ilod isou a. ⁶ Agog Jesus irupidai, "Kagin agane wa, Farisi in Sadyusi da sad yis an ninen o kagin agane wo uyanan a."

⁷ Agog fun diganeg ilod lo mi dininjen yau imul se ya. "Ago ibol man fun dugo i? Nag id bret ta tisini na, amaiak ninen o ago ibol boi."

⁸ Jesus dugo dubol se man ilon, ago tag isumianai, "O an tamol ilo rumok kabelan

geig amam da ya, ata wo bret tia yan ninen o aninjen dak i? ⁹ An an ta alon uyan na di? Saen nai bret faiv njafuteg ate tamol faiv tausen njufutuwai an ilom inanon ak i? Agod an sareg sapta awad agane inawai an dam ilom ta isou na i? ¹⁰ Tia, bret seven nam tamol 4 tausen njufutuwai, agod sareg sapita awad agane inawai an dam ilom inanon ak i? ¹¹ En dugo won go nai bret ninen o ta nininjen na yan, ta alon sinjakaan na yak i? Aria, afon kududom agurep kagin agane: Farisi in Sadyusi da sad yis ninen o sen alasa wa." ¹² Agog inanen megeloum dulon ak in yis bret ate digane dan ninen o ru kagin ta ipidinai se na ya. Tia, pitenjanek a Farisi in Sadyusi da tamolpein durupidaid amaiak ninen o ru kagin ipidinai se ya.

Pita Jesus in Kristus an kuai te ibol a

Mak 8:27-30; Luk 9:18-21

¹³ Saen Jesus inanen megeloum dida distrik a taun Sisaria Filipai sinjiren na yen dan te dilasa man, igo isumianai, "Tamol Nanun en enti mok ak i? Tamolpein in ninen o ru dugo dubol dak i?"

¹⁴ Agog dubol, "Aenkadi on Jon suguek san ago dubol dugo, aenta on Elaija dubol dugo, aenta on dag Jeremaia boi, tia, on profet ta a wagam dumado na yan lulunad lo fon lasa boi ago dubol da."

¹⁵ Agog Jesus isumianai, "Ak man ansem mi nai enti mok abol di?"

¹⁶ Agog Saimon Pita in san ru naon irupe, "On Kristus, on Anut ipiliano ama ya, on Anut a kumaen imado dan Nanun mok a."

¹⁷ Jesus ru naon irupeig igo ibol, "Saimon, Jon nanun, on bar ama da, man dugo manau an tamol ta, ta ifulale dugo ulon na ya, tia, manau an itaot nai Tamag kumaen panu lo yan san na ilasa dugo ubol ilasa ya. ¹⁸ Agod nai njurupaio da, on Pita, yana san fun man pat. Pat tubun en fufo njaisag midaen njususe wa. Agod maten san dabai an njaineg midaen ibiai dudu san tia ya.

¹⁹ Nai Anut san kagin panek aben san ki njupano wa, agod ata mel tan en lo futani tap, kumaen panu na dam itau a, agod ata mel tan en lo pasi tap, kumaen panu na dam awan ipasi a." ²⁰ Agog Jesus inanen megeloum adi ru kubiaen dabai mok an

* 15:39: Magdala

ipidinai man, inſen mi Kristus, an ago ta dubol ilasa na wa.

*Jesus imat san nal sumeik ak ago irup-
idai a*

Mak 8:31-9:1; Luk 9:22-27

²¹ Saen an lo yau man Jesus inanen megeloum adi kuai tem irupidai se ya, in Jerusalem na yaup ante dop Juda sad matu gurman adi, pris gurman adi, agod kubiaen san girek manau adi saian dupani dop madai wei mi ile na gup dufuni imat a. Agop murnap nal utol lo Anut ifufunip kumaen imasa da wa.

²² Ago ibol go Pita Jesus yabig inaneg ida gigin na diaug san ru an ninen o igo ibol, “Tubun en, tia geig a, kulob ago on lo ta ilasa na wa!”

²³ Agog Jesus idansag irupe, “Satan, nai patug fo sen lasa! On nai naog dal fou da, man dugo, ilo sou uri dan man Anut san tia ya, an man tamol san mi a.”

²⁴ Agog Jesus inanen megeloum irupidaig ibol, “Talpein ta nai nieg aban iri wo imat tap, gidad inſan mel an fidian ilon inaon pe inſiganen aigim isinip nieg aban mi iri wa. ²⁵ Man ata wo? Talpein enti siganen madok kagin mi yabi sakar tap, inanen madok murna san an ibisei wa. Ak gug talpein enti nai nineg o siganen madok kagin ibisei tap, inſiganen madok mok an ile dop inane wa. ²⁶ Talpein ta tan en san madok lo malan imug dop, an lo tan en san filian fidian an san muroun ilasa wak gug, nutun ideg yau tap, nunon uyan ak dugo won igane ilasa wak i? Man tia geig a. Tia, mel dugo man, talpein ta Anut ipanip, an lo siganen nutun an idad inane dop daon ta ile na wak i? ²⁷ Man dugo, Tamol Nanun mitep Taman san girager an lo ipalu dop, inanen enel adi dida dudu wa. Agop talpein fidian inaned urat dugo dugo digane na yan naon ipidinai a. ²⁸ Rumok nurupaian da, tamolpein aenta igo dutur dan gamugo dumat dop, Tamol Nanun amaiak Kin igo won ipalu dop dile gup, murnap dumat a.”

17

Jesus tinin ibilisag ad on ided a
Mak 9:2-13; Luk 9:28-36

¹ Nal siks itout go, Jesus in Pita, Jems agod tein Jon da inal go imug did lak na geig ak fo disudag ate inſed mi dumado ya. ² Agog ante Jesus tinin ibilisa dugo dile ya. Inſan naon man ad on ided se ya, agod san biou on tinin fo man ibilisag lilaman on milkouk geig ilasa ya. ³ Ago dugo Moses in Elaija da megeloum naod na dilasag Jesus da dininen dugo dil a.

⁴ Agog Pita imasa kisaek on go Jesus irupeig ibol, “Tubun en, nek uyanan geig man ente mumado da! On ilo ibol tap, lalai utol etna nabi wa, onsa kisaek, Mosen san kisaek, agod Elaijah san kisaek dam nususe wa.”

⁵ Saen ininen se man timtaen ta ided dak ipalug, ibuluwai dugo, ninen ta timtaen an ilon lo yak ibol, “En man naineg Nanug mok, naineg bubeg mok, in ninen o nai ilog tubun mi uyanan da. Awan alon!”

⁶ Saen megeloum utol an ninen an dulon man, tubun mok direr go naodi tan fo ditakok dudug dumunamig dien se ya.

⁷ Ak man Jesus sad na ipalug isupuraig ibol, “Amasa, arer amoi.” ⁸ Saen dufotsa man, tamol ta dile man tia ya, nek Jesus sen kisaek mi dile ya.

⁹ Saen did dibiseig dudu se man, Jesus ru dabai anda irupidaig ibol, “Mel gamu ale yan ninen o aup tamolpein ta arupidai na wa, abol amoi dop Tamol Nanun maten aben lo Taman ipasi inane gup abol a.”

¹⁰ Agog inanen megeloum utol dusumi-anig dubol, “En ata wo kubiaen san girek manau, Elaija imug ipalu dop Kristus murna ilasa wak ago dubol dak i?”

¹¹ Jesus ru naon irupidai, “Rumok, Elaija imug ipalu dop mel fidian ikubuniaip uyad dususa da wa. ¹² Ak man nai nurupaian da, Elaija imug ipalu la ya. In bo ilasa gug tamolpein in ta dile dulon na ya. Ago dugo inſiganed ilobol lo mi saian dupani se ya. Nek dal kisaek an lo mi in Tamol Nanun dam saian dupani wa.” ¹³ Agog inanen megeloum dulon ak Jesus Elaija mok ninen ta ibol na ya, tia, Jon suguek san amaiak ninen o ibol na ya.

*Jesus nanuk ta ur saiak anda yak
ikubune ya*
Mak 9:14-29; Luk 9:37-43a

14 Saen dumul go tamolpein a dutu-manig dumado se yan sad na dupalu man, tamol ta Jesus san na ipalug naon na turun isaluwig ibol, 15 “O Tubun ak, naineg nanug ilo imuñani! Saen wei mok kurbarib* ifunig an lo madai tubun geig ile da. Saen aenta ilon inañ dop yai lo idu dak, saen aenta dam you lo idu da. 16 Ak ninen o onane megeloum sad na ninane nupalu yak man dukubune wo digane yak gug tia ya.”

17 Jesus ru naon irupeig ibol, “An saen en san tamolpein man ilo rumok amam tia ya, agod ilom gidigheid aman a. Nal sapta nai an da tumado wak i? Nal sapta muruan a apanag yau an nisini wak i? Nanuk an igo anane apalu.” 18 Agog Jesus in ur saian nanuk ilon lo yan ru dabai aman da nam ipei dugo, ur saian an nanuk ibiseig uyan isusa kisaek on a.

19 Murna gug megeloum adi pasak nam Jesus san na dupalug dusumiani, “En ata wo man ur saian an mukudi san tia yak i?”

20 In ru naon igo irupidai, “Man dugo, an ilo rumok kabelan mok amam da ya. Nai ru rumok nurupaian da, gidad onane ilo rumok nek ibol ai patun tusan igo won tap, did en rupeip ubol, usuk onte wau, ago ubol dop yau a. Mel fidian on gane san tia yan ka gane wa.”†

Jesus saen uraru inñan maten ninen o megeloum irupidai a

Mak 9:30-32; Luk 9:43b-45

22 Saen Jesus inanen megeloum adi dida Galili na turen diabi se man, irupidaig ibol, “Tamol Nanun in ager tamol banid lo digane yau o da. 23 Agop dufuni imat a. Murnap nal utol itout gup, Anut ifufunip kumaen imasa da wa.” Inanen megeloum ago dulong man, tubun mi ilod itau idu ya.

Jesus tempel san takis idad a

24 Saen Jesus inanen megeloum dida Kaperniam na dupalu man, tempel san takis nlanal dupalug Pita dusumiani, “Dugo, onane girek manau tempel san takis idad o dak i?”

25 Pita ru naon igo irupidai, “Awo.”

Murnag Pita ab ilon lo ipalu dugo Jesus imug inñen, “Saimon, tan en sad kin, enti

sad na takis moni diñane dak i? Inñigned nanud muroudi sad na, tia, tamolpein gol ak sad na, aria, onsa ilo sou dugo yak i?”

26 Agog Pita ibol, “Tamol gol ak sad na ya.”

Ago ibol man Jesus irupei, “Ago tap nanud muroudi sad na takis moni ta digane na da. 27 Ak man gidad ilodi ta tigane saian na wa. Ago yak ninen o you lo waup oul ubal idu. Iy malmalan wane dan rae isudap, awan pasi dop moni ate yen dan nane. Moni an nek idaisuda ya, onse ninen wo, agod nai ntuug dam, ate tempel san takis udad a.”

18

Enti Anut san kagin panek aben lo in malan te ya

Mak 9:33-37; Luk 9:46-48

1 Saen an lo megeloum adi Jesus san na dupalug dusumiani, “Enti Anut san kagin panek aben lo yanñan malan te yak i?”

2 Agog Jesus nanuk ta iwagig megeloum naod na igunig itur dugo 3 irupidaig ibol, “Nai rumok geig nurupaian da, an gidad sem ibilansap nanuk en igo won alasa. Tia tap, Anut san kagin panek aben an lo aladu san tia geig a. 4 Amaiak ninen o talpein enti sen yabi idup nanuk en igo won ilasa dan, nek talpein amaiak Anut san kagin panek aben lo yanñan malan te ya.

5 “Talpein enti nai yanñag lo nanuk igo yan inane wo iyunani tap, nai dam inñiliag o iyunanag da. 6 Ak man nanuk ta nai o ilon rumok dan, talpein ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir o man bo, uyan mok a. Man ata wo? An tia tap, ai wadan nupani san man irinani geig a!

7 “Tan en san tamolpein ensauta a mel ta lo ilo rumok adi aupasek lo dudu wo dududuwai dan, naon muruan tubun geig ak diñane wa! Rumok, melmel ta tamolpein ilod diñanep lo au dupas dan, dilasa san dal tufutani san tia ya. Ak man talpein enti ilo nane an igane ilasa dan, naon saian geig ak inane wa! 8 Amaiak ninen o on bani boi, tia, nie boi, iganep

* 17:15: Lunalin † 17:20: Boi 21 Grik lo tia ya.

aupasek lo udu tap, tutep wabi yau! Gidad nje bani tia man ago madok yen yau san lo ladu man ta saian na ya, man dugo, kabelan nje bani ama da yak ago dijilio dop yai pempem ided dan lo dubulo wau banau. ⁹ Agod on mala iganep au upas tap, mala an bilanip biliau a. Gidad mala kisaek o lian da ago madok yen yau san lo ka ladu wa. Kabelan mala uraru mi dop dijiliop Ades san yai lo dubulo wau banau.

Sipsip ideg yau ak san ru fanan

Luk 15:3-7

¹⁰ “Anj gidad nanuk kititik anjanem leil lo yanad tia yak ago ilom ta isou na wa. Man dugo, naj jurupaian da, inaned enel kumaen panu lo yan maladi pempem yau dop najneg Tamag kumaen panu lo imado dan naon dile da.*

¹² “Anjanem ilo sou dugo yak i? Sipsip muroun inanen sipsip 100 dida ditiliani da, ak man kisaek man naon tia ya. Sipsip muroun an dugo igane wak i? Inj sipsip 99 an ibisawaip, did luan te gafurfur dianid dumado dop yaup kisaek an aban an ile wa. ¹³ Sipsip naon tia yan ile tap, 99 a dumado dan niñedi wo ilon ta tubun mi uyan na wa. Tia, kisaek a naon tiag fon inaneg imul da yan niñen o man ilon tubun geig uyanan a. ¹⁴ Nek dal kisaek an lo mi, anjanem Tamami kumaen panu na yan, nanuk kititik igo yan naod tiap dideg diau o ilon ago ta yen na da.”

Tei ta onj lo aupasek igane ya

¹⁵ “Saen Kris tei ta onj lo aupasek igane tap, san na waup inisan aupasek an kibiai ile. Ak man nunom uraru mi nug lo anjnen a. Aria, onj awa ilon tap man, onj onjane tei da ilom kisaek da wa. ¹⁶ Ak man awa ta ilon na tap, tamol kisaek boi, uraru boi, unjal pe dida aup onjane tei da anjnen a. Dal an lo ru fidian a sisem abol dan, talpein nunod uraru an ka dibinawo wa. ¹⁷ Aria, inj onjane tei uraru an awad ta ilon na tap, muruan an gidad Kris midaen naod na abol ilasa wa. Aria, Kris midaen dam sad ru ta ilon na tap, tamol an gob igo won, tia, takis njalanjal tamol igo won, ago ale dop abiseip asau mi au.

¹⁸ “Nai ru rumok jurupaian da, an mel ta tan na yak afutani tap, kumaen panu na dam itau a, agod mel ta tan en lo apasi tap, kumaen panu na dam ipasi panan a.

¹⁹ “Agod afon jurupaian da, saen an nunom uraru mel ta niñen o kabunjam kisaek go agudani tap, naj Tamag kumaen panu na yan mel an igane panan a. ²⁰ Man dugo, aben ta ate talpein uraru boi, utol boi, naj yanag lo dutumani dan, naj inj dida mumado da.”

Urat tamol ilo munanek aman tia yak san ru fanan

²¹ Agog Pita Jesus san na ipalug isumiani, “O Tubun ak, saen naj teig ta najisag na mi aupasek igane tap, saen sapta mok inisan aupasek njupare idu pani wak i? Dag sutek yang 7 boi i?”

²² Jesus irupei, “Saen 7 man tia ya, tia, naj jurupaio da, saen 70 an seven taida batep, nek ago yen yau a.

²³ “Amiak niñen o Anut san kagin panek man igo ya. Kin ta gubun† funfun a inisan urat tamol tinidi lo dien dan ikubunep itout o ilon ibol se ya. ²⁴ Saen insad pani naon inane san urat an fun igane dugo, urat tamol kisaek dijaneg san na dupalu ya. Kin san gubun tamol an tinin lo yen dan man ten milion kina ago ya. ²⁵ Ak man urat tamol an inisan gubun an isopasi san ta idaisuda na ya. Ago tag kin inanen urat tamol aenta irupidaig ibol, ‘urat tamol an bigabeg onj didaen lo agane dop, tamol ta idad a. Inanen iwon, nanun muroun, agod sad melmel fidian dam nek ago mi agane wa. An lo dop san naon an njinanep ate inisan gubun ka nusopasi wa.’

²⁶ “Urat tamol an kin naon na turun isoluwi idug ibol, ‘O Tubun ak, gidad bube panag dop onjane gubun an fidian nusopasi wa.’ ²⁷ Agog kin ilon imunanig san gubun an isopasig iganeg yau a.

²⁸ “Agog urat tamol an ilasag yau man, tamol ta inisan urat kisaek gubak mi inisan na gubun igane yan ile ya. Tamol an san gubun man 10 kina. Ile go buron yabig iratitale dugo inisan gubun ipani wo irupei a.

* **18:10:** Boi 11 Grik lo tia ya. † **18:23:** Pani

29 “Urat tamol an inſan urat kisaek an naon na turun isoluwi idug irupeï, ‘Gidad bube panag dop onjane gubun nupano wa.’

30 “Ak man tamol an imoi go subanek ab lo ibili iladu ya. Ago imado dop san gubun an ikubune itout gup ilasa wo ago igane ya. 31 Saen inſan urat kisaek aenta ago dile man, ilod saian geig go kiſ san na diaug mel fidian dile yan naon na dubol ilasa ya.

32 “Agog kiſ an urat tamol a kulob igane yan iwagig san na yau a. Yaug iladu man kiſ ago irupeï, ‘Onj tamol saia geig a, onja gubun man niſen o bubeg nupano ya, man dugo, onj njai sumianag a. 33 Onj gidad onja urat kisaek an bube pani wa, nek njai dam onj bubeg nupano ago mi a.’ 34 Kiſ tiſaen wananan geig a, ago yan lo urat tamol an dam subanek ab lo igane yau a. Ante man subanek ab san tirnek adi tinin malan dusue dop yaup, kiſ san gubun isopasi gup ilasa da wa.

35 “Aria, onj bube fidian lo tei a onj lo aupasek igane dan inſan aupasek ta pare idu na tap, man njai Tamag kumaen panu na yan inj kagin nek ago mi onj lo igane wa.”

19

Jesus pein tamol nug dibisei dak niſen o inſen a

Mak 10:1-12

1 Saen Jesus niſen en ibol itout man, distrik Galili ibiseig Judea na yau a. You Jordan ituteg Judea san aben titin ante iladug itilianig itor se ya. 2 Ago dugo tamolpein malan tubun ak niſen aban diri dugo subam ad da yak ilod lo ikubuniaï se ya.

3 Agog Farisi aenkadi san na dupalug diabi wo bitinaek diganeg dusumiani, “Idaned kubiaen dugo ibol ak i? Mel ta niſen o, tia, mel dugo dugo yak niſen o, tamol ta inſanen pein ka ibisei wak i?”

4 Jesus ru naon irupidaig ibol, “Anj dag girek en ta asuti na ya, ‘Fun lo mok Mel Niganag Tamol man tamol inj pein da idirai a,’

5 agog ibol, ‘Fun an niſen o tamol inj tinan taman ibisawaip iwon inſanep nug dupini dupini wa, an lo dop uraru an kisaek mi dilasa wa.’ 6 An niſen o inj uraru ago tia ya, inj kisaek a, man dugo, Anut inſen mi itumanai a. Ak niſen o kabelan mel ta Anut itumanai an tamol itute banau.”

7 Ago ibol tag Farisi dusumiani, “Agog ata wo kubiaen Moses igire yan ago ibol ak i? Tamol ta iwon ikudi wo ilon ago yen tap, aria, girek ta igirep, iwon ipani gup ikudip yau a. Girek an nug banin diabi amaiak itute san girek.”

8 Jesus ru naon ago irupidai, “Moses iwomi akudai san awok ipanan a, man dugo, anj bubem dabai geig a. Ak man fun lo mok an san saen lo, kagin naok ago yak ta digane na ya. 9 Agod ru taida nſurupaian da, tamol ta mel ta niſen o iwon ikudi yau dop, pein foun ak inſane tap, tamol an jeit kagin igane ya. Aria, iwon imug ak a jeit kagin igane yan mi ka ikudip yau a.”

10 Inſanen megeloum dulon go durupeï, “An ago pein tamol da lo ilasa tap, gidad nug diſane dumoi.”

11 Jesus ru naon irupidai, “Tamol nug njanek lo dumoi dan san piteſanek man, fidian ilo uyan lo diſane san tia ya, ak man nek a Anut dabai ipidinaï damaiak mi kagin an ka diſane wa. 12 Tamol pein ta dusu na duman, fun senamo senamo ya. Aenta man nabud patun amad tia, ago tinad tiſaen lo dilasa ya. Aenta man tamol nabud dupasi da. Aria, aenta man, Anut san kagin panek aben dabai dupani san niſen o pein ta dusu na da. Tamol ta piteſanek en awok ka ipani tap, inſane wan uyanan geig a.”

Nanuk diſal go dida Jesus san na dupalu ya

Mak 10:13-16; Luk 18:15-17

13 Agog tamolpein inſiganed nanuk diſal go Jesus banin kabunad fo iganep gadiſ lo bar ipidinaï san niſen o inſan na dupalu se ya. Ak man inſanen megeloum adi tamolpein ru dabai nam dupudai a.

14 Ago gug Jesus ibol, “Nanuk nſaisag na dupalu wo dop eilafu wak, abituanai amoi. Man dugo, Anut san kagin panek aben man nanuk ago yak sadi a.” 15 Agog banin kabunad fufo iganeg aben an ibiseig yau a.

Pinein damag filian anda yak Jesus isumiani a

Mak 10:17-31; Luk 18:18-30

16 Aria, pinein damag ta Jesus san na ipalug isumiani, “O girek marjau, ata kulob

uyan ak njigane dop lo madok pempem yen san an ka njigane wak i?”

¹⁷ Jesus ru naon igo irupeï, “Ata wo mel ta uyan an ninen o sumianag dak i? Nek Anut kisaek o lian an mi uyanan a. Madok uyan ak lo wau o ilo ibol tap, ru kubiaen girek lo dien dan kagin pidinai a.”

¹⁸ Agog isumiaen, “Ru kubiaen dugoma-iaak i?”

Jesus ru naon irupeï, “Onj tamol ta funi imat na wak, jeit kagin ta gane na wak, ta ugam na wak, kot lo supalek ru ta ubol na wak, ¹⁹ tina tama awad paen na mado dop kagin pidinai o uyan ak, agod onse ninje wo umat dak ago mi aenta dam ninjedi wo umat a.”

²⁰ Pinein an irupeig ibol, “Ru kubiaen an fidian njuri njupani se ya. Ata mel taida ninen o katuk ag ak i?”

²¹ Jesus irupeï, “Onj itaot mok lasa wo ilo yen tap, waup onsa mel an fidian didaen lo ganep moni njane wa. Aria, moni an njanep tamolpein mel ad tia yan pidinai a. Ago dop onj kumaen panu lo filiama da wa. Ago gane gup palup njieg aban uri wa.”

²² Saen pinein an ru ago ilonj man, ilon idug yau a, man dugo, in tan en lo melmel wei kasik aman da ya.

²³ Agog Jesus inanan megeloum irupidaig ibol, “Nai rumok njabol da, tamol filian anda man Anut san kagin panek lo iladu san man muruan geig a. ²⁴ Nai fon njurupaianj da, tamol filian anda yak Anut san kagin panek aben lo ka iladu an, rumok tap, aria, kamel dam si guburan tusan ak lo yau san man pasauman geig a.”

²⁵ Saen inanan megeloum ago dulonj man, malad ifure saian geig go dusumiani, “Mago tap, enti mok patu pasek ka inane wak i?”

²⁶ Jesus malan ti ibol go yil dugo irupidai, “Tamolpein kulob ago man in lo ta idaisuda na ya, ak gug Anut lo mel fidian man pasauman a.”

²⁷ Agog Pita ru naon ibol, “Ule, mel fidian mibiseig nje aban muri se ya, an lo ata naon igo mok minjane wak i?”

²⁸ Jesus irupidai, “Nai rumok njurupaianj da, Anut mel fidian afon foun idirai dilasa san saen lo man, Tamol Nanun inanan badim girager anda yak fufo imasi wa. Ago

dop anj enti njieg aban ari apani na yan dam badim 12 ak fufo amasip Isrel san gugoi 12 an abitiniaï a. ²⁹ Agod talpein enti ab ibiseig, tia tein boi, lun boi, taman boi, tinan boi, nanun moroun boi, siganen tan boi, an naj yanag yabisa wo ibisei dop man, mel a ibisawai an san naon sutek yaup 100 irinani wa. Taida mi, naj madok pempem yen san an dam njupani wa. ³⁰ Ak man talpein wei mi gamu in sed malan te idirai dan, saen an lo man in yanad tia yak ago dilasa wa. Agod talpein wei mi in gamu yanad tia dumado dan, saen an lo malan te dilasa wa.

20

Wain abi san urat tamol adi

¹ “Anut san kagin panek man igo ya. Salso idug abi san muroun imasag didaen aben lo yaug urat tamol aenta ibiaip inanan wain abi ilon lo urat digane san. ² Inj urat tamol an dida urat naon dugo ipidinai an ninen o dukubiai se ya. Agog adian kiskisaek atem kina kiskisaek ipidinai o ago ibol a. Agog urat tamol an dulonj go njinjan an awok dupanig idinaig inanan abi lo diau a.

³ “Tidom lom, afon imasag didaen aben ante yaug ilasag, tamol ta kawan dutur dugo yil a. ⁴ Ago dugo irupidaig ibol, ‘Anj dam njaisag wain abi lo aup urat agane. Ago dop murnap ananem urat naon dugo itaot atem njupananj a.’ Ago tag diau a. ⁵ Inj afon, adian lo agod guraian lo mi, nek ago igane ya. ⁶ Guraian mok, auwa kisaek imug mi ad idiau an lo, afon imasag yaug tamol taidam urat ad tia kawan dutur dugo yil a. Agog tamol an irupidaig ibol, ‘Anj ata wo ad milaen kawan atur amado dugo urat ta agane na dak i?’ ⁷ Inj abi muroun ru naon durupeig dubol, ‘Tamol ta manj ibiama man tia ya.’ Ago tag irupidai, ‘Anj dam gamu njaineg wain abi lo au a.’

⁸ “Aria, saen ad idiau dugo abi muroun injan urat gurman irupeig ibol, ‘Urat tamol giai dop sad urat naon anen anen atem udad a. Tamol a murna geig njanal an ate fun ganep, ipalup, yaup, imug ak ate itout a.’ ⁹ Saen urat tamol a murna geig ibiai an dupalu man, anen anen atem kina kiskisaek urat san gurman ipidinai a. ¹⁰ An

ninjen o saen urat tamol a imug mi ibiai an dupalu man, inj moni subunjan taidam dijanane wak ago ilo sou digane se ya, ak man inj dam nek kina kiskisaek mi dijanane ya. ¹¹ Injaned kina dijanane gug, abi muroun ninjen o fun diganeg dujnurnjur se ya. ¹² Inj dubol, 'Tamol e murna geig biai an auwa kisaek o lian urat digane ya, ak man onj ago gane yan lo manj inj dida sisem mi milasa ya. Gug manj urat san muruan ad milaen manj mi misini se ya.'

¹³ "Ak man abi muroun tamol ta luluñad lo imado yan irupeig ibol, 'Turag, naj onj ta njiginio saian na da. Dugo, onj kina kisaek o lian lo urat gane wo awok ta ubol na yak i?' ¹⁴ Onjane urat naon njanep wau. Tamol a murna geig njanj an, urat naon a njupano yan, nek ago mi inj dam njupidinai o ilog yen a. ¹⁵ En dugog, naj siganeg moni lo dugog njigane wo dan, ago ka ta njigane na wak i? Tia, naj siganeg mel njuwae dan ninjen o mala isi dak i?'

¹⁶ "Nek ago mi, talpein murna yan mitep imug dop, imug an murna wa."

Jesus afon injanen matej sumeik ilasa dan ninjen o ibol a

Mak 10:32-34; Luk 18:31-34

¹⁷ Jesus inj Jerusalem na yau se ya, saen an lo injanen megeloum 12 an injal go dida gigin na diaug, irupidaig ago ibol, ¹⁸ "Alonj uyan a, id Jerusalem na tau da. Ante man Tamol Nanun dijanep pris gurman agod kubiaen san girek manjau banid lo digane wa. Inj malak malak bitinaek lo digane gup imat a. ¹⁹ Ago dop Juda tia yak banid lo diganep lo kukok aman digane gup, rasau nam dufuni nap, aigim fo dubali wa. Ago digane wak man, nal utol itout gup, Anut ifufunip afon kumaen imasa da wa."

Jems inj Jon da sad tinad san sumiaen

Mak 10:35-45

²⁰ Agog Sebedi san nanun uraru amaiak tinadi da, Jesus naon na dupalu ya. Agog tinadi turun isaluwig mel ta ipani san ninjen o Jesus isumiani a. ²¹ Jesus pein an isumiani, "Ata mel ninjen o ilo ibol dak i?" Agog pein an naon irupej, "Ru ubol an lo naj nanug muroug e dumado den, murnap unjal pe onjane kagin panek aben lo, onjane badim fo sinjire na dumasig dumado wa.

Neinta bani won ak lo dop, neinta njas ak lo gane wa."

²² Agog Jesus, Jems inj Jon da irupidaig ibol, "Mel dugog mok ninjen o asumianag dan ta alonj uyan na ya. Ak dugog, gab a naj lo njaluk san an, anj dam lo aluk anen idaisuda yak i?" Agog inj ru naon durupeig dubol, "Awo, manj idaisuda ya." ²³ Jesus irupidai, "Rumok, anj njaneg gab an lo aluk a. Ak man sinjireg na amasip amado, ta banig won ak lo, ta banig njas ak lo, aben a yanjan anda amaiak naj njupananj san ta idaisuda na ya. Tia, njaneg Tamag inj sen mi tamol ta aben an ipidinai san ipilianai la ya, amaiak ninjen o aben uraru an injaned mi a."

²⁴ Saen injanen megeloum 10 dumado yan ago dulonj man, tamol uraru an njinedi wo tinjaed saian geig a. ²⁵ Ak man Jesus igiaig san na dupalug igo irupidai, "Anj alonj ak, gob adi luluñad lo injaned gurman sed idiraip lak na mok disuda dop tamolpein ditirnai o digane wa. Agod injaned tutubu yan tamolpein kawan ak didiraip tuod paed na dumado wa. ²⁶ Ak gug anj luluñam lo kagin ago yak ta mok ilasa na wa. Tia, talpein ta anj luluñam lo yanjak tubun ak injane wo ilon ibol tap, sen iganep anjanem biabi njalanj onj ilasa wa. ²⁷ Agod talpein ta anj luluñam lo imug yau san ago ilon ibol tap, sen igane idup anj fidian mi wagem lo bigabeg igo wonj ilasa wa. ²⁸ Nek ibol Tamol Nanun inj sen igo wonj, tamolpein aenta binawek urat dupani wo ta ipalu na ya, tia, aenta njinedi wo binawek urat igane wo ipalu ya. Agod sen tinin fidian ibiseip an lo tamolpein wei mi siganen dar lo idad pe injal imul o dam ipalu ya."

Jesus tamol uraru malad itau an ikubuniai a

Mak 10:46-52; Luk 18:35-43

²⁹ Saen Jesus injanen megeloum dida Jeriko dibisei man, tamolpein malan tubun ak njien aban diri a. ³⁰ Ante man tamol uraru maladi itau ak dal gigin na dumasig dumado ya. Saen Jesus irinjanai o igane dugog dulonj man diwagin, "O Tubun ak, Dawid Nanun, ilo imujanama!" ³¹ Agog tamolpein an dububunjanag durupidai, "Awam itaup atokabol pe amado!" Ago tag

tamol uraru an nen maeg nam duwagin dugo disasai, “O Tubun ak, Dawid Nanun, ilo imuḅanamala!” ³² Jesus awad ago ilon man, ipartuanig igiaig irupidai, “Dugo ḅidiraḅ o ilom ibol di?” ³³ Agog in durupeig dubol, “O Tubun ak, maḅ abaḅ mile wo iloma ibol da.” ³⁴ Agog Jesus tubun mok ilon imuḅanaig maladi isupuri dugo gamu nam uraru an abaḅ dile ya. Agog ḅien aban dirig dutor se ya.

21

*Jesus kin ḅon Jerusalem na iladu ya
Mak 11:1; Luk 19:28-40; Jon 12:12-19*

¹ Jesus inanen megeloum dida Jerusalem sumeik dupani dugo, Did Oliv siḅiren na panu ta yaḅan Betfage dubol dan ate dilasa ya. Ago man Jesus megeloum uraru panu an ilon lo diau o idinai a. ² In ago irupidaig ibol, “An nuḅom urarum panu o tile dan ante au a. Aup doḅki ta dususeg itur dak ante ale wa, in nanun da sisem dutur da. Urarum kam apasip aḅal pe ḅaisag na apalu. ³ Tamol ta ru aman da dop, aḅ igo arupei wa, ‘Tubun ak urat ipidinai a.’ In ago ilon dop, idinaip aḅal pe apalu salti wa.”

⁴ Dal an lo man, awan aban ta profet ta ibol an nuḅon ilasa ya. Ru an igo ibol,

⁵ “Ru en Saion san Nanun Pein* naod na ubol ilasa wa.

Ale, aḅanem Kin gamu aḅsam na ipalu da.

Tamol mos aman ak igo woḅ ipalu da, doḅki ta fufo na imasig imado da.

Doḅki an foun ak fo na imasig imado dugo ipalu da.”

⁶ Agog megeloum uraru an diaug, Jesus ibol ak ago mi digane ya. ⁷ Diaug, doḅki tinan in nanun da diḅal go dupalu ya. Agog doḅki an patun fufo kulos duruwarig, Jesus fo isudag imasig imado dugo diau a. ⁸ Agog tamolpein malan tubun geig an inḅiganeḅ kulos milmilae ak dupasi dugo dal te duruwari se ya. Ago dugo aenkadi ai raen dututeg dal damag dupani dugo didiri se ya. ⁹ Tamolpein aenkadi, Jesus dida inug

mi diau dugo, tamolpein aenta murna dupalu ya. In fidian mi igo dubol duwagin se ya,

“Hosana,† Dawid Nanun, per mupano da! Tamol Anut yaḅan lo ipalu den bar inane ya!

Hosana lak na geig!”

¹⁰ Saen Jesus Jerusalem na iladu man, tamolpein fidian ilod imasa dugo nug dusumiani se ya, “Tamol en enti ak i?”

¹¹ Ago dugo tamolpein a ida tureḅ diabi se yan ago dubol, “En Jesus, emaiak in profet, distrik Galili ilon lo panu ta Nasaret san ak ipalu ya.”

Jesus tamol tempel san ar ilon lo didaen digane se yan ikudai a

Mak 11:15-19; Luk 19:45-48; Jon 2:13-22

¹² Jesus tempel san ar ilon lo iladug, aben ante didaen tamol, agod a melmel ta didad dan dam fidian ikudaig patun fo dilasa ya. Inḅad tebol fufo na moni dubulisa se yan, iratitaleg yabibol idu dugo, tamol aenta muluk didaen lo didirai se yan sad kalik dam yabibol yau a. ¹³ In igo ipidai, “Anut san buk lo ru en digire ya, ‘ḅaineg ab man gudanek san ago dubol a,’ ak man aḅ agane ilasag ‘gumagam adi sad mianuk ab’ igo agane da.”

¹⁴ Jesus tempel lo imado dugo, malad itau agod ḅied saian ak dam san na dupalu se ya, ago man in ikubuniaḅ dugo tinid siḅaokan dilasa se ya. ¹⁵ Ak man pris gurman adi agod kubiaen san girek maḅau dam in kulob girager igane se yan dile dugo, nanuk tempel san ar ilon lo yak igo duwagin, “Hosana Dawid Nanun, per mupano da!” Saen gurman adi ago dile man ilod saian dugo tinḅaed wananan a.

¹⁶ Ago tag Jesus dusumianig dubol, “Ru e dubol den ulon dak i?” Agog Jesus ru naon irupidai, “Awo, ḅalon da. Nag aḅ ru en ta asuti na yak i?

‘On nanuk kititik agod nanuk su ate dam pilianai dop, per panek awad lo ilasa wa.’ ”

¹⁷ Agog in ibisawaig Jerusalem patun fo ilasag yaug tidom an lo Betani na ḅion yabi a.

* **21:5:** Saion san Nanun Pein an ru faḅan, in fun man ‘Jerusalem san tamolpein’ † **21:9:** Wagam mok ru en ‘hosana’ san fun man ‘on patuma pasi’ igo ya, murnag fun afon ibileksag, nek ibol ‘per mupano’ ago ilasa ya.

*Jesus ibol dugo gurab ibun yau a
Mak 11:12-14; 20-24*

¹⁸ Tidom lom mok Jesus imul go Jerusalem na yau, saen an lo dam in anan o imat. ¹⁹ Malan yaug dal gigin na ai gurab ta itur dugo ile, ago man sinjiren na geig yau. Ak man nunon ta ile man tia ya. Roun kawan mi yen a. Ago tag in ai gurab an ago irupeï, “On afon nuno ta ufu na wa. Tia geig a.” An lo man gurab an ibun yau kisaek on a.

²⁰ Inanen megeloum ago dile man durut geig dugo dubol, “En dugo won mok go gurab an ibun yau kisaek on ak i?”

²¹ Ago dugo Jesus ru naon igo irupidai, “Nai rumok mi nurupaian da, an ilom lo rumok dop, agod ilom uraru dam tia tap, an kulob e nai gurab lo njigane yak ago mi ka agane wa. An mi tia ya, tia, an did en arupeip, on masap sokalik beig lo udu, ago dop mel a arupeï an awam yabi wa. ²² Agod an ilom rumok aman da yak lo gudanek agane tap, mel fidian a ninedi wo gudanek agane dan ka anane wa.”

*In Jesus dusumiani, “Enti ipiliano ya?”
Mak 11:27-33; Luk 20:1-8*

²³ Jesus tempel lo iladug tamolpein manau ipitejanai se ya. Ago dugo pris gurman adi agod Isrel san gurman adi dam dupalug naon na dilasag dusumiani, “On kob en agod dabai dam dugon te njaneg lo melmel en gane dak i? Enti mok dabai en ipanog ate urat en gane wo ibol ak i?”

²⁴ Agog Jesus ru naon igo irupidai, “Nai dam mel ta ninen o nusumianan o da. Ago dop an imug naisag sumianek an itaot arupaïag tap, enti mok urat e njigane den san dabai ipanag ak ka nabol pe alon a. ²⁵ Dugo ilom isou dak i? Jon san suguek man, dugon te kagin an inane yak i? An kumaen panu san mel, tia, tamol sad mi ak i?”

Agog in sed nug lo igo dinjen se ya. “En kumaen panu san mel, ago tabol tap, in igo ibol isumianad a, ‘En ata wo an in ninen o ilom ta rumok na yak i?’ ²⁶ Ak gug ‘En man tamol sad mel mi a,’ ago tabol tap, id o dugo ilasa wak i? Id tamolpein en ninedi wo tarer da, man dugo, insad ilo sou lo man Jon mi in profet, ago dubol da.” ²⁷ Ago yak ninen o Jesus ru naon durupeig dubol,

“Man ta malon na ya.” An lo man Jesus irupidai, “Ago yak ninen o nai dam enti mok kob agod dabai ipanag an ta nurupaian na wa.”

Nanuk uraru tamad da sad ru mitilaen

²⁸ “An mel emaiak ninen o dugo won ilo sou agane di? Tamol ta nanun uraru a. In nanun matu ak san na yaug igo irupeï, ‘Nanug, on gamu waup wain abi lo urat gane wa.’ ²⁹ Agog nanun ibol, ‘Nai namoi.’ Ak man murna gug ilon ibileksag abi lo yau a. ³⁰ Agod taman an nanun bakan ak san na yaug, ru naon kisaek ago mi irupeï a. Agog nanun an awan yabig ibol, ‘Awo Bai, nau o da.’ Ak gug in ta yau na ya. ³¹ Dugo ilom isou dak i? Nanuk uraru en, enti mok taman san ilobol iri ak i?” Ago man in dubol, “Nanuk matu ama ya.” Agog Jesus ago irupidai, “Nai rumok nurupaian da. Takis njilanj, agod dal san pein adi, in an dirinanan go Anut san kagin panek aben lo diladu da, ak man an aladu wo amoi da. ³² Man ata wo? Jon imug an kagin itaot ak san dal ikubiaip ale wo, sam na ipalu ya. Ak man an ilom ta rumok na ya. Ak gug takis njilanj tamol, agod dal san pein adi dam, in ilod lo rumok a. Gidad an ago ale bo man, ilom lo ta rumok na, agod ilom dam ta ibileksa na ya.”

*Abi san kagin panek adi san ru fanan
Mak 12:1-12; Luk 20:9-19*

³³ Jesus tamol tutubu yak ago irupidai, “Kududom agure dop ru fanan taidam nurupaian o da. Tamol ta in wain san abi yabig ar ifou a. Abi an ilon lo wain patun dupartitale san gib yabi a. Agod ab a ate abi titianek dumado san dam abi ilon lo yabi a. Agog tamol ta abi an kagin dupani san urat digane wo ipilianaig, banid lo igane ya. Aria, saen abi taman in urat an fidian igane itout man, imasag panu asau ak ate yau a. ³⁴ Aria, ai wain nunod ifu san saen sumeik ipani dugo, in insan biabi njilanj idiraig inanen wain nunon disini wo diau a. ³⁵ Ak man urat tamol a abi lo dumado dan dumasag, tamol a abi muroun idinaig diau an muruan dupidinai a. Ta dufunig, neinta dufuni imat dugo, kisaek pat nam dufuni imat a. ³⁶ Murnag abi taman an urat tamol sen ak idiraig sad na

diau a. Inj nuṇod kitek wei a, a gubak mi idiraig diau an dirinānai a. Tamol abi lo urat digane yan dumasag urat tamol a diau an lo kulob gubak mi digane yak ago mi digane pidinai a. ³⁷ Murna geig abi taman nanun mok idinig yau dugo ilo sou lo igo ibol, 'Urat tamol an ṇaineg nanug mok an awan diabi wa.'

³⁸ "Tamol abi lo urat digane dan, malad yaug nanun ipalu dugo dile. Ago man inṣed nug ru dupeig dubol, 'Tamol en man taman san melmel fidian mi inṇane wo da. Ago yak niṇen o id tufunip imat dop, inṇanen abi id tiṇane wa.' ³⁹ Ago dubol go diabig ar patun fo dubal idug dufunig imat a.

⁴⁰ "Ago yak niṇen o aṇ dugo woṇ ilom isou dak i? Murnap, saen abi taman an ipalu wan lo, inṇ tamol a abi lo urat digane na yan niṇedi wo dugo mok igane wak i?"

⁴¹ Inj ru naon igo durupeṇ, "Abi taman inṇ tamol saiadi an daoṇ saian geig ak ipidinai a. Ago dop wain san abi an tamol sen ta ipidinaip kagin dupani wa. Urat tamol foudi an, wain nuṇon ifu san saen lo, san nuṇon diṇanep dutumanip disini dop dupani wa."

⁴² Ago tag Jesus ago ibol isumianai, "Nag aṇ ru e girek lo yen den ta asuti na i?"

'Pat nek a ab bek tamol adi dumoi dan, nek amaiak ab tinin fidian yabi sakar da.

An Anut sen ago igane ya, agod id malad lo en man siṇaokan geig a.'

⁴³ "Amiaiak niṇen o ṇai ṇurupaianṇ da, Anut inṣan kagin panek aben an, aṇ tuom lo ipasi yau a. An lo dop tamolpein sen ak ta, inṇ Anut san kagin panek aben an san nuṇon mok digane ilasa dan, kagin panek aben an inṇ ipidinai a. ⁴⁴ Talpein ta inṇ pat en fo na yau idu dop man, sen ifuni ititale wa. Ak gug talpein ta pat en kabuṇan fufo idu dop, ifufari idu wa."

⁴⁵ Saen pris tutubu agod Farisi adi, Jesus ru faṇan a ibol se yan duloṇ man, inṇ duloṇ uyanan ak Jesus inṇanen ru lo inṇ isiai se ya.

⁴⁶ Amiaiak niṇen o dal ta lo Jesus diabi wo maeg diganeg abanṇ dile se ya. Ak man tamolpein malan tubun ak niṇedi wo direr, man dugo, tamolpein an sad ilo sou lo man Jesus inṇ profet, an niṇen o inṇ ta diabi na ya.

22

Nug iwon ṇilaṇal san ananṇ tubun ak san ru mitilaen

Luk 14:15-24

¹ Agod afon, Jesus tamolpein an ru faṇan lo irupidai a. ² "Anut san kagin panek man igo ya. Kinṇ ta inṣinan nanun tamol ak o nug ṇanek san soubul yabi a. ³ Inṇ imug mi tamol adi a inṣan nug iwon san ananṇ diani wan nal dugon lo dupalu wo irupidai. Aria, ananṇ nal idu dugo inṣinan urat tamol idiraig tamol an dil o diau a. Ago yak man inṇ dupalu wo dumoi a. ⁴ Agod afon inṇ urat tamol sen ak idiraig diau wo dugo, igo irupidai, 'Aṇ tamol a gubak mi ṇigiaṇ an sad na aup, igo arupidai a. Aloṇ uyan, ṇai ananṇ ṇukubune la ya. Makau tubun ak agod makau nanud tinid bulbal ak dam mafu la ya, mel fidian mukubuneg dien da. Aṇ soubul en lo apalu wa.'

⁵ "Urat tamol diaug tamol an ru durupidai a, ak man ru an dumoi go kagin ta dupani na yan lo, dufurak go gidigidad diau a. Ta inṣinan abi lo yau dugo, ta yaug inṣinan bisnis urat igane se ya. ⁶ Aenta dumasag kinṇ san urat tamol duburoug ru saian ak lo dububuṇanaig dufu dumat a. ⁷ An niṇen o kinṇ tiṇaen tubun mi saian tag, inṣinan yu tamol adi idiraig diaug, tamol a inṇanen urat tamol dufu dumat, amiaiak dufu dumat dugo sad panu dam dumarig inani yau a.

⁸ "An itout go kinṇ an inṣan urat tamol ago irupidai, 'Nug iwon ṇilaṇal san ananṇ kubunek go yen da. Ak man tamol a ṇai imug ṇigiaṇ an, dupalu san inṇ ta idaisuda na ya. ⁹ Ago yak niṇen o amasap dal gigin fidian lo atur a, tamol fidian eil dop, agiaip nug ṇilaṇal san ananṇ lo dupalu wo ago arupidai a.' ¹⁰ Inṇ ago ibol dugo, inṇanen urat tamol dumasag, dal gigin fidian atem dutur dugo, tamolpein uyadi agod saiadi ak dam dil dugo dutumanai se ya. Agog ananṇ tubun an lo dupalu ya. An lo man ab a ate soubul diani san an awan isa geig a.

¹¹ "Tamolpein dumasig dumado dugo kinṇ an yil o iladu ya. Inṇ iladug malan yau man, tamol ta nug ṇilaṇal san kulos ta igane na yan ile ya. ¹² Agog naon na isusag isumiani, "Turag, en dugog oṇ nug ṇanek

san kulos ta gane na gug ente sadu yak i? Agog tamol an ru ta ibol san tia ya.

¹³ “Ago tag kinj urat tamol adi sinjiren na dutur dan irupidaig ibol, ‘Anj njen banin afoup, anjanep abili patun fo ilasa dop, abanj tidom tubun ak lo imado wa. Aben ante man tamolpein tinarj digane dop madai lo luod dugurmi wa.’ ¹⁴ Man dugo, Anut inj bo tamolpein wei kasik igiai da, ak gug tamolpein kisaek kisaek mi diladu san kob ipidina a.”

Kaisa san takis njilarj

Mak 12:13-17; Luk 20:20-26

¹⁵ Agog Farisi adi diaug, Jesus san njen lo dal dugo diabi san njen o dutumanig dukubiai se ya. ¹⁶ Inj awad kisaek go, siganed megeloum aenkadi, Herod san tamol aenta dida didiraig, Jesus san na diau a. Tamol an Jesus durupeig dubol, “Girek manjau, manj malonj ak onj ru rumok san tamol. Onj tamolpein Anut san dal an njen o itaot mi pitejanai da. Onj tamol ta njen o urer san tia ya. Tia, onj ru kisaek an mi tamol fidian lo ubol yau da. Gidad yanjad da yak, di yanjad tia yak dam mi a. ¹⁷ An njen o onj ka mel en njen o rupaiama wa. Dugo, Kaisa takis moni tupani wan uyan ak i? Tia, saian ak i? Onj dugo ilo isou dak i?”

¹⁸ Ago yak man Jesus inj sad ilo sou saian an ilonj dugo igo irupidaig ibol, “Anj balem rararu a, ata wo njai bitinaek lo aginiag o agane dak i? ¹⁹ Anj moni a lo takis adad o dan kisaek akubiai dop njile wa.” Ago tag inj moni ta disinig san na dupalug dupani a. ²⁰ Jesus ibol isumianai, “Mitilaen agod yanjak e fufo digire yan enti san ak i?” ²¹ Agog inj dubol, “Kaisa san.” An njen o irupidai, “Mel ta Kaisa san tap, Kaisa apani wa, agod mel ta Anut san tap, Anut apani wa.”

²² Saen ru an dulonj man durut saian geig a. Agog dibiseig diau a.

Sadyusi Jesus diabi wo bitinaek digane ya

Mak 12:18-27; Luk 20:27-40

²³ Nal kisaek an lo Sadyusi aenta Jesus san na dupalu ya. Tamol nek an pris gurman adi sad warou, inj tamol dumat pe murnap fon kumaen dumasa da wan

nijen o ilodi ta rumok na da. Agog Jesus igo dubol dusumiani, ²⁴ “Girek manjau, Moses gubak mi igo ibol a. ‘Tamol ta inj nanuk aman tiag imat tap, gidad tein imasap iwon ka injane dop, an lo tein imat la yak aben lo nanuk idiri ilasa wa.’ ²⁵ Aria, gubak mi man tein muroun nunod 7 manj lulanjama lo dumado se ya. Matu ak pein injaneg imado nag imat, ak gug inj nanuk aman tia ya. Ago yak njen o tein bakan ak imasag matu imat an san pein injane ya. ²⁶ Tein bakan an dam tein san suos a injaneg, dumado yak man nanuk amad tiag tamol ak imat a. Tein muroun murna an dam nek ago mi, teidi sad suos an dinjane yak man, nanuk amad tia dumado nag, dumat a. ²⁷ Tein an fidian mi nanuk amad tia dumat gug pein an dam imat a. ²⁸ An njen o onj ubol rupaiama wa. Saen tamolpein dumat pasik an afon kumaen dumasa tap, tamol an fidian ilod lo man, pein an enti iwon ak i? Onj ulonj ak inj fidian iwodi a.”

²⁹ Ak gug Jesus ru naon irupidaig igo ibol, “Anj afurfi saian a. Man ata wo? Anut san ru girek lo yen dan, agod Anut san dabai dam anj ta alonj uyan na ya. ³⁰ Saen tamol dumat pe dumasap kumaen panu na dutor dan, pein ta dusu na da, agod ante tamol ta pein njen ta dupani na da. Tia, inj kumaen panu san enjel igo wonj dumado da. ³¹ Agod taida mi, tamol dumat ak fon kumaen dumasa da wan njen o kududom agure. Nag anj ru a Anut irupaijan an ta asuti na yak i? Inj igo ibol, ³² ‘Njai man Abraham san Anut, njai dam Aisak san Anut, agod njai dam Jakob san Anut.’ Anut man inj tamol a matej lo dumado dan sad Anut tia ya. Tia, inj man tamol kumaed dumado dak sadi a.”

³³ Saen tamolpein a Jesus dubuluwi dan inj san pitejanek emaiak dulonj man, inj durut dugo ru an njen o nug lo dinjinenj ila iso se ya.

Kubiaenj dugomaiak malan te yak i?

Mak 12:28-34; Luk 10:25-28

³⁴ Saen Farisi, Jesus ru a ibol an lo Sadyusi awad yabituanian an dulonj man, naon na dutumani a. ³⁵ Tamol ta inj lulunjad lo itur an, inj kubiaenj san ulonj tamol, amaiak ru a Jesus ibol an ipipi wo igo isumiani a. ³⁶ “Girek manjau, kubiaenj dugomaiak

in malan te dugo, kubiaen aenta irinjanai geig ak i?” ³⁷ An ninjen o Jesus ago irupei, “Onj gidad Tubun en onjane Anut ninjen o umat a, onj bube fidian lo, onj ntu fidian lo, agod onjane ilo sou fidian lo ago gane wa. ³⁸ Kubiaen en tubun a, agod in malan te geig a. ³⁹ Kubiaen turan en dam nek ago mi a. Nek onjse ninje wo umat dak ago mi, tamolpein aenta dam ninjedi wo umat a. ⁴⁰ Kubiaen uraru en malan te yen da, Moses san kubiaen fidian, agod profet sad awak aban an dam, kubiaen uraru en paed na diyuk dien da.”

Kristus in enti nanun ak i?

Mak 12:35-37; Luk 20:41-44

⁴¹ Farisi adi dutumanig dumado dugo Jesus ibol go isumianai, ⁴² “Anj Kristus ninjen o dugo ilom isou di? Inj enti nanun aki?” Ago man in durupei, “En man Dawid nanun.”

⁴³ Ago tag in irupidai, “Aria, en dugo wonj go, Kristus ninjen o, Dawid injen mi Awan Urgun san dabai lo mi injen dugo tamol an yanjan man, Tubun ak ibol ak i? Inj igo ibol,

⁴⁴ “Tubun en njaisag Tubun ak igo irupei, “Onj naj tuog won ak ate masip yaup, murna gup naj onsa ager adi njidiraip, onj njie pae na dumado dop njie nam partuanai a.”

⁴⁵ Amaiak ninjen o Dawid injen mi in Tubun ak ago ibol tap, en dugo wonj pe in Dawid nanun ak i?” ⁴⁶ Nal an log yau man, Jesus sumiaen subujan taidam dusumiani wan ninjen o direr se ya.

23

Jesus in Farisi agod girek manjau adi sad kagin sisaiak an kuai tem igane ilasa ya

Mak 12:38-39; Luk 11:43,46; 20:45-46

¹ Nal an lo Jesus injanen megeloum, agod tamolpein a dubuluwi an dam irupidaig ibol, ² “Kubiaen san girek manjau in Farisi dida Moses naon dinjane ya. ³ An ninjen o ata mel agane wo durupaian dan an kagin apani dop itaot mi agane wa. Ak gug kagin naok naok a digane damaiak an dam nek an ta ari apani na wa. Tia geig, man ata wo? Inj ru kagin wei mi dubol dak, gug injed mi insigned ru ta duri dupani na da.

⁴ Inj tu muruan ak dufou dugo, tamol yarod fo didirai da, ago yak gug injed banid kurunen nam kitek diabip tamol dubunawai dop disini wo man dumoi da. ⁵ Mel fidian in digane duman, tamol dil o digane da. Awo, inj gudanek san ariy didiri dugo, bala milmilae ak dam kulos bitinjen fo na digane da. ⁶ Inj soubul lo kalik malan te yak ninjen o dumat da, agod ubou ab lo dam nek ago mi a. ⁷ Inj panu titinje mi tamol ‘adian’ dupidinai o ilod yen da, agod tamol in njinedi wo ‘tamol tubun ak’ ago dubol an dam ninjen o dumat da. ⁸ Ak man, tamolpein aenta an gurman adi dubol ak ago ta digane na wa. Tia, tamol kisaek o lian man anjam gurman, agod an fidian man nug tein taon amado da. ⁹ Tan en lo talpein ta an tamam ak ago ta abol na wa. Man dugo, Tamol kisaek o lian in an tamam, amaiak kumaen panu lo imado da. ¹⁰ Agod tamolpein aenta in an girek manjau adi ak ago ta dubol na wa, man dugo, an girek manjau kisaek o lian am da ya, in Kristus. ¹¹ Tia, an lulunjam lo man, enti in malan te yan, an fidian sam urat tamol ago ilasap imado wa. ¹² Tamol in sen yanjan yabisa dan, injan yanjan an yau idu wa. Tamol in sen yabi idu dan, yanjak tubun ak injane wa.

Jesus saen 7 ru lo ibiai dudu ya

Mak 12:40; Luk 11:39-42,44,47-51; 20:47

¹³ “Anj kubiaen san girek manjau, Farisi dida man, muruan tubun geig ak ale wa. Anj tamol awam rararu amam mi a! Man ata wo? Anj tamolpein naod na Anut san kagin panek aben an san dalawan afutani da. Ansem ta aladu na da, ago dugo tamolpein a diladu wo dan, nek amaiak an sad dal afou da.* ¹⁴ Anj kubiaen san girek manjau, Farisi dida man, muruan tubun geig ak ale wa. Anj tamol awam rararu amam mi a! Man ata wo? Anj pein suos sad ab agam da, agod gudanek milaen kasik, tamolpein dilian o agane da. Amaiak ninjen o naon a anjane wan nen tubun mi ilasa wa.

¹⁵ “Anj kubiaen san girek manjau, Farisi dida man, muruan tubun geig ak ale wa. Anj tamol awam rararu amam mi a! Man ata wo? Anj wein abi dak, agod tan na dam

* 23:13: Boi 14 Grik lo tia ya.

ator dak, tamol ta kisaek o lian aban an ale dop, an lo aganep, Juda sad dal iri san tamol ago ilasa wa. Gug saen an tamol naok ago yak ale dop, nek ibol ansem Ades lo aup amado wak igo, in dam Ades lo yaup imado wan ninen o tubun geig irinanan a.

¹⁶ “An malam itapul amami a, muruan tubun geig ak anane wa. An tamol malad itapul an ak dal akubiai pidinai dak gug ansem mi malam itapul an a. An igo abol da, ‘Tamol ta insinan ru dabai ipani wo, tempel san yan an lo lak na geig ibol tap, insan promis Anut ipani an man kawan a. Ak gug in tempel san gol ilon lo yen dan san yan an lo lak na geig ibol tap, gidad promis a ibol ak ago mi iri wa.’ ¹⁷ An mala tapul buraurau! Ata mel malan te yak i? Ak dugo, gol malan te yak i? Tia, tempel an san gol gun igane damaiak malan te yak i? ¹⁸ Taida mi an igo abol da, ‘Tamol ta insinan ru dabai ipani wo, alta san yan an lo lak na geig ibol tap, insan promis Anut ipani an man kawan a. Ak gug in lou panek a alta fufo yen dan san yan an lo lak na geig ibol tap, gidad promis a ibol ak ago mi iri wa.’ ¹⁹ An malam itapul amami a! Ata mel malan te yak i? Ak dugo, lou panek an malan te yak i? Tia, alta a lou panek an gun igane damaiak malan te yak i? ²⁰ An ninen o tamol insinan ru dabai ipani wo alta san yan an lo lak na geig ibol tap, melmel a alta fufo na dien dan lo dam sinan ru dabai ipani da. ²¹ Nek ago mi, tamol in tempel san yan an lo lak na geig ibol tap, in tempel agod In a ate imado dan sisem sad yan ad lo dam lak na geig ibol da. ²² Agod tamol a sinan ru dabai ipani wo kumaen panu san yan an lo lak na geig ibol dan, Anut san badim lo, agod In a badim an fufo imasi dan lo dam, lak na geig ibol da.

²³ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? Abi san pinapan kititik wei mi abitig malan 10 dilasa ya, agog malan kisaek Anut apani a. Ak man an kubiaen san ru malan te yak, nek ibol kot lo atarpasai uyanan dak, aenta ilom imunanai dak, agod ansignem ru aganuri dan, kagin naok naok ago yak ari san ninen o kagin ta apani

na da. Kagin malan te yak agane wa, agod kubiaen san ru kagin kititik dam ta abisei na wa. ²⁴ An gurman adi, an malam itapul ami a! An tuor fufo na gubudai akudai da, gug ta alon dugo kamel atunali da!

²⁵ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An gab in daeg da, tinid patud fo yak mi afulani da, ak man ilodi nun tinan a. An ilo sek san kagin, agod ilo masa san kagin abituani san ta idaisuda na ya, kagin sisaiak an an ida isuda geig a. ²⁶ On Farisi, on mala itapul an a! On imug gab ilon fulani uyan a, ago gup tinin patun fufo na yak dam ikok aman ilasa wa.

²⁷ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An bem milkouk ak nam mutou san ab diabi ak igo won a. Kuai te man mutou an san leil sinakan mok a, ago gug ilon lo man tamol dumat ak sad tatumadi, in melmel nun amad da yak wei mi dam dida awa nag dien da. ²⁸ An dam nek ago mi amado da. Tamolpein malad lo ananem nao lalek man uyanan manon a, ak gug ilomi man, balek rararu san kagin in kubiaen pilalek kagin da awa nag yen da.

²⁹ “An kubiaen san girek manau, Farisi dida man, muruan tubun geig ak ale wa. An tamol awam rararu amam mi a! Man ata wo? An profet sad mutou san ab abi da, nek ago mi tamol uyadi ak sad mutou dam bala apani da. ³⁰ Agod an igo abol, ‘Man tubum bagem sad saen lo mumado yak man, man in luad masap mibinawaip sisem profet ta mafu dumat na wa.’ ³¹ Ru amaiak lo an sem ibian adu da, man dugo, an kuai tem tamolpein akubiai pidinai dak ansem man, tamol ensauta a profet adi dufu dumat na yan, amaiak sad nanud muroud mi a. ³² Amaiak ninen aup, kagin naok a tubum bagem digane se yan, ago mi aganep idaisuda wa. An lo dop kob a in ante dilasa yan an dam ante alasa wa!

³³ “O an mot adi, mot wagai ak sad nanud muroudi! En dugo won Anut an Ades lo au o irupaian an abiseip asol au ak i? ³⁴ Fun amaiak ninen o nai profet adi ndinai dugo,

manjau tamol adi, agod girek manjau adi, dupalu dugo anj sam na dilasa da. Ago bo man anj aenta afu dumat a, aenkadi aigim fo abalai a, aenkadi sinam ubou ab ilod lo asukutai a. Aenkadi akudaip taun an dibi-seip taun sen ak lo diau a, kagin nek agom digane yau a. ³⁵ Fun an niñen o, tamol uyadi fidian a tan en lo ager adi banid lo maten dile yan, kagin amaiak san ai wadan Anut ansem mi ipanan a. An man anj sinam muruan mi a. An lo Abel imat ak san saen log ipalug kin Joas san saen lo, Sakarias in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan man anjiganem muruan mi a. ³⁶ Nai ru rumok ak njurupaian da, kagin sisaiak fidian en sad naon saian ak tamolpein gamu dumado den sad na ilasa wa.

Jesus Jerusalem tamolpein niñedi wo ilon muruan a

Luk 13:34-35

³⁷ “O Jerusalem, Jerusalem, onj profet ufu dumat na ya, onj tamol a Anut idinaig onja na dupalu na yan ufu wo pat ubal na ya! Saen sapta, nek ibol kurek tinan subarin roun paen na nanun ituanai o dak ago mi, nai onja nanu murou njutumanai kagin njupidinai o, ilog tubun mi yen da. Ak gug anj amoi a. ³⁸ Ale, Anut anjanem tempel ibisei la ya, an lo anjanem ubou ab man kawan yen da. ³⁹ Man dugo, nai igo njurupaian da, anj fon nai ta aliag na wa. Tia, saen anj abol, ‘Tamol e Tubun ak yanjan lo ipalu den bar mupani da,’ an san saen lo mi afon nai aliag da wa.”

24

Saen e lo tumado den itout san kob
Mak 13:1-31; Luk 21:5-33

¹ Jesus tempel ibiseig yau dugo, injanen megeloum tempel san ab funfun naodi dugo yak dukubiai ile wo san na dupalu ya. ² Ak man in ru naon ago irupidai, “Anj mel en fidian mi ale yak i? Nai ru rumok ak njurupaian da, ente man pat ta kisaek o lian pat sen ak tinin fufo na ta yen na wa. Tia, murnap tamol adi dupalup tempel en fidian daonj dupani wa, ago dop tempel san pat fidian dugufututep diabibol tan na dudu wa.”

³ Jesus Did Oliv fo imasi dugo injanen megeloum mianuk lo san na dupalug dubol, “Onj rupaiama wa, saen dugomaiak lo melmel en dilasa wak i? Mel dugomaiak imug ilasa dop, ate manj malonj ak, onj umul palu o di? Agod saen gamu e tumado den itout o di?” ⁴ Jesus ru naon igo irupidai a, “Anj kagin agane, kabelan tamol ta anj irawan banau. ⁵ Tamol wei mi dupalup nai yanag dupatep dubol a, ‘Naiseg Kristus.’ Ago dop tamolpein wei kasik dirawai a. ⁶ Anj yu ager alonj ak, agod ru tim yu ager sensen yau onj an dam alonj a. Anj kagin agane wa, kabelan amasa saian banau, man dugo, mel an ilasa wak, ak gug nal wadan san saen man gamugo da. ⁷ Tamol malan ta yu diabisa dop, tamol malan ta yu naon injsad na digane imul a. Ago dop kinj ta injsan tamolpein dida yu diabisap, kinj sen ak ta injanen tamolpein dida nug dufuni wa. Agod aben sensen lo man kadag tubun mi idu dop kanaurig tubun ak gidigheid dilasa wa. ⁸ Nek ibol pein nanuk igansi wo dop madai ile dak igo wonj, melmel en fidian man, madai a nal wadan ilasa san amaiak ilasa wo fun igane da.

⁹ “Saen an lo gup anj diñilian pe anjanem ager sad tuod lo didiranj dop madai tubun kasik dupananj a, agod dam dufunanj amat a. Tamolpein tan titin fidian lo dumado dan anj lo siai digane wa. En ata wo? Nai yanag man anj sam na yen la ya. ¹⁰ Nek saen an lo dop, tamolpein ilo rumok dubusei wa, ago dop teidi ager tuod lo didirai a. Nug lo ago digane dop siai dam digane wa. ¹¹ Ago dop profet sewak adi dumasap tamolpein wei mi dirawai a. ¹² Ago dop kagin sisaiak tubun mi ilasap ilod injanefute wa, an lo dop tamolpein wei kasik sad ilo panek kagin an kute ibol yaup ibubarum geig a. ¹³ Ak man, talpein enti injsan ilo rumok yabi sakar dop, yaup injanen kumaen tan en san itout gup man, Anut talpein an patun ipasi wa. ¹⁴ Agod njaineg tamolpein bilalunj uyanan Anut anen kagin panek niñen o dubol ilasap, tamolpein tan titin fidian lo yan dulonj a. Ago dop njaineg ru rumok tamolpein fidian malad lo walal te ilasap yen a. Ante gup, nal wadan ilasa wa.”

15 “Saen ilasa dop, mel ta tempel san aben gun ak lo duguni dop ale wa. Mel an gubak mi profet Daniel ninen o ibol a. Mel an Anut malan lo man iganan geig a, nek mel amaiak igane dop daon panek ilasa wa. (On ru e suti den ulon uyan o ta pasauman na yak man, maeg gane tap ka ulon ak boi.) 16 Nal an lo dop, tamolpein a Judea na dumado dan, dusol diaup did luluḅad lo sed imianai a. 17 Talpein ab fufo na imado dan, imul idup inanen biouḅ isini wo ta iladu na wa, tia, itaot mi isol yau a. 18 Agod talpein abi lo imado dak dam, kulos madid san ak inane wo ta imul yau na wa. 19 O kabel, nal en san pein luam anda yak, agod an pein ananem nanuk su apidinai dan dam, ḅai ilog tubun mi imuḅananḅ da! Nal en man saian geig a. 20 Anḅ gidad agudani wa, man dugo, kabelan anḅ madid san saen lo, tia, ubou nal lo asol au banau. 21 Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murna gup afon ta ilasa da na wa. 22 Anut saen en itutep katukan a, inḅ ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninedi wo ilon isou wa. Amaiak ninen o inḅ saen an itutep katukan a. 23 Saen ante talpein ta irupaianḅ a, ‘Ale, Kristus ebe ya!’ Tia, ta ibol, ‘Inḅ obo imado da!’ Ago dubol tap, anḅ ilom ta rumok na wa. 24 Man dugo, kristus sewak, inḅ profet sewak adi dida dilasa wa, ago dop inḅ kulob girager tubun ak, agod mel naon senamo geig ak tamolpein malad lo dukubiaip dile wa. An lo dop inḅ tamolpein a Anut ipilianai la yan dam dirawaip lo diau dudu wo ago maeg digane wa. Ago bo man dirawai san ta idaisuda na wa. 25 Ale, mel en gamugo ilasa dugo ḅai imug an ninen o kuai tem ḅurupaianḅ la ya.

26 “Amaiak ninen o talpein ta anḅ durupaianḅ pe dubol, ‘Ale, inḅ onte aben kawan talpein tia yak ate imado da!’ Inḅ ago dubol tap, anḅ ante ta au na wa. Nag igo dubol, ‘Ale, ab on san galuḅ ilon lo mok imado da!’ Anḅ ilom ta rumok na wa. Tia geig a.

27 Man ata wo? Saen keit irafule dan, san lilaman aben o ad ilasa dak atep, aben o ad idiau dak ate yau dop, tamolpein fidian leil dupani wa. Nek ago mi, saen Tamol Nanun ipalu dan, kulob an san leil man naon kisaek a. 28 Tamol sisanun dugon te yen dak ate bog dupalup dutumani wa.

29 “Saen muruan tubun en itout dop, ad ta ided uyan na wa. Saen an lo ‘adian tidom onḅ ilasa wa,

ago dop kalam dam ta ided na wa.

Ante patui keit dibiseip dudu wa,

agod Anut mel dabai a keit lo yan fidian imiriranai a.’

30 “Saen an lo dop, Tamol Nanun san kob keit lo kuai isi wa, an lo dop tan en san tamolpein fidian tinaḅ aru digane wa. Ago dop inḅ fidian Tamol Nanun keit lo timtaen titiḅaem kuai te ilasa dop, dabai agod girager tubun geig ak da ipalu dan, dile wa. 31 Ago dop eḅel ta tour iwip Tamol Nanun inanen eḅel adi idiraip dufurak diau a. Ante dop inanen tamolpein a ipilianai an dutumanai a. Inḅ tim sukurun iwoiwo, agod tan tilianek fidian dam ante diḅal dupalu wa.

32 “Anḅ gurab ninen o ilo sou agane wa, inḅ maḅau ka ipanaḅ a. Saen inḅsan raen you aman da dop, roun foun ak ilasa wa. An lo ale alonḅ ak madid itout agod ad ilasa san saen sumeikan ipanaḅ da. 33 Amaiak ninen o, anḅ murnap melmel fidian a dilasa dan ale dop, anḅ alonḅ ak Tamol Nanun ipalu wo dak, sumeik dalawan te itur da. 34 ḅai rumok ḅurupaianḅ da, warou gamu en san tamolpein gamugo itout yau dop melmel en fidian dilasa wa. 35 Rumok geig, keit inḅ tan da murnap itout a, ak gug ḅaisag ru man ta itout na wa.

Nal mok ante mel en ilasa wan id fidian tinaḅonḅ a

Mak 13:32-37; Luk 17:26-30,34-36

36 “Ak gug talpein ta auwa dugo, agod nal dugon lo melmel en dilasa wan ta ilon na wa. Kumaen panu san eḅel adi agod Nanun dam ta dulonḅ na ya. Bai sen mi ilon a. 37 Kulob a Noa san saen lo digane yan, nek amaiak mi saen Tamol Nanun imul ipalu dop digane wa. 38 Saen lom tubun ak ta ilasa na dugo, inḅ anaḅ diani dugo, you dam duluk dugo, nug diḅane dugo, pein

niedi dupidinai dugo, yaug saen Noa wog tubun ak lo iladu ya. ³⁹ In ilo girek amad tia dumado dugo, lom tubun ak ilasa saltik on go tamolpein an fidian irianai diaug dumat pasik a. Nek ago mi, saen Tamol Nanun ipalu dop, tamolpein ta dulon na dop kulob an in lo ilasa saltik on a. ⁴⁰ Gidad tamol uraru abi lo dumado wa. Ago dop Anut tamol kisaek inane dop, kisaek ibiseip imado wa. ⁴¹ Pein uraru bret dukubune wo pat nam wit patun dibaltitale wa. Anut kisaek inane dop, turan ibiseip imado wa. ⁴² Amaiak ninen o malam ipuk pe amado wa. An ta alon na dak, nal dugomaiak lo ananem Tubun ak ipalu wa. ⁴³ An mel en ninen ilo sou agane wa. Ab taman in saen dugon lo gumagam tamol tidom lo ab igilep ilon lo iladu wan ilon tap, in nion ta yabi na wa. Tia, tawan igane uyanan pe gumugam isadu san dal ifou wa. ⁴⁴ Ago yak ninen o an dam malam ipuk pe aban ale wa. Man dugo, saen a Tamol Nanun ipalu san an ta akubiani na dop, saen nek an lo in imul ipalu wa.

Urat tamol uyan ak in urat tamol saian ak da sad ru fanan

Luk 12:41-48

⁴⁵ “Amaiak ninen o mel en ninen o ilom isou wa. Ab taman ta in san urat pinein a manau aman da yak, agod awan iri ipani dan, kob ipanig an lo in inanen urat pinein aenta itirnai san, agod anan diani san saen ante mi anan ipidinai da. Ak dugo, an lulanam lo man, enti in urat pinein naok ago yak i? ⁴⁶ Saen ab mroun ipalup urat pinein an in san urat igane uyanan dan ile tap, in lo uyan a. ⁴⁷ Nai rumok jurupaian da. Tamol tubun en inanen urat pinein emaiak kob ipanip, an lo inanen biou fidian kagin ad igane wa. ⁴⁸ Ak man urat pinein an tamol saian tap, ilon lo igo ibol, ‘Naisag tamol tubun en ta ipalu kisaek on na da.’ ⁴⁹ An ninen o fun iganep urat pinein aenta ifu isudap, lukluk tamol dida anan diani dop, you sakar ak dulok o kagin naok ago igane wa. ⁵⁰ Urat pinein an san gurman, nal dugon lo, agod auwa dam ta ilon na dop ipalu wa. ⁵¹ An lo dop tamol tubun en ipalu saltik on pe urat pinein an ibaltiti idu wa. Ago dop balek rararu san tamol luad

te iganep dida dumado wa. Aben ante man tamolpein tina digane dop madai lo luod dugurmi wa.

25

Pein baras nunod 10 ak sad ru mitilaen

¹ “Saen an lo, Anut san kagin panek man igo ya. Nug nanek san saen lo, pein baras 10 insad lam dusulanaig duburoug diaug, ab a ate tamolpein dutumani dan te dilasa ya. Ante man kuai te dumasig tamol a in san iwon inane wo ipalu dan dititianig dumado se ya. ² Pein baras nunod 5 man kankan ad tia ya, ago dugo 5 aenta man kankan ad da ya. ³ Man dugo, pein baras kankan ad tia yak insiganed lam disinig dupalu yak gug, in guren ided san subunan taidam ta dinaneg dupalu na ya. ⁴ Ago man pein a kankan ad da yan guren ided san insiganed butol lo dililig lam da disinig dupalu ya. ⁵ Tamol a iwon inane dan, in ta ipalu kisaek on na ya, amaiak ninen o pein fidian mi malad muruan dugo nion diabi se ya.

⁶ “Ak man tidom luak talpein ta igo iwagin dugo dulon a, ‘Ale, tamol, pein inane wo damaiak ipalu wo da! Amaiak ninen o apalup tau, dal te tile dop tinanep ida tamul tupalu wa.’ ⁷ Ago man pein baras an fidian dumasag inaned lam dukubine idu ya. ⁸ Agog pein kankan amad tia yan dumasag, pein kankan amad da yan igo durupidai, ‘Gidad ansam guren kitek apanama. Mansama lam dumat o da.’

⁹ “Ak gug pein kankan amad da yan ru naon durupidaig dubol, ‘Tia ya, guren e mabi den, id sisem nined o ta idaisuda na ya. Gidad amul aup ansiganem guren foun ak didaen aben lo adad a.’

¹⁰ “An ninen o pein kankan ad tia yan guren didad o dumul go diau a. In diau dugo tamol a iwon pein inane wan ipalu ya. Ante man pein a dititianig dumado se yan, dida nug njalan san ab an lo diladu dugo, tamol ante yan dalawan dufutani a.

¹¹ “Murnag pein baras aenta dupalug igo dubol, ‘O tamol tubun ak, palup man dalawan pasi panama!’

¹² “Ak man in ru naon igo irupidai, ‘Nai rumok jurupaian da, nai an ta njalon na ya.’

13 “Amaiak niñen o malam ipuk pe amado wa. Man dugo, nal dugo, agod auwa dugon lo Tamol Nanun imul ipalu wan ta aloñ na da.”

Urat pinein moni diñane yak sad ru miti-laen

Luk 19:11-27

14 “Agod fon, murna dop Anut san kagin panek nek igo wa. Gurman ta tureñ yabi wo dak niñen o iñanen urat tamol igiaig dupalu ya. Agog naon na dilasa man iñanen melmel an kagin dupani san tuod lo yabitiñ ipidinai a. 15 Iñanen urat tamol kisaek kisaek iñsad kagin, agod dabai dam, niñen o ilon isou dugo moni yabitiñ ipidinai a. Tamol ta 5,000 kina ipani dugo, ta 2,000 kina, ago dugo ta 1,000 kina ipani a. In ago igane itout go ibisawaig tureñ yabig yau a. 16 In yau dugo, tamol 5,000 kina iñane yan yau kisaek oñ go, moni subuñan taida an fufo igane wo didaen urat igane se ya. Agog 5,000 kina subuñan taidam iñane ya. 17 Tamol a in 2,000 kina iñane yan, in dam nek ago mi iganeg 2,000 kina taidam iñane ya. 18 Ak gug tamol a 1,000 kina iñane yan, yaug tan gib yabig ilon lo moni an imianig yen a.

19 “Saen milaen kasik yau la gug, gurman an imul ipalu ya. Saen ipalu man urat tamol an igiaig moni ipidinai amaiak niñen o, dida ru dukubuneg diñiñen a. 20 Ago dugo tamol 5,000 kina iñane yan, 5,000 kina subuñan anda isiniñ ipalug igo ibol, ‘Ñaineg gurman, 5,000 kina e panag en ule, ñai didaen urat ñiganeg oñane 5,000 kina subuñan taidam ñiñane ya.’

21 “Iñanen tubun ak igo irupeñ, ‘Oñ urat tamol uyanan mok a, awag uri pani siñaokan, oñane urat dam kagin pani uyanan a. Oñ melmel kititik e bani lo ñigane emaiak kagin pidinai uyanan a, amaiak niñen o melmel tubun geig ak wei mi tirnai san ñupano wa. Palup, ñai da uyasusai tigane.’

22 “Tamol 2,000 kina iñane yan dam ipalug ago ibol, ‘Ñaineg gurman, oñ 2,000 kina panag a. Ule, ñai didaen urat ñiganeg oñane 2,000 kina taidam ñiñane ya.’

23 “Iñanen tubun ak igo irupeñ, ‘Oñ urat tamol uyanan mok a, awag uri

pani siñaokan, oñane urat dam kagin pani uyanan a. Oñ melmel kititik e bani lo ñigane emaiak kagin pidinai uyanan a, amaiak niñen o melmel tubun geig ak wei mi tirnai san ñupano wa. Palup, ñai da uyasusai tigane.’

24 “Ak man tamol in 1,000 kina iñane yan dam ipalug ago ibol, ‘Ñaineg gurman, ñai ñaloñ ak man oñ tamol silei a. Oñ abi san urat tamol sad silali naon ñane da. 25 Amaiak niñen o ñai ñarar go, oñane 1,000 kina ñisini ñaug tan ñisareg ñimiani a. Ule, oñane moni ebe ya, ka ñane wa.’

26 “Ak man iñsan gurman ru naon igo irupeñ, ‘Oñ urat tamol saia geig a. Oñ yalis tina ya. Oñ uloñ ak, ñai abi san urat tamol sad silali naon ñiñane da. 27 Fun an niñen o ñaineg moni an moni ab san urat tamol pani ak man, in ka urat ipani wa, an lo moni en san tim anda ñane wa.’ 28 Agog gurman an iñsan urat gurman irupeig ibol, ‘Aria, tamol an san na 1,000 kina ñanep, tamol a 10,000 kina aman da yan pani wa. 29 Ata wo? Talpein enti in da yan, ñai suguan taidam ñupanip an lo in idaisuda wa. Ak man, enti in tinin lo tia agod, gidad in kitek da bo man, iñsan melmel an banin lo dupasi itout a. 30 Urat tamol lou aman tia yan wabip ubal patun fo ilasap tidom tubun lo imado wa. Aben ante man tamolpein tinañ digane dop madai lo luod dugurmi wa.’

Tamol Nanun sipsip bilelek da itarpasai a

31 “Saen Tamol Nanun iñanen girager aman da lo ipalu dop iñanen enel adi fidian dida dupalu wa. Ante iñanen kiñ san badim fo na imasip imado wa. 32 Ago dop in tan titin fidian sad tamolpein itumanai dop naon na dutur a. Ante dop in itarpasaip malan uraru lo idirai a, nek ibol titianek tamol sipsip sen idirai dop bilelek sen idirai dak ago mi a. 33 An lo dop in sipsip tuon won ak ate idiri dop, bilelek tuon ñas ak ate idiri wa.

34 “Agop Kiñ tamolpein a tuon won ak ate dumado dan, igo irupidai, ‘An ñaineg Bai san bar añane ya. Apalup kagin panek aben e Anut fun lo mok tan igane ilasa wo dugo ikubuneg yen den añane wa. 35 Enta

wo? Gubak mi ñai kadag lo ñumado dugo anañ apanag a. You o ñamat dugo you dam apanag a. Ñai tamol gol ak gug an añiliag go anşam ab lo tau a. ³⁶ Ñai kulos amag tia yak gug, kulos apanag a. Ñai subam amag da yak gug, kagin apanag se ya. Ñai subanek lo ñumado dugo, an bubeg abisa wo apalug aliag a.'

³⁷ "Agod tamolpein itaotan ak ru naon igo durupeï, 'O Tubun, saen dugon lo kadag ifuno dugo miliog, anañ mupano yak i? Tia, saen dugon te you o umat dugo you mupano yak i? ³⁸ Saen dugon te tamol gol ak oñ milio dugo miñilio ab lo tau ak i? Ago dugo saen dugon lo kulos ama tia dugo miliog kulos mupano yak i? ³⁹ Saen dugon lo subam ifuno dugo milio boi, tia, subanek lo mado dugo maug milio yak i?'

⁴⁰ "Agop Kin ru naon igo irupidaip ibol, 'Ñai rumok ñurupaian da, kulob dugo ñai teig e yañan tia yen lo agane man, kulob ago agane yan, an ñai lo dam ago agane ya.'

⁴¹ "Agop in aenta tuon ñas ak ate dumado dan igo irupidai, 'An tamolpein Anut san misilane am da ya, abisawag sen alasap, yai o ta imat na dan lo au a. Yai an man Satan inanen eñel adi dida lo idiraip diau o Anut ikubune pidinai lag yen da. ⁴² Man ata wo? Gubak mi kadag ñai ifunag dugo anañ ta apanag na ya. Ñai you o ñamat dugo you ta apanag na ya. ⁴³ Ñai tamol gol ak gug, an añiliag go anşam ab lo ta tau na ya. Ñai kulos amag tia yak gug, an kulos ta apanag na ya. Ñai subam amag da subanek lo ñumado dugo, aug ta aliag na ya.'

⁴⁴ "Agop in dam ru naon igo durupeï, 'O Tubun en, saen dugon lo kadag ifuno boi, tia, you o umat boi, tia, oñ tamol gol ak oñ boi, tia, oñ kulos ama tia, subam ama dag, subanek lo mado dugo milio gug, man kagin ta mupano na yak i?'

⁴⁵ Ante dop in ru naon irupidaip ibol, 'Ñai rumok ñurupaian da, kulob dugo ñai teig e yañan tia yak lo ta agane na yan, nek kulob an ñai lo dam ta agane na ya.'

⁴⁶ Agop tamolpein an dibiseip diaup ai wadan saian geig saen fidian yen dan lo diladup ante pempem mi dumado wa. Ak man tamolpein itaotan ak kumaen pempem san diñanep dumado wa."

26

Gurman adi Jesus dufuni imat o awad kisaek a

Mak 14:1-2; Luk 22:1-2; Jon 11:45-53

¹ Jesus ru mitilaen en fidian ibol itout go inanen megeloum irupidaig ibol, ² "An alon ak, Pasova san ad nanek idu san man nal uraru mi yen da. An lo dop Tamol Nanun ager banid lo diganep aigim fo dubali wa."

³ Saen an lo pris tutubu, agod Isrel san tamol gurman adi, pris gurman yañan Kaiafas dubol dak san ab lo dutumani a. ⁴ In Jesus pasak nam dirawi nap diabip dufuni imat o dukubiai se ya. ⁵ Ak man in dubol, "Id tumanek gun ak san nal lo kulob en ta tigane na wa, kabelan tamolpein luluñad lo ager diabisa banau."

Pein ta Jesus kabuñan fo gureñ iwali a

Mak 14:3-9; Jon 12:1-8

⁶ Jesus in Betani panu na imado dugo, tamol ta yañan Saimon tinin gubak mi lepra aman da yak inşan ab lo ida dumado ya. ⁷ Ago dugo pein ta gureñ, butol ta pat siñaokan ak nam digane yak, isinig san na ipalu ya. Butol an ilon lo gureñ naon lak na geig ak awana ya. Jesus tebol sinjren na imasi dugo pein an ipalug gureñ an kabuñan fufo na iwali a.

⁸ Saen inanen megeloum ago dile man, tiñaed saian go igo dubol pein an dusumiani, "Enta wo gureñ kawan bidani dak i? ⁹ Gidad tubuseip, didaen lo tiganep moni naon tubun ak lo didad dop moni an tiñanep tamol filiad tia yak ka tupidinai a."

¹⁰ Jesus inşad niñen an ilon go igo ibol irupidai, "Enta wo pein en muruan apani dak i? In man ñai niñeg o kulob siñaokan geig ak igane ya. ¹¹ Saen fidian tamolpein filiad tia yak an luluñam lo dida amado wa, ak gug ñai man saen milaen an da ta tumado na wa. ¹² Pein in ñai tinig fufo gureñ iwali an, nek kagin an lo man in ñaisag sisanun mutou lo diginiag amaiak san dal ikubune da. ¹³ Ñai ru rumok ñurupaian da. Tan dugon te bilaluñ uyanan en dubol ilasa wan, ante dam kulob a pein en igane yan niñen o dubol ilasap, lo pein en niñen o ilo sou digane wa."

Judas Jesus gurman adi tuod lo igane wo awad kisaek a

Mak 14:10-11; Luk 22:3-6

¹⁴ Saen an lo, nuṅod 12 amaiak lulun ad lo, tamol kisaek yaṅan Judas Iskeriot amaiak pris tutubu yak sad na yau a. ¹⁵ Ante in igo ibol, “An ata mel ta ṅai apanag dop, ṅai Jesus tuom lo ṅigane wak i?” Ago man moni silva 30 an dupani a. ¹⁶ Agog Judas imasag, Jesus tamol tutubu yak tuod lo igane wo, dal an aban yabi se ya.

Jesus megeloum dida soubul wadan di-ani a

Mak 14:12-26; Luk 22:7-23; Jon 13:21-30; 1Kor 11:23-25

¹⁷ Tumanek a yaṅan bret yis an tia yak san nal malan te yan lo, megeloum adi Jesus san na dupalug ago dubol, “Onsa ilo lo, maṅ dugon te melmel mukubinep on ate tumanek an san anan wani wo rupaiama dak i?”

¹⁸ Ago dugo in ibol, “Aup Jerusalem na aladup tamol ta ṅai ṅalon ak naon na alasap, igo arupe, ‘Girek maṅau igo ibol a. Naisag saen ipalug sumeik la ya. Onsa ab lo ṅaineg megeloum dida tumanek anan mani wo da.’” ¹⁹ Ago tag megeloum ru kagin Jesus irupidai an dirig, anan dukubune ya.

²⁰ Gurai idu dugo Jesus tebol siniren na imasig, nuṅod 12 an dida dumado ya.

²¹ In anan diani dugo igo ibol, “ṅai rumok ṅurupaian da. An lulanam lo tamol kisaek, ṅai ager adi tuod lo iginiag ṅau a.”

²² An lo na ilod muruan geig dugo, anen anen dusumianig dubol, “O Tubun ak, ṅai i?”

²³ Ago dugo in ru naon irupidaig ibol, “Tamol nek a daeg lo ṅai da sisem banima musomini dan, nek amaiak ṅai ibilag pe ager banid lo ṅilasa wa. ²⁴ Tamol Nanun ru a in ṅinen o buk lo digire yan nek ago mi in lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok in muruan tubun kasik ak ile wa! Gidad tinan ta igansi na yak man, an uyan a.”

²⁵ Agog Judas, tamol in sen Jesus ager tuod lo igane yan, igo ibol isumiani, “Girek maṅau, ak ṅai i?” Jesus irupeig ibol, “Awo, nek onse ubol la ya.”

²⁶ Aria, in anan diani dugo Jesus bret inaneg, Anut ilo uyan ru ipanig yafuteg, inanen megeloum adi ipidinai dugo ibol, “An ananep ani, en man ṅaineg tinig.”

²⁷ Agog in gab wain anda yak inaneg, Anut ilo uyan ipanig, ipidinai dugo ibol, “An fidian gab en lo aluk a. ²⁸ En man ṅaisag dar kontrak san, tamolpein wei mi inaned aupasek isasi san tinig lo yak ilasa wa. ²⁹ ṅai ṅurupaian da, ṅai afon ai wain san nuṅon lo ta ṅaluk na wa, ago yaup nal ilasa dan te gup, afon Tamag san kagin panek aben lo fon an da sisem taluk a.”

³⁰ In bar diabi itout gug kuai te dilasag Did Oliv ate diau a.

Jesus ibol, murnap Pita in ṅinen o itot a

Mak 14:27-31; Luk 22:31-34; Jon 13:36-

38

³¹ Agog ante Jesus in irupidaig ibol, “Gamutidom nek en lo, an fidian mi ṅai ṅineg o ilom idup yaup abisawag a. Man dugo, Anut san girek lo ru igo ibol,

‘ṅai titianek tamol ṅufuni wa, ago dop in san sipsip dusol pe gidigheid diau a.’

³² Ak man Anut ṅai ifufunag pe fon ṅumasa gup, ṅai ṅirinanan pe imug mi Galili na ṅau a.”

³³ Pita ru naon igo irupe, “Gidad tamol fidian on ṅine wo ilod idup dibisawo bo man, ṅai man tia ya.”

³⁴ Jesus ru naon igo ibol irupe, “ṅai rumok ṅurupaio da, gamutidom nek en lo kurek ta ibob na dop, saen utol on ṅai ṅineg o utot a.”

³⁵ Agog Pita irupe, “Gidad, ṅai on da tamat bo man, ṅai on ṅine wo ta ṅatot na wa, tia geig a!” Ago dugo megeloum fidian dam nek ago mi dubol se ya.

Jesus abi Getsemani lo yaug igudani a

Mak 14:32-42; Luk 22:39-46

³⁶ Ago man Jesus in dida, aben ta yaṅan Getsemani dubol dan ate diau a. Ante Jesus megeloum irupidai, “An ente amasip amado dop, ṅai onte ṅaup ṅugudani wo da.”

³⁷ Agog in Pita agod Sebedi nanun uraru dida in al go diau a. Saen an lo in fun iganeg ilon ipapao dugo ilon dam muruan idu ya.

³⁸ An lo igo irupidai, “ṅai ilog tubun mi muruan idu dugo ṅamat o sumeik da. An

gidad igo amado dop n̄ai da sisem malad ipuk pe tumado wa.”

³⁹ Ago dugo in̄ kitek ipar yaug, turun isoluwig, kabun̄an idug tan itutig, igo ibol imosiai, “O n̄aineg Bai, idaisuda tap, gab en n̄ai banig lo ka pasi yau a. Ak gug on̄ n̄ai ilog ta uri na wa, tia, on̄sigane ilo mi uri wa.”

⁴⁰ Agog in̄ in̄anen megeloum adi sad na ipalug, n̄ion̄ diabi dugo yil a. An lo in̄ Pita irupeig isumiani, “En dugo, an̄ auwa kisaek n̄ai da malad kumaen tumado san ta idaisuda na yak i? ⁴¹ An̄ malam kumaen amado dop amosiai a, man dugo, kabelan bitinaek ta ipalup ilom in̄anep ari banau. N̄utum lo man awag yabi wo ilom ibol da, gug tinimi man dabai an̄ tia ya.”

⁴² In̄ afon imul yaug imosiaig igo ibol, “O n̄aineg Bai, gab en ta irin̄anag na dop, gidad n̄aluk a. On̄ane ilo n̄ai o an, ago ka ilasa wa.”

⁴³ Saen imul ipalu man n̄ion̄ diabi dugo yil a, man dugo, maladi muruan geig a.

⁴⁴ An lo afon ibisawaig imosiai o imul yau a. Gudane naok gubak mi igane yan ago mi fon igane da ya.

⁴⁵ Imosiai itout go megeloum adi sad na ipalug igo irupidai, “An̄ n̄ion̄ abi dugo yaes abal on̄ dak i? Ale, n̄aisag saen idu wo da, Tamol Nanun aupasek tamol tuod lo digane san saen idu la ya. ⁴⁶ Amasap, tau. Ale, tamol a palan̄ ag imari amaiak ipalu da!”

Ager adi Jesus diabi a

Mak 14:43-50; Luk 22:47-53; Jon 18:3-12

⁴⁷ Saen Jesus in̄in̄en se man, Judas ipalu ya. In̄ megeloum 12 ak luluṅad lo aben anda ya. In̄ ipalu dugo tumanek malan tubun ak dida, sabiri agod tok dam duburoug naon na dilasa ya. Pris tutubu agod Isrel sad gurman adi didinaig dupalu ya. ⁴⁸ Imug palan̄ niganag tamol a in̄ tuod lo igane san man, kob ta nin̄en o irupidai, “Tamol a n̄ai musuk n̄upani dop ale dan, nek an̄ Jesus, an̄ tamol amaiak abi wa.” ⁴⁹ Aria, in̄ Jesus san na ipalu kisaek on̄ go ibol, “O girek man̄au, tidom uyan.” Ago ibol go musuk ipani a.

⁵⁰ Jesus ru naon igo irupe, “Turag, ilo yen dan ago gane.” Ago ibol go in̄ Jesus sumeik dupanig diabi a. ⁵¹ Ago dugo tamol ta Jesus da dumado yan, in̄sinan sabiri

igursig pris gurman an san urat pinein kududon aen ta ituteg tan na idu ya.

⁵² Ak gug Jesus irupe, “On̄ane sabiri gane imul a. Man dugo, tamol fidian a sabiri duburoup lo wagai digane dan, sabiri lo nam daon̄ diṅane wa. ⁵³ An̄ dugo ilom isou di? Ak dugo, n̄ai Tamag n̄usumiani dop, en̄el malan 12 agod suguan taidam wei kasik dida ipanag kisaek on̄ o imoi ak i? ⁵⁴ Ak man n̄ai ago n̄igane tap, en dugo won̄ ru a Anut san buk lo, kulob gamu e ilasa wo ibol en, nuṅon ilasa wak i?”

⁵⁵ Saen amaiak lo Jesus ager tamol an igo irupidai, “Enta wo an̄ sabiri in̄ ai tok da asinig aliag pe abiag o apalu yak i? Ak dugo, n̄ai wagai adi dida gabman mabi idu san gurman igo won̄ an̄ ago ilom isou di? Nal fidian n̄ai tempel aben lo n̄umasi dugo tamolpein n̄upiten̄anai se ya, ak gug n̄ai ta abiag na ya. ⁵⁶ Ak man melmel en fidian ilasa san fun man, ru gubak mi profet adi digire yan gamu en nuṅon ilasa ya.” Agog megeloum fidian mi Jesus dubuseig dusol go diau a.

Juda adi Jesus kot lo digane ya

Mak 14:53-65; Luk 22:54-55,63-71; Jon 18:13-14,19-24

⁵⁷ Tamol a Jesus diabi an, diṅaneg pris gurman Kaiafas san ab lo diau a. Kubiaen̄ san girek man̄au, agod pris tutubu dida imug mi diaug ab ante dutumanig Jesus dititianig dumado se ya. ⁵⁸ Ak man Pita Jesus n̄ien aban irig yau ak gug, in̄ kitek asau mi imado ya. In̄ pris gurman san ar lo iladug ai katuk adi dida dumado ya. In̄ ata mel ta Jesus nin̄en o ilasa dop ile wo malan igane se ya.

⁵⁹ Pris tutubu, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak, ate dufunip imat san dal ta dile wo dukubiai se ya. ⁶⁰ Ak man tamol wei mi sewak ru amad da yan naod na dilasa bo man, dal ta dile na ya. Ak gug murnag tamol uraru dupalug naod na dilasa ya, ⁶¹ in̄ ago dubol, “Tamol en igo ibol a, ‘Nai dabai amag da yak lo Anut san tempel n̄urubep, nal utol lo mi foun ak n̄abisa wa.’”

⁶² Ago man pris gurman imasag Jesus igo isumiani, “On̄ ru naon ta ubol na wak i? Ru

e oñ niñe wo tamol emaiak dubol den dugo yak i?”⁶³ Ak man Jesus ru ta, ta ibol na ya, itokibol itur se ya.

Ago dugo pris gurman irupeï, “Ñai Anut kumaen imado dan san yañan lo, oñ ñurupaio dak an niñen o, itaot mi rupaiama wa. Oñ Kristus, Anut Nanun i? Rupaiamap malonj.”

⁶⁴ Ago man Jesus igo ibol irupeï, “Awo, nek oñse ubol la ya. Ak man ñai an ñurupaianj da, murna gup Tamol Nanun in Anut a dabai tubun geig anda yan tuon won ak ate imasi dop ale wa. Agod Tamol Nanun keit lo timtaen titiñeem kuai tem ipalu wa, mel amaiak dam ale wa.”

⁶⁵ Agog pris gurman, ru an niñen o imasa saian go, inñsan ilo muruan an kuai te iku-biaï dile wo inñanen kulos irasireg igo ibol, “Inj Anut yañan malan isue ya. Gidad, tamol taidam, tamol en san kagin niñen o dubol ilasa san id ta tigiiai na wa. Man dugo, gamu geig inñanen ru lo Anut yañan malan isue yan anñsemi alonj a. ⁶⁶ Anñsam ilo sou lo, tamol en dugo tiganse wak i?”

Ago tag in ru naon igo durupeï, “Inj mel saian geig ak igane, ak niñen o ka imat oñ a.”

⁶⁷ Ago man in Jesus naon fo na dulusu dugo banid nam dufuni na ya, agod aenta in kudañan dugufute dugo igo dubol, ⁶⁸ “Kristus, oñ gamu profet ru ubol a, tamol e ifuno den enti ak i?”

Pita Jesus niñen o itot a

Mak 14:66-72; Luk 22:56-62; Jon 18:15-18,25-27

⁶⁹ Aria, saen an lo Pita kot ab patun fo imasig imado dugo, urat pein ta sinjiren na ipalug igo ibol, “Oñ dam Jesus Galili san tamol amaiak da amado ator se ya.”

⁷⁰ Ak gug Pita tamol an fidian malad lo itot go igo ibol, “Ru oñ ubol dan ñai ta ñalonj na ya.”

⁷¹ Murna gug yaug ar san dalawan te imado dugo, urat pein sen ak ta ileg, niñen o tamolpein sumeik dumado yan fidian irupidai, “Tamol an in Jesus Nasaret san amaiak ida dumado dutor se ya.”

⁷² Ago man fon Pita itot go ru sakar nam irupidai, “Rumok geig ñai tamol an ta ñalonj na ya!”

⁷³ Kitekan taidag tamolpein a dutor na yan Pita san na diaug durupeig dubol, “Rumok geig, oñ inñsad kisaek a. Oñane niñen lo se kuai te ibulo lasa ya.”

⁷⁴ Agog fun igane sen imisilanig ibol, “Ñai sewak ñigane tap Anut ka imisilanag a! Ñai tamol an ta ñalonj na ya!”

Saen ago ibol itout man, kurek ibob. ⁷⁵ Ago dugo Pita in Jesus ru ibol an ilon isou a, “Saen kurek gamugo ibob dop, saen utol ñai niñeg o utot a.” Ago man in kuai te ilasag tinañ tubun mi igane se ya.

27

Jesus diñaneg ida Pailat san na diau a
Mak 15:1; Luk 23:1-2; Jon 18:28-32

¹ Salso idu dugo pris tutubu adi, agod Isrel tamolpein sad gurman adi, dal dugon lo Jesus dufunip imat o nug lo dukubiaig ilod kisaek dilasa ya. ² Agog in Jesus rasau nam dubahanig dida diaug Rom san gurman Pailat tuon lo digane ya.

Judas sen buron isuseg imat a
Apo 1:18-19

³ Tamol Judas, nek emaiak Jesus ager adi tuod lo igane ya. Inj leil igane dugo Jesus pilapil ru lo diabi idug muruan lo digane ya. An lo man in ilon tubun mi geig imuñani a, ago yan lo inñanen aupasek niñen sen ipasi wo moni patun silva 30 dupani an isinig imul yaug ipidinai a. ⁴ Inj igo ibol, “Ñai au ñapas a. Ñai tamol a tuom lo ñigane yan, inj kulob saian ak ta igane man tia ya, ak gug an afunip imat o da.”

Ak man in dubol, “En man mañsama mel tia ya, oñane ilo saian mi a.”

⁵ An lo man, Judas moni patun silva 30 dupani an, tempel san ar lo yabibol idu dugo, aben an ibiseig yaug sen buron isuseg imat a.

⁶ Pris tutubu adi moni an diñaneg igo dubol, “Moni en man tamol dufuni imat ak san naon, an dar idad a. An lo id moni en tempel san moni da tutumani san niñen o idsad kubiaenj ipadau a.” ⁷ Amaiak niñen o in awad dutumanig moni an urat dupani wo ilo sou digane ya. Ago man tamol bod niganag, inñsan tan titin ta didad a, an lo dop ante in ka tamolpein gol ak sad sisanud disiriai a. ⁸ Ago yak niñen o, tan titin nek

an yañan man igo ya, “Dar san tan” ago dubol a. Gamu en dam tamolpein in yañak nek an mi dubol da. ⁹ Saen pris tutubu adi in tan titin an yañak amaiak dupate man, ru ta profet Jeremaia ibol ilasa yan nuñon ilasa ya. In igo ibol, “In moni patun 30 silva ak diñane ya. An man inñsan dadeñ san naon. Isrel san tamol aenkadi, tamol an in didad san naon amaiak digansi a. ¹⁰ Moni an diñaneg, lo tamol bod niganag san tan titin didad a, nek ibol Tubun en ru kagin ñai ipanag ak nek ago mi digane ya.”

Jesus Pailat san sumiaek lo dugunig itur a
Mak 15:2; Luk 23:3-5,13-25; Jon 18:33–19:16

¹¹ Jesus gabman gurman naon na dugunig itur dugo, ago isumiani, “On Juda sad kin ak i?”

Ago dugo Jesus ibol, “Awo, nek onse ubol la ya.”

¹² Ak gug saen pris tutubu adi agod Juda sad gurman adi in Jesus ru dupani man, in ru naon ta ibol man tia ya. ¹³ Ago yak ninen o Pailat irupeig isumiani, “On ru fidian dupano den kududo lo ta ulon na yak i?”

¹⁴ Ak man Jesus ru naon ta Pailat irupein man tia ya, gidad ru wei mi dupani bo man ru naon ta irupidai na ya. An ninen o Pailat irut go ilo sou wei mi igane se ya.

¹⁵ Aria, anañar fidian, Pasova san saen lo, gabman gurman subanek tamol kisaek o lian yañan dupate dop, ipasip kawan imado wa. Kagin nek an san nal idu ya.

¹⁶ Saen an lo man tamol ta yañan Barabas in subanek lo imado ya. Tamol emaiak in man saian geig an tamolpein fidian mi dulon fufei a. ¹⁷ Amaiak ninen o saen tamolpein dutumani itout man, Pailat igo ibol isumianai, “En dugo won ilom isou di? Enti ñubuseip anñsam na imul o? Ñai Barabas ñubusei wo, tia, Jesus e Kristus dubol damaiak ñubuseip imul o?”

¹⁸ Man dugo, in ilon uyan ak man, tamol an in mala sek lo Jesus diñaneg kot lo dupalu ya.

¹⁹ Mel taida mi, saen Pailat in tulek tamol san kalik fo imasig imado dugo, inñsan pein san na ru igane ipalug igo ibol, “On mel ta tamol e itaot aman en ninen o ta gane na

wa. Man ata wo? Gamu na ñai ñionamin ta lo ñile dugo in ninen o madai wei mi ifunag na ya.”

²⁰ Ak gug pris tutubu agod Juda sad tamol gurman adi, tamolpein malan an ilod diñane ya. In tamolpein an dududuwaig Pailat dusumianig Barabas ipasi pidinañ dop, Jesus daon ipani wo ago dubol se ya.

²¹ An ninen o Pailat fon ibol isumianai, “An tamol uraru en luluñad lo enti ñupasi wo amat di?”

Ago man duwagin dugo igo dubol, “Nek Barabas mi a.”

²² Agog Pailat ibol isumianai, “Anñsam ilo sou lo, Jesus e Kristus dubol den ninen o ñai dugo ñigane wak i?”

Ago man fidian mi duwagin dugo dubol, “Aigim fo bali wa!”

²³ Gug in ibol, “Ata mel o? In ata mel saian ak igane yak i?”

Ago bo man in awad tubun mi duwagin go disasai, “Aigim fo bali wa!”

²⁴ Pailat in sen ikubiani man, inñsan ru ta idaisuda na dugo, ager tubun ak ilasa wo da. Amaiak ninen o in you inañeg, tamolpein malad lo banin ifulani a. Ago dugo in igo ibol, “Tamol en imat dop man ñaisag muruan tia ya. An man anñsiganem mel mi a.”

²⁵ Agog tamolpein fidian ru naon durupeig igo dubol, “Ai wadan en man mañsigama, agod nanum murouma dida lo, ka yen a!”

²⁶ Agog saen ante man in Barabas ibiseig sad na yau dugo, Jesus ipidinaig rasau nam dufuni a. Dufuni itout go Jesus aigim fo dibali wo yu tamol tuod lo igane yau a.

Yu tamol adi Jesus kukok an digane ya
Mak 15:16-20; Jon 19:2-3

²⁷ Agog gabman gurman san yu tamol adi, Jesus diñaneg gabman san ab lo diau a. Ante man in Pailat san yu tamol fidian mi dupalu wo digiai a. Aria, dupalug naon na dutumani a. ²⁸ Jesus tinin fo kulos dupasi dugo, yamel daran ak ta nam kin san kob igo won tinin dubuluwi a. ²⁹ Ago dugo in kam dudurun aman da yak, kin san kitikat* igo won ditiladeg, Jesus kabuñan fo na digane ya. Makud ta diñaneg tuon

* 27:29: Katkat

won ak ate diganeg kiŋ igo won yabi a. Ago dugo naon na turud disoluwig, kukok an digane dugo igo dubol, “Per o, Juda sad Kiŋ!”³⁰ Agog tinin fo dulusu se ya, ago dugo makud a banin lo yabi an diŋaneg ate kabuŋan te dufuni se ya.³¹ Saen kukok an digane itout man, yamel daran tinin fo yan dupasi dugo, inŋsiganen kulos digane pani a. Agog aigim fo dubali wo diŋaneg diau a.

Jesus aigim fo dubali a

Mak 15:21-32; Luk 23:26-43; Jon 19:17-27

³² Inŋ Jesus dida turenŋ diabig diau dugo, yu tamol adi dal te tan Sairini san tamol ta, yaŋan Saimon dubol dan dile ya. Agog Saimon an disodudunig Jesus san aigim isini a.³³ Inŋ diaug aben ta, yaŋan Golgota dubol dak, ate dilasa ya. Yaŋak an san fun igo ya, “Kabunŋa tatu san aben.”³⁴ Aben ante dilasag, marasin gigen ta wain da dukubulig, Jesus iluk dop lo madai yabi idu wo dupani a, agog kitek iluk ak man ikubiani ile tag, ta iluk na ya.³⁵ Agog yu tamol adi Jesus aigim fo dubali la gug, inŋsed nug ilon lo inŋsan biouŋ diabititi san niŋen o satu lo dukok se ya.³⁶ Dukok itout man, dumasig dititianig dumado se ya.³⁷ Ru ate kot dupani amaiak ai lapan fo digireg, aigim kabuŋan fufo na dubali a. Ru en san sutek lo man igo ya, “En Jesus, Juda sad Kiŋ.”³⁸ Jesus giranŋen na man ager tamol gumagam digane na yak urarum aigim fo dubalai a. Ta tuon won ak ate dusuŋani dugo, ta tuon ŋas ak ate dusuŋani a.³⁹ Tamolpein diau dumul dop niŋen o ru kukok dubol dugo, kabuŋad dukupari pani se ya.⁴⁰ Ago dugo igo dubol se ya, “Oŋ tamol amaiak tempel subarip, nal utol lo mi foun wabisap guni wak ubol a, an niŋen o oŋ se ka patu pasi wa! Oŋ Anut Nanun mok tap, aigim biseip udu.”

⁴¹ Nek ago mi pris tutubun adi, kubiaen san girek maŋau adi, agod Juda sad gurman adi dam, inŋ kukok an digane dugo igo dubol se ya,⁴² “Inŋ tamol aenta patud ipasi na yak gug, inŋsen patun ipasi san man tia ya. Inŋ Isrel sad Kiŋ, an niŋen o inŋ aigim ibiseip idu dop, an lo na id ilod rumok a.⁴³ Inŋ Anut niŋen o ilon rumok da, aria, Anut tamol en niŋen o imat mok tap, gamu geig en Anut mi ka ibinawi wa. Ak gug Anut

inŋ o imat mok di? Man dugo, inŋ ibol ak, ‘Ŋai man Anut Nanun a.’ ”⁴⁴ Dal kisaek mi lo gumagam tamol uraru Jesus giranŋen na aigim fo dusuŋanai an dam ru kukok wei mi tinin fo digane se ya.

Jesus imat a

Mak 15:33-41; Luk 23:44-49; Jon 19:28-30

⁴⁵ Ad mitilaen 12 kilok an lo, tidom tubun tan an fidian yafutani geig go yaug 3 kilok gurai isi a.⁴⁶ Saen kitek 3 kilok sumeik ipani dugo, Jesus awan tubun mi iwaginŋ dugo ibol, “Eli, Eli, lama sabaktani?” Ru en fun igo ya, “Ŋaisag Anut, ŋaisag Anut, ata wo ŋai bisawag ak i?”

⁴⁷ Tamol aenta sumeikan dutur man du- lonŋ go dubol, “Tamol en man Elaija iwagi da.”

⁴⁸ Ago dugo yu tamol ta ririan mi imas- palug yaug, mel ta beig san titalinŋ igo won ak inŋaneg, wain gigen an lo isominig, den luon ate isueg, Jesus iluk o awan te igane ya.⁴⁹ Ak man aenta dubol, “Ale funi won dop, Elaija ipalup ibinawi dop tile wa.”

⁵⁰ Jesus afon awan tubun mi iwaginŋ dugo, inŋanen ur tinin lo yak ibiseig yau dugo imat a.

⁵¹ Saen nek amaiak lo mi, yamel tubun tempel lo iyuk yen an, o lak na fun iganeg imasireig yaug tan na idug uraru dilasa ya. Saen an tan isuruwor dugo pat tu- tubu yak sed igile yau se ya.⁵² Ago dugo mutou san aben dam awad ikasap dugo, tamolpein gun ak wei mi gubak mi dumat la yan sad sisanudi fon kumaen dumasa ya.⁵³ Inŋ mutou dubusei a. Murnag saen Je- sus imasa yan lo Jerusalem na diaug diladu dugo tamolpein wei mi dil a.

⁵⁴ Yu gurman inŋanen yu tamol dida Jesus dititianig dumado na yan, tan isuruwor dugo melmel dilasa yan ago dil man, tubun mi direr se ya. An niŋen o yu gurman an ibol, “Rumok geig, en man Anut Nanun.”

⁵⁵ Pein wei mi dumado na yan dam, asau mi dutur dugo leil digane se ya. Pein amaiak saen Jesus Galili ibiseig turenŋ yabi dugo dubunawi wo ŋien aban diri se ya.⁵⁶ Lulanŋad lo pein kisaek ta man taun Mag- dala san Maria, agod turan man Maria sen

ta, Jems in̄ Joses da tinadi, agod ta man Sebedi nanun uraru amaiak tinadi.

Jesus san sisanun pat san gib lo digane ya

Mak 15:42-47; Luk 23:50-56; Jon 19:38-42

⁵⁷ Ad idiau o sumeik dugo, taun Arimatea san moni tamol ta yaŋan Josef ipalu ya. In̄ dam Jesus san megeloum mi a. ⁵⁸ In̄ Pailat san na yaug Jesus san sisanun in̄ane wo isumiani. In̄anen yu tamol adi ru dabai anda yak ipidinaig diaug Jesus san sisanun diŋaneg Josef dupani a. ⁵⁹ Josef sisanun an isini yaug, yamel foun ikok aman geig ak nam ifou ya. ⁶⁰ Agog in̄sinanen mutou foun ak lo igane ya. Mutou an man pat san gib, Josef in̄sen gubak mi tamol irupidai dugo diabi a. Agog Josef pat muruan tinan ak ta ibili ipalug mutou awan ate ibalfutani a. Agog aben an ibiseig yau a. ⁶¹ Taun Magdala san Maria, in̄ Maria ta da mutou an fun na dumasig leil digane se ya.

Yu tamol adi mutou dititiani a

⁶² Nal a Soubul Kubunek San dubol dan itout la gug, nal tinin te yak lo, pris tutubu adi agod Farisi adi diaug Pailat naon na dutumani a. ⁶³ Agog igo dubol durupe, “O tamol tubu, ru ta sewak tamol en kumaen imado dugo ibol an maŋ iloma isou da. In̄ ibol, ‘Nal utol itout la gug, fon kumaen ŋumasa wa.’ ⁶⁴ Amaiak niŋen o, oŋ gidad ubol dop yu tamol adi mutou fun na nal utol tawaŋ diganep dumado wa. Kabelan in̄anen megeloum adi sisanun gumagam aman diŋane dop, mutou lo imasa la yak ago dubol tamolpein durupidai banau. Ago dop man in̄sad ru sewak foun en, in̄siganen ru sewak gubak mi ibol an irin̄ani banau.”

⁶⁵ An niŋen o Pailat irupidai, “An̄ yu tamol aŋal dop, arupidaip mutou fun na tawaŋ digane wo uyanan a. Mutou kagin apani dop dugo agane wo ilom ibol tap ago ka agane wa.” ⁶⁶ Ago man diaug mutou dufutani wo uyanan a. Agog in̄ gib awan san pat amaiak fo na kob ta digane ya. An lo tamol ta pat an ibili tap kob an malan isue wa. Ago dugo yu tamol didiraig mutou kagin dupanig dumado se ya.

* 28:1: Sarere † 28:1: Sande

28

Jesus fon kumaen imasa ya

Mak 16:1-10; Luk 24:1-12; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal malmalan,† tidom lom geig Maria Magdala san pein, in̄ Maria turan da mutou dile wo diau a.

² Ago dugo kanaurig tubun ak ilasa ya. Man dugo, Tubun ak san eŋel ta in̄ kumaen panu ibiseig idug, pat a mutou awan ifutani an ibilig fufo na imasig imado se ya. ³ Eŋel an san leil man ibol weil irakilawi dak san leil ago mi a, agod in̄san kulos milkouk kasik man ibol ais igo woŋ a. ⁴ Ago man yu tamol adi, in̄ niŋen o durut direr se yan lo dusuruwor go tan fufo na dudug tamol dumat ak igo woŋ dien se ya.

⁵ Ago dugo eŋel pein uraru an igo irupidai, “An̄ ta arer na wa. Ŋai ŋaloŋ ak an̄ uraru mi Jesus ale wo apalu ya, tamol nek a aigim fo dubali ama ya. ⁶ In̄ ete ta yen na da, in̄ imasa la ya, nek ibol imug irupaian̄ ak ago mi a. Apalup yen ak aben ka ale wa. ⁷ Ago dop ririan aup in̄anen megeloum igo arupidai a. ‘In̄ mutou ibiseig imasa la ya. Ago man in̄ imug mi Galili na yau dop an̄ ŋien aban ari wa, an̄ aben ante gup in̄ ale wa.’ Aria, bilaluŋ ŋupanaŋ o ŋupalu yan ŋurupaian̄ itout a.”

⁸ Pein uraru an direr geig ak gug, in̄ uyasusai tubun mi digane ya. Ago man in̄ ririan mi mutou dubuseig dumaspalu oŋ in̄san megeloum durupidai o diau se ya. ⁹ Dal dirig diau dugo Jesus naod na ilasag ibol, “Tidom lom mi!” Agog pein an siŋiren na diaug ŋien diabig ubou an dile ya. ¹⁰ Ago dugo Jesus uraru an igo irupidai, “An̄ ta arer na wa, an̄ aup ŋai teig muroug arupidaip Galili na diau a. In̄ aben ante gup ŋai diliag a.”

Yu tamol adi sad ru

¹¹ Pein uraru an turen̄ diabi dugo, yu tamol adi mutou kagin dupani se yan, taun ilon lo diaug diladug melmel ilasa yan, niŋen o pris tutubu yan durupidai a. ¹² Amaiak niŋen o pris tutubu yan in̄ Juda sad gurman adi dida dutumani dugo nug lo dukubiaig an lo ru dufuni a. Agog moni

patun silva an idaisuda mi yu tamol an dupidinai a. An lo awad dufutani wo ago digane ya. ¹³ Ago dugo in igo dubol durupidai, “An tamolpein igo arupidai a. ‘Tidom lo man maen on dugo, in san megeloum adi pasak nam dupalug sisanun an gumagam an digane ya.’ ¹⁴ Agod gabman gurman ru en ilon tap, man ida ru ka mukubune wa, ago dop an muruan am tia wa.” ¹⁵ Ak ninen o yu tamol adi, moni an dinane dugo, gurman adi dubol ak ago mi digane ya. An ninen o ru amaiak Juda adi lulunad lo ifurak yau a, an lo Juda adi ru nek an mi dubol dugo ipalug gamu da mi a.

Ru kagin tubun geig ak Jesus id irupaiad a

Mak 16:14-18; Luk 24:36-49; Jon 20:19-23; Apo 1:6-8

¹⁶ Aria, megeloum nunod 11 an, Galili na diau wo turen diabig dutor nag, did ta gubak mi Jesus ninen o ibol an siniren na dilasa ya. ¹⁷ Ante saen in dile man, ubou an dile yak gug, aenta Jesus ninen o ilod uraru a. ¹⁸ Agog Jesus in sumeik mi ipalug igo irupidai, “Anut dawai fidian mi, kumaen panu san, agod tan en san dam, lo melmel fidian nitirnai o ipanag a. ¹⁹ Ago yak ninen o, an gidad aup an lo tamolpein a tan fidian lo dumado dan, naisag megeloum adirai dilasa wa. Ago dop an Bai yan an lo, Nanun yan an lo, Awan Urgan yan an lo afulanai a. ²⁰ Ru kagin fidian nai an jurupaian amaiak in duri dupani uyanan o apitejanai a. Agod en ale, nai pempem mi an da tumado da, ago mi yaup saen en itout a.”

Mak

*Suguek san Jon Jesus san dal ikubune ya
Mat 3:1-12; Luk 3:1-18; Jon 1:19-20*

¹ Dal en bilalun uyanan Jesus Kristus Anut Nanun ninen o fun igane ya.

² Nek profet Aisaia wagam inanen buk lo igo igire,

“Ale. Naisag bilalun tamol njidinip, on nao na imug yau a.

Tamol an onane dal ikubune pano wa.”

³ “Tamol ta san awan, tan kawan tamolpein an tia yak ate tubun mi iwagin dugo igo ibol:

‘An gidad Tubun en san dal akubune wa, inanen dal turen yabi san akubune dop itaot mok ilasa wa.’ ”

⁴ Agog Jon ipalug, tan kawan tamolpein an tia yak ate tamolpein isuguai dugo ilod dibilisap suguek dijane dop an lo inaned aupasek fidian Anut ipasi wan san ru man ifulale pidinai se ya. ⁵ Aria, tamolpein a fidian Judea provins lo dumado dan, agod Jerusalem tamolpein wei mi dam Jon san ru dulon o diaug inisan na dilasa ya. Ante man inaned aupasek fidian mi walal te dubol ilasag, Jon dida you Jordan lo dudug isuguai idu ya. ⁶ Aria, Jon inisan yamel man kamel fufulun lo duwei ak igane ya. Let man makau sunulon nam digane an luan te iyati a. Inanen anan man sis, agod garan san niniu mi yani se ya. In tamol kawan ak ago won itor se ya. ⁷ Inanen bilalun ru tamolpein naod na ibol ilasa man igo ya. “Murnap tamol ta nai patug fo ipalu wa, tamol an san dabai naisag irinani geig a. Nai man inanen sendal nupasi san turug nusoluwip nitakoksi dop san kam nusupasi wo ta idaisuda na ya. ⁸ Nai an you lo mi nusuguan a. Ak gug tamol en man Awan Urgan lo isuguan a.”

*Jon Jesus isugui agod Satan ibitinae ya
Mat 3:13-17; Luk 3:21-22*

⁹ Saen an lo Jesus panu yanjan Nasaret Galili distrik lo yan ibiseig, you Jordan ate Jon san na yau a. Atna Jon Jesus isugui a. ¹⁰ Nek saen a Jesus you ibiseig kuai te isuda man, kumaen panu san dalawan

pasek go yen dugo, Anut san Ur muluk on idug, in kabunan fufo imasi dugo ile ya. ¹¹ Agog kumaen panu lo wagin ta idug igo ibol dugo ilon, “On man naineg Nanug, naineg bubeg mok, on nibe wo ilog tubun mi uyanan da.”

*Satan Jesus naon ikubiani a
Mat 4:1-11; Luk 4:1-13*

¹² Agog gamu nam Urgan iduduwig tan kawan ak lo yau a. ¹³ In aben ante nal kitek milaen mi, ad 40 tidom 40 sen imado dugo Satan ipalug, bitinaek lo igane ya. Aben ante mel kasik ak dam dumado na ya. Aria, Satan san bitinaek fidian itout go enel adi dupalug Jesus kagin dupani a.

*Jesus inisan megeloum malmalan ak igiai a
Mat 4:12-22; Luk 4:14-15; 5:1-11; Jon 1:35-42*

¹⁴ Aria, kin Herod Jon yabig isubani dugug, Jesus yang Galili distrik lo ilasag, ante Anut san bilalun uyan ak walal te ibol ilasag tamolpein dulon se ya. ¹⁵ In igo ibol, “Nal ilasa la ya, Anut san kagin panek an san saen sumeik a. Man ninen o an ilom ibilisa dop bilalun uyan nrupaian dan ilom lo rumok a.”

¹⁶ Jesus You Galili san aen gigin fo itor dugo tamol ta tein da yil a. Tamol an imug yanjan Saimon, in tein Andru da. Uraru an iy nalanal, ago yan lo inaned dob you lo dubal idu dugo, Jesus ipalu ya. ¹⁷ Agog irupidai, “Nai nieg abag ari gup tamol anal san nipitenanan a.” ¹⁸ Agog dob dubal yen dugo njen aban diri kisaek on a.

¹⁹ Agog Jesus you aen gigin irig kitek isuda yau man, Jems Sebedi nanun an tein bakan ak Jon da yil a. Tamol uraru an wog fo iy dob duwei se ya. ²⁰ Agog Jesus uraru mi igiai kisaek on go tamadi Sebedi wog fo tamol ibiai an dida dumado dugo dibisawaig Jesus njen aban dirig diau a.

*Jesus tamol tinin lo ur saiak ikudig yau a
Luk 4:31-37*

²¹ Agog diaug, panu tubun yanjan Kaper-niam atna dilasa ya. Ubou nal, Sabat dubol dan lo, Jesus ubou ab ta lo iladug tamolpein ipitenanai o fun igane. ²² Ago dugo ru an dulon go durut saian. Man dugo, in nek ibol insigned kubaien san girek manau adi

dupitejanai na yak onj ago ta ipitejanai na ya. Tia, inj tamol yanjan tubun anda yak onj ago ipitejanai se ya. ²³ Aria, Jesus ru ibol dugo, ubou ab an lo tamol ta ur saiak ta aman da yak dam ate imado ya. ²⁴ Inj awan tubun mi iwagin go ibol, "Jesus, onj Nasaret tamol, onj manjsama na ata mel gane wo palu yak i? Nag onj manj daonj panama wo palu i? Nai onj nalonj uyanan a, onj Anut san gun tamol." ²⁵ Ak man Jesus ru dabai nam igo irupe, "Onj awa itau. Tamol en biseip lasa wau!" ²⁶ Agog an lo ur saiak an tamol an yabig, ikirnanj isuruwor go inj itarfuni a. Agog ur saiak an awan tubun mi isasai dugo ibiseig ilasa yau a.

²⁷ Man ninen o tamolpein an fidian durut saian mok a, an lo injsed nug lo dinjnenj se ya, agog igo dubol, "En so mel ta yak i? Nag pitejanek foun ak boi? Injsan ru dabai tubun aman da ya. Inj ka ur sisaiak ru kagin ipidinai dop inj awan dulonj pe dilasa diau a." ²⁸ An lo njnenj Jesus ninen o yan ririan ifufurak go panu fidian Galili distrik ilon lo yak ate yau a.

Jesus tamolpein subam amad da yak ikubune idu ya

Mat 8:14-17; Luk 4:38-41

²⁹ Inj ubou ab an dibiseig Jems Jon da dinjal go dida Saimon inj Andru da sad ab lo diau a. ³⁰ Pita raon subam ifunig tinin wananan go, gadab fo injsiganen ab lo diganeg yen a. Man ninen o pein an ninen o Jesus durupeig ilonj a. ³¹ Agog Jesus yaug, pein an banin yabig itur o ibinawi a. Gamu nam subam an ibiseig pein an imasa kisaek onj go ananj ikubune pidinai a.

³² Gurai isig ad idiau dugo, tamolpein fidian subam amad da, agod a ur saian saian amad da yan dam, dinjal go dupalu ya. ³³ Panu tubun an san tamolpein wei kasik ab san dalawan sinjiren na dutumanig dumado se ya. ³⁴ Ago man Jesus tamolpein wei mi subam funfun amad da yan ikubunia, dugo ur saiak wei mi dam tinid lo ikudai diau a. Ak man inj ur saiak adi ninen o dinjnenj san ninen o ipadua a, man ata wo, ur adi amaiak Jesus enti mok an dulonj fufei a.

Jesus aben tamolpein tia yak ate Anut lo igudani a

Luk 4:42-44

³⁵ Tidom lom mok, saen ad gamugo ilasa dugo, Jesus imasag ab an ibiseig aben ta yoitout ak lo yau a. Ante man Anut ninen o igudani se ya. ³⁶ Ak gug Saimon inj turan dida dumado yan, Jesus abanja dile wo njen aban dirig diau a. ³⁷ Saen inj dile man durupeig dubol, "Fidian mi onj dilio wo abanja diabi da."

³⁸ Ak man Jesus awad yabig ibol, "Id panu aenta sinjired na dien dan lo tau a. An lo ate dam naj ru ka njufulale pidinai a. Man ata wo, urat nek en njigane wo njilasa ya." ³⁹ An lo man inj Galili distrik ilon lo turenj yabi se ya, sad ubou ab fidian lo ru ibol ilasa dugo ur sisaiak tamolpein tinidi lo yan dam ikudaig dilasa diau a.

Tamol ta tinin lepra yafutani a

Mat 8:1-4; Luk 5:12-16

⁴⁰ Nal ta man tamol ta tinin lepra yafutani an ipalug isumiani wo turun isoluwig irupe, "Onj ilo ibol tap, naj kubuniag pe tinig uyan ilasa da wa."

⁴¹ Agog Jesus ilon tubun mi imunani tag banin iwateg yabig ibol, "Ubol agom naj ilog ago yen da, uya lasa." ⁴² Agog lepra ibiseig yau dugo tamol an tinin uyan ilasa kisaek onj a.

⁴³ Agog Jesus tamol an ru dabai nam ru kagin irupe. Inj ririan idinig yau o ninen o igo ibol. ⁴⁴ "Kagin gane, kulob ilasa yen ninen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol an njanep Anut yai gane pani. An lo dop tamolpein dulonj ak onjane subam itout a."

⁴⁵ Gug tamol an yaug, mel en Jesus igane an ninen o ibol itilani se ya, an lo ru an panu panu lo yau a. Man ninen o Jesus inj fon panu tutubu yak lo walal te iladu san tia ya. Amaiak ninen o inj aben tamolpein tia yak ante mi imado dugo tamolpein banjen fidian lo yan injsan na dupalu se ya.

2

Jesus tamol subam anda yak tinin iganeg uyan a

Mat 9:1-8; Luk 5:17-26

¹ Nal wei tiag Jesus fon imul panu Kaper-niam na ipalu ya. Agog tamolpein Jesus ante imado dan ninjen ru duloŋ a. ² An lo tamolpein wei mi inŋinan ab lo dupalug dutumani a. Ab an ilon lo nug dusupini dugo patun fo dam ab dalawan siŋiren na aben tia ya. Ago dugo Jesus Anut san ru ifu-laleg duloŋ se ya. ³ Ago dugo tamol iwoiwo inŋ tamol ta nien banin fidian itubabun ak kapal anda Jesus giranjen na disinig dupalu wo digane ya. ⁴ Ak man tamolpein mi dal dufutani an lo inŋ diau san dal tia geig a. Ago tag ab patun fo tet fo disidag diaug, ab aten lak na katik* nam gubak mi digane an fo digansi a. Ago yen dugug mutunuk ta fuŋ fufo diganeg diabigigeg gug mutunuk an lo tamol kapal anda yan duyuweg, Jesus imado dugo naon na digane idu ya. ⁵ Agog saen Jesus injaned ilo rumok ile man tamol an irupeig ibol, “Njaineg nanug, njai oŋane aupasek fidian nŋusuas yau la ya.”

⁶ Aria, ate man kubiaenŋ san girek maŋau aenta dumado ya. Inŋsan ru ibol en duloŋ go an lo ilod igo weiwei se ya. ⁷ “En ata wo ru naon ago ibol ak i? Inŋ Anut lo ru kukok igane da! Ak dugo, tamol ta inŋ ka aupasek isasi yau ak i? Tia geig, kulob an Anut san mi a.”

⁸ Gamu nam Jesus ilon lo, tamol an kankan dugoma digane se yan ilonŋ uyanan a. Ago tag inŋ igo irupidai, “Anŋ ata wo ilo wei igo agane dak i? ⁹ Dugomaiak pasauman ak i? Njai nabol, ‘Oŋane aupasek nŋupasi yau o?’ Tia, nabol, ‘Oŋ masap kapal njanep utor a?’ ¹⁰ Ak gug kulob e njanep an lo njai, Tamol Nanun, tan en lo Anut wagen lo aupasek ka nŋupasi yau amaiak aloŋ o ...” ago ibol go tamol a nien banin tubabun aman irupeig, ¹¹ “Oŋ masa utur pe oŋane kapal njanep siŋane ab lo wau.” ¹² Agog tamolpein malad lo man, tamol an imasa kisaek oŋ go san kapal yabisag isinig kuai te ilasa ya. An lo man inŋ fidian durut saian mok dugo Anut yanjan diabisa dugo dubol, “Maŋ kulob ta naok igo yak gubak mi mileu man tia geig a!”

Jesus inŋ Livai iwagi a
Mat 9:9-13; Luk 5:27-32

* 2:4: Foi

¹³ Murnag Jesus fon yaug you tilianek san lonŋ na itor dugo tamolpein malan tubun mok dutumanig Jesus dubuluwig maŋau ipidinai se ya. ¹⁴ Jesus you aen gigin irig isuda yaug ab ta, ate tamolpein sad na moni takis diŋane dak ate ilasa man, takis njanal tamol ta imasig imado dugo ile ya. Tamol an yanjan Livai, Alfeus nanun. Agog irupeig, “Njeg aban uri.” Agog Livai imasa go nien aban iri a.

¹⁵ Murnag saen Jesus Livai san ab lo imasig imado dugo sisem ananŋ diani man, takis njanal wei mok agod “aupasek tamol” wei mi dam, dupalug dumasig Jesus injanen megeloum dida ananŋ diani a. Man dugo, tamolpein a nien aban diri se yan wei mok a. ¹⁶ Kubiaenŋ san girek maŋau adi luluŋad lo ensauta a inŋ dam Farisi adi amaiak mel en Jesus megeloum dida digane dan dile dugo inŋsan megeloum adi igo dusumianai, “En ata wo tamol en takis njanal tamol adi agod aupasek tamolpein dida sisem ananŋ diani dak i?”

¹⁷ Ak man Jesus inŋsad sumianek ilonŋ go irupidaig ibol, “Tamolpein a tinidi uyan an dokta san na ta diau na da, tia, tamolpein subam anda yak mi ago digane da. Njai tamolpein itaot adi ago dubol dak nŋgiaip dupalu san ninjen o ta nŋupalu na ya, tia, aupasek tamol anami nŋgiai o nŋupalu ya.”

Ananŋ lo geg digane an ninjen o Jesus dusumiani a

Mat 9:14-17; Luk 5:33-39

¹⁸ Aria, nal ta lo suguek san Jon inŋsan megeloum adi agod Farisi adi dam inŋ ananŋ lo geg diganeg dumado se ya. Tamolpein ta Jesus san na dupalug dusumiaenŋ, “Jon san megeloum agod Farisi adi dida nal kadi ananŋ lo sed geg ipidinai da, ago gug ata wo oŋsiŋane megeloum ananŋ lo geg ta digane na dak i?”

¹⁹ Agog Jesus awad yabig igo ibol, “Tamol ta iwon da sad nug njanek san saen an ilom isou a. Ak dugo, saen tamol an injanen turan muroun dida dumado dop, ananŋ lo geg digane wak i? Tia ya. Saen inŋ dida dumado dan waliŋ digane san tia geig a. ²⁰ Gug nal ta ipalu dan te gup, Anut inŋ nug njanek san tamol an ipasi yau pidinai a, nal an lo man waliŋ digane wa.”

²¹ “Tamol ta yamel kilaken ta ikukuik na yan ta irasirep ate yamel wagam ak san mutunuk ta iwei na da. Man dugo, ago igane tap, yamel kilaken foun an yamel wagam an irae dop fon irasire dop daon ipani wa. ²² Agod tamol dam wain foun ak bilelek sunulon wagam ak lo ta diwali na da. Man dugo, ago digane tap, wain foun an iganep bilelek sunulon wagam an ikafut yaup ipuk dop, wain ikulmaek pe tan fo idu dop, bilelek sunulon dam daon ipani wa. Fun an ninen o in wain foun ak bilelek sunulon foun ak lo mi diwali da.”

*Ubou nal san Tamol Tubun a
Mat 12:1-8; Luk 6:1-5*

²³ Ubou nal ta lo Jesus kon san abi ilon lo itor se ya. Ago dugo in san megeloum in kon aenta dufunig fun diganeg diani se ya. ²⁴ Gug Farisi adi dil tag Jesus durupe, “Ule, en ata wo kagin a Sabat nal lo tigane san ninen o idsad kubiaen ipadau amaiak gamu onane megeloum adi digane dak i?”

²⁵ Ago man Jesus in sad awa biek ru naon irupidaig ibol, “Nag mel e Dawid igane yen ta asuti na i? Dawid in turan muroun dida kadag san saen lo dimatigen dugo anan o katuk amadi a. ²⁶ Mel en wagam mi saen Abiatar in pris gurman imado dugo ilasa ya. Aria, Dawid Anut san ab lo iladug, bret a Anut naon na didirig dien an in aneg yani a. Ak man bret an in lo geg a, nek Anut san pris in mi ka diani wa. Ago bo man in dam in anen yu tamol adi bret aenta iwae pidinaig diani a.”

²⁷ Agog Jesus fon irupidaig igo ibol, “Tamol in ubou nal san mel, ago Anut ta igane na ya, tia geig. Ubou nal man tamol san mel, nek ago mi igane ya. ²⁸ Fun amaiak ninen o, Tamol Nanun man ubou nal an dam in san muroun a.”

3

Sabat nal lo Jesus tamol ta banin saian ak ikubune ya

Mat 12:9-14; Luk 6:6-11

¹ Nal sen ta lo Jesus ubou ab lo iladu ya. Tamol ta tuon ikurnak yau ak ante imado ya. ² Tamol aenta ate dumado dan in Jesus tinin fo ru digane wo dal aban dile se ya. An ninen o in maladi ti ibol dugo Jesus ata

mel igane wo dak dile san tawan an digane se ya. In tamol e banin ikurnak yau en Sabat nal lo ikubune tap, an ninen o boum dupani wa. ³ Aria, Jesus tamol e banin saian en irupe, “On masap, titinaem utur.”

⁴ Agog Jesus tamol en isumianai, “Kubiaen dugo ibol ak i? Ubou nal lo, id ka kagin uyan ak tigane wo? Tia, kagin saian ak tigane wak i? Patu pasek tupani wo? Tia, tufuni imat ak i?” Ago man in fidian tok dubol go dumado ya.

⁵ Jesus yil ilubanai dugo ninedi wo tinan wananan idu dugo ilon tubun geig ipapao se ya, man dugo, in bubedi man dabai geig a. Agog Jesus tamol en irupeig ago ibol, “Onane bani itaot wate.” Agog in banin iwateg, uyan ilasa kisaek on a. ⁶ Agog Farisi adi kuai te dilasag silei nam in kin Herod san warou adi dida sisem fun diganeg palan an dumari a. In dugo won Jesus daon dupani wak o nug lo dukubiai ila iso se ya.

*Tamolpein doup tubun Jesus san na diau a
Mat 12:15-16; Luk 6:17-19*

⁷⁻⁸ Agog Jesus in anen megeloum dida dugursig you saltek san lon na dudu diau a. Ago dugo Galili tamolpein malan tubun Jesus nien aban fo diau a. Tamolpein tan titin wei mi kulob naok naok Jesus igane na yan ninen o dulon an lo in signed panu panu dibiseig in san na dupalu ya. Tan Judea adi wei mi dam dutumanig Jesus dirig diau a. Tamolpein malan tubun, Jerusalem na yak, Idumea provins lo yak, you Jordan aen ate yak, Taia in Saidon da sad lon na yan dam dususag dutumani a. ⁹ Agog Jesus in san megeloum adi irupidaig, in gidad wog ta dinanep, sumeikan dususep yen dop fo isuda wo ibol. Man dugo, tumanek tubun mok in dubuluwi se ya, kabelan in tinin dupini saian banau. ¹⁰ Man dugo, in imug mi tamolpein wei mi ikubuniai a. An lo tamolpein a subam ad da yak fidian dususag dubuluwig Jesus tinin kitek diabi dile wo in lo dututou se ya. ¹¹ Agod saen ur saiak saiak talpein tinid lo yan Jesus dile man, talpein an Jesus naon na turud dusoluwig awad tubun mi diwagin go dubol, “On Anut Nanun mok.” ¹² Ak gug

Jesus in ru kagin dabai geig ipidinaig ago ibol, “An n̄ai enti mok an nin̄en o tamolpein ta arupidai na wa.”

Jesus megeloum 12 ipilianai a

Mat 10:1-4; Luk 6:12-16

¹³ Jesus tan bubun ta ate isidag, tamol adi dugomaiak in̄san dilasa wo ilon yen an igiaig dususag in̄san na dilasa ya. ¹⁴⁻¹⁵ Agog in̄ tamol 12 ipilianai, in̄ dida megeloum adi igo won̄ dumado dutor na ya. Murnap idiraip diau dop ru dufulale wa, agod in̄ dam ur sisaiak tamolpein tinidi lo yan dukudaip diau san dabai amad da ya. ¹⁶⁻¹⁹ Aria, megeloum 12 e itarpasai en yanadi igo ya. Ta Saimon, in̄ Jesus yan̄an foun ak Pita ipate. Ta Jems, in̄ tein Jon da, nun̄od urarum Sebedi nanun muroun, uraru en Jesus yan̄adi foun ak Boargenes ipate ya, (yan̄ak an fun man weil fufu tamol.) Ta Andru, ta Filip, ta Bartolomiu, ta Matyu, ta Tomas, ta Jems in̄ Alfeus nanun, ta Tadeus, ta Saimon in̄ ru wagai san tamol, agod Judas in̄ man panu Keriot san tamol, emaiak murnag in̄ Jesus nin̄en o palan̄ imarig ager tamol banid lo igane ya.

Jesus Beelsebub ida urat digane dak ago dubol a

Mat 12:22-32; Luk 11:14-23; 12:10

²⁰ Aria, Jesus turan ta san ab lo iladu dugo tamolpein wei geig dupalug fon dutumani a. In̄ in̄anen megeloum adi dida dusupinai se yan lo anan̄ diani san tia geig a. ²¹ Saen Jesus muroun muroun in̄ mel emaiak nin̄en o dulon̄ man, dumasa saian go sad panu dibiseig Jesus diabi wo dupalu ya. Man ata wo? In̄ dubol, “In̄ burau ifuni da.”

²² Agod kubiaen̄ san girek man̄au ensauta a Jerusalem na dupalu yan in̄ dam igo ibol, “Tamol en tinin̄ ilon lo man ur saiak Beelsebub anda ya. In̄ ur sisaiak sad gurman in̄anen dabai nam ur saiak aenta tamolpein ilod lo yan ikudaig diau da.”

²³ Ago tag Jesus igiaig in̄san na dupalug ru mitilaen funfun nam irupidai dulon̄ se ya. “En dugo won̄ pe Satan in̄ ka sen ikudip yau ak i? An ago igane san tia geig a! ²⁴ Kin̄ san kagin panek aben lo, in̄san tamolpein sed itarpalaip malan uraru dilasap nug dufuni tap, kin̄ an san kagin panek aben

an dabai itur san tia geig a. ²⁵ Agod warou kisaek san tamolpein in̄ tarpalek uraru dilasap nug dufuni tap man, warou an dam dabai itur san tia wa. ²⁶ Agod Satan in̄ sen yu iganep an lo in̄ muroun muroun sed itarpalai tap, aria, in̄ dabai itur san tia dop in̄anen dabai itout a. ²⁷ Ak man tamol ta in̄ tamol dababai geig ak ta san melmel isini wo in̄anen ab lo iladu san tia ya. Tia geig a. In̄ gidad imug mi tamol dababai an rasau nam isubani gup, in̄ ka tamol an san ab lo iladup melmel isinip yau a.

²⁸ N̄ai rumok n̄urupaian̄ da, aupasek fidian agod nao futek ru fidian dam tamolpein digane dan Anut ka isuas yau a. ²⁹ Ak gug talpein ta in̄ Awan Urgun naon ifute tap, aupasek an Anut ta isuas yau na wa. Tia, in̄anen aupasek emaiak pempem mi yen yau a.” ³⁰ Jesus ago irupidai a, man ata wo, tamol amaiak imug mi in̄ nin̄en o, “Tamol en ur saiak aman da yak,” ago dubol a.

Jesus tinan agod tein muroun

Mat 12:46-50; Luk 8:19-21

³¹ Saen nek an lo Jesus sinan tinan in̄ tein muroun dida dupalug kuai te dumado ya. Ago dugo tamol ta didinig ab ilon lo yaup Jesus kuai te ilasa wo irupe i a. ³² Ago dugo tamolpein wei kasik Jesus sin̄iren na dumasig dubuluwig dumado se ya. Ago dugo aenta in̄ durupeig dubol, “Ulon̄ ak, on̄ane tina tei murou dam kuai te dutur da, on̄ in̄sad na wau o digio da.”

³³ Ak man Jesus awad yabig ibol, “Ensauta mok n̄aisag tinag muroug, teig muroug ak i?” ³⁴ Ago dugo malan yang tamolpein giran̄en na dumado dan yil go ibol, “N̄aisag tinag di teig muroug nek en mi a! ³⁵ Tamolpein ensauta a n̄ai Tamag kumaen panu lo yan ilon duri dupani dan, nek anami n̄aisag teig, lug di tinag muroug a.”

4

Anan̄ kubulan bilabal tamol san ru fan̄an

Mat 13:1-9; Luk 8:4-8

¹ Murnag Jesus Galili san you tilianek ate yang lon̄ na imado dugo afon fun iganep tamolpein ipiten̄anai se ya. Agog tamolpein wei mi in̄san na dususag dutumani itilani

a. Saen an lo doup tubun mok. Ago tag Jesus wog lo isudag imasig imado dugo tamolpein fidian dutumani man lon na ditur se ya. ² Ante man Jesus ru fañan lo mel wei mi ninen o irupidai se ya. Ru ta ago irupidaig ibol, ³ “Aloñ. Saen ta lo tamol ta ai patun isinig abi lo ipae wo yau. ⁴ Yaug sinanen abi lo man ai patun banin igane inawaig tan fufo iratitale se ya. Saen rati-tale man, ai patun aenta dal fufo dudu ya, agog anakanak dupalug diani itout a. ⁵ Ai patun aenta tan pat anda yak fufo dudu, tan ate man kuror an tia, agog milaen tiag ai patun an balud isa, man dugo, tan an kuror an tia ya. ⁶ Ak man saen ad isuda man ai baludi an dukurnak diau a. Ai an dam dabidi tan lo ta idiau geig na, an lo dukurnak diau kisaek on a. ⁷ Ai patun aenta ud saian an luluñad lo dudu, agog sisem disag diau dugo ud saian an ai uyan ak yafutani an lo nuñon ta igane na ya. ⁸ Ak man ai patun aenta tan uyan ak fufo dudu man nuñod digane, kadi patudi 30 dilasa, aenta 60, aenta 100.” ⁹ Agog igo ibol, “Tamol on kududo ama da tap, ru an ulon uyanan a.”

Jesus ru fañan san fun ifulale ya

Mat 13:10-17; Luk 8:9-10

¹⁰ Saen Jesus sen kisaek imado dugo, inanen megeloum 12 agod tamolpein aenta dida diaug, Jesus ru fañan ibol ilasa amaiak ninen o dusumiani a. ¹¹ Agog igo ibol irupidai, “Anut san kagin panek an san melmel imianuk an fidian ipanañ a. An lo an mel en fidian ilom itarpasi san ninen o aloñ uyanan a. Ak man tamolpein patun fo dumado dan, in bo ru fañan dulon ak gug, ru an san fun mok ta dulon na ya. ¹² An lo man, ‘In bo malad pempem yau a, ak man ilod ta itarpasi na wa, agod kududod nam dulon bo man, fun mok ta dulon na wa. Tia dop, nag in ilod ibilisa dop sed itilianaip Anut inñad aupasek isuas yau a.’”

Ru fañan an san fun

Mat 13:18-23; Luk 8:11-15

¹³ Agog Jesus irupidai, “Ak dugo, an ru fañan en ninen o ilom ta itarpasi na yak i?

Ago tap, en dugo won pe an ru fañan aenta fidian dam aloñ fufei wak i? ¹⁴ Tamol ai patun iratitale den, in Anut san ru ipae da. ¹⁵ Tamolpein aenkadi man ai patun dal te yak ago ya. Ate Anut san ru dipae da. Saen ru an dulon ibol ak, Satan ipalup silei nam ru an ilod lo ipasi inane yau da. ¹⁶ Aenta man ibol ai patun tan sagar ak fo idu igo ya, nek anami ru dulon dop yousai amada ilod lo rumok kisaek on a. ¹⁷ Ak gug in dabitia yak ninen o saen kitekan ka dutur gup, muruan ilasa boi, tia, dukudai dop madai diñane boi, an lo dop ririan dibilanip dudu wa. Nek ago mi inñad ilo rumok itout yau a. ¹⁸ Aenta man ud luluñad lo idu ya. Enami ru dulon pe ilod lo rumok a. ¹⁹ Ak gug tan en san ilo weiwei, agod filian san mala bulbal di mel aenta sad ilo masa dam, disaurip itilanip ru an ipapao da. Ago dop ru an nuñon ta ilasa na wa. ²⁰ Aria, ai patun tan uyanan fufo idu man, tamolpein ru rumok an dulon pe san fun dam dulon siñaokan a. Talpein an in mok nuñod ifu wa, aenta nuñod 30, aenkadi 60, aenta 100, nuñod ago ifu wa.”

Lam san ru fañan

Luk 8:16-18

²¹ Agog Jesus ru fañan taidam igo ibol a. “Ak dugo, an lam asulani dop, ab ilon lo daeg paen na boi, tia, sareg paen na boi, aguni itur dak i? Tia geig a. Aben lak na yak ate asuñani wa. ²² Man dugo Anut ilon igo ya, mel fidian gamu mianuk lo yen den, murnap walal te ilasa wa. Agod mel ta dutuani an, nal idu dop ad lo ilasa wa. ²³ Tamol on kududo ama da tap, ru an ulon uyanan a.”

²⁴ Agog Jesus fon irupidaig igo ibol a. “An gidad ru e aloñ den ninen o kankan anane wo uyanan a. Man ata wo? Tou sapita an tamolpein aenta apidinai dan, tou nek ago yak nam Anut mel ipanañ a, agod mel taidam itumani panañ a. ²⁵ Talpein ta melmel aenta da yan, Anut taidam ipani wa. Ak gug talpein ta in melmel tia, mel kititik a aman da yan, an dam Anut in banin lo ipasi yau a.”

Ai patun isa dan san ru fañan

²⁶ Jesus fon igo ibol, “Anut san kagin panek man igo ya. Tamol ta anañ patun

tan lo iratitale ya. ²⁷ Tidom ad, gidad tamol an yen boi, tia, imasap itor boi, ai patun an balun isap tubun ilasa wa, ak man dal dugo won mel en ka ilasa man in ta ilon na wa. ²⁸ Tan sen mi iganep balun isap, roun iganep yau dop boban ilasap, rugun iganep, nunon ifu wa. ²⁹ Ak man tamol en saen anan isulot idu yan ile man, bubarek inanep, yaup, anan inane wa. Ata wo, anan nane san nal idu ya.”

Ai patun kititik aman kawan ak san ru fañan

Mat 13:31-32,34; Luk 13:18-19

³⁰ Fon igo ibol, “Anut san kagin panek ninen o ata ru man ate tou n̄abip alon ak i? Ata lo n̄tutun̄anip n̄abol pe ilom itarpasi fufei wak i? ³¹ Tamol ta ai yan̄an mastet dubol dan patun in̄aneg siganen abi lo yaug ipae ya. Ai an san patun man kititik aman kawan, tan lo pae wa. ³² Ago bo man, saen paep isa den yaup ai tinan on̄ ilasa dop an lo ai aenta irin̄anai a, agop raen dam idirip ibalsarer dop kusen̄ ka ate wur dufuni wa.”

³³ Jesus in̄ ru fañan nek ago yak wei mi lo Anut san ru irupidaig dulon̄ se ya. Ru sapita dulon̄ go ilod itarpasi wo uyan an mi iri panim, nek ago ibol idu se ya. ³⁴ In̄ pempem tamolpein malad lo mi ru fañan funfun nam ibol ilasa na ya. Ak man saen in̄san megeloum adi dida sed kisaek dumado dugo, ru fañan an fidian sad fun mok in̄ kuai te ifulale idu dugo dulon̄ a.

Jesus tim beig da irupidaig tok dubol a
Mat 8:23-27; Luk 8:22-25

³⁵ Nal kisaek an lo gurai isi dugo, Jesus in̄anen megeloum adi irupidai, “Id wog nam you aen ate tau a.” ³⁶ Man ninen o megeloum adi doup dibisawaig, wog lo disuda ya. Saen Jesus in̄ wog lo isuda man din̄aneg ida diyawaig diau a. Wog aenta dam sisem diau se ya. ³⁷ Agog tim tubun ak ifure ya. Ago dugo you tubun geig imasag ibalsinig wog ilon lo iladu se yan lo wog isarir o igane ya. ³⁸ Ago gug Jesus man in̄ wog taen te kalik iganeg yen padal a. Ago tag megeloum adi diaug dufufunig durupe, “Girek man̄au, id tumayau o tator da. On̄ ata wo idsed o ilo ta isou na dak i!”

³⁹ Agog Jesus imasag, tim tamun da ipidaig igo ibol, “Itout! Tokabol!” Agog tim ifure na yan itout dugo you malin idu geig a.

⁴⁰ Ago gug Jesus in̄san megeloum adi irupidaig ibol, “An̄ ata wo tubun mi arer dak i? Ak dugo, an̄ nen gamugo ilo rumok amam da i?”

⁴¹ Jesus ago ibol dubo man in̄ dumasa saian dugo tubun kasik direr se ya. Ago dugo in̄sed nug dusumiani, “Tamol en enti mok i? Gidad tim tamun da dumasa yak dubo man awan dulon̄ a.”

5

Jesus tamol ta ur sisaiak anda ikubune ya

Mat 8:28-34; Luk 8:26-39

¹ Aria, in̄ wog nam you aen ate diaug, Gerasin sad aban̄ lo disasau a. ² Saen Jesus wog an ibisei man, tamol ta mutou ibiseig ipalu ya. Tamol en ur saiak aman da ya.

³ In̄ mutou funfun lo imado na ya. Tamol aenta fon dusebani san, sein nam dam ta idaisuda geig na ya. ⁴ Saen wei mi banin ain didirig rasau sakar kasik ak nam n̄ien banin dusebani a. Gug saen fidian in̄ rasau lubun̄ an ain dam ituteg isubari idu ya. Tamol an in̄san dabai san fun man senamo geig a, tamol diabi anen tia ya. ⁵ Nal fidian, tidom ad, mutou ilod lo, tan bubun fo dam isasai iwagin̄ dugo pat luon̄ anda yak nam tinin ititale na ya.

⁶ Aria, tamol en asau mi Jesus ile man, imaspalug yaug san na ilasag naon na turun isoluwi a. ⁷ Agog awan tubun mi isasai dugo igo ibol, “Jesus, Anut lak na geig ak Nanun, on̄ mel ta n̄ai lo i? On̄ ru lak na geig ak nam Anut malan lo rupeip ubol, madai tubun geig ta panag na wa.” ⁸ In̄ Jesus ago isumiani a, man dugo, Jesus in̄ imug mi ur an irupe, la yak igo ya, “On̄ ur saiak, tamol en biseip lasa wau!”

⁹ Aria, agog Jesus ur saiak an isumiani, “On̄ yan̄a enti ak i?”

Agog in̄ awan yabig igo ibol, “Nai yan̄ag Legen,* man dugo, man̄ wei kasik a.”

¹⁰ Agog in̄ afon mi Jesus ilon in̄ane on̄ se, agop Jesus ikudai dop idiraip aben an ta dibisei na wo isumiani se ya.

* 5:9: Yan̄ak Legen fun man sawar tubun a.

¹¹ Aria, kitek asau tan bubun luan te man, bor malan tubun geig ak dunuaen se ya. ¹² An ninen o ur sisaiak adi Jesus san na dumosiaig ago dubol, “Onj kudamap bor an luluᅇad lo mau. Ulefunamap bor ilod lo ka miladu wa.” ¹³ An lo Jesus awok ibol tag, ur sisaiak adi dilasag diaug bor tinidi ilon lo diladu ya. Agog bor an fidian mi, sad sutek 2,000 igo yak, inj dumasag damab aen te dumaspalu dudug you duluk go dumat pasik a.

¹⁴ Tamol bor kagin dupidinai den disol go dumaspalu onj diaug, mel ilasa yan ninen o tamolpein panu tubun ak lo yan, agod a gidigheid dumado dan, durupidaig dulon a. An lo man tamolpein inj mel dugo mok ilasa amaiak dile wo dupalu ya. ¹⁵ Saen Jesus san na dilasa man, tamol imug mi ur sisaiak anda yan dileg durut dugo direr saian geig a. Man ata wo, gamu tamol en idagom dugo kankan uyan uyan aman da, ago dugo yamel sen ipulaug imasig imado dugo dile ya. ¹⁶ Agod tamolpein a injsiganed malad nam mel a ilasa dugo dile yan, inj tamolpein dupalu yan mel dugo mok ilasa yan durupidaig dulon a. Ago dugo mel dugo ilasa yan tamol lo agod bor lo dam, durupidaig dulon a. ¹⁷ Man ninen o tamolpein an fidian awad dutumanig Jesus inaned aben ibiseip yau o ago dumosiai se ya.

¹⁸ Saen Jesus wog lo isuda dugo tamol e Jesus ikubune yan ida diau o maeg iganeg isumiani se ya. ¹⁹ Gug Jesus awan ta yabi nag igo ibol irupei, “Onsigane murou sad na waup, Tubun en ilo muᅇanek sapita ipano, agod sapita ibinawo dam ubol idu dop dulon a.” ²⁰ Ago tag tamol an yaug, distrik a yanᅇan TenTaun dubol dan ilon lo turenᅇ yabi onj dugo, mel fidian Jesus inj lo igane an tamolpein naod na ibol idu se ya. Ago dugo a fidian inanen ru dulon an durut saian geig a.

Pein bakan ta imat agod pein ta subam anda ya

Mat 9:18-26; Luk 8:40-56

²¹ Aria, saen Jesus inanen megeloum adi dida tan an dibiseig, wog nam you aen ate afon diau a. Saen lon na disasau man, tamolpein wei mi dupalug dutumani dugo

doup tubun ak Jesus dubuluwi a. Jesus in you sinjiren na imado se ya. ²² Ago dugo ubou ab ta san titianek tamol adi luluᅇad lo tamol ta yanᅇan Jairus in Jesus san na yau a. In Jesus ile tag naon na turun isoluwi a. ²³ Ilo muᅇanek ru lo isumianig igo ibol, “Naineg nanug pein imat o da. Onj palu, bani in tinin fufo na ganep, afon uyan ilasa dop kumaen imado wa.” ²⁴ An lo Jesus imasag in da diau a.

Diau onj dugo tamolpein malan tubun an Jesus nien aban diri dugo Jesus dusupini se ya. ²⁵ Aria, aben ante man pein ta tinin ilon lo subam anda, nek nal milaen mi dar tinin lo ilasa se, ananᅇar 12 ago imado se ya. ²⁶ Inanen moni samun fidian dokta tinid fo ikukule yau pasik, gug subam an ta digane itout na ya. Tia, subam an yau tubun dugo madai tubun geig ifuni yau onj se ya. ²⁷⁻²⁸ In imug mi ru Jesus ninen o ilon dugo ilon igo isou, “Nai banig nek Jesus san kulos milaen ak nᅇusupuri nile gup, tinig fon uyan ilasa wa.” Ago tag in tamolpein a Jesus diri an luad isag Jesus patun fo irig yaug san kulos bitinen te yabi ile ya. ²⁹ Ago dugo saen nek an lo mi inanen dar tinin ilon lo yan igos a. Ago dugo in ilon lo sen ikubiani ak Jesus inanen subam igane itout a.

³⁰ Ago dugo Jesus dam ilon lo sen ikubiani kisaek onj ak dabai inanen tinin lo yan kuai te ilasa ya. Ago tag doup luluᅇad lo idanᅇsag isumianaig ibol, “Enti nᅇaisag kulos isupuri ak i?”

³¹ Saen inanen megeloum adi ru en dulon man, awan diabig igo dubol, “Onj ule yak, tamolpein wei mi onj dusupino futano da, ago bo man onj ka ubol ‘Enti nᅇai ibiag ak i?’ ”

³² Ak man Jesus naon idanᅇsa idanᅇla dugo talpein enti mok ile wo malan yau se ya. ³³ Agog pein an, mel e in o ilasa yen ilon onj go Jesus san na ipalu ya. In irer dugo isuruwor se ya, ago dugo naon na turun isoluwig mel fidian ilasa yan kuai te irupei a. ³⁴ Agog Jesus igo ibol irupei, “Nanug pein, onsigane ilo rumok iginiog uyan lasa ya. Onj ka ilo maror lo wau a, agod onjane subam itout yau geig a.”

³⁵ Ago dugo Jesus ru an ibol yau onj di imado dugo, tamol ta Jairus san ab lo yak ru diganeg Jairus san na yaug ago dubol

durupei, “Onjane nanu pein imat la ya. Gidad, girek manjau aen ta utog na wa.”

³⁶ Ak gug Jesus injsad ru an patun ipanig, Jairus irupei, “Onj urer umoi. Nek ilo lo rumok mi wa.”

³⁷ Agog Jesus tamolpein fidian njen aban diri wan o imoi a, nek Pita, Jems agod in tein Jon, nunod utol anami in dida diau a. ³⁸ Diaug, ubou ab gurman san ab ate dilasa dugo Jesus malan yang tamolpein tinañ muguruñ tubun kasik diganeg dumado dugo yil a. ³⁹ Saen ab ilon lo iladu man, irupidaig ibol, “Anj ata wo tinañ aru agane dugo liliñan dam tubun geig agane dak i? Nanuk en ta imat na ya. Tia, in njion mi yabi da.”

⁴⁰ Ago ibol man disel go kukok an digane ya.

Gug Jesus tamolpein fidian ab ilon lo yan ikudaig, patun fo dilasa diau dugo, nanuk an tinañ taman, agod megeloum a in da dumado yan, injal go dida galuñ a nanuk yen dan lo diladu ya. ⁴¹ Jesus pein bakan an banin te yabig, Arameik ru lo igo ibol, “Talita koum!” Ru an fun man “Pein bakan njurupaio da, masa!” ⁴² Ago ibol dugo gamu nam nanuk pein an imasag itor. In pein bakan, injsan anañar 12 a. Aria, in kulob an dile man durut saian geig a. ⁴³ Agog Jesus nanuk tinañ taman an kudod yabig irupidai, “Ru mel en njen o tamolpein aenta ta arupidai na wa!” Agog nanuk an anañ dupanip yani wo irupidai a.

6

Profet ta yanjan aman tia ya

Mat 13:53-58; Luk 4:16-30

¹ Aria, Jesus in megeloum adi dida panu an dubuseig injsinan panu Nasaret na dumul diau a. ² Ubou nal idu dugo Jesus siganed ubou ab lo iladug tamolpein naod na Anut san ru ifulale pidinai se ya. Tamolpein wei mi injsan ru duloñ go durut saian a. Agog nug dusumiani ila iso dugo igo dubol se, “Aben dugon te mok tamol en mel en fidian injane yak i? Manjau e in lo yen den dugon te injane yak i? Ale, kulob e banin nam igane na yen man tubun geig a!

³ Ak man tamol en taloñ uyanan a, en ab bek tamol amaiak i? En Maria san nanun a. Injanen tein muroun man Jems, Jose,

Judas agod Saimon. Injanen lun muroun id luluñad lo dumado da.” An lo in Jesus saian dupani a.

⁴ Gug Jesus igo ibol irupidai, “Profet ta tamolpein aenta sad malad lo yanjan aman tia yak ago ta itor na da. Tia geig a. Ak gug nek injsinan panu lo, injsinan muroun muroun luluñad lo, agod injsinan ab lo dam, atna mi in yanjan aman tia ya.” ⁵ Man njen o Jesus ante kulob dabai anda yak ta igane san ta idaisuda na ya. Nek talpein kisaek kisaek subam amad da yak tinid fo banin iganeg ikubuniaia a. ⁶ Ago dugo in tamolpein ilo rumok amad tia yan njen o irut saian geig a.

Jesus megeloum 12 idinaig panu panu diau a

Mat 10:5-15; Luk 9:1-6

Agog Jesus injsinan panu ibiseig gidigidad yang panu panu itor dugo tamolpein ipitenjanai se ya. ⁷ Agog Jesus injanen megeloum 12 injsan na dupalu wo igiai a. Dususag Jesus tamol adi emaiak in wagen lo ur saiak adi tamolpein tinidi ilon lo yak dukudaip diau san dabai ipidinai a. Agog itarpasaig fun iganeg uraru uraru mi idinaig diau a.

⁸ In gamugo diau dugo kududod yabig irupidaig in gidad turenj yabek san biouñ ta disini na wa, nek makud mi a. Ak man latamad tia, badam tia, moni injsad let lo dam tia, ago turenj diabi wa. ⁹ In ka sendal njied fo didiri wa, ak man yamel taidam titired lo didiri san geg ipidinai a. ¹⁰ Agog in ibol irupidai, “Anj aben dugon te ab ta lo aladu wan, ate mi ab an san tamolpein dida amado yau nap panu an abisei wa. ¹¹ Agod panu ta ate ta diñiliañ uyan dop anjsam ru dam duloñ o dumoi tap, saen abisawai o dop, njemi apiltip san gufgaf panu an ate idu dop dile wa. An man kob ta murnap injaned ilo rumok tia yak san naon in mok diñane wak igo ya.”

¹² Ru an ibol itout dugo megeloum adi nunod uraru urarum dufufurak go diau a. In panu panu ate tamolpein igo durupidai se ya. “Anj anjanem saian an fidian patum apanip ilom ibilisa wa.” ¹³ Agod in ur sisaiak tamolpein tinid lo yan wei mi dukudaig diau se ya. Ago dugo gurenj kitek

nam tamolpein wei mi subam amad da yan tinid fo dububunig lo dukubuniaia a.

*Herod in Jon suguek san ifuni imat a
Mat 14:1-12; Luk 9:7-9*

¹⁴ Kin Herod in melmel e Jesus san megeloum adi digane se yan ninen o ilon a. Man dugo, nal an lo man Jesus san yanak tamolpein malad lo tubun geig ilasa la ya. Ta dubol, “Suguek san Jon in tamolpein dumat la yak lulunad lo fon imasag kumaen imado da, nek fun amaiak ninen o dabai funfun en tinin ilon lo urat digane da.”

¹⁵ Gug aenta dubol, “En man Elaija.” Agod aenkadi dubol, “In man profet ta mi a, nek ibol profet adi wagam san igo mi a.”

¹⁶ Ak man saen Herod in Jesus ata kulob igane idu se yan san ru ilon man igo ibol, “Jon man bo buron nitartig imat la yak gug fon kumaen imasa da ya.”

¹⁷ In ago ibol a, man dugo, imug mi in yu tamol adi idinaig Jon diabi wo diau a. Nien banin dusubanig subanek ab lo digane ya. Man ata wo? Herod inanan tein Filip san iwon, yan Herodias, ilo uyan ipani san ninen o in Jon subanek ab lo igane ya. Imug mi Herod pein en inisan tein banin na inanan in da nug dinane ya. ¹⁸ Gug Jon in Herod ru en irupeia, “Onsigane tei san iwon da ator tap, on kubiaen ta uri pani na da.”

¹⁹ Amaiak ninen o Herodias tinaen saian go Jon lo siai iganeg imado na ya. In Jon ifuni imat o ilon tubun mi yen a, ak gug in sen mi ago igane san ida ta isuda na ya. ²⁰ Man dugo, Herod Jon ninen o tubun mi irer se ya. In ilon ak Jon in tamol itaot di gun a, an ninen o talpein ta Jon muruan ipani san ninen o iparfutani fufei na ya. Nal wei mi in Jon da dinanen go Herod ilo uyan lo inanan ru ilon se ya. Ak gug ilon weiwei dugo ru fun ilon uyan san tia ya.

²¹ Nal ta idu man dal ta Herodias idinaip Jon dufuni imat san an ilasa ya. Nal a Herod san tinan gubak mi igansi an san saen ilasa ya, an lo Herod soubul igane ya. In ru iganeg inanan gabman gurman adi, yu tamol unbiek adi, agod tamol adi malan te yak Galili distrik lo yan, fidian dupalup anan diani wa. ²² Aria, anan diani dugo Herodias nanun pein iladug naod na isuluwai se ya. Herod inanan turan dida

dile dugo malad bulbal dugo ilod tubun mi uyan a. Man ninen o kin Herod nanuk pein an irupeia, “On mel dugon ninen o ilo ibol tap, on ka sumianag dop nai nupano wa.” ²³ Agog ru lak na geig nam inanan ru dabai ipanig ibol, “On ata mel ninen o sumianag, gidad naisag kagin panek aben nibitip wadan nupano san sumianag a, nai ka nupano mok a.”

²⁴ Agog pein baras an yaug, tinan isumiani, “Nai ata mel ipanag o nusumiani wak i?”

Agog tinan awan yabig ibol, “Suguek san Jon san kabunan.”

²⁵ Agog pein baras an ririan yaug kin san na ilasag irupeig ibol, “Nai ilog man on gamu nam ru ganep suguek san Jon inisan kabunan daeg fo diganep disini dupalup dupanag a.”

²⁶ Herod ru an ilon go ilon muruan tubun mok a. Ak man ru lak na geig an gubak mi ibol ilasa la ya, agod inanan turan adi malad lo inisan awak aban ipani an ninen o dam, awan ibilisa wo ilon ta yen na ya.

²⁷ Ago tag in ririan yu tamol ta talpein ifuni imat san an idinig yaup suguek san Jon buron itartip isini ipalu wo ibol a. An lo yu tamol an yaug, subanek ab ilon lo Jon buron itartig, ²⁸ kabunan daeg lo iganeg isini ipalug pein baras an ipani a. Agog in isini yaug tinan Herodias ipani a. ²⁹ Saen Jon san megeloum adi mel en dulon man, dupalug tubabun dinaneg disini diaug mutou lo digane ya.

Jesus tamol 5,000 ifutuwai a

Mat 14:13-21; Luk 9:10-17; Jon 6:1-14

³⁰ Aria, saen Jesus san megeloum adi turen diabig itout go dumul diaug Jesus dida dutumanig kulob funfun digane, agod pitenanek a tamolpein durupidai an da, naon na dubol idu ya. ³¹ Ago dugo nal an lo man tamolpein wei geig Jesus megeloum adi dida sad na diau dumul on dugo in dunuai anen tia ya. Man ninen o Jesus in megeloum adi irupidai, “Id tumasap, aben ta tamolpein an tia yak ate taup, idsed kisaek dop kitek yaes tabal a.”

³² Ago ibol tag wog lo disidag, aben ta yoitout tamolpein an tia yak ate yaes dubal o diau a. ³³ Ak man tamolpein panu fidian lo yan malad yaug dil dulon, ago yan lo wei

mi dumasag njed nam dumaspalu on you dulubanig, dumug diau silatik on go, lon a Jesus inanen megeloum adi dida disasau wo yan ate dilasa ya. ³⁴ Saen Jesus wog ibiseig lon na idu man, doup malan tubun an afon yil a. Agog in ilon imunanai a, man ata wo, tamolpein an nek ibol sipsip titianek tamol amad tia yak igo won a. Ago tag imasig imado dugo mel wei mi ipitejanai se ya.

³⁵ Ru dulon dugo yaug gurai isi dugo, insan megeloum adi san na dupalug ago dubol, "Aben en yoitout a, ad dam idu yau la ya. ³⁶ Man ninen o tamolpein en dinaip dufurak pe gidigheid diaup aben sinjred na yan san panu te anan didad pe diani."

³⁷ Ak man Jesus awad yabig igo ibol, "An mel ta apidinaip diani."

Agog in dubol, "Man tamolpein ago yak bret madad pe mufutai san ta idaisuda na ya. Man fidian kalam 8 urat miganep* moni idaisuda minane gup, bret idaisuda mi madad a."

³⁸ Agog Jesus isumianai, "An bret sapita da yak i? Aup ale."

Agog diaug dileg dumul dupalug durupe, "Kafen, agod iy uraru a."

³⁹ Agog Jesus tamolpein an irupidai, "An sem ibitan pe warou wei mi alasap gafurfur fo amasip amado." ⁴⁰ Ago tag in sed ibitaig doup kitek wei mi dilasa, aenta talpein 50, aenta 100, ago dumasig dumado se ya. ⁴¹ Agog Jesus bret kafen agod iy uraru an inane, kumaen panu banen lo malan yabisag, ilo uyan ru Anut ipanig bret an yafute idug megeloum adi ipidinai a. Agog inanen megeloum dinane tamolpein duwae pidinai a. Nek ago mi iy uraru an igile kititik go megeloum ipidinaig diaug tamolpein dupidinai a. ⁴² Ago dugo in fidian mi bret an diani dugo fidian luad ipuk. ⁴³ Aria, dunuai itout gug, megeloum adi dumasag, anan wadan ta diani na yan dutumanig, sareg 12 anua. ⁴⁴ Tamol a dunuai an dusutai man 5,000 a.

*Jesus in you aten fo itor a
Mat 14:22-33; Jon 6:15-21*

⁴⁵ Aria, saen anan dianig itout man, Jesus inanen megeloum adi gugurut ipidinaig, in

wog lo disidap you aen ate panu yan an Betsaida na dumug diau wo irupidai a. Ago dugo insen man imadop, tamolpein an fidian idiraip dufurak insigned na dumul diau wo, ago irupidai a. ⁴⁶ Saen tamolpein idinaig diau pasik man, in sen mi did fo Taman san na igudani wo isuda ya. ⁴⁷ Saen tidom idu man, wog an mayau na iyawai se ya, ago dugo Jesus in tan na sen kisaek imado ya. ⁴⁸ In malan yaug megeloum adi maeg diganeg dufulani dugo yaes ifu dugo yil a. Man dugo, tim tubun ifure dugo naod yabi se ya. Saen salso idu man, in you aten fufo sad na yau a. In irinanai o ilon yen manon a. ⁴⁹ Ak man saen inanen megeloum adi Jesus you aten fufo itor dugo dile man, in tamol nutun ta dile ago dubol dugo disasai a. ⁵⁰ Man dugo, in fidian Jesus ago dile an lo tubun mi direr dugo dusuruwor se ya. Ak man Jesus irupidaig ibol, "Dabai anane, en naiseg, arer amoi!" ⁵¹ Agog yaug wog fo isudag dida dumado dugo tim ifure yan itout a. Megeloum adi ago dileg durut saian dugo ilod weiwei geig a. ⁵² Ata wo? Jesus enti mok an dulon uyanan an ninen o ilod itau a, in bret lo kulob igane an dile yak gug kulob an kankan Jesus ninen o ta ipidinai uyan na ya.

Jesus Genesaret na subam adi wei mi ikubuniaia

Mat 14:34-36

⁵³ Aria, saen Jesus megeloum adi dida you aen ate dupalu man, tan titin yan an Genesaret dubol dan ate lon na disasau a. ⁵⁴ In wog lo dudu dugo aben an san tamolpein malad yaug ririan Jesus dile dulon a. ⁵⁵ An ninen o dumasag dumaspalu on gidigheid diau dugo ru duwae se ya. Agog tamolpein wei mi in talpein subam amad da yak kapal fo dien dan dusug aben dugon te Jesus imado den ate dinai diau se ya. ⁵⁶ Ago dugo aben dugon te Jesus yaug ilasa yan, taun tubun ak boi, tia panu tubun ak boi, tia, kititik ak boi, ate in subam adi kapal fo dusug didaen aben lo didiraisig dien se ya. An lo Jesus sumeik isusa dop dusumianip inanen yamel bitinen mi ka diabi dile wa. Agog talpein a diabi dile yan fidian mi, Jesus ikubuniaig uyad isusa ya.

* 6:37: Grik sad moni lo man, 200 denari.

7

Mel ikokan, agod ta ikok na ya
Mat 15:1-9

¹ Aria, saen Farisi adi, kubiaen san girek manau aenta dida Jerusalem na dupalu man, Jesus dulubanig, ² Jesus san megeloum aenta, banid nun anda yak dida anan diani se yan dil a. Inaned tamol kagin igo ibol, in banid dufulanip ikok ilasa gup anan ka diani wa. ³ (Man dugo, inaned kagin igo ya. Farisi adi, agod Juda adi fidian mi dam, in imug mi banid dufulani gup anan diani wa. In ta dufulani na tap, in dida anan ta diani na wa. Dal an lo in tubud baged sad tamol kagin diri dupani na yan ago mi in dam duri da. ⁴ Agod saen didaen aben dibiseip siganed ab lo diau duman, in anan ta diani na wa, tia, in dusug pe tinid ikok gup anan diani wa. Tamol kagin aenta wei kasik dam in kagin dupani da. Nek ibol gab fulanek, bod daeg fulanek, agod mel san kapen sensen bras nam digane yan, mel igo yan fidian ninedi wo tamol kagin yen da.)

⁵ Aria, Farisi adi in kubiaen san girek manau adi dida awad dutumanig Jesus dusumiani, “En ata wo onane megeloum adi in tubud baged sad tamol kagin iri panim ago ta dutor dumado na dak i? Inaned banid ikok tia yak ate anan diani da.”

⁶ Ago tag Jesus irupidaig ibol, “Aisaia in profet ru itaot mok an balek uraru adi ninemi wo ibol ilasa ya. Girek igire yan igo ya, “Tamolpein en awadi nam yanag diabisa da,
 ak man bubedi man asau geig nai lo yen da.

⁷ In sen kawan nai ubou ag dile da,
 man dugo, pitejanek a tamolpein durupidai dan man nek tamol in siganed ilo sou mi a.”

⁸ Ru kubiaen Anut ibol an gigin na agansi, an lo an siganem tamol kagin ari apani da. Agod an ilom lo kagin en uyanan geig ago abol

⁹ Agog in fon irupidaig igo ibol, “An lunam lo kagin igo yak yen da. An ru kubiaen Anut ibol an gigin na agansi, an lo an siganem tamol kagin ari apani da. Agod an ilom lo kagin en uyanan geig ago abol

da! ¹⁰ Gubak mi Moses igo ibol, ‘Onane tina tama awad paen na mado dop kagin pidinai o uyanan a.’ Agod, ‘Ta in awan nam tinan taman imisilanai tap man, dufuni imat a.’ ¹¹ Ak man an abol, ‘Tamol ta taman boi, tinan boi, igo irupe, mel ta ate nai ka nibinawo san ninen o man Korban’ (ru an fun man, Anut mel an nien nupani la ya), ‘an ninen o man, o kabel, nai mel an nupanan san tia ya.’ ¹² An lo tamol an fon binawek ta tinan taman ninedi wo igane pidinai san an ta alefuni na wa. ¹³ Dal emaiak lo, ananem tamol kagin tamolpein duri dupani wo abol den lo mi, an aganeg Anut san ru an nunon tia ya. Agod mel wei mi taidam naok nek ago yak agane da.”

Jesus ata mel tamol ilon lo nun ipani wan ninen o ibol ilasa ya

Mat 15:10-20

¹⁴ Agog Jesus in fon tamolpein fidian sinjiren na dupalu wo igiai a. Dupalug, ru ago ibol irupidai, “An fidian kududom agurep, ru en nabol dop, alon fufei wa. ¹⁵⁻¹⁶ Tamol ta mel kuai tep tinan lo yau dan nun ta ipani na da. Tia, mel tinan lop awan lo ilasa damaiak tamol ilon nun ipani da.”

¹⁷ Jesus tamolpein tumanek an ibisawaig ab lo iladu man, inanen megeloum adi ru fanan en ninen o dusumiani a. ¹⁸ Agog in isumianaig ibol, “Ak dugo, an dam an alon san tia i? An ta ale na yak, mel ta tamol tinin kuai fo yak, tamol ilon yaup iganep nun ilasa san tia yan alon ak i? ¹⁹ Man dugo, mel an buben lo ta yau na ya, tia, tinan lo yaug dubei san dal irig ilasag itout yau a.” (Jesus ru emaiak ibol an lo anan fidian nuaen san uyan ak ago ibol a.)

²⁰ Agog ibol on, “Mel a tamol ilon lo yen dugo kuai te dilasad amaiak tamol ilon nun ipani da. ²¹ Man ata wo? Mel naok naok emaiak tamol ilon lo dien den, in buben mok ilon lo yak kuai te dilasa da, kankan saiak, jeit kagin, gumagam kagin, tamol ifuni imat dak, turan iwon ida dien dak, ²² mala sek kagin, nun kagin, siai kagin, uf ru, se pitiano, kagin, agod burau kagin. ²³ Mel saia di emaiak fidian talpein ilon lo yak kuai te dilasa da, nek mel amaiak mi talpein an ilon nun ipani da.”

Gob pein ta san ilo rumok

Mat 15:21-28

²⁴ Ago gug Jesus imasag, aben an ibiseig, gob adi sad taun tubun ak uraru, Tair Saidon da sad lubanek lo yaug, ab ta lo isidag, ante kitekan yaes ibal a, ate tamolpein ta san turej duloj man imoi a. Ago bo man in mianuk lo imado san tia ya.

²⁵ Pein ta inanen nanun pein ur saiak anda yak in ru tim Jesus ante imado dan ilonj a. Ririan imasag Jesus san na ipalug, naon na turun isoluwi a. ²⁶ Pein en man Grik, agod distrik tubun ate imado dan Siria provins, agod titin ta dugon te tinan igansi an aben ta lonj sinjiren na yanjan Fonesia dubol da. Aria, Jesus naon na turun isoluwig, Jesus in nanun pein tinin lo ur saiak ikudip yau wo ilo munjanek ru lo isumiani a.

²⁷ In pein an irupej, “Umoi dop, nanuk ata diani wo dumat dan malmalan diani wa. Man nanuk adi sad ananj minjanep goun adi diani wo sad na mabal tap, an ta uyan na wa.”

²⁸ Ak man pein an awan yabig igo ibol, “Awo, tamol Tubun en ubol mok da. Gug goun dam badim paen na dumado dop, nanuk sad awad aban idu man ka diani wa.”

²⁹ Ago tag Jesus ibol, “Ru en rupaiag ak ninen o ka wau a. Ur saian an onjane nanu pein tinin lo yak ibiseig yau la ya.”

³⁰ Agog in sinan ab lo yaug nanun pein gadab fo yen dugo ile, agod ur saiak dam ibiseig yau a.

Jesus tamol ta kududon awan da itau ak ikubune ya

³¹ Aria, Jesus fon imasag, Tair lubanek ibiseig, isidag yaug, taun tubun ak yanjan Saidon ante ilasa ya. Agog aben an ibiseig, imul idug yaug “TenTaun”^{*} lubanek lo ilasag, You Galili sinjiren na isusa ya.

³² Ante man tamol ta kududon ipakuk agod balen muruan ak dinaneg Jesus san na dupalug, banin tamol an tinin fo igane wo dusumiani a.

³³ Agog Jesus tamol an inaneg, ida tamolpein malan tubun an dibisawaig gigin na nunod uraru diau a. Ante gug Jesus insen banin kikoun tamol an kududon anenaim lo isousoug sen banin fo ilusug, ate

tamol an balen yabi ile ya. ³⁴ Agog Jesus naon yabisag malan lak na isida dugo yaes yabituani gug tamol an irupej, “Efata.” (Ru an fun man: upuk.) ³⁵ Ago ibol go tamol an kududon uyan ilasag balen dam pasauman go ru ilonj go injinej uyanan se ya.

³⁶ Jesus ru dabai anda nam mel a dile yan tamolpein aenta ta durupidai na wo ibol. Ak man urat wei kasik igane yan lo urat an san ru dam tubun mi dinjinej ila iso se ya. ³⁷ Ru an duloj go durut saian geig a. In igo dubol, “Tamol en mel fidian igane man uyanan geig ak mi a. In iganeg tamol ta kududon ipakuk an ru ilonj ak, agod tamol ta awan itau an ru ibol a.”

8

Jesus tamolpein 4,000 ifutuwai a

Mat 15:32-39

¹ Saen an lo tamolpein malan tubun mok fon Jesus san na dutumani a. Dumado dugo inaned ananj latamad diani pasik a. Ago tag, Jesus inanen megeloum adi dupalu wo igiai a. Agog dupalug dilasa dugo Jesus irupidai, ² “Nai tumanek tubun en ilog imujanai da, man dugo, gamu nal utol yau la dugo in naj da mumado na ya, ak gug ananj ta diani san etna tia ya. ³ Nai in njidinaip dimatigen onj insiganed na diau tap, dal na rei ifu dop malad itilani wa. Agod aenta dal asau geig dupalu ya.”

⁴ Inanen megeloum adi awan diabig dubol, “Aben yoitout en lo tamol ta, ka dugot na bret idaisuda injanep lo tamolpein en ifutai ak i?”

⁵ Agog Jesus isumianai, “Anj ananj bret sapita yen di?”

Agog dubol, “Bret seven mi a.”

⁶ Agog Jesus tamolpein an tan na dumasi wo irupidai a. Agog in bret seven an inaneg, Anut ilo uyan ru ipanig, yafututeg, megeloum adi tamolpein duwae pidinai o ipidinai a. Agog diaug bret duwae ya. ⁷ Iy kititik kadi in dida dien a. An lo Jesus iy an inaneg, Anut ilo uyan ru ipanig, megeloum adi irupidaig iy en dam tamolpein duwae pidinai o diau a. ⁸ Aria, tamolpein ananj an dianig idaisuda geig a. Diani itout gug megeloum adi dumasag ananj samsamun

* **7:31:** Dekapolis

dutumanig sareg seven lo ditaneg awad isa ya. ⁹ Inj tamol adi a dumado yan dusutai man 4,000 igo ya. Agog didinaig dumul diau a. ¹⁰ Agog Jesus megeloum adi dida wog lo disidag, Dalmanuta distrik ante diau a.

Jesus kulob girager ta igane wo dusumiani a

Mat 16:1-4

¹¹ Ante man Farisi adi dupalug Jesus dusumiani wo fun digane ya. Inj ilod man Jesus bitinaek lo digane wo ago yen se ya. Amaiak ninen o inj kulob kumaen panu san ta kob igo wonj igane dop dile wo dusumiani a. ¹² Jesus injsad ru an ilonj go injsen n̄tun ilon lo yaes yabituanig igo ibol, “Ata wo anj tamolpein gamu e amado den kulob girager ta kob igo wonj njigane dop ale wo ilom yen dak i? Njai ru rumok njurupaianj da, kob naok igo yan njai ta njupananj na wa.” ¹³ Agog inj ibisawaig, megeloum adi dida fon wog lo disidag, diaug, tan aen ate dilasa ya.

Farisi adi inj Herod da sad yis

Mat 16:5-12

¹⁴ Aria, megeloum adi ilod injaonj go bret ta disini na ya, wog lo man bret kisaek o lian yen a. ¹⁵ Jesus ru kagin ipidinaig ibol, “Kagin agane, Farisi sad yis, agod Herod san dam ninen o kagin agane uyanan a.”

¹⁶ Megeloum adi ru an dulonj go injsed mi ru an san fun mok kuai dupani wo nug lo dinjnenj ila iso se ya. Agog dubol, “Inj ago ibol man fun, manj bret amama tia ya.”

¹⁷ Jesus megeloum adi dugo dubol se man ilonj, ago tag isumianai, “Ata wo anj bret amam tia yak ninen o nug lo akubiai dak i? Ak dugo, anj nen ta ale alonj na yak i? Ak dugo, anj kankan amam tia i? ¹⁸ Anj malam da ya, ak gug anj ta ale geig na da. Nek ago anj kududom da ya, ak gug anj ta alonj geig na da. Mel en ilom injaonj ak i? ¹⁹ Saen njai bret kafenda njafututeg tamol 5,000 njufutuwai an, anj sareg sapita lo ananj samukan atane yak i?”

Inj awan diabig dubol, “Sareg 12.”

²⁰ “Agod saen njai bret seven njafututeg tamol 4,000 njufutuwai an, anj sareg sapita lo ananj samukan atane yak i?”

Agog dubol, “Seven.”

²¹ Agog inj ibol, “Anj gamugo alonj uyan dak i?”

Jesus Betsaida na tamol malan itau ak ikubune ya

²² Jesus inj megeloum adi dida panu yanjan Betsaida ante diaug dilasa ya. Ante tamolpein ta inj tamol ta malan itau ak dinjaneg dida Jesus san na dupalu ya. Inj Jesus banin nam tamol an tinin yabi ile wo dugudani a. ²³ Agog Jesus inj tamol an banin te yabig, ida panu an dibisei a. Agog Jesus tamol an malan fo ilusug banin tamol an tinin fo iganeg isumiani, “Onj gamu abanj ka ule dak i?”

²⁴ Agog tamol an malan yabisag ibol, “Awo, njai tamol n̄eil da, ak man malag lo ai ditiliani dak igo mi a.”

²⁵ Agog Jesus afon banin malan fo igane ya. An lo tamol an malan tubun mi ipuk go uyan isusag mel fidian ile fufei a. ²⁶ Agog Jesus tamol an sinan ab lo yau o idinig irupei, “Onj itaot sigane ab lo wau, panu lo ta ladu na wa.”

Jesus inj Kristus an, Pita kuai te ibol a

Mat 16:13-20; Luk 9:18-21

²⁷ Agog Jesus injsan megeloum adi dida panu an dibiseig dal dinjaneg panu kititik taun Sisaria Filipai lubanek lo dien dan ate diau a. Dal te turenj diabi dugo injsan megeloum isumianai, “Tamol adi inj njai enti mok ago dubol di?”

²⁸ Agog inj durupei, “Aenkadi onj Suguek san Jon ago dubol dak, aenta onj Elaija dubol dak, aenta onj profet ta ago dubol da.”

²⁹ Inj isumianai, “Ak man ansem njai enti mok ago abol di?”

Pita awan yabig ibol, “Onj Kristus.”

³⁰ Agog Jesus ru kagin ipidinaig ibol, “Njai enti, aenta ta arupidaip dulonj na wa.”

Jesus imat san nal sumeik ak ago irupidai a

Mat 16:21-23; Luk 9:22

³¹ Saen an lo Jesus fun iganeg injanen megeloum adi ipitenjanai man, Tamol Nanun inj madai wei mi ifuni wa, agod ubou san matu adi, pris gurman adi, agod kubi-aenj san girek manjau adi inj fidian Tamol Nanun patud dupani wa. Ago dop inj dufuni imat a. Ak gug nal utol gup inj fon

imasap kumaen imado da wa. ³² Jesus ru an kuai te ibol irupidai a. Ago tag Pita inaneg ida gigin na diaug ru dabai nam Jesus ipei a.

³³ Ak gug Jesus idansag Pita patun ipani dugo naon megeloum aenta ipidinai dugo Pita ipeig ibol, “Satan, on patug fo lasa wau! Man dugo, on Anut san ilo girek ta uri pani na da, tia, on tamol adi sad ilo girek an mi uri pani da.”

Idsiganed aigim tisinip Jesus njen aban tiri wa

Mat 16:24-28; Luk 9:23-27

³⁴ Agog Jesus tamolpein igiaig, inisan megeloum adi dam kisaek mi dutumanig, igo ibol irupidai, “Talpein ta naj nieg aban iri wo ilon ibol duman, in gidad sen yabi idup inisan aigim isinip nieg aban iri wa.

³⁵ Man ata wo? Ta inisan madok iganep uyan ilasa wo ilon ibol tap, inisan madok mok an ideg yau a. Ak man ta inisan madok naj nineg o, agod bilalun uyanan ak ninen o ibisei tap, inanen madok mok patun ipasi dop yen yau a. ³⁶ Man dugo, talpein ta tan en san filian fidian mi inane dop, inanen naon man inisan madok mok malan issue tap, en dugo won pe uyan ak i? ³⁷ Ak dugo, in ata mel tan en san, inanen madok nunon ak inane imul san ka ipani wak i? Mel ta igo yak yen man tia geig a. ³⁸ Tamolpein ensauta gamu dumado den aupasek agod kagin sisaiak san saen lo dumado da. Talpein ta saen en lo naisag ru ninen o miai ifuni tap, saen najneg enel gun agod Tamag san girager da npupalu dop, naj nek ago mi talpein an ninen o miai ifunag a.”

9

¹ Agog in ru ibateg igo ibol irupidai, “Rumok nurupaian da, aenta ebo dutur den gamugo dumat dop, Anut san kagin panek an dabai aman da ipalu dop dile wa.”

Jesus tinin ibilisag ilalan a

Mat 17:1-13; Luk 9:28-36

² Aria, nal 6 yau la gug Jesus in megeloum utol, Pita, Jems in tein Jon ago injal go dida did tubun ak ta ate disida diaug sed dumado se ya. Ante dumado dugo Jesus in

malad lo tinin ibilisag ilalan idu dugo dile ya. ³ Ago dugo inanen yamel isapudadeg milkouk nunon geig ilasa ya. Milkouk an talpein ta tan en lo yamel marasin nam ifulanip ago ilasa san tia yak ago ya. ⁴ Ago dugo malad lo dam Moses in Elaija da dilasag, Jesus dida dutur go dininen se yan megeloum dil a.

⁵ Agog Pita Jesus irupeig ibol, “Girek manau, nek uyanan geig man dam e mumado da! On ubol tap, lalai utol ente mabi wa, onane kisaek, Moses anen kisaek, agod Elaija anen kisaek dam mususe wa.” ⁶ (In fidian tubun mi direr dugo dusuruwor se yan lo, Pita ru dugo ibol an ta ilon uyan na ya.)

⁷ Agog timtaen* ta idug yafutanai dugo awak ta timtaen an ilon lo ilasag ago ibol, “En man najneg Nanug, naj bubeg mok a. Awan alon!”

⁸ Ago dulon dugo malad yau imul silatik on dugo aban dile itililani se yak gug tamol aenta ta dil na ya, nek Jesus mi sen kisaek sinjired na itur se ya.

⁹ Saen Jesus megeloum dida did an dibi-seig dumul dudu dugo, Jesus ru dabai anda ipidinai a. “An aup mel e ale yan ninen o tamolpein aenta ta arupidai na wa. Amoi dop Tamol Nanun imat pe mutou lo fon imasap kumaen imado dop, saen an lo mel e ale yen ka abol ilasa wa.” ¹⁰ Ago tag in ru mel en ninen o inanen ilo girek lo dutueg yen a, ak man in sed nug lo dininen se ya. In nug lo dusumiaen ila iso, “Ru e mutou lo fon imasa wo ibol en fun mok dugo yak i?”

¹¹ Agog in Jesus dusumianig igo dubol, “En ata wo kubiaen san girek manau adi in Elaija imug ipalu gup ak ago dubol di?”

¹² Jesus awad yabig ibol, “En man ru rumok a, Elaija imug ipalup, mel fidian ikubuniaip imug dien ago mi dilasa wa. Ak man ata wo ru en digire yak i? Tamol Nanun tubun mi mada isini dop patud dupani wa. ¹³ Ak gug naj nurupaian da, Elaija ipalu la ya. Ago dugo in siganed ilobol lo saian dupani se ya, nek ibol girek ta in ninen o ibol ak ago mi ilasa ya.”

* 9:7: Kakao

Jesus pinein ta ur saiak aman da yak ikubuneya

Mat 17:14-21; Luk 9:37-43a

¹⁴ Saen Jesus in megeloum utol an dida dumul go megeloum aenta sad na dilasa man, tamolpein malan tubun ak dutumanig dumado dugo dil a. Ago dugo kubiaen san girek manau aenkadi megeloum adi dida ru lo nug diabi dugo dil a. ¹⁵ Agog tamolpein fidian saen Jesus dile man durut saian go ririan dumasalu on Jesus san na dupalug ilo uyan lo duyunani. ¹⁶ Agog Jesus tamolpein isumianai a, “An kubiaek dugomaiak nug lo anijen ila iso di?” ¹⁷ Agog doup an luluad lo tamol ta awan yabig igo ibol, “Girek manau, naineg nanug ur saiak anda yak onsa na nsini nupalu ya. Man dugo, ur saian en iganeg awan itau a. ¹⁸ Aben tata lo itor dop, ur ifunip ibili idu dop, awan lo subalbal ilasap, luon igurmip tinin ikikaip ti ibol yen da. Man ninen o naj onsa megeloum adi ur saiak an dukudi wo nusumianai, ago bo man in digane san tia ya.”

¹⁹ In ru naon irupidaig igo ibol, “An ilo rumok amam tia, nal sapta naj an da tumado wak i? Nal sapta muruan apanag dan nsinip yau ak i? Nanuk an igo anane apalu.” ²⁰ In pinein an dinane dupalu ya. Saen ur saian in Jesus ile man, silei nam pinein an ifunig itarfunig ibili yau idug, tan na idududuruk dugo itububuluk yau imul dugo subalbal awan lo ilasa se ya.

²¹ Jesus pinein an taman isumiani, “Nal sapita kagin an in tinin lo ilasa yak i?”

Taman awan yabig ibol, “Saen in nanuk tusan lo mi kagin en iganeg ipalu ya. ²² Nal wei mi ur saiak en ifunig daon ipani dop yai lo, agod you lo ibili idup ifuni imat o igane se ya. Isop on idaisudap mel ta in lo gane tap, ilo imunanama dop binawama.”

²³ Agog Jesus taman irupe, “Ru e ‘Isop on idaisudap mel ta in lo gane tap’ ubol en ata wo ago ubol ak i? Talpein ilo rumok aman da man, in o mel fidian mi ka ilasa wa.”

²⁴ Ago dugo taman ririan iwagin go ibol, “Nai ilog lo rumok. Nai binawag dop naisag ilog yau imul dan nabi idu!”

²⁵ Saen Jesus tamolpein wei tinan dumasalu on dutumani se yan yil man, in ur

saiak an ru sakar nam ipeig igo ibol, “On ur saiak awa tau san agod kududo itau san, naj ru kubiaen nupano da, biseip sen lasa, fon umul tinin ilon lo ta ladu na wa.”

²⁶ Agog ur saiak an isasai saian dugo nanuk an tan fo itarfuni saian geig a, ago gug ibiseig yau a. Pinein an tan fo tubabun igo won yen, ago tag tamolpein wei mi dubol, “In imat mok a.” ²⁷ Gug Jesus banin yabig irae dugo, pinein an imasag itur a.

²⁸ Saen Jesus ab lo iladu man, megeloum adi dida sed kisaek dumado dugo Jesus dusumiani, “En ata wo man ur saiak mukudi san ta idaisuda na yak i?”

²⁹ In ru naon irupidai, “Gudanek lo mi an ur saiak naok igo yak ka akudi wa.”

Jesus saen uraru in san maten ninen o megeloum irupidai a

Mat 17:22-23; Luk 9:43b-45

³⁰ Aria, Jesus inanen megeloum adi dida aben an dibiseig, turenj diabig diaug distrik Galili titinaem diau se. Saen ante diau man Jesus tamolpein aenta dulon o man imoi a.

³¹ Ata wo? Inanen megeloum adi ipitenanai se ya. Agog irupidai, “Tamol Nanun inanen ager adi sad banid lo digane wa. In dufuni imat, agop nal utol yau gup, afon imasa da wa.” ³² Ak man megeloum adi ru an san fun ta dulon uyan na ya. Taida mi, in Jesus dusumiani wo direr se ya.

Enti in talpein malan te ya

Mat 18:1-5; Luk 9:46-48

³³ In Kaperniam na dilasa ya. Saen in ab ilon lo dumado dugo, Jesus isumianai, “Dal na ansem ata mel ninen o nug lo akubiai yau imul se yak i?” ³⁴ Ak man in dutokubol dumado se ya. Man ata wo? In dal na diau dugo insed luluad lo enti in tubun geig ak ninen o dukubiai yau imul se ya.

³⁵ Ago tag Jesus imasi dugo, megeloum 12 an dupalu wo igiai a. Saen naon na dupalu man irupidai, “Talpein ta in yanjan tubun ilasa wo ilon ibol tap, in gidad sen igane murna yau a, agod dam in gidad tamolpein fidian sad biabi nilanjal ilasa wa.”

³⁶ Agog in nanuk nanun ta inaneg, megeloum adi luluad lo igunig itur a. Agog banin nam yabig ikubiaig igo irupidai, ³⁷ “Talpein enti nanuk igo yak ta naj yanag lo inanep iyunani tap, naj dam

injiag go iyuñanag da. Agod talpein enti ñai injiag duman, ñai mi tia ya, tia, Enti ñai idinag go ñupalu yan dam inaneg iyuñani da.”

Tamol ta id niñed o ager ta imado na dan, id turad a

Luk 9:49-50

³⁸ Jon Jesus irupeig ibol, “Girek mañau, tamol ta in on yanja ibol dugo ate ur sisaiak ikudai se dugo mile ya. Ago tag mañ in kulob ago igane yau o mupadau a, man dugo, in id lo tia ya.”

³⁹ Jesus irupe, “An in abituani amoi. Man ata wo? Talpein enti ñai yanag lo kulob dababai anda yak ta igane man, in ririan ru saian ñai niñeg o ibol ilasa san tia ya. ⁴⁰ Man dugo, talpein enti in id o ager ta imado na dan man id turad a. ⁴¹ An lo ñai ñurupaian da, talpein enti in, an Kristus san ak niñen o you kitek gab lo iganeg aluk o ipanañ dan, inanen naon ibisei san tia geig a.”

Mel ta tamolpein aupasek digane wo iduduwai san ru

Mat 18:6-9; Luk 17:1-2

⁴² “Agod talpein ta nanuk igo yak ñai o ilon rumok dak ta iganep aupasek lo idu tap, talpein an gidad kagin igane wa. Man dugo, pat tinan buron lo disisi idup beig lo dibal pe isarir yau man bo uyan mok a. Man ata wo, an tia tap, ai wadan ñai in ñupani wan irinani geig a. ⁴³⁻⁴⁴ Ulon. On bani turan aupasek lo udu san iginio tap, tutep ubal yau! Ago dop on bani tia madok kumaen yen san lo ladu wo tap, an ta saian na ya. Man dugo, kabelan bani uraru mi diñiliop Ades lo yai pempem ided dan lo dubulo wau banau. ⁴⁵⁻⁴⁶ Agod on ñie turan aupasek lo udu san iginio tap, tutep ubal yau! On gidad ñie tia madok kumaen yen san lo ladu wo tap, an ta saian na ya. Man dugo, kabelan ñie uraru mi diñiliop Ades lo dubulo wau banau. ⁴⁷ Agod on mala turan iginio au upas tap, mala an bilanip biliau a. Mala kisaek ama da madok kumaen yen san lo ka ladu wa. Kabelan mala uraru mi diñiliop Ades san yai lo dubulo wau banau.

⁴⁸ Aben ante man,

‘inñad kadum ta dumat na wa,
agod yai imat san tia geig a.’

⁴⁹ Nek ibol saen Anut yai digane pani man beig dam alta fufo digane yak igo won, Anut tamolpein fidian yai tinid fufo igane wa.

⁵⁰ Beig man biabi uyanan anda ya. Ak gug beig san gigen itout tap, aria dugo won tamol ta san gigen an iganep beig on ilasa da wak i? Amaiak niñen o an nugnug lo beig amam da ya, agod nug lo maror amam da amado wa.”

10

Nug ñanek dututep itout san ru

Mat 19:1-12; Luk 16:18

¹ Go Jesus imasag, panu Kaperniam ibiseig, you Jordan ituteg, titin ta Judea distrik a you an aen ate yen dan lo yau a. Ante tamolpein wei mi fon inñan na dutumani a. Agod Jesus in fon inñan kagin iri panim ipitenanai se ya.

² Ago dugo Farisi aenta dususag dusebani wo igo dusumiani, “Idaned kubiaen dugo ibol ak i? Mel ta niñen o tamol ta inñan pein ka ibisei ak i?” ³ In awad yabi, “Ru kubiaen dugomaiak Moses ipanañ ak i?”

⁴ In dubol, “Moses uyan ipani a, tamol ta iwon ikudi wo tap, nug banin diabi amaiak itute san girek ta igirep, iwon ipani gup ikudi yau a.”

⁵ Agod Jesus ru naon igo irupidai, “An bubem pat on an niñen o Moses ru kubiaen en igire panañ a. ⁶ Ak gug fun mok lo Anut man ‘tamol in pein da idirai a. ⁷ Fun an niñen o tamol in tinan taman ibisawaip iwon inanep nug dupini dupini wa, ⁸ an lo dop uraru an kisaek mi dilasa wa.’ Amaiak niñen o in uraru ago tia ya, in man kisaek a, man dugo Anut inñen mi itumanai a. ⁹ Ak niñen o kabelan melmel a Anut itumanai an tamol ta itute banau.”

¹⁰ Saen megeloum adi Jesus dida ab ilon lo dumado man, ru en niñen o Jesus dusumiani a. ¹¹ In ru naon igo irupidai a, “Tamol ta iwon ikudi yau dop pein sen ak inane tap, iwon imug ak malan lo man tamol en pein foun an da jeit digane da. ¹² Agod pein dam iwon tamol ikudi yau dop tamol sen ta inane tap, pein en dam in jeit kagin igane da.”

*Jesus in nanuk injal a**Mat 19:13-15; Luk 18:15-17*

¹³ Nal tag tamolpein injsigned nanuk kititik dijal go Jesus san na dupalug an lo banin nam ibiai ile wa. Ak man inanen megeloum adi dipidai se ya. ¹⁴ Saen Jesus yil man tinjaen saian go igo irupidai, “Nanuk adi najsag na dupalu wo dop eilafu wa, akudai amoi. Man dugo, Anut san kagin panek aben man nanuk ago yak sadi a. ¹⁵ Nai rumok nunon nurupaian da. Talpein enti nanuk igo won Anut san kagin panek inane tap, in Anut san kagin panek aben ilon lo ka iladu wa. Ak gug in nanuk on ilasa wo imoi tap, iladu san tia geig a.” ¹⁶ Agog in nanuk adi injal go ilataig, banin kabunad fo iganeg bar ipidinai a.

*Pinein damag filian anda yak Jesus isumiani a**Mat 19:16-30; Luk 18:18-30*

¹⁷ Jesus turen yabi wo dugo, pinein damag ta imaspalu on injsan na ipalug naon na turun isoluwig isumiani, “Girek manau on uya mok a, ata kubol njigane dop lo madok pempem yen yau san ka njigane wak i?”

¹⁸ Jesus ru naon ibol, “On ata wo nai uyag ak ubol di? Anut sen kisaek mi uyan aman a. ¹⁹ On Anut san kubiaen fidian ulon pasi a: on ta funi imat umoi, jeit kagin umoi, ugam umoi, supalek ru ubol umoi, talpein ta rawip lo san melmel unjal umoi, agod on tina tama awad uri pani wa.”

²⁰ In ibol, “Girek manau, nai nanuk log ipalug gamu en kubiaen an fidian niri njupani na ya.”

²¹ Jesus tamol an malan ti ibol ile dugo buben tubun mi ipani a. Ago dugo ru en irupei a, “On mel taida ninen o mi katuka mado da. Umul waup, melmel a on da yan udad pe moni nanep, tamolpein mel ad tia ak wae pidinai a. Ago dop kumaen panu lo filia senamo geig ilasap yen a. Ago gup palup njeg aban uri wa.”

²² Tamol an ru an ilon dugo ilon idug ilon ipapaog ibiseig yau a. Man dugo, in tamol filian tubun anda ya.

²³ Agog Jesus idansag malan yaug megeloum adi yil dugo irupidai, “Tamolpein ensauta a filian tubun amad da

yan, Anut san kagin panek aben ilon lo diladu san muruan kasik a!”

²⁴ Inanen megeloum adi ru an dulon go durut saian a. Ak gug Jesus fon ibol, “O nanug muroug, talpein Anut san kagin panek aben lo isadu san man muruan geig a! ²⁵ Tamol filian anda yak Anut san kagin panek aben lo ka iladu wak, an rumok tap, aria kamel ta si gubaran lo yau san man pasauman geig a.”

²⁶ Ru an dulon go nen durut saian a. Ago tag injed nug ilon lo dinjen se ya, “Mago tap, enti mok patu pasek ka inane wak i?”

²⁷ Jesus malan ti ibol go yil dugo irupidai, “Tamolpein mel en digane san ta idaisuda na ya, ak gug Anut lo mel ago man ta muruan na ya, ata wo, in lo mel fidian man pasauman a.”

²⁸ Agog Pita ibol irupei, “Ule man on nje aban muri wo mel fidian mibisei a!”

²⁹ Agog Jesus igo ibol, “Nai ru rumok nurupaian da, talpein enti ab ibiseig, tia tein boi, tia lun boi, tia taman boi, tia tinan boi, tia nanun muroun boi, tia siganen tan boi, an nai yanag yabisa wo ibisei dop man, ³⁰ tan en lo Anut naon uyanan geig ipani wa. Gidad talpein an malan lo melmel a ibisawai an sirjaokan geig, inanen naon san melmel man nal 100 irinani wa. An lo naon ago yak inane wa. An man ab, tein taon, lun, tinan, taman, nanuk adi, abi dam fidian foun ak wei di wei mok inane wa. Ago gug dida madai di muruan funfun dam inane wa. Agod murnap mel fidian foun dilasa san saen lo man, in kumaen pempem mi yen san an dam inane wa. ³¹ Ak man talpein wei mi gamu in malan te dan nal an lo man talpein kawan ak ago dilasa wa. Agod talpein wei mi in tamol kawan igo dumado dan nal an lo malan te dilasa wa.”

*Jesus imat pe imasa da wak fon ipitenanai da**Mat 20:17-19; Luk 18:31-34*

³² Aria, Jesus inanen megeloum adi dida Jerusalem dal dinjaneg, diau dugo Jesus imug yau se ya. In ilon Jerusalem na diau wo ago yen an ninen o megeloum adi durut saian geig a, agod tamolpein a njen aban diri dan in dida Jerusalem na diau san ninen o tubun mi direr se ya. Saen an lo

Jesus fon inanen megeloum adi injal go gigin na diaug in mel dugo in lo ilasa wan ninen o irupidai a. ³³ In ibol, “Alon uyanan, id Jerusalem na tau da. Ante man Tamol Nanun dijanep pris gurman adi agod kubiaen san girek manau adi banid lo digane wa. In imat san ru ago duguni wa. Ago dop Juda tia yak sad banid lo digane dop lo ³⁴ kukok aman diganep, dusulanip, lubum nam dufunip murna gup dufuni imat a. Ago digane wak man nal utol gup fon imasa dap kumaen imado da wa.”

Jems in Jon da sad sumiaen

Mat 20:20-28

³⁵ Agog Sebedi nanun uraru an, Jems in Jon da, in dususag Jesus dusumianig igo dubol, “Girek manau, man iloma man, mel ninen dugo musumiano wo dak ago ka gane panama wa.”

³⁶ Ago tag Jesus isumianai, “Ata mel naj nigane panan o ilom ibol di?”

³⁷ Agog in durupe, “Ru gunip, onane girager san saen idu dop, man onane badim fo on sinjire na mumado wa, kisaek on bani won ak lo dop, kisaek on bani nas ak lo wa.”

³⁸ Ak man Jesus awad yabig irupidai, “Ata mel ninen o asumianag dan ninen o anan da. Ak dugo, gab a lo naj naluk amaiak lo aluk o an idaisuda yak i? Tia, suguek a naj ituanag amaiak dam an ituanan dop man, an idaisuda yak i?”

³⁹ In ru naon durupe, “Awo, man idaisuda ya.”

Agog Jesus irupidai, “Rumok, gab a lo naj naluk amaiak lo an aluk a, agod suguek a naj ituanag amaiak dam an ituanan a. ⁴⁰ Ak man an naj sinjireg na amado wa, ta banig won ak lo dop, ta banig nas ak lo, aben uraru amaiak naiseg mi nupanan san ta idaisuda na ya. Tia, naisag Tamag insen mi tamol ta aben an ipidinai san ninen o ipilianai la ya, amaiak ninen o aben uraru an insadi mi a.”

⁴¹ Saen inanen megeloum 10 aenkadi mel an dulon man, Jems in Jon da ninedi wo tinjaed saian a. ⁴² Ago tag Jesus megeloum igiaig insan na dupalu ya. Dutumani dugo ibol, “An alon ak gob adi lulanad lo tamol a insed gurman dubol dan, sad dabai tamolpein a paed na dumado dan dukubiai

pidinai da. Ago dugo in lulanad lo tamol a yanad ad da yan diganep tamolpein kawan ak inaned tuod paen na dumado wa.

⁴³ Ak gug an lulanam lo kagin ago yak ta ilasa na wa. Talpein ta an lulanam lo in yan tubun ak inane wo ilon ibol tap, sen iganep ananem biabi nilanal on ilasa wa.

⁴⁴ Agod talpein ta an lulanam lo in imug yau wo ilon ibol tap, sen igane idup an fidian ananem bigabeg urat igane panan san ilasa wa. ⁴⁵ Nek dal kisaek an lo Tamol Nanun insen mi, aenta in o binawek urat dupani wo ta ipalu na ya, tia, aenta ninedi wo binawek urat ipidinai o ipalu ya, agod dam sen ibiseip an lo tamolpein wei mi injal san ninen o ipalu ya.”

Jesus Bartimeus malan yafute ya

Mat 20:29-34; Luk 18:35-43

⁴⁶ Aria, Jesus in megeloum adi dida turen diabig Jeriko na dilasa. Saen in tamolpein malan tubun ak dida taun an dibisei man, tamol ta yan Bartimeus (an man Timeus san nanun) dal giran na imasig moni dupani wo iwagin se ya. In man tamol malan itau a. ⁴⁷ Saen in Jesus Nasaret san tamol dal ante ipalu dan ago ilon man, awan tubun mi iwagin go ibol, “Jesus, Dawid Nanun, ilo imunagan!”

⁴⁸ Tamolpein wei mi dububunanig, dubol, “Awa itaup tokubol mado!” Ak man in nen tubun mi isasai, “Dawid Nanun, ilo imunagan!”

⁴⁹ Jesus yau on dugo wagin an ilon tag, itur dugo tamolpein dubuluwi an irupidai, “An awagi.”

Ago tag in tamol malan itau an duwagig dubol, “Ilo wabisap, masa, in igio da.”

⁵⁰ Man ninen o in ririan san yamel madid san ak iragali ibal go imasag, Jesus san na ipalu ya.

⁵¹ Jesus isumiani, “On ata mel naj on o nigane wo ilo ibol di?”

Agog mala itau tamol an ru naon irupe, “Tubun en, naj aban nile wo namat da.”

⁵² Agog Jesus irupeig ibol, “Wau. Onane ilo rumok iginiog uya isusa ya.” Gamu nam malan uyan ilasag aban ile kisaek on a. Ago dal im Jesus njen aban irig yau a.

11

Jesus Kirij on Jerusalem na iladu ya
Mat 21:1-11; Luk 19:28-40; Jon 12:12-19

¹ Jesus inſan megeloum dida Jerusalem sumeik dupanig, Did Oliv sinjiren na panu uraru ta yanad Betfage in Betani da dubol dan ate disusa ya. Ago man Jesus inanen megeloum uraru ta idinaig² irupidaig ibol, “An urarum panu o malad yaug tile dan ate au. Aup aladu dop donki foun ak ta dususeg imado dak ale wa. Donki an fufo talpein ta imasi man tia ya. Kam apasip anjanep njasag na apalu wa. ³ Tamol ta irupaian, ‘An ata wo ago agane dak i?’ ago ibol tap, an igo arupein wa, ‘Donki en Tubun ak ibunawi san urat aman da ya. Milaen tiap in ririan fon iganep imul ipalu wa.’”

⁴ Aria, megeloum uraru an diaug, donki foun ak ab san dalawan ate dususeg kuai te dal na itur dugo dile ya. Agog kam dusopasi a. ⁵ Ago dugo tamol aenta sumeik dutur an igo dusumianai, “Ata wo an donki an kam apasi di?” ⁶ Agog uraru an ru Jesus ibol ago mi durupidai a. Ago tag tamol an dilfu dugo donki dijaneg dida diau a. ⁷ Diaug, Jesus san na dilasag, inſad yamel milaen ak diragalig, donki patun fufo duruwari a. An itout go Jesus fufo imasig dida diau a. ⁸ Agog tamolpein wei kasik inſiganed yamel milae milae yak diragali dugo dal te na duruwari se ya. Ago dugo aenkadi garan lo ai raen dututeg dal te na bala didiri se ya. ⁹ Tamolpein aenkadi, Jesus dida imug mi diau dugo, tamolpein aenta murna dupalu se ya, in fidian mi igo dubol duwagin se na ya, “Hosana!

Tamol e Tubun ak yanjan lo ipalu den, Anut san bar inane ya!

¹⁰ Man tubuma bagema Dawid san kagin panek gamu ipalu dan, bar inane wa! Aben lak na geig an lo per dupano wa!”

¹¹ Agog Jesus Jerusalem na iladug yaug, tempel san sep lo iladu ya. Agog aban ile itilanig mel ante dien dan fidian yil se ya. Gurai idu la yan ninen o tempel lubanek ibiseig kuai te ilasag megeloum adi dida dumul go Betani na diau a.

Jesus ai gurab imisilani a
Mat 21:18-19

¹² Dien go tidom lom saen Betani dibisei man, Jesus imatigen. ¹³ Agog malan yaug, asau mi ai gurab ta ile ya. Gurab an roun mutunol tinan. Ago tag yaug sumeik go nunon aban an ile, ak man nunon an tia, roun kawan mi a. Man dugo, nunon ifu san nal gamugo da. ¹⁴ Ago tag Jesus ai an ipeig ibol, “Talpein ta on nunon fon ta yani na wa.” Jesus ago ibol dugo megeloum adi awan dulon a.

Jesus tamol tempel san ar ilon lo didaen digane se yan ikudai a

Mat 21:12-17; Luk 19:45-48; Jon 2:13-22

¹⁵ Jesus imul Jerusalem na yaug, tempel san sep ilon lo iladug, aben ante daden tamol adi, agod a melmel moni nam didad se yan dam fidian ikudaig kuai te dilasa ya. Inſad tebol fufo moni dubulsa se yan, iratitalaig yabibol idu dugo, tamol aenta muluk didad se yan sad kalik dam iratitale idu ya. ¹⁶ Agog tamolpein tempel san tom ilon lo melmel disini diau wo man ninen o ipadau a. ¹⁷ Agog ipitenjanaig kududod yabig igo ibol, “Ru e Anut san buk lo digire man,

‘Njasag ab en gudanek san ago dubol a, ante man tan fidian san tamolpein ka dugudani wa.’

Ak man an agane ilasag ‘gumagam adi sad mianuk ab’ igo yen da.”

¹⁸ Pris gurman adi agod kubiaen san girek manau adi ru an dulon a. Ago tag dal ta ate Jesus daon dupani san ninen o aban diabi se ya. In itaot dufuni imat san tia ya, man dugo, in ninen o direr. In dulon ak tamolpein malan tubun inſan pitenanek dulon dugo an ninen o fidian durut saian a.

¹⁹ Aria, saen ad idu yau man Jesus inanen megeloum adi dida Jerusalem dibiseig diau a.

Ai gurab a Jesus imisilani an ibun a

Mat 21:20-22

²⁰ Dien go tidom lom mi fon turen diabi dugo ai gurab a nor Jesus ipei funi an dile ya. Ai an dabin ateg yaug ulun na man ibun idu ya. ²¹ Pita ru a Jesus nor ibol an ilon isoug irupein, “Tubun en, ule. Ai gurab on misilani an ibun idu ya!”

²² Jesus ru naon irupidaig igo ibol, “An Anut lo ilo rumok amam da amado wa.

²³ Njai rumok n̄rupaian da, talpein ta in̄ ka did en igo irupei, ‘On̄ masap, se ibulo beig lo waup udu.’ Ago dop ilon ta uraru na dop, ru a ibol an nuñon ilasa wak ago ilon lo rumok nuñon tap, ibol ago mi in̄san na ka ago ilasa wa. ²⁴ Amaiak nin̄en o n̄ai n̄rupaian da, on̄ gudanek lo mel ta wo Anut sumiani dop, in̄ mel an ipano la yak igo won̄ ago ilo lo rumok a. Ago gane tap, mel an on̄ da wa. ²⁵⁻²⁶ Agod saen on̄ utur on̄ Anut gudani dan man, talpein ta ida ru ama da tap, malmalan ilo lo saian an sasi pani wa. Agop on̄ane Tama kumaen panu lo yan in̄ dam on̄ane saian an isasi pano wa.”

*In̄ Jesus dusumiani, Enti kob ipano ya?
Mat 21:23-27; Luk 20:1-8*

²⁷ Agog fon Jerusalem na dilasag, Jesus tempel san tom ilon lo yaug itor dugo, pris gurman, kubiaen̄ san girek man̄au adi, agod tamol tutubu yak adi in̄san na dupalu ya. ²⁸ Agog dusumiani, “On̄ kob en dabai da dugon te n̄aneg lo mel en gane dak i? Enti mok dabai en ipanog ate urat en gane wo ibol ak i?”

²⁹ Jesus awad yabig igo ibol, “Njai dam mel ta nin̄en o an̄ n̄sumianan̄ o da. Ago dop an̄ imug n̄aisag sumianek an itaot arupaiaḡ tap, enti mok in̄ urat e n̄igane den san dabai ipanag an ka n̄abol pe alon̄ a. ³⁰ En dugo ilom isou di? Jon san suguek man, kagin an dugon te in̄ane yak i? An kumaen panu san mel, tia, an tamol sad mi ak i? Abol n̄alon̄!”

³¹ Agog in̄sed nugnug lo igo din̄in̄en se ya. “En man kumaen panu san mel, ago tabol tap, in̄ igo ibol isumianad a, ‘En ata wo an̄ in̄ nin̄en o ilom ta rumok na i?’ ³² Ak gug ‘En man tamol sad mel mi a,’ ago tabol tap, id o dugo ilasa wak i?’ (Tamol tutubu emaiak tamolpein kawan ak nin̄edi wo tarer na ya, ata wo, tamolpein kawan ak sad ilo sou lo man, Jon mi in̄ profet.)

³³ Man nin̄en o in̄ igo dubol durupei, “Man̄ ta malon̄ na ya.”

Ago tag Jesus ibol, “Ago yak nin̄en o n̄ai dam enti dabai en ipanag go ate urat e n̄igane den ta n̄rupaian na wa.”

12

*Abi san kagin panek adi sad ru fañan
Mat 21:33-46; Luk 20:9-19*

¹ Kubiaek an itout gug, Jesus ru fañan lo kubiaen̄ tamol adi naod na igo ibol ilasa, “Tamol ta in̄ ai wain san abi yabig ar ifou ya. Abi an ilon lo wain patun dupartitale dop dupipi san gib yabi a. Agod in̄ ab dam abi ilon lo yabi a. Agog in̄ tamol ta abi an kagin dupani san ipilianaig, abi an banid lo idiri a. Aria, saen abi taman in̄ urat an fidian igane itout man, imasag tan asau ak ate yau a. ² Saen ai wain nuñon ifu san nal idu man, in̄ in̄anen biabi n̄ilañal ta idinig in̄anen wain nuñon aenta isini ipalu wo yau a. ³ Ak man urat tamol a abi lo dumado dan dumasag, tamol an diabig dufunig digane imul go banin kawan yau a. ⁴ Ago tag abi taman fon urat pinein sen ta idinig yau a. Ak man dumasag kabuñan ate dufunig tinin malan dusue saian a. ⁵ Aria, urat pinein sen ta idinig yau a. Agog dufuni imat a. Nek ago mi, in̄ urat pinein aenkadi wei mi idinaig diau a. Gug abi kagin panek adi aenta dufu dugo aenkadi dufu dumat a.

⁶ “Ago igane yaug tamol an talpein kisaek o lian idinip yau san imado. Agod talpein an in̄siganen nanun mok nin̄en o tubun mi imat da. Wadan lo nanun en idinig yau a, man dugo, abi taman ilo sou igane man, ‘In̄ n̄aineg nanuk awan kagin dupani wa.’

⁷ “Ak man tamol abi lo urat digane dan, in̄sed nug lo igo dubol, ‘Tamol e ipalu yen man taman san melmel fidian mi in̄ane wo da. Ago yak nin̄en o id tufunip imat dop, in̄san abi id tin̄ane wa.’ ⁸ Ago dubol go dumasag diabig dufunig imat go tubabun dubal go ar patun fo ilasa ya.

⁹ “Aria, abi taman dugo igane wak i? In̄ abi lo yaup abi kagin panek adi daon̄ ipidinaip abi an banid na ipasip urat tamol senamo yak banid lo igane wa. ¹⁰ Nag an̄ ru e girek lo yen den ta asuti na i?

‘Pat nek a ab bek tamol adi dumoi dan, nek amaiak ab tinin fidian yabi sakar da.

¹¹ Anut sen ago igane ya, agod id malad lo en man sin̄aokan geig a.’ ”

¹² Agog tamol tutubu yan an dal ta Jesus diabi san maeg diganeg aban dile se ya. Man dugo, in dulon ak Jesus inanen ru lo in isiai se ya. Ak man ta dusubani na ya, ata wo, tamolpein malan tubun dutumani an niñedi wo direr, ago yak niñen o Jesus dibiseig diau a.

Kaisa san takis niñanjal

Mat 22:15-22; Luk 20:20-26

¹³ Agog tamol tutubui adi in Farisi aenta agod Herod san tamol aenta dam didinaig, Jesus san na diau a. In Jesus dibitinae dop siganen ru lo diabi wo ilod yen ak atem diau a. ¹⁴ Aria, in Jesus san na dilasag durupe, "Girek manau, man malon ak on ru rumok san tamol. On tamol senamo yak on niñe wo ilod isou dan niñen o ta urer na da. Man dugo, gidad yanad amad da yak, tia yak dam, niñedi wo on ilo ta weiwei na da. Fun an lo on tamolpein Anut san dal an niñen o ru rumok nam itaot mi piteñanai da. Id Kaisa takis moni tupani wan uyan ak i? Tia, saian ak i? Idsad kubiaen mel en niñen o dugo ibol dan ubol malon. ¹⁵ Id ka tadad ak i? Tia, tia yak i? Itaot rupaiama."

Ak man Jesus tamol adi an balek rararu san kagin lo dubol an ilon uyanan a. An niñen o in isumianaig ibol, "An ata wo bitinaek lo aginiag dak i? An moni ta asini apalup nile." ¹⁶ Agog moni ta disinig san na dupalug dupani a. Agog isumianai, "Mitilaen e fufo yanak digire yen enti san ak i?"

Agog awan diabig dubol, "Kaisa san."

¹⁷ Ago tag Jesus ibol irupidai, "An niñen o an mel ta Kaisa san tap, Kaisa apani wa, agod mel ta Anut san tap, Anut apani wa."

Ru an dulon go durut saian geig a.

Sadyusi adi Jesus diabi wo bitinaek lo digane ya

Mat 22:23-33; Luk 20:27-40

¹⁸ Agog Sadyusi adi maten lo kumaen masa san tia ago ilod isou dan sumiaen kisaek da Jesus san na dupalu ya. ¹⁹ "Girek manau, Moses gubak mi id o igo igire ya. Tamol ta in nanuk aman tia yak imat go pein ak ibiseig imado tap, gidad tein imasap iwon ka inane an lo tein imat la yan wagen lo nanuk idirai dilasa wa. ²⁰ Aria, gubak mi man tein muroun nuñod

7 man lulunama lo dumado ya. Matu ak pein inane imado nag imat, ak gug in nanuk aman tia ya. ²¹ Ago yak niñen o tein imasag matu imat an san pein inane ya. Tein bakan ak dam nanuk aman tia agog imat a, tein fon taidam in dam nek ago mi, ²² nek ago mi yaug nuñod 7 ante itout a. Tamol an fidian nanuk amad tia ya. Wadan lo man pein an dam imat a. ²³ Saen tamolpein dumat la yan fon kumaen dumasa tap, tamol an ilod lo pein an enti mok iwon ak i? On ulon ak in fidian iwodi a."

²⁴ Agog Jesus awad yabig ibol, "An afurfi saian geig a. Man ata wo? Anut san ru girek lo yen agod Anut san dabai dam an ta alon uyan na ya. ²⁵ Saen tamol dumat pe dumasap kumaen panu na diau dop, pein ta dusu na wa, agod ante tamol man pein njed ta dupani na da. Tia, in kumaen panu san enel igo won dumado wa. ²⁶ Agod taida mi, tamol dumat ak fon kumaen dumasa wan niñen o an kududom agure. Nag an ru a Anut irupaian an ta asuti na yak i? In igo ibol, 'Nai man Abraham san Anut, nai dam Aisak san Anut, agod nai dam Jakob san Anut.' ²⁷ Anut man in tamol dumat ak sad Anut tia ya. Tia, in man tamol kumaed dumado dak sadi a. Rumok nuñon, an afurfi saian geig a!"

Kubiaen dugomaiak malan te yak i?

Mat 22:34-40; Luk 10:25-28

²⁸ Kubiaen san girek manau ta ipalug Jesus Sadyusi dida ru lo nug diabi yau imul dugo ilon a. Ru naon siñakan Jesus irupidai an ilon tag, in dam Jesus isumianig ibol, "Kubiaen dugomaiak malan te yak i?"

²⁹ Jesus awan yabig igo ibol, "Kubiaen malan te yak nek en: 'O Isrel adi, kududom agure wa. Idsad Anut man Tubun en kisaek o lian a. ³⁰ Tubun en onane Anut niñen o umat a, onane bube fidian lo, onane ntu fidian lo, onane ilo sou fidian lo, agod onane dabai fidian lo ago gane wa.'

³¹ Kubiaen turan man igo ya. 'On nek ibol onse niñe wo umat dak ago mi tamolpein aenta dam niñedi wo umat a.' Kubiaen ta in kubiaen uraru en irinani man tia ya."

³² Agog kubiaen tamol an igo ibol, "Girek manau, on ubol uyanan ak, Anut in kisaek o lian, agod in sen kisaek mi imado da, tubud

taida man tia ya, ru an rumok nujon.
³³ Agod talpein ta in buben fidian lo, inanen ilo sou fidian lo, inanen dabai fidian lo yak Anut ninen o imat, agod inanen tamolpein aenta nek ibol in sen ninen o imat dak on, ago mi ninedi wo imat a. Kagin naok ago yak, yai niganag mudan Anut ipani san fidian mi irinani geig a.”

³⁴ Saen Jesus tamol an ru naon manau anda ipani an ile ilon man, in tamol an irupe, “On Anut san kagin panek ate asau mi ta mado na da.” Ru an itout go Jesus san ager adi sumiaek taida dusumiani wo fidian direr a.

Kristus in enti nanun ak i?

Mat 22:41-46; Luk 20:41-44

³⁵ Jesus tempel san tumanek aben ilon lo tamolpein ipitanai dugo sumianek ta ipidinai a. “En dugo won go kubiaen san girek manau adi, Kristus in Dawid nanun an dubol na yak i? ³⁶ Dawid in sen mi, Awan Urgan iduduwi dugo igo ibol:

‘Tubun en naisag Tubun ak igo irupe,
 “On nai tuog won ak ate masip mado,
 murna gup nai onsa ager adi nidirai,
 on nie pae na dumado dop nie nam partuanai a.” ’

³⁷ Amaiak ninen o Dawid in sen mi tamol an Tubun ak ibol tap, en dugo won pe in Dawid nanun ak i?”

Tamolpein malan tubun ante dumado dan in san ru dulon dugo ilod bulbal se ya.

Kubiaen san girek manau in kagin saiak digane na ya

Mat 23:1-36; Luk 20:45-47

³⁸ Jesus pitejanek ipidinai dugo irupidai, “Kubiaen san girek manau adi ninedi wo kagin agane wa. In kulos milae milae sijaokan ak didirip diaup didaen aben lo dutor dop aenkadi ilo uyan ru dupidinai o ago ilod yen da. ³⁹ Agod ubou ab lo kalik malan te tamol tutubu ate dumasi dan in ate dumado da. Agod soubul lo dam nek ago mi digane dop, tamolpein in kagin dupidinai o ago digane da. In se pitiano i kagin naok naok ago yan ninen o tubun mi dumat da. ⁴⁰ In pein suos sad ab digam da. Agod gudanek milae milae kasik digane da, ak man an sen kawan digane da, man dugo, tamolpein dil o ilod yen da.

Tamol naok ago man Anut san bitinaek nal lo naon saian geig a dijanane wan tamolpein aenta sad naon irinani geig a.”

Pein suos san lou panek tusan

Luk 21:1-4

⁴¹ Aria, tempel san tom ilon lo aben titin ta yen dugo ate moni san kunup yen a. Ate Jesus kunup an kitek sinjiren na imasig imado dugo tamolpein wei mi dupalu dop moni kunup lo dubal dugo yil se ya. A filiad amad da yan wei mi moni tubun mi dubal se ya. ⁴² Agog pein suos filian aman tia yan in dam ipalug pat bras uraru o lian an kunup lo ibal a. Naon man tusan a.

⁴³ Jesus inanen megeloum igiaig san na dupalug irupidaig ibol, “Nai rumok jurupaian da. Moni e pein suos filian aman tia kunup lo ibal en, tamolpein fidian sad moni dubal an irinani geig a. ⁴⁴ Man dugo, aenkadi inaned filiad tubun ak lo moni samun dijaneg dubal a. Ak gug pein filian aman tia yan mel fidian lo katuk aman bo man, moni sapita in da yan fidian mi ibal a. An lo sen aben ipitig itout a.”

13

Jesus tempel daon dupani wak ninen o ibol a

Mat 24:1-2; Luk 21:5-6

¹ Saen Jesus tempel ibisei wo dugo megeloum ta igo ibol, “Girek manau, ule, tempel san pat tintinan nujon a, in san naon man sijaokan geig a!”

² Ak man in ru naon ago irupidai, “An ab tintinan en eil ak i? Nai ru rumok jurupaian da, ente man pat ta kisaek sen ta tinin fufo ta yen na wa. Tia, fidian mi tamol adi dugufututep diabibol tan na dudu wa.”

Nal wadan ilasa san kob funfun

Mat 10:17-22; 24:3-14; Luk 21:7-19

³ Jesus Did Oliv fo imasig imado se ya. Did a ate imado yan did tempel fufo itur dan san turan, titinaem tan ikilokan ak yen da. Agog Pita, Jems, Jon di Andru da ago mianuk lo san na dupalug dusumianig ago dubol. ⁴ “On rupaiama, saen dugoma iak lo melmel en dilasa wak i? Kob dugoma iak imug mi ilasa dop ate man malon ak, melmel en fidian dilasa wak i?”

⁵ Agog Jesus awa biek ru igo irupidai a. “Anj kagin agane wa, kabelan tamol ta anj irawan banau. ⁶ Tamol wei mi dupalup naj yanag dupatep dubol a, ‘Nai nek emaiak Kristus.’ Ago dop tamolpein wei kasik dirawai a. ⁷ Anj yu ager alonj ak, agod san ru tim dam alonj a. Ago dop kagin agane wa, kabelan amasa saian banau, man dugo, mel en man ka ilasa wak, gug nal wadan san saen man gamugo da. ⁸ Tamol malan ta lo yu diabisap, tamol malan ta lo yu ager digane wa. Ago dop kinj ta injsan tamolpein dida yu diabisap, kinj sen ta injanen tamolpein dida nug dufuni wa. Agod aben sensen lo man kadag* tubun mi idu dop kanaurig tubun ak gidigheid dilasa wa. Nek ibol pein nanuk igansi wo dop madai ile dak igo wonj, melmel en fidian man, madai a nal wadan ilasa san amaiak ilasa wo fun igane da.”

⁹ “Anj gidad tawanj aganep amado wa. Inj anj dibianj pe anjsiganem panu lo ager adi banid lo didiranj pe kot lo atur a. Juda adi sad ubou ab gidigheid dien dan lo anj tinimi dugufutute wa. Anj naj naog anjanep kinj adi agod gabman gurman adi naod na atur a, an naj ninjeg o abol dop dulonj a. ¹⁰ Agod najneg bilalunj uyanan en imug tamolpein warou adi tan tilianek fidian lo dubol ilasa dop dulonj a. ¹¹ Saen inj anj dibianj pe kot lo dida au dop, ru dugomaiak abol ak ninjen o ilom ta weiwei na wa. Tia, nek ru dugo Anut saen an lo ipano an mi arupidai a, man dugo, ansem ta abol na da, tia, Awan Urganj inj awam lo ibol ilasa da.

¹² “Tein ta inj tein san ager adi banid lo iganep dufuni imat a. Taman ta dam nanun muroun sad ager banid lo idiraip daonj dupidinai a. Nanuk dumasap tinad tamad lo siai diganep ager banid lo didiraip dufu dumat a. ¹³ Tan en san tamolpein fidian anj lo siai digane wa, en ata wo, naj yanag man anjsam na yen la ya. Ak man, talpein injanen ilo rumok yabi sakar yaup, saen injanen kumaen tan en lo itout ak ate dop, Anut talpein an patun ipasi wa.

*Murnap mel ta saian geig ak ilasa wa
Mat 24:15-28; Luk 21:20-24*

* **13:8:** Futol

¹⁴ “Saen ilasa dop, mel ta tempel san aben gun ak lo dugunip, mel an ate itur san tia yak ate itur dop ale wa. Mel an gubak mi profet Daniel ninjen o ibol a. Mel an Anut malan lo man iganan geig a, nek mel amaiak igane dop daonj panek ilasa wa. (Onj ru e suti den ulonj uyan o ta pasauman na yak man, maeg gane tap ka ulonj ak boi.) Nal an lo dop, tamolpein a Judea na dumado dan, dusol diaup did lulujad lo sed imianai a. ¹⁵ Talpein ab fufo na imado dan, imul idup ab lo injanen biouj isini wo ta iladu na wa, tia, itaot mi isol yau a. ¹⁶ Agod talpein abi lo imado dak dam, gidad imug mi yamel madid san ak inane wo ta imul yau na wa. ¹⁷ O kabel, nal en san pein adi anj luam am da, agod anj pein anjsam nanuk su apidinai dan dam, naj ilog tubun mi imujananj da! Nal en man saian geig a. ¹⁸ Anj gidad agudani dop, mel en madid san saen lo ta ilasa na wa. ¹⁹ Man ata wo? Saen an lo dop muruan tubun geig ak ilasa wa. Muruan naok ago yak gubak mi ta ilasa na ya, saen tan en ilasag ipalug gamu en lo, mel igo yak ilasa man tia geig a, agod murnap fon ta ilasa da na wa. ²⁰ Anut saen en itutep katukan a, inj ago ta igane na tap man, tamolpein fidian mi dideg diau a. Ak man, saen an lo dop Anut tamolpein a ipilianai la yan ninjedi wo ilon isou wa. Amaiak ninjen o inj saen an itutep katukan a. ²¹ Nal en lo talpein ta anj irupaianj pe ibol, ‘Ale, Kristus ente imado da!’ tia, ‘Inj onte imado da!’ ago ibol dop, anj ilom ta rumok na wa. ²² Man dugo, kristus sewak ak inj profet sewak adi dida dilasa wa, ago dop inj kulob girager ak, agod mel naon senamo geig ak tamolpein malad lo dukubiaip dile wa. An lo dop idaisuda tap, inj tamolpein a Anut ipilianai la yan dirawaip lo diau dudu wo ago maeg digane wa. ²³ Amaiak ninjen o anj tawanj aganep amado wa. Mel en gamugo ilasa dugo naj imug mi mel emaiak ninjen o kuai tem njurupaianj la ya.”

*Murnap Tamol Nanun tan na imul ipalu
wa
Mat 24:29-31; Luk 21:25-28*

²⁴ “Saen en san muruan tubun ak itout la gup,

'ad ta ided uyan na wa, an lo dop adian tidom on ilasa dop kalam ta ided na wa.

²⁵ Ante dop patui keit dibiseip dudu wa, agod Anut in mel dababai keit lo yak imiriranai a.' "

²⁶ "Saen an lo dop, tamolpein in Tamol Nanun keit san timtaen fufo na itur dop dabai agod girager tubun geig aman da yak lo ipalu dak dile wa. ²⁷ Ago dop Tamol Nanun inanen enel adi idiraip dufufurak diau a. Ante dop inanen tamolpein kob ipidinai an dutumanai a. In tim sukurun iwoiwo an lo nap dijal dupalu wa, ago mi yaup tan gigin itout ak ate wa."

Ai gurab san ru fanan

Mat 24:32-35; Luk 21:29-33

²⁸ "An ai gurab lo ilo sou agane wa, in manau ka ipanan a. Saen in san raen you aman da, agod roun foun ilasa dop, an alon ak madid itout go ad ilasa san saen sumeik ipani da. ²⁹ Amaiak ninen o, an murnap melmel fidian e dilasa den, ale dop, an alon ak Tamol Nanun in ipalug sumeik, dalawan ante itur da. ³⁰ Nai rumok nurupaian da. Warou gamu en san tamolpein gamugo itout yau dop melmel en fidian dilasa wa. ³¹ Keit in tan da in murnap itout a, ak gug niasag ru man ta itout na wa."

Nal mok mel en ilasa wan id fidian ninen o tinjan a

Mat 24:36-44

³² "Ak gug talpein ta melmel an ninedi wo nal dugo di auwa dugo dam dilasa san o ta ilon na ya. Kumaen panu san enel adi ta dulon na yak, agod Nanun sen dam ta ilon na ya. Bai in sen mi ilon a. ³³ Amaiak ninen o an tawan agane wa. An malam ipuk on amado wa. An ta alon na yak nal dugo lo ananem Tubun ak ipalu wa. ³⁴ En man igo ya. Tamol ta in tan asau ak ate yau o dugo inanen urat biabi urat pinein banid lo iganep, anen anen in siganed urat ipidinai a. Ago dop dalawan titianek tamol irupe, 'On nai namul nupalu san ninen o tawan ganep mado wa.'

³⁵ "Amaiak ninen o an tawan aganep amado wa, man dugo, nal mok lo ab taman imul ipalu wak an ta alon na ya. Gurai

lo boi, tidom tubun lo boi, kurek ibob san saen lo boi, tidom lom mi boi, an anjan da.

³⁶ In ririan imul ipalu dop, an kabelan njon abip amado dop ilan banau. ³⁷ Ru e nai nurupaian den, ru kisaek mi tamolpein fidian nurupidai da: "Tawan aganep amado!" "

14

Gurman adi Jesus dufuni imat o awad dutumani a

Mat 26:1-5; Luk 22:1-2; Jon 11:45-53

¹ Tumanek tubun ak yanjan Pasova dubol dan san saen idu san, nal uraru o lian yen da. An itout gup, tumanek aenta yanjan Bret Yis Aman Tia ak San Soubul dubol dan ilasa wa. Pris gurman adi agod kubiaen san girek manau adi in dal ta pasak nam ate Jesus diabip dufuni imat san ninen o aban diabi se ya. ² Agog dubol, "Soubul nal tutubu e ilasa den lo ta tigane na wa, kabelan tamolpein dile dop dumasap ager diganep aben daon dupani banau."

Pein ta Betani na guren Jesus kabunan fufo ikulmaek a

Mat 26:6-13; Jon 12:1-8

³ Jesus in Betani panu na imado dugo, tamol ta yanjan Saimon tinin lepra aman da yak san ab lo ida dumado se ya. In tebol giranen na imasig imado dugo inuai se ya. Ago dugo pein ta in guren, pat butol al-abasta nam digane yan sinjakan ak, isinig san na ipalu ya. Butol an ilon lo guren naon lak na geig ak, yanjan nard dubol dan, awan isa. Aria, Jesus anan yani dugo pein an ilasag, butol buron ibalsinig guren an kabunan fufo na iwali idu ya.

⁴ Saen aenta ate dumado yan mel ago dile man, tinjaed saian go nug lo dubol ila iso se, "En ata wo on guren kawan bidani dak i? ⁵ Gidad tubuseip, tamol didad pe moni tubun mi lo tinjane wa. Tamol ta ananar kisaek urat igane dak san naon, moni nek ago yak ka tinjane wa. Ago dop tamol filiad tia yak ka tupidinai a." Agog ru dabai nam pein an dupei a.

⁶ Ak man Jesus ibol irupidai, "An pein en abisei! En ata wo muruan apani dak i? In man nai nineg o kulob sinjakan geig ak igane ya. ⁷ Saen fidian tamolpein filiad tia yak dida amado da, agod an ka ananem

ilobol lo abinawai a, ak gug naj man saen milaen an da ta tumado na wa. ⁸ In mel kabelan igane wo idaisuda yan ago igane ya. In naj tinig fufo gurej iwali an lo man, in naj sag sisanug mutou lo digane wak san dal ikubune ya. ⁹ Nai ru rumok jurupaian da. Tan dugon te bilalun uyanan en dubol ilasa wan, ante dam kulob e pein emaiak igane yen ninen o dubol ilasap, lo pein en ninen o ilo sou digane wa.”

Judas Jesus ager adi banid lo igane san promis ipidinai a

Mat 26:14-16; Luk 22:3-6

¹⁰ Agog Jesus san megeloum 12 an ilon lo tamol kisaek, yan an Judas Iskeriot, imasag pris gurman adi sad na yaug, Jesus ager adi banid lo igane wo ilon ago ibol dan irupidai a. ¹¹ Ru an dulon go ilod uyanan a, ago tag in moni dupani wo ru dufuni a. Amaiak ninen o nal an log ipalu, dal uyan ak ta ilep ate Jesus banid lo igane san ninen o aban yabi se ya.

Jesus saen wadan megeloum dida anan diani a

Mat 26:17-25; Luk 22:7-14,21-23; Jon 13:21-30

¹² Bret yis aman tia yak san soubul gun, insan nal malmalan lo, megeloum adi Jesus san na dupalu ya. Nal an san saen lo man Isrel adi Pasova san sipsip nanun dufu dumat san a. Megeloum Jesus san na dilasag dusumianig dubol, “Onsa ilo lo, dugon te maup melmel mukubinep on ate Pasova san anan wani wo ubol dak i?”

¹³ An lo Jesus megeloum nunod uraru itarpasaig igo irupidai, “An aup taun tubun ak lo aladu wa. Ante man tamol ta you kapen anda isini ipalu dop ilian a. Ago dop nien aban ari wa. ¹⁴ Ab dugon te iladu wan, an dam ilon lo asudap, ab taman igo abol arupe, ‘Girek Manau igo isumiaen a, galun dugomaiak lo, ate najneg megeloum dida Pasova anan mani wak i?’ ¹⁵ Agog galun tubun a ab fufo yen dan, agod ilon lo mel fidian dukubune lag idaisuda yen dan ikubiai panan a. Ante idsad anan akubune wa.”

¹⁶ Megeloum uraru an dal diabig taun tubun ak lo diau a. Ante mel fidian Jesus

ibol ago mi dile ya, agog Pasova san anan dukubune ya.

¹⁷ Gurai idu dugo Jesus inanen megeloum 12 dida dupalu ya. ¹⁸ Saen in sisem tebol giranen na dumasig anan diani dugo, Jesus igo ibol, “Nai rumok jurupaian da, tamol ta ete naj da anan tani tumado den, in naj ager adi banid lo iginiag nau a.”

¹⁹ Ru an dulon go ilod muruan idu ya. Agog insed kisaek kisaek Jesus dusumianig dubol se, “Dugo naj tia i?” Ago ago dubol yau se ya.

²⁰ Jesus ru naon ibol, “Tamol en man megeloum 12 lulunam lo imado da. Tamol nek a bret inanep daeg san tuor lo naj da sisem banima idu dan, nek amaiak naj ibilag pe ager banid lo nau a. ²¹ Tamol Nanun in nek ibol ru buk lo in ninen o digire an, nek ago mi yau da. Ak gug tamol enti a Tamol Nanun iganep inanen ager adi sad tuod lo yau an, rumok in muruan tubun kasik ak ile wa! An lo gidad tamol an san tinan ta igansi na tap, an in o uyanan mok a.”

Jesus in bret agod wain da inane megeloum ipidinai a

Mat 26:26-30; Luk 22:14-20; 1Kor 11:23-25

²² Aria, in anan diani dugo Jesus bret inane, Anut ilo uyan ru ipanig yafuteg, inanen megeloum ipidinai dugo ibol, “An anane, en man naj sag tinig.”

²³ Agog wain gab inane, Anut ilo uyan ipanig, iwae pidinaig, in fidian lo duluk a. ²⁴ Agog in irupidaig ibol, “En man kontrak san dar, tamolpein wei mi sad aupasek isuas o nuwali idu wa. ²⁵ Nai rumok jurupaian da, naj fon ai wain san nunon lo ta naluk na wa, ago yaup nal amaiak ante naj fon an da Anut san kagin panek aben lo taluk la gup ilasa wa.”

²⁶ Agog in Isrel san bar ta diabig itout go galun an dibiseig Did Oliv fo na disuda diau a.

Jesus Pita in ninen o itot ak ago ibol a

Mat 26:31-35; Luk 22:31-34; Jon 13:36-38

²⁷ Diau dugo Jesus inanen megeloum adi ru igo irupidai, “Gamutidom nek en lo, an fidian mi naj ninen o ilom idu yaup

abisawag a. Man dugo, Anut san girek lo ru igo ibol,

‘Nai titianek tamol nufuni wa, agop inſan sipsip adi dusol gidigidad diau a.’

²⁸ Ak man Anut nai ibiagsap fon nŕumasa la gup, nai an naom na imug mi Galili na nau a.”

²⁹ Pita irupeig ibol, “Tamol fidian in bo on niŕe wo ilod idup dubusawo wak gug, nai man tia wa!”

³⁰ Jesus awan yabig ibol, “Nai rumok nŕurupaio da, gamu tidom nek en lo kurek saen uraru gamugo ibob dop, nal utol on nai utot a.”

³¹ Ak man Pita ru dabai ak nam irupeig, “Gidad, nai on da tamat bo man, nai on niŕe wo ta natot na wa, tia geig a!” Ago dugo megeloum fidian mi nek ago mi dubol se ya.

Jesus Getsemani na igudani a

Mat 26:36-46; Luk 22:39-46

³² Ago man Jesus in dida, aben ta yanŕan Getsemani dubol dan ate diau a. Ante in megeloum adi irupidai, “An ente amasip amado dop, nai titin onte nauŕ gudanek niŕgane wo da.” ³³ Agog in Pita, Jems agod Jon dida inŕal go diau a. Saen an lo in fun iganeg ilon ipapao* dugo ilon dam muruan idu se ya. ³⁴ An lo igo irupidai, “Nai ilog tubun mi muruan dugo nŕamat o sumeik da. An gidad ete nai da malad ipuk pe tumado wa.”

³⁵ Ago dugo in ipar kitek ilag, sen ibilig tan fo idug yen dugo Anut igudani man, isop Anut ilon tap, nal en san muruan ka ipasi pani wa. ³⁶ In igo ibol, “Bai, nai Tamag, on mel fidian ka gane wo idaisuda ya. On gab en nai banig lo ka pasi wa. Ak gug on nŕaisag ilog ta uri na wa, tia, on man onŕsina ilo mi uri wa.”

³⁷ Agog in inŕanen megeloum adi sad na ipalug, malan yaug dien dugo yil a. An lo in Pita irupeig isumiani, “Saimon, en dugo, on nŕion wabi di? On auwa kisaek nai da malad ipuk pe tumado san ta idaisuda na yak i? ³⁸ On mala ipuk dop mosiai a, man dugo, kabelan mel ta ikubiano san ipalup ilio banau. Rumok, ilo ibol dak gug tini dabai ama tia ya.”

* 14:33: Ilon itau

³⁹ In saen uraru imul yaug ago mi imosiai a. ⁴⁰ Saen imul ipalu man nŕion diabi dugo yil da ya, man dugo, malad muruan geig a. In ata ru durupeig san ta dulon na ya.

⁴¹ Saen utol imosiai itout gug, megeloum adi fon sad na ipalug igo irupidai, “An nŕion abi dugo yaes abal yau dak i? An nek a! Ale, nŕaisag saen idu wo da, Tamol Nanun aupasek tamol adi tuod lo digane san saen idu la ya. ⁴² Amasap, tau o da. Ale, tamol enti a nai ager tuod lo isodudunag san man sumeik ipanad la ya!”

Ager tamol adi Jesus diabi a

Mat 26:47-56; Luk 22:47-53; Jon 18:3-12

⁴³ Jesus inŕinŕen go imado dugo Judas ipalu ya. In megeloum nunod 12 ak lulunad lo mi aben aman da ya. In ipalu dugo ida tumanek malan tubun ak in sabiri agod tok dam duburoug naon na dilasa ya. Pris tutubu yak, kubiaen san girek manau adi, agod Isrel adi sad tamol gurman didinaig dupalu ya. ⁴⁴ Imug mi palan niganag tamol a in tuod lo igane san man, kob ta dam niŕen o igo irupidai, “Tamol a nai musuk nŕupani dop ale wan, nek an Jesus, an tamol amaiak abip yu tamol adi dulubanip diŕanep dida diau a.” ⁴⁵ Aria, in Jesus san na ipalu kisaek on go ibol, “O girek manau” Ago ibol go musuk ipani a. ⁴⁶ Agog in Jesus duparsikawig diabiŕg dusubani a. ⁴⁷ An lo man tamol ta in Jesus sinŕen na itur an, sinan sabiri igursi go pris gurman san urat pinein ifunig, kududon ituteg idu ya.

⁴⁸ Jesus inŕanen ager adi irupidaig ibol, “En ata wo an sabiri in ai tok da asinig aliag pe abiag o apalu yak i? Ak dugo, nai man wagai adi gabman mabi idu san gurman igo won ago ilom isou di? Nal fidian nai tempel aben lo nŕumasi dugo nŕupitejanai se ya, ak gug an nai ta abiag na ya. ⁴⁹ Ak man melmel en fidian ilasa san fun man, ru gubak mi Anut san buk lo digire yan gamu en nunon ilasa wa.” ⁵⁰ Agog megeloum adi fidian mi Jesus dubuseig dusol go diau a.

⁵¹ Pinein ta, tinin yamel ta itabug on, Jesus nŕien aban iri se ya. Saen Jesus san ager adi pinein en dile man, diabi wo duparsikawi a. Inŕsan yamel diabi a, gug in yamel

iragalig, banid lo ikisaluk ilasag,⁵² yamel banid lo ibiseig taen kawan isol go yau a.

Jesus pris gurman naon na ru lo itur a
Mat 26:57-68; Luk 22:54-55,63-71; Jon 18:13-14,19-24

⁵³ Tamol adi Jesus diabi an, dijaneg pris gurman san ab lo diau a. Ante man kubiaen san girek manau adi, pris tutubui adi agod Isrel san gurman adi dutumani lag malan digane se ya. ⁵⁴ Ak man Pita in Jesus njen aban irig diau ak gug, in kitek asau mi imado ya. In pris gurman san ar lo iladug ai katuk adi dida dumado ya. Tidom an madid njen o yai lo tinid isue dugo dumado se ya.

⁵⁵ Pris tutubui adi, agod kaunsil fidian mi, tamol aenta digiaig sewak ru dubol dop, Jesus kagin saiak ta igane yak tap, ate dufunip imat san dal ta dile wo dukubiai na ya. ⁵⁶ Ak man tamol wei mi sewak ru amad da yan naod na dilasa bo man, dal ta dile man tia ya, man dugo, ru ta naon kisaek dubol ilasa man tia ya.

⁵⁷ Agog tamol aenta dutur man Jesus tinin lo dusupaleg igo dubol, ⁵⁸ "Man ru igo ibol dugo malon a. 'Nai tempel e tamol banid nam dususe yen njurubep, nal utol lo mi foun ak nabisa wa, an man tamol banid nam ta dususe na ya.'" ⁵⁹ Gug dal sensen lo dam ru an dubol se ya, ru naon kisaek tia ya.

⁶⁰ Ago dugo pris gurman in naod na itur dugo igo ibol Jesus isumiani, "On ru naon ta ubol san tia yak i? Ru e on nije wo tamol emaiak dubol den dugo yak i?" ⁶¹ Ak man Jesus ru ta ibol man tia ya, itokubol itur se ya.

Agog pris gurman fon Jesus isumiani, "Dugo, on Kristus, Anut Nanun i?"

⁶² Ago man Jesus igo ibol irupe, "Awo, nai mi Kristus. An murna gup Tamol Nanun in Dabai Tubun Geig ak san banin won ak ate imasi dop ale wa. Agod Tamol Nanun keit san timtaen fufo na imado dop ipalu wa, mel amaiak dam ale wa."

⁶³ Agog pris gurman, ru an njen o imasa saian go inanen kulos irasireg igo ibol, "Gidad, tamol taidam, tamol en san kagin njen o dubol ilasa san id ta tigiiai na wa.

⁶⁴ Man dugo, gamu geig inanen ru lo Anut

yanan irube idu yan ansem alon a. Ansam ilo sou lo, dugo won id tamol en njen o tigane wak i?"

In fidian dubol ak, tamol en mel saian geig ak igane, an njen o ka imat on a. ⁶⁵ Ago man in Jesus naon fo na dulusu se ya. Aenta Jesus yamel nam malan dufoug banid nam dufuni dugo naon dugufute on dugo igo dubol se, "Profet ru ubol ilasa!" Ago dugo yu tamol adi tinin dusue ditare se ya.

Pita Jesus njen o itot a
Mat 26:69-75; Luk 22:56-62; Jon 18:15-18,25-27

⁶⁶ Aria, Pita in ab patun fo ar ilon lo imado dugo, pris gurman san urat pein ta siniren na ipalu ya. ⁶⁷ Saen Pita yai giranen na tinin isue dugo ile man, malan ti ibol go irupe, "On dam Nasaret tamol amaiak ida amado na ya."

⁶⁸ Ago dugo Pita ru a pein ibol an njen o itot go igo ibol, "Ru on ubol dan nai ta nalon na ya, nai mel en njen o njiaon geig a." Ago ibol go yaug ar san dalawan te imado.

⁶⁹ Murna gug dalawan te imado dugo, urat pein an fon ileg njen o tamolpein sumeik dumado yan fidian irupidai, "Tamol en in lulunad lo imado se ya." ⁷⁰ Pita fon itot a.

Saen kitekan go tamol adi sumeik dutur an Pita durupeig dubol, "Rumok geig, on in lulunad lo mado da, man ata wo, on Galili tamol."

⁷¹ Agog Pita in Anut misilane ru ka ipani wan njen o ru naok ago yan lo, fun iganeg sen imisilanig igo ibol, "Nai tamol en njen o abol den ta nalon na ya."

⁷² In ru ibol itout dugo, kurek saen uraru ibob kisaek on a. Ago dugo Pita in Jesus ru ibol an ilon isou a, "Kurek gamugo saen uraru ibob dop, saen utol nai ta ulon na yak ubol a." Ago man in ilon ipapaog tinar tubun mi igane se ya.

15

Jesus dijaneg, Pailat san na diau a
Mat 27:1-2,11-14; Luk 23:1-5; Jon 18:28-38

¹ Salso idu dugo pris tutubui adi, Isrel tamolpein sad gurman adi, kubiaen san

girek manau adi, agod inaned Sanhedrin kaunsil fidian mi mel dugomaiak digane wo awad kisaek a. Agog Jesus banin dusb-anig, dijaneg, diaug Pailat banin lo digane ya.

² Pailat Jesus isumiani, “Onj Juda sad kin ak i?”

Jesus ru naon irupe, “Awo, onse nek ubol a.”

³ Agog pris gurman adi ru wei kasik Jesus tinin duspaleg dubol se ya. ⁴ Amaiak ninen o Pailat irupeig isumiani, “Ulon, in ru sapita wei mi dupano da. Ak dugo, on ru naon ta ubol san tia yak i?”

⁵ Ak man Jesus ru naon ta Pailat irupe man tia ya, an ninen o Pailat ilo sou wei mi igane se ya.

Pailat Jesus aigim fo dibali wo ibol a

Mat 27:15-26; Luk 23:13-25; Jon 18:39-19:16

⁶ Aria, anajar fidian, tumanek gun an san saen lo mi, inaned tamol kagin igo ya. Gabman san tamol malan te yak, sub-anek tamol kisaek o lian amaiak tamolpein yanjan dupate dop, ipasip kawan imado wa. ⁷ Saen an lo man tamol ta yanjan Barabas in wagai tamol aenta dida subanek lo dumado ya. Wagai tamol emaiak Rom gabman malan dusue wo dumasag ager diganeg tamol aenta dufu dumat a. ⁸ Aria, tamolpein dutumanig dutur den Pailat san na duparsikawig dusemiani man, kagin a gubak mi iri na yan gamu en dam iri wa.

⁹ Agog Pailat doup tubun adi isumianaig ibol, “An ilom dugo ibol di? Juda sad kin njobuseip anjam na imul o?” ¹⁰ In ilon uyan ak man, tamol adi an in turak susai lo mi Jesus dijaneg kot lo dupalu ya. ¹¹ Ak gug pris tutubui adi tamolpein dududuwai dugo ilod diabisa dop, in Pailat duwagin pe Barabas ipasi wo dubol a.

¹² Agog Pailat ibol isumianai, “Ago yak ninen o anjam ilo sou lo, Jesus e an Kristus abol den ninen o nai dugo njigane wak i?”

¹³ Agog in disasai, “Aigim fo bali wa!”

¹⁴ Pailat isumianai da, “An ata mel o? In ata mel saian ak igane yak i?”

Ak man in awad tubun mi geig disasai, “Aigim fo bali wa!”

¹⁵ Man ninen o Pailat doup tubun an ilo uyan ipidinai o ilon ago ibol ak ninen o, in Barabas insad na ipasi a. Agog ru iganeg Jesus diabig rasau nam dufuni a. Dufunig itout go inanen yu tamol adi banid lo aigim fo dibali wo igane ya.

Yu tamol adi Jesus kukok aman digane ya

Mat 27:27-31; Jon 19:2-3

¹⁶ Agog gabman malan te yan san yu tamol adi, Jesus dijaneg gabman san ab lo diau a. Ante man in Pailat san yu sawar fidian mi dupalu wo digiai a. Dupalug Jesus san na dutumanig dubuluwi a. ¹⁷ In yamel daran ak ta tinin fo na ditabug pani a. Ago dugo in kam dudurun aman da yak, kin san kitikat igo wonj ditiladeg, Jesus kabunan fo na disisi idu ya. ¹⁸ Agog in kukok aman digane dugo igo dubol, “Per o, Juda sad Kin!” ¹⁹ Agog tinin fo dulusu se ya, ago dugo makud dijaneg ate kabunan te dufuni idu se ya. Ago dugo naon na turud disoluwig, yanjan diabisa dugo kukok aman digane se ya. ²⁰ Saen kukok aman digane itout man, yamel dupasig tinin fo insiganen kulos digane pani a. Agog aigim fo dibali wo dijaneg diau a.

Jesus aigim fo dibali a

Mat 27:32-44; Luk 23:26-43; Jon 19:17-27

²¹ Jesus dijaneg turenj diabig diau dugo, yu tamol adi dal na taun Sairini san tamol, yanjan Saimon, dile ya. In man Aleksanda in Rufus da sad tamad, aban lubanek ibiseig dal Jerusalem na yau ante Jesus irinani wo itor dugo, yu tamol adi dile ya. In disodudunig Jesus san aigim isini a. ²² In diaug aben ta lo dilasa, yanjan Golgota. Yanjak an fun igo ya, “Kabunjak tatu san aben.” ²³ Aben ante dilasag, marasin yanjan mirr dubol dan wain da dukubulig Jesus iluk o dupani a, ak gug in ta iluk na ya. ²⁴ Agog in Jesus aigim fo dibali a. In dibali itout go insed nug ilon lo insan kulos dibititip anen anen kulos dijaneg wo ate satu dukok se ya.

²⁵ Ad mitilaen 9 kilok, saen an lo Jesus aigim fo dibali a. ²⁶ Ru ate kot dupani an, aigim fufo na dubali a. Ru en san sutek man, En Juda sad Kin. ²⁷⁻²⁸ Agog Jesus giranjen na man, gumagam tamol wagai

amad da yak nuḡod uraru iḡ dam aigim fo dubalaig dusuḡanai a. Inḡsad aigim man turan tuon won ak ate dugo, turan tuon ḡas ak ate duguni a. ²⁹ Inḡanen ager adi diau dumul dugo nao futek ru wei mi tinin fo dubal dugo, kabuḡad dukupari pani na ya. Inḡ dubol a, “Onḡ man tamol amaiak tempel ratitale idup, fon ad utol lo wabisa wo ubol a! ³⁰ Aria, se patu ipaso wa, gamu en aigim biseip tan na udu wa!”

³¹ Nek ago mi pris tutubui adi, kubiaen san girek maḡau adi dam, sed luluḡad lo kukok an digane se ya. Inḡ dubol se, “Inḡ tamol aenta patud ipasi na yak gug, sen patun ipasi san man tia ya! ³² En man Kristus, Isrel sad Kinḡ. An niḡen o iḡ aigim ibiseip idu dop, an lo id tile dop ka ilod lo rumok a.” Dal kisaek mi lo tamol uraru a Jesus dida aigim fo dusuḡanai an dam nao futek ru wei mi tinin fo dukulmaek se ya.

Jesus imat a

Mat 27:45-56; Luk 23:44-49; Jon 19:28-30

³³ Ad mitilaen 12 kilok an lo, tidom tubun tan yafutani geig go yaug 3 kilok gurai isi a. ³⁴ Saen kitek 3 kilok sumeik ipani dugo, Jesus awan tubun mi iwagiḡ dugo ibol, “Eli, Eli, lama sabaktani?” Ru en fun igo ya, “Naisag Anut, ḡaisag Anut, en ata wo ḡai bisawag ak i?”

³⁵ Tamol aenta sumeikan dutur dan, ru en duloḡ go ago dubol, “Alonḡ, tamol en man Elaija iwagi da.”

³⁶ Ago dugo yu tamol ta iḡ imaspalu yau silatik onḡ go, mel ta beig san titaliḡ igo wonḡ ak inḡaneg, wain gigen an lo isominig, dumadam ate ifoug, Jesus awan te isou isudag iluk o iwate ya. Agog iḡ ibol, “Amoi dop id tile gup, nap Elaija ipalup aigim lo ipasip idu wo ipalu wak boi, nap tia boi.”

³⁷ Agog Jesus awan tubun mi iwagiḡ go yaes ibal itout go imat a.

³⁸ Saen nek amaiak lo mi, yamel tubun ak tempel lo iyuk yen an, o lak na fun iganeg imasireg yaug tan na idu ya, agog uraru dilasa ya. ³⁹ Saen yu tamol sad gurman Jesus naon na itur an, Jesus wagiḡ dugo ilonḡ, agod dal dugomaiak lo imat man, iḡ ibol, “Rumok geig, en man Anut Nanun!”

⁴⁰ Pein adi aenta ate dumado se yan, asau mi dutur dugo leil digane ya. Luluḡad lo pein kisaek ta man taun Magdala san Maria, agod ta man Maria, Jems a bakan ak dubol dan iḡ Joses da tinadi, agod Salome. ⁴¹ Pein adi an saen Jesus Galili ilon lo tureḡ yabi dugo dubunawi wo ḡien aban diri na ya. Pein aenta wei mi dam iḡ Jesus dida Jerusalem na dupalu yan luad disa dugo leil digane se ya.

Jesus san tubabun pat gubaran lo digane ya

Mat 27:57-61; Luk 23:50-56; Jon 19:38-42

⁴² Nal amaiak man yaḡan Kubunek Nal dubol da. (Nal tinin te ubou san nal.) Amaiak niḡen o saen gurai idu dugo, ⁴³ Josef Arimatea san tamol, iḡ man Juda sad Sanhedrin kaunsil luluḡad lo tamol kisaek a, agod iḡ dam Anut san kagin panek ilasa wo malan igane se ya. Inḡsen ilon yabisag Pailat san na yaug Jesus san tubabun ipani wo isumiani a. ⁴⁴ Saen Pailat Jesus imat la yan ilonḡ man, irut saian. Yu tamol sad gurman ipalu wo iwagi a. Inḡ ilasa dugo Pailat isumiani, “Dugo, Jesus imat la yak i? Tia, gamugo di?” ⁴⁵ Yu tamol gurman an Jesus imat la yan irupei a. Ago yak niḡen o Pailat Josef Jesus san tubabun ipani a. ⁴⁶ Josef yaug yamel ikokan foun geig ak idad a, agog yaug Jesus san sisanun aigim fo ipasig, yamel an ate ibuluwig, isinig yau a. Agog mutou foun ak lo igane ya. Mutou an man pat san gib, gubak mi pat lo diabi a. Aria, Jesus san sisanun pat gib an ilon lo yen dugo, Josef pat muruan tinan ak ta ibili ipalug mutou awan ate ibalfutani a. ⁴⁷ Ago dugo Maria, Magdala pein, agod Maria ta Joses tinan, nuḡod urarum Jesus dugon te digansig yen den leil dupani a.

16

Jesus fon kumaen imasa da ya

Mat 28:1-8; Luk 24:1-12; Jon 20:1-10

¹⁻² Aria, ubou nal Sabat dubol dan itout go nal murna, ubou turan san nal malmalan ak, san salso sumeik idu se ya. Saen an lo taun Magdala san Maria, Maria ta iḡ Jems tinan, agod Salome, iḡ marasin uyan ak ate sisanun tinid dububuni wan diḡane diaug ate Jesus san sisanun dububuni wo

mutou fun na diau a. ³ Turenj diabi dugo in nug dusumiani, “Enti mok pat tubun a mutou awan te yan ibilip yau panad ak i?”

⁴ Mutou fun na dilasag malad diabisa man, pat tubun an dubulig yaug, gigin na yen dugo dile ya. ⁵ Saen pat gubaran ilon lo diladu man, malad yaug pinein ta yamel milkouk di milaeen ak igane yan dile ya. In pat gubaran titin won ak lo imasig imado se ya. Dile man durut go direr saian geig a.

⁶ Agog in irupidai, “An arut arer amoi. An Jesus Nasaret san tamol aigim fo dibali amaiak abanan abi da. In kumaen imasa ya! In ete man tia ya. Apalup, aben e diganeg yen en ale. ⁷ Ago yak ninen o amul aup, inanen megeloum adi, Pita dida, bilalun en arupidai a, ‘In imug mi Galili na yau dop an apalu wa. Onte gup ale wa, nek ibol in sen gubak mi irupidai ak ago ya.’ ”

⁸ Agog pein utol an dusuruwor dugo ilod ibarkikaruk saian geig a. An ninen o pat gubaran dibiseig kuai te dilasag dusol go diau a. In ru ta tamolpein aenta lo mel an ninen o ta dubol ilasa na ya, man dugo, in direr geig a.

Magdala san Maria Jesus ile ya

Mat 28:9-10; Jon 20:11-18

⁹ Aria, Jesus imasa yak san nal man, ubou turan san nal malmalan ama ya. Saen an lo in imug mi Magdala san pein Maria, naon na kuai isi dugo ile ya. Wagam mi Jesus ur sisaiak 7 pein an tinin lo ikudaig diau ak ama ya. ¹⁰ Pein an yaug, tamolpein a gubak mi Jesus dida turenj diabi na yan, ilod ipapao dugo ditata on se yan insad na ilasag mel dugo ilasa yan ninen o irupidai a. ¹¹ Ak gug saen Jesus kumaen imado dugo Maria ile man, ru ibol an ninen o ilod rumok man tia ya.

Megeloum uraru dal te Jesus dile ya

Luk 24:13-35

¹² Murnag tamol uraru gubak mi Jesus nien aban diri na yan, Jerusalem lubanek ilon lo turenj diabi se ya. Dal im diau dugo, Jesus naod na ilasa man naon tinin sen geig, agog dida diau se ya. ¹³ Tamol uraru emaiak dumul diaug aenta durupidai a, ak gug in tamol uraru an dam ilod lo ta rumok na ya.

Jesus megeloum murnap ata digane wak ninen o irupidai a

Mat 28:16-20; Luk 24:13-53; Jon 20:19-23; Apo 1:6-8

¹⁴ Murna gug saen megeloum 11 anan dunuai man, Jesus kuai isi dugo dile ya. Jesus ipidai a, man dugo, in ilo rumok amad tia ya, agod ilod dabai geig ak on in tamolpein a Jesus kumaen imasa gug dile yan, insad ru ilod lo rumok an ninen o dumoi a.

¹⁵ Jesus irupidai, “An amasap, tan fidian lo ator dop, tamolpein fidian mi ante dumado dan bilalun uyanan en afulalep dulon a. ¹⁶ Ensauta a ilod lo rumok pe suguek dinane dan patu pasek dinane wa. Ak gug ensauta a ilod ta rumok na yan kot lo diau dudup dideg diau a. ¹⁷ Agod kulob naok igo yan man, tamolpein a nai o ilod rumok dan dida diau a. In nai yanag lo ur sisaiak adi dukudaip diau ak, in muroun ru sensen ak dinanep ate dininen a. ¹⁸ In sed banid nam mot wagai ak dubourou a. In marasin saiak ta tamol ifuni imat san ka duluk a, gug ta dumat na wa. Agod inaned banid subam adi tinid fo diganep uyadi da wa.”

Jesus kumaen panu na isuda yau a

Luk 24:50-53; Apo 1:9-11

¹⁹ Tubun ak Jesus ru an fidian irupidai itout man, Anut in inane isuda yaug kumaen panu na ilasa ya. Ante man in Anut san aben malan te banin won ak lo imasig imado da. ²⁰ Agog inanen megeloum adi dufurak go, gidigheid diaug inanen ru dubol ilasa na ya. Agod Tubun en in sen in dida urat digane se ya, ago dugo kulob funfun kob aman da idiri dilasa yan lo tamolpein dile man, inanen ru man ru rumok a.

Luk

Luk girek en Tiofilas san na igane yau a

¹ O tamol tubun en Tiofilas, tamol wei mi melmel a mañ luluñama lo nuñon dilasa yan niñedi wo digire la ya. ² Melmel nek an, tamolpein a sed malad lo dil an durupaia-mag maloñ a. Tamolpein en gubak mi ru en kagin dupani uyan se ya, agod ru dugo durupaia na yan, ru nek an mi migire idu ya. ³ Naisag mi melmel an fidian, fun lo dilasag ipalu yan nupupi ñile ya. An niñen o ñaisag ilo sou lo mel en uyanan a, ñai gamu mel en fidian tet mi ka ñigire pano wa. ⁴ An lo dop melmel a dipiteñano yan sad fudi mok on uloñ siñaokan a, agod mel amaiak fidian rumok an dam uloñ a.

Jon ilasa wak niñen eñel ta Sakaraia irupeia

⁵ Saen Herod in Judea provins sad kin imado dugo, pris ta dam imado se ya, yañan Sakaraia. In pris biatitek luluñad lo a yañan Abaija dubol dan san tamol ta. In Aron san gugoi lo ilasa ya, iwon Elisabet dam in Aron san dar lo ilasa ya. ⁶ Tamol an iwon da Anut malan lo itaot a, ago dugo in Tubun ak san kubiaen agod ru kagin an fidian duri dupani se ya, agod talpein ta inaned kagin an niñen o ru ta ibol san tia ya. ⁷ Ak man in nanuk amad tia ya. Man dugo, Elisabet in pein niganig, taida mi, uraru an mel saiak digane la ya.

⁸ Biatitek a lo, saen tamol dumado se yan tempel lo urat disini dugo, Sakaraia dida urat digane se ya. Nal ta lo in Anut naon na pris urat igane se ya. ⁹ Aria, pris sad kagin lo, inanen urat kisaek adi dipiliani a. An lo in Anut san tempel lo iladup, ante alta san yai fo yaikas mumalum iwen siñaokan dan igane wo, kob dupani a. ¹⁰ Aria, yaikas an igane san saen ilasa dugo, tempel lo iladug ago igane se ya, ago dugo tempel patun fo tamolpein a ubou dile wo dutumani an gadiñ digane se ya.

¹¹ Saen nek an lo Tubun en san eñel Sakaraia naon na ilasag, yaikas mumalun iwen dak san alta giranjen won ak lo itur a. ¹² Saen Sakaraia eñel an ile man, irut

saian geig go irer a. ¹³ Ak man eñel an irupeig ibol, “Sakaraia, on urer umoi. Anut onsa gudanek ilon la ya. On iwo Elisabet nanuk tamol ak ta igansi wa, ago dop yañan Jon ubol a. ¹⁴ In on ilo bulbal ipano dop on ilo uyanan geig a. Agod tamolpein wei kasik in ilasa yan niñen o yousai digane wa. ¹⁵ Man dugo, in Tubun en malan lo tamol tubun ak imado wa. In wain, ayu naon sensen ak dam ta iluk na wa. Agod saen tinan igansi man, in Awan Urgun inañep tinin inañefutep pempem ago imado wa. ¹⁶ In Isrel luluñad lo tamolpein wei kasik inñiliaip, dida fon dumul pe inñsad Tubun ak Anut san na diau a. ¹⁷ In Tubun ak naon na imug pe dal ikubune wa. Elaija san ur lo, agod Elaija san dabai lo dam ago igane wa. In idiraip nanuk tamad dida ilod ibilisap, nug niñen o dumat a, agod tamol silei ak ilod ibilisap, tamolpein itaot ak sad kankan milaen ak diñane wa. An lo dop inñsan urat an lo in tamolpein ikubuniaip, Tubun ak ipalu wo malad diganep dumado wa.”

¹⁸ Ago tag Sakaraia eñel an isumiani, “Ñai iwog da mel saiak migane ya. Dugo won pe ru ubol an nuñon ñaloñ ak i?”

¹⁹ Agog eñel an ru naon irupeig ibol, “Ñai Gebriel. Ñai Anut naon na ñatur da. Anut sen ñai idinag go, ru uyanan en ñurupaio wo ñupalu ya. ²⁰ Ak man on ñaisag ru en ilo lo ta rumok na yak niñen on awa itaup mado wa. Ago mado yaup ru an nuñon ilasa gup, awa ipuk pe, ñiñe wa. Ñaineg ru inanen saen fo mi nuñon ilasa wa.”

²¹ Ago dugo tamolpein a kuai te Sakaraia ditiñanig dumado dan, ilo sou wei kasik digane dugo dubol, “Ata mel mok igane dugo saen milaen kasik imado di?” ²² Murnag tempel lo kuai te ilasa man, tamolpein ru irupidai san tia ya. Ago tag in duloñ ak, Sakaraia tempel lo malan ñutun ile yan lo, inñen san tia yak niñen o, banin nam toutou igane se ya.

²³ Aria, in urat isini san saen itout go inñsiganen ab lo imul yau a. ²⁴ Murnag iwon Elisabet luan anda ya. An niñen o kalam 5 ab lo imianuk imado se ya. ²⁵ Ago dugo ibol, “Tubun en mel en igane panag a. Gamu in ilon ipanag a, agod ñaisag miai tamolpein naod na ipasi yau a.”

Jesus ilasa san ninjen o enjel ta Maria irupeia

²⁶ Elisabet luan andag kalam 6 yau dugo, Anut enjel Gabriel idinig, Galili provins lo taun ta yanjan Nasaret, atna yau. ²⁷ Inj pein baras itaot ak ta san na yau a. Pein an yanjan Maria. King Dawid malan kubulan ta yanjan Josef dubol dan njen dupani a. ²⁸ Gabriel injsan na yaug ibol, "Ilo uyan dop mado. Anut ipitiano dak, inj ilon ipano dak, inj onj da amado da."

²⁹ Maria ru an ilonj go ilon weiwei dugo ilon lo ibol, "Ilo uyan ru naok ago yan fun dugo mok ak i?" ³⁰ Ago tag enjel irupeig ibol, "Maria, onj urer umoi. Anut onj o ilon uyan da. ³¹ Onj lua ama dap, nanuk tamol ak gansip yanjan Jesus ubol a. ³² Inj tamol tubun ak imado dop, Anut lak na geig an Nanun dubol a. Agop, Anut iganep inj kinj ilasap, tubun bagen Dawid imado yak ago mi imado wa. ³³ Inj Isrel tamolpein pempem mi itirnaip imado wa. Injsan kagin panek wadan an itout san tia ya."

³⁴ Ago tag Maria enjel isumianig ibol, "Njai tamol da gamugo mator da, an lo mel an dugo wonj ilasa wak i?" ³⁵ Enjel an ru naon irupeia, "Awan Urgun onj lo idup, Anut lak na yan san dabai onj ituano wa. An ninjen o nanuk a mitep gansi wan gun a, agod tamolpein inj Anut Nanun dubol a. ³⁶ Ulonj. Onj nibi Elisabet pein saiak bo man, inj dam luan anda ya. Imug inj niganig dubol na ya. Gug gamu inj luan andad kalam 6 ibisei la ya. ³⁷ Man dugo, Anut inj lo man mel fidian pasauman a, ta muruan man tia ya."

³⁸ Ago tag Maria ru naon irupeia, "Njai Tubun en san urat pein mi a. Ago yak ninjen o ubol dan ago naj lo ka ilasa wa." Agog enjel an Maria ibiseig yau a.

Maria Elisabet ile wo yau a

³⁹ Saen an lo, Maria biounj ikubuneg, Judea Provins lo panu ta tan bubun titinje ak ate ririan yau a. ⁴⁰ Yaug, Sakaraia san ab ilon lo iladug, Elisabet ilo uyan ru irupeia. ⁴¹ Saen Elisabet Maria san ilo uyan ru ilonj man, injanen nanuk tinjaen lo isokalik a, ago dugo Urgun ilon injanefuteg, ⁴² awan tubun mi ibol, "Onj pein fidian lulunjad lo Anut san bar njaneg mado da. Nanuk a onj gansi wan inj dam Anut san bar injaneg imado

da! ⁴³ Najneng Tamol Tubun ak tinan ilon ipanag go, naj iliag o ipalu ya. Ata wo bar an ipanag ak i? ⁴⁴ Ulonj, saen onj naj rupaiaig man tinjaeg lo nanuk youn anda isokalik a. ⁴⁵ Onj bar ama da mado da, man dugo, mel a Tubun en irupaio yan nunjon ilasa wan ilo lo rumok go awan wabi a."

Maria san bar

- ⁴⁶ Agog Maria ibol:
 "Njai njutug Anut yanjan yabisa da,
⁴⁷ agod najneng ur Anut enti patug ipasi wan lo youn isa da.
⁴⁸ Man dugo, naj pein kawan, yanag tia ya. Gug inj naj o ilon isou a. Gamu en, agod nal murnai san fidian, tamolpein fidian naj ninjeg o ago dubol a, 'Pein en bar injaneg imado da.'
⁴⁹ Man dugo, Enti a dabai fidian anda yan, mel tubun geig ak naj o igane ya. Rumok, inj yanjan gun a.
⁵⁰ Injanen ilo munjanek, tamolpein ensauta a inj o direr dan ituanaia da, tamolpein e gamu dumado den ituanaia da, agod malad kubulan a murnap dilasa wan dam mi a.
⁵¹ Inj tuon nam kulob dabdabai ak idiri dugo teil a, Tamol sed bused lo tutubu dubol dugo yanjad diabisa dan irubai diau a.
⁵² Kinj dabdabai an ibiaia dudu dugo, tamolpein a yanjad tia yan ibiaisa ya.
⁵³ A dumatigen dan melmel uyan uyan ak nam ifutuwaig inj luad ipuk a. Ago dugo a filiad anda yan idinaig sen dilasag banid kawan diau a.
⁵⁴ Injanen urat tamol Isrel ibinawai a, injanen ilo munjanek ikubiaia pidinaia an ilon ta injaonj na ya.
⁵⁵ Tia, ilo munjanek an inj Abraham injanen malan kubulan dadi pempem ikubi-aip dile dop na wa, nek ibol tubud baged wagam irupidai ak ago mi a."
⁵⁶ Aria, Maria Elisabet da kalam utol dumado gug, fon imul go sen naon na yau a.

Elisabet Jon igansi a

- ⁵⁷ Elisabet nanuk igansi san nal idaisudag, nanuk tamol ak igansi a.
⁵⁸ Tubun en Elisabet ilon imujaia an

muroun muroun duloŋ go in dam youdi isa se ya.

⁵⁹ Nanuk igansig nal 8 yau dugo, nanuk tinin sunulon dutute wo, taman waian diganep Sakaraia dubol o dupalu ya. ⁶⁰ Ak man tinan imoig ru igo ibol, “Tia, yaŋan Jon tabol a.”

⁶¹ Agog in durupeig dubol, “Ak man oŋ murou murou luluŋad lo yaŋak ta ago man tia ya.”

⁶² Agog in banid nam Sakaraia toutou dupanig, nanuk yaŋan ipate wo dusumiani a. ⁶³ Ago tag Sakaraia banin nam toutou igane dugo tafel (slet) dupanig, fo nanuk yaŋan igire: “In yaŋan Jon.” Agog in fidian durut saian a. ⁶⁴ Gamu nam Sakaraia awan ipuk go fun iganeg ininŋen dugo, Anut yaŋan yabisa ya. ⁶⁵ Agog ab susumeik an aban ago dileg, durut saian a. Ru an Judea ilon lo panu panu tamolpein fidian duloŋ go, kubol en ninŋen o dininŋen se ya. ⁶⁶ Tamolpein a fidian ru a duloŋ an ilod weiweig nug dusumiani, “Ak dugo, nanuk an san madok murnap dugo wak i?” In kuai tem dile yak Anut anen tuon dabai nanuk an da ya.

Sakaraia san bar

⁶⁷ Awan Urgan Jon taman Sakaraia ilon inanefteg, in profet ru en ibol a,

⁶⁸ “Id Tubun en per tupani wa, in mi Isrel san Anut.

In ipalug inŋan tamolpein yil go idad injal a.

⁶⁹ In tamol dabai ak ta, id patud ipasi san igane ilasa ya.

Tamol en man, inŋan urat tamol Dawid san dar lo ilasa ya.

⁷⁰ Wagan na mok inŋan profet gun adi awad lo ru en ibol:

⁷¹ In idsad ager banid lo ipasad iniliad a. Agod tamol a id lo siai digane dan tuod lo dam ipasad iniliad a.

⁷² In idsad tubud baged ilo muŋanek ikubiai pidinai a.

Agod dugo inŋan kontrak gun an ninŋen o ilon isou a.

⁷³ In idsad tubud baged Abraham ru promis en irupeig ibol:

⁷⁴ Id ager tuod lo ipasad pe id ilo urer tiap, inŋan urat tigane wa.

⁷⁵ Id saen fidian tan e lo tumado den lo, in naon na kagin gun ak lo, agod kagin itaot ak lo dam ago tigane wa.

⁷⁶ O ŋai nanug, oŋ Anut lak na geig ak san profet dubol a.

Man dugo, oŋ umug pe Tubun en san dal kubune pani wa.

⁷⁷ Inanen tamolpein patu pasek ka dinane wan, oŋ maŋau en pidinai a, Anut inaned aupasek isuas pidinai dan lo patud ipasi san duloŋ fufei a.

⁷⁸ Idsad Anut inanen ilo muŋanek lo ago igane ya.

Inŋan ilo muŋanek lo, in Nanun ad isuda dak igo woŋ kumaen panu nap idsad na ipalu wa.

⁷⁹ Agop inanen lilaman tamolpein a tidom tubun lo dumado dan, agod mateŋ san mirau lo dumado dan dam, tinid isapudade wa.

Agop maror san dal ikubiai panad pe fo tator a.”

⁸⁰ Nanuk an italbusig inanen ŋutun lo dabai inaneg imado se ya. Aria, in aben kawan ak lo imado yang, inŋan saen fog Isrel tamolpein malad lo kuai te ilasa ya.

2

Maria Jesus igansi a

Mat 1:18-25

¹ Saen an lo Rom gabman gurman Kaisa Ogastas kubiaen ta igane ya. Tamolpein a tan fidian lo Rom gabman paen na dumado dan, yaŋadi buk lo digire wo ibol. ² (Yaŋa kubunek en malmalan a, saen Kwirinias in Siria san gurman imado yan lo ilasa ya.)

³ Agog tamolpein fidian inŋaneg fun panu lo yaŋad dukubune wo diau a.

⁴ An ninŋen o Josef dam Galili distrik lo panu ta yaŋan Nasaret ibiseig, Judea na panu ta yaŋan Betlehem dubol dan te yau a. Aben an Kin Dawid san panu fun. Josef in Dawid malan kubulan, amaiak ninŋen o in ante yau a. ⁵ Josef in Maria ŋien dupani ak ninŋen o inaneg ida diau a. Saen an lo Maria in luan anda la ya. ⁶ Betlehem na mi dumado dugo, Maria nanuk igansi san saen idu ya. ⁷ Agog nanuk matu tamol ak igansig, yamel nam ibuluwig, makau ab

* **2:7:** Daeg tubun ak

lo makau sad anañ nuaen san kunup* lo iganeg yen a. Man dugo, lou ab lo dusumiai ak man aben fidian awan isa la ya.

Enjel sipsip titianek tamol adi sad na ilasa ya

⁸ Tidom lo panu gigin te sipsip sad titianek tamol kuai te sipsip kagin dupidinai dugo, ⁹ Anut san enjel ta sad na ilasa ya. Anut san lilaman abañ isapudade yan dileg direr dugo dusuruwor saian geig a. ¹⁰ Ak gug enjel an irupidaig ibol, “Arer amoi. Njai ru uyan ak nrupaian o nupalu ya. Tamolpein fidian mitep ilodi uyanan geig a. ¹¹ Tidom nek en lo Dawid san panu lo ansam patu pasek tamol ilasa ya. Inj man Kristus, ananem Tubun a. ¹² Inj ale san kob igo ya, au gup nanuk an yamel nam dubuluwig, makau sad anañ nuaen kunup lo yen dop ale wa.”

¹³ Ago ibol man, gamu nam Anut san yu doup enjel adi malan wei mi kuai disig, enjel malan te yan ida Anut per dupani se ya. Ago dugo igo dubol,

¹⁴ “Aben lak na geig ak lo, Anut girager anda yañan mabisa da.

Ago dugo tan na, tamolpein ensauta a Anut ilon ipidinai dan, inanen maror ipidinai a.”

Sipsip titianek Jesus dile wo diau a

¹⁵ Saen enjel fidian mi dumul go kumaen panu na diau man, sipsip sad titianek tamol an sed nug durupe, “Betlehem na taup, mel e ninen o Tubun en irupaiad en tile wa.”

¹⁶ Agog ririan diaug, Josef inj Maria da dil dugo, nanuk an dam makau sad anañ nuaen kunup lo yen dugo dile ya. ¹⁷ Inj nanuk dile la gug, ru a nanuk an ninen o enjel irupidai an diñaneg panu susumeik an lo tamolpein durupidai se ya. ¹⁸ Ago dugo fidian a ru an dulon man, durut saian go ilod weiwei se ya. ¹⁹ Gug Maria ru an fidian ilon lo igane ya, ago gug saen wei mi mel an fidian ilon isoug kankan igane se ya. ²⁰ Agog sipsip titianek tamol an dumul go sipsip sad na diau se yan, Anut yañan diabisa dugo per dupani a. Man dugo, nek enjel irupidai ak ago, mel a fidian ilasa yan, agod ru a fidian dulon an dam, itaot ilasa dugo dile ya.

Jesus yañan digane ya

²¹ Nanuk ilasag nal 8 yau dugo, nanuk tinin sunulon dututeg, yañan Jesus dubol. Maria gamugo luan anda dugo yañak an enjel ipalug Maria irupe, ak fom dupate ya.

Simion inj Ana da Jesus tempel lo dile ya

²² Moses san kubiaen ago ibol, pein enti nanuk igansip nal 40 yau dop inj fon ikok ilasa da wa. Aria, Maria malan iganeg nal 40 yau itout go, Josef Maria da Jesus diñaneg Jerusalem na diau a. Ante inj Jesus diñanep Tubun en dupani wo diau a. ²³ Man dugo, Tubun en san kubiaen lo ru igo digire ya, “Nanuk matu ak fidian man inaned tinad tamad diñal diaup Tubun en dupani wa, an lo dop saen fidian Tubun en wagen lo gun dutor a.” ²⁴ Kubiaen an ibol, “muluk uraru, tia tap, anakanak nanun uraru muluk on ak Anut yai gane pani wa.” Aria, Josef inj Maria da kubiaen an dirig yai niganag naok an digane ya.

²⁵ Aria, tamol ta Jerusalem na imado yan yañan Simion. Inj tamol itaot, agod Anut awan paen na imado ya. Anut Isrel tamolpein ibinawai san saen ilasa wo, malan iganeg imado se ya. Inj lo dam Urgun imado ya. ²⁶ Gubak mi Awan Urgun irupeig ilon ak, inj gamugo imat dop Anut anen Kristus ile wa. ²⁷ Aria, gamu Awan Urgun iduduwig an lo tempel san ar lo iladu ya. Saen an lo Josef, Maria da Jesus diabig ru kagin a kubiaen irupidai an duri dupani wo dupalu ya. ²⁸ Agog Simion Jesus ileg sinjiren na yaug ilatig Anut per ipanig igo ibol,

²⁹ “Tubun en, onjane promis ru gubak mi ubol paiag an gamu nunon gane ya.

Ago yak ninen o rupaiag pe naj onjane urat tamol tan en njibiseip, maror lo mi naj a.

³⁰ Man dugo, najseg malag nam onjane patun pasek tamol njile ya.

³¹ Tamolpein fidian malad lo onj tamol en gane ilasa ya.

³² Inj sul onj ilasap imado dop gob adi ru inj ninen o dulon pe ilod ilalan a, agod inj lo onjane Isrel tamolpein yañak tubun ak diñane wa.”

³³ Nanuk an tinan taman ru e Simion ibol en dulon go durut saian a. ³⁴ Agog

Simion bar ipidinaig Maria irupeig ibol, “Anut gubak mi ilon igo yen a, nanuk en Israel tamolpein luluḡad lo, wei mi dudu diau dop, aenta wei mi dam ibiaisa wa. Agod tamolpein wei mi nanuk an dile saian dop in niḡen o ru saian ak amad da wa. ³⁵ In tamolpein sad kankan imianuk an kuai te iganep fidian dile wa. Agod sabiri ta luon ak oḡane ḡutu isue wa.”

³⁶ Aria, profet pein ta, yaḡan Ana, in dam tempel lo imado ya. In Fanuel nanun pein, Asa san gugoi lo ilasa ya. In mel saiak geig a. Anaḡar 7 tamol ida dumado yau gug tamol imat a. ³⁷ Agog pein suos imado yaug san anaḡar 84. In tempel san tumanek aben ta ibisei na da. Tidom ad Anut yaḡan yabisa dugo igudani da. Saen aenta anaḡ geg iganep gudaneḡ mi igane da. ³⁸ Aria, Simion pein tamol an ru irupidai dugo, saen nek an lo Ana ipalug, in dam Anut yaḡan yabisag, nanuk an niḡen o Jerusalem tamolpein ensauta a Anut ibinawai o malad diganeg dumado se yan irupidai a.

Josef Maria da Nasaret na dumul diau a

³⁹ Jesus tinan taman mel fidian Anut san kubiaḡ ibol ago mi digane itout go fon dumul, Galili provins lo inḡigned panu Nasaret na diau a. ⁴⁰ Agog nanuk italbusig tubun go, tinin dam dabai dugo kankan milaen ak in lo awan isa geig a. Ago dugo Anut ilon tubun mi ipani na ya.

Jesus in pinein foun tempel lo yau a

⁴¹ Jesus tinan taman in anaḡar fidian, saen Pasova san ad nanek ilasa dan lo, Jerusalem na tumanek tubun an lo diau na ya. ⁴² Aria, Jesus san anaḡar 12 dugo diḡaneg Jerusalem na diaug inḡaned kagin yen ago mi duri a. ⁴³ Murnag Pasova ad nanek itout go fon dumul inḡigned na diau se ya. Jesus in Jerusalem na imado yan, inḡanen tinan taman ta duloḡ na ya. ⁴⁴ In ilod lo Jesus tamolpein aenta luluḡad lo dadi diau dak dubol. An niḡen o adian kisaek dutor se ya. Agog gurai idu yan, turad muroud luluḡad lo Jesus abanḡan diabi a. ⁴⁵ Gug kitek dile man tia tag Jerusalem na abanḡ diabi wo dumul a. ⁴⁶ Nal utol abanḡan diabi ak gug, in ta dile na ya. Ago gug tempel lo diladug dile ya. In Juda sad

girek maḡau luluḡad lo imasig, ru a dubol na yan ilon dugo, isumianai se ya. ⁴⁷ Ago dugo fidian inḡsan niḡen, maḡau, agod ru naon a irupidai an duloḡ go, durut saian geig a. ⁴⁸ Tinan taman abanḡ ago dile man dam durut saian go tinan irupeig ibol, “Bai, oḡ ata wo maḡ igo giniama yak i? Nai oḡ tama da iloma muruan kasik dugo, oḡ abanḡa mabi se ya.”

⁴⁹ Ago tag Jesus ibol go isumianai, “An ata wo ḡai abanḡag abi se yak i? Nai tamag san ab lo ḡumado dak, an an ta alon na yak i?” ⁵⁰ Ak man ru e irupidai den fun mok ta duloḡ na ya.

⁵¹ Agog Jesus tinan taman dida dumul Nasaret na diaug, pempem awad paen na mi imado se ya. Ak man tinan melmel fidian a ilasa na yan, ilon lo iganeg yen go kankan igane se ya. ⁵² Agog Jesus inḡanen tinin, agod inḡanen kankan ilon san dam italbusig tubun a. Anut, agod tamolpein dam in dipitiani na ya.

3

Jon Suguek san in dal ikubune ya

Mat 3:1-12; Mak 1:1-8; Jon 1:19-28

¹ Taibirias Kaisa anaḡar 15 Rom gabman kagin ipani dugo, Pontias Pailat Judea kagin ipani se ya. Ago dugo Herod Galili san tamol tubun geig, in tein Filip dam nek ago mi Iturea in Trakonaitis ida kagin ipidinai dugo, Laisenias provins Abilene kagin ipani se ya. ² Ago dugo Anas, Kaiafas da man pris gurman malan te ya. Saen an lo Anut anen ru Sakaraia nanun Jon, aben kawan tamol tia yak lo imado dugo san na yaug ilasa ya. ³ Agog Jon you Jordan giranḡen na aben fidian san tamolpein Anut san ru irupidai dugo itor se ya. Inḡsan ru malan te man igo ibol, “Tamolpein anḡanem aupasek patum apanip, ilom abileksap, apalup suguek anḡane wa. Ago tap Anut anḡanem aupasek isuas pananḡ a. Suguek man anḡanem ilom abilisa yan san kob.” ⁴ Nek imug profet Aisaia san buk lo girek ibol ago mi gamu ilasa ya. Girek ago ibol, “Tan kawan ak ate wagin ta ilasag ibol, “Tubun en inḡanen dal akubunep itaot yen a. ⁵ Tan ilokan an fidian atutumip awan isa wa.

Did tutubun an, agod bubun fidian agilep tan na idu wa.

Dal ikael ak aganep itaot a.

Dal gubog ak atutumip uyan da wa.

⁶ Ago dop tamolpein fidian in patu pasek tamol a Anut idinip ipalu wan dile wa.' ”

⁷ Agog tamolpein wei kasik Jon san na suguek diñane wo dupalu dugo Jon naod ifuteg ipidai, “An mot nanun moroun! Enti Anut san tinjae saian mitep ilasa wan ninjen o ru kagin ipanañ dugo asol dak i? ⁸ An ilom ibilisa dak iri panim, kagin an san nuñon mok agane ilasa wa. An siñanem ilom lo igo ta abol na wa, ‘Abraham man mañ tamama ya, an mañ o idaisuda ya.’ Man dugo, ñai en ñurupaian itaot da, Anut ilon ibol tap man, pat e dien den ka injal pe ibilisap Abraham nanun muroun mok on dilasa wa. ⁹ Pilagis ai dabin lo yen la ya. Ai fidian a nuñod uyan uyan ta ifu na dan, Anut itarep yabi yaup inanai yau a.”

¹⁰ Tamolpein ru an dulon tag dusumiani, “Mañ dugo migane wak i?”

¹¹ Agog ru naon irupidaig ibol, “Ta in kulos uraru tap, neinta kulos aman tia yan ipani wa. Nek ago mi, ta in anañ anda tap, in dam ago mi igane wa.”

¹² Agog takis ñilanañ tamol dam suguek diñane wo dupalug Jon dusumiani, “Girek mañau, mañ dam dugo migane wak i?”

¹³ Agog Jon irupidaig ibol, “An tamolpein arawai dop sad moni subuñan kawan ak da ta anane na wa. Gabman sen ibol ago mi itaot anane wa.”

¹⁴ Ago dugo yu tamol aenta dam dusumiani, “Mañ dam, en dugo migane wak i?”

Agog ru naon irupidaig ibol, “An tamolpein afu dan lo banid na moni ta anane na wa. An ru sewak lo dam insad moni ta anane na wa. Ananem urat naon dupanañ dan mi an o idaisuda wak ninjen ilom maror anda amado wa.”

¹⁵ Tamolpein fidian mala nouk lo Kristus dititiani se ya, an ninjen o bused ilon lo Jon in Kristus mok ago dubol dugo ilod weiwei se ya. ¹⁶ Ago tag Jon irupidai, “Ñai you lo mi an ñusuguañ da. Ak man tamol a ñai patug fo ipalu dan insan dabai ñaisag dabai irinani geig a. Ñai man tamol kawan a, amaiak ninjen o insan sendal san kam ñupasi san

o yanag tia ya. Gug tamol en man Awan Urgun lo isuguañ a, agod Urgun an san yai nam ifulanañ a. ¹⁷ In banin lo kon gilek lo idirai san biouñ yabig imado da. Aben ante urat a igane wan ikubineg ante itur da. Uyan ak senamo idirai dop, metmet adi yabi yau o da. Ago dop kon anañ ab lo itumani wa. Ak man metmet adi man yai lo yabi yau a. Agod tamol ta yai an igane imat san tia ya.”

¹⁸ Dal wei kasik lo Jon tamolpein bused yabisa san ru ibol dop lo Anut anen ru uyan ak ipidinai a. ¹⁹ Gug Jon gabman gorman Herod san naok naok saian an ifulale yaug, tein san pein inane an lo isuda tag, Herod tinjaen saian go Jon subanek lo igane ya. ²⁰ Ago igane an lo insiganen muruan a imug igane se yan muruan taidam ibate ya.

Jon Jesus isugui a

Mat 3:13-17; Mak 1:9-11

²¹ Aria, Jon subanek lo gamugo digane dugo mel en ilasa ya. Nal ta tamolpein fidian suguek diñane dugo Jesus dam ipalug suguek inane ya. Suguek inaneg itout go Anut igudani se ya. Saen nek an lo kumaen panu san dalawan ipasig yen dugo, ²² Anut san Ur muluk on idug, in kabuñan fufo imasi a. Agog kumaen panu lo wagin ta idug, igo ibol “On ñaineg Nanug, ñaineg buseg mok, on niñe wo ñai ilog tubun mi uyanan da.”

Jesus anen tubun bagen

Mat 1:1-17

²³ Jesus san anañar 30 dugo, urat fun igane ya. Tamolpein ilod lo in Josef nanun ago dubol se ya. Aria, yanak e irig ipalu den in Josef san tubun bagen a. ²⁴⁻³⁸ Eli, Matat, Livai, Melki, Janai, Josef, Matatias, Amos, Nahum, Esli, Nagai, Maat, Matatias, Semein, Josek, Joda, Joanan, Resa, Serababel, Sialtiel, Neri, Melki, Adi, Kosam, Elmadam, Er, Josua, Eliesa, Jorim, Matat, Livai, Simion, Juda, Josef, Jonam, Eliakim, Melea, Mena, Matata, Natan, Dawid, Jese, Obed, Boas, Sala, Nason, Aminadab, Admin, Arni, Eron, Peres, Juda, Jakob, Aisak, Abraham, Tera, Nahor, Serug, Reu, Peleg, Eber, Sela, Kainan, Arfaksad, Sem, Noa, Lamek, Metusela, Enok, Jared, Mahalelel,

Kainan, Enos, Set. Set man Adam nanun, agod Adam in Anut nanun.

4

Satan Jesus ikubiani a

Mat 4:4-11; Mak 1:12-13

¹ Jesus Urgan buben inanefuteg, you Jordan ibisei a. Agog Urgan iduduwig, tan kawan ak ate yau a. ² Nal 40 anan tia imado dugo Satan Jesus naon ikubiani se ya. Saen an lo in anan ta yani na ya, an ninen o saen an itout man imatigen saian.

³ Satan igo irupeig ibol, "On Anut Nanun tap, ubol dop pat en bret on ibilisa wa."

⁴ Jesus ru naon irupe, "Girek e buk lo yen den igo ibol, tamol bret lo mi ta kumaen imado na da."

⁵ Agog afon Satan Jesus inaneg did lak na yak kabunan fufo igunig itur dugo tan en san aban fidian ikubiai pani kisaek on a.

⁶ Agog irupeig ibol, "Inaned dabai a ule dan, agod mel a girager anda yak fidian ule dan dam naisag. Ak ninen o tamol enti nupani wo ilog ibol tap, ka nupani wa. ⁷ An ninen o on turu soluwip, ubou ag ule tap, nai dabai nupanop, mel fidian ule dan on kagin pani wa."

⁸ Ak man Jesus ru naon irupeig ibol, "Girek ta buk lo igo ibol, 'On Tubun en onane Anut mi ubou an ule wa. Insen mi ninen o bigabeg urat gane wa.' "

⁹ Agog fon Satan inaneg Jerusalem na diaug, lak na tempel san nudun fufo igunig itur go irupe, "On Anut nanun tap, sokalik pe, tan na udu. ¹⁰ Man dugo, girek ta buk lo igo ibol,

'In inanen enel irupidai dop kagin dupano wa.

¹¹ Banid nam disawo wa, kabelan pat on nje ifini banau.' "

¹² Ago tag Jesus ibol, "Girek ta buk lo dam igo ibol, on mel ta gane tap lo Tubun en onane Anut an bitinaek lo ta gane na wa."

¹³ Satan Jesus kubianek funfun lo igane tia tag ibiseig yau. Nal ta dop fon ile wa.

Nasaret na Jesus dile saian a

Mat 4:12-17; 13:53-58; Mak 1:14-15; 6:1-

⁶ ¹⁴ Agog Jesus Urgan san dabai lo fon imul go Galili na yau. Agog yan panu panu fidian lo yau se ya. ¹⁵ In panu panu

sad ubou ab lo ipitenanai dugo tamolpein fidian yan an diabisa se ya.

¹⁶⁻¹⁷ Agog Jesus Nasaret na yau a. Wagan nanuk lo aben ante italbusi a. Insignan kagin iri panig, Juda sad ubou leil nal Sabat dubol dan lo yang Nasaret adi sad ubou ab lo iladu ya. Agog Anut san ru isuti wo imasa yan, profet Aisaia san buk dupani a. Buk roun ifulaleg, ru en ileg isuti:

¹⁸ "Tubun en san Ur nai lo imado da.

Man dugo, nai tamolpein kawan filiad tia yan, ru uyanan ak nrupidaip dulon o ipilianag a.

In nai idinag go nupalu man, tamolpein ru igo nrupidai a:

a Satan isubanai an nai ka nupasaip kuai te dilasa wa, a malad itapul idu yan fon aban ka dile wa,

a tamolpein sen ak banid lo muruan dile dan, nai insad muruan ngane itout a.

¹⁹ Agod nai malak malak igo nrupidaip dulon ak,

ananar nek en Tubun ak inanen ilo panek ikubiai pidinai o da."

²⁰ Agog Jesus buk ifutanig, biabi nilan tamol ipani gug imasi a. Tamolpein fidian ubou ab lo dumado dan malad ti ibol go Jesus dile se ya. ²¹ Agog fun iganeg irupidai, "Ru nek e kududom ilon en gamu geig nunon ilasa ya."

²² Agog in fidian dupitiani se ya, insan ru dulon go in ninen lo tamol ikawil an ak ago dubol go, durut saian dugo nug dusumiani se ya, "Dugo, an Josef nanun i?"

²³ Agog Jesus irupidai, "Nai mel en ninen o ilo uraru amag tia ya, an ru fajan en nai arupaiaq o da, 'Dokta, onse ikubinio gup! Kulob girager funfun a on Kaperniam na gane yan san ru malon a, gamu kulob naon kisaek onsigane fun panu lo dam gane wa.' "

²⁴ Agog fon ru igo irupidai, "Nai rumok nrupaian da, profet man insignan fun panu lo tamolpein in dumoi da. ²⁵ Mel en rumok a, profet Elaija san nal lo Isrel pein wei mi suos dumado ya. Saen an lo man daded tubun a. Ananar utol kalam 6 ui tia ya. Ago dugo kadag tubun aben fidian yabig yen se ya. ²⁶ Ak man Anut

Elaija idinig Isrel pein suos ta san na yau man tia ya. Tia, in idinig gob adi sad taun Saidon lubanek lo, panu Sarefat san pein suos ta san na yau a. ²⁷ Agod profet Elaija san saen lo dam Isrel tamolpein wei kasik lepra amad da ya. Gug kisaek ta igane uyan man tia ya. Tia, gob adi a tan Siria lo dumado dan lulunad lo tamol kisaek yanjan Neman, Elaija nek an mi ikubuneg uyan a.”

²⁸ Tamolpein fidian ubou ab an lo ru en dulon go tinjaed tubun mi saian a. ²⁹ Ago tag dumasag, Jesus dinjaneg, aen damon fo dibilip idu wo tan bubun fo disuda diau a. ³⁰ Gug banid lo ikisaluk ilasag, tumanek malan an titinae mi imul go ilon ibol ak lo yau a.

Jesus tamol ta tinin lo ur saian ikudi a
Mak 1:21-28

³¹ Jesus Galili Provins lo panu Kaper-niam na yau a. Atna Sabat nal lo yaug tamolpein injsad ubou ab lo manau ipitenjanai se ya. ³² Inanen ru dulon man, tamol tubun yanjan anda yak on ipitenjanai se yan ninen o durut saian a.

³³ Aria, ubou ab an lo tamol ta ur saian anda yak awan tubun mi iwagin go ibol, ³⁴ “On Jesus Nasaret tamol, man dugo giniam wo palu yak i? Nag on man daon panama wo palu boi a? Nai on nalon a. On Anut san tamol gun a!”

³⁵ Ak man Jesus ur saian an ipeig ibol, “Awa itaup, tamol an biseip lasa.” Agog ur saian tamol an tamolpein malad lo ibili idug, tamol an ibiseig ilasa ya. Gug ur saian tamol an tinin malan ta isue na ya.

³⁶ Agog tamolpein fidian durut saian go, injsed dinjaneg dugo dubol, “Enso ru ta dabai anda ibol dugo ur saian saian awan dulon dugo dilasa diau di?” ³⁷ An lo Jesus san yanjan ifurak go panu panu yau.

Jesus Pita raon ikubune ya
Mat 8:14-17; Mak 1:29-34

³⁸ Jesus ubou ab an ibiseig, Saimon san ab lo yau a. Saimon raon subam ifinig, tinin wananan tubun kasik ak ninen o, Jesus ibinawi wo dusumiani a. ³⁹ Ago tag giranen na yaug, iyep go ru dabai nam subam an ikudi a. Gamu nam subam an ibiseig, pein an imasa kisaek on go anan ikubune pidinai a.

⁴⁰ Gurai idu yan, tamolpein injsad panu lo subam amad da yak dinjal go, Jesus san na dupalu se ya. Agog in banin tinid fo iganeg, fidian uyadi isusa ya. ⁴¹ Ur saian saian dam tamolpein wei kasik dibisawai dugo duwagin, “On Anut Nanun.” Ago tag Jesus nao futek ru nam ipidai dugo awad lo dinjaneg san ipadau a, man dugo, in Kristus dulon a.

Jesus panu panu lo ru ibol se ya
Mak 1:35-39

⁴² Tidom lom mok Jesus panu an ibiseig, aben ta yoitout ak lo yau a. Ak man tamolpein Jesus ninen o aban dile se ya. Saen in dile man, kabelan ibisawaip yau banau dupurani wo digane se ya. ⁴³ Ak man in irupidai, “Nai ru uyanan e Anut san kagin panek ninen o yan, panu aenta lo dam nfulale wa. Urat nek an ninen Anut idinag go nupalu ya.” ⁴⁴ Agog Judea ilon lo panu panu yaug inaned ubou ab lo Anut ru ifulale na ya.

5

Jesus megeloum injal o fun iganeg igiai a
Mat 4:18-22; Mak 1:16-20

¹ Nal ta Jesus Genesaret san you saltek aen te itur dugo tamolpein wei kasik Anut san ru dulon o dususag, nug tinin fo dutur se ya. ² Agog in malan yau nag, wog urarum lon ate dien dugo yil a. Wog muroudi man lon na dob dufulanai se ya. ³ Agog Jesus idug, wog ta lo isuda ya. An Saimon san wog. Agog Jesus Saimon irupe, “Wog kitek usoup tilasa.” Jesus wog fo imasig imado dugo tamolpein Anut san ru ipitenjanai se ya.

⁴ Ipitenjanaig itout man Saimon irupe, “Wog nanep lasa waup, bet ak lo gup tura murou dadi dob arae.”

⁵ Ago tag Saimon ru naon irupe, “Tubun en, tidom milaen man urat wagai mok migane se ya, ak gug iy ta kisaek minjane man tia ya. Ak man gamu on ubol ak ninen o awa mabip dob ka mirae wa.”

⁶⁻⁷ Agog dob diraeg, iy wei kasik mok dob lo dusuda ya. Agog dob itout o igane tag, turad muroud wog neinta lo yan dibinawai o banid nam toutou diganeg dupalu ya. Agog wog urarum iy didiri awad isag

disarir o dutonj. ⁸ Saimon Pita aban ago ile tag Jesus naon na turun isaluwig ibol, “O Tubun en, naj tamol saia. On naj bisawag pe wau.” ⁹ Iy wei mok dijanen an Pita turan dida dileg, durut saian ak ninjen o Pita ru an ibol a. ¹⁰ Saimon turan muroun, Sebedi nanun urarum, Jems in Jon da dam durut saian a.

Agog Jesus Saimon irupe, “Urer umoi. On gamu agod nal murnai san fidian on tamolpein dideg diau dan ago mok unjal a.”

¹¹ Agog wog urarum durau isudag melmel fidian diabi idug yen dugo Jesus njen aban duri diau na ya.

Jesus tamol lepra aman da yak ikubune ya

Mat 8:2-4; Mak 1:40-45

¹² Jesus panu tubun ak ta lo imado dugo, tamol ta tinin lepra yafutani an ipalu ya. In Jesus ileg njen fo turun isaluwi idug, imosiaig ibol, “O Tubun en, on ilo ibol tap, naj binawag pe fon tinig uyan ilasa da wa.”

¹³ Jesus ru an ilon go banin iwateg isupuri dugo irupe, “Ubol agom naj ilog ago yen da, on uya lasa.” Agog tamol an tinin uyan ilasa kisaek on a. ¹⁴ Ago dugo Jesus ru dabai nam irupeig ibol, “Kulob ilasa yen ninjen o aenta ta rupidai na wa. Tia, itaot waup, tini Juda sad pris mi kubiaip ile dop, mudan a Moses san kubiaen lo ibol dan nanep Anut yai gane pani. An lo dop tamolpein dulon ak onane subam itout a.”

¹⁵ Jesus kulob igane yan san ru panu panu yaug, tamol wei kasik in san ru dulon o dususa se ya. Subam amad da yak ikubunia o dam dupalu se ya. ¹⁶ Ak man Jesus saen wei mi ibisawaig, aben yoitout ak ate yaug igudani se ya.

Jesus tamol ta njen banin tubabun ak ikubune ya

Mat 9:1-8; Mak 2:1-12

¹⁷ Jesus nal ta tamolpein ipitenanai dugo, Farisi in kubiaen san girek manau Judea provins lo, Galili Provins lo panu kititik an fidian, agod Jerusalem na yan dam dida dumado ya. Anut san dabai Jesus san kubunek urat igane yan lo yen a. ¹⁸ Agog tamol ta njen banin fidian tubabun ak kapal anda Jesus san na disinig dupalu ya. Ab lo diladu wo digane ak man tamolpein

wei kasik, an lo man diladu san ta isuda na ya. ¹⁹ Ago tag ab aten lak na yak fo disida ya. Agog ab aten an diabigigeg dugo kapal an duyuweg, Jesus tamolpein lulunad lo imado dugo naon na idu ya.

²⁰ Jesus insad ilo rumok ile tag tamol an irupe, “O turag, naj onane aupasek fidian nupasi yau la ya.”

²¹ Ago tag kubiaen san girek manau, in Farisi dadi kankan dijaneg ilod lo mi igo dusumiaen, “Tamol en so tamol ta yak i? Ru a ibol dan man Anut kukokan igane da. Tamol ta muruan pasek san dabai anda man tia ya, Anut mi in dabai anda ya.”

²² Gug Jesus insad ilo girek fidian ilon pasi ak ninjen o ru naon igo ibol irupidai, “An ata wo kankan ago agane dak i? ²³ Ata mel pasauman ak i? Aria, naj igo nabol, ‘Onane aupasek nupasi yau wo?’ Tia, ‘Masap kapal wabisap utur o?’ ²⁴ Gug kulob e nigane en lo naj, Tamol Nanun, tan en lo Anut wagen lo aupasek ka nupasi yau amaiak alon o ...” saen ago ibol man, tamol a njen banin itubabun an irupe, “On masa utur pe onane kapal nanep onsigane na wau.” ²⁵ Agog tamol an naod na imasa itur go, in san kapal isinig, Anut yan yan yabisa dugo, siganen ab lo yau a. ²⁶ Tamolpein fidian durut saian geig go Anut yan yan diabisa ya. Ilod irut dugo tinid in anefuteg igo dubol, “Gamu man kulob senamo geig mok mile ya.”

Jesus Livai iwagi a

Mat 9:9-13; Mak 2:13-17

²⁷ Ago gug Jesus ab an ibiseig yaug, takis nilanal tamol, yan yan Livai, urat ab lo imado dugo ile ya. Agog Jesus irupe, “Nieg aban uri.” ²⁸ Ago tag Livai mel fidian yabidug dien dugo, Jesus njen aban iri a.

²⁹ Livai Jesus njen o soubul tubun ak in san ab lo igane ya. Doup lulunad lo takis nilanal tamol wei kasik agod tamol aenta dam dususag, dida anan diani se ya.

³⁰ An ninjen o Farisi, in Farisi sad kubiaen san girek manau dida Jesus san megeloum naod na dunurnur go dusumianai, “En ata wo an sam girek manau takis nilanal, agod aupasek tamolpein dida sisem anan diani dak i?”

³¹ Ago tag Jesus ru naon irupidaig ibol, “Tamolpein a uyadi ak dokta san na ta diau na wa, tia, tamolpein subam anda yak mi diau a. ³² Man dugo, ηai tamolpein a itaot adi dubol dak ηigiaip dupalu san ninen o ta ηupalu na ya, tia, aupasek tamol adi mi ηigiaia o ηupalu ya.”

*Kagin imug ak, foun ak da
Mat 9:14-17; Mak 2:18-22*

³³ Tamolpein aenta Jesus igo dubol durupe, “Jon san urat pinein nal kadi anaη geg diganep, gudanek mi digane da. Farisi sad megeloum dam ago digane da. Gug oηsa megeloum man diani duluk oη da.”

³⁴ Ago tag Jesus ru faηan en irupidai, “Ak dugo, tamol ta pein iηane dop, turan muroun aenta dupalup, dida dumado dop anaη o waliη igane wak i? Tia geig a. In youd isap, dida ilo uyan lo mi dumado wa. ³⁵ Gug murnap saen idu gup, tamol an dupasi wa. Nal an lo, iη anaη waliη digane wa.”

³⁶ Agog Jesus ru faηan taidam irupidaig ibol, “Tamol ta iη yamel kilaken foun ak ta irasirep ate kulos wagam ak san mutunuk ta iwei na da. Tamol ago igane tap, iη yamel kilaken foun an daoη ipani wa. Taida mi, yamel kilaken foun an iη kulos wagam an ida naod kisaek tia ya. ³⁷ Agod tamol ta iη wain foun ak iηanep, bilelek suηulon wagam ak lo ta iwali na da. In ago igane tap, wain foun an bilelek suηulon wagam an ikafut yaup ipuk pe, ikulmaek, tan na idup, bilelek suηulon dam daoη ipani wa. ³⁸ Wain foun ak tap, bilelek suηulon foun ak lo iwali wa. ³⁹ Agod tamol wain wagam ak iluk dan wain foun ak imoi da. Ago dop ibol a, ‘Wagam en mi uyan a.’ ”

6

*Jesus man ubou nal yaηan Sabat dubol dan san muroun
Mat 12:1-8; Mak 2:23-28*

¹ Ubou nal ta lo Jesus kon san abi ilon lo itor se ya. Ago dugo iηsan megeloum dimatigen, an ninen o iη kon nuηon aenta dufunig banid nam dufufari yau dugo nuηon diani se ya. ² Ak man Farisi aenta dubol, “Enta wo an η urat a Sabat nal lo tigane

san ninen o idsad kubiaen ipadau amaiak agane dak i?”

³ Ago man Jesus ru naon irupidaig igo ibol, “Nag mel e Dawid igane yen ta asuti na ak i? In iηanen turan muroun dida kadag san saen lo anaη o dumat go, ⁴ Dawid Anut san ab lo iladug, bret a Anut naon na didirig dien an isinig, iηanen yu tamol adi dida diani a. Bret an tamolpein fidian lo geg a, nek Anut san pris mi diani wa.” ⁵ Agog irupidai, “Tamol Nanun man iηsen Sabat nal an muroun.”

Jesus Sabat nal lo tamol banin saian ak ikubune ya

Mat 12:9-14; Mak 3:1-6

⁶ Juda sad nal gun Sabat nal taidam lo Jesus ubou ab ta lo iladug, tamolpein Anut san ru ipiteηanai se ya. Tamol ta banin saian ak dam saen an lo imado ya. Banin won ak ikurηak a. ⁷ Kubiaen san girek maηau iη Farisi dida malad ti ibol dugo, Jesus leil dupani se ya. Jesus Sabat nal lo tamol ta ikubune dop dile wo malad digane da, man dugo, dal abanη dilep lo Jesus ru dupani wo ilod ibol se ya. ⁸ Gug Jesus iηsad ilodi an ilon tag, tamol banin saian an irupe, “Oη masap, titiηae mi utur.” Ago tag imasag yang titiηae mi malad lo itur se ya. ⁹ Agog Jesus girek maηau iη Farisi dida isumianai, “Idsad kubiaen dugo ibol i? Id ubou nal lo kagin uyan ak tigane wo? Tia, kagin saian ak tigane wak i? Tamol ta tibinawi wo? Tia, ta daoη tupani wak i?” ¹⁰ Agog Jesus tamol an fidian yil ilubanai ak gug ru naon tia tag, tamol an irupe, “Bani wate.” Tamol an ago iganeg, banin gamu nam uyan ilasa ya.

¹¹ Ak man iη tiηaed tubun mi saian go, enso muruan ta Jesus dupani san ninen nug lo diηiηen se ya.

*Jesus aposel 12 ipilianai a
Mat 10:1-4; Mak 3:13-19*

¹² Murnag nal ta lo Jesus igudani wo did fo yau a. Tidom milaen igudani dugo yang salso idu. ¹³ Tidom lom iηanen megeloum igiaig dupalu ya, agog 12 ipilianaig yaηad aposel* ibol a. ¹⁴ In yaηadi igo iri a: Saimon yaηan neinta Pita ibol, iη tein Andru, Jems

* **6:13:** Yaηak an fun: Anut awan ηanep wau.

in Jon da, Filip in Batolomiu da, ¹⁵ Matyu in Tomas da, Jems, Alfias nanun, Saimon, yan an neinta “Rom sad ager tamol” dubol da, ¹⁶ Judas, Jems nanun, agod Judas Iskeriot. Mitep tamol an Jesus ager banid lo igane wa.

Jesus in tamolpein wei mi ikubuniaig uyadi a

Mat 4:23-25; Mak 3:7-12

¹⁷ Murnag Jesus in san megeloum dida dudug, tan aten fo dutur se ya. Tamolpein wei mi dususag Jesus fun na dutur dubani a. Agog tamolpein malan tubun, Judea provins lo, Jerusalem na, gob sad taun uraru Taia in Saidon da sad lon yan dam dususag dutumani a. ¹⁸ Jesus san ru dulong dop, subam ad da yak dam ikubuniai o dupalu ya. Tamolpein ur saian ad da yan ikubuniai se ya. ¹⁹ Dabai in san na ipalug tamolpein ikubuniaig uyadi an lo, tamolpein wei kasik tinin dusupurip uyad dilasa wo siniren na dupalu se ya.

Bar in muruan da

Mat 5:1-12

²⁰ Jesus in anen megeloum lo leil igane dugo ibol,

“An a mel amam tiag amado dan, bar ananeg amado da.

Man dugo, Anut san kagin panek man ananem mok a.

²¹ An a gamu amatigen dan, bar ananeg amado da.

Man dugo, murnap an luam ipuk a.

An a gamu tina an abi dan, bar ananeg amado da.

Man dugo, murnap an asel a.

²² Saen Tamol Nanun ninen o dilian saian dop,

dukudan dop, kukok am digane dop, ananem yanam saian ago dubol dan ninen o diabianan dan, an bar ananeg amado da.”

²³ “Saen an lo yousai lo asokalik dop ilo uyan am da amado, man dugo, ananem naon a Anut ikubune lag kumaen panu na yen dan man tubun geig a. Nek muruan naon kisaek mi in aned tubud baged profet adi a imug dumado yan dupidinai se ya.”

²⁴ “Gug an filiam am da yan kagin agane wa.

Man dugo, tan en lo mi madok uyan ak anane ya, murnai san tia ya.

²⁵ An gamu luam ipuk dan kagin agane wa. Man dugo, an murnap amatigen geig a.

An gamu asel dan kagin agane wa.

Man dugo, murnap an ilom ipapao dop tina an aru agane wa.

²⁶ An a tamolpein yanam diabisa dan kagin agane wa.

Man dugo, in tubud baged wagam profet sewak adi ninedi wo ago mok digane na ya.”

Ager ilod tupidinai san kagin

Mat 5:38-48; 7:12

²⁷ “An a niasag ru alon dan nai igo nurupaian da. Ananem ager ninedi wo amat a. Ta ilian saian tap, an in ale uyan dop kagin uyan ak mi in o agane wa. ²⁸ Ta imisilanan tap, bar uyan ak mi apani wa. Ta naom ifute tap, in ninen o Anut agudani wa. ²⁹ Ta kudanam igufute tap, abilisap aenta dam ka igufute wa. Ta an sam madid san kulos milaen ak inane tap, adefuni dop siot dam ka inane wa. ³⁰ Ta an sam mel ta wo igod tap, apani. Go ta an sam mel inane tap, mel an ipanan imul o ta agudani na wa. ³¹ Kagin uyan ak an lo digane wo amat dan, ago mi in lo agane wa.”

³² “Ak dugo, tamolpein a on nibe wo ilod dupano dan mi ilo pidinai tap, Anut naon uyan ak ta ipano wak i? Tia geig a. Man dugo, aupasek tamol adi dam kagin nek ago mi digane na ya. ³³ Tia dugo, tamolpein a on dibinawo dak mi binawai tap, an lo dugo won naon ule wak i? Tamol saiadi ak dam ago digane da. ³⁴ Tia dugo, on tamolpein a mel naon dupano wak alon dan mi mel pidinai tap, an lo dugo won naon ule wak i? Tamol saiadi ak dam nug mel dupani dop, naon dam ago mi dinane da. ³⁵ Gidad. Ananem ager ilom ipidinaip, kagin uyan ak mi in lo agane wa. Ta mel apani tap, naon ipanan o ta abol na wa. Ago agane tap, murnap naon tubun ak anane dop, Anut lak na yan nanun mok amado wa. Man dugo, Anut sen tamolpein a ilo uyan ru ta dupani na dan, agod a in sed mi wo ilo sou digane dan dam, ilon ipidinai da. ³⁶ Ago yak ninen o nek ibol Bai

Anut an ilon imuḡananḡ dak ago mi, anḡ dam tamolpein aenta ilom imuḡanai a.”

Aenta abitiniai san kagin

Mat 7:1-6

³⁷ “Onḡ tamolpein aenta bitinaek lo ta giniai na wa, an lo dop Anut dam onḡ bitinaek lo ta iginio na wa. Onḡ muruan ninḡen o tamolpein aenta biai dudu umoi, an lo dop Anut dam ta ibio udu na wa. Tia, inḡsad aupasek ilo inḡaonḡ a, an lo dop Anut dam onḡane aupasek ilon inḡaonḡ a. ³⁸ Tamolpein mel pidinai tap, Anut dam nek ago mi ipano wa. Tubun mi pidinai tap, Anut dam tubun mi ipanop, awan isa wa. Tou sapta a pidinai dan, tou naon kisaek mi ḡane wa.”

³⁹ Agog Jesus ru faḡan en ibol, “Tamol ta malan tia yak, mala tia neinta ka dal ikubiai pani wak i? Tia geig. Urarum gubog lo diau dudu wa. ⁴⁰ Talpein a maḡau inḡane dan, inḡsan girek maḡau ta irinḡani na da. Ak man saen maḡau inḡane itout dop maḡau inḡ lo awan isa man, inḡsan girek maḡau igo ilasap imado wa.”

⁴¹ “Dugo wonḡ go metmet samun ta tei malan lo ule gug onḡsigane mala lo ai lapan yen an ta kubiani na yak i? ⁴² En dugo wonḡ tei rupeip ubol, ‘Gane dop metmet samun an mala lo yak ḡupasi yau,’ dugo onḡsigane mala lo ai an nal fidian mi ago yen di? Onḡ bale uraru ama, imug mi sigane mala lo ai lapan an pasi gup, lo abanḡ ka ule uyanan dop, lo tei malan lo metmet samun an pasi yau a.”

Ai inḡanen nuḡon da sad ru faḡan

Mat 7:16-18; 12:33-35

⁴³ “Ai uyan ak inḡ nuḡon ta ifu saian na da. Nek ago mi ai saian ak dam nuḡon ta ifu uyan na da. ⁴⁴ Ai fidian nuḡod lo mi talonḡ da. An ai uyan dugo an ai saian ak tabol da. Tamolpein ai gurab nuḡon yuk dudurun anda yak fo ta diḡane na da. Wain nuḡon dam ai saian dudurun anda yak fo ta diḡane na da. ⁴⁵ Tamol uyan ak inḡ mel uyan uyan ak tinin ilon lo itumanai an lo kagin uyan uyan ak mi inḡal dop an idirai dilasa wa. Ak man tamol saian ak inḡ mel saiak saiak tinin ilon lo itumanai an lo kagin saian saian ak mi inḡal dop an idirai dilasa wa. Man dugo, kagin saian ak boi,

uyan ak boi, tamol ilon inḡanefute yan inḡanep awan lo ibol ilasa wa.”

Ab bek kankan milaen ak anda, agod ab bek kankan an tia ya

Mat 7:24-27

⁴⁶ “Anḡ ata wo ḡai ninḡeg o ‘O Tubun en, O Tubun en’ abol dugug ḡai awag ta abi na di? ⁴⁷ Tamol enti ḡaisag na ipalug awag ilonḡ go awag kagin ipani dan inḡ fun igo: ⁴⁸ inḡ nek ibol maḡau tamol ab yabi wo dugo bag san gib kuror mi yabig, pat nam bag fun isue sakar ak igo wonḡ a. Agog saen ui tubun ak isi dugo, lom dam idug tim ifureg ab an ifuni bo man, ab an ibili idu san tia ya. Man dugo, ab an pat nam yabi an lo itur sakar a. ⁴⁹ Ak man talpein ru e ḡabol den ilonḡ gug awag kagin ta ipani na dan, inḡ man nek ibol ḡinḡeo tamol igo ya, inḡanen ab yabi wo dugo gib ta yabi nag, lul fufo mi yabi ak igo wonḡ a. Agod saen ui isig lom tubun ak idu dugo tim dam ifureg, ab an ibili idug iratitale yau a. Agod ab an san pitinḡinek man saian geig a.”

7

Rom san yu gurman Jesus ilon lo rumok a

Mat 8:5-13

¹ Jesus ru en tamolpein irupidai itout go, imasag, Kaperniam na yau a. ² Atna Rom san yu gurman ta san urat pinein subam saiak ta inḡaneg imat o sumeik a. Urat pinein an ninḡen o tubun mi imat da. ³ Agog Rom san yu gurman Jesus imado dan ilonḡ tag, inḡ Juda matu gurman aenta idinaig diau a. Jesus durupeip ipalup, inḡanen urat pinein ikubunep uyan o ibol. ⁴ Ago tag inḡ Jesus san na diaug, maeg nam dumosiaig durupeip, “Onḡ mel en gane pani san inḡ idaisuda ya. ⁵ Man dugo, inḡ idsad Juda dar ninḡedi wo imat da, agod maḡsama ubou ab dam isuse panama ya.” ⁶ Ago tag Jesus awad yabig dida diau a.

Diaug ab fun na sumeik dugo Rom yu gurman an turan idinaig, dupalug, inḡ awan aban Jesus durupeip, “O Tubun en, turenḡ ifuno umoi. ḡaisag ab lo ladu san ḡai ta idaisuda na ya. ⁷ Agod onḡsa na ḡupalu san o dam yanḡag tia ya. Ru mi ubol dop lo ḡaisag urat pinein uyan isusa da wa. ⁸ Man dugo, nek onḡse onḡ ḡai dam tamol aenta waged

lo urat njigane da, agod njaisag yu tamol adi paeg na dumado da. Saen naj yu tamol ta 'wau' njabol tap, in yau a. Tia, tamol ta 'palu' njabol dop, in ipalu wa. Tia, njaisag biabi njilanj njurupeip 'en gane' njabol dop, in igane wa."

⁹ Jesus ru an ilon man, irut saian geig a. Agog idansag tamolpein a njen aban diri se yan irupidai, "Rumok geig njurupaian da, tamol ilo rumok naok igo yak ta Isrel ilon lo njile man tia ya."

¹⁰ Agog yu gurman inanen turan dumul go ab lo diau man, urat pinein an uyan isusag imado dugo dile ya.

Jesus pinein imat ak ta ifufunig kumaen imasa ya

¹¹ Murnag Jesus panu ta yanjan Nein dubol dan te yau a. Insan megeloum, agod tamolpein wei mi mok dam dadi diau a.

¹² Panu an san dalawan sumeik dupani dugo, tubabun ta disinig dupalu se ya. Tamol imat an in pein suos ta nanun, nek ago kisaek o lian a. Panu an san tamolpein wei mi dam pein suos an dida dupalu se ya.

¹³ Saen Tubun en pein an ile man, ilon tubun mi imunani tag irupe, "Tata umoi."

¹⁴ Ago dugo Jesus yaug, kapal tubabun anda yan yabi man, tamol kapal disini an dupartuanig dutur. Agog Jesus tubabun an irupe, "Pinein en, naj njurupaio da, on masa!" ¹⁵ Agog tamol imat an fon kumaen imasag fun iganeg inin se ya. Jesus pinein an inaneg tinan ipani a.

¹⁶ Agog tamolpein fidian tubun mi durut go, Anut yanjan diabisag, dubol, "Profet tubun ak ta id lulunad lo ilasa ya." In dubol, "Anut inanen tamolpein yil o ipalu ya." ¹⁷ Kulob e Jesus igane yen san ru Judea ilon lo ifurak go, aben an sad panu panu lo yaug fidian dulon a.

Jon Suguek san Jesus njen o ilon weiwei a

Mat 11:2-19

¹⁸ Jon san megeloum kulob fidian Jesus igane se yan dile tag, Jon san na diaug durupeig ilon a. ¹⁹ Ago man Jon megeloum nunod urarum igiaig irupidai, "Aup, Tubun en igo asumiani wa. Tamol a ipalu san njen o man malama migane dan, on tamol nek amaiak i? Tia, man

tamol sen ta ipalu san njen o mala nouk mumado wak i?"

²⁰ Ru sinek tamol an Jesus san na dilasag Jon wagen lo ago dubol dusumiani, "Tamol a ipalu san njen o man mala nouk mumado dan, on tamol nek amaiak i? Tia, man tamol sen ak ipalu san njen o mala nouk mumado wak i?"

²¹ Saen nek an lo, Jesus subam adi wei mi ikubuniai dugo, a ur saian ad da yak ur saian ikudai diau dugo, a malad itapul ak idiraig fon aban dile se ya. Ago dugo ru sinek tamol adi kulob an fidian dile se ya. ²² Agog Jesus ru naon irupidai, "Amul aup mel dugo ale dugo, ru alon na yan dam Jon arupeip ilon a: malad itau ak afon aban dile dugo, njied saian ak afon turen diabi dugo, a tinid lepra amad da yan tinid sinjakan dilasa ya. Kududod itau ak afon ru dulon dugo, a dumat ak kumaen dumasag dumado dugo, agod tamolpein mel amad tia yak bilalun uyanan ak njufulale pidinai dugo dulon da. ²³ Agod talpein a naj o ilon ta saian na yan, in Anut san bar inane wa."

²⁴ Jon san megeloum dumul diau dugug, Jesus Jon njen o tamolpein irupidai o fun iganeg igo ibol, "Saen an aben kawan talpein tia yak ate au an, an ata mel mok ale wo au ak i? Nag an tim ifurep war iwi yau imul dop ale wo au boi ak i? ²⁵ Tia tap, ata wo au ak i? Nag an tamol ta tinin kulob naon lak na geig ak idiri amaiak ale wo au ak i? Tia, tamol a bioun naok ago yak didiri duman, in kin sad ab lo mi dumado da. ²⁶ Ak njen o ata mel mok ale wo au ak i? Nag profet ale wo boi i? Awo, naj nek amaiak njen o njurupaian da, profet en man rumok in profet a, ak gug in urat subanjan taidam da imado da, ²⁷ tamol nek emaiak njen o girek e Anut san ru lo digire idug yen den, igo ibol,

'Ule, njaisag ru sinek tamol njidinip, on nao na imug pe yau a.

An lo onsa dal ikubune wa.'

²⁸ Naj rumok njurupaian da, tamol a pein tinjaed lo dilasa yan lulunad lo tamol ta kisaek Jon Suguek san irinani man tia ya. Ago bo man, tamol ta Anut san kagin panek aben ilon lo yanjan tiag, aenta fidian paed na imado dan, in Jon Suguek san irinani geig a."

²⁹ (Saen tamolpein kawan ak fidian, agod takis njalan tamol dam, ru a Jesus ibol an dulon man, Anut san dal an mi dal rumok ak ninen o awok dupani a. Man dugo, tamolpein nek an Jon san suguek diñane ya. ³⁰ Gug Farisi in kubiaen san girek manau dadi, dal uyan a Anut ikubiai pidinai an diabiani a. An ninen o suguek an ta diñane na ya.)

³¹ Agog Jesus fon ibol, “Saen en san tamolpein in naok dugo won ak i? ³² In nek ibol nanuk kititik dadeñ aben na dumasig dumado dugo nanuk aenta igo dubol digiai da,

‘Man an atari wo dum muwi se ya,
ak man an ta atari na ya.

Agod mater saen an san bar mabi se ya,
gug an ilom saian dugo atata man
amoi a.’

³³ Man dugo, Jon ipalug anan tubun ak ta yani na dugo, you sakar ak dam ta iluk na ya, an ninen o ago dubol, ‘in ur saiak aman da ya.’ ³⁴ Ago dugo Tamol Nanun dam ipalug anan tubun ak yani dugo you sakar ak dam iluk da, an ninen o ago dubol, ‘Ale wo, tamol en tunalek tamol, agod lukluk san tamol. Ago dugo in mi takis njalan, agod aupasek adi dam sad turadi!’ ³⁵ Ak man, kankan a milaen mok amaiak, inanen kagin naok naok an lo mi tamolpein malad lo man itaot geig an ikubiai pidinai a.”

Jesus Farisi tamol ta san ab lo yau a

³⁶ Farisi ta yan an Saimon dubol dan Jesus ida anan diani wo iwagi tag in san ab lo yaug, anan diani wo dumasi a. ³⁷ Panu an san aupasek pein ta Jesus Farisi dida dumado dan ilon tag guren, butol ta pat sijaokan ak nam digane yak, isinig san na ipalu ya. ³⁸ Pein an ab lo iladug, Jesus patun fo itur go itata dugo, malan turon Jesus njen fo idu se yan, gurman roun nam njen isasi se ya. Njen dam musuk ipanig, guren fo ikulmaek a.

³⁹ Agog Farisi tamol an ile dugo, ilon lo mi ibol, “Tamol en profet ak tap man pein en fun ilon a. Pein en aupasek tinan.”

⁴⁰ Ago dugo Jesus Farisi an irupeig ibol, “Saimon, nai ru ta jurupaio wo da.”

Agog tag Saimon awan yabig ibol, “Girek manau, ubol pe.”

⁴¹ Agog Jesus ibol, “Tamol uraru moni tamol ta san na gubun digane ya. Ta san gubun tinin lo yen dan man 100 kina. Ago dugo ta san gubun 10 kina. ⁴² Murnag moni tamol an insad gubun dupani wo irupidai a, gug uraru an sad gubun dusupasi san ta idaisuda na ya. An ninen o ilon imunanaig sad gubun an ikubuneg itout a. On dugo ilo isou di? Tamol dugon, moni tamol an ninen o, nen tubun mi imat ak i?”

⁴³ Saimon ru naon irupeig, “Nai nabol, enti a insan muruan nen tubun an, nek ama ya.”

Agog Jesus irupeig, “Onane kubianek an itaot a.”

⁴⁴ Agog Jesus idansag, naon pein an ipanig Saimon irupeig, “Dugo, on kulob e pein en igane yen ule yak i? Nai onsa ab lo njiladu gug on you ta panag go lo njieg njifulani man tia ya. Gug in malan turon nam njieg ifulani dugo, gurman roun nam isasi panag a. ⁴⁵ On musuk ta panag man tia ya, ak gug pein en saen nai njiladu yan fun iganeg ipalug njieg musuk ipani se ya.

⁴⁶ On nai gurnag fo guren ta kulmaek na ya. Gug pein en nai njieg fo guren mumalun uyanan ak ikulmaek idu ya. ⁴⁷ Ago yan ninen o nai jurupaio da. Pein en san aupasek wei mi bo man, nai aupasek an fidian njusuas pani la ya, man dugo, nai njieg o tubun mi imat da. Ak man tamol ta insan aupasek wei an tia njusuas pani tap, insan ilo uyan man nai o dam tusan mi a.”

⁴⁸ Agog Jesus pein en irupeig, “Onane aupasek fidian njusuas pano ya.”

⁴⁹ Tamol aenta anan diani wo dumasi an insed nug durupeig dubol, “En dugo, tamol en in mi ibol go, sen ilon nam aupasek ka ipare idu wak i?”

⁵⁰ Gug Jesus pein an irupeig, “Onane ilo rumok patu ipasi a. On maror lo mi wau.”

8

Pein malan ta Jesus njen aban duri se ya

¹ Murnag Jesus panu panu lo, agod taun tubun ak lo Anut san kagin panek san ru ibol ilasa dugo itor se ya. Insan megeloum 12 an dam dida turen diabi se ya. ² Ago dugo pein aenta, inug subam ad da yak, ur saian tinid lo ipasi an dam njen fo dida diau se ya. Lulunad lo Magdala pein ta yan an

Maria. (Inug tinin lo Jesus ur saian 7 ikudai a.)³ Ta man Joana, Kusa iwon. Kusa man King Herod san ab titianek tamol. Ta man Susana. In pein aenta wei mi dam Jesus, inſan megeloum dida inſigned melmel lo dibinawai dugo dutor se ya.

Anaŋ kubulan san ru faŋan

Mat 13:1-9; Mak 4:1-9

⁴ Panu panu tamolpein Jesus san na dupalug, dutumani dugo Jesus ru faŋan en irupidai,⁵ “Saen ta lo tamol ta ai patun isinig abi lo ipae o yau a. In yaug sinanen abi lo man ai patun banin igane anuag tan fufo iratitaleg idu se ya. Saen iratitale man, ai patun aenta dal fufo dudug tamolpein dupalug dupartitale dugo, anakanak dam dupalug diani itout a.⁶ Agog ai patun aenta tan sagargar anda yak fufo idu ya. Saen ai patun an balud isa yak man, ririan dubun a, man dugo, tan an you an tia ya.⁷ Ai patun aenta ud saiak luluŋad lo dudu ya, agog sisem disa diau dugo ud saian an ai uyan ak yafutanai an lo dumat a.⁸ Gug ai patun aenta tan uyan ak lo dudu yan disa uyan go tet mi nuŋod ifu uyan a, sad sutek 100 igo ya.”

Agog Jesus ru an ibol itout man, iwaginŋ go igo ibol, “Tamol oŋ kududo ama da tap, ru an uloŋ uyanan a.”

Jesus ru faŋan lo mi inŋeŋ san fun

Mat 13:10-17; Mak 4:10-12

⁹ Saen Jesus san megeloum ru en fun niŋen o dusumiani man,¹⁰ igo ibol irupidai, “Anut inſan kagin panek aben san melmel imianuk an san maŋau ipanaŋ a. Ak man tamolpein aenta ru faŋan fun tia yak mi duloŋ da. An lo man, ‘In leil digane bo man, ilod ta itarpasi na da.

Agod kududod nam duloŋ bo man, fun mok ta diŋane na da.’ ”

Jesus ru faŋan an fun ifulale ya

Mat 13:18-23; Mak 4:13-20

¹¹ “Ru faŋan en san fun igo ya: anaŋ kubulan man Anut san ru.¹² Anaŋ kubulan dal te idu yan man nek ibol tamol ru duloŋ gug Satan ru bubed lo ipasi dak igo woŋ a. Ago dop ŋai o ilod lo ta rumok na dop lo Anut patud ipasi san tia ya.¹³ Anaŋ

kubulan tan sagargar anda yak fo idu yan man nek ibol tamol ru duloŋ dugo yousai lo ru an diŋaneg ilod lo rumok a. Ak man tamol amaiak nek ibol ai dabid dabai an tia yak igo woŋ, saen katukan mi ilod lo rumok a. Man dugo, kubianek ipalu san saen lo inaned ilo rumok dibisei kisaek oŋ a.¹⁴ Anaŋ kubulan ud saian ak ilon lo dudu yan man nek ibol tamolpein ru rumok an duloŋ pe ilod lo rumok kisaek oŋ dak igo ya. Ak man in tan en san madok niŋen o ilo sou gidigheid mi digane da, agod in melmel wei mi amad da wo dumat da, an lo inſad kagin uraru an Anut san ru in lo yan ituani da. Amaiak niŋen o nuŋod ta ifu na da.¹⁵ Agod anaŋ kubulan tan uyan ak lo idu yan man nek ibol tamol ru duloŋ dugo, in tamol mok san kagin lo ru an diabi dabaig, kagin dupani yaug, gidad saen muruan dile bo man sad kagin an nuŋon ifu da.”

Lam san ru faŋan

Mak 4:21-25

¹⁶ “Tamol ta in lam isulanip, bod boi, tia, sareg boi paen na ta igane na da. Tia, in pempem lak na isuŋanip, tamolpein a diladu dan ka dile wa.¹⁷ Nek ago mi en ata mel imianuk yen dan murnap kuai isi wa. Agod mel a tamolpein naod na dimianig yen dan, kuai te ilasap id fidian tile wa.¹⁸ Ago yak niŋen o ru e aŋ aloŋ den kagin apasi wa. Ata wo? Talpein enti in mel ta da yan, Anut subuŋan taidam ipasi wa. Ak man, enti in tinin lo mel ta tia ya, ak gug gidad in mel anda yak ibol da, ago bo man Anut inſan melmel an fidian banin lo ipasi yaup itout a.”

Jesus tinan in tein da Jesus dile wo diau a

Mat 12:46-50; Mak 3:31-35

¹⁹ Jesus tein muroun in tinad da dile wo diau a. Ak man tamolpein wei kasik go dile san tia ya.²⁰ Ago dugo tamol ta ipalug Jesus irupe, “Oŋ tina in tei murou dida dilio wo dupalu yak ab patun fo dutur da.”

²¹ Agog Jesus awan yabig ibol, “Tamolpein a Anut san ru duloŋ go kagin dupani dan, in ŋai tinag di ŋai teig a.”

Jesus tim tamun da ipidaig dutokubol a

Mat 8:23-27; Mak 4:35-41

²² Nal ta Jesus inſan megeloum dida you saltek ak lo wog fo disida wo dugo irupidai, “Id gamu you aen ate tau a.” Agog wog dusoug diau a. ²³ Agog diyawai dugo dal na Jesus malan iyof go yen a. Agog tim tubun nuŋon ifureg, wog ilon lo you idug, isarir idu wo sumeik dugo, ²⁴ megeloum Jesus san na diaug dufufunig durupe, “Tubun en, id tadeq tau o sumeik da.”

Agog Jesus imasag, tim tamun da ipidai, “Atokabol.” Agog gamu nam malin ibalsi a. ²⁵ Ago dugo Jesus megeloum ipidai, “Ananem ilo rumok dugo i?”

In direr dugo durut saian man sed nug durupe, “Enso tamol ta, tim tamun da awan dulon go dutokubol ak i?”

Jesus tamol ur saian anda yak ikubune ya

Mat 8:28-34; Mak 5:1-20

²⁶ Murnag diyawai go you awan aen ate Gerasin sad tan lo diau a. ²⁷ Jesus wog ibiseig idu yan, tamol ta panu an san ipalu ya, in ur saian anda ya. Saen milaen mok tamol an kulos ta idiri na ya. Agog panu na dam ta imado se na ya. Tia, in tamol disiriai ak sad mutou fom imado se ya. ²⁸ Saen in Jesus ile yan awan tubun mi isasaig Jesus nien fun na yau idug ibol, “Jesus, Anut lak na yak nanun, on mel ta nai lo i? Nai on o namosiai da, madai tubun ak panag umoi!” ²⁹ Jesus gubak mi ur saiak tinin lo ilasa wo ru dabai nam irupe, an nien o ur saiak an ago ibol a. (Saen wei kasik ur saian an yabig tinin itirni se ya. An lo sein nam, agod kam dabai geig nam nien banin dusebanig imado dugo, titianek tamol dam tawan dutur se ya. Ak man saen fidian sein kam dam iburti idug isol go ur saiak ilon ibol dak lo tan yoitout ate yau na ya.)

³⁰ Aria, Jesus tamol an isumiani, “On yan ent?”

Agog irupe, “Nai yanag Wei Kasik” Man dugo, gubak mi ur saiak wei mi tinin ilon lo diladug dumado se ya. ³¹ Agog ur saian adi saen wei mi Jesus dugudanig dubol, “On diramap gib kuror fun tia ak lo madu wo agorupaia umoi.”

³² Aria, ante man bor malan tubun ak wei mi bubun an giranen na dupan di dutor se ya. Ago dugo ur saian adi an bor tinid lo diladu wo Jesus dugudani se ya. Ago man Jesus awok ibol go diau a. ³³ Agog ur saian adi tamol an dibiseig, bor tinid lo diladu ya. Agog bor malan tubun an fidian mi ilod imasa saian go dumaspalu dudug, damab aen te dusokalik man, you awad lo yang dumat a.

³⁴ Bor an sad titianek tamol aban ago dile tag disol go diaug panu tubun ak lo, panu kitiktik lo tamolpein an fidian durupidai se ya. ³⁵ Tamolpein ru dulon go, in dam aban dile wo diau a. Dupalug, Jesus nien fun na tamol imug ur saian anda yan imasig, kulos idirig imado dugo dile ya. In itokubol go, kankan fidian uyan ak lo mi imado dugo dileg, durut saian a. ³⁶ Aenta malad nam aban dile yan, tamolpein naod na Jesus tamol an dugo won ikubune yan dubol se ya. ³⁷ Agog Gerasin tamolpein tubun mi direr tag Jesus imul yau wo dusumiani a. Ago tag Jesus wog lo isudag imul yau o da.

³⁸ Tamol a tinin lo ur saian ikudai an, Jesus ida diau o dabai igane yak man Jesus geg iganeg ibol, ³⁹ “Umul waup, onsigane panu na, Anut ikubunio an nien o ru ubol dop dulon a.” Agog tamol an imul yang, panu ilon lo Jesus in ikubune yak san ru ibol dugo dulon se ya.

Kubakan ta imat ak in pein ta subam anda yak da

Mat 9:18-26; Mak 5:21-43

⁴⁰ Saen Jesus imul man, tamolpein malan tubun you aen ate malan digane yan duyunan a. ⁴¹ Ago dugo tamol ta yan an Jairas ipalu ya. In ubou ab san gurman ta. In nanun pein kisaek o lian, san ananar 12 an imat o sumeik ak nien o, in Jesus nien fun na yau idug, ida inſan ab lo diau wo isumiani a.

⁴² Jesus yau dugo tamolpein dupalug dubuluwi nuŋon. ⁴³ Lulunad lo pein ta ananar 12 siganen dar tinin ilon lo yak ilasa se ya. Inſan moni samukan fidian dokta tinid lo ibisei gug ta kisaek pein en ikubuneg uyan man tia geig a. ⁴⁴ Doup lulunad lo mi Jesus patun fo ipalug san kulos bitijen te isupuri a. Agog gamu nam

dar an igos a. ⁴⁵ Ago tag Jesus isumianaig ibol, “Enti ñai isupurag ak i?”

Fidian tia dubol go Pita ibol, “Tubun en, tamolpein wei kasik dubuluwo dugo tinid nam on dupuno da!”

⁴⁶ Ak man Jesus ibol, “Talpein ta isupurag a, man dugo, ñaineg dabai aenta ibisawag dugo ñai tinig lo ñukubiani a.”

⁴⁷ Pein an kuai tem ilon go, imunamuk pe imado san tia ya. Agog tubun mi isuruwor dugo, ipalug Jesus ñien fun na isaluwi idug, tamolpein malad lo fun dugog Jesus isupurig, inñsan subam an itout an ibol a. ⁴⁸ Agog Jesus irupe, “O nanug pein, onñsigane ilo rumok ñai lo yan ikubunio ya. Maror lo wau.”

⁴⁹ Jesus ago ibol dugo, tamol ta Jairas san ab lo yak ipalug, Jairas igo irupe, “On nanu pein imat la ya. Gidad on girek manau muruan taidam ta pani na wa. Ak niñen o ulefuni dop yau a.”

⁵⁰ Jesus ago ilon tag Jairas irupe, “Urut umoi. Ilo lo rumok dop, nanu pein fon kumaen ilasa da wa.”

⁵¹ Saen ab lo ilasa yan Jesus tamolpein aenta ab lo diladu man imoi. In Pita, Jon, Jems agod nanuk tinan taman mi dida diladu ya. ⁵² Tamolpein fidian ab lo yan nanuk niñen o ilod saian dugo tinan aru digane se ya. Agog Jesus irupidai, “Atata amoi. Nanuk en ta imat pasi na ya. In ñion yabi da.”

⁵³ Ago ibol dugo disel go awan kukokan digane se ya. Man dugo, in dulon, nanuk an imat mok a. ⁵⁴ Gug Jesus nanuk banin te yabig ibol, “O nanug, masa!” ⁵⁵ Agog nanuk anen kumaen san ur imul ipalug fon kumaen imasa kisaek on a. Agog Jesus ibol dugo anan dupani a. ⁵⁶ Nanuk tinan taman kulob ago dileg, durut saian geig a. Ak man Jesus kudod yabig ibol, “Kulob ale yan tamolpein aenta naod na ta mok abol na wa.”

9

*Jesus megeloum 12 idinaig bilalun diau a
Mat 10:1-15; Mak 6:7-13*

¹ Jesus inñsan megeloum 12 an itumanaig, ur saian dukudai dop subam dukubiniai san dabai ipidinai a. ² Agog idinaig diaup, Anut san kagin panek niñen o dubol

ilasa dop subam adi dukubiniai o ibol a. ³ Ago dugo Jesus irupidai, “An turen an lo, makud, badam, ñion san bioun, anan, agod moni ta mok asini na wa. Siot subun dam ta asini na wa. ⁴ Ab dugon lo digian tap, nek ante mi amado nap panu an abisei a. ⁵ Panu ta lo tamolpein an o ta dumat na tap, panu an abisei wo dop, ñiem san gufgaf apilti pidinai a. Agop lo dulon ak, in Anut san kagin panek dumoi a.” ⁶ Agog megeloum diaug, panu panu bilalun uyan ak dubol ilasa dugo, subam adi dam dukubiniai se ya.

*Herod isumiaen, Jesus in enti mok?
Mat 14:1-2; Mak 6:14-16*

⁷ Herod Galili provins san gurman tubun an melmel fidian ilasa na yan ilon go ilon weiwei geig a. Man dugo, tamolpein aenta dubol, “Jon suguek san in fon kumaen imasa da ya.” ⁸ Aenta dubol, “Elaija boi, tia, profet wagam san ta fon kumaen imasa boi.” ⁹ Ago gug Herod ibol, “Ñai Jon buron ñitarti a. Ak gug tamol e melmel emaiak iganeg ru an ñalon den, in enti?” Ago dugo in Jesus ile wo yaes tubun mi ifuni se ya.

*Jesus tamolpein 5,000 ifutuwai a
2Kin 4:42-44; Mat 14:13-21; Mak 6:30-44; Jon 6:1-13*

¹⁰ Inanen megeloum dumul dupalug Jesus naon na melmel fidian digane yan dubol idu ya. Agog megeloum an injal go pasak nam panu ta yan Betsaida dubol dan ate diau a. ¹¹ Ak man tamolpein malan tubun mi Jesus dugo yau wo igane dan dulon tag, ñien aban duri se ya. Ago tag igiaig dupalug, Anut san kagin panek ru ifulale pidinai dugo, aenta subam ad da yan ikubuniai se ya.

¹² Gurai idu dugo megeloum 12 Jesus san na diaug, durupe, “On tamolpein dinaip, panu susumeik an lo, gidigidad diaup, sed niñedi wo anan o, ñion aben o aban dile wa. Man dugo, aben en yoitout a.”

¹³ Ak man Jesus ru naon irupidai, “Ansem ka afutuwai a.”

Ago tag durupe, “Man anan tia ya. En iy uraru, agod bret kafen mi dien da. Dugo, man maup, doup tubun en niñedi wo anan taida madad o?” ¹⁴ (Doup tubun dumado yan tamol kitek faiv tausen igo won a.)

Agog Jesus megeloum irupidai, “Tamolpein arupidaip, nuṇod fifti malan kisaek kisaek lo mi dumado wa.”

¹⁵ Agog megeloum adi Jesus ibol ago diganeg, tamolpein durupidai dugo dumasi a. ¹⁶ Agog Jesus iy uraru, bret kafen an iṇaneg, malan lak na isudag, Anut ilo uyan ipani gug bret yafuteg, megeloum ipidinaig duwae se ya. ¹⁷ Tamolpein fidian bret iy da dianig, luad ipuk go megeloum anan wadan dutumanig sareg 12 digane anuai a.

Pita, Jesus in Kristus an kuai te ibol a
Mat 16:13-20; Mak 8:27-30

¹⁸ Nal ta Jesus sen kisaek igudanig imado dugo, iṇanen megeloum dam susumeik dumado dugo isumianai, “Tamolpein ṇai o enti dubol dak i?”

¹⁹ Agog ru naon durupeig dubol, “Aenta on suguek tamol Jon dubol da. Aenta dubol, on Elaija boi, tia, profet aenta wagam mi dumat na yan ta fon kumaen imasa ago dubol da.”

²⁰ Ago dugo megeloum isumianai, “Gug ansem mi ṇai enti mok abol di?” Agog Pita ru naon igo irupe, “On Anut anen Kristus.”

Jesus murnap imat gup imasa da wak niṇen o ibol a

Mat 16:21-28; Mak 8:31–9:1

²¹ Agog Jesus megeloum kududod yabig, ru dabal nam irupidaig ibol, “Tamolpein gidigheid naod na ru an ta abol na wa.”

²² Ru awan ibateg ibol, “Tamol Nanun muruan tubun ak wei mi ile wa. Pris gurman adi, Isrel matu gurman dida, agod kubiaen san girek manau dam patud dupanip dile saian a. Agog dufuni imat a. Nal utol gib lo yen gup, fon kumaen imasa da wa.”

²³ Agog fidian irupidai, “Ta in ṇai iganurag o tap, inṇiganen ilo ibol patun ipanip, dal fidian lo siganen aigim isinip, ṇieg aban iri wa. ²⁴ Ta inṇinan tinin mi kagin ipani dan, ideg yau a. Gug ta ṇai niṇeg o siganen madok tan en lo yan ibisei dan, patu pasek inane wa. ²⁵ Talpein ta tan en san madok lo malan imug dop, an lo tan en san filian fidian an san muroun ilasa wak gug, ṇutun ideg yau, tia, daon inane tap, an dugo won, sen niṇen o nuṇon uyan ak igane ilasa wak i? Man tia geig a. ²⁶ Tamol Nanun inṇsan lilaman lo, Bai san lilaman lo, enel gun

adi sad lilaman lo ipalu wa. Ta in ṇaisag ru yanag da o miai ifuni tap, saen Tamol Nanun imul dop, in dam tamol an niṇen o miai ifuni wa. ²⁷ ṇai rumok ṇurupaian da. Gamu an aenta e atur den gamugo amat dop, Anut san kagin panek ale wa.”

Jesus naon tinin ibilisa ya

Mat 17:1-8; Mak 9:2-8

²⁸ Jesus ru an ibol go nal 8 yau dugo Pita, Jon, Jems ago inṇal go did fo igudani wo dusuda ya. ²⁹ Jesus igudani dugo naon ibilisag, inṇsan kulos dam ibilisag milkouk kasik. ³⁰⁻³¹ Ago dugo tamol uraru girager amad da dilasa ya. Tamol uraru an man Moses in Elaija da ya. Jesus mitep mateṇ a Anut ilon yen dan lo Jerusalem na ile wan niṇen o, Moses in Elaija da Jesus dida dinṇen se ya. ³² Pita turan muroun dida malad muruan se ya, ak gug malad ipuk go dumado dugo Jesus girager anda dile ya. Agod tamol uraru dam dutur dugo dil a. ³³ Moses in Elaija da fun diganeg diau dugo, Pita kankan an tia igo ibol, “Tubun en, uyanan geig a. Man lalai utol mabi wa. Onane kisaek. Elaija an kisaek. Agod Moses an kisaek.”

³⁴ Ago ibol dugo timtaen ipalug, yafutanai dugo megeloum utol an direr saian mok a. ³⁵ Agog awan ta timtaen lo iwagin go ibol, “En ṇaineg nanug, ṇaineg Pilianek Tamol. Awan alon a.” ³⁶ Saen awan itau man Jesus sen kisaek itur dugo dile ya. Saen an megeloum aban ago dile yan tamolpein naod na ta dubol na ya. Tia, inṇsed ilod lo mi dutueg yen a.

Jesus pinein ta tinin lo ur saian ikudig yau a

Mat 17:14-20; Mak 9:14-29

³⁷ Murnag did dibiseig dudu dugo, tamolpein malan tubun ak ante dumado yan Jesus dile dugo san na dupalu ya. ³⁸ Doupan luluṇad lo tamol ta iwagin go ibol, “Girek manau, ṇaineg nanug e ule den niṇen o ilo isou. ṇai nanug en igo kisaek o lian a. ³⁹ Ur saian ta pempem yabi dop isasai da. Iganep bururau ifuni dop subulbal awan lo ilasa da. Nek ago mi pempem madai ipani dugo, daon dam ipani da. ⁴⁰ Onsa megeloum ur saian an dukudi wo ṇusumianai gug in digane san tia ya.”

⁴¹ Jesus ru naon irupeig ibol, “O an saen en san tamolpein, an ilo rumok amam tia ya, agod an ilom gidigheid amado da. Nal sapta naj an da tumado wak i? Nal sapta muruan a apanag on dan nisini wak i? Nanuk an igo anane apalu.”

⁴² Nanuk ipalu dugo ur saian an nanuk itarfuni ibili idug, idududuruk dugo yen se ya. Gug Jesus ur saian an naon ifute ipeig pinein an ikubune ya. Agog pinein an inane taman ipani a. ⁴³ Tamolpein fidian Anut san dabai an dileg, durut saian a.

Jesus afon inanen materj njen o ibol a
Mat 17:22-23; Mak 9:30-32

Saen tamolpein an Jesus kulob fidian e igane yen njen o ilod weiwei man, Jesus insan megeloum igo irupidai, ⁴⁴ “Ru en alon dop ilom isou uyanan. Tamol Nanun ager adi banid lo digane wa.” ⁴⁵ Ak man megeloum ru an fun ta dulon na ya. Anut ru an fun mok imiani a, agod dulon san tia ya. Taida mi, megeloum adi Jesus njen en isafulale pidinai o dusumiani san man direr a.

Enti in tubun a
Mat 18:1-5; Mak 9:33-40

⁴⁶ Megeloum insed mi nug dupeig dubol, “Id luluḡad lo enti malan te yak i?” ⁴⁷ Jesus insad kankan ilon go nanuk nanun ta inane giranen na igunig ⁴⁸ megeloum irupidai, “Talpein enti naj yanag lo nanuk igo yan inane wo iyanani tap, naj dam injiliag o iyananag da. Agod talpein a naj injiliag dan, Enti a naj idinag go nupalu yan dam inane da. Man dugo, talpein a an luluḡam lo sen yabi idup murna geig an, in mi malan te ya.”

⁴⁹ Jon Jesus irupeig, “Tubun en, man tamol ta on yan lo ur saian ikudai dugo mile ya. Tamol an mansama tia ya, an njen o imoi o murupeig a.”

⁵⁰ Agog Jesus irupeig, “Ago igane dop apadau amoi. Man dugo, ta ansam ager tia yan in idsad urat kisaek a.”

Sameria aenta Jesus dumoi a

⁵¹ Jesus Anut san panu lo yau san saen sumeik dugo, in naon Jerusalem na ipanig turen yabi se ya. In ru sinek tamol aenta idinaig dumug go ⁵² Sameria na panu ta lo

dumado san aben dukubune dop ipalu wo diau a. ⁵³ Panu ta lo diladu yak gug, tamolpein panu an san dijilii o dumoi. Man dugo, tamolpein dulon ak, Jesus Jerusalem na yau da. ⁵⁴ Saen Jems in Jon da aban ago dile tag Jesus durupeig, “Tubun en, ubol tap, mabol dop keit lo yai idup, panu en imarip inani yau a.” ⁵⁵ Ak man Jesus idansag ru dabai nam ipidai a. ⁵⁶ Ago tag panu sen ta lo diau a.

Jesus njen aban diri san muruan
Mat 8:19-22

⁵⁷ Dal na diau dugo, tamol ta Jesus irupeig, “On dugo wau dan naj dam ante tau a.”

⁵⁸ Ago tag Jesus ru naon irupeig, “Goun kasik in gib ad da ya. Anakanak in wur ad da ya. Gug Tamol Nanun man, in kabunan igansip yaes ibal san aben tia ya.”

⁵⁹ Agog Jesus tamol sen ak ta irupeig, “Nieg aban uri.”

Gug tamol an ibol, “Tubun en, umoi dop naupt, tamag nisare gup.”

⁶⁰ Ago tag Jesus ru naon irupeig ibol, “Tamolpein a insed ntudi lo dumat la yan bisawai dop, insigane tubabun an ka disiriai idu wa. On waupt, Anut san kagin panek njen tamolpein naod na ubol ilasa dop dulon a.”

⁶¹ Agog tamol taidam irupeig, “Tubun en, naj dam nie aban niri wa. Ak man umoi dop, naupt, tinag tamag teig taog banid nabi gup.”

⁶² Ago tag Jesus tamol an irupeig, “Tamol ta urat igane dugo pempem patun na idansa idanla won dan, in Anut san kagin panek san urat igane san ta idaisuda na ya.”

10

Jesus urat tamol 72 ipilianaig diau a

¹ Murnag Jesus urat tamol 72, panu panu lo diau o nunod uraru uraru ipilianaig, dumug diau se ya. ² In gamugo turen diabi dugo, ru kagin igo ibol irupidai, “Anan nunon tubun mok ifu a. Gug urat tamol wei an tia ya. Ak njen o abi taman aguduani dop urat tamol taidam idinaip an da aup, anan nunon atumani wa. ³ Ago yak njen o au. Gamu njidinan den man nek ibol sipsip nanudi goun kasik ak luluḡad lo diau dak

igo won a. ⁴ Moni, badam, sendal ta asini na wa. Saen dal ari dan lo, enti ta naom na ilasa dop an pasak ta agane na wa.”

⁵ “Ab ta ilon lo aladu wo dop, abol, ‘Maror am da amado.’ ⁶ Tamol maror san ak imado tap, anjanem maror in lo yen a. Tia tap, anjanem maror imul pe muroum sam na ipalu wa. ⁷ Ab dugon lo aladu dan, nek ante mi amado wa. Anan you dupanan dop ani aluk a. Man ata wo, urat tamol man inaned naon dijane san idaisuda ya. Ab sensen lo ta au na wa.

⁸ “Agod panu ta ilo uyan lo mi dijilian tap, anan digane panan dan ani wa. ⁹ In sad subam adi akubunia dop, panu an san tamolpein dam arupidai, ‘Anut san kagin panek sumeik ipanan la ya.’ ¹⁰ Gug panu ta ate alasap, in an lo uyan tia tap, panu titijaem mi alasap, abol, ¹¹ ‘Anjanem panu san gufgaf niema fo isuda yen, gamu muroum sam na mipitili idu da. Alon ak, Anut san kagin panek sumeik ipanan la yak man an amoi da.’ ¹² Nai nurupaian da, murnap nal wadan lo dop, rumok, Sodom adi fon mi muruan tubun mi dile wa. Gug muruan a panu an san tamolpein murnap dile wan, Sodom sad muruan an irinani geig a.”

Jesus panu aenta sad tamolpein ilod lo ta rumok na yan ru lo ibiai dudu ya

Mat 11:20-24

¹³ “O Korasin san tamolpein, muruan tubun geig ale wa; O Betsaida san tamolpein, an dam muruan tubun geig ale wa. Man dugo, kulob girager a nai an lulanam lo njigane dan, wagam Tair in Saidon da lulanad lo njigane tap, taun an san tamolpein wagam mi ilod ibilisa wa. Ago dop mugun san kulos didirip, yai san utut fo dumasip dumado wa. ¹⁴ Ago man saen Anut san bitinaek san nal ipalu wan lo, an sam aupasek naon Anut ipanan an senamo geig a. Muruan an Tair in Saidon da sad muruan an irinani geig a. ¹⁵ Agod an Kaperniam tamolpein, sem yanam abisap keit lo isuda wak i? Tia mok, Anut in sen injilian pe au adup tan ilon lo aben yan an Ades dubol dan lo idiran pe amado wa.”

¹⁶ Agog Jesus in san urat tamol 72 fon irupidai, “Ta an awam ilon dan, nai dam

awag ilon da. Go ta an imoi dan, nai dam imoi a. Go ta nai imoi dan, Enti a nai idinag go npalu yan dam imoi a.” Agog diau a.

Anut inanen mel imianuk fidian tamol yanad tia yan ikubiai pidinai a

¹⁷ Murnag tamol 72 an Jesus san na dumul dupalug, uyad isusag dubol, “Tubun en. Nek ur saiak saiak on yan mupate dan lo awama paen na dumado dugo awama diabi da!”

¹⁸ Agog Jesus ru naon irupidai, “Nai gubak mi Satan nile dugo, nek ibol lak na weil irafule yak igo won, keit ibiseig idu ya. ¹⁹ Alon, nai an dabai nupan an la ya. Ak ninen o an mot, lualiu da ka aparfufarai a. Anjanem ager Satan san dabai fidian an ka abi idu wa, agod mel ta malam issue san tia ya. ²⁰ Gug an ur saian saian awam diabi dan ninen o ta uyam isusa na wa. Tia. Anut anjanem yanam kumaen panu na igireg yen dan mi ninen o uyam isusa wa.”

Jesus youn isag Anut per ipani a
Mat 11:25-27; 13:16-17

²¹ Saen an lo Jesus Urgun lo ilon imasag yousai tubun geig ak lo Anut irupe, “O Bai, tan keit da sad Tubun a, nai ilo uyan ru nupano da. Man dugo, mel en fidian tamolpein a kankan ad milaen an, agod a dulon dubol dan dam, minami pidinai a. Ak man on mel an fidian tamol a yanad tia yan kubiai pidinai a. O Bai, awo, ago gane san an onane ilo, an ninen o nai youg isa dugo ilo uyan nupano da.”

²² “Nai Tamag iginiag go mel fidian sad tamad nilasag numado da. Tamol ta in Anut Nanun ta ilon na ya, nek Taman in sen mi a. Agod tamol ta in nai Tamag ta ilon na ya, nek naiseg mi, agod tamol nek amaiak Nanun in sinan ilobol lo mi Taman ikubiai pani wa.”

²³ Agog Jesus idan sag, megeloum pasak nam irupidaig ibol, “Mel gamu ale dan ninen o ilom uyan. ²⁴ Man dugo, profet adi agod kin adi wei kasik, mel e gamu an ale den dile wo mok dumat se ya, ak man in ta dile na ya. Agod ru e gamu an alon den dulon o mok dumat se ya, ak man ta dulon na ya.”

*Sameria tamol inanen ager ibinawi a
Luk 18:18-30*

²⁵ Kubiaen san girek manau ta imasag Jesus ibitinae wo isumiani, “Girek manau, naj dugo niganep kumaen njane wak i?”

²⁶ Ago tag Jesus isumianig ibol, “Moses san kubiaen lo dugo digire yak i? Ata ru suti ak i?”

²⁷ In ru naon igo irupej, “On gidad Tubun en onane Anut ninen o umat a, on bube fidian lo, nutu fidian lo, onane ilo sou fidian lo, agod onane dabai fidian lo ago gane wa. Agod, nek onse nje wo umat dak ago mi tamolpein aenta dam ninedi wo umat a.”

²⁸ Agog Jesus tamol an irupej, “Onane ru naon itaot a. Nek ago mi gane tap, kumaen pempem san nane wa.”

²⁹ Ak man kubiaen san girek manau an, tamolpein aenta malad lo inanen nao lalek an uyanan ilasa wo ilon ibol a. Ago yan ninen o in Jesus igo isumiani, “Tamol ninen ubol an enti mok i?”

³⁰ Ago tag Jesus ru naon igo irupeig ibol, “Tamol ta in Jerusalem ibiseig Jeriko na yau dugo dal na gumagam tamol adi diabi a. Agog biouj tinin fo yan dirasireg digam go, dufunig imat go tubabun yen dugo diau a. ³¹ Saen nek an lo pris ta dal an mi irig ipalu ya. Saen ipalu man tamol an imat go tubabun dal te yen dugo ile tag, dal gigin irig irinanjig yau a. ³² Livai san gugoi lo tamol taidam ipalug tamol an dal na yen dugo ile man, in dam dal senamo inane yau a. ³³ Agog Sameria tamol ta dal an inane yau nag tamol an ile, ago man ilon tubun mi imuani a. ³⁴ Ago tag wain in guren da marasin on inane nam tinin baob ifulanig ifou. Agog tamol an insiganen donki fo igane isudag, inane lou ab ta lo diaug kaginan igane ya. ³⁵ Tidom lom mig kina uraru ab an san titianek tamol ipani dugo irupej, ‘Kaginan gane. Murnap namul dop, melmel sapita in tinin lo bisei an naon naj on njupano wa.’ ”

³⁶ “On dugo ubol di? Tamol utol an lunjad lo enti inanen turan o imat ak i?”

³⁷ Ago tag kubiaen san girek manau an ibol, “Tamol a ilon imuani ama ya.”

Ago dugo Jesus irupeig ibol, “On dam waup, nek ago mi gane wa.”

Jesus Marta in Maria da sad na yau a

³⁸ Jesus inanen megeloum dida diaug panu ta ate dilasa ya. Atna pein ta yanjan Marta dubol dan Jesus iwagig insan ab lo diau a. ³⁹ Marta tein ta yanjan Maria, in Tubun en njen fun na imasig imado dugo, insan ru ibol dugo ilon se ya. ⁴⁰ Ago dugo Marta mi sen kisaek ananj biabi an iganeg yaug, ilon saian tag ipalug Jesus irupeig ibol, “Tubun en. Naj teig en ibisawag go seg mi urat en fidian njigane dan ninen dugo kankan gane dak i? Peip, ibunawag.”

⁴¹ Ago man Tubun en ru naon irupej, “O Marta! On mel wei mi ninedi wo ilo weiwei dugo ilo muruan da. ⁴² Gug on mel kisaek malan te yak ninen o kankan ta gane na da. Maria mel an ipilianig inane ya. Talpein ta mel an banin lo ipasi san tia ya.”

11

Jesus megeloum gadin digane wo ipitenjanai a

Mat 6:9-13; 7:7-11

¹ Saen ta Jesus aben ta lo iguduanig itout an megeloum ta ipalug isumiani, “Tubun en, Jon insan megeloum gudanek ipitenjanai ak ago mi man dam pitenjanama.”

² Ago tag Jesus irupidaig ibol, “An agudani wo tap, igo agod a:

‘Mananema Bai, onane yan gun.

Onane kagin panek ipalu.

³ Nal anek anek san ananj panama.

⁴ Mananema aupasek ilo inanj.

Man dugo, aupasek a aenta man lo digane dan iloma inanj da.

Bitinaek lo naoma ta urae na wa.’ ”

⁵ Agog Jesus gudanek ipitenjanai yaug, ru mitilaen en irupidai, “Gamut tura ta san ab lo waup, tidom lak dalawan tutip, ananj ta ipano wo gudanip ubol. ⁶ ‘Turag ta gamu nam naisag na ipalu yak man naj ananj amag tia ya.’

⁷ “Ago dop tura ab ilon lo ru naon irupaio, ‘Njon saen go maen dak ninen o lein panama umoi. Dalawan itau a, pein nanuk fidian dien la ya. Naj numasap mel ta njupano san tia ya.’ ⁸ Gug naj njurupaian da, gidad, onsa tura bo man ananj ta ipano na wa. Gug on gidad miai ifuno bo man maeg ganep

sumiani on tap, melmel fidian ninen o ilobol dan ipano wa.”

⁹ “Ago yak ninen naji nurupaian da: Agudani dop, ipanan a. Aban abi dop, ale wa. Dalawan atuti dop, ipasi panan a. ¹⁰ Fidian dugudani dan dinane wa. Ta aban yabi dan ile wa. Ta dalawan ituti dan Anut ipasi pani wa.”

¹¹ “Dugo, an nanuk tamadi, nanum ta iy o igod dop, aben lo mot apani di? ¹² Tia. Kurek patun o ibol dop lualiu apani di? An dam tia ya. ¹³ An bo saiami a, ak gug nanum melmel ninedi wo dugod tap, mel uyan ak apidinai da. Nek ago mi Bai Anut dam tamol enti Urgun inane wo igod tap ipani wa.”

Tamolpein Jesus Belsebul san dabai lo urat igane dak ago dubol a

Mat 12:22-30; Mak 3:22-27

¹⁴ Nal ta Jesus tamol ta, ur saiak igane awan itau ak tinin lo ikudi a. Agog tamol an awan ipuk go ininjan a. Ago man tamolpein wei mi ate dutur dan fidian durut saian a. ¹⁵ Ak man aenta dubol, “Ur sisaiak sad gurman yanjan Belsebul tabol damaiak san dabai lo mi in ur sisaiak ikudai diau da.” ¹⁶ Ago dugo aenta Jesus naon dukubiani wo kulob girager ta igane dop, dile wo dusumiani. An lo dop dulon ak, Anut sen idinig ipalu ya.

¹⁷ Gug Jesus insad ilod ilon la yak ninen o irupidai, “Panu ta nug ditarpalep malan uraru dilasap, insed ilod lo mi nug dufuni tap, in saen milaen ta dumado na wa. Gugoi ta ditarpalep sensen dutur o digane tap, insad gugoi an yau idu wa. ¹⁸ Ago yak ninen o Satan insen lo tarpalek igane dop, dugo won pe insan kagin panek aben an dabai yen yau ak i? Naj an nabol dan man fun, naj Belsebul dabai ipanag ak lo ur sisaiak nukudai diau dak abol da. ¹⁹ Gug an rumok tap, ansiganem megeloum adi, enti san dabai nam ur saiak dukudai diau dak i? Fun amaiak ninen o ansiganem megeloum insed mi, saen Anut san bitinaek nal ilasa dop, kubianek tamol on dilasap bitinaek lo didiran a. ²⁰ Ak man naj Anut banin nam ur sisaiak nukudai diau dak ago tap, an gidad alon uyanan a, Anut san kagin panek an sinjirem na ipalu la ya.”

²¹ “Tamol ta dabai ak ager san bioun tinin fo idirip ate inanen ab melmel da kagin ipidinai tap, inanen melmel an fidian itaot mi dien a. ²² Gug tamol ta nen dabai ak ipalup, yu in lo iganep itout tap, insan ager san bioun bioun a ate inanen tini gane igane se yan fidian igam pe isini yau a, agop insan furan fidian dam inane iwae yau a.

²³ “Talpein enti in naj ta iganurag na dan, in patun ipanag da. Agod talpein a naj da sisem anan mutumani san urat ta migane na dan, naisag urat iratitale da.”

Ur saiak dukudig yau an imul ipalu ya
Mat 12:43-45

²⁴ “Saen ur saiak ta tamol tinin lo yak dukudip yau tap, aben igosan ak ate gidigid ila iso wa. Ante aben ta yaes ibal san ile wo aban yabi wa, ak man aben an ta ile na wa. Ago dop ilon lo ibol, ‘Nai gidad namul pe ab gubak mi ate numado amaiak lo nau a.’ ²⁵ In imasap yau ak man, ab an kawan di ilon dam diriani dugo mel fidian dukubuneg itaot dien dan ile wa. ²⁶ Amaiak ninen o in imul yaup, ur saiadi geig ak 7 taidam inal a. Ur an kulob sisaiak digane san man in dirinani geig a. In sisem ab an lo diladup dumado wa. Gubak mi tamol an san madok saian a, ak man gamu gup san madok saian geig a.”

²⁷ Jesus ru ago ibol dugo, pein ta tamolpein lulunad lo imasag iwagin go ibol, “Pein a iginiosig su ipano yan bar inane imado da.”

²⁸ Gug Jesus awan yabig ibol, “Tia. Enti Anut san ru ilon dugo kagin ipani dan mi bar inane imado da.”

Tamolpein kulob girager dile wo dusumiani a

Mat 12:38-42

²⁹ Tamolpein wei mi dususa se ya, ago dugo Jesus irupidai, “Saen gamu en san tamolpein man saiadi geig. In kulob girager ta kob igo won dile wo dusumianag da. Ak man Anut kulob girager ta tamolpein an ta ipidinai na wa, nek kob kisaek an mi ka dile wa, kob an man profet Jona san a. ³⁰ Man dugo, nek ibol Ninive adi malad lo Jona kob on ilasag imado yak igo won, naisag tamolpein saen en san inane

malan lo kob naon nek ago njasap njasado wa. ³¹ Kwin a saut lo ilasa yan man, an gamu saen en san tamolpein dida Anut san bitinaek nal lo sisem amasap, kot lo atur a. Ago dop kwin an an ninemi wo ru ibol ilasa dop boum ipanaj a. Man ata wo? Kwin an in tan asau mok imado bo man, Solomon san kankan milaen amaiak ibol ilasa dop ilon o ipalu ya. Ago yak gug tamol ta dam in ente imado da, tamol an man Solomon irinani geig a. ³² Ninive san tamolpein man an gamu saen en san tamolpein dida Anut san bitinaek nal lo sisem amasap, kot lo atur a. Ago dop Ninive adi an ninemi wo ru dubol ilasa dop boum dupanaj a. Man ata wo? Ninive adi Jona san ru ibol ilasa yan dulong go an lo ilod ibilisa ya; ak man tamol ta in Jona irinani geig an gamu imado da.

Tinid san lilaman
Mat 5:14-16; 6:22-23

³³ Tamol ta in lam ibanip ta imianip yen na da. Agod sareg paen na ta iganep yen na da. Tia, in kuai te isujanip iyuk yen da. Ago dop tamolpein a ab lo diladu dan lilaman dile wa. ³⁴ Onane mala man tini san lilaman. Saen onane mala uyan tap, tini fidian geig an ilalan da awan isa wa. Ak man saen on mala saian tap, tini fidian geig an tidom tubun da awan isa wa. ³⁵ Ago yak ninen o kagin agane. Kabelan lilaman a on lo yan tidom tubun on banau. ³⁶ Amaiak ninen o ananem tinim fidian an ilalan dugo gigin ta lo tidom tubun ta yen na tap, aria, lilaman a an lo yen dan awan isa wa, nek ibol lam ided dan on tini fidian ilalan da.”

Misilanek ru siks
Mat 23:1-36; Mak 12:38-40

³⁷ Saen Jesus ininon go itout an Farisi ta iwagig insan ab lo anan diani wo diau a. ³⁸ Jesus Juda kagin irinanj, banin ta ifulani na dugo anan diani wo dumasi a. Farisi an Jesus ago ileg, irut saian. ³⁹ Ago tag Tubun en Farisi an irupe, “An Farisi man gab daeg da tinid patud fo yak mi afulanai da. Gug ilom lo man mala sek, agod kagin saiak saiak mi awan isa ya. ⁴⁰ An Farisi nino tinami. Anut tinim igane dugo ilom dam igane ya. An lo ata wo ilom ta akubune na daki? ⁴¹ Melmel a ansam gab daeg lo yan bigabeg adi apidinaip lo sed

ibunawai tap, an tinim fidian Anut malan lo ikokan imado wa.”

⁴² “O Farisi, muruan tubun geig ak ale wa! Man dugo, ananem abi san anan melmel kititik an fidian atumanip, malan 10 ilasa gup malan kisaek atarpalep Anut apani da. Gug an Anut san kubiaen malan te yak arinani da. An tamolpein kot lo ta atarpasai uyanan na dak, agod Anut ninen o dam ta amat na da. Kagin malan te yak agane wa, agod kubiaen san ru kagin kititik dam ta abisei na wa.”

⁴³ “O Farisi, muruan tubun geig ak ale wa! Man dugo, an ubou ab lo tamolpein malad lo kapal malan te yak fo amado wo agane da. Agod an tamolpein malak malak yanam diabisa wo agane da.”

⁴⁴ “An kagin agane! An man ibol tubabun gib lo imianuk yen dugo tamolpein ta dulong na dugo fufo diau dumul dugo sed nun ipidinai dak igo won a, ago man in an sinirem na dupalu yan lo Anut malan lo nun anda dilasag dumado da.”

⁴⁵ Agog kubiaen san girek manau ta Jesus irupe, “Girek manau, on ago ubol dan man dam paiama da.”

⁴⁶ Agog Jesus ru naon irupe, “O kubiaen san girek manau, an dam muruan tubun geig ak ale wa! Man dugo, an tamolpein kubiaen fidian kagin dupani wo abol da. An lo tamolpein muruan tubun kasik apidinai da. Gug insad muruan lo an banim ilap kitek ta abinawai na da.”

⁴⁷ “Rumok an muruan tubun geig ak anane wa! An profet adi dumat la yan sad mutou damag sinjakan apani da, ak gug profet nek an ananem tubum bagem dufu dumat a. ⁴⁸ Kagin e agane den lo ansam kot ipanaj da, man dugo, kagin a gubak mi digane na yan ninen o awok apidinai da. In profet adi dufu dumat se ya, agod an sad mutou akubune da. ⁴⁹ Amaiak ninen o In a tinin ilon lo Anut anen kankan milaen ak yen dan, igo ibol go irupaian, nai profet adi agod aposel adi nidinaip dupalu dop ansam na dilasa wa. Ago bo man an aenta afu dumat a, aenkadi muruan funfun dupidinai se ya. ⁵⁰ Fun an ninen o, profet fidian ager adi banid lo matej dile yan, kagin amaiak san ai wadan Anut ansam mi ipanaj a. An man ansiganem muruan mi a.

⁵¹ An lo Abel imat ak san saen log ipalug kin Joas san saen lo, Sakaraia in Berekaia nanun tempel san galun gun ak, alta da titinae mi tubum bagemi dufunig imat a, kagin an san ai wadan an tamolpein gamu dumado den sad na ilasap disini wa.”

⁵² “O kubiaen san girek manau, muruan tubun geig ale wa! An tamolpein manau dinane san ki an banid lo apasi yau a. An tamolpein a manau san ab lo diladu wo ilod ibol dan sad dal afutani da, agod ansem ta aladu na ya.”

⁵³ Jesus aben an ibisei dugo Farisi in kubiaen san girek manau dida tinjaed tubun mi saian se ya. Ago man Jesus yau dugo Farisi adi sumiaek funfun lo dusue se ya, ago dugo aten dusue dop melmel wei mi ninedi wo ininjen dop dulon o digane se ya. ⁵⁴ Jesus ifurfi dop lo ru dupani wo malad digane se ya.

12

*Kagin sewak ak ninen o kagin agane wa
Mat 10:26-27; 16:6; Mak 8:15*

¹ Tamolpein wei kasik dutumanig, aben tia dugo nug tinin fo dutur se ya. Ago dugo Jesus imug megeloum ru kagin igo irupidai, “Farisi sad kagin sewak an ninen kagin agane wa. In bale uraru tinadi, awad ru ibol dugup nunon ta digane na da. ² Kagin fidian imianuk yen dan kuai isi wa. Kisaek ta imianuk yen san tia ya. ³ Ago yak ninen o ru ta tidom tubun lo an aninjen dan ad lo tamolpein dulon a. Ru dugon nug kududon lo kisikisik ab san galun imianuk an lo abol dan, malak malak lo dam dulon a.

*Anut mi ninen o tarer a
Mat 10:28-31*

⁴ “Turag muroug, ru nurupaian da. An tamolpein tinim dufuni imat an ninen o arut amoi. Tinim mi ka dufuni imat a, ago gup nen dufuni san tia ya. ⁵ Nai tamol ninen o arer san nurupaian da. Anut mi ninen o arer a. In tamol tinin ifuni imat pe nutun dam ka ibal yai lo yau a. Awo, rumok nurupaian da, in mi ninen o arer a!”

⁶ “Toea uraru nam kusen 5 didad da. Gug Anut kusen an kisaek ta ilon injaon san tia

ya. ⁷ Ago yak ninen o arer amoi. Man dugo, Anut an o ilon isou da. Anut malan lo talpein san naon lak na geig, an kusen wei kasik sad daden naon irinani geig a. Rumok, nek ananem gurmam roun sapita yan isutig ilon da.”

Jesus yanjan malak malak apate wo ta arer na wa

⁸ “Nai an nurupaian da. Talpein ta tamol naod na in naisag ago ibol tap, nai dam Anut san enel naod na natur pe nabol ak in naisag a. ⁹ Ak man talpein ta tamol naod na in naisag tia yak ago ibol tap, nai dam Anut san enel naod na in naisag tia yak ago nabol a. ¹⁰ Agod talpein ta in Tamol Nanun ninen o ru saiak ibol dan, Anut aupasek an ka isuas yau a. Ak gug talpein ta in Awan Urgun ninen o ru saiak ibol dan, Anut talpein an san muruan ta isuas yau na wa.”

¹¹ “Saen dinilian pe Juda sad tumanek ab lo tamol tutubun naod na atur o, tia gabman gurman naod na atur dop, dugo won sem ibalgiranan pe aninjen an ninen ilom ta weiwei na wa. ¹² Saen nek an lo man Urgun in ru abol ilasa san an ikubiai panan a.”

Nijeo tamol a filian andayan san ru fanjan

¹³ Tamol ta tamolpein luluad lo Jesus irupeig ibol, “Girek manau, nai teig matu an rupeip, bai san filian an yabitip, anen anen atem misini wa.”

¹⁴ Ago tag Jesus ru naon irupeig ibol, “O turag, enti nai an filiam nitarpale wo ipilianag i?” ¹⁵ Agog Jesus irupidai, “Kagin agane. An tamol sen ak san filian ninen o malam ta isi na wa, kagin naok ago yan fidian ninen o sen alasa wa. Man dugo, tamol san madok uyan man tan san filian lo ta yen na da.”

¹⁶ Ago tag Jesus ru mitilaen en irupidaig ibol, “Filian tamol ta in tan munan uyanan ak lo anan ipaeg isa uyan a. ¹⁷ Agog in sen kankan ago igane, ‘Nai darem* fidian lo anan nidiri san ta idaisuda na ya. Ak ninen o dugo njigane wak i?’ ¹⁸ Agog ibol, ‘Nai darem nusubaraip, foun tutubun ak nususe idu wa. Ante anan, melmel aenta nidiri wa. ¹⁹ Agop nai melmel uyan ak wei mi amag da wa. Ananar wei mi yen da, an

* 12:17: Badbad

yaes nabal san idaisuda ya. Ago yak niŋen o nani nhaluk dop, seg malag nupare wonj dop numado wa.’ ”

²⁰ “Gug Anut ibol, ‘Onj nŋeol! Gamu tidom dop onj umat a. Ago dop enti onjsa filia an injane wak i?’ ”

²¹ “Tamolpein ensauta a tan en lo injaned filian bageu san tubun mi dutumani wo dumat da, ago gug Anut malan lo man in filiad tia ya, kagin nek ago mi in lo ilasa wa.”

Ilom weiwei amoi
Mat 6:25-34

²² Agog Jesus megeloum irupidai, “Ak niŋen o anjsam madok niŋen o ilom ta muruan na wa. Mel ani wan niŋen o, mel aluk san agod biouŋ tinim san an niŋedi wo ilom ta muruan na wa. ²³ Man dugo, anaj an mel tusan dugo nŋutumi an mel tubun a. Taida mi, biouŋ tinim san an mel tusan dugo tinimi mok an mel tubun a. ²⁴ Anakanak niŋen kankan agane, in anaj ta dupae na da, in anaj disinip anaj ab lo ta dutumani na da, ak man Anut injaned anaj ipidinai da. Ak dugo, Anut malan lo anakanak mel tusan dugo an mel tubun geig ak i? ²⁵ Agod enti ta an luluŋam lo, ilo wei lo iganep inŋsan tan san madok san saen kitek an isupasi wak i? ²⁶ Ago yak niŋen o mel nanun an agane san tia tap, ata wo melmel an aenta fidian niŋedi wo ilom weiwei dak i?”

²⁷ “Garaŋ san kakak dugo wonj disa dak ilom isou a. Kakak an urat ta digane na dak, agod injaned biouŋ dam ta diwei na da. Ak man nŋai nŋurupaian da, gidad Solomon damag siŋaokan ak dupani bo man, inŋsan leil man kakak an san leil igo tia ya. ²⁸ Aria, Anut garaŋ san kakak san leil iganep siŋaokan ago dilasa dop, gidad gamu kumaedi dumado gup gabulop yai lo diabiau o tap, o an tamol ilo rumok amam tusan a, ak dugo, an dam biouŋ tinim fo ta idiri na wak i? ²⁹ Amaiak niŋen o ilom muruan pe ‘ata tani wak i?’ tia, ‘ata taluk ak i?’ ago ta abol na wa. Ilom weiwei amoi. ³⁰ Man dugo, tan en san tamolpein fidian mel an fidian abajan diabi dutor da. Agod anjanem Tamami mel fidian a niŋen o an katukami dan ilonj fufei da. ³¹ Gug imug

mi man, Anut san kagin panek an anjanem madok lo malan te mok agane tap, melmel en fidian dam anjane wa.”

Anut san panu lo mel uyan ak ule san dal
Mat 6:19-21

³² “O nŋaisag sipsip malan wei tia yan, arer amoi. Anjanem Tamam injanen ilo uyan lo injanen kagin panek ipanaŋ a. ³³ Ago yak niŋen o anjanem filiami an adad yaup, moni anjanep, tamolpein a melmel ad tia yan abinawai. Dal an lo Anut urat naon inŋsiganen panu lo idirip, pempem yen a. Darir, gumagam tamol adi dida dusubari san tia ya. ³⁴ Aben dugon lo anjsam urat naon yen dan anjsam ilo girek fidian dam nek atna mi yen a.”

Kagin aganep amado
Mat 24:45-51; Mak 13:32-37

³⁵ “Malam kumaen amado wa. Tinim akubunep, lam asulanip ided dop, tawan aganep amado wa. ³⁶ Urat pinein injaned tirnek tamol soubul lo yau ak imul o malan digane wa. Ago tap, injaned tirnek tamol imul ipalup, dalawan ititi dop ka dupasi kisaek onj a. Tamol nek ago alasap amado wa. ³⁷ Pinein malad kumaen dumado dan in o ru tia ya. Pinein an irupidaip, dumasi dop, inŋsen anaj ipidinai a. ³⁸ Gidad, tidom lak boi, tia, salso idu wo sumeik dugo ipalu tap, pinein malad kumaen dumado dan uyad isusa wa. ³⁹ Gug an mel en niŋen o ilo sou agane. Ab taman in saen dugon lo gumagam tamol tidom lo ab igilep ilon lo iladu wan ilonj tap, in ta yen na wa. Tia, tawan igane uyanan pe gumagam isadu san dal ifou wa. ⁴⁰ Ago yak niŋen o an dam malam ipuk pe aban ale wa. Man dugo, saen an Tamol Nanun ipalu san an ta akubiani na dop, saen nek en lo in imul ipalu wa.”

Urat tamol uyan ak, in saian ak da

⁴¹ Jesus ru ibol itout an Pita isumiani, “Tubun en. Onj ru en man mi rupaiama di? Tia, tamolpein fidian rupidai di?”

⁴² Ago tag Tubun en ru naon igo irupe, “Ab taman ta inŋsan urat pinein a manjau amad da, agod awan diri dupani dan, kob ipidinaig an lo in injanen urat pinein aenta itirnai a, agod anaj diani san saen ante mi anaj ipidinai da. Ak dugo, an luluŋam lo,

enti in urat pinein naok igo yak i? ⁴³ Saen ab muroun ipalup urat pinein an inſan urat igane uyanan dan ile tap, in lo uyan a. ⁴⁴ Nai rumok nŕurupaian da. Tamol tubun en inanen urat pinein emaiak kob ipanip, an lo inanen biouŕ fidian kaginad igane wa. ⁴⁵ Ak man urat pinein an tamol saian tap, ilon lo igo ibol, 'Naisag tamol tubun en ta ipalu kisaek oŕ na da.' An niŕen o fun iganep urat pinein aenta, tamol in pein da, ifu isusap, lukluk tamol dida anan diani dop, you sakar ak duluk o kagin naok ago igane wa. ⁴⁶ Urat pinein an san gurman nal agod auwa dam ta ilon na dop ipalu wa. An lo dop tamol tubun en ipalu saltik oŕ pe urat pinein an ibaltiti idu wa. Ago dop awa parsisalek tamol adi luluŕad lo iganep dida dumado wa."

⁴⁷ "Urat pinein inanen tubun ak ilon ilon gug ta iri ipani na tap, muruan tubun mi ile wa. ⁴⁸ Gug ta inanen tubun ak ilon ta ilon na dugo igane saian tap, tamol an bu kabelan mi inane wa. Enti a Anut maŕau tubun mi ipani dan, Anut isumiani dak, inanen urat lo nuŕon tubun mi dam igane wa. Agod enti a Anut binawek nen tubun mi ipani dan, nuŕon dam nen tubun mi igane wo tinin igane pani da."

Jesus niŕen o tamolpein tarpalek malan uraru

Mat 10:34-36

⁴⁹ Agog Jesus ibol, "Nai tan na yai nŕigane wo nŕupalu ya. An niŕen o nŕaisag ilog man yai an gubak mi ided la yak man uyanan a. ⁵⁰ Gug muruan tubun nŕisini wak naog na yen da. An niŕen o nŕaisag ilo muruan an yen dop yaup, muruan an itout a. ⁵¹ Ak dugo, nai maror tan en lo nŕigane ilasa san nŕupalu yak ago ilom isou dak i? Tia geig a, nai nŕurupaian da, maror tia, tia, biatitek mi a. ⁵² Saen gamu en go yau dan, nai o ab aenta lo tarpalek yen a. Nuŕod kafenda tap, utol nai aneg dudu wa, ago dop uraru nai o ru sen dubol a. ⁵³ Nanuk tamadi dumasap, nanud lo siai digane wa. Nanuk dam tamadi lo siai digane wa. Tinadi dumasap, nanud pein lo siai digane wa. Nanud pein dam tinadi lo siai digane wa. Nanuk iwod dumasap, nanuk tinad dida

siai digane wa. Ago dop nanuk tinad dam raod lo siai digane wa."

Jesus san ager adi aban dugo dile dan duloŕ uyan san ta idaisuda na ya

Mat 16:2-3

⁵⁴ Agog Jesus tamolpein malan tubun an fon irupidai, "Saen ad idu yau dak ate timtaen bilkas ale dop abol da, 'Ui idu wa.' Ago dop ui idu da. ⁵⁵ Saen tim tubun mi ifure dop, an alon, ad idu wa. Agop ad idu da. ⁵⁶ An sewak tamol. An aban lak na yak ale dop fun alon da. Tan na dam aban ale dop, fun alon da. Ak man ata wo melmel gamu ilasa dan fun ta alon na dak i?"

Ririan ru akubune wa

Mat 5:25-26

⁵⁷ "An ata wo kagin itaot agane san dal ta akubiani fufei na di? ⁵⁸ Tamol ta in oŕ inilio kot lo au dop dal na oŕ in da ririan ru akubune wa. Kabelan inilio, bitinaek tamol naon na alasap ai katuk banid lo iginiop dusubano banau. ⁵⁹ Nai nŕurupaio da. Dusubano dan lasa san tia geig. Mado nap oŕane muruan naon an niŕen o, moni samukan fidian udad itout gup, lasa wa."

13

Tamol ilon ta ibilisa na dan, in ideg yau a

¹ Saen an lo tamolpein dupalug Jesus durupe, "Juda tamolpein aenta Galili na dumado dan Jerusalem na tempel lo dupalug, Anut yai digane pani dugo gabman gurman, Pailat, tamolpein an ifu dumat dugo, inſad dar tinid lo ilasa se yan mudan a yai digane dan da ikubuli a." ² Ago tag Jesus isumianai, "Ak dugo, in dal an lo dumat an niŕen o an ilom lo abol, inſad kagin saiak Galili tamolpein aenta sad kagin saiak irinani ak ago abol di? ³ Tia geig. Gug nai nŕurupaian da. Ananem saian an fidian patum ta apani na wak an rumok tap, an dam nek ago mi adeg au a. ⁴ Dugo, tamolpein 18 Siloam na ab lak na geig an yau idug ifu dumat an, ilom lo inſad kagin saiak an Jerusalem tamolpein aenta sad kagin saiak an irinani abol di? ⁵ Tia geig a. Gug nai nŕurupaian da. Ananem kagin saiak patum apani. Tia tap, an ago mi adeg au a."

Gurab nuñon tia yak san ru fañan

⁶ Agog Jesus ru fañan en irupidai, “Tamol ta inñan abi lo ai gurab ta ipae ya. Nal ta yaug, gurab patun abañ ile tia tag, ⁷ inñan abi titianek tamol irupe, ‘Ñai anañar utol gurab an patun ta ñile man tia ya. Ak niñen o tare. Etna itur dop, tan bulbal inñanep itout banau.’ ⁸ Ak man abi titianek tamol irupe, ‘Tubun en. Gidad, umoi dop, anañar kisaek taida itur dop tile gup. Ñai dabin tan ñupanip afon tile wa. ⁹ Agop, anañar naod na yan nuñon ifu uyan tap, itur a. Gug tia tap, titare wa.’ ”

Jesus pein ta Sabat nal lo iganeg uyan a

¹⁰ Sabat nal ta Jesus Juda ubou ab ta lo ru ipiteñanai se ya. ¹¹ Saen an lo pein ta itaror oñ itor dak an dam imado ya. In gubak mi ur saian tinin lo iladug yen dugo subam an inñanep anañar 18 yau la ya. Saen fidian ifotsa san ta idaisuda na ya. ¹² Jesus pein an ile tag iwagig, ipalug irupe, “Oñane subam gamu ñigane itout a.” ¹³ Ago dugo banin tinin fo iganeg, gamu nam ifotsag, Anut yañan yabisa ya.

¹⁴ Jesus Sabat nal lo pein an iganeg uyan ak niñen o, ubou ab an san titianek tamol tiñaen saian. Ago tag in tamolpein ipidaig ibol, “Nal 6 an urat san. Ago yak niñen oñ enti saia tap nal 6 an ilon lo palup, ikubunio. Gug Sabat nal lo man tia ya.”

¹⁵ Ago tag Tubun en tamolpein fidian ubou ab an lo yan ru naon igo irupidaig ibol, “An balem uraru tinami a! An Sabat nal lo, añañem makau boi, tia, donki kam burod lo yan apasip, añañ pe da aup you ta apidinai da. An ta rumok na i? ¹⁶ Nek ago mi, gamu pein en, Abraham malan kubulan, in anañar 18 Satan banin lo imado se ya. Dugo, nal gun en lo Satan banin lo tupasi tap, dugo ilom isou di? An saian ak i?”

¹⁷ Inñan ru naon an iganeg, tamol a fidian sumianek dupani an mi ai ifu ya. Gug tamolpein aenta man Jesus kulob funfun igane na yan niñen o ilod tubun mi uyan se ya.

Ai patun kitiktikan san ru fañan

Mat 13:31-32; Mak 4:30-32

¹⁸ Agog Jesus fon irupidai, “Anut san kagin panek man dugo woñ ak i? Ñai ata

mel lo tou ñigane wak i? ¹⁹ In ibol ai patun kitiktikan yañan masted dubol dak oñ a. An tamol ta inñanep, inñanep abi lo ipaep, ipuk pe, isap, ai tubun ak oñ ilasa wa. Ago dop anakanak raen fo wur dufuni wa.”

Yis san ru fañan

Mat 13:33

²⁰ Agog Jesus afon isumianai, “En ata mel ñai Anut san kagin panek da tou ñigane wak i? ²¹ In ibol yis oñ. Pein ta yis inñanep, plaua daeg tubun ak lo yan ida ikubulip, yen dop plaua ikafut yaup tubun a.”

Dalawan ipipiani an

Mat 7:13-14,21-23

²² Jesus Jerusalem na yau dugo, dal na panu tutubun ak, agod kitiktik ak dam lo, Anut san ru ipiteñanai dugo yau se ya.

²³ Ago dugo tamol ta Jesus isumianig ibol, “Tubun en, dugo, Anut tamol wei an tia patud ipasi wak i?”

²⁴ Ago tag Jesus irupidaig ibol, “Dalawan man ipipiani an. An dalawan ipipiani an lo aladu wo maeg agane wa. Man ata wo? Ñai ñurupaian da, tamolpein wei mok Anut san kagin panek aben lo diladu wo ilod ibol da, ago bo man diladu san tia ya. ²⁵ Man dugo, ab taman dalawan ifutanip, an lo aenta asupakuk dop, patun fo atur a. Dalawan atitip, awagiñ a, ‘Tubun en, oñ dalawan pasi panama.’

“Gup in ru naon igo irupaian a, ‘An dugon te alasa yan ñai ta ñalon na ya.’

²⁶ “Ago dop arupeip abol a, ‘Oñ mañ da sisem tani taluk na ya. Mañsama panu lo dam piteñanama na ya.’

²⁷ “Ago gup irupaian, ‘Ñai fon ñurupaian da, an dugon te alasa yan ñai ta ñalon na ya. An aupasek tinami, sen alasa.’

²⁸ “Aben an ate an atata dop luomi agurmi wa, man dugo, Abraham, Aisak, Jekop, profet adi fidian dam Anut san kagin panek aben lo dumado dop eil a, ak man diabianañ pe patun fo alasap amado wa. ²⁹ Tamolpein wei kasik ad isuda dak lo, ad idiau dak lo, not lo, saut lo dam an fidian dususap, Anut san kagin panek aben lo diladup anañ diani wo dumasip dumado wa. ³⁰ Alon uyan, aenta gamu murna yan murna dumug a, ago dop aenta gamu

malan te yan murnap murna geig dumado wa.”

Jesus Jerusalem ninjen o itata ya
Mat 23:37-39

³¹ Saen an lo mi Farisi aenta dupalug, Jesus durupeï, “Onj gidad, gamu aben en biseip sen lasa. Man dugo, Herod onj ifuno umat o ilon yen da.” ³² Ago tag Jesus ru naon irupidai, “Aup, gown kasik an arupeï, ‘Ñai saen gamu, gabulo an man ur saiak saiak nukudai diau dop, tamolpein subam ad da yan nukubuniai a. Salsop ñaisag urat wadan ñufutani wa. ³³ Ago yak ninjen ñai gamu, gabulo, salso man turenj mi ñabi wa. Man dugo, aben a ate profet ta dufuni imat an man Jerusalem mi a, an ninjen o panu sen ta lo dufuni imat banau.’ ”

³⁴ “O Jerusalem. Onj profet adi ufu dumat na ya. Anut tamol onsa na iginiai dupalu dan dam pat nam ufu da. Nal wei kasik ibol kurek ta nanun subarin paen na kagin ipidinai dak ago mi ñai kagin ñupanañ o ñigane gug an ñai amoi a! ³⁵ Ago yak ninjen o Anut an sam tempel ibiseig kawan yen da. Agod ñai ñurupaianj da, an ñai fon ta aliag na dop yaup an saen igo abol, ‘Tamol e Anut yanjan lo ipalu den Anut anen bar tinin lo yen da.’ ”

14

Jesus tamol ta tinin ikafut ak ikubune ya

¹ Sabat nal ta lo Jesus Farisi gurman ta san ab lo anañ yani wo yau a. Inj fidian Jesus kulob dugo igane dop dile wo malad ti ibol go leil dupanig lo ru dupani san ago digane se ya. ² Agog tamol ta ñien banin ikafut ak Jesus sinjiren na ipalu ya. ³ Jesus tamol an ile tag kubiaen san girek manau, inj Farisi dida isumianai, “Idsad kubiaen dugo ibol ak i? Sabat nal lo subam adi ka tukubuniai ak i? Tia yak i?” ⁴ Ak man inj fidian ru ta dubol man tia ya. Ago tag Jesus tamol an injaneg ikubuneg itout go idinig yau a.

⁵ Agog Jesus fon isumianai, “Anj lulunam lo tamol ta nanun boi, tia, inñsan makau boi, you san gib lo idu yau tap, mel en Sabat nal lo ilasa yan ninjen o, ririan yaup irae isudap injane wak i?” ⁶ Ak man ta kisaek ru naon ipei man tia ya.

⁷ Jesus Farisi an san ab lo imado dugo, tamolpein dupalug kapal malan te yak atem dumasi wo digane dugo yil. Ago tag ru fanan en ibol, ⁸ “Tamol ta nug ñanek san soubul lo igiop wau tap, imug mi kapal malan te yak fo masi umoi. Kabelan tamol ta onj irinano yak dam iwagip ipalu banau. ⁹ Agop soubul taman an ipalup irupaio, ‘Onj gidad masa dop, inj aben en lo imasi wa.’ Agop onj miai tubun mi ifuno dop, masap waup, kapal wadan na yan fo masi wa. ¹⁰ Tia. Saen tamol ta soubul lo igio tap, waup, imug mi gidad kapal wadan na yan fo masi wa. Ago dop soubul taman onsa na ipalup, irupaio igo ibol, ‘Turag, onj masap palup aben uyan en lo masi wa.’ Ago tap onj tamolpein dumado dan malad lo onj yanjan ama da wa. ¹¹ Man dugo, tamol ta inñsen yabisa dan, Anut inj yabi idup tamol yanjan tia yak imado wa. Agod ta inñsen yabi idu dan Anut inj yabisap yanjan anda imado wa.”

¹² Agog Jesus soubul taman irupeï, “Saen soubul gane tap, onjane tura, murou, ab susumeik, filiad anda yak mi giai umoi. Man dugo, inj murna dop soubul naon digane panop, an lo injaned gubun dupano wa. ¹³ Tia, saen onj anañ ta wabi wo tap, bigabeg adi, dutor san tia yan, a ñiedi tubabunan, agod malad tia an dam, gidad soubul lo giai dupalu wa. ¹⁴ Ago tap onj bar uyan ama da wa. Man dugo, inj naon fon onj dupano san tia ya. Gug mitep saen tamol itaot adi kumaen dumasa dop, Anut kulob a gane yan naon ipano wa.”

Soubul tubun ak san ru fanan
Mat 22:1-10

¹⁵ Agog tamol ta inj dam ante anañ diani ak ru an ilonj tag Jesus irupeig ibol, “Talpein inj mitep Anut san kagin panek aben lo soubul tubun an lo dumado yan bar injaneg imado da.”

¹⁶ Ago tag Jesus tamol an irupeig ibol, “Tamol ta inj soubul tubun ak iganeg, tamolpein wei mok dupalu wo igiai a. ¹⁷ Murnag biabi fidian itout dugo injanen urat pinein idinig yaug, tamolpein igiai an irupidai, ‘Apalu, biabi fidian itout la ya.’ ¹⁸ Agog anen anen fun diganeg soubul lo ta diau na wan ninjen o urat pinein an

durupei a. Tamol malan malan an ibol, 'Nai tan kilaken ta n̄adad ak n̄aup n̄ile wa. An niñen o gidad, n̄ai ilo isou umoi.' ¹⁹ Tinin te yan ibol, 'Nai urat san makau 10 n̄adad a. An lo n̄aup n̄ibitiniiai o da. Ulon de? Gidad, n̄ai ilo isou umoi.' ²⁰ Ago dugo neinta dam ibol, 'Nai nor na geig pein n̄iñane ya. Ago yan lo n̄ai gamu n̄au san tia ya.' "

²¹ "Ago tag urat pinein an fon imul yaug ru fidian iñanen tubun an naon na ibol. Inñan tubun en ru an ilon go tiñan saian tag, urat tamol an fon idini dugo igo irupeig ibol, 'Ririan waup, panu ilon lo saiak saiak adi, bigabeg adi, n̄ied banid imat, malad tia yak, an uñal pe dadi apalu.' "

²² "Agog urat pinein an imul ipalug ibol, 'On̄ane ru ubol an ago mi n̄igane ya. Tamol n̄añal ak gug aben aenta wei mi kawan dien da.' "

²³ "Ago tag tamol tubun an urat pinein afon idini dugo irupeig ibol, 'Waup, dal garan lo, abi dal lo tamolpein man so-dudunaip uñal pe dida apalu wa. Agop n̄aisag ab awan isa wa.' ²⁴ Nai n̄urupaio da, tamol a malmalan n̄igiai ak gug in̄ dumoi an, n̄aisag anañ en awad kitek isue ile san tia ya."

Jesus ganuri san muruan

Mat 10:37-38

²⁵ Tamolpein wei kasik Jesus n̄ien fo diau dugo idañsag irupidai, ²⁶ "Talpein ta n̄ai iganurag o da, ak gug in̄ tinan, taman, iwon nanun, tein muroun, lun muroun fidian ta patun ipidinai na dop, inñen o kankan igane tap, talpein naok an n̄aisag megeloum ilasa san tia ya. ²⁷ Ta inñanen aigim isinip, n̄ieg aban ta iri na tap, in̄ n̄aisag megeloum on̄ ilasa san ta idaisuda na ya.

²⁸ "Tamol ta in̄ ab lak na nuñon yabi wo imat tap, in̄ imasip, ilon igire wa. Bor sapita isue wak, agod moni sapita ibiseip ab an yabi itout an ilon isou uyan gup, ab an yabi wa. ²⁹ Gug ago ta igane na tap, ab tubun an fun mi igane gup ta yabi itout na wa. Ago dop aenta ab an dile dop, kukok an diganep ³⁰ dubol a, 'Tamol en urat fun igane gug igane itout san ta idaisuda na ya.'

³¹ "Nek ago mi kin̄ ta yaup, tan sen ak ta san kin̄ da nug dufuni wo tap, in̄ imasap ilon igire uyanan a, man dugo, inñan yu

tamol 10 tausen mi, gug neinta san man 20 tausen. Ak dugo, inñan 10 tausen neinta san 20 tausen dirin̄anai san idaisuda yak i? Ilon ago igire wa. ³² Aria, in̄ ta idaisuda na tap, tamol idinaip diaup, kin̄ neinta an dal na mi ida ru dukubunep, ilod kisaek, agop nug ta dufuni na wa. ³³ Nek ago mi, talpein ta in̄ n̄ai iganurag o imat tap, tan en san filian fidian patun ipani gup, in̄ n̄ai iganurag a. Tia tap, n̄aisag megeloum ilasa san tia ya.

Beig san ru fañan

Mat 5:13; Mak 9:50

³⁴ "Beig man mel uyan a. Gug saen inñan bulbal an itout dan dal ta lo fon tiganep, bulbal san tia ya. Inñan urat dam fidian itout a. ³⁵ Ago dop tibiliau da. Tamol on̄ kududo ama da tap, ru an ulon uyanan a."

15

Sipsip ideg yau ak san ru fañan

Mat 18:12-14

¹ Nal ta takis n̄ilañal adi in̄ aupasek tamol adi dida Jesus san ru dulon̄ o dususa ya. ² Agog Farisi adi, in̄ kubiaen̄ san girek mañau dida Jesus patun fo disidag dubol, "Tamol an aupasek adi dida nug turan diganeg dida anañ kisaek mi diani da."

³ Ago tag Jesus ru fañan en ibol irupidai, ⁴ "Tamol ta inñan sipsip 100 gug lulun̄ad lo kisaek ideg yau tap, an niñen o dugo igane wak i? In̄ sipsip 99 an itumanaip dumado dop yaup, kisaek an abañan yabip itor nap ile mok a. ⁵ Saen sipsip an ile dan ilon uyanan pe, iñanep paon fo ibili isudap, isinip, panu na yau a. ⁶ Agop iñanen turan muroun, ab susumeik an igiaip dupalup, agop irupidai, 'Nai ilog tubun mi uyan da. Man dugo, n̄aisag sipsip kisaek ideg yau gug fon n̄ile ya. Ak niñen o apalup yousai tigane.' ⁷ Nek ago mi lak na Anut san eñel adi dam tamol ta Anut san kagin imoi ak fon ibileksa dop, in̄ o ilod tubun mi uyan da. Ak man 99 a itaot la yak dubol go dumado dan in̄ o eñel adi uyasusai ta digane na da.

Moni patun ideg yau ak san ru fañan

⁸ "Nek ago mi pein ta in̄ moni patun 10 gug kisaek ideg yau dop niñen o dugo igane wak i? In̄ lam ibanip, ab ilon irianip, abañ

yabip yau na gup ile wa. ⁹ Saen ile dan turan muroun, agod ab susumeik an igiaip, dutumanip, irupidai, 'Moni patun a ideg yau an fon njile ak ninjen o ilog tubun mi uyanan a. Ago yak ninjen an njai da sisem ilod uyanan a.' ¹⁰ Njai an njurupaian da, nek ago mi Bai Anut san enjel adi aupasek tamol ta kisaek ilon ibilisa tap, an ninjen o ago mi uyad tubun mi isusa wa."

Taman ta nanun ideg yau ak san ru fanjan

¹¹ Jesus ru awan ibateg ibol, "Tamol ta nanun uraru a. ¹² Nanun bakan an taman irupeig ibol, 'Bai, onjane filia njai teig da wabitip njaineg njutug gamu en panag.' Ago tag taman injanen filian an yabitiq nanun uraru mi anen anen ipidina a.

¹³ "Murnag nanuk bakan ak injanen filian an idad yaug, san moni an isinig panu ta asau ak lo yau. Atna uyasusai kagin lo moni isini an isuwari yau. ¹⁴ Inj melmel fidian isini an igane itout a, ago gug kadag tubun ak tan an lo idu ya. Ak man tinin lo melmel an fidian itout go muruan tubun mi isini se ya. ¹⁵ Ago tag yaug, panu an san tamol ta san na urat igane wo isumiani. Tamol an yabig idinig yaug bor sad ar lo injanen bor kaginad igane dugo imado se ya. ¹⁶ Ago dop bor sad ananj samsamun ta yani wo yaes isofutani gug talpein ta mel yani san ta ipani man tia ya.

¹⁷ "Saen tinin imadan man, ilon ipastig ilon lo igo ibol, 'Njai tamag san urat pinein bo inj ananj idaisuda mi diani dugo dumado da. Ak man njai ente kadag ibiag dugo mater njile wo sumeik da! ¹⁸ Njai njumasap bai san na njaup njabol a: O bai, njai onj Anut da naom na njigane saian a. ¹⁹ Ago yan lo njai onj nanu ubol san ninjen o njai ta idaisuda na ya. An ninjen o njai onj sa urat pinein lulunjad lo onj sa urat pinein kisaek ago giniag pe njilasa wa.' ²⁰ Agog imasag, imul go taman san na yau a.

"Asau mi ipalu dugo taman malan yaug ile ya. Agog injanen nanun ilon imunjani saian geig tag, imaspalug yaug, nanun yabig musuk ipanig ida ditata se ya.

²¹ Agog nanun irupeig ibol, 'O bai, njai onj Anut da naom na njigane saian a. Ago yan lo njai onj nanu ubol san ninjen o ta idaisuda na ya.'

²² "Gug injanen taman urat pinein idinaig ibol, 'Ririan aup, kulos milaen sijnakan an anjanep asini apalup, agane pani. Ariy dam tuon lo agane. Sendal dam adiri pani.

²³ Agod aup, makau nanun tinin italbusi uyan an afuni. Agop id ananj tabip tani dop, ilod uyan dop mugurunj tigane wa. ²⁴ Man dugo, njai nanug en imat njabol ak gug gamu afon kumaen imado da. Gubak mi ideg yau njabol ak gug gamu afon njileg njigane ya.' Agog mugurunj tubun ak fun digane ya.

²⁵ "Agog nanuk matu an abi lo itor nag imul ipalug, ab sumeik ipani dugo inj sad uyasusai an lilijan ilonj a. ²⁶ Ago tag urat pinein ta iwagig isumiani, 'An ata digane dak i?' ²⁷ Agog urat pinein an ru naon irupe, 'Onj tei itor ak gamu ipalu ya. Muruan ta ile man tia yak ninjen o anj tamam makau nanun tinin italbusi uyan an ifuni a.'

²⁸ "Nanuk matu an ago ilonj go tinjaen saian tag ab ilon lo iladu san imoi a. Ago tag taman ilasag injanen nanun matu ak ab lo iladu wo ilon injane wo igane se ya.

²⁹ Ak man nanun an taman irupe, 'Ananj ar wei kasik njai onj sa urat pinein igo wonj urat njigane na ya. Agod njai onj awa kitek njiparsisali man tia ya. Ak gug onj sipsip nanun ta, njaineg turag muroug dida uyama isusa wo panag man tia ya. ³⁰ Gug onj nanu an onj sa filia pani an jeit pein adi tinid lo ibidani dugo itor nag, gamu imul an, onj makau nanun tinin italbusig uyan an inj ninjen o funi a.'

³¹ "Ago tag taman ibol, 'Nanug, onj njai da nal pempem tumado da. Agod njaisag mel fidian man onj sa. ³² Ak man gidad gamu ilod uyan dop mugurunj tigane wa. Man dugo, onj tei en imat njabol gug, gamu fon imado da. Inj ideg yau gug fon imul ipalu ya.' "

16

Titianek tamol kankan anda yak san ru fanjan

¹ Jesus injanen megeloum irupidai, "Filian tamol ta inj urat titianek tamol aman da ya. Agog tamol aenta dupalug, filian tamol an durupe, 'Onj sa titianek tamol an onjane filia ibidani da.' ² Ago tag iwagig isumiani, 'Njai onj niqe wo ru tim njalonj a. Onj dugo gane

daki? On masip, urat gane yan girep panag dop urat bisei. On afon urat titianek tamol mado san tia ya.'

³ "Agog titianek tamol ilon igireg ibol, 'Naisag tubun en gamu naisag urat lo ikudag o da. Dugo ngane wak i? Nai tan nitare san dabai amag tia. Agod nai ngod o dam miai ifunag da. ⁴ Ak man dugu ngane wan gamu nalon a. Ago tap mitep urat lo ikudag dop, turag muroug wei mi duyunanag dop insad ab lo digiag pe nau a.'

⁵ "Ago tag in tamolpein fidian a insan gurman san na gubun digane yan kisaek kisaek mi igiai a. Tamol malmalan an isumiani, 'On naisag gurman an tinin lo gubun sapita gane yak i?'

⁶ "Agog ru naon irupe, 'Wan handet dram oliv guren.'

"Ago tag titianek tamol an ibol, 'Ririan masip, wan handet suas pe fifti mi gire.'

⁷ "Agog neinta isumiani, 'On gubun sapita gane yak i?'

"Agog ibol, 'Wan tausen bek wit.'

"Ago ibol tag irupe, 'Masip, girek an suas pe 8 handet gire.'

⁸ "Aria, insan gurman kulob a igane yan san ru ilon go ipitiani a, man dugu, urat titianek tamol an kankan anda ya. Tan en san tamolpein siganed madok an kagin dupani uyanan san ninen o kankan ad da ya, agod insad kankan an, tamolpein a ilalan san an sad kankan irinani da. ⁹ Nai nurupaian da. Ansam moni nam tamolpein abinawai. Agop an lo in an turam dilasa wa. An lo dop saen ansam moni biabi aman tia man, kumaen panu lo aladup ante tamolpein an duyunanag pe malam dupare wa.

¹⁰ "Talpein enti mel nanun ak lo kagin uyan an mi igane dan, mel tubun ak lo dam ago mi igane wa. Nek ago mi, talpein enti mel kititik lo irak tap, mel tutubun ak lo dam ago mi igane wa. ¹¹ Ago yak ninen o, on tan en san filian o raek kagin gane yak ago tap, saen kumaen panu san filian mok a diwae dan, on niye wo ilod isou wak i? Tia geig, on bani kawan mado wa. ¹² Agod tan en lo on tamol sen ak san filian kagin pani wo bani lo digane yak gug, on kaginan ta gane uyan na yak ago tap, onane filia

kumaen panu lo yan bani lo diganep kagin pani wak i? Tia geig a.

¹³ "Tamol ta in gurman uraru an mi nal kisaek lo mi awad yabi san tia ya. In ago igane wo igane tap, in kisaek o lian ninen o imat dop, turan ile saian a. Tia dop, kisaek o lian ilon ipani dop, turan patun ipani wa. Nek ago mi on Anut moni da sisem uri san tia ya."

¹⁴ Farisi adi ru an fidian dulon go Jesus kukok an digane dugu nao futek ru tinin lo digane se ya. Man dugu, moni ninen o tubun mi dumat a. ¹⁵ Agog Jesus irupidaig ibol, "An tamolpein malad lo sem itulan da, ak gug Anut ananem ilom ilon uyanan da. Mel a tamol malad lo naon lak na geig ak anda yan, nek mel an Anut malan lo iganan geig ak ibol da."

Pitejanek subujan taida

Mat 11:12-13; Mat 5:31-32; Mak 10:11-12

¹⁶ "Moses san kubiaen in profet adi sad ru da yen go ipalug Jon san lo ya. Saen an log ipalug gamu saen en lo man, Anut san kagin panek aben san ru dufulale da. Ago dugu tamolpein wei kasik Anut san kagin panek aben ilon lo diladu wo wagai digane da. ¹⁷ Keit tan da ditout diau san man pasauman geig a, ak gug girek kitekan san boi ta Moses san kubiaen lo yan ideg yau san ta pasauman na ya. Rumok, ideg yau san tia geig a.

¹⁸ "Tamol ta in iwon ikudip pein foun ak inane tap, jeit igane da. Ago dop tamol sen ta pein a iwon ikudi an inane tap, in dam jeit igane da.

Filian tamol in Lasarus da

¹⁹ "Tamol ta in filian anda yak pem pem bioun sisiaok ak mi idirip imado se ya. Anan dam uyan uyan ak mi yani se ya In mel ta lo katukan man tia ya. ²⁰ Ago dugu bigabeg tamol ta yanjan Lasarus dam imado. In tinin baob yafutani a. ²¹ Pempem disini diaug, filian tamol an san ab naon na dibilisig, imado dugu anan samsamuk filian tamol san badim fo yan idu dan yani wo ilon tubun mi ibol se ya. Ago dugu goun dupalug, insan baob an dipile se ya.

²² “Tamol uraru an ago digane yau nag, bigabeg tamol an imat go, Anut san enel dijaneg diaug, Abraham giranjen na digane ya. Agog filian tamol an dam imat go disare ya. ²³ Inj Ades lo imado dugo, madai tubun mok ifuni se ya. Agog malan isudag, asau mi Lasarus Abraham giranjen na imado dugo ile ya. ²⁴ Ago tag filian tamol Abraham iwagig go ibol, ‘Bai Abraham, ilo imuñanag. Lasarus dinip, banin kikoun you lo isaminip, isini ipalup baleg fo iganep ibubarum. Man dugo, ñai yai en lo madai tubun mi ñisini dugo ñisagai da.’

²⁵ “Ago tag Abraham ru naon irupeï, ‘Nanug, ilo isou. Saen on tan na kumae mado dugo, on onsa mel uyan uyan ak ñane na ya, ago dugo Lasarus mel saian saian ak mi inane na ya. Gug gamu inj ilon pasa ibol dugo on madai tubun geig ak sini da. ²⁶ An mi tia, Anut on ñai da titiñeem dog kuror ak iganeg yen da. An lo tamolpein etna dumado dan dog an dupilalip onsa na diau san tia ya, nek ago mi tamolpein a on dida amado dan dog an dupilalip ñaisag na dupalu san dam tia ya.’

²⁷ “Ago tag filian tamol an ru naon irupeig ibol, ‘Mago tap, Lasarus dinip, ñai tamag san ab lo yaup, ²⁸ teig 5 ante dumado dan ru kagin irupidai a. Kabelan inj dam aben ente tamolpein madai tubun geig dile wan ate dupalu banau.’

²⁹ “Ak man Abraham ru naon irupeig igo ibol, ‘Tia. On tei murou man inj Moses san kubiaen, agod profet adi sad ru ka dusuti wa, an inj o idaisuda ya. Ru an ka dulong dop kagin digane wa.’

³⁰ “Agog filian tamol an ibol, ‘Tia. Bai Abraham, an man ta idaisuda na ya. Ulong, tamol ta imat ak fon kumaen imasap yaup, ñai teig muroug an irupidai tap, an lo ilod ibilisa wa.’

³¹ “Ak man Abraham irupeig ibol, ‘Inj Moses profet dida sad awad ta diabi na yak tap, gidad tamol ta mater lo yak fon imasa dap, ilod inane ilod ibilisa wo ru kagin irupidai bo man, inj awan ta diabi na wa.’ ”

17

Aupasek kagin, ilo rumok kagin, agod

awabek kagin

Mat 18:6-7,21-22; Mak 9:42

¹ Agog Jesus inanen megeloum irupidaig ibol, “Kubianek funfun ilasa wa, dilasa san dal tufutani san tia ya. Gug tamol enti inj turan ta naon iraep, kagin saian lo idu tap, inj muruan tubun mi ile wa. ² Gidad, inj pat tinan ta buron lo disisi idup, beig lo dibili idup isarir o man uyanan mok a. An tia tap, muruan nen tubun geig ak ile wa. ³ Ago yak ninen o kagin agane, sem tinim atirni uyanan a!

“On tei ta on lo aupasek igane tap, kududon wabi. Agop ibileksa tap, inanen aupasek an pare idu pani. ⁴ Gidad, ad kisaek ilon lo saen 7 on lo igane saian gug saen anen anen lo mi imul go, nao na ilon ibileksa yak ibol da, an ago tap, saen nek an lo mi inanen muruan an pare idu wa.”

⁵ Agog aposel adi Tubun en durupeï, “Mañsama ilo rumok an ganep dabai.”

⁶ Ago tag ru naon irupidaig ibol, “Masted patun man kitiktik an gug isap ai tubun ak ilasa da. Ago yak ninen o ansam ilo rumok masted patun igo won tap, gidad ai e leil apani den tubun a, ago bo man ka arupeï, ‘On se ibilanop, waup, beig lo udup utur,’ ago dop awam yabi wa.

⁷ “An lulunam lo tamol ta kisaek san urat pinein abi lo itor boi, tia, sipsip ititianai boi, ab lo imul ipalu dop, inj imug o mi anan yani wo ta irupeï na wa. ⁸ Tia, inanen tubun ak san anan imug ikubunep ipanip, yani gup, murna dop inananen anan yani wa. ⁹ Urat pinein ago igane dop, inasan tubun an ilo uyan ru ta irupeï na wa. Tia. Man dugo, urat pinein an inanen tubun ak idini ak fom igane da. ¹⁰ An dam nek ago mi a. Saen an urat fidian ñai an nupanan an aganep itout dop abol, ‘Man urat pinein kawan a. Mananema tamol tubun ak mi awan mabi da, mel ta per panek minane san ta migane na da.’ ”

Jesus lepra tamol 10 ikubuniaï a

¹¹ Jesus Jerusalem na yau dugo dal a iri dan Sameria inj Galili da dien dugo titiñeem yau a. ¹² Panu ta ate iladu dugo, tamol 10 lepra amad da yak dal na dile ya. Inj kitek asau mi dutur dugo, ¹³ duwagin, “Jesus, Tubun ak, ilo imuñanama.”

¹⁴ Jesus yil tag irupidai, “Aup, tinim Juda sad pris adi akubiaip dile.” Agog dal na diau dugo tinidi afon ilasa uyanan da ya. ¹⁵ In lulunad lo tamol ta kisaek in tinin ago ile tag, idansag imul Jesus san na yau dugo, awan tubun mi Anut yanjan yabisa se ya. ¹⁶ Agog yaug Jesus naon na turun isaluwig, ilo uyan ipani a. Tamol an Sameria tamol. ¹⁷ Jesus ago ile tag ibol, “Tamol 10 nukubuniaig uyadi an, kisaek imul a, ago dugo, 9 an dugon te diau ak i?” ¹⁸ Ata wo tamol nukubuniaig uyad isusa yan, Anut per dupani wo ta dumul dupalu na dugo, nek tamol gol en mi imul ak i?” ¹⁹ Agog Jesus tamol an irupe, “Masap wau. Onane ilo rumok ikubunio ya.”

Dal dugon lo Anut san kagin panek ipalu wa

Mat 24:23-28,37-41; Mak 13:14-23

²⁰ Farisi aenta Jesus dusumiani, “Sanaptap Anut san kagin panek ipalu wak i?” Ago tag Jesus ru naon irupidai, “Anut san kagin panek ipalu dan, an talpein ta ile ilon na wa, man dugo, kob ta insan kagin panek sumeik ipalu dan san an imug ta ilasap ale na wa. ²¹ Talpein ta imasap igo ta ibol na wa, ‘Anut san kagin panek ente ya.’ Tia, ‘Anut san kagin panek onte ya.’ Man dugo, Anut san kagin panek an lulunam lo yen da.”

²² Agog Jesus megeloum irupidai, “Mur- nap an Tamol Nanun kitek ale wo ilom ibol ak gup ale san tia wa. ²³ Aenta durupaian, ‘Tamol Nanun obo ya.’ Tia, ‘In ebe ya.’ Gug insad ru an ilom lo rumok pe abajan abi amoi. ²⁴ Saen Tamol Nanun imul dan, insan leil man nek ibol weil irakulawi dan, san lilaman aben o ad ilasa dak atep, aben o ad idiau dak ate yau dak igo won a. ²⁵ Gug malmalan muruan wei mi isinip saen e lo tumado den san tamolpein patud dupani gup.

²⁶ “Kagin a Noa san saen lo tamolpein digane se yan, kagin nek amaiak mi Tamol Nanun imul san saen lo dam digane yau a. ²⁷ Saen lom tubun ak ta ilasa na dugo, in anan diani dugo, you dam duluk dugo, nug dinane dugo, pein niedi dupidinai dugo, yaug saen Noa wog tubun ak lo iladu ya.

Agog lom tubun ak ilasag tamolpein an fidian daon ipidinai a.

²⁸ “Lot san saen lo dam ago mi digane se ya. Tamolpein diani duluk on dugo, didad dinane on, ab diabi on, anan dupae on dugo dumado se ya. ²⁹ Ak gug nal nek a lo Lot Sodom ibisei an, keit lo yak yai pat salfa ided dak da idug Sodom adi fidian ifu dumat a.

³⁰ “Tamol Nanun kuai isi wo dop nek ago mi digane wa. ³¹ Saen an lo dop tamol ta ab patun fo itor ak imul ab ilon lo iladup, inanen biou on isini wo ta igane na wa. Nek ago mi, tamol ta abi lo yak fon imul pe, ab lo yaup mel ta inane wo ta igane na wa. ³² Lot iwon igane yak ilom isou. ³³ Talpein ta insen tinin o mi ilon isou tap, ideg yau a. Gug talpein ta siganen madok tan en lo ibisei dan, ta ideg yau na wa, tia, kumaen imado wa. ³⁴ Nai nurupaian da. Nal an lo, tidom pe talpein uraru galun kisaek lo dien a, gug kisaek Tubun en inane dop, kisaek yen a. ³⁵ Nek ago mi pein uraru sisem urat digane wa. Gamu nam kisaek inane dop, kisaek imado wa. ³⁶ Nek ago mi tamol uraru abi lo dutor a. Kisaek inane dop, kisaek imado wa.”

³⁷ Ru an dulon go Jesus san megeloum dusumiani, “Tubun en. Kulob en dugot na ilasa wak i?”

Agog Jesus ru naon irupidai, “Aben ate tubabun yen dan, antem bog dutumani wa.”

18

Gudane san ru fanjan

¹ Jesus megeloum dugudani on dop dumado wa, ago dop ilod ta isali na wo ru fanjan ta irupidai a.

² In ibol, “Panu ta lo tulek tamol ta imado dugo Anut ninen o ta irer na da. Tamol dam ninedi wo ta irut na da. ³ Aria, pein suos ak ta panu an lo imado ya. In pempem tulek tamol an san na yaup, in ibinawip, inanen ager kot lo digane wo iduduwig, ibol: ‘Tamol ta nai iginiag saian. Agog kot lo ngane wo dak ninen o on nai binawag.’

⁴ “Gug tulek tamol an saen kitek milaen mi pein suos an awan yabi an imoi. Agog yau na gug ilon lo ibol, ‘Rumok, nai Anut, in tamolpein dam ninedi wo ta narut na da.

⁵ Gug suos en n̄ai aeg itog oŋ dak niŋen o gidad iŋanen kot lo n̄ubinawi wa. Tia tap, igo igane oŋ dop, n̄ai tuog imad a.’ ”

⁶ Agog Jesus ru awan ibateg ibol, “Ru a tulek tamol saian ak ibol an aloŋ pe apupi ale wa. ⁷ An̄ ilom dugo isou dak i? Ak dugo, Anut san pilianek tamolpein a tidom ad duwagiŋ dugo ibinawai o dusumiani dan, ibinawai o saen milaen imoi ak i? ⁸ N̄ai n̄urupaian̄ da. In̄ ririan ibinawaip iŋaned muruan ikubune wa. An lo in̄ talpein a muruan an ipidinai an naon ipani wa. Ak man dugo, saen Tamol Nanun imul dop, tan en lo ilo rumok adi wei mi yil ak i?”

Farisi in̄ takis n̄ilaŋal tamol da sad ru faŋan

⁹ Jesus afon ru faŋan ta, tamolpein ensauta a in̄sed mi itaot dubol, sed yaŋad dia-bisa dugo tamolpein aenta metmet warou dubol dan igo ibol go irupidai, ¹⁰ “Tamol uraru dugudani wo Juda sad ubou ab tubun ak lo diau a. Kisaek man Farisi. Neinta man takis n̄ilaŋal tamol. ¹¹ Farisi an imasag in̄sen niŋen o mi ilon lo igo igudani se ya, ‘O Anut, ilog uyan da. Man dugo, n̄ai tamol aenta digane saian dan ago tia ya. N̄ai takis n̄ilaŋal tamol igo tia ya. N̄ai ilosek ag tia. N̄ai ta n̄iraek na da. N̄ai jeit ta n̄abi na da. N̄ai tamol nuŋog mi a. ¹² Ubou kisaek ilon lo nal uraru anan̄ geg n̄iganep n̄ugudani da. Filiag an fidian n̄utumanip, malan 10 gup, malan kisaek n̄upano da.’ ”

¹³ “Gug takis n̄ilaŋal tamol man, sen iparyanig, itakok go naon yabisag lak na aban̄ ile man irer. In̄anen aupasek niŋen o ilon muruan go sen titiren ifunig ibol, ‘O Anut, n̄ai aupasek tamol. Ak niŋen o ilo imuŋanag.’ ”

¹⁴ “N̄ai n̄urupaian̄ da. Anut malan lo man takis n̄ilaŋal tamol en mi tamol itaot an. Ak gug Farisi man Anut malan lo ta itaot na ya. Man dugo, tamol ta in̄sen yaŋan yabisa tap, Anut in̄ yabi idu wa. Gug talpein a in̄sen yabi idu dan, Anut in̄ yabisa wa.”

Jesus nanuk kitiktik igiaig in̄san na dupalu ya

Mat 19:13-15; Mak 10:13-16

¹⁵ Tamolpein aenta nanuk kitiktik diŋal go Jesus banin lo didirai o dupalu se ya. Agog megeloum adi dil tag ru dabai nam

dupudai a. ¹⁶ Ak man Jesus nanuk kitiktik igiaig, in̄san na dupalug ibol, “Nanuk kitiktik akudai amoi. Abisawaip, n̄aisag na dupalu. Man dugo, Anut san kagin panek man tamolpein ilod nanuk igo yak sadi a. ¹⁷ N̄ai rumok n̄urupaian̄ da. Talpein gidad Anut san kagin panek nanuk nanun igo woŋ in̄ane wa. Tia dop, in̄san kagin panek lo iladu san tia geig a.”

Filian tamol ta

Mat 19:16-30; Mak 10:17-31

¹⁸ Juda tamol gurman ta Jesus isumiani, “Girek maŋau uyanan en. N̄ai dugo n̄iganep kumaen pempem san n̄iŋane wak i?”

¹⁹ Ago tag Jesus ru naon irupeig igo isumiani, “Ata wo n̄ai uyag ubol dak i? Talpein ta uyan man tia ya, nek Anut mi in̄sen kisaek uyan a. ²⁰ Oŋ kubiaen̄ fidian uloŋ: tamol sen ak iwon ugam pe ida jeit ta agane na wak, tamol ta funi imat na wak, gumagam ta gane na wak, kot lo supalek ru ta ubol na wak, tina tama awad paen na mado wa.”

²¹ Agog tamol an ibol, “N̄ai nanuk log ipalug gamu en, kubiaen̄ an fidian n̄uri n̄upani na ya.”

²² Jesus ru an ilon̄ tag irupeii, “Oŋ mel kisaek lo mi katuk ama ya. Oŋsa filia fidian udad yau dop, moni an n̄anep, bigabeg adi pidinai a. Ago tap oŋ Anut san kumaen panu lo filia ama da wa. Ago gane gup, n̄ai n̄ieg abag uri wa.”

²³ Tamol ru an ilon̄ man ilon tubun mi muruan. Man dugo, in̄ filian tamol tubun geig a.

²⁴ Jesus tamol an leil ipani dugo ibol, “Tamol filian anda man Anut san kagin panek lo iladu san man muruan geig a.

²⁵ Aloŋ ak, tamol filian anda yak Anut san kagin panek aben lo ka iladu wan, rumok tap, aria, kamel dam si gubaran lo yau san man pasauman geig a.”

²⁶ Tamolpein a Jesus ru ibol dugo dulon̄ dan dusumiani, “Mago tap, ensauta mok mi Anut patud ipasip, kumaen pempem yen dan diŋane wak i?”

²⁷ Ago tag Jesus ibol, “Mel a tamol digane san tia yan, Anut igane san ilon̄ a.”

²⁸ Agog Pita ibol, “Man on nje aban muri wo mananema ab, panu agod mel fidian mubusei a.”

²⁹ Ago tag Jesus igo ibol go irupidai, “Nai rumok nrupaian da. Talpein ta Anut san kagin panek ninen o inanen ab, iwon nanun, tein taon, agod tinan taman ibisawai tap, ³⁰ saen e gamu yen dan lo Anut naon uyan a ipani wan tubun kasik a. Agod saen foun ak a murnap ilasa wan lo kumaen pempem yen dan inane wa.”

Jesus inanen matej ninen o ibol utol a
Mat 20:17-19; Mak 10:32-34

³¹ Jesus megeloum 12 an injal go gigin na diaug, ago ibol irupidai, “Jerusalem na tau da. Ru fidian a profet adi gubak mi Tamol Nanun ninen o digire yan nunon ilasa wa. ³² In gob adi banid lo digane wa. Agop kukok an diganep, naon dufute dupei dop, tinin fo dulusu isudap, rasau nam dufuni nap, aigim fo dubalip imat a. ³³ Ago digane wak man, nal utol itout gup, Anut ifufunip afon kumaen imasa da wa.”

³⁴ Gug inanen megeloum ru a ibol an fun ta dulon na ya. Ru an fun mok mianuk lo yen. Ago dugo Jesus ata ninen o ibol an fun mok dijaon a.

Jesus tamol malan itau ak ikubune ya
Mat 20:29-34; Mak 10:46-52

³⁵ Jesus Jeriko sumeik ipani dugo, tamol ta malan itau ak dal gigin te igod dugo imado. ³⁶ Saen tamolpein dirinani dugo sad lilijan ilon man, isumianai, “An ata mel ilasa dak i?”

³⁷ Ago dugo durupe, “Jesus, Nasaret tamol, amaiak yau da.”

³⁸ Ago tag tamol an iwagin, “O Jesus, Dawid Nanun, ilo imunanag!”

³⁹ Agog tamolpein a Jesus naon na imug diau dan dububunanig durupe, “Awa itaup tokubol pe mado!” Ago tag tamol an nen maeg nam iwagin dugo isasai, “O Dawid Nanun, ilo imunanag!”

⁴⁰ Ago tag Jesus ipartuanig mala itau an dinane dupalu wo irupidai. Saen tamol an siniren na ipalu man, Jesus isumiani, ⁴¹ “Dugo niginio wo ilo ibol di?”

“O Tubun en, nai aban nje wo ilog ibol da.”

⁴² Ago tag Jesus ibol, “Aban ule. Onane ilo rumok ikubunio ya.” ⁴³ Ago ibol dugo tamol an aban ile kisaek on a. Agog Jesus nien aban iri dugo Anut yan an yabisag yau a. Saen tamolpein an fidian ago dile man, in dam Anut yan an diabisa ya.

19

Jesus in Sakias da

¹ Jesus Jeriko taun ilon lo iladug yau dugo, ² takis nilanal tamol gurman ta filian anda yak ante imado. In yan an Sakias. ³ Tamol an Jesus naon tinin ile wo yaes tubun mi ifuni. In tamol katukan, agod tamolpein wei kasik an lo in Jesus ile san tia ya. ⁴ Ago tag imaspalug, inug yaug ai gurab ta yan an sikamor dubol dan isag, Jesus ile wo malan idu dugo imado, man dugo, Jesus dal an irig ipalu se ya.

⁵ Saen Jesus ai an fun na ilasa man, malan isudag Sakias ile tag irupe, “Sakias, ririan udu. Nai gamu on da onsa ab lo tumado wa.” ⁶ Ago tag Sakias ririan idug ilon uyan isag Jesus malan ipareg, inane in san ab lo diau.

⁷ Tamolpein ago dile yan fidian ilod saian go fun diganeg dunurnur go dubol, “In aupasek tamol san ab lo ida diau a.”

⁸ Ak man ab log Sakias imasag Tubun en irupe, “Tubun en, ulon. Naisag filiang njarpalep, wadan tamolpein mel ad tia yak nupidinai a. Taida mi, tamol njarwai dugo sad na ngam na yan, inane melmel ngam na yan naon ago mi njutumanip, malan iwoiwo nupidinai a.”

⁹ Ago tag Jesus ibol, “Gamu ab en san muroun Anut san patu pasek inane ya. Man dugo, tamol en dam Abraham malan kubulan ta. ¹⁰ Tamol Nanun tamolpein dideg diau la yan abanad ilep patud ipasip injal o ipalu ya.”

Moni san ru fajan
Mat 25:14-30

¹¹ Jesus Jerusalem sumeik ipani dugo, tamolpein ilod lo Anut san kagin panek kuai isi wo sumeik ago dubol. Jesus insad kin ilasa wo dak ilod isou se ya, ak man in kin ilasa wak san saen gamugo an ninen o ru fajan en ibol irupidai, ¹² “Tamol ta yan an anda yak kin ilasa wo panu asau

ak lo yau. Onte in kin digane gup fon imul pe sen naon na ipalu wa. ¹³ Yau o dugo inanen urat pinein 10 igiaig dupalug, 20 kina anen anen ipidinai dugo irupidai, 'Moni en ananep urat apani yau dop naj amul a.'

¹⁴ "Gug tamolpein a murnap inisan kagin panek paen na dumado wan, in dile saian go dumado ya. Ago yak ninen o tamol an yau dugo patun fo ru digane yang dubol, 'Man tamol en mansama kin ilasa wo man mamoi a.'

¹⁵ "Ago bo man tamol an kin ilasa ya, agog fon imul inisanen na yau. Gamu nam urat pinein a moni ipidinai an igiaig naon na dupalu ya. Moni subunan taidam sapita dinane yan ilon o isumianai.

¹⁶ "Urat pinein a malmalan ipalu yan ibol, 'Tubun en, on naj 20 kina panag an lo didaen urat njaneg, onane 200 kina subunan taidam njane ya.'

¹⁷ "Kin an irupeig ibol, 'On urat tamol uyanan mok a, onane urat kagin pani uyanan a. On biabi kitik e bani lo njigane emaiak kagin pani uyanan a, amaiak ninen o taun 10 bani lo njidiri da, gamu insad tirnek tamol lasa wa.'

¹⁸ "Agog urat pinein neinta ipalug ibol, 'Tubun en, on naj 20 kina panag an lo didaen urat njaneg, onane 100 kina subunan taidam njane ya.'

¹⁹ "Agog inanen tamol tubun en pinein an irupeig ibol, 'On taun 5 bani lo njidiri da, gamu insad tirnek tamol lasa wa.'

²⁰ "Agog pinein tinin te ipalug ibol, 'Tubun en, onane 20 kina ebo ya. Nai yamel kilaken lo numinamig yen a. ²¹ Nai on o narer. Man dugo, on tamol silei a. On abi san urat tamol sad silali naon nane da.'

²² "Ago tag ru naon irupeig ibol, 'On urat pinein saia geig a. Nai onsigane ru ubol an nam nkubianop nile wa. On ulon ak, naj abi san urat tamol sad silali naon njane da. ²³ Fun an ninen o njaneg moni an moni ab san urat tamol pani ak man, in ka urat ipani wa, an lo saen naj amul dop moni an san tim an da njane wa. Ata wo on ago ta gane na yak i?'

²⁴ "Agog kin an idansag tamol a sinjiren na dutur dan irupidai, 'Tamol en san na 20

kina ananep urat pinein a 200 kina aman da yan apani.'

²⁵ "Agog tamol a ru an dulon an durupe, 'Tubun en, tamol an moni idaisuda mi yabi da, 200 kina aman da la ya!'

²⁶ "Ak gug kin an ru naon igo ibol go irupidai, 'Talpein enti in da yan, naj suguan taidam nupanip an lo in idaisuda wa. Ak man, enti in tinin lo tia agod, gidad in kitek da bo man, inisan melmel an banin lo dupasi itout a. ²⁷ Aria, naisag ager adi ensauta a naj insad kin njilasa san o dumoi an, anjal dida apalup, naj naog na afup dumat a.' "

*Jesus kin igo won Jerusalem na iladu ya
Mat 21:1-11; Mak 11:1-11; Jon 12:12-19*

²⁸ Jesus ru an ibol itout go imug Jerusalem na yau. ²⁹ Did Oliv fo itor go panu uraru yanadi Betfage in Betani da sumeik dugo, inanen megeloum nunod urarum idinaig naon na dumug diau a. Ago dugo ru kagin igo irupidai, ³⁰ "An nunom urarum panu o tile dan ante au a. Aup donki nanun ta dususeg itur dak ante ale wa, talpein ta gubak mi fufo imasi man tia ya. Donki nanun an kam apasip ananep naisag na apalu. ³¹ Tamol ta ru aman da dop, an igo arupe, 'Tubun ak urat ipani wo da.' "

³² Agog diaug melmel fidian Jesus ibol ago mi dile ya. ³³ Saen donki nanun an san kam dusupasi dugo, muroun ipalug isumianai, "Ata wo donki nanun en apasi dak i?'

³⁴ Ago dugo ru naon durupe, "Tubun ak urat ipani wo da.' "

³⁵ Agog donki nanun an dinaneg, Jesus san na dupalu ya. Agog donki nanun an patun fufo kulos duruwarig, Jesus dubunawig fo isudag imasig diau a.

³⁶ Jesus dal na yau dugo tamolpein malan tubun geig an insigane kulos milae milae ak dupasi dugo dal te duruwari se ya.

³⁷ Saen Jesus Jerusalem sumeik ipani dugo Did Oliv fo dal nok idu an lo inanen megeloum malan tubun, fun diganeg yousai lo Anut yanjan diabisa dugo mugurun dupani se ya. Man dugo, in kulob girager wei kasik a Jesus gubak mi igane se yan dile ya. ³⁸ In igo dubol,

"Kin e Anut yanjan lo ipalu den bar inane ya!

Kumaen panu na maror yen. O Anut per lak na geig ak per mupano da!”

³⁹ Agog tamolpein an luluḡad lo Farisi aenta dutor dan ru an duloḡ dugo dumasa saian go Jesus dupei, “Girek maḡau, oḡsa megeloum pidaip awad itau!”

⁴⁰ Gug Jesus ru naon igo irupidai, “ḡai ḡurupaianḡ da. Inḡ dutokubol san tia ya. Inḡ awad itau tap, pat e dien dan naod diḡanep per dupanag a!”

Jesus Jerusalem niḡen o itata ya

⁴¹ Saen Jesus Jerusalem sumeik ipanig ile man, ilon tubun mi muruan go malan turon idug, ⁴² igo ibol, “Oḡ saen en lo mi maror san dal uloḡ ak man, muruan a oḡsa na ipalu dan ta ilasa na wa. Ak man gamu dal an imianuk go oḡ ule san tia ya. ⁴³ Oḡsa saen ipalu wa. Ager adi dubuluwop oḡ giranḡe ananae mi lo dupalup, tan dufutip oḡsa sep giranḡen na dutumanip lo diladu san dal digane wa. Gigin fidian lo dupalup dubuluwop dupino wa. ⁴⁴ Inḡ dufunop daoḡ dupano wa, agod tamolpein a oḡsa sep ilon lo dumado dan dufu yaup fidian dumat a. Oḡsa pat ta kisaek o lian pat sen ak tinin fufo na ta yen na wa, tia, oḡsa pat fidian dugufututep diabibol tan na dudu wa. Fun dugo, oḡ saen a ate Anut ḡai tinig lo oḡsa na ipalu yan ta ule uloḡ na ya.”

Jesus tempel lo dadenḡ tamol irubai a

Mat 21:12-17; Mak 11:15-19; Jon 2:13-22

⁴⁵ Jesus tempel san ar ilon lo iladug, aben ante didaenḡ tamol fidian ikudaig patun fo dilasa ya. ⁴⁶ Inḡ igo ipidai, “Anut san buk lo ru en digire ya, ‘ḡaineg ab man gudanek san ago dubol a,’ ak man anḡ agane ilasag ‘gumagam adi sad mianuk ab’ igo agane da.”

⁴⁷ Nal fidian Jesus tempel san ar lo iladug tamolpein maḡau ipiteḡanai se ya. Ago dugo pris gurman adi, kubiaenḡ san girek maḡau, agod tamolpein sad gurman dufuni imat o dal abanḡ diabi wo digane se ya. ⁴⁸ Ak man inḡ dufuni imat san dal ta dile man tia ya. Man dugo, tamolpein fidian inḡsan ru duloḡ o tubun mi dumat. Inḡsan ru samukan ta iriḡanai san man dumoi.

20

Jesus san urat niḡen o dusumiani a *Mat 21:23-27; Mak 11:27-33*

¹ Nal ta Jesus tempel lo tamolpein naod na Anut san ru ifulale dugo maḡau ipiteḡanai se ya. Agog pris gurman adi, kubiaenḡ san girek maḡau, agod matu gurman aenta dida dupalug Jesus dusumianig dubol, ² “Oḡ rupaiama. Oḡ enti san dabai lo melmel en gane dak i? Enti mok dabai en ipanog ate urat en gane dak i?”

³ Inḡ ru naon igo irupidai, “ḡai dam mel ta niḡen o ḡusumiananḡ o da. Arupaiaḡ, ⁴ Jon san suguek man, dugon te kagin an inḡane yak i? An kumaen panu san mel, tia, tamol sad mi ak i?”

⁵ Agog inḡsed nug lo igo diḡinḡen se ya. “En kumaen panu san mel, ago tabol tap, inḡ igo ibol isumianad a, ‘En ata wo an inḡ niḡen o ilom ta rumok na yak i?’ ⁶ Ak gug ‘En man tamol sad mel mi a,’ ago tabol tap, tamolpein malan tubun en pat nam dufunad a. Man dugo, inḡsad ilo sou lo man Jon mi inḡ profet, ago dubol da.”

⁷ Ago yak niḡen o Jesus ru naon durupeig dubol, “Enti mok dabai an ipani an maḡ ta malonḡ na ya.”

⁸ Ago tag Jesus ibol, “Ago yak niḡen o ḡai dam enti mok dabai en ipanag go ate melmel e ḡigane den, ta ḡurupaianḡ na wa.”

Abi san kagin panek adi sad ru faḡan *Mat 21:33-46; Mak 12:1-12*

⁹ Agog Jesus awan ibateg tamolpein ru faḡan en irupidai, “Tamol ta abi yabig lo ai wain patun ipae. Agog tamol an inḡsan fun panu ibiseig asau mi yau o tag, abi an tamol sen ak ta banid lo kagin dupani wo igane ya. Agog panu ibiseig yaug saen milaen mok itor na ya. ¹⁰ Agog saen wain nuḡon disini wo dugo, abi taman inḡsan urat pinein ta inḡsinanen panu fun lo idinig yaug, inḡanen ḡutun dupanip isini ipalu wo ibol. Ak man abi titianek adi inḡsan urat pinein dufunig banin kawan didinig imul yau. ¹¹ Ago tag urat pinein sen ta idinig yau. Agog urat pinein an dam dufunig isudag miai dupani nag banin kawan didinig imul yau. ¹² Ago tag afon urat pinein ta idinig yau, gug urat pinein an dam madai dupanig dubal abi patun fo ilasa ya.

¹³ “Ago tag abi taman igo ibol, ‘Dugo njigane wak i? Gidad n̄aisiganeg nanug mok niñen o tubun mi n̄amat dan n̄idinip yau a. Nap in̄ awan diabi ak boi.’

¹⁴ “Ak man saen abi titianek adi in̄anen nanun dile tag dubol, ‘An abi taman amaiak nanun ak niñen tufuni imat dop, in̄san furan id tin̄ane wa!’ ¹⁵ Ago tag diabig, ar patun fo dubal ilasag, dufunig imat a.

“Ago yan lo abi taman an, titianek tamol adi an dugo mok iginiai ak i? ¹⁶ Abi taman sen yaup tamol an ifu dumat dop, abi an tamol sen ak banid lo iganep kagin dupani wa.”

Tamolpein a ru an dulon̄ an dubol, “Ago tia!”

¹⁷ Agog Jesus malan ti ibol go tamolpein an leil ipidinai dugo isumianai, “Ru e Anut san buk lo digire en fun dugo won̄ ak i? ‘Pat nek a ab bek tamol adi dumoi dan,

nek amaiak ab tinin fidian yabi sakar da.’

¹⁸ Talpein ta in̄ pat en fo na yau idu dop man, sen ifuni ititale wa. Ak gug talpein ta pat en kabuñan fufo idu tap, ifufari idu wa.”

¹⁹ Saen pris tutubu agod Farisi adi, Jesus ru fan̄an a ibol se yan dulon̄ man, Jesus ririan diabi wo maeg diganeg dal aban̄ dile se ya. Man dugo, in̄ dulon̄ uyanan ak Jesus in̄anen ru lo in̄ isiai se ya. Ak man tamolpein malan tubun ak niñedi wo direr a, an lo ta diabi na ya.

Kaisa san takis n̄ilañal

Mat 22:15-22; Mak 12:13-17

²⁰ Ago tag in̄ nal fidian Jesus leil dupani uyanan se ya. In̄ leil tamol ta didinaig Jesus san na dupalu. In̄ tamol nuñon manon̄, ak gug Jesus san ru lo diabi wo malad digane se ya. In̄ n̄udun dusuep sumianek dupanip, ru ta ibol saian dop gabman banin lo digane wo dal an digane. ²¹ Agog leil tamol an Jesus dusumiani, “Girek mañau, mañ malon̄, on̄sa ru ubol dugo piten̄anama dan fidian rumok a. On̄ tamol yañad anda yak niñedi wo ta urut na da. Tia, on̄ Anut san dal mi tamolpein fidian mañau piten̄anai da. Gidad yañad da yak, agod yañad tia yak dam mi a. ²² Ak dugo, Kaisa takis moni tupani wan uyan ak i? Tia, saian ak i? On̄ dugo ilo isou dak i?”

²³ Gug Jesus in̄ dirawi wo digane dan ilon̄ tag irupidai, ²⁴ “Moni patun ta akubiaip n̄ile gup. Mitilaen agod yañak e fufo digire yan enti san ak i?”

²⁵ Agog in̄ dubol, “Kaisa san.”

An niñen o irupidai, “Mago tap, mel a Kaisa san an Kaisa apani. Agod mel a Anut san an Anut apani.”

²⁶ In̄ malak malak mel ta lo dirawi dop diabi san tia ya. In̄san ru naon ago dulon̄ go durut saian tag awad itau.

Sadyusi Jesus diabi wo bitinaek lo digane ya

Mat 22:23-33; Mak 12:18-27

²⁷ Sadyusi aenta Jesus san na dupalu. (In̄sad ilo rumok lo ago dubol da: Tamolpein dumat dop, fon n̄tud kumaen dumasa san tia ya.) ²⁸ In̄ Jesus ago dusumiani, “Girek mañau, Moses wagam mi kubiaen̄ igo igire panad a, ‘Tamol ta in̄ iwon da gug nanuk ad tia dumado yau nap, tamol ak imat. Ago tap tamol an tein bakan ak fon pein an in̄anep, tein matu an in̄san nanuk idirsi wa.’ ²⁹ Aria, id luluñad lo tamol ta in̄ nanun 7. Matu ak pein in̄ane gug nanuk ad tia dumado dugo tamol an imat. ³⁰ Ago tag tein bakan an fon tein san pein an in̄ane gug tamol an dam imat. ³¹ Tein a tinin te yan dam nek ago mi a. Agog tamol 7 an tet mi nanuk tiag, dumat pasik. ³² Murnag pein an dam imat. Tamol 7 an ago mi tet mi pein kisaek an mi diñane ya. ³³ Ak niñen o, dugo, mitep saen tamolpein fidian dumat an kumaed dumasa dop, pein an tamol dugon mi ida dumado wak i?”

³⁴ Ago tag Jesus ru naon irupidai, “Pein tamol saen en san nug diñane da, agod tamol adi n̄iedi dupidinai da. ³⁵ Ak gug tamolpein ensauta a Anut malan lo saen murna san ak lo diladu san, agod mater̄ lo fon kumaen dumasa san, in̄ idaisuda yan, aben ante nug ta diñane na wa, ago dop tamol adi pein n̄iedi ta dupidinai na wa. ³⁶ In̄ ibol en̄el adi on̄, an lo fon dumat san tia ya. In̄ Anut nanun muroun. Man dugo, in̄ mater̄ log fon kumaen dumasag dumado da. ³⁷ Moses dam kuai tem ikubiai panan̄, tamolpein a dumat an fon kumaen dumasa da wa. Man ata wo? Ai nanunan yai inani an san sai lo, Moses Anut niñen o

igo ibol, 'Abraham, Aisak, Jakob sad Anut.'
³⁸ Anut man in tamol a matej lo dumado dan sad Anut tia ya. Tia, in man tamol kumaed dumado dak sadi a. Man ata wo? In malan lo tamolpein fidian kumaed dumado da."

³⁹ Ago dugo kubiaen san girek manau aenta Jesus ibol ago dulon go durupeig dubol, "Ru naon uyanan mok, girek manau!"
⁴⁰ An lo gug Jesus sumiaen subunan taidam dusumiani wan ninen o direr se ya.

Kristus in enti nanun ak i?

Mat 22:41-46; Mak 12:35-37

⁴¹ Agog Jesus isumianai, "En dugo won go tamolpein Kristus in Dawid nanun dubol dak i? ⁴² Dawid in sen Isrel bar san buk lo igo ibol,

'Tubun en niasag Tubun ak igo irupej,
 "Onj nai tuog won ak ate masip yaup,

⁴³ murna gup nai onsa ager adi njidiraip,
 onj nie pae na dumado dop nie nam partuanai a."

⁴⁴ Dawid in sen mi in Tubun ak ago ibol tap, en dugo won pe in Dawid nanun ak i?"

Kubiaen san girek manau sad aupasek

Mat 23:1-36; Mak 12:38-40; Luk 11:37-54

⁴⁵ Tamolpein fidian dulon dugo, Jesus in san megeloum ru kagin igo irupidaig ibol, ⁴⁶ "Kubiaen san girek manau ninedi wo kagin agane. In kulos milmilae ak didiri duman, tamol dil o digane da. Di daen aben lo tamolpein 'adian' dupidinai ak ninen o tubun mi dumat da. In ubou ab lo kalik malan te yak ninen o dumat da, agod soubul lo dam nek ago mi a. ⁴⁷ In pein suos sad ab digam da, agod gudanek milaen kasik, tamolpein diliai o digane da. Amaiak ninen o tamol naok ago yan naon a dinjane wan nen tubun mi ilasa wa."

21

Pein suos san lou panek tusan

Mak 12:41-44

¹ Jesus tempel lo imado dugo malan yaug, tamol filiad anda yak tempel ilon lo kolekta san kunup lo moni digane dugo yil a. ² Agog pein suos biouj tia yak in dam ipalug pat bras uraru mi kunup lo ibal a. Moni an naon man tusan mok. ³ Ago tag

Jesus ibol, "Nai rumok njurupaian da. Pein suos an moni kolekta igane yan kolekta a tamol filiad anda yak digane yan fidian irinanai a. ⁴ Man dugo, fidian in filiad anda yak gug kabelan mi kolekta digane dugo inaned fidian mi yen da. Gug pein suos an sen aben ipitig fidian kolekta lo igane ya."

Saen e lo tumado den itout san kob

Mat 24:1-14; Mak 13:1-13

⁵ Inanen megeloum aenta tempel san pat uyan uyan ak, agod melmel Anut lou dupani na yan nam damag dupani an ninen o dinjnen tag Jesus ibol, ⁶ "Mel fidian ale dan man, saen ipalu dop, lo pat ta pat sen ta tinin fufo ta yen na wa. Tempel san pat fidian dugufututep diabibol tan na dudu wa."

⁷ Ago tag dusumiani, "Girek manau, saen dugon lo dop mel an ilasa wak i? Mitep ata kob mile dop ate malon ak saen an ipalu wo sumeik di?"

⁸ In ru naon irupidaig ibol, "An kagin agane. In an dirawan banau. Man dugo, mitep tamol wei mok nai yanag lo dupalup dubol, 'Nai tamol nek ama ya,' ago dop dam dubol, 'Saen a ate ipalu wan sumeik ipanad da.' Ago dop insad sewak an ta ari na wa. ⁹ An yu ager alon ak, agod ru tim yu ager sensen yau onj an dam alon a. An arer amoi. Man dugo, mel naok an imug ilasa wa, ak gug nal wadan san saen man gamugo da."

¹⁰ Go in afon ru ibateg ibol, "Tamol malan ta yu diabisa dop, tamol malan ta yu naon insad na digane imul a. Ago dop kinj ta in san tamolpein dida yu diabisap, kinj sen ak ta inanen tamolpein dida nug dufuni wa.

¹¹ Aben sensen lo man, kanaurig tutubu yak wei mi ilasa dop, kadag tubun mi idu wa. Subam tubun mi aben sensen lo ilasa wa. Ago dop kulob arer san wei mi dilasap, keit lo kob tutubu yak dilasa dop diganep arer a.

¹² "Ak man melmel an fidian gamugo ilasa dop, nai ninjeg o an dibian pe, madai in muruan da dupanan a. Nai yanag o Juda sad ubou ab lo Juda gurman adi naod na dinjlian aup, kot dupanan dop subanek ab lo diginian a. Kinj in gabman gurman aenta naod na dam kot lo atur a. ¹³ Saen an lo dop inaned naod na anjanem ilo rumok

ηai lo abol ilasa wa. ¹⁴ Saen gamugo naod na alasa dop, ata ru arupidaip an lo sem ipiranaη san niηen o ilom ta weiwei na wa. ¹⁵ Man dugo, ηai aη ru abol san kankan mi-laen ak ηupanaη a. An lo dop aηsam ager adi iη ru abol an iη naon dubol san tia wa, ago dop iη dam aη awam lo dupirgini san tia wa. ¹⁶ Tinam tamam, teim taom, aηanem dar, agod turam muroum dam ager adi banid lo diginiaη pe, aη aenta dufunaη amat a. ¹⁷ Tamolpein fidian ηai yaηag o aη diliaη saian dop aη lo siai digane wa. ¹⁸ Ak gug gurmam roun ta kisaek ideg yau san tia ya. ¹⁹ Tia, aη atur dabai dop muruan fidian asini dan lo mi, kumaen pempem yen yau san aηane wa.”

Mitep Jerusalem daoη dupani wa
Mat 24:15-21; Mak 13:14-19

²⁰ “Mitep yu tamol adi dutumanip Jerusalem ditiliani dop eil a. Ago ale dop aloη ak, Jerusalem daoη dupani san saen sumeik da. ²¹ Saen an lo dop, tamolpein Judea na dumado dan disol pe, diaup, did luluηad lo sed imianai a. Ago dop, tamolpein a Jerusalem ilon lo dumado dan ririan patun fo dilasap dusol diau a, agod a Jerusalem patun fo dumado dan iη afon ilon lo ta mok diladu na wa. ²² Man dugo, nal nek an lo, Anut Jerusalem tamolpein sad aupasek naon ipidinai a. An lo dop ai wadan a Anut san buk lo digire yan fidian nuηon ilasa wa. ²³ O kabel, nal en san pein luam anda yak, agod aη pein aηanem nanuk su apidinai dan dam, ηai ilog tubun mi imuηanaη da! Muruan tubun geig tan en lo ilasa dop, tamolpein ente dumado den Anut san tiηae mumarek dile wa. ²⁴ Aenta ager adi sabiri nam dufu dumat a. Aenta iηsad ager adi diηal pe, subanek tamol dilasap tan asau mi sensen lo diaup ante dumado wa. Agop gob adi Jerusalem diηanep dipartitale dop yaup nal a lo gob adi sad saen itout san nal an idaisuda wa.

Jesus imul san nal
Mat 24:29-31; Mak 13:24-27

²⁵ “Saen wadan sumeik dop, ad, kalam, patui lo kob funfun ilasa wa. Tan na tamolpein fidian tubun kasik direr dop ilod weiwei a. Man dugo, beig ibalsini

dop tamun dam san liliηan tubun kasik a. ²⁶ Tamolpein fidian ata mel mok tan en lo ilasa wo sumeik dan niηen o yaes tubun mi ifu dop, tinid irer dop, rierek lo malad itilianip dudu wa. Man dugo, Anut mel fidian keit lo yak imiriranai a. ²⁷ Saen an lo dop, iη fidian Tamol Nanun keit lo timtaen titiηaem kuai te ilasa dop, dabai agod girager tubun geig ak da ipalu dan, dile wa. ²⁸ Saen melmel an ago fun diganep dilasa dop, amasap mala nouk lo malam lak na isuda wa. Man dugo, Anut iηiliaη san saen sumeik mok ipalu da.”

Gurab san ru faηan
Mat 24:32-35; Mak 13:28-31

²⁹ Agog Jesus ru faηan en irupidai, ³⁰ “Ai gurab iη ai aenta dam ilom isou. Saen ai roud wagam ak idu dop, foun ak ifurηani dan ale dop, aloη ak, ui san saen sumeik a. ³¹ Nek ago mi melmel an dilasap eil dop aloη ak, Anut san kagin panek ipalu o da.

³² “Nai rumok ηurupaiaη da, warou gamu en san tamolpein gamugo itout yau dop melmel en fidian dilasa wa. ³³ Rumok geig, keit iη tan da murnap itout a, ak gug ηaisag ru man ta itout na wa.

³⁴ “Ago yak niηen o kagin agane! Tamol Nanun ipalu wak san nal ta aloη na ya. Ak niηen o soubul san kankan tubun mi agane amoi. You sakar ak tubun mi aluk amoi. Agod tan en san mala bulbal lo mi amado amoi. Kabelan aηaοη dop nal an idu kisaek oη banau. ³⁵ Nal an tamolpein a fidian tan tilianek aten fo dumado dan lo ilasa wa, iη diηaοη dop nal an idu wa, ago dop nal an san muruan niηen o disol diau san tia ya. ³⁶ Ago yak niηen o aη pempem nal an atitiani dop abanη ale wo uyanan a. Ago dop aη pempem Anut agudani dop lo, muruan a fidian dilasa wan niηen o ka asol aup, Tamol Nanun naon na atur a.”

³⁷ Nal anen anen atem Jesus tempel san ar ilon lo tamolpein maηau ipiteηanai se ya, agog gurai idug bubun a Did Oliv dubol dan fo yaug ante ηioη yabi se ya. ³⁸ Tamolpein fidian tidom lom mok iηsan ru duloη o tempel lo diau na ya.

22

Judas Jesus ager banid lo igane ya

Mat 26:1-5,14-16; Mak 14:1-2,10-11; Jon 11:45-53

¹ Bret yis an tia yak san soubul, yanjan Pasova, san saen sumeik. ² Saen an lo pris gurman adi in kubiaen san girek manjan dida tamolpein ninedi wo direr ak ninen o pasak nam Jesus dufunip imat o palan an dumari a. ³ Agog Judas yanjan neinta Iskeriot dubol dan, Satan ilon lo idu ya. In dam Jesus san megeloum 12 amaiak sad kisaek ta. ⁴ Agog Judas yaug, pris gurman adi in tempel san titianek tamol sad gurman adi dida dinjen go dal dugon lo Jesus banid lo igane wan ibol dulon. ⁵ Agog pris gurman adi ilod tubun mi uyan go Judas moni dupani wak dubol. ⁶ Judas awad yabi tag tamolpein malad patun fo Jesus ager banid lo igane san dal aban yabi se ya.

Jesus inanen megeloum dida Pasova san anan diani a

Mat 26:17-25; Mak 14:12-21; Jon 13:21-30

⁷ Bret yis an tia yak diani san saen idu dugo, sipsip nanun Pasova san saen lo diani san dufu idu. ⁸ Agog Jesus Pita in Jon da idinaig, ru kagin en irupidai, "Aup, idsad Pasova san anan akubune."

⁹ Ago tag dusumiani, "Dugot na mok anan mukubune wo ubol di?"

¹⁰ Agog in irupidai, "Saen an Jerusalem ilon lo aladu dop, tamol ta you isiri ak isini yau dan ale wa. Nien aban arip, ab dugon lo isuda tap, ¹¹ ab an taman asumianip arupe: 'Girek manjan igo ibol, galun dugon lo naineg megeloum dida mansama Pasova anan an mani wak i?' ¹² Ago dop galun tubun ak ta lak na yak ikubiai panan a. An atna memel fidian akubune."

¹³ Tamol uraru an diaug, mel fidian Jesus ibol ago mi dile ya. Ago tag galun ante Pasova san anan dukubune se ya.

Jesus in bret wain da inaneg megeloum ipidinai a

Mat 26:26-30; Mak 14:22-26; 1Kor 11:23-25

¹⁴ Anan diani san saen idu dugo Jesus tebol siniren na inanen megeloum dida dumasi. ¹⁵ Agog irupidai, "Nai gamugo muruan nisini dop an da Pasova san anan en tani wo ilog tubun mi yen da. ¹⁶ Man dugo, nai nurupaian da, nai fon an da Pasova ta tani na dop yaup, Anut san kagin panek aben lo, mel a Pasova naon inane wan san nunon ilasa wa."

¹⁷ Agog Jesus gab wain anda yan inaneg, Anut ilo uyan ipanig ibol, "En ananep ansem nug lo awae. ¹⁸ Man dugo nai nurupaian da, nai fon ai wain nunon san you man ta naluk na dop yaup, Anut san kagin panek ipalu gup, fon naluk da wa."

¹⁹ Ago ibol itout go bret inaneg, Anut ilo uyan ipanig yafuteg, ipidinai dugo ibol, "Bret en naineg tinig, nai an ninemi wo niganeg idu ya. An ago agane dop nai ilom isou." ²⁰ Nek ago mi anan diani itout go, gab inane yabig igo ibol, "Gab en man kontrak foun naisag dar lo ya. Dar en an ninemi wo naineg tinig lo yak ilasa wa. ²¹ Gug alon. An lulanam lo tamol ta nai ager banid lo iginiag an banin, nai banig da tebol en fo dien da. ²² Tamol Nanun imat a, nek ibol Anut mi in ninen o ibol ak ago mi in lo ilasa wa. Ak gug tamol enti a Tamol Nanun iganep inanen ager adi sad tuod lo ilasa wan, rumok in muruan tubun kasik ak ile wa!"

²³ Agog in sed nug dusumiani, "Enti mok ago Jesus lo igane wak i?"

Enti in malan te ya

Mat 20:25-27; Mak 10:42-44

²⁴ Agog megeloum in sed in sed mi enti mitep in yanjan malan te yen ak ninen o nug diabi didiri se ya. ²⁵ Jesus ago ilon tag irupidai, "Gob adi lulanad lo inaned kin adi sed idiraip lak na mok disuda dop tamolpein ditirnai o digane wa. Agod tamolpein sad tamol tutubu yan, in sed tamolpein sad binawek tamol ago dubol da. ²⁶ Gug an man dal ago tia ya. Nai nurupaian da, lulanam lo ta in tubun imado wak tap, sen irae imul pe murna imado wa. Ago dugo ta in gurman imado tap, in ibol urat pinein on ilasa wa. ²⁷ Ago yak ninen o enti in tubun aki? Tamol a tebol siniren na imasig anan yani dan, agod biabi nilanjal tamol enti tamol an anan

ipani dan, lulunad lo enti malan te imado di? An alon ak, tamol a tebol sinjiren na imasig anan yani dan malan te ya. Aria, naj an lulunam lo nupalug biabi nilanal tamol igo won nilasag numado da. Nai mi ananem tutunanek tamol numado da. ²⁸ An naj ta abisawag na ya, tia, muruan a fidian nisini se yan lo an naj da sisem tatur kisaek a. ²⁹ Ago tag nek ibol najneg Tamag inisan tamolpein nitirnai san dabai ipanag ak igo, naj dam dabai nupanan a, an lo dop naisag tamolpein atirnai a. ³⁰ Ago dop najneg kagin panek aben lo, an naj da najneg badim fo tumasip tani taluk a. Ago dop an anen anen tulek tamol alasap, kin san kalik fo amasip, Isrel sad gugoi 12 an akubianaip eil a.”

Jesus Pita in njen o itot ak o ibol a

Mat 26:31-35; Mak 14:27-31; Jon 13:36-

38

³¹ Agog Jesus Pita irupe, “O Saimon, Satan an fidian ikibianan ile wo Anut isumiani la ya, agod Anut awok ipani a. Satan ilon man nek ibol wit dufufarig lo dukubiani uyanan dak igo an fidian naom ikubiani ile wo ibol. ³² Gug Saimon, naisag gadin lo onane ilo rumok ta idu geig na wak ago Bai nsumiani a. Saen naisag na umul dop, onane tei inaned ilo rumok an dabai pani wa.”

³³ Agog Pita ibol, “Tubun en, naj ta nasuk namul na wa, tia, naj on da sisem subanek ab lo taup, sisem tamat a.”

³⁴ Ago tag Jesus ru naon igo irupe, “O Pita, naj rumok nurupaio da, gamu tidom nek en lo kurek ta ibob na dop, saen utol on naj ta ulon na yak ubol a.”

³⁵ Agog Jesus isumianai, “Saen naj nidinan go, moni san badam, kitouk, sendal tia au dugo, mel ta lo katuk ami ak i?”

In ru naon durupe, “Man tia ya.”

³⁶ Agog Jesus irupidaig ibol, “Ak gug gamu man, an moni san badam am da tap, asini wa. Kitouk dam nek ago mi. Agod an sabiri am tia tap, ananem kulos didaen lo adirip moni ananep ate sabiri adad a.

³⁷ Man dugo, ru e profet ta naj ninjeg o ago igire yen nunon ilasa wa,

“Tamolpein tamol an dinaneg tamol a digane saian dan lulunad lo digane ya. Nek ago mi tile ya.”

Rumok nunon, ru a naj ninjeg o profet adi digire yan fidian gamu nunon ilasa wo da.”

³⁸ Agog megeloum durupeig dubol, “Ule, Tubun en, sabiri uraru ebo ya.”

In ru naon irupidai, “An nek idaisuda mi a.”

Jesus Did Oliv fo igudani a

Mat 26:36-46; Mak 14:32-42

³⁹ Agog Jesus Jerusalem ibiseig, Did Oliv fo yau na yak ago mi fon yau dugo inanen megeloum njen fo diau a. ⁴⁰ Saen aben ante dilasa man, Jesus megeloum irupidai, “An Anut agudani dop, kubianek lo ta adu na wak o asumiani.” ⁴¹ Agog Jesus ibisawaig kitek asau mi yau gug turun isaluwig igudani, ⁴² “O najneg Bai, ilo ibol tap, gab en naj banig lo pasi wa. Ak gug on naj ilog ta uri na wa, tia, onsigane ilo mi uri wa.” ⁴³ Agog enjel ta lak na idug Jesus dabai ipani. ⁴⁴ Ilon muruan an lo tubun mok igudani dugo inisan silali an dar on naon tinin fo ilasag tan na idu se ya.

⁴⁵ Igudanig itout man imasag, imul yaug inisan megeloum dien dugo yil. Megeloum an ilod tubun kasik muruan an lo tinid tuon tia ya. ⁴⁶ Ago tag irupidaig isumianai, “An ata wo aen di? Amasap, agudani dop, kubianek lo ta adu na wak njen o Anut asumiani.”

Jesus diabi a

Mat 26:47-56; Mak 14:43-50; Jon 18:3-11

⁴⁷ Jesus ago ibol se man, tamol malan tubun ak dupalug naon na dilasa. Megeloum 12 an lulunad lo ta yanan Judas, in malan an imug go ipalu ya. In ilon yen dak Jesus musuk ipani wa. Ago tag yaug, ⁴⁸ Jesus san na ilasa yak gug Jesus irupe, “Judas, on musuk lo Tamol Nanun ager banid lo gane wo di?”

⁴⁹ Agog megeloum a Jesus dida diau an, kagin dugo ilasa wo ago dile tag Jesus dusumiani, “Tubun en, ilo dugo ibol da, mansama sabiri nam mafu wak i?” ⁵⁰ Agog lulunad lo tamol kisaek sabiri ifug pris gorman san biabi nilanal pinein kududon won ak isubari.

⁵¹ Ak man Jesus ibol, “Kagin an fon ta gane na wa.” Agog in tamol an kududon isupurig, kududon uyan isusa da ya.

⁵² Agog Jesus pris gurman adi, tempel san titianek tamol sad gurman, agod matu gurman aenta dida Jesus diabi wo dupalu yan isumianai, “Enta wo an sabiri in ai tok da asinig aliag pe abiag o apalu yak i? Ak dugo, nai wagai adi dida gabman mabi idu san gurman igo won an ago ilom isou di? ⁵³ Nal fidian nai tempel aben lo numasi dugo tamolpein npiitenanai se ya, ak gug nai ta abiag na ya. Gug gamu en tidom tubun ak lo man an sam saen a, man dugo, tidom tubun san tuon man Satan.”

Pita Jesus ilon gug ninen o itot a

Mat 26:57-58,69-75; Mak 14:53-54,66-72; Jon 18:12-18,25-27

⁵⁴ Agog Jesus diabig, pris malan te yak san ab lo dijaned diau dugo Pita nited fo ipare murna dugo yau. ⁵⁵ Yai ab naon na dutunig, tamol tinid isue dugo Pita dam yang dida dumado se ya.

⁵⁶ Ago dugo urat pein ta ipalug, malan ti ibol go, Pita yai san lilaman lo imasig imado dan ile dugo ibol, “Tamol an dam Jesus da dutor na ya.”

⁵⁷ Agog Pita itot go ibol, “O pein, nai in ta nalon na ya.”

⁵⁸ Kitek taidag tamol ta Pita ile tag ibol, “On dam insad kisaek a.”

Gug Pita irupeig ibol, “O tamol, nai man tia mok a!”

⁵⁹ Murnag auwa kisaek igo dumado gug tamol taidam imasag ibol, “Rumok, tamol en in da dutor na ya. In dam Galili tamol a.”

⁶⁰ Ago dugo Pita ru naon irupeig, “O tamol, nai on ata ninen o ubol dan ta nalon na ya!” Ago ibol dugo awan fo kurek ibob. ⁶¹ Jesus idansag, malan ti ibol go Pita ile. Agog Pita gamu nam Jesus san ru imug ibol an ilon isou, “Gamu kurek gamugo ibob dop, on saen utol nai ninen o utot a.” ⁶² Agog Pita ilon itaug, kuai te ilasag tina tubun mi igane se ya.

Jesus kukok an digane dugo dufuni a

Mat 26:67-68; Mak 14:65

⁶³ Tamol a Jesus diabi an kukok an digane dugo dufuni se ya. ⁶⁴ Malan yamel nam dufoug, dufuni dugo dusumiani, “On gamu profet ru ubol a, tamol e ifuno den

enti ak i?” ⁶⁵ Ago dugo nao futek ru aenta wei mi nam dupei se ya.

Jesus dijaneg Juda kaunsil naod na kot dupani a

Mat 26:59-66; Mak 14:55-64; Jon 18:19-24

⁶⁶ Salso idug Juda sad gurman adi, kubaen san girek manau adi, agod pris gurman adi dida dutumanig Jesus dititianig dumado se ya. Agog Jesus dijaneg kaunsil an naod na dugunig itur a. ⁶⁷ Ago dugo durupeig dubol, “Ubol! On Kristus i? Rupaiamap malon a.”

Jesus ru naon irupidai, “Nai nrupaian tap, an ilom lo ta rumok na wa. ⁶⁸ Agod sumianek nupanan tap, an ru naon ta arupaiag na wa. ⁶⁹ Gug saen gamu yau den, Tamol Nanun Anut a dabai fidian anda yan banin won ak lo imado wa.”

⁷⁰ Ago tag dusumiani, “Ak dugo, on Anut nanun ak ubol di?”

In ru naon irupidaig ibol, “Awo, nek ansem abol la ya.”

⁷¹ Agog dubol, “Gidad, tamol taidam, tamol en san kagin ninen o dubol ilasa san id ta tigi ai na wa. In sen awan lo in san muruan ibol go talon la ya.”

23

Jesus Pailat naon na kot dupani a

Mat 27:1-2,11-14; Mak 15:1-5; Jon 18:28-38

¹ Agog kaunsil an fidian dumasag, Jesus dijaneg, gabman gurman Pailat dubol dan san na diau a. ² Pailat naon na dilasag kot diganeg, ru dusue ti ibol go dubol, “Man tamol en Isrel tamolpein ikubulai tag mabi a. Kaisa san takis ta didad na wak ibol. In man Juda sad Kristus ibol, an ninen o in mi kin ibol da.”

³ Ago tag Pailat Jesus isumiani, “On Juda sad kin ak i?”

Agog Jesus ibol, “Awo, nek onse ubol la ya.”

⁴ Ago tag Pailat pris gurman adi, tamolpein malan tubun ak dida irupidai, “Nai tamol en san muruan ta lo naon nupani san nile man tia ya.”

⁵ Ago bo man tamolpein ru dabai kasik dubol, “In tamolpein ipitenanai dugo

bubed yabisap gabman da ager dumado wo igane da. Galili na fun iganeg, ipalug gamu etna ilasa ya.”

⁶ Pailat ru an ilon tag isumianai, “En in Galili tamol i?” ⁷ Jesus Galili tamol an ilon tag, idinai dugo dijaneg kin Herod san na diau. Man dugo, Herod in Galili kagin ipani da, an lo Jesus Herod paen na imado. Herod saen nek an lo Jerusalem na imado se ya. ⁸ Saen Herod Jesus ile man ilon tubun mi uyanan a. Man dugo, saen milaen in Jesus ile san ninen o ilon yen. In ilon man Jesus kulob girager ta igane dop ile wo ibol. ⁹ Aria, Herod sumianek funfun ipani se ya, ak gug Jesus ru naon irupeyi man tia ya. ¹⁰ Go pris gurman in kubiaen san girek manau dida Herod naon na insad ru sewak an dusue ti ibol go Jesus maeg nam kot dupani se ya. ¹¹ Agog Herod agod insan yu tamol dida Jesus kukokan digane se ya. Kin dututunanig yamel ta kin sadi on ak tinin fo diganeg Pailat san na fon dijaned diau a. ¹² Imug Pailat in Herod da siai lo dumado na ya. Ak man nal nek an lo in nug turan dilasa ya.

Pailat Jesus aigim fo dubali wo ibol a

Mat 27:15-26; Mak 15:6-15; Jon 18:39-19:16

¹³ Pailat pris gurman, agod Juda tamolpein sad gurman adi dida igiaig dutumanig ¹⁴ igo ibol irupidai, “An tamol en anane apalug abol, in tamolpein bubed yabisap gabman ida ager dumado wo igane da. An naom na tamol en nibitinaeg nile ak gug, muruan a ninen o abol dan fun ta nile man tia ya. ¹⁵ Herod dam nek ago mi ibitinae ile tag, fon iganeg idsad na ipalu ya. Tamol en mel ta igane saian pe lo maten ile san tia ya. ¹⁶ Ago yak ninen o bu mi inane gup nibiseip yau a.”*

¹⁸ Agog in fidian awad kisaek lo mi disasaig dubol, “Tamol an funi imat. Barabas pasi panamap mansama na imul!” ¹⁹ (Barabas man in gabman san ager. In Jerusalem ilon lo ager yabisag an lo tamol ta ifuni imat a. An ninen o diabig subanek ab lo diganeg imado.)

²⁰ Pailat san ilon man, Jesus ibiseip yau o ibol da, ago tag tamolpein malan tubun an

fon isumianai a. ²¹ Ak man in fon duwagin imul go dubol, “Aigim fo bali wa! Aigim fo bali wa!”

²² Ago tag Pailat afon ibol, “In ata muruan ta igane yak ninen imat o abol di? Nai insan muruan ta nile man tia ya. Ago yak ninen o nabol dop bu mi inane nibiseip yau a.”

²³ Ago bo man in tubun mi disasaig, Jesus aigim fo ibali wak dubol. Agog insad sisein an Pailat san ru yabi idu. ²⁴ Ago tag Pailat inaned ru dubol an awad yabig awok ipidinai a. ²⁵ Inaned ilod ibol ago mi tamol in gabman lo ager imadog tamol ta ifuni imat an subanek lo ipasi a. Agog ilod ibol dan ago mi digane wo Jesus banid lo igane ya.

Jesus aigim fo dubali a

Mat 27:32-44; Mak 15:21-32; Jon 19:17-27

²⁶ Agog Jesus dijaned diau dugo dal na Sairini tamol ta yan an Saimon in Jerusalem na iladu wo dugo diabig Jesus san aigim an dupanig isinig nien fo yau.

²⁷ Tamolpein wei nunon Jesus nien aban diri dugo, lulunad lo pein aenta Jesus ninen o tubun mi ditata dugo tina aru digane se ya. ²⁸ Ago tag Jesus idansag irupidai, “An Jerusalem pein, nai ninen o atata amoi. Tia, ansem ninemi wo mi tina aru agane wa, agod ananem nanuk ninedi wo dam mi a. ²⁹ Man dugo, mitep muruan tubun mok ipalu dop tamolpein dubol a, ‘Pein niganig, pein nanuk ad tia yan, agod pein a imug nanuk su ta dupidinai na yan dam gamu ilod uyanan a.’ ³⁰ Saen an lo tamolpein dubol a,

‘Did adup, afunama mamat. Bubun adup, atuanama!’

³¹ Tamol gamu ai kumaen ak lo igo digane da. Ago tap, saen ai ikurnak geig ak lo, ata mel ilasa wak i?”

³²⁻³³ Tamol saiadi ak uraru dam Jesus ida dijal go diaug aben ta, yan an Kabuna Tatu san aben dubol dak, ate dilasa ya. Aben ante Jesus tamol uraru an dida aigim fo dubalai a. Neinta tuon won ak lo dugo, neinta tuon nas ak lo ya. ³⁴ Agog Jesus ibol, “Bai, insad aupasek en pare idu, man dugo, mel e digane den dijanon ak lo digane

* **23:16:** Boi 17 Grik lo tia ya.

da.” Agog inſan kulos duburoug, sed nug lo duwaeg lo satu dukok a.

³⁵ Tamolpein leil digane dugo dutur a, ago dugo Juda sad gurman adi Jesus kukokan digane dugo dubol, “In aenta patud ipasi na ya. Ago yak niſen o, in tamol a Anut ipiliani an, Anut san Kristus, an rumok tap, ka sen patun ipasi dop tile.”

³⁶ Yu tamol a dititiani dan siſiren na dupalug kukokan digane se ya. In wain gigen geig ak wain uyan ak da dukubulig diabisag dubol, “Uluk. ³⁷ On rumok Juda sad kin tap, se ibinawo!”

³⁸ Ru ta ai lapan fo digireg aigim kabuſan fufo na dubali a. Ru en san sutek lo man igo ya, “En Juda sad Kin.”

³⁹ Agog tamol saiadi an kisaek imasag Jesus naon ifute ipeig ibol, “On Kristus. Ago tap, onſe ibinawo dop, man dam binawama!”

⁴⁰ Ak man turan imasag irupej, “Dugo, on Anut niſen o ta urer na di? Id utol muruan naon kisaek mi tisini da. ⁴¹ Id man bo tisini wak fom tisini da. Man dugo, idsad kagin naok naok fom ai wadan en dupanad a. Gug tamol en man kulob ta igane saian man tia ya.”

⁴² Agog tamol an Jesus irupej, “Jesus, saen on kin lasa dop, naj ilo isou.”

⁴³ Jesus ru naon irupej, “Nai rumok nſurupaio da, gamu en on naj da Paradais lo sisem tumado wa.”

Jesus imat a

Mat 27:45-56; Mak 15:33-41; Jon 19:28-

30

⁴⁴ Saen an ad isudag 12 klok igo won dugo, aban tidom tubun go tan fidian yafutanig yen dugo yaug 3 klok gurai isi a.

⁴⁵ Man dugo, saen an lo ad ta ided na ya. Agog yamel tubun tempel lo iyuk yen an, imasireig uraru dilasa ya.† ⁴⁶ Agog Jesus awan tubun mi iwagin go ibol, “Bai, najneſ nſutug on bani lo njigane da.” Ago ibol go imat. ⁴⁷ Agog Rom yu tamol sad gurman in aban ago ileg, Anut yanſan yabisag ibol, “Rumok geig. Tamol en man muruan ta tinin lo tia ya. In itaot a.”

† **23:45:** Kulob an fun man igo ya: Jesus san maten an log dalawan ipasig, gamu id fidian Anut san na tau san dal yen da. ‡ **23:48:** An man ilo muruan san kob § **23:54:** Juda sad ilo sou lo, gurai idug ad idiau itout man, an nal foun

ak ilasa la yan san kob. * **24:1:** Sarere † **24:1:** Sande

⁴⁸ Saen tamolpein a gubak mi aban dile wo dutumani an Jesus imat dugo dile man, ilo muruan lo sed titired dufunig‡ aben an dibiseig diau a. ⁴⁹ Gug tamolpein fidian a Jesus dulon an, pein a Galili nag nien fo dupalu yan dam, duparianig asau mi dutur a. Dugo dugo ilasa yan dile wo malad digane ya.

Jesus mutou lo digane ya

Mat 27:57-61; Mak 15:42-47; Jon 19:38-

42

⁵⁰⁻⁵¹ Tamol ta yanſan Josef, in Juda panu ta Arimatia dubol dan san tamol. In tamol uyan, agod itaot. In Anut san kagin panek ipalu wo malan igane se ya. In Juda sad kaunſil lo imado gug kaunſil dida Jesus san maten o ilod ta kisaek na ya, agod awok ta ipidinai na ya. ⁵² Tamol an Pailat san na yaug, Jesus san sisanun inaneſ mutou lo igane wo isumiani. ⁵³ Pailat awok ipani tag Jesus san tinin tubabun aigim fo yak ipasig, yamel milkouk ak nam ifoug, gib ta pat tubun ak ilon dupasi an lo igane ya. Gib an imug tamol ta ate disare man tia ya. ⁵⁴ Nal an Soubul Kubunek San dubol a. Sabat nal fun igane wo da. §

⁵⁵ Pein Galili nag Jesus nien fo dupalu yan Josef dida diaug, gib a lo Jesus san sisanun dugo dugo won iganeg yen an dam dile ya.

⁵⁶ Agog dumul, inſigned na diaug, guren mumalun uyan ak Jesus tinin diabi wo dukubune idu. Sabat nal ilasa tag kubiaen ibol ak fom diganeg, yaes dubal.

24

Jesus fon kumaen imasa da ya

Mat 28:1-10; Mak 16:1-8; Jon 20:1-10

¹ Aria, ubou san nal Sabat dubol dan* itout go nal patun fo, ubou turan san nal malmalan,† tidom lom geig, pein guren mumalun uyan uyan ak fidian dukubune yan disinig, mutou fun na diau a. ² Mutou fun na dilasag, pat tubun a ate mutou awan dufutani an awan dubuli yau la yan dile ya. ³ Ago tag gib ilon lo diladu yak gug Jesus san sisanun ta dile na ya. ⁴ Agog kankan

ifu dugo dutur ibol ak, tamol ta urarum, inşad kulos weil irafule dan san lilaman igo won ak, giraned na dilasag dutur dugo dil a. ⁵ Pein an tubun kasik direr go naod itakok tan na idu ya. Agog tamol uraru an durupidai, “An ata wo tamol dumat ak luluñad lo tamol kumaen ak abañan abi dak i?” ⁶ In etna tia. In kumaen imasa ya. Ilo sou agane, gubak mi saen an in da Galili na amado yan igo irupaian go ibol, ⁷ “Tamol Nanun aupasek tamol banid lo diganep, aigim fo dubali wa. Agop nal utol yen gup, fon kumaen imasa da wa.” ⁸ Ago dubol dugo pein an Jesus san ru ilod isou.

⁹ Ago tag mutou dibiseig dumul diaug, megeloum 11, agod tamolpein aenta dida dumado dan dam durupidai a. ¹⁰ Pein a diau an: panu Magdala san Maria, Joana, agod Jems tinan Maria. In pein aenta dam dida diau ak ru an aposel adi naod na dubol. ¹¹ Ak man aposel adi sad ilo sou lo man, ru a pein an durupidai an njeo mi a, an ninen o ilod lo ta rumok na ya. ¹² Gug Pita imasag, imaspalug, mutou fun na yaug, iyep pat gubaran ilon lo yau ya. Ak man yamel a ate Jesus san sisanun du-fou an mi yen dugo ile tag, kankan gidigidad inane dugo fon imul ab lo yau a.

Tamol uraru Jesus dal a Emeas na yau dan te dile ya

Mak 16:12-13

¹³ Nal kisaek an lo mi luluñad lo tamol uraru in panu ta Emeas dubol dak lo diau se ya. (Jerusalem biseip, 11 kilomita wau gup, Emeas na lasa wa.) ¹⁴ Dal na melmel a fidian ilasa na yan nug lo dukubiai dugo diau se ya. ¹⁵ Inşed dinjen di diau dugo Jesus inşen ilasag, luad isag, dida sisem diau a. ¹⁶ Tamol uraru an Jesus dile bo man, Anut malad yafutani an lo in tamol sen ak ta dubol a. ¹⁷ Agog Jesus isumianai, “An so ru ta abol dugo au di?”

Ru an duloñ go dupartuanig ilo muruan ad da dutur a. ¹⁸ Tamol ta yanñan Kleopas imasag isumiani, “Nag onse kisaek Jerusalem na nor warim kulob ilasa na yan ta ulon na boi i?”

¹⁹ Ago dugo Jesus isumianai, “So mel ta?”

In ru naon durupe, “Muruan nek a Nasaret tamol yanñan Jesus dubol dan lo

ilasa amaiak ninen o mabol da. Tamol an in profet. Inşan njen, urat dam dabai anda igane se ya. Anut, in tamolpein dida dupitiani na ya. ²⁰ Mañsama pris gurman adi agod idsad gurman fidian dida dubol dugo, Rom san gabman gurman banin lo digane ya. Agog tamol an kot ipanig aigim fo dubalig imat a. ²¹ Mañ iloma lo, Anut tamol an Isrel adi patud ipasi wo ipiliani a. Ago igane wo mañ tinim migane pani na ya, gug gamu tia ya. Taida mi, gamu muruan an ilasa gug nal utol yau la ya. ²² An mi tia, mañsama pein luluñad lo aenta tidom lom mutou fun na diau a. ²³ Mutou fun na dilasag tubabun gib lo ta dile na ya. Ago tag mañsama na dumul go igo durupaiama, malad ntuñ dile dugo enel uraru dil go enel an durupidaig dubol, ‘Jesus kumaen imasa la ya.’ ²⁴ Ago tag mañ luluñam lo tamol aenta mutou fo diaug pein adi durupaiama yak ago mi dile ya. Ak man tubabun ta dile na ya.”

²⁵ Agog Jesus irupidai, “An ilom tia. Ata wo profet adi ru dubol na yan ilom lo ta rumok na yak i? ²⁶ Profet adi kuai tem dubol, Kristus mitep muruan isini gup, inñan girager agod yanñan tubun ak inane wa.” ²⁷ Agog inşen ninen o girek lo Moses in profet adi dida ninen o dubol na yan fun ifulale ya.

²⁸ Agog dupalug, Emeas sumeik dugo, Jesus itaot yau wo igane tag ²⁹ diabituanig durupe, “Ad idu la yak ninen o umoip, taen.” Ago tag dida ab lo disida ya.

³⁰ Anañ diani wo dumasi dugo Jesus bret inañeg, Anut ilo uyan ipanig, yafuteg, ipidinai dugo malad ipuk go ³¹ in duloñ man, tamol en nek Jesus sen a. Agog Jesus gamu nam malad lo tia yau. ³² Agog tamol uraru an nug ru durupeig dubol, “On ilo isou, gubak mi saen Jesus id da dal na turen tabi dugo ru fidian girek lo yan fun ifulale panad se yan, inşan ru bubed lo nek ibol yai inani dak igo won a.”

³³ Agog dumasag fon Jerusalem na ririan dumul go diau. Jerusalem na megeloum 11 an in turad aenta dida dutumanig dumado dugo dil a. ³⁴ Agog in tamol uraru an durupidai, “Rumok geig. Tubun en fon kumaen imasa ya! Saimon Pita sen malan

lo mok ile ya.” ³⁵ Ago tag tamol uraru an dam dal na aban dugo dile yan dubol, “Man dam dal na mile yak man in ta malon na ya. Gug saen bret yafuteg ipanama ante dugo in malon a.”

Jesus megeloum naod na ilasa ya
Mat 28:16-20; Mak 16:14-18; Jon 20:19-23; Apo 1:6-8

³⁶ Tamol uraru an ago dininon dugo Jesus lulunad lo ilasag ibol, “An maror amado.”

³⁷ Agog durut go direr saian. In ilod lo tamol nutun ta naod na ilasa dubol a. ³⁸ Agog isumianai, “An ata wo arer dak i? An ata ninon o ilom weiwei di? ³⁹ Malam ipalup, ngeg banig ale. En man naiseg. Abiag pe aliag! Tamol nutun man tinid tatu an tia ya. Gug nai man tinig tatu amag da ya.”

⁴⁰ Ago ibol go njen banin ikibiai dugo dile ya. ⁴¹ In ilod uyan ak man ilod lo kitek ta rumok na ya. Man dugo, durut saian dugo in ilod weiwei, an lo ilod lo rumok san ta pasauman na ya. Ago tag isumianai, “An etna mel nuaen san ta yen di?” ⁴² Agog iy gisek ak dupanig, ⁴³ naod nam inaneg yani dugo dile ya.

⁴⁴ Agog irupidai, “Imug jurupaian ak ilom isou. Wagam Moses san kubiaen lo, profet adi sad girek lo, agod Isrel sad kanam buk lo dam, melmel fidian nai o digire na yan nunon ilasa wa.”

⁴⁵ Agog insad kankan isofulaleg, an lo Anut san ru girek lo yen dan fun mok dulon fufei a. ⁴⁶ Agog irupidai, “Ru a buk lo digire yan igo ibol: Kristus mitep muruan isinip, imat pe, nal utol gib lo yen gup, fon kumaen imasa da wa. ⁴⁷ In yan lo Anut tamolpein ilod ibilisa dop, inaned muruan ipasi pidinai an san ru, Jerusalem na fun igane gup, panu panu lo yau a. ⁴⁸ An melmel ilasa dugo ale na yan abol dop, dulon a. ⁴⁹ Bai mel ipanan o ibol an nau gup, nidinip ipalu wa. Ago yak ninon o Jerusalem na malam aganep amado dop yaup, dabai a lak na yak ipalu wan idup an tinim inane fute wa.”

Jesus lak na isuda yau a
Mak 16:19-20; Apo 1:9-11

⁵⁰ Agog Jesus inal go diaug, Betani na dilasa ya. Atnag banin yabisag, bar ipidinai

a. ⁵¹ Agog ibisawaig, Taman inaneg sinjiren na yau a. ⁵² Tamol a leil digane dan Jesus ubou an dile gug yousai tubun geig ak lo mi dumul go Jerusalem na diau a. ⁵³ Ante saen wei mi tempel lo Anut per dupani dugo dumado na ya.

Jon

¹ Fun lo mok Anut mel fidian ta idiri na dugo, Ru in yen la ya. In Anut da dumado ya, agod Ru mi insen Anut. ²⁻³ In Anut ida dumadog, in lo mel fidian dilasag dien da. Ta in dal sen ta lo ilasa man tia geig a. ⁴ In lo kumaen yen da, an lo mel fidian kumaen dinane ya, agod kumaen an tamolpein lo lilaman igane ilasa da. ⁵ Lilaman an tidom tubun lo ided da, agod tidom tubun an lilaman ituani san tia ya.

⁶⁻⁷ Aria, Anut tamol ta iganeg imug ilasa ya. In yan an Jon dubol da. In ipalug, lilaman san ru fun an tamolpein fidian ikubiai ipidinaip, dulong pe, ilod lo rumok san. ⁸ Ak man Jon insen lilaman amaiak tia ya. In lilaman an ninen ru an ibol ilasa dop dulong o ipalu ya. ⁹ Lilaman a lilaman mok an, tan na idup tamolpein fidian lilaman ipidinai o ipalu ya.

¹⁰ In lo mel fidian dilasa ya, agod in tan en lo kuai isig imado la yak bo man, tamolpein dinaon geig a. ¹¹ Insinanen tan lo ipalu ya, ago gug muroun muroun an in dinane man dumoi. ¹² Ak man tamolpein a in dinane yan, agod in yan tubun ak ilod lo rumok an fidian, Anut nanun dilasa san dabai in ipidinai a. ¹³ In tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, inanen nanun muroun dilasa ya. ¹⁴ Ru an tamol nunon ilasag kuai isi a. Agog in man lulunama lo ida mumado na ya. Rumok, Bai Anut inanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek in ru rumok da in tinin inane fute ya.

¹⁵ Aria, Jon malak malak in ninen o igo ibol iwagin, “Tamol emaiak ninen o nai nurupaian go alon na ya. Tamol a nai patug fo ipalu dan, nai irinanag dugo naisag malan te yak imado da. Man ata wo, wagam mi nai ta njilasa na yan in imado la ya.” ¹⁶ Insan ilo munanek tubun mok in lo awan isa ya, an lo binawek wei mi an inanen banin dibi-seig id fidian tinane na ya. ¹⁷ Man dugo, Anut id Moses banin lo kubiaen ipanad a,

gug ilo panek in ru rumok da man, Jesus Kristus lo mi ipanad a. ¹⁸ Tamol ta Anut kitek ile man tia geig a. Gug Anut a kisaek o lian an, Taman giran na imado na ya, in tan na ipalug Taman ikubiai panad go talon a.

*Jon Suguek san, ru kuai te ifulale ya
Mat 3:1-12; Mak 1:1-8; Luk 3:1-18*

¹⁹ Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulong o dusumianig dubol, “On enti i?” ²⁰ Agog Jon ru kuai tem irup-idaig dulong a, in enti mok an ta itot na ya. In igo ibol, “Nai man Kristus tia ya.” ²¹ Ago tag in dusumianig dubol, “Ak on enti i? On dag profet Elaija wagam na yak fon palu boi?” Ak man in ibol, “Man tia.” An ninen o in fon dusumiani, “On dag profet a Anut ninen o ibol amaiak boi?” Gug in ibol, “Tia ya.” ²² An ninen o in dusumiani, “Ago tap, ubol pe malon, on enti mok i? Man tamol didinamag mupalu yan ata ru ta murup-idaip dulong ak i? On onse nibe wo dugo ubol dak i?” ²³ Ago gug Jon profet Aisaia awan aban inane igo ibol, “Nai man tamol ta aben kawan ak ate iwagin emaiak san awan njisiaig njuwagin da, “Tubun en inanen dal akubune apani!” ”

²⁴ Farisi adi lulunad lo tamol aenta imug didinaig dupalu dugo, tamolpein dida dutur a. ²⁵ In dam Jon dusumianig dubol, “On Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinai dak i?” ²⁶ Jon awad yabig igo ibol, “Nai tamolpein you lo mi nsuguai da. Gug tamol ta an lulunam lo itor dak an ta alon na da. ²⁷ Tamol an in nai patug fo ipalu da, gug in nai irinanag a. Nai seg iliag dak man, nai insan sendal njupasi san ta idaisuda na ya.” ²⁸ Saen an lo Jon panu Betani na imado dugo, you Jordan aen ate inanen suguek urat igane se ya. Panu ante kulob an fidian ilasa ya.

Jesus man Anut san Sipsip Nanun

²⁹ Agog dien dumasag nal tinin te yan, Jesus imasag Jon san na ipalu dugo, Jon malan yang ile, agog ibol, “Ale dak, an Anut

san sipsip nanun ipalu da. In ipalu dan lo, tan en san tamolpein sad kagin saiak fidian iragali pidinai a. ³⁰ Nai gubak mi tamol nek amaiak ninen o nabol a. 'Tamol ta in nai patug fo ipalu dan in nai irinagan go naisag tamol malan te yak imado da. Man ata wo, wagam mi nai ta njilasa na yan in imado la ya.' ³¹ Naisag man gubak mi in tamol dugo yan ta njalon na ya. Ago yak man nai njupalug, tamol amaiak Isrel tamolpein njukubiai pidinaip dile dulon o, you nam njusuguai se ya."

³² Agog Jon mel a ile yan ninen igo ibol, "Nai Urgun kumaen panu ibiseig idu dugo njile ya. Insan leil man nek ibol muluk on idug Jesus gumuran fo imado dugo njile ya. ³³ Naisag man imug in tamol dugo yan ta njalon na ya. Gug Anut enti tamolpein you nam njusuguai o idinag go njupalu yan, insen irupaig go ibol, 'On Urgun ule dop idup, tamol ta tinin fo imado wa. Tamol nek an in tamolpein Urgun lo isuguai a.' ³⁴ Nai njile njalon la ya, an lo nai in ninen o ru nabol ilasa da, tamol en in Anut Nanun mok a."

Jesus megeloum malan malan injal a

Mat 4:18-22; Mak 1:16-20; Luk 5:2-11

³⁵⁻³⁶ Nal tinin te yan lo, Jon san megeloum uraru in dida dutur dugo malad yaug, Jesus yau dugo dile. Jon Jesus ile tag megeloum irupudai, "Ale dak, on Anut san sipsip nanun, tamolpein ibinawai o ipalu ya." ³⁷ Megeloum uraru an ru ago dulon tag, diaug, Jesus njen aban diri se ya. ³⁸ Agog Jesus idansag, uraru an yil tag irupudai, "An ata mel o aban abi di?" Agog uraru an awan diabig dubol, "Rabbi (en fun man girek manau) on ab dugon te mado di?" ³⁹ Agog Jesus awad yabig ibol, "An apalup ale." Ago tag in dida diaug, ab a ate imado dan dile ya. Nal an gurai idu ya, ago tag in dida atna dumado yaug tidom idu ya.

⁴⁰ Megeloum uraru Jon awan dulon go Jesus da diau an, neinta yan an Andru, Saimon tein. ⁴¹ In Jesus ibiseig ririan yaug tein Saimon aban yabig, ileg irupe, "Man Mesias mile la ya." (Yanak Mesias fun man Kristus.) ⁴² Agog tein Saimon inane, ida dumul Jesus san na dupalu. Jesus malan ti ibol Saimon ileg irupe, "On Saimon, Jon

nanun. Gamu nai on yan sen ta Sifas njupate da." (Grik ru lo Sifas fun man Pita dubol da, an "pat" igo won a.)

Jesus Filip in Nataniel da isu a

⁴³ Dien dumasag, Jesus distrik Galili na yau o ilo sou igane ya. In Filip ileg irupe, "On nai da tau a." ⁴⁴ Filip in panu Betsaida dubol dan san tamol, an in Andru Pita da sad panu kisaek a. ⁴⁵ Filip Nataniel aban yabig ileg irupe, "Man tamol a Moses in profet dida ninen o dubol dugo, girek lo digire emaiak mile la ya. In Nasaret tamol, yan Jesus, Josef nanun." ⁴⁶ Agog Nataniel ibol, "Mel uyan ak ta Nasaret na ka ilasa wak i?" Gug Filip ibol, "Onse palup ule."

⁴⁷ Agog diau dugo, Jesus Nataniel insan na ipalu dugo ile tag, in ninen o igo ibol, "Ale, an Isrel tamol mok. In ilon lo kagin sewak ak ta yen man tia geig a." ⁴⁸ Ago tag Nataniel isumianig ibol, "On dugudo won nai fug ulon i?" Agog Jesus awan yabig igo ibol, "Filip on gamugo igio dugo, onse gurab dabin fo mado dugo njilio ya." ⁴⁹ Ago tag Nataniel irupe, "Girek Manau, on Anut Nanun mok a, on Isrel sad Kin."

⁵⁰ Agog Jesus ibol, "Nai on gurab dabin fo mado dugo, njilio nabol an ninen o on ilo lo rumok i? Ulon ak, murnap on mel tubun geig ak mel en irinani an ule ulon a." ⁵¹ Jesus fon irupudai, "Nai rumok nunon mi njurupaian da. Murna dop Anut kumaen panu awan ipasip, an malam yaup, Anut san enel adi Tamol Nanun san na dusuda dudu dop eil a."

2

Jesus you ibileksag wain ilasa ya

¹⁻² Nal uraru yau gug, panu Kana Galili distrik lo ante nug nanek san soubul digane. Jesus tinan ab an lo imado dugo, Jesus san megeloum dadi digiaig dupalug, nug nanek san soubul an lo dumado ya. ³ Nug nanek san soubul an diani diluk yaug you wain itout. Ago tag Jesus tinan imasag nanun irupeig ibol, "In sad you wain itout a."

⁴ Ago tag Jesus tinan irupeig ibol, "Nei, ata wo onsa tini ganei nai lo gane dak i? Naisag saen gamugo da." ⁵ Aria, tinan yaug urat pinein irupudai, "Urat biabi fidian

irupaian dop, awan ari apani.” ⁶ Ab an lo bod tubun tubun ak 6 dutur dan ate you disirip, Juda sad kagin lo mi njed banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da. ⁷ Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag in ibol ak atem ago digane ya. ⁸ Agog Jesus irupudaig ibol, “You an ta awalip asini aup, soubul san gurman apani.” Ago tag in you an disinig diaug dupani a.

⁹⁻¹⁰ Agog soubul gurman an you a ibilek-sag wain mok ilasa yan iluk ile ya. Ak man kulob an fun ta ilon na ya. Urat pinein a you disiri an in dulon ak man ta durupeil on na ya. An ninen tamol an nug njanek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinaid luk da. Dugodog on ago ta gane na i? On wain uyan ak ilo isig yen gug gamu sini palu ya.”

¹¹ Kulob girager en Jesus san urat malan malan Galili distrik lo Kana panu na igane ilasa ya. An lo inisan yanak tubun ak san dabai in lo yen dan kuai isig, inisan megeloum dileg, in o ilod lo rumok a. ¹² Soubul an itout gug Jesus imasag, tinan, tein muroun, inisan megeloum isug, dida panu Kaperniam na dudug, ante kitek dida dumado ya.

Jesus Tempel lo yau a

Mat 21:12-13; Mak 11:15-17; Luk 19:45-46

¹³ Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a. ¹⁴ In yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a. ¹⁵ Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a. ¹⁶ Ago gug tamol anakanak didad se yan irupudai, “Anjanem mel en fidian asup alasa. An

njaneg Bai san ab en anjanep daden aben igo ta agane na wa.”

¹⁷ An ninen o inanan megeloum ru ta Anut san buk lo digireg yen dak ilod isou. Ru an igo ibol, “Nai onjane ab ilog napani mok da, an ninen o nai ilog saian dugo bubeg wananan geig da, an lo kankan an nai ilog yabi sakar dugo iduduweg da.”

¹⁸ Jesus ago igane dugo Juda gurman dileg, dumoi go dubol, “Onj ata kulob girager ta ganep man milep malon ak, on en so dabai ta lo igo gane dak i?” ¹⁹ Ago tag Jesus awad yabig igo ibol, “Nai ubou ab en nititale gup, nal utol lo mi fon nususe da wa.” ²⁰ Agog Juda adi Jesus durupeil, “Ab en anajar 46 lo diabig itout a. Gug gamu on en nal utol lo mi wabisa da wo ubol dak i?” ²¹ Ak man Jesus ubou ab ninen ibol an, fun man inisen tinin ninen o ibol a. ²² Ago yak ninen o saen Anut Jesus maten lo ifufunig fon kumaen imasa yan lo, inanan megeloum dileg ru a wagam mi Jesus inisen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

²³ Jesus tumanek tubun Pasova dubol dan san saen lo, Jerusalem na imado dugo, doup tubun an inanan kulob girager igane yan dile tag, in o ilod lo rumok a. ²⁴ Ak man Jesus inisen inanan tini ganei tamolpein an lo ta igane na ya, man dugo, in tamolpein an fidian ilod ilon fufei a. ²⁵ Tamol ta kankan naok dugo yak a tamolpein bubed lo yen dan ninen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

3

Jesus Nikodemus ida dinjen a

¹ Farisi sad tamol tubun ak ta yanjan Nikodemus. In Juda adi sad gurman ta, agod Juda sad kaunsil malan te yak lo yanjan yen da. ² Tamol an tidom ta lo Jesus san na yaug, irupeil, “Girek Manau, man malon ak Anut onj idinog mansama na girek manau igo palu ya. Man dugo, tamol enti a Anut ida dumado dan mi, kulob tubun a onj gane dan in ka igane wa. In

Anut san tia dop man, urat a gane dan igane san tia ya.”

³ Jesus awan yabig igo ibol, “Ŋai rumok nuŋon mi ŋurupaio da. Isop tamol ta foun ta ilasa na tap, Anut san kagin panek aben ile san tia geig a.” ⁴ Ago tag Nikodemus awan yabig ibol, “Dugo woŋ pe tamol in tinin tamol igane la yak afon foun ilasa da wak i? Nag fon tinan tiŋaen lo ka iladup, nanuk igo woŋ tinan igansi wak i?”

⁵ Jesus ru naon irupeig ibol, “Ŋai rumok ŋurupaio da. Isop tamol ta you in Urgan da lo kumaen foun ak ta inane na tap, Anut san kumaen panu ilon lo ta iladu na wa. ⁶ Mel tinik lo ilasa man tinik san mel mi a, nek ago mi, mel a Urgan igane ilasa dan in ur san mel a. ⁷ Gug on foun lasa wo ŋabol dan niŋen o on masa saian umoi. ⁸ Tim man inŋen inanen ilon ibol ak lo yau imul da. Ago dop tim an liliŋan mi ulon da. Gug in dugon te ipalug dugon te yau dan, on ta ulon na ya. Tamol a Urgan iganep, foun ilasa dan nek ago mi a.”

⁹ Nikodemus isumianig ibol, “En dugo woŋ mok ilasa wak i?” ¹⁰ Agog Jesus awan yabig ibol, “On man Isrel luluŋad lo inŋad girek maŋau mado ya, ago gug, ata wo mel an fun ta ulon na ubol di? ¹¹ Rumok nuŋon mi ŋurupaio da. Maŋ mel a malon an niŋen o mi ru mabol da, agod maŋ mel a maŋsema malama nam mile yan mi tamolpein naod na mabol ilasa da, ago bo man an tamolpein maŋanema ru anane wan amoi da. ¹² Ŋai tan san kagin niŋen o imug mi ŋurupaian a, ak gug an ilom lo ta rumok na ya. An niŋen o, dugo, ŋai fon kumaen panu san melmel an niŋedi wo ŋurupaian dop man, an dugo woŋ pe an ilom lo rumok ak i? Man tia geig a. ¹³ Tan en san tamol ta kumaen panu lo iladu man tia ya. Tamol Nanun in mi aben an lo iladu ya. Man dugo, inanen fun panu man tan en san tia ya, tia, gubak mi in Anut da dumado gug, kumaen panu ibiseig idug tan na ilasa ya. ¹⁴⁻¹⁵ Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak niŋen o Moses ai igunig, mot mitilaen ta yabisag isuŋani a. Talpein mot mitilaen ile dan, imat san tia ya, tia, kumaen imado ya. Nek

ago mi Tamol Nanun diabisap dusuŋani wa. An niŋen o tamolpein a fidian ŋai o ilod lo rumok dan, in kumaen pempem san diŋane wa.

¹⁶ “Anut in tan en san tamolpein niŋedi wo imat, an niŋen o inanen Nanun kisaek o lian an ipanad a. An lo tamolpein in o ilod lo rumok tap, ta dideg diau na wa. Tia, in kumaen pempem yen san diŋane wa. ¹⁷ Man dugo, Anut inanen Nanun tan na iganeg ipalu yan, in tamolpein bitinaek lo idiraip naon muruan ipidinai wo ta ipalu na ya. Man tia. In ipalu yan lo tamolpein patud ipasi dop, pitiŋinek aben lo ta diau na wa. ¹⁸ Enti in o ilon lo rumok dop man, Bitinaek Tamol in muruan ta ipani na wa. Gug enti in o ilon lo rumok tia yan in ideg yau san dal lo imado la ya. Man ata wo, in Anut Nanun kisaek o lian an niŋen o ilon lo ta rumok na ya. ¹⁹ Bitinaek Tamol yil saian man fun igo ya. Lilaman tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, in kagin saiak saiak mi digane wo dumat da. ²⁰ Tamolpein kagin saiak digane dan in lilaman dumoi go san ager dumado da. In lilaman lo dupalu san dumoi, man dugo, kabelan inaned kirem saian an kuai te ilasa banau. ²¹ Gug talpein a in kagin rumok ak igane dan in lilaman lo ipalu dop lo inŋan urat uyan ak walal te ilasa wa. Ago dop tamolpein a talpein an leil dupani dan, in dile dulon ak, talpein an Anut san dabai lo inŋan urat fidian igane da.”

Jon Suguek san in Jesus fun kuai ipani a

²² Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai. ²³ Ago dugo Jon dam sasau Aionon dubol dak ate, aben Salim sumeik an, ante imado dugo tamolpein inŋan na dupalug you lo isuguai se ya. Man dugo, you kuror ak aben ante dien da. ²⁴ Saen an lo man gurman Herod in Jon subanek lo gamugo igane ya. ²⁵ Aria, Juda tamol ta ipalug, Jon san megeloum dida Juda sad you sugug kagin niŋen o fun diganeg nug dupei. ²⁶ Ago tag Jon san megeloum diaug durupeig dubol, “Girek

manjau ule, tamol a gubak mi on in da you Jordan aen ate amado dugo, in njen o ru fulale amaiak, in tamolpein suguek ipidinai dugo fidian insan na mi diau da.”

²⁷ Agog Jon ru naon igo irupidai, “Uyan, talpein ta insinan dabai lo mel ta inane san tia ya. Tia, in binawek Anut kumaen panu lo iganeg idu an mi ka inane wa. ²⁸ Ansem gubak mi naj ru kuai te nabol ilasa dugo alon la ya. Nai Kristus tia ya. Ago yak man naj Anut sen idinag go Kristus naon na njanug njupalu ya. ²⁹ Tamol ta in pein da nug dinane tap, pein an tamol an san. Go tamol sen ak turan an patun fo sumeik itur dan insan turan an awan ilon, an njen o ilon uyanan geig a. Nai man Kristus san turan, tamolpein insan na diau dan neil dop, ilog uyanan geig da. ³⁰ Ago yak njen o in yanan tubun mi imasap yau dop, naj yanyag ka idu wa.”

³¹ Tamol in lak nag idu yan in yanan tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian irinjanai a. ³² In mel a fidian yil an, agod mel a fidian kududon ilon an dam, tamolpein naod na ibol ilasa da. Ak gug insan ru tamolpein an fidian irinjanai yau on dugo, dulon o dumoi. ³³ Gug talpein enti ru an inane yabi sakar dan, kulob an lo ikubiai tile yak insan ilo rumok igo ya, “Anut san ru an ru rumok.” ³⁴ Man dugo, Tamol a Anut idinig idu yan, in awan Anut san awan aban mi inijen da. Ata wo? Anut in Ur kabelan ka Tamol an ta ipani na da, tia, insan Ur tubun mi in lo awan isa wa. ³⁵ Bai inanen Nanun o tubun mi imat go, mel fidian in banin lo idiri a. ³⁶ Ta in Anut nanun ilon lo rumok tap, in kumaen pempem yen san inane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tinje saiak in lo yen da.

4

Jesus Sameria pein ida dinijen a

¹⁻³ Jesus tamolpein wei mi insan na dupalug inanen megeloum dilasa gug isuguai a. Tamolpein a Jesus isuguai se yan san

sutek man Jon san irinjanai a. (Jesus insen tamolpein ta isuguai na ya. Tia, inanen megeloum mi urat an digane ya.) Farisi adi Jesus dugo igane yan dulon, an njen o ta in Jesus irupeil on. Ago tag in Judea ibiseig fon imul Galili na yau o turen yabi a.

⁴ Dal an Sameria dumado dak titinjam idug yau a. ⁵ In yang Sameria sad panu ta, yanan Sikar dubol dan ate ilasa ya. Aban an tubud baged Jakob nanun Josef tan ipani an siniren na sumeikan a.

⁶⁻⁸ Aria, Jesus turen yabig yau do nad ad titinjam mi an in urei ifuni gug, you gib an fun na ilasa ya. Gib an Jakob san you gib dubol da. In yaes ibal o imasig imado ya. Gug inanen megeloum man in anan didad o panu na diau la ya, agod Jesus mi insen kisaek imado. Agog Sameria pein ta you gib an isiri wo idu nad Jesus ile ya. Jesus in you o imat saian tag, pein an irupeil, “You kitek sirip panag njaluk.”

⁹ Juda in Sameria da man nug lo siai dumado da, agod in nug san anan ta diani na da. An njen o pein an imasa saian go irupeil, “On ata wo naj on you njupanop, uluk o ubol di? On Juda, agod naj man Sameria.” ¹⁰ Jesus pein an ru naon irupeig ibol, “On talpein e, ‘you panag njaluk’ ago ibol an, agod Anut san lou panek an dam ulon uyan ak man, on in sumiani dop, you kumaen san an ipanop uluk a.” ¹¹ Ago tag pein an Jesus irupeil, “Tamol tubun en, on you kapen ama tia ya. Agod you gib en kuror kasik a. Ago yak njen o you a kumaen san an on dugon te nane wak i? ¹² Idsad tubud baged Jakob in you gib en yabig man ipanama ya. Insen you en iluk na ya, inanen nanun muroun dam, makau, sipsip dam you en diluk na ya. Ak nag on in rinjanai ubol di?”

¹³ Ago tag Jesus pein en awan yabig ibol, “Ta in you en iluk tap, in fon you o imat da wa. ¹⁴ Gug ta in you a naj njupani wan iluk tap, in afon you o ta imat na wa. Rumok, you a naj njupani wan, in ilon lo pempem ibanai ilasa dop, kumaen pempem yen san ipani wa.” ¹⁵ Ago tag pein an ibol, “Tubun en, on you an naj panag. Agop naj fon you o njamat dop, you nsiri wo ta njupalu na wa.”

¹⁶ Jesus awan yabig irupeï, “On waup, onjane iwo njane gup, fon ente ida apalu.”
¹⁷ Agog pein an ru naon irupeig ibol, “Nai iwog tia ya.” Ak man Jesus ibol, “On iwo tia ubol dan rumok a. ¹⁸ On wagam tamol faiv unjal la ya. Gug gamu tamol a in on ida amado dan man in onsa iwo tia ya, an ninjen onsa ru ubol an ru rumok geig a.”

¹⁹ Pein an ago ilon man, imasa saian go Jesus irupeï, “O tamol tubun en, nai ilog isafulale ya. On Anut san profet. ²⁰ Dugudo, man tubum murouma in did en fo dutumanig, Anut ubou an dile na ya. Gug an Juda man Jerusalem na mi aup, ante Anut ubou an ale wo asue ti abol da.”

²¹ Ago tag Jesus irupeï, “O pein, ru e nurupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa. ²² An Sameria adi Anut a ninjen o ubou ale dan ta alon uyan na ya. Gug man Juda man in malon uyanan a. Man ata wo? Anut tamolpein injal pe patu pasek ipidinai san dal man Juda sad dar lo ilasa ya. ²³ Gug nal ta idu wo yan gamu nek e ilasa la ya, ante man tamolpein ensauta a kagin nunon ak lo mi Anut san ubou an dile dan, Urgun lo, agod ru rumok ak da, in ninjen o ubou dile wa. Man dugo, Anut ensauta a ubou naok ago digane dan mi yil o abanad yabi da. ²⁴ Anut man in Ur a. Fun an ninjen o, tamolpein ensauta a in kagin nunon ak lo mi ubou an dile dan man, in Urgun lo, agod ru rumok da, in san ubou an dile wa.”

²⁵ Ago tag pein an Jesus irupeï, “Nai njalon ak, Mesias ipalu da. In id ibinawad san Anut ipiliani a. In ipalu gup, mel fidian kuai te igane ilasa dop tile talon a.” ²⁶ Agog Jesus pein an irupeï, “An bo njaiseg, nek e on da tinjen da.”

Jesus san megeloum dumul dupalu ya

²⁷ Jesus pein ida dinjen di dumado dugo inanan megeloum dupalug dilasa ya. Ago dile man in durut saian geig a. Gug in lulunad lo tamol ta kisaek Jesus isumianig, “On ata ipano wo ida anjen in?” tia, “On ata wo ida anjen in?” ago dubol man tia ya.

²⁸ Agog pein an you kapen igansig you fun na yen dugo, imul panu na yaug tamolpein irupudai, ²⁹ “Apalup, tamol ta in

nai kulob njigane na yan fug fidian ifulale idu pasik an ale. Dag in Kristus boi?” ³⁰ Ago tag fidian panu dubuseig, Jesus dile wo you fu na diau.

³¹ Agog Jesus san megeloum in durupeï, “Tubun ak, on gidad nuai a.” ³² Gug in awad yabig ibol, “Nai anan sen ta amag da yak, an nani san an ta alon na ya.”

³³ An ninjen o inanan megeloum nug durupeig dubol, “Dag tamol ta anan isini ipalug ipanig yani la boi?”

³⁴ Gug Jesus irupidaig ibol, “Naisag anan man igo ya, nai Bai idinag go njupalu yan inanan awan njuri njupanip, inanan urat njiganep itout pasik a, an mi njaisag mel tubun a. ³⁵ An igo abol, ‘Kalam iwoiwo yau gup man anan ibes idu wa.’ Gug nai rumok nurupaian da, malam yaup aban ale, an gidad anan ale alubani. Nunon tales san saen idaisudag yen da. ³⁶ Tamol in anan nunon urat an igane dan, in naon uyanan inane wa. In tamolpein itumanaip, kumaen pempem yen san dinane wa. Urat an fun igane la ya. Ago dop tamol anan piapae san, nunon iles san an ida sisem sed iyunanai a. ³⁷ Fun an lo, ru a tamolpein dinjen na yan nunon ilasa ya, ‘Tamol ta kisaek anan ipae da, ak gug tamol sen ak anan iles da.’ ³⁸ Nai an abi a ante anan ta apae na yan lo, anan ales san urat agane wo njidinan go au a. Tamolpein aenta abi an lo urat tubun mi digane la ya. An in sad silali naon anane ya.”

Sameria wei mi ilod lo rumok a

³⁹ Sameria panu an san tamolpein wei mi in pein an san ru dulon go, Jesus lo ilod rumok a. Man dugo, pein an ibol, “Nai gubak mi kagin dugo njigane na yan fidian irupaig a.” ⁴⁰ An lo saen Sameria adi Jesus san na dupalu dugo, in kitek dida dumado wo dusumiani a. Ago tag nal uraru ante dida dumado ya. ⁴¹ Gug gamu tamolpein nen wei geig in Jesus sen awan lo ru dulon ak ninjen o ilod lo rumok a.

⁴² In fidian mi pein an durupeï, “Gamu en man onsa ru mi malon ak o iloma lo ta rumok na ya. Tia, mansema Jesus sen awan lo ru malon ak o iloma lo rumok geig a. Agod man malon ak, nek tamol emaiak,

rumok nuñon mi, inñ tan en san tamolpein fidian sad patu pasek tamol.”

Jesus kinñ san urat tamol nanun ikubuneya

⁴³ Nal uraru an itout go, Jesus Sameria adi ibisawaig imul Galili na yau. ⁴⁴ Gubak mi Jesus inñsen igo ibol ilasag ibol, “Anut san profet inñsinan panu fun lo man yañan tia ya.” ⁴⁵ Aria, saen inñ Galili na ilasa dugo, tamolpein dileg duyuñani a. Man fun dugo, inñ dam Jerusalem na nal tubun an lo, kulob kulob a ante igane yan dile yak ninen o, ago malan dupare ya.

⁴⁶⁻⁴⁷ Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kinñ san urat tamol gurman ta nanun Kaperniam na imado yan, subam ifuni saian. Inñ Jesus Galili distrik lo imado yan ilonñ tag, imasag ririan Jesus san na yau. Inñ yaug, inñanen nanun imat o itor dan, Jesus ikubunep uyan ilasa wo imosiai a.

⁴⁸ Agog Jesus irupei, “Anñ tamolpein pem-pem kulob ta girager aman da yak, agod kulob a urer san dam ale wo ilom ibol da. Tia dop, anñ ilom lo ta rumok na wa.”

⁴⁹⁻⁵⁰ Ago dugo kinñ san urat gurman an fon inñ igudanig ibol, “O Tubun ak, onñ palu kisaek onñ. Kabelan nñaineg nanuk imat banau.”

Jesus awan yabig ibol, “Onñ wau, onñane nanu uyan imado wa.” Aria, tamol gurman an Jesus san ru ilon lo rumok go yau.

⁵¹ Inñ yau onñ dugo, inñanen urat pinein dal na naon ditareg durupei, “Onñane nanu uyan ilasag imado da.” ⁵² Ago dubol tag, inñ isumianai, “Ad mitilaen dugo wonñ dugo tinin kitek uyan i?” Inñ awan diabig dubol, “Nor ad isakek o itor dugo, tinin ibubarum a.”

⁵³ Ago tag taman fon ilon isoug, nor nek ad ago Jesus irupeig, inñanen nanuk uyan imado dak ibol a. Agog inñ Jesus ninen o ilon lo rumok dugo, inñanen muroun muroun dam fidian ilod lo rumok a.

⁵⁴ Jesus inñ Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

5

Jesus tamol ta you Betesda ante ikubuneya

¹ Murnag Juda adi sad tumanek nal tubun ak ta ilasa wo dugo, Jesus dam Jerusalem na yau. ² Jerusalem man pat nam ar dufou dulubani a. Ar san dalawan wei mi dien da. Dalawan ta “sipsip sad dalawan” dubol dan te you saltek ta yen da, Hibiru ru lo yañan Betesda dubol da. You an aen te lalai miriau faiv ate dien da. ³⁻⁴ Lalai miriau an ate man tamolpein subam funfun amad da yak ate dumado da. Aenta malad tia yak, aenta nñied saian ak, aenta nñied banid tubabun ak, ante enel ta ipalup, you lo idup you ila iso dop, dile wo mala nouk dumado da. Gug enti inñ imug you lo idu dan inñanen subam itout a. ⁵ Aria, tamol ta inñ miriau ante anañar 38 subam inñaneg imado ya, inñ itor san tia, ago yen onñ se ya. ⁶ Jesus tamol an ile dugo, inñ saen milaen mok subam anda yen na yan durupei a. Ago tag Jesus isumianig ibol, “Dugo, onñ tini uyan o ilo ibol di?”

⁷ Ago dugo subam tamol an Jesus awan yabig ibol, “Awo. Tamol tubun en, ulonñ, saen you ila iso dop, nñai tamol ta ibinawag pe, you lo ibilag nñadu san tia ya. Naiseg nñibitinae nñadu wak, gug aenta mi inñ nñai dirinñanag pe dunug dudu da.”

⁸ Ago tag Jesus irupei, “Masa utur pe, onñane gadab an wabisa sinip wau.” ⁹ Jesus ago ibol an ririan tamol an tinin uyan ilasa, agog imasa itur go inñanen gadab an yabisa isinig yau.

Kulob an man Juda sad ubou nal lo ilasa ya.* ¹⁰ Ago yak ninen o Juda adi tamol a tinin uyan an dupeig dubol, “Gamun man yaes bilabal san nal, onñsigane gadab sinip utur san man geg mok a.”

¹¹ Ago tag inñ ru naon igo ibol irupudai, “Tamol a nñai ikubuniag an inñsen nñai irupa-iag go nñaisag gadab nñinñaneg nñau da.”

¹² Ago tag fon dusumiani, “Tamol enti onñ ago gane wo irupaio i?” ¹³ Ak man tamol uyan ilasa an inñ tamol a inñ ikubuneya yan ta ilonñ na ya. Man dugo, tamolpein doup tubun mok an lo Jesus luluñad lo yau imianuk a.

* **5:9:** Judah sad ubou nal an Sarere, nal an Sabat dubol da.

¹⁴ Murnag Jesus tamol an tempel ilon lo ile tag irupeig ibol, “Ulon, gamu on uya la ya. On fon kagin saian ak ta gane na wa. Kabelan muruan nen tubun geig ak ta on lo ilasa banau.” ¹⁵ Agog tamol an yaug, Juda gurman adi irupudai dulon, “Tamol a naj ikubuniag go uyag an man yanjan Jesus.”

Anut Nanun lo id kumaen tinjane wa

¹⁶ An ninjen o Juda adi Jesus yaes bilabal nal lo urat igane an ninjen o tinjaed saian go fun diganeg muruan dupani se ya. ¹⁷ Ago tag Jesus irupudai, “Naisag Tamag in nal fidian urat igane yau da, an ninjen o naj dam nek ago njigane da.” ¹⁸ Ru an ninjen o Juda adi tinjaed saian go, Jesus dufuni imat o maeg tubun mi digane na ya. An sabat nal ipilali ak ninjen o mi in ago ta digane na ya, tia, Anut in taman mok ibol ak, ru naok an lo in sen Anut da tou kisaek mi ibol da, an lo tinjaed tubun mi saian a.

¹⁹ Jesus irupidaig ibol, “Nai rumok nunon mi nurupaian da, Nanuk man in sen ilon nam mel ta igane san tia ya. Tia, in Bai san banin leil ipani dugo, kagin naok dugo yak igane dan ago mi in dam igane wa. Man dugo, urat dugo Bai igane dan mi Nanun dam igane da. ²⁰ Taman in Nanun o imat go, urat fidian igane dan ikubiai panig ile ilon a. Awo, an amasa saian san urat tutubun geig ak taida njigane wo ikubiai panag a. An urat e gamu igane den irinani geig dop arut saian a. ²¹ Ata wo? Taman in tamol dumat ak fon iburousap kumaen ipidinai san ilon a. Nek ago mi Nanun dam in sen ilon ibol ak atem, enti kumaen ipani wan ago igane wa. ²² Taida mi, Taman in tamolpein ta bitinaek lo ta idirai na da. Tia, urat an man Nanun mi banin lo igane pasi a. ²³ Taman ilon man, nek ibol tamolpein Taman yanjan disini dak igo won, in fidian Nanun dam yanjan disini wa. Talpein enti a Nanun yanjan ta isini na dan man, Taman a Nanun iganeg ipalu yan dam yanjan ta isini na da.

²⁴ “Nai rumok nunon mi nurupaian da. Talpein enti in naisag ru ilon dugo, Anut naj idinag go npalu yan ilon lo rumok dan, Anut ru ibol pe talpein an ideg yau ak ta mok igane na wa. Tia, talpein an kumaen pempem san inane la ya, in mater san dal

ibisei lag, gamu kumaen san dal lo itor da. ²⁵ Nai rumok nunon mi nurupaian da, nal ta idu wo igo yan gamu nek e ilasa la ya. Nal an lo tamolpein gamu mater san dal lo dutor dan Anut Nanun awan dulon a, ago dop a in awan dulon dan, kumaen pempem san dinane wa. ²⁶ Bai in kumaen san taman imado dak ago mi Nanun dam in kumaen an ipani a, an ninjen o in dam kumaen san fun imado da. ²⁷ Agod in Nanun tamolpein bitinaek lo idirai san dabai ipani a, man dugo, in Tamol Nanun a.

²⁸ “An mel an ninjen o arut saian amoi, man dugo, nal idu dan te dop, tamolpein a fidian sad mutou lo dien dan in san awan dulon a, ²⁹ agop in sinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san dinane wa, ago dop a in kagin saiak saiak digane na yan dumasap Anut ibitinaek gup dideg diau a. ³⁰ Nai seg ilog nam mel ta njigane san man dabai amag tia ya. Nai bitinaek njigane den man Bai sen irupaiag ago mi njigane da, an ninjen o naisag bitinaek man uyan a. Man ata wo, naisag ilog nurig, urat ta njigane na da, tia, a in naj idinag go npalu amaiak ilon mi njiri wo yaes isofutanag da.

Tamol aenta Jesus fun ninjen o dubol

³¹ “Naisag njig o mi ru nabol dop man, idsad kubiaen ibol ago tamol kisaek san ru an dabai aman tia ya. ³² Ak man talpein sen ak naisag ru dabai ipani da, agod naj njalon ak in naj njig ru ibol dan in san ru man rumok a.

³³ “An gubak mi tamol adinaig suguek san Jon san na diaug, naj njig o mi ru rumok ak kuai tem ibol dugo dulon a. ³⁴ Gug tamol ta naisag ru en dabai ipani wo ru ta nabol na da, tia, an naj o ilom lo rumok pe, Anut patum ipasi wo ru en nabol da. ³⁵ Jon man in sul igo won ided dugo tamolpein lilaman ipidinai a. In imado an lo saen katukan mi an ilo uyan am da in san lilaman lo amado ator na ya.

³⁶ “Ak man mel ta ibalsinanag go naj njig ibol ilasa dan, Jon san ru irinani a. Urat e njigane den, urat nek emaiak njigane itout o Bai banig lo iganeg njigane da. Urat nek en naj njig o ikubiai panan dak, Bai in sen naj

idinag go n̄palu ya. ³⁷ Agod Bai a n̄ai idinag go n̄palu yan in̄sen, ru rumok n̄ai nin̄eg o ibol a. Ago gug an̄ kududom in̄ awan kitek dulon̄ man tia, agod tinin san leil an dam ale man tia ya. ³⁸ In̄anen ru dam an̄ lo tia ya. Man dugo, Bai n̄ai idinag go n̄palu ya, ago gug n̄ai o ilom lo ta rumok na ya. ³⁹ An̄ ru a Anut san buk lo yen dan lo aban̄ tubun mi ale da, man dugo, an̄ ilom igo isou da, ru an lo kumaen pempem san an̄ane wak abol da. Ak man ru nek emaiak n̄ai nin̄eg o mi ibol na ya. ⁴⁰ Ago bo man, an̄ n̄aisag na apalup, kumaen an̄ an̄ane wo man amoi da.

⁴¹ “Gidad tamolpein n̄ai yan̄ag diabisa wo digane bo man, in̄sad per panek ta n̄in̄ane na wa. ⁴² Ak man n̄ai an̄ n̄alon̄ fufei, an̄sam kagin man sen a. Agod n̄ai n̄alon̄ ak, an̄ ilom lo man Anut o ta amat na da. ⁴³ N̄ai Tamag san yan̄an lo n̄palu ya. Ago gug an̄ n̄ai ta an̄iliag na ya. Gug tamol sen ak in̄sen yan̄an lo ipalu dop man, an̄ in̄ ayun̄ani wa. ⁴⁴ An̄ Anut mi sen kisaek san na yan̄ak tubun an̄ane san amoi da, ago gug an̄sem nug teim taom lo mi yan̄ak tubun ak an̄ane wo agane da. An̄ ago agane tap, dugo won̄ n̄ai nin̄eg o ilom lo rumok ak i?”

⁴⁵ “Ago yan nin̄en o kabelan an̄ ilom lo n̄ai Bai naon na an̄ ru lo n̄idiran̄ ak abol banau. Tia, tamol enti a an̄ ru lo idiran̄ amaiak Moses mi a. An̄ ilom lo in̄ murnap ibinawan̄ o abol, agod in̄ lo mi an̄anem tini gane agane da. Ago bo man, in̄ ru lo idiran̄ a. ⁴⁶ An̄ Moses san ru ilom lo ta rumok na ya. An̄ ru an̄ ilom lo rumok nun̄on ak man, an̄ gamu an̄anem ilo rumok n̄ai lo agane wa. Man dugo, Moses n̄ai nin̄eg o ru igire ya. ⁴⁷ Gug an̄ in̄san ru igire yan̄ ilom lo ta rumok na ya, an̄ nin̄en o, en dugo won̄ pe an̄ n̄aisag ru ilom lo rumok ak i?”

6

Jesus faiv tausen tamolpein anan̄ ipidinai a

Mat 14:13-21; Mak 6:30-44; Luk 9:10-17

¹ Murnag Jesus anen megeloum dida dumasag wog din̄aneg, you Galili awan aen ate diau. You an yan̄an neinta Taiberias dubol da. ² Tamolpein wei mi Jesus n̄ien aban fo diau, man dugo, in̄ tamolpein

subam amadi da yak ibinawaig uyadi dugo kulob girager dile amaiak nin̄en o in̄ n̄ien fo diau na ya. ³ Jesus in̄anen megeloum dida diaug tan bubun fo disida diaug, ante dumasig dumado. ⁴ Nal an man Juda sad nal tubun, tumanek tubun san nal Pasova dubol dan san saen sumeikan a.

⁵ Agog Jesus malan ila iso ak man tamolpein wei mi in̄san na dupalu dugo yil a. Ago tag in̄ Filip irupei, “Id dugon te anan̄ ta tadad pe, tamolpein en diani wak i?” ⁶ In̄ ilon lo, mel dugo igane wo man yen la ya, ago gug Filip ikubiani wo ago isumiani a.

⁷ Aria, Filip imasa saian go ru naon igo ibol, “Id gidad pat tubun mi lo anan̄ tadad bo man, tamolpein en kitek kitek dianip ta idaisuda na wa.”

⁸ Agog megeloum ta Andru, Saimon Pita tein, amaiak Jesus irupei, ⁹ “Pinein nanun ta ente imado da, in̄ bret bali faiv, agod iy uraru aman da ya. Ago yak man, dugo won̄ pe ate tamolpein warou tubun en tufutaip idaisuda wak i?”

¹⁰ Gafurfur* uyanan ante yen da, an nin̄en o Jesus megeloum irupidaig ibol, “Tamolpein arupidaip ante dumasi.” Ago ibol go in̄ gafurfur fo dumasi a. Tamol mi sad sutek man faiv tausen igo ya. ¹¹ Agog Jesus bret in̄aneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, in̄aned ilod ibol ak ate mi diani a.

¹² Diani itout an in̄anen megeloum irupidai, “An̄ anan̄ samsamun yen dan atumani. Kabelan anan̄ samun ta kawan tibidani banau.” ¹³ Ago tag anan̄ samsamun dutumanig, sareg 12 tutubu yak ditane idug, awad isa ya.

¹⁴ An nin̄en o tamolpein kulob girager dabai an dileg, agog nug lo din̄in̄en go dubol, “Rumok nun̄on, an̄ ilom dugo isou dak i? En man tag Profet a Anut gubak mi ibol amaiak tan na ipalu wo tamol nek emaya.” ¹⁵ Gug Jesus ilon̄ ak, in̄ dupalup, dabai nam diabip, din̄ane diaup in̄sad kin̄ digane ilasa wo da. An nin̄en o in̄ tamolpein an ilod lo sen ipasig did giran̄en na yang imado se ya.

* 6:10: Kurkur

*Jesus you aten fufo yau a
Mat 14:22-33; Mak 6:45-52*

¹⁶ Gurai idu dugo, Jesus san megeloum you tilianek Galili lo na dudu ya. ¹⁷ In loŋ na diau a, ak man Jesus inŋad na ta ilasa na ya. Ago tag in wog lo dusudag, Kaperniam na dumul diau wo loŋ dibi-seig, you titiŋaem dututeg diyawai a. Saen diyawai dugo tidom idu yak man, Jesus nen gamugo loŋ na ta idu na ya. ¹⁸ Saen an lo tim tubun ak ifure dugo, tamun dam tubun mok imasa ya. ¹⁹ An lo in wog lo du-fulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An niŋen o direr saian geig a. ²⁰ Ago dugo in irupidai, “An arer amoi, ŋaiseg ŋupalu da.” ²¹ Agog sad rurek itout go ilod pasai ibol an lo in wog lo isuda wo ilod uyan a. Agog milaen tiag wog an panu diau dan ate yaug isasau a.

²² Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, inŋan megeloum mi dusudag diau a. ²³ In ilod ago isou dugo, wog aenta taun yaŋan Taiberias dubol dan ateg dupalu dugo dil a. Wog an aben a ate Tubun ak bret in iy da Anut ilo uyan ru ipanig diani an, siŋiren na disasau a. ²⁴ Tamolpein Jesus inŋanen megeloum dida aben ante abanag diabi se yak man, naod ta dile na ya. Saen ago duloŋ man, wog an lo dusudag Kaperniam na Jesus dile wo abanag diabi diau a.

Jesus in anan kumaen san

²⁵ In diaug you awan aen ate Jesus dile gug dusumianig dubol, “Girek maŋau, oŋ nal saŋepta ente palu yak i?” ²⁶ Jesus awad yabig irupudai, “Ŋai rumok nuŋon mi ŋurupaian da, an kulob girager ale yan niŋen o ŋai ta abanag abig apalu na ya. Tia. An anan anig luam ipuk amaiak niŋen o mi ŋai abanag abig apalu ya. ²⁷ An anan a saen katukan lo mi saian dan anane san urat an ta agane na wa. Tia. An anan a kumaen ipanag pe pempem yau san an mi anane wo urat wagai agane. Anan an Tamol Nanun ipanag a. Anut tamol emaiak ilon ipani dugo, kob igo tinin lo iganeg yen da.”

²⁸ Agog in dusumianig dubol, “Ak man en dugo miganep Anut san urat migane wak i?”

²⁹ Ago tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

³⁰ Ago tag in dusumiani, “Oŋ enso kulob girager ta ganep, an lo man mile dop iloma lo rumok ak i? Oŋ dugo gane wak i?”

³¹ Wagam id tubud baged tan kawan ak ate anan mana diani na ya. An niŋen o ru ta Anut san buk lo igo ibol, ‘In kumaen panu san anan ipidinaig diani a.’”

³² Jesus irupudaig ibol, “Ŋai rumok nuŋon mi ŋurupaian da. Anan a Moses ipanag an man kumaen panu san anan tia ya. Tia. Anan e gamu ŋaineg Tamag an ipanag den, nek an kumaen panu san anan mok a. ³³ Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinai dan nek ama ya.”

³⁴ Ago tag in Jesus durupe, “Tubun ak, oŋ gidad nal pempem anan an man panama dop mani wa.”

³⁵ Agog Jesus irupudaig ibol, “Ŋaiseg mi anan kumaen san. Ta in ŋaisag na ipalu tap, in fon imatigen san tia ya. Ta in ŋai o ilon lo rumok tap, in you o ilon igos san tia ya. ³⁶ Ago yak man ŋai an ŋurupaian la ya, an ŋai aliag la yak gug, an ŋai o ilom lo ta rumok na ya. ³⁷ Tamolpein fidian ensauta a Bai ipanag dan, in ŋaisag na dupalu wa. Ago dop ensauta a ŋaisag na dupalup dida mumado wan, ŋai in ŋukudai diau san tia geig a. ³⁸ Man dugo, ŋai kumaen panu ŋubuseig ŋadu yen seg ilog nam kulob ŋigane wo ta ŋadu na ya. Tia. Bai a ŋai idinag go ŋupalu yan mi, inŋanen ilobol ŋuri ŋupani wo ŋadu ya. ³⁹ Agod Bai a ŋai idinag go ŋupalu yan inŋan ilon man, tamolpein e ŋai ipanag en lulunad lo talpein kisaek ideg yau o man imoi a. Tia, an fidian nal wadan lo dop, ŋufufunaip kumaen dumasa wak ilon ago yen da. ⁴⁰ Ŋai Tamag san ilon man igo ya. Ta Anut Nanun ilep, in o ilon lo rumok an, in kumaen pempem yen yau san an inane wa. Agod ŋai nal wadan lo ŋuburousap, fon kumaedi dumado wa.”

⁴¹ Saen Jesus, inſen anan lak na yak ibiseig idu yen ago ibol dugo, Juda adi in tinjaed saian go in ninen o dunurnur se ya. ⁴² Ago dugo in dubol, “En dugudo i? Tamol an man Jesus, Josef nanun, id inſan tinan taman dam talon a. Ago gug en dugog in kumaen panu ibiseig tan na idu ibol di?”

⁴³ Ago tag Jesus ru naon irupudaig ibol, “An ansem nug ilon lo mi anurnur amoi. ⁴⁴ Talpein ta inſen ilon nam najsag na ipalu san tia ya, tia, Bai sen nai idinag go nupalu yan mi talpein an iduduwi dop najsag na ipalu wa. Agop nal wadan idu dan lo dop, nai in nufufunip kumaen imasa da wa. ⁴⁵ Profet adi sad ru girek lo igo digire ya, ‘Anut sen tamolpein fidian manau ipitenjanai a.’ Tamol a Bai san ru dulon go in awan lo manau dinane dan fidian, najsag na dupalu wa. ⁴⁶ Talpein ta Bai ile man tia ya. Tia, enti in Anut san nag ipalu yan mi malan nam Bai ile ya. ⁴⁷ Rumok nunon mi nai nurupaian da, talpein in nai o ilon lo rumok an, in kumaen pempem san inane la ya. ⁴⁸ Nai mi anan kumaen pempem san. ⁴⁹ Wagam mok an tubum bagem tan kawan ak ate dutor dugo, anan mana diani na ya, ago bo man in fidian matej dile ya. ⁵⁰ Gug ente anan a kumaen panu ibiseig idu yan yen da, ago dugo talpein enti a anan an yani dan matej ta ile na wa. ⁵¹ Naiseg mi, nai anan kumaen anda yak a kumaen panu ibiseig tan na idu ya. Talpein ta anan emaiak yani dop man, in matej ta ile na wa, tia, in pempem mi kumaen imado wa. Anan en najsag tinig, tan en san tamolpein kumaen pempem san dinane wo nipidinai a.”

⁵² Ago tag Juda adi inſed nug dupei dugo dubol, “En dugo won pe tamol en inſen tinin ipanad pe tani wak i?”

⁵³ Ago dugo Jesus irupudaig ibol, “Rumok nunon mi nai nurupaian da. An Tamol Nanun san tinin, inanen dar ani aluk a. Tia tap, Anut san kumaen an lo ta yen na wa. ⁵⁴ Talpein in najsag tinig yani dugo, dar ag iluk dan, in kumaen pempem san inane la ya, ago dop nal wadan lo dop, nai in nufufunip nabisa wa. ⁵⁵ Man dugo, najsag tinig man anan mok, agod najsag dar man you mok a. ⁵⁶ Talpein in nai tinig yani dugo,

dar ag dam iluk dan, in nai lo imado dugo, nai in lo numado da. ⁵⁷ Bai kumaen imado dan in nai idinag go nupalu ya, agod nai Bai san wagen lo kumaen numado da. Nek ago mi, talpein in nai iniag dan, najsag wageg lo kumaen inane wa. ⁵⁸ Anan a kumaen panu log idu yan nek ama ya. An tubum bagem mana diani nag murna in dumat a. Ak gug talpein enti a, anan e ninen o nabol den yani dan man, in kumaen pempem imado wa.” ⁵⁹ Ru an, saen Jesus Kaperniam na ubou ab ilon lo imado dugo, ipitenjanai a.

Kumaen san ru

⁶⁰ Ganurek tamol adi wei mi ru an dulon go igo dubol, “Ru en muruan kasik a, enti ru an ka inane wak i?”

⁶¹ Gug Jesus in ilon ak, inſan ganurek tamol adi ru an ninen o dunurnur se ya. Ago tag irupudaig ibol, “Ru an ilom muruan ipani ak i? ⁶² Ak dugo, mitep an Tamol Nanun ale dop, lak na aben gubak mi imado ante isuda yau dop, an ninen o dugo abol ak i? ⁶³ Urgun mi in tamol kumaen ipani da, tinid man in kitek ibinawad san tia ya. Ru e nai nurupaian den, in ur agod in kumaen a. ⁶⁴ Ago gug an lulunam lo tamolpein aenta in ilod lo ta rumok na ya.” Ago ibol san fun man, in imug mi talpein dugon ilod lo ta rumok na dop, tamol enti in ager banid lo igane man, in ilon uyanan a. ⁶⁵ In ru ibateg ibol, “Nek fun amaiak ninen o, nai imug mi an igo nurupaian; Talpein sen ilon nam najsag na ipalu san tia ya, tia, naineg Bai tamol an idaisuda mi igane ilasa gup ka ipalu wa.”

⁶⁶ Jesus ru en ifulale itout go, inſan ganurek tamol adi wei mi in dibiseig dumul diaug, in afon nien aban ta diri na ya.

⁶⁷ Ago tag Jesus inanen megeloum 12 an isumianai, “Tag an dam nai abisawag pe au wo ilom yen di?” ⁶⁸ Saimon Pita awan yabig ibol, “O Tubun ak, man enti san na mau wo ubol di? Onane ru mi in kumaen pempem san aman da ya. ⁶⁹ Man malon uyan go iloma lo rumok ak, on mi Anut anen Tamol Gun a.”

⁷⁰ Jesus ru naon irupudaig ibol, “Nai an 12 nitarpasan a, ago gug an lulunam lo ta kisaek man in Satan san.” ⁷¹ Inſan ru lo, Judas, Saimon Iskeriot nanun an isue ya. Tamol

an Jesus san megeloum 12 an luluḡad lo yak gug, mitep inḡ Jesus ager banid lo igane wa.

7

Jesus tein muroun inḡ ninḡen o ilod ta rumok na ya

¹ Murnag Jesus inḡsen ilon dugo yen dak irig, Galili distrik lo mi itor se ya. Man dugo, Juda adi inḡ dufuni imat o digane se ya, an lo inḡ Judea distrik lo yau man imoi a. ² Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.) ³ Ago tag Jesus tein muroun bube suek ru durupeig dubol, “Onḡ gidad e utor den umoip, masap distrik Judea na wau. Ago tap man onḡsa megeloum aenta onḡsa urat dabai tutubun gane dan dile wa. ⁴ Talpein ta inḡ malak malak yaḡak tubun ak inḡane wo tap, inḡ mianuk lo urat dabai tutubun ak igane san tia ya. Onḡ kulob igo yak gane wo tap, waup, tamolpein fidian malad lo gane wa.” ⁵ Inḡanen tein muroun mok dam inḡ o ilod ta rumok na ya, fun an lo ago dubol a.

⁶ An ninḡen o Jesus irupudaig ibol, “ḡaisag nal gamugo da, gug saen fidian anḡ ilom ibol ago mi agane wa. ⁷ Man dugo, tan en san tamolpein fidian man anḡsam ager tia ya, tia, inḡ ḡaisag ager mi a. Man ata wo? ḡai inḡaned saian kuai tem ḡabol ilasad amaiak naon ḡisini da. ⁸ Anḡ tumanek nal tubun an lo aladu au, gug ḡai man tia wa. Man dugo, ḡaisag nal mok gamugo ilasa da.” ⁹ Inḡ ago ibol irupudaig Galili na mi imado se ya.

Jesus yaug, lalai san nal tubun ak ile ya

¹⁰ Aria, Jesus tein muroun imug dusuda diau dugug, inḡsen murna imianuk onḡ yaug abanḡ ile dugo itor se ya. ¹¹ Aria, tumanek tubun an ilon lo, Juda gurman adi Jesus abanḡan diabi dugo, ninḡen o dusumiaig dubol, “Tamol an dugon te imado dak i?”

¹² Tamolpein an luluḡad lo Jesus ninḡen o gidigheid diḡinḡen ila iso se ya. Aenta dubol, “Inḡ tamol uyan a.” Gug aenta dubol, “Tia, inḡ tamolpein fidian irawai da.” ¹³ Ak man talpein ta inḡ ninḡen o ru kuai tem ibol ilasa man tia ya. Man dugo, inḡ Juda gurman adi ninḡedi wo direr a.

¹⁴ Aria, dumado yaug tumanek san saen titinḡae gug, Jesus inḡ tempel ilon lo iladug tamolpein maḡau ipiteḡanai a. ¹⁵ An ninḡen o Juda adi durut saian go dubol, “Tamol en maḡau ta dipiteḡani na ya. Ago gug en dugon te maḡau igo yan inḡane yak i?”

¹⁶ Ago tag Jesus inḡ ru naon igo ibol irupudai, “ḡai ru e ḡabol ḡurupaianḡ den man ḡaisag ru tia ya. Tia, en Anut ḡai idinag go ḡupalu yen inḡsan ru ḡabol alonḡ da. ¹⁷ Ak talpein ta inḡ Anut ilon yen dan ago iganuri wo imat tap, ḡaisag piteḡanek en Bai san ilon boi, tia, ḡaisag ilog boi, an ka walal te ile ilonḡ a. ¹⁸ Talpein inḡsinanen ilo sou lo inḡinḡen dan man, inḡsen yaḡan mi yabisa wo urat igane da. Gug talpein inḡ tamol sen ak idinig ipalu yan mi yaḡan yabisa wo urat igane tap, talpein an san ru an rumok mi a. Ru sewak ta inḡ lo yen man tia ya. ¹⁹ Wagam mi Moses anḡ kubiaenḡ ipananḡ a. Ago gug anḡ luluḡam lo talpein ta kubiaenḡ en iri ipani man tia ya. Ak en ata wo ḡai afunag ḡamat o agane di?”

²⁰ An ninḡen o tumanek san doup adi ru naon igo dubol, “Onḡse ur saiak ama da ya. Enti onḡ ifuno umat o igane dak i?”

²¹ Jesus awad yabig ibol, “ḡai gubak mi kulob girager kisaek ḡigane yak gug, anḡ an ninḡen o ilom weiwei da. ²² Aria, ilom isou o uyanan. Moses san kubiaenḡ lo ru en yen da, (gug Moses anḡ kulob en ta ipananḡ na ya, tia, anḡ tubum bagem dupananḡ a.) Ru an igo ya, saen pein ta nanuk igansip nal 8 yau gup, nanuk an tinin suḡulon atute wa. Anḡ kubiaenḡ an ari wo nanuk suḡulon atute san nal an sabbat nal dop man, kubiaenḡ an apilali san tia ya. Ak man, nal an lo dam tini suḡulon tutek san urat agane da. ²³ Aria, anḡ sabbat nal lo tini suḡulon tutek san urat agane tap, en ata wo ḡai tamol tinin fidian mi sabbat nal lo ḡukubune yan ninḡen o ilom ḡai o saian dak i? ²⁴ Anḡ kankan tia yak lo bitinaek ta agane na wa, tia, anḡ ilom igire na gup, kankan itaot an lo bitinaek agane.”

Jesus inḡ Kristus i?

²⁵ Jerusalem tamolpein aenkadi inḡ ago igane dugo dile yan ninḡen o sed nug dusumianig dubol, “Ak dugo, tamol a idsad gurman adi dufuni imat o digane dan nek onḡ i? ²⁶ Ak ale, inḡ malak malak ru kuai tem

ibol ilasa da. Gug gurman ta awan ipuk go ru ta ipani na da. Dag in ilod lo dulon uyan ak in sen Kristus i? ²⁷ Ak man id tamol en san fun panu talon a, gug saen Kristus ipalu man, in dugon te ipalu yan id talon san tia ya.”

²⁸ Agog Jesus nek ate tempel ilon lo mi imado se man, tamolpein manau ipitehanai dugo, iwagin go ibol, “Awo, an nai alon a, agod nai dugon teg npalu yan dam alon abol da. Ago gug an nai anan geig a. Naisag ilog nam ente ta npalu na ya. Tia, Enti a nai idinag go npalu yan mi naisag fug mok a, ak man an in ta alon na ya. ²⁹ Gug nai mi in nalon a, man dugo, nai in san na njilasa ya, agod in nai idinag go npalu ya.”

³⁰ Ru an dulon tag in Jesus dusubani wo dal aban dile se ya. Gug tamol ta in tinin ta diabi na ya, man dugo, in san saen gamugo da. ³¹ Tamolpein wei mi in ninen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

³² Tamolpein kisik kisik nam Jesus ninen o dininon dugo, Farisi adi ago dulon tag, pris gurman adi in Farisi an dida tempel san titianek adi didinaig, Jesus dusubani wo diau.

³³ Ago dugo Jesus ibol, “Nai saen katukan mi an da tumado wa, ago gup Enti a idinag go npalu yan san na nau a. ³⁴ An nai abanag abi wa, ak man ta aliag na wa. Agod aben a nai ate nau dan an ate au san tia ya.”

³⁵ Ago tag Juda adi in sed mi dininon go dubol, “Tamol en dugon te yau dop, id abanan tile tia wak ninen o ibol di? Dugo, in dap idsad sawar aenta Grik lunad lo dumadod, amaiak sad na yaup ipitehanai dop, abanan tile tia wak ninen o ibol di? ³⁶ Ago dugo in san awan aban igo ya, ‘an nai abanag abi wa, ak man ta aliag na wa, agod aben nai ate nau dan an ate au san tia ya.’ Ru en fun dugo yak i?”

³⁷ Tumanek digane yan san wadan futanek nal tubun ak lo, Jesus imasa itur go awan tubun mi iwagin go ibol, “Talpein ta in you wo imat tap, in naisag na ipalup you ka iluk a. ³⁸ Anut san ru girek lo igo ibol, talpein nai o ilon rumok tap, ‘you

kumaen san amaiak talpein an buben ilon lo ibanai ilasa yau dop yen a.’” ³⁹ Jesus Awan Urgun ninen o tou an yabig ru ibol a. Talpein ensauta a Jesus o ilod lo rumok an murnap Awan Urgun dinane wa. Nal an lo man Jesus lak na yanak tubun ak inane wo gamugo isuda yau da, ago yan lo Awan Urgun dam gamugo idu da.

⁴⁰ Tamolpein aenta ru an dulon go igo dubol, “Rumok, tamol nek en profet tubun a Anut igane ipalu wo ibol ama ya.”

⁴¹ Ago dugo aenta igo dubol, “En mi Kristus.”

Gug aenta dubol, “En dugo won pe Kristus in Galili na ilasa wak i? Tia geig a! ⁴² Man dugo, ru ta Anut san buk lo igo ibol, Kristus in Kin Dawid malan kubulan. Agod in panu Betlehem na, Dawid san fun panu lo ilasa wa.” ⁴³ Jesus ninen o tamolpein sed itarpaleg malan wei mi dilasa ya. ⁴⁴ Aenta Jesus dusubani wo digane, ago gug tinin ta kitek diabi man tia ya.

Juda sad gurman adi Jesus ninen o ilod ta rumok na ya.

⁴⁵ Agog tempel titianek adi dumul pris gurman in Farisi adi dida sad na diau, agog gurman in dusumianaig dubol. “An dugog tamol an abig, ananeg ta apalu na yak i?” ⁴⁶ Gug tempel titianek igo dubol, “Gubak mi tamol ta ru ago ibol ilasa dop talon man tia geig a.” ⁴⁷ Ago tag Farisi adi igo dupidai, “Dugudo? An dam irawan go in ninen o ilom rumok di? ⁴⁸ Dugo, man gurman lunama lo, tia, Farisi adi lunad lo ta kisaek tamol en ninen o ilon rumok ak ale i? Man tia geig a. ⁴⁹ Tamolpein kawan kawan, idsad kubiaen ta dulon uyan na den mi, tamol an ninen o ilod rumok da. Fun amaiak ninen o in fidian Anut san misilane paen na dumado da.”

⁵⁰ Ago dugo Farisi sad gurman ta yan an Nikodemus, in gubak mi Jesus san na yau amaiak imasag igo ibol, ⁵¹ “Idsad kubiaen, dugo ibol i? Id sen kawan tamol ta ru lo ka tigan wak i? Id in awan talon dop, dugo dugo igane yan kuai tupani gup, tibitinae a.”

⁵² In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili

na ilasa san man tia geig a.” ⁵³ Ago gug in dufurak go ab anen anen ate diau a.

8

Pein ta jeit kagin igane ya

¹ Agog Jesus imasag, Did Oliv fo isida yau a. ² Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitejanai a. ³ Ago dugo kubiaen tamol in Farisi adi dida, pein ta jeit kagin igane dugo dile tag diabig, dijaned dupalu ya. Agog malak malak titinaem dugunig ago itur dugo, Jesus dusumianig dubol, ⁴ “Girek manau, pein en iwon anda ak gug, tamol sen ak da jeit diabi dugo meil a. ⁵ Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tap pat nam afuni imat a. On an ninen o dugo ubol ak i?” ⁶ Gug an man sen kawan in dukubianip, ru sukurun ta ibol saian dop, ate dusebani wo ago digane ya.

Gug Jesus itakoksig, banin kikoun nam tan aten fufo igire ya. ⁷ In afon mi dusumiani on tag, ifotsag igo ibol irupudai, “An lulum lo enti aupasek aman tia yan, in malan imug pe pat inanep, pein en tinin fufo ibal a.” ⁸ Ago ibol itout an fon itakoksig, tan aten fufo igire se ya. ⁹ Aria, talpein ru an dulon man kankan dijaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi in pein an da nuod uraru mi dumado ya.

¹⁰ Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

¹¹ Ago dugo pein an ibol, “O Tubun ak, tamol ta ru lo ibiag ndadu man tia ya.”

Ago tag Jesus irupe, “Nai dam nibio udu san tia ya. Waup, afon aupasek ta gane na wa.”

Jesus in tan en san lilaman

¹² Tamolpein fon Jesus san na dupalu tag, in irupidaig ibol, “Nai tan en san lilaman. Tamol enti a nai nieg aban iri dan, in tidom tubun lo ta itor na wa. Tia, in kumaen san lilaman anda itor a.”

¹³ Ago tag Farisi adi in Jesus durupe, “On onse nibe wo mi ru ubol da, fun an nibe o idsad kubiaen ibol man onane ru an dabai an tia ya. On ru kawan ubol da.”

¹⁴ Jesus awad yabig igo ibol, “Rumok, gidad naiseg nibe o mi nabol ak gug, naisag ru en ru rumok. Man dugo, nai dugot nag npalu yan nalon a, agod fon dugon te nau an dam nalon a. Gug an man nai dugot nag npalu yan ta alon na ya, ago dugo nai dugon te nau o dan, an dam an ta alon na ya. ¹⁵ An tan en san kagin lo mi tamolpein kubianek lo adirai da, gug nai talpein kisaek kubianek lo ta nibe na da. ¹⁶ Ak gug, nai bitinaek nibe tap, man naisag bitinaek itaot mok a. Man dugo, nai seg kisaek bitinaek ta nibe na da, tia, Bai in nai idinag go npalu yan, in ilon niganurig in nai da sisem iloma kisaek gup, bitinaek nibe na da. ¹⁷ Ansam kubiaen lo igo digire ya, tamol uraru ru kisaek mi dubol tap, insad ru an rumok di dabai geig a. ¹⁸ Nai naiseg nibe o nabol da, agod Bai dam nai idinag go npalu yan, in naisag ru dabai ipani da.”

¹⁹ Ago tag in dusumiani, “Onane tama dugon te imado di?”

Agog Jesus awad yabig ibol, “An nai ta alon na ya, nibe Tamag dam ta alon na ya. An nai alon ak man, nibe Tamag dam alon a.” ²⁰ Saen a ru ibol an man, tempel ilon lo moni san kunup yen dak giran na imado dugo, tamolpein manau ipitejanai se ya. Gug talpein ta yabip isubani wo igane man tia ya. Man dugo, insan imat san nal gamugo da.

Jesus yau dan ate in dupalu san tia ya

²¹ Jesus fon irupidai, “Nai nubisawan pe nau dop an abanag abi wa, ago gup ta aliag na wa. An ananem aupasek Anut ta isuas na dop, ansam aupasek ilom lo yen dan ida amat a. Aben ate nai nau dan an ate au san tia ya.”

²² Ago dugo Juda adi igo dubol, “In ibol ak, in ate yau dan id ate tau san tia ya. Dugo, dag insen ifuni imat o ago ibol di?”

²³ Gug Jesus ru awan ibateg igo irupudai, “An man aben a paen na amaiak san apalu ya, gug nai man lak na amaiak san npalu ya. An tan en san, gug nai tan en san tia ya. ²⁴ An nibe o nai nrupaian la ya,

aŋsam aupasek ilom lo yen dan ida amat a. Man dugo, rumok nuŋon, ‘Naiseg Njai Numado Dan’* an gidad ilom lo rumok a. Tia dop, aŋsam aupasek ilom lo yen dan ida amat pe an lo adeg au a.”

²⁵ Inj dusumianig dubol, “Onj enti mok i?”

Ago tag Jesus awad yabig ibol, “Njai nek en, seg niŋeg o gubak mi nŋurupaianj go alonj la ya. ²⁶ Saen njai anj kot lo nŋidiranj dop, ru wei mi nŋupananj a. Ak man njai seg ilog nam ago njigane san tia ya. Tia, Enti a njai idinag go nŋupalu yan, inŋsan kagin rumok geig a, inj njaisag ru dabai ipani wa. Njai tan en lo nŋumado dugo, ru a inj ibol dugo njalonj ak ago mi tan en san tamolpein nŋurupidaip dulonj a.”

²⁷ Inj Taman niŋen o irupudai dan ta dulonj uyan na ya. ²⁸ Ago tag Jesus ibol, “Murnap anj Tamol Nanun abisa dop, an lo gup anj ilom isafulale wak, ‘Naiseg, Njai Numado Dan’ nek emaya. Njai mel ta seg ilog nam njigane san tia ya, tia, njai ru njabol den man Bai mi njai ikubiai panag a, ru nek an mi nŋurupaianj go alonj da. ²⁹ Enti a njai idinag go nŋupalu yan inŋsen mi njai ida mumado da, agod inj njai ibisawag go seg ta nŋumado na da. Man dugo, inj ilon yen dan ago mi nŋuri nŋupani da.” ³⁰ Inj ago ibol dugo, tamolpein wei mi injaned ilo rumok inj lo digane ya.

Abraham malan kubulan

³¹ Aria, Jesus Juda tamolpein a inj o ilod lo rumok an irupudaig ibol, “Anj njaineg ru abi sakar tap, anj njaineg megeloum mok a.

³² Agop anj ru rumok an alonj a. An lo ru rumok san dabai lo anj urat bigabeg igo wonj amado san tia ya.”

³³ Ago tag inj ru naon igo durupe, “Manj Abraham malan kubulan mok a, manj urat bigabeg adi igo wonj talpein ta paen na ta mumado na ya. Man ata wo manj talpein an paen na ta mumado na wak, ago ubol di?”

³⁴ Jesus awad yabig igo ibol, “Rumok nuŋon mi nŋurupaianj da. Tamolpein a aupasek digane dan inj aupasek san urat bigabeg dumado da. ³⁵ Urat bigabeg adi man inj tamad san warou lo aben amad tia ya. Gug nanuk man inj taman da pempem dumado da, man dugo, taman san dar lo ilasa ya.

³⁶ Ago yak niŋen o Nanuk inj aupasek san dabai anj ibianj adu dan tuon lo ipasanj tap, anj bigabeg adi igo wonj ta amado na wa, tia, nanuk mok igo wonj ator a. ³⁷ Njai njalonj ak, anj Abraham malan kubulan. Ago bo man anj njai afunag njamat san dal ale wo malam agane da. Man dugo, anj ilom lo njaisag ru en aben ta ate ka yen san tia ya. ³⁸ Njai mel a fidian Bai naon na nŋumado dugo njile yan mi nŋurupidai alonj da. Gug anj ru dugo anjanem tamam irupaianj go alonj ak, nek an mi ari da.”

Satan malan kubulan

³⁹ Inj Jesus awan diabig dubol, “Abraham mi manjsama tamama.”

Gug Jesus igo ibol, “Anj Abraham nanun muroun mok ak man, kagin naok a Abraham igane na yan anj atutuŋani wa. ⁴⁰ Njai ru rumok Anut san na njigane an mi nŋurupaianj alonj da. Ago bo man anj njai afunag njamat o agane da. Abraham kagin naok ago yan ta igane na ya. ⁴¹ Tia, anj kagin a gamu agane dan man, anjanem taman mok san kagin mi atutuŋani da.”

Agog inj dumasa saian geig go durupe, “Manj jeit kagin lo ta milasa na ya. Tia, manj tamama man Anut mi sen kisaek a.”

⁴² Jesus awad yabig ibol, “Isop Anut inj anjanem Tamami an rumok tap, anj njai niŋeg o amat a. Man ata wo? Njai Anut san nag nŋupalu ya. Njai njaisag ilo sou lo mi ta nŋupalu na ya. Tia, Bai njai idinag go nŋupalu ya. ⁴³ Ata wo anj ru e njabol den niŋen o ilom itarpasi san ta idaisuda na yak i? Fun igo ya, anj njaisag ru njabol den alonj san kududom itau aman a. ⁴⁴ Anjanem tamam Satan, anj injanen nanun muroun mok a. An lo anj ilom man, injanen ilobol mi aganuri wa. Fun mok lo ipalug gamu en, injanen kulob mok man, inj tamol ifu dumat na ya. Inj tinin lo ru rumok ta yen na ya, ago tag ru rumok ak ta yabig iri na da. Saen inj ru sewak ibol dan, injanen muroun ru ibol da. Man dugo, inj sewak tinan, agod inj sewak fidian an sad tamad mok imado da. ⁴⁵ Gug njai ru rumok ak mi nŋurupaianj da, fun an niŋen o anj njai niŋeg o ilom ta rumok na ya! ⁴⁶ Anj luluŋam lo tamol ta kisaek, njai aupasek njigane yak niŋen o ilog isue san idaisuda yak i? Man

* **8:24:** Yanjak an Anut inŋsen niŋen o Moses naon na ibol ilasa ya.

tia geig a. Ago tag, naj ru rumok nurupaian alon da. Ak dugo, en ata wo ru e nabol den ilom lo ta rumok na dak i? ⁴⁷ Ta in Anut san tap, Anut awan ilon dop iri wa. An Anut awan ta alon na dan fun man, an Anut san tia ya.”

Abraham ta ilasa na dugo Jesus imado ya

⁴⁸ Juda adi tinaed saian dugo awan diabig igo dubol, “On Sameria tamol, agod on ur saiak ama da ya! Ago mabol an ta rumok na yak i?”

⁴⁹ Jesus ibol, “Nai ur saian amag tia ya. Nai naineg Tamag yanjan mi nabisa da, ago dugo an nai yanag abi idu da. ⁵⁰ Nai seg yanag nabisa wo urat ta ngane na da. Tia, Tamol sen ak nai yanag yabisa wo urat igane da, agod insen mi in Bitinaek Tamol a. ⁵¹ Nai ru rumok nurupaian da, talpein enti a nai awag iri ipani dan, in mater ta ile na wa.”

⁵² Juda adi ago dulon go awad ipuk go dubol, “Man gamu malon uyan ak, on ur saian ama da ya. Abraham imat la yak, profet adi dam wagam mi dumat la ya. Ago bo man on talpein onane awa iri ipani dan mater ile san tia ubol da. ⁵³ Dag on idsad tubud baged Abraham rinani ak ubol di? In mater ile ya. Agod profet adi dam mater dile ya. Ak dugo, onane ilo sou lo, on enso tamol i?”

⁵⁴ Jesus ru naon igo ibol, “Naisag yanag nabisa dop man, nai yanag an kawan a. Gug naisag Bai, in ananem Anut abol dan, in nai yanag yabisa da. ⁵⁵ An in ta alon na yak bo man nai in nalon a. Ak nai in ta nalon na yak nabol ak man, nai sewak tamol, nek an igo mi a. Gug rumok, nai in nalon a, ago dugo in awan kagin nupani da. ⁵⁶ Ananem tubum bagem Abraham naisag dal ile wo ilo sou igane dugo youn isusa ya. Aria, in naisag nal ile man ilon uyanan a.”

⁵⁷ Ago tag Juda adi durupeig dubol, “Ak dugo, onsa ananar gamugo 50 yabi bo man on Abraham ule ubol di?”

⁵⁸ Jesus ru naon irupidaig ibol, “Nai rumok nunon mi nurupaian da. Saen Abraham gamugo ilasa dugo Naisag, Nai Numado Ya.” ⁵⁹ In ago ibol an pat duburoug sen nam dufuni wo digane ya, ak man Jesus mianuk

lo lulunad lo itapas go sen tinin imianig tempel patun fo yau a.

9

Jesus tamol malan itau ak ikubune ya

¹ Jesus turen yabig yau dugo, tamol ta malan itau ak ile ya. In tinan tinaen lo mi mala tia igansi a. ² Jesus sinanen megeloum dusumianig dubol, “Girek manau, enti san ai wadan ninen o nanuk an malan itau aman tinan igansi ak i? Insinanen ai wadan i? Tia, tinan taman sadi ak i?”

³ Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut inanen urat san dabai tamol en tinin lo tamolpein ikubiaip dile wa. ⁴ Gamu ad aman tumado den lo, id Enti a nai idinag go nupalu yan insan urat tigane wa. Mitep tidom idu dop man, talpein ta urat igane san tia ya. ⁵ An ninen o saen nai tan ente numado den lo, nai tan en san tamolpein lilaman nupidinai da.”

⁶ In ago ibol go, ilusu tan fo idug, tan da ikubulig inaneg, tamol malan ate ibubuni a. ⁷ Agog irupe, “On waup, you saltek Siloam lo mala fulani wa.” (Siloam yanjan fun man: in idinig yau a.) Ago tag yang malan ifulanig, malan uyan go aban ile gug sinan ab lo yau a.

⁸ Aria, muroun susumeik an, agod tamolpein a in wagam mi dile dulon na yan durut saian go nug dusumianig igo dubol, “Dugo, tamol en wagam mi malan itau imado dugo moni o igod se ama i?” ⁹ Ago dugo aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugo tamol an ago ibol, “Tia, en naisag.”

¹⁰ Ago tag dusumiani, “On dugo ganeg mala uyan ak i?” ¹¹ In awad yabig ibol, “Tamol a Jesus dubol damaiak gigeo inaneg malag ibubunig ago ibol irupaiag, ‘On waup, you saltek Siloam lo mala fulani.’ Ago tag nai naug malag nufulani man, nai aban nile ya.” ¹² Agog in dusumiani, “Tamol an dugo mi ak i?”

Ago dugo in ibol, “Nai ta nalon na ya.”

¹³ Agog tamol a wagam malan itau an dinaneg, dida Farisi adi sad na diau a. ¹⁴ Gug nal a lo Jesus tamol malan iganeg uyan an man Sabat nal lo ya. ¹⁵ An ninen o Farisi adi in dugo iganeg lo aban iled amaiak ninen o dusumiani a. Ago tag in ibol, “Tamol an gigeo inaneg malag ate ibubuni a, ago gug idinag go ngaug you malag nufulani an lo nai malag ipuk go aban nile da.”

¹⁶ Ago tag Farisi aenta igo dubol, “Tamol an in Anut san nag ta ipalu na ya, man dugo, in Sabat nal san kubiaen ta iri na da.” Gug aenta dubol, “En dugo won pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya. ¹⁷ Agog fon tamol an dusumiani dag dubol, “Tamol a on mala ikubuneg uyan an ninen o dugo ilo isou di?”

Agog tamol an awad yabig ibol, “In profet a.”

¹⁸ Juda adi tamol a imug malan itau an ninen o nen ilod ta rumok geig na ya. Ago tag in san tinan taman digiaig dupalug dusumianai, ¹⁹ “Dugo, en ananem nanum mi ak i? Dugo, in malan itau man tinan igansi ak i? Agog gamu en dugo iganeg aban ka ile di?”

²⁰ Agog tinan taman ru naon durupidaig dubol, “Man malon ak en mananema nanuk a. Saen tinan igansi man malan tia imado ya, an dam malon a. ²¹ Ak gug in dugo iganeg lo aban ka ile yan man man ta malon na ya. In tamol igane la ya, an ninen o in sen asumiani dop, sen fun ibol alon a.” ²² Tinan taman in Juda adi ninedi wo direr, an ninen o in ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus ninen o Kristus ibol dop man, in dukudip, midaen patun fo ilasa wa. ²³ Kagin nek an ninen o tinan taman in ago dubol, “In tamol igane la ya, an ninen o in sen asumiani.”

²⁴ Ago tag tamol imug malan itau an afon mi duwagig durupe, “On Anut yan an mi wabisa. Man dugo, man malon ak, Jesus man aupasek tamol a.”

²⁵ Tamol imug malan tia an awad yabig ibol, “In aupasek tamol boi, tia, tamol uyan boi, an nai ta nalon na ya. Mel kisaek nai nalon ak man, wagam nai malag itau gug, gamu nai aban ka nile da!”

²⁶ Agog in dusumianig dubol, “In on lo dugo igane yak i? En dugo won mala igane ipuk ak i?”

²⁷ In ibol, “Nai gubak mi nrupaian la ya, gug an alon an amoi. An ata wo alon da wo asumianag di? Dag an dam in san megeloum alasa wo abol duboi i?”

²⁸ Ago tag in naon dufute dupeig dubol, “On se mi in san megeloum, man man Moses san megeloum a! ²⁹ Man malon ak Anut sen in Moses da dinin en a. Gug tamol a Jesus dubol dan in dugon teg ipalu yan fun ta malon na ya.”

³⁰ Tamol an awad yabig ibol, “An ru naon senamo geig anin en da! En dugo won go an in dugon teg ipalu yan fun ta alon na yak i? Tamol an nai malag ikubuneg gamu aban nile da. ³¹ Id talon ak, Anut tamol aupasek amad da yak awad ta ilon na da. In talpein a in awan iri dugo, ubou an ile dan mi awan ilon da. ³² Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talon man tia ya. ³³ Tamol en Anut san nag ta ipalu na yak man, in urat naok igo yak igane san tia ya.”

³⁴ Ru an ninen o Juda gurman adi tinjed saian go dupei, “Onane tina iginiosi dugo, aupasek on tini in anefute la ya! Ago tag, ata wo on man pitejanama wo gane di?” Ago dubol go kuai te dubal ilasa yau a.

Nutudi malad itau a

³⁵ Jesus tamol an kuai te dubal ilasa yan san ru ilon a. An lo aban an yabi yang ile tag irupe, “On Tamol Nanun en ilo lo rumok i?”

³⁶ Agog tamol an ibol, “O Tubun en, Tamol Nanun en enti i? Ubol nalon pe, nai in o ilog lo rumok a.” ³⁷ Jesus ibol, “On in ule la ya. Nek gamu on in da anin en da.”

³⁸ Ago dugo tamol an naon na turun isaluwig igo ibol, “O Tubun en, nai ilog lo rumok a.” Agog ubou an ile ya.

³⁹ Jesus ibol, “Nai tan ente tamolpein nitarपालािप malan uraru dilasa wo nपालु ya. An ninen o mala itau adi aban dile wa, ago dop talpein aban diled dubol dan man, malad itau dilasa wa.”

⁴⁰ Farisi adi aenta in da dumado yan, ru an dulon go igo dubol, “Man dam malama itau ak ago ubol di?”

⁴¹ Jesus ibol, “An malam tia yak man, aupasek amam tia wa. Ak man an malam ipuk ak abol dan lo an sam aupasek yen da.”

10

Sipsip sad ar san ru fanan

¹ Jesus ago ibol, “Nai rumok nunon mi nrupaian da. Tamol enti in sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, in gumagam tamol mala suek igane wo ipalu da. ² Gug tamol a in dalawan lo mok iladu dan, in sipsip sad titianek tamol mok. ³ Dalawan san titianek tamol in tamol en dalawan ipasi pani da. Ago dugo sipsip dam inaned tamad awan dulon da. Agop saen in yanad atem ipatep, igiai tap, in awan dulon pe, nien aban fo kuai te dilasa wa. ⁴ Aria, saen in kuai te dilasa itout dop, in tamad imug yau dop, nien aban fo diau a, man dugo, in tamad awan dulon uyanan a. ⁵ In tamol sen ak ta diganurip diau san man tia geig a. In awan ta dulon uyan na yak ninen o direr pe dusol diau a.” ⁶ Jesus ru fanan an ago ibol irupudai a, ago gug in san ru an fun ta dulon na ya.

Jesus in sen sipsip sad titianek tamol mok a

⁷ An ninen o Jesus fon igo ibol, “Nai ru rumok nrupaian da. Naiseg mi, nai sipsip sad ar san dalawan. ⁸ Tamol fidian a nai gamugo nपालु dugo, in imug dupalu na yan, in gumagam tamol. An ninen o sipsip in awad ta dulon na ya. ⁹ Nai mi dalawan. Ta in nai lo iladu dan, in patu pasek in anep imado uyan a. In nai lo iladu ilasa dop, anan yani uyan a. ¹⁰ Gumagam tamol man in igam o, sipsip ifu dumat o, mala suek kagin mi igane wo ipalu da. Gug nai man naine sipsip kumaen nपालु, kumaen an ago in lo awan isap, yen san ninen o nपालु ya.”

Jesus in sipsip sad titianek uyanan a

¹¹ “Nai sipsip sad titianek uyanan mok a. Titianek tamol uyanan mok man, in sinan tinin in anen sipsip ninedi wo igane idug imat a. ¹² Tamol in urat naon inane wo mi, urat igane dan man, in titianek tamol mok tia ya. In sipsip sad tamadi dam tia ya. Ago yak ninen o goun kasik ipalu dop, in irer pe sipsip ibisawai yau a. Ago dop goun kasik an sipsip ifu iratitalaip, dufurak diau a. ¹³ Fun dugo isol yau ak i? In nek tamol ta moni nam diabi dan mi a, tamol naok ago yak sipsip o ta ilon isou na da.

¹⁴ Nai sipsip sad titianek tamol uyan a. Naine sipsip nalon do, in nai dulon a, ¹⁵ nek ibol Bai nai ilon dugo, nai in nalon ago mi a. Naiseg tinig en sipsip ninedi wo nपालु idu wa. ¹⁶ Nai sipsip malan taida mi sad tamad, in ar en san tia ya. Sipsip an dam nalan nपालु ar en lo iladu wa. In dam nai awag dulon a, ago dop man sipsip malan kisaek ak, agod in aned titianek tamol dam kisaek a. ¹⁷ Bai nai nineg o imat mok dan san fun man, naiseg tinig nपालु wak gup, fon ninane da wa. ¹⁸ Tamol ta in nai iginiag naman san man tia ya. Tia, naine ilog ibol ak atem naiseg tinig nपालु pidinai a, ago gup fon ninane da wan san dabai nai tuog lo yen da. Bai sen nai ago nigan wo ibol a.”

¹⁹ Juda adi ru an dulon go fon ditalpaleg malan uraru dilasa ya. ²⁰ Tamolpein wei mi igo dubol, “Ur saiak in lo imado dugo, burau ifunig ru nneo ibol da. Ata wo in san ru talon dak i?”

²¹ Gug aenta igo dubol, “Ru naok ago yan, tamol enti in lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon aban dile san idaisuda yak i?”

Juda adi Jesus ninen o ilodi ta rumok na ya

²² Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya. ²³ Nal an lo Jesus tempel san tumanek aben lo, Solomon san Madok Aben dubol dan te itor a. ²⁴ Ago dugo Juda adi dufutani dulubanig igo dubol, “Nal sanep tap on enti mok an kuai tem ubol dop malon ak i? On Kristus dop man, kuai tem ubol dop malon.”

²⁵ Jesus awad yabig igo ibol, “Nai an jurupaian la ya, ago gug an ilom lo ta rumok na ya. Nai urat girager a fidian Bai ya nan lo njigane se yan, amaiak nai fug mok kuai te igane ilasa dugo ale ya. ²⁶ Gug an ananem ilo rumok nai lo ta agane na yan san fun man, an naisag sipsip tia ya. ²⁷ Naisag sipsip nai awag dulon dak, nai in nalon a, agod in nai njeg aban diri da. ²⁸ Nai kumaen pempem san njupidinai a, an ninen o in pempem ta dideg diau na wa. Tamol ta naisag sipsip nai banig lo ipasaip diau san tia geig a. ²⁹ Nai Tamag enti a sipsip an ipanag dan in sen mel aenta fidian irinanai geig a. An lo tamol ta naineg sipsip nai Tamag banin lo ipasaip diau san dam tia ya. ³⁰ Nai Tamag da fuma kisaek a.”

³¹ Ago tag Juda adi fon pat duburoug, du-funi imat o da. ³² Ak man Jesus irupudaig ibol, “Nai Tamag wagen lo kulob girager tubun geig ak wei mi njukubiaig ale ya. Kulob girager an lulunad lo kulob dugo yak ninen o amoi dop, an lo pat nam nai afunag o abol di?” ³³ Juda adi ru naon igo dubol durupe, “Man on kulob girager ak gane yan ta ninen o mufuno wo iloma ago ta yen na da. Tia, fun man on tamol kawan gug on onse Anut ubol da! An ninen on Anut ya nan wabi idu da.”

³⁴ Jesus ru naon irupudaig ibol, “Alon, an sam kubiaen yen dan lo Anut san ru ta igo ibol, ‘Nai igo nabol, ansem tubud a.’ ³⁵ Alon, Anut in san ru girek an lo, tamolpein a in san kubiaen dinane yan, irupudaig igo ibol, ‘ansem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nunon an tia kawan yen san tia ya. ³⁶ Ago yak ninen o, ‘Nai Anut Nanun’ ago nabol tap, en ata wo nai Anut ya nan nabi idu dak ago abol di? An sam ilo saiak fun tia ya. Ata wo nai tamol kawan ak ago ilom isou di? Anut sen nai ipilianag go tan na iginiag nadyan an ta alon na yak i? ³⁷ Urat a naineg Bai igane dan nai dam urat kisaek mi njigane da. Isop an rumok tia tap, an naisag ru an ilom lo ta rumok na wa. ³⁸ Ak man rumok, nai in anen urat njigane da. An ninen o gidad, an naisag ru ilom lo ta rumok na yak abol bo man, kulob girager njigane dugo, ale yan

fidian an ninen o, an nai o ilom rumok a. An lo dop an ilo girek aganep, alon uyan ak igo, Bai nai lo imado dak, nai Bai lo njumado da.” ³⁹ In ago ibol tag Juda adi fon diabi wo digane, ak man in banid lo ikisaluk ilasag yau a.

⁴⁰ Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya. ⁴¹ Ante tamolpein wei mi in san na diaug igo dubol, “Rumok, Jon in kulob girager ta kisaek igane man tia ya. Ago gug Jon tamol en ninen ru fidian ibol na yan man ru rumok a.” ⁴² An ninen o saen Jesus aben ante imado yan, tamolpein wei mi in ninen o ilod lo rumok a.

11

Lasarus imat a

¹ Tamol ta ya nan Lasarus, in subam aman da ya. In san lun man Maria in Marta da, in man panu Betani san tamol.

² Maria nek amaiak murnap Jesus njen guren yamisip, gumuran roun sen nam isasi wa. ³ Man ninen o lun uraru an Jesus san na ru digane yau a. Agog ago dubol durupe, “Tubun en, tamol e on ninen o umat den in subam ifuni a.”

⁴ Jesus an ilon go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate ya nan diabisa san. Nek kulob an lo Anut Nanun dam ya nan tubun ak inane wa.” ⁵ Jesus man Marta, tein Maria, lud Lasarus da ninedi wo tubun mi imat da. ⁶ Aria, in Lasarus subam ifuni dak san ru an ilon ak man, panu ante nal uraru taida imado ya.

⁷ Murnag megeloum adi ago irupudai, “Id Judea distrik lo fon tamul tau a.” ⁸ Megeloum durupeig dubol, “Girek manau, nor wari na geig Juda adi on lo pat dubal o digane ya. Gug on fon ante umul wau o ubol di?”

⁹ Jesus awad yabig, ru tuanek igo ibol irupudai, “Ilalan san saen an yaup gurai isi dop, an nal kisaek igo ya. Tidom idu san gamugo da. Ta in ad lo itor dan, in tan en san ilalan an ile dop, in njen isuep, yau idu san tia ya. ¹⁰ Ago gug ta in tidom lo itor dan,

in lo ilalan tia yak ninen o njen isuep, yau idu wa.”

¹¹ Jesus fon mi igo ibol irupudai, “Idsad turad Lasarus yen padal a. Gug naj njaup, nufufunip imasa wa.”

¹² Ru an dulon tag megeloum durupeig dubol, “Tubun en, in yen dan ubol man, fon ka imasa dap uyan a.” ¹³ Jesus Lasarus imat la yak ninen o ibol da. Gug megeloum adi Lasarus yen padal dak ninen o Jesus ibol ago dubol a.

¹⁴ Ago yak ninen o Jesus kuai te ibol irupudai, “Lasarus imat la ya. ¹⁵ Gug naj ante ta numado na yan ninen o ilog uyan. Man dugo, en an ibinawan dop naj ninen o ilom lo rumok a. An ninen o inisan na taup tile wa.”

¹⁶ Agog Tomas, in yanan neinta Didimas dubol dan, in megeloum aenta irupudai, “Gidad taup, id Jesus da sisem tamat a.”

Jesus inisen tamolpein a kumaen dumasa wak sad tamadi

¹⁷ Jesus yang ilasa dugo, in Lasarus nal iwoiwo gib lo yen an san ru ilon a. ¹⁸ Panu Betani man kitek Jerusalem sumeikan a, kilomita utol igo won yen da. ¹⁹ Juda tamolpein wei mi Marta Maria da ludi imat ak ninen o dabai dupidinai o dususa ya. ²⁰ Saen Jesus ipalu dan Marta ago ilon tag, imasag dal na ile wo yau dugo, Maria in ab lo imado se ya.

²¹ Marta Jesus irupei, “O Tubun ak, on ente mado yak man, najneg lug en imat san tia ya. ²² Ago bo man naj nalon ak, on mel ta ninen o Anut gudani dop man, en fidian ka ipano wa.”

²³ Jesus Marta irupeig ibol, “Onane lu fon kumaen imasa da wa.”

²⁴ Marta awan yabig ibol, “Rumok, naj nalon la ya, nal wadan lo gup Anut tamolpein fidian ifufunaip dumasa wa. An ninen o nal an lo dop naj lug dam fon imasa da wa.”

²⁵ Agog Jesus igo ibol irupei, “Nai mi, naj tamol fon imasa da wan san taman, naj mi kumaen san taman. Gidad talpein enti a naj o ilon lo rumok dan imat bo man, in kumaen imasap imado wa. ²⁶ Agod dam, talpein enti a gamugo imat dugo naj o ilon lo rumok dan, in pempem maten ta ile na wa. On an o ilo rumok ak i?” ²⁷ Marta

irupei, “Awo, Tubun en. Naisag ilo rumok nek igo, on Kristus, on Anut Nanun. On tamol nek emaiak tan ente palu wo Anut ibol a.”

²⁸ Marta ago ibol go yang, tein Maria yabig irae ipalug, kisik kisik nam kududon lo inijen go ibol, “Girek manau ipalug, imado da. In on ilio wo ibol a.” ²⁹ Maria ru an ilon tag, ririan imasag, Jesus san na yau a. ³⁰ Jesus panu ante gamugo ilasa ya, tia, aben a imug mi Marta da dutumani ante mi imado ya. ³¹ Tamolpein a Maria da ab lo ditatad dumado se yan, Maria imasa kisaek on go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

³² Maria Jesus aben a ate imado se yan ate yang ile man, njen fun na yau idug irupei, “Tubun en, on ente mado yak man, najneg lug en ta imat na wa.”

³³ Tamolpein dupalu yan Maria dida ditata dugo Jesus yil a. An ninen o ilon itau idug maten ninen o ilon idu geig go ilon tubun mi muruan a. ³⁴ Ago dugo isumianai, “An Lasarus dugon te aganeg yen dak i?”

Agog durupei, “Tubun en, palup ule.”

³⁵ Agog Jesus tinaj ifunig malan turon idu ya.

³⁶ Ago dugo tamolpein dubol, “Ale, Jesus tamol an ninen o tubun mi imat a.” ³⁷ Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo in tamol en san maten an yabituni san ta idaisuda na yak i?”

Lasarus fon kumaen imasa ya

³⁸ Aria, Jesus fon ilon itau idug mutou fun na yau. Mutou an in pat gubaran tubun ak ilon lo diganeg, pat sen ak nam awan dibaltuani a. ³⁹ Jesus ibol, “Pat en apasi.”

Marta, tamol a imat amaiak lun, igo ibol Jesus irupei, “Tubun en, in imat go nal iwoiwo yau la ya. Ago yak ninen o mumalun iwen saian da.”

⁴⁰ Ak man Jesus irupei, “Imug mi naj on jurupaio la ya, on ilo lo rumok dop man, on Anut san dabai girager anda yan ule wa.”

⁴¹ Ago tag pat dupasig Jesus malan lak na yabisag, abañ ile dugo ibol, “Bai, oñ ñaisag gudanek ulonj la yak niñen o per ñupano da. ⁴² Ñai ñalonj ak, oñ nal fidian ñaisag gudanek ulonj da. Gug ñai ru en fon ñabol pe, tamolpein e ditur den dulonj dop, oñse ñai dinag go ñupalu yen ilod lo rumok a.”

⁴³ Ru ago ibol go awan tubun mi iwaginj, “O Lasarus, masap, kuai te lasa!” ⁴⁴ Ago tag tamol a imat la yan imasag, ñien banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

Juda sad gurman adi Jesus palañ an dumari a

Mat 26:1-5; Mak 14:1-2; Luk 22:1-2

⁴⁵ An niñen o Juda wei mi Maria dile wo dupalu yan, Jesus kulob girager igane yan dileg, an lo Jesus niñen o ilod rumok a. ⁴⁶ Ago gug aenta man Farisi adi sad na diaug, Jesus kulob igane yan naod na dubol ilasa ya. ⁴⁷ Ago tag pris gurman adi, Farisi adi dida kaunsil digiaig dutumanig igo dubol, “Id dugo tigane wak i? Tamol an kulob girager wei mi igane da. ⁴⁸ Id inj tilefuni dop man, inj ago mi igane yaup tamolpein fidian inj niñen o ilod rumok a. Agop Rom adi dupalup, idsad tempel dipitiñini wa. Agop id diabituanad dop injsed mi sed ipilianaip Juda sad tamol gurman igo dumado wa.”

⁴⁹ Ak man inj lulunjad lo anañar en san pris malan te yak ta imado ya, inj yanjan Kaiafas amaiak igo ibol, “Anj ilo girek amam tia geig a! ⁵⁰ Gidad, tamol kisaek an mi imat dop, tamolpein fidian muruan diñane san tia ya, an uyanan a. Kabelan id fidian tadeg tau banau.”

⁵¹ Gug Kaiafas injsinanen ilo sou lo mi ago ta ibol na ya. Tia, inj anañar en san pris malan te ya, an lo inj profet ru igo wonj Jesus imat pe Juda tamolpein fidian abed injane wan niñen o ibol a. ⁵² Gug inj Juda adi mi wo ta ibol na ya, tia, inj Anut san tamolpein aben gidigidad dumado dan niñedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da.

⁵³ Aria, nal a ipalu dan lo, Jesus palañ an dumarig dufunip imat o dal abañ dile se ya.

⁵⁴ Fun an niñen o Jesus afon malak malak Judea distrik ilon lo ta itor ila iso na ya. Tia, inj ibisawaig yaug, tan kawan ak giranjen na panu nanun ta yanjan Efraim dubol dan te injanen megeloum dida dumado na ya.

⁵⁵ Aria, Juda sad nal tubun ak Pasova tumanek dubol dan sumeik a. An niñen o panu sensen an san doup wei mi dupalug Jerusalem na dutumani a. Man dugo, injsed ikubuniaip Anut malan lo inj ikok dilasa san niñen o ago digane ya. ⁵⁶ Inj Jesus abañan diabig tempel lo dutur dugo, nug dusumiani se ya, “Anj ilom dugo isou da, inj ipalup, tumanek tubun en ile wak i? Tia, tia yak i?” ⁵⁷ Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta inj Jesus dugon te imado dan ile ilonj tap, gidad, kuai te ibol ilasa dop, diaup diabip, diñane dupalu wa.

12

Maria Jesus gureñ nam ñien yamisi a

Mat 26:6-13; Mak 14:3-9

¹ Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu. ² Inj panu ante anañ diabig, Jesus dida diani a. Ago dugo Marta man inj anañ isire idug iwae ipidinai a. Lasarus man tamol dida dumasig, Jesus dida anañ diani se ya. ³ Ago dugo Maria inj gureñ uyanan geig, naon lak na geig ak injaneg, ate Jesus ñien yamisig, injsinanen gumuran roun nam isasi a. Ago dugo gureñ an san mumalun ab an injanefute ya.

⁴ Megeloum ta, Judas Iskeriot tamol a murnap inj Jesus ager banid lo igane wan, ago ile tag igo ibol, ⁵ “Dugo, id gureñ an didaen tamol tupidinaip, naon pat tubun mok ak* tiñanep bigabeg adi ka tupidinai a. Ata wo id ago ta tigane na yak i?” ⁶ Ago man inj ru a ibol an bigabeg adi niñedi wo ilon ta isou dugo ibol na ya. Tia, inj gumagam tamol, ago tag inj Jesus megeloum

* **12:5:** An nek ibol tamol kisaek san urat naon anañar kisaek injane dak igo wonj a.

dida sad moni badam ititiani pidinai dugo, ante moni aenta inſen niſen o igam na ya.

⁷ Man niſen o Jesus ibol, “Amoi dop, gidad, pein en ka alefuni oſ a, man dugo, inſ űai disiriag san nal niſen o ago igane da. ⁸ Bigabeg adi aſ dida pempem amado da, gug űai man tia ya.”

⁹ Jesus panu ante imado dugo, Juda doup tubun an duloſ tag, inſan na dupalu ya. Gug inſ Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya. ¹⁰ Ago tag Juda sad pris gurman adi inſ Lasarus dam dufunip imat san palaſ an dumari se ya. ¹¹ Ata wo? Lasarus niſen o, Juda wei kasik pris awad diparsisali dugo dibisawaig, Jesus diganuri wo diau dugo, inſ niſen o ilod rumok a.

Jesus inſ Kiſ igo woſ Jerusalem na iladu ya

Mat 21:1-11; Mak 11:1-11; Luk 19:28-40

¹² Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, inſ Jesus Betani ibiseig Jerusalem na ipalu dan duloſ. ¹³ An niſen o diaug, pator raen dulusunig, dal na dile wo diau. Agog inſ duyuſani dugo igo dubol duwagin,

“Hosana, per mupano da!

Tamol Anut yaſan lo ipalu den bar inſane ya!

O Isrel sad Kiſ, oſ bar űane ya!”

¹⁴ Jesus imug doſki nanun ta ileg, fufo isudag imadog ipalu ya. An niſen o ru a profet ta igire yan nuſon ilasa ya.

¹⁵ “O Saion san tamolpein, aſ arer man amoi.

Ale, aſanem Kiſ gamu aſsam na ipalu da.

Doſki foun ak fufo na imasig imado dugo ipalu da.”

¹⁶ Imug mi megeloum adi girek an fun ta duloſ na ya. Murnag, Jesus lak na yaug yaſak tubun ak inſane dugug, ru Anut san buk lo, mel en agod muruan dugo dugo Jesus dupani an niſen o, dusutig kankan ipidinai a. Saen ru an dusuti an lo, duloſ uyan ak, ru kulob a fidian gubak mi dile yan niſen Anut san buk lo yen la ya, ago dugo nuſon ilasa yan inſed malan nam dile ya.

¹⁷ Nal an tamolpein doup wei mi Jesus dida dumado dugo, inſ Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan niſen o ru duwaeg yaug fidian duloſ a.

¹⁸ Tamolpein Jesus kulob a igane yan san ru duloſ tag, diaug dal na dile ya. ¹⁹ Man niſen o Farisi adi inſed mi diſniſen go dubol, “Ale. Idsad palaſ marek san urat an nuſon tia ya. Tan tilianek sad tamolpein fidian inſ diganuri wo diau da!”

Grik aenta Jesus dile wo dubol a

²⁰ Tamolpein Jerusalem na nal tubun an dile wo dupalu dugo, Grik aenta inſ dida diau a. ²¹ Grik adi an inſ Filip san na diau. Filip man Betsaida tamol, Galili distrik lo yan, inſ dusumiani, “Tubun en, maſ Jesus mile wo mupalu ya.” ²² Man niſen o yaug, Andru irupeſ go inſ Filip da diaug Jesus durupeſ a.

²³ Jesus uraru an sad ru naon igo ibol, “Tamol Nanun inſ yaſak tubun inſane san saen sumeik a. ²⁴ Rumok geig űai aſ űurupaiaſ da, anaſ patun ab lo ka yen dop, tan na ta idup imat na tap, man inſen kisaek mi yen a. Ak man, tan na idup imat tap, inſ nuſon wei mi ifu wa. ²⁵ Talpein inſen tinin mi tan na kumaen imado wo imat dop man, inſanen kumaen mok an ibisei a. Gug tamol ta inſanen kumaen tan en lo yabi idu dop man, murnap inſanen kumaen mok inſanep, pempem mi ago yen yau a.

²⁶ Talpein enti inſ űaisag urat igane wo ilon yen dop man, űai űieg aban iri wa. Ago dop urat aben a ante űai űumado dan, ante mi űaisag urat tamol dam űai da mumado wa. Agod talpein enti űaisag urat yabi dan, Bai Anut yaſak tubun ak inſ ipani wa.”

Jesus inſan mateſ niſen o kuai tem ibol a

²⁷ Jesus fon mi igo ibol, “Gamu űai ilog tubun mi muruan da. Man niſen o, űai dugo űabol ak i? Bai, muruan e gamu űai lo ilasa wo den oſ ka wabituani wak i? Tia geig a, űai muruan emaiak űisini wo űupalu ya. ²⁸ Bai, gidad oſsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “űai yaſag űiganeg tubun la ya. Gug fon űiganep, tubun geig a.” ²⁹ Tamolpein sumeikan dutur an,

ru an dulon, agog aenta “weil ifu dak” dubol, ago dugo aenta man “enel ta Jesus irupei dak” ago dubol a.

³⁰ Jesus ibol, “Ru e ibol ipalu den naj ibinawag san tia, an ibinawan o ipalu ya.

³¹ Gamu Anut tan en san tamolpein kot ipidinai dop, in tan en san gurman Satan an ikudip kuai te ilasa wa. ³² Gug naj man, murna gup dibiagsap dusunanag a. Nal an lo man naj tamolpein fidian njiraup, naisag na dupalu wa.” ³³ Ru amaiak ibol an lo, insen dugo wonj imat o dak kuai te ibol ilasa ya.

³⁴ Ago dugo tamolpein awan diabig dubol, “Man kubiaen ilon lo girek igo musuti a, Kristus man in pempem imado wa. An lo, ata wo on Tamol Nanun diabisap dusunanani wak ubol di? Tamol Nanun emaiak enti mok i?”

³⁵ Agog Jesus igo irupidai, “Saen katukan mi an ilalan da amado wa. Ago yak ninen o an ilalan en lo mi ator a. Kabelan tidom tubun ituana banau. Tamol tidom lo itor dak man, in aben dugon te yau dak inaon a. ³⁶ Gamu man an ilalan am da ya. Ago yak ninen o, ilalan en an da amado dugo, ananem tini ganei in lo agane. Agop an ilalan san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

Juda adi Jesus ninen o ilod lo ta rumok na ya

³⁷ Jesus kulob girager an fidian Juda adi naod na igane dugo dile ya, ak gug in ninen o ilod ta rumok na ya. ³⁸ An ninen o profet Aisaia san ru nujon ilasa ya. Aisaia in gubak mi geig igo ibol, “Tubun en, ensauta idsad ru ilod lo rumok ak i?”

Tubun en, ensauta on tuo kubiai pidinai dugo dile yak i?”

³⁹ In Jesus ninen o ilod rumok o dumoi, an san fun igo ya. Aisaia ru ta igo igire,

⁴⁰ “Anut idiraig malad itau an dilasa ya, inaned ilod dam iganeg dabai geig a. An lo in maladi nam aban dile san tia ya, ago dugo ilodi nam manau dinane san dam tia ya, taida mi, in didansa san tia ya, tia dop, in ilod ibilisa tap didansa dop naj nukubunia a.”

⁴¹ Aisaia ago ibol an san fun igo ya. In Kristus san girager tubun geig ak ile dugo, in ninen o ibol ilasa na ya.

⁴² Ak man gurman aenkadi in o ilod rumok a. Ak gug Farisi ninedi wo direr go inaned ilo rumok dimiani dugo, kuai te ta digane ilasa na ya. Juda adi dukudaip insad ubou ab patun fo dilasa wak ninen o direr a. ⁴³ Man dugo, in tamol dipitianai o dumat geig da, gug Anut ipitianai o man dumoi da.

⁴⁴ Agog Jesus isasai go awan tubun mi iwagin, “Tamol ta naj o ilon rumok dan, naj ninen o mi ilon ta rumok na da. Tia, Bai a naj idinag go npalu yan dam ninen o ilon rumok da. ⁴⁵ Nek ago mi, ta naj iliag dan, in naj mi ta iliag na da. Tia, in Bai a naj idinag go npalu yan dam ile da. ⁴⁶ Naj tan ente sul igo wonj npalu ya. Man ninen o tamolpein ensauta naj o ilod rumok an, tidom tubun lo ta dumado na wa.

⁴⁷ “Ak man, ta naisag ru ilon gug ta iri ipani na man, naj tamol an bitinaek lo ta njigane na wa. Man dugo, naj ago njigane wo ta npalu na ya. Tia, naj tan en san tamolpein patud npasi wo npalu ya. ⁴⁸ Ta in naj imoi dugo najineg ru ta inane na dan, ru e nabol den man insan bitinaek tamol on imado wa. Man dugo, ru e nabol en, saen wadan lo gup, ru an mi in ibitinae dop yabi idu wa. ⁴⁹ Man dugo, naiseg ilog nam ru ta nabol na da. Tia, Bai naj idinag go npalu yan insen ru kagin igo ipanag a, ata ru nabol ilasa wak, agod dal dugon lo tamolpein naod na ninen an dam irupaig go nalon a. ⁵⁰ Naj nalon ak, talpein enti Bai san ru kagin ilon dop iri dan, kumaen pempem yen san inane wa. Amaiak ninen o, ru dugo dugo nabol ilasa dan, ru nek en Bai imug mi ago nabol o ru kagin ipanag a.”

13

Jesus megeloum nedi ifulani a

¹ Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon a. Inan tamolpein tan en lo dumado den ilon ipidinai a. An ninen o gamu insan ilo panek tubun a in ninedi wo yan ikubiaip dile san ago ilon yen da.

² Jesus megeloum dida anan diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus inſan ager banid lo igane wo ilon ibali a. ³ Aria, Jesus ilon ak, Taman mel fidian in tuon lo idiri a, agod Anut sen idinig ipalu gug, fon imul Anut san na yau o an dam ilon a. ⁴ Ago tag, in anan gigin na igane dugo, imasag madid san kulos itabug go, yamel ta inane luan ate ipulau a. ⁵ Agog you daeg lo ikulmaek go fun iganeg megeloum niedi ifulani a.* Agog yamel ipulau an ate niedi isasi a.

⁶ Aria, in Saimon Pita san na ipalu dugo, Pita ilon weiwei dugo isumiani, “Tubun en, on niai nieg fulani wo di?”

⁷ Jesus awan yabig ibol, “Nai mel gamu ngigane den on fun ta ulon na ya, ak gug murna gup on ulon fufei wa.”

⁸ Gug Pita ibol, “Tia, on niai nieg fulani san man namoi geig a.”

Jesus ru naon irupe, “Gidad niai nifulano wa, tia dop, on niai muroug luluſad lo mado san tia ya.”

⁹ Ago tag Pita irupe, “Tubun en, mago tap, niai nieg mi ta fulani na wa, tia, banig gumurag da sisem fulanai.”

¹⁰ Jesus ru naon irupe, “Tamol enti sen tinin fidian isug la yan man, tinin ikok a. An ninen o nien mi ifulani wa. An ilom tinim fidian niai lo ikok alasa la ya. Gug an luluſam lo tamol kisaek imado duman ta ikokan na ya.” ¹¹ Jesus tamol enti ager banid lo igane wan ilon la ya. Fun an ninen o, “an luluſam lo tamol kisaek imado duman ta ikokan na yan” ago ibol a.

¹² Aria, Jesus niedi ifulanig itout go, inanen kulos fon iganeg imasig, isumianai, “Kulob a an lo ngigane yan fun alon i? ¹³ An niai Girek Maſau, agod Tamol Tubun ak abol da. Man an abol mok da, man dugo, niai tamol naok nek ama ya. ¹⁴ Aria, niai nek ananem Tubun ak, Girek Maſau igo dam numado bo man, niai an niem nifulani a. An ninen o an dam ansem nugnug lo niem afulani wa. ¹⁵ Niai man anſam mitilaen igo won, niai ngigane ago mi ansem nugnug lo ago agane wa. ¹⁶ Niai rumok nurupaian da, urat

pinein ta inanen tamol tubun ak ta irinani na wa. Nek ago mi tamol enti urat lo yau dan, inſan tamol tubun ak a idinig yau an ta irinani na wa. ¹⁷ Aria, an gamu mel an fidian alon a. An kagin naok ago yan ari dop man, Anut san bar anane wa.

¹⁸ “Ak man, ru an an fidian mi ninemi wo ta nabol na da. Tia, niai tamol ensauta a nupilianai an nalon a. Niai ru ago nabol, an lo Anut san ru inanen buk lo yen dan nunon ilasa dop ale wa. Ru an ibol, ‘Tamol ta in niai da sisem munuai dan, in niai iparfunag o nien gumin yabisa ya.’ ¹⁹ Gamu, saen kulob an gamugo ilasa dugo, niai an kulob an murnap ilasa wan nurupaian da. Man ata wo? Saen kubol an ilasa dop, Naiseg, Niai Numado Dan† an ilom lo rumok a. ²⁰ Niai ru rumok nurupaian da, niai urat tamol adi nidiraig diau a. Talpein enti a naisag urat tamol inane dan, niai injiliag da. Ago dugo talpein enti niai injiliag dan, in Bai enti a niai idinag go nupalu yan dam inane da.”

Jesus Judas san aupasek kuai te igane ya

Mat 26:20-25; Mak 14:17-21; Luk 22:21-23

²¹ Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunon mi nurupaian da. An luluſam lo ta kisaek man in niai ager tamol banid lo iginiag njiladu wa.”

²² In ago ibol dugo, inanen megeloum Jesus ru an lo enti isue dan dinan geig a, an ninen o sed nug dile yau imul dugo awad itau dumado ya. ²³ Megeloum a Jesus ninen o tubun mi imat dan, in giranen na ida sisem dumado, ago dugo ²⁴ Saimon Pita naon itad panig igo irupe, “Jesus sumiani dop enti ninen o ibol dan, ibol pe talon.”

²⁵ Agog megeloum an tinin Jesus titiren fo isapek go isumiani, “Tubun en, enti ninen o ubol di?”

²⁶ Jesus ru naon irupe, “Niai bret tuor lo nisominip, nupani dop, an alon ak, nek tamol ama ya.” Jesus ago iganeg Judas, Saimon Iskeriot nanun, bret an ipani a. ²⁷ Judas bret an inane dugo, Satan ilon lo iladu kisaek on a.

* **13:5:** Urat bigabeg mi urat naok ago yak digane ya. † **13:19:** Jesus ru fanan an lo in Anut an ipitejanai da.

Jesus irupeig ibol, “Mel a gane wo ilo ibol dan gane kisaek onj.”²⁸ Gug megeloum aenta dida ananj diani dan, ru a ibol an san fun mok ta dulong na ya.²⁹ Judas man inj moni san badam kagin ipani na yan ninjen o, Jesus irupeip soubul tubun an san melmel ta idad o boi, tia, bigabeg adi ibinawai o boi, ago ilod isou a.³⁰ Aria, Judas ananj an injaneg imasag, ririan kuai fo ilasag yau a. Saen an tidom idu la ya.

Kubiaen foun ak

³¹ Judas yau la gug, Jesus igo ibol, “Gamun Tamol Nanun inj yanjak tubun ak injane san nal idu ya. An lo dop, Anut dam naj lo yanjak tubun ak injane wa.³² Aria, Anut naj lo yanjak tubun mi injane dop man, naj insen lo yanjak tubun ak ninjane wa. Kulob an inj ago igane saltik onj a.³³ O nanug muroug, naj anj da saen katukan mi tumado wa. Ago gup anj naj abanag abi wak gug ta aliag na wa. Nek ibol naj Juda adi gubak mi njurupidai ak igo wonj, naj gamu anj dam njurupaianj da, aben naj nau dan ante anj au san tia ya.

³⁴ “Naj gamu kubiaen foun ak njupananj da. Kubiaen foun ak igo ya: anj nug ninjen o amat mok a. Nek ibol naj anj o njamat dak ago mi ansem nug ninjen o amat mok a.³⁵ Anj ansem nug ninjemi wo amat dop man, an lo anj njaisag megeloum mok amado dan tamolpein fidian dulong a.”

Jesus Pita inj ninjen o itot ak o ibol a

Mat 26:31-35; Mak 14:27-31; Luk 22:31-34

³⁶ Saimon Pita Jesus isumiani, “Tubun en, onj dugon te wau wo ubol di?”

Jesus ru naon irupeig ibol, “Gamun aben dugon te naj nau dan, ante onj palu san tia ya, gug murna dop man, onj ka palu wa.”

³⁷ Pita fon isumiani, “Tubun en, ata wo naj onj da sisem tau san tia ubol di? Gidad, njaineg kumaen onj ninje wo ka njubiseip, njubinawo wa.”

³⁸ Ago tag Jesus igo irupeig, “O Pita, onjane kumaen naj o bisei wo ubol dan, an rumok i? Naj rumok njurupaio da, onj naj ulonj an utot saen utol dop, kurek ibob a.”

14

Jesus injen mi tamolpein Bai san na diau san dal

¹ “Anj ilom muruan dop kankan wei mi ta agane na wa. Anj anjanem tini ganei Anut lo agane ago mi naj dam lo ago agane wa.²⁻³ Njaineg Bai san ab lo man, galunj wei mi dien da. Naj njau anjanem abem njukubune wa. Agod saen naj anjanem abem njukubune itout dop, naj njamul njupalup njinjilianj pe taup naj da sisem tumado wa. An ninjen o aben dugon te naj njumado dan, anj dam ante amado wa. Ak mel an ago tia dop, naj kuai tem ka njurupaianj alonj a.⁴ Aben naj nau dan san dal an alonj la ya.”

⁵ Agog Tomas irupeig, “Tubun en, onj aben dugon te wau den manj ta malonj na ya. An ninjen o dal an dugo man malonj ak i? Tia geig a.”

⁶ Jesus awan yabig ibol, “Naj mi dal, naj mi ru rumok san fun, agod naj mi kumaen san fun. Dal sen ta lo Bai san na au san tia ya. Nek naj lo mi a.⁷ Anj naj alonj dop man, njaisag Bai dam alonj a. Nek gamu tumado yau den lo, anj naj Tamag o anjanonj dan ago ilom isou man amoi, man dugo, inj alonj agod ale la ya.”

⁸ Filip irupeig, “Tubun en, onj Bai kubiai panama. An mi manj o idaisuda ya.”

⁹ Jesus ru naon irupeig, “Filip, nal milaen mi naj anj da tumado ya. Ak dugo, en dugo wonj go naj enti mok an ta ulonj na i? Ta inj naj iliang an inj Bai dam ile ya. An lo, enta wo naj Bai njukubiai pananj o ubol di?

¹⁰ Nag naj Bai lo njumado den, ago mi Bai inj naj lo imado da, an ilo lo ta rumok na di? Ru e naj njurupaianj den njaisag ilog nam ta njabol na da. Tia, Bai inj naj lo imado den injanen urat naj lo igane ilasa da. An ninjen o inj naj lo urat igane dugo, injan ru naj njabol ilasa da.¹¹ Anj gidad, naj Bai lo njumado dugo, Bai naj lo imado den, an ilom lo rumok a. Tia dop, naj kulob girager a fidian njigane na yan aleg kankan ipananj gup, an mi anjanem ilo rumok ka igane ilasa wa.¹² Naj rumok njurupaianj da, ta naj o ilon lo rumok dop man, inj urat fidian naj njigane yan inj dam nek ago mi ka igane wa. Agod kulob naok inj iganed an man melmel e naj njigane den irinjani wa. Man dugo, naj

Bai san na n̄au da. ¹³ An̄ mel ta niñen o n̄ai yan̄ag lo agudani tap, n̄ai mel an̄ n̄igane pan̄an̄ a. An̄ niñen o Nanun urat dugo dugo igane dan lo, tamolpein Bai yan̄an tubun mi diabisa wa. ¹⁴ Ata mel an̄ane wo ilom ibol dan, n̄ai yan̄ag lo ka asumiaen̄ a, ago dop n̄ai n̄igane pan̄an̄ a.”

Jesus Urgun ipalu san ru an ibol a

¹⁵ “An̄ n̄ai niñeg o amat mok tap, an̄ n̄aineg ru kagin ari apani uyanan a. ¹⁶ Agod n̄ai Bai n̄ugudani dop, in̄ Binawek sen ta ipan̄an̄ pe, an̄ da pempem amado wa. ¹⁷ In̄ Awan Urgun, in̄ ru rumok ak san mi a. Tan en san tamolpein in̄ diñane san tia ya. Man ata wo? In̄ dile san tia ya, ago dugo in̄ niñen o diñaon̄. Ak man, an̄ in̄ alon̄ la ya, man dugo, in̄ gamu an̄ da amado dak, murnap an̄ bubem ilon lo ilasap ante pempem imado wa. ¹⁸ N̄ai an̄ n̄ubisawan̄ pe, tinam tamam tia yak igo won̄ ta amado na wa. Tia ya, n̄ai an̄sam na n̄upalup tumado wa. ¹⁹ Saen kitekan mip, tan en san tamolpein fon n̄ai ta diliag na wa. Gug an̄ n̄ai aliag a. N̄ai kumaen̄ n̄umado dak niñen o, an̄ dam kumaen̄ amado wa. ²⁰ Nal an lo gup, n̄ai Bai lo n̄umado dan, an̄ n̄ai lo amado dan, n̄ai an̄ lo n̄umado dan alon̄ uyanan a. ²¹ Talpein enti a n̄ai awag ilon̄ dugo iri dan, nek amaiak mi n̄ai o imat mok da. Ta in̄ n̄ai o imat dan man, Bai dam in̄ o imat da. Ago dop n̄ai dam in̄ o n̄amat dop, n̄ai seg n̄ukubiaip ile wa.”

²² Agog Judas en turanein, Iskeriot tia yan, in̄ Jesus irupei, “Tubun en, on̄ ata wo man̄ lo mi kuai te lasa dop, tan en san tamolpein lo tia wo ubol di?”

²³ Jesus ru naon irupei, “Talpein a n̄ai niñeg o imat dan, n̄aisag pitenanek fidian iri dop paed na imado wa. Ago dop Bai in̄ o imat pe, n̄ai Bai da sisem in̄ giran̄en na mupalup, in̄ da nal fidian mi mumado wa. ²⁴ Gug ta n̄ai o ta imat na dop, in̄ n̄aisag ru dam iri dop paen na ta imado na wa. Ru e an̄ kududom alon̄ den man n̄aisag tia ya. Tia, Bai in̄ n̄ai idinag go n̄upalu yan in̄san ru n̄abol da.

²⁵ “Gamu n̄ai an̄ da tumado dan lo, ru an fidian n̄abol ilasa dugo alon̄ da. ²⁶ Gug Urgun, in̄ an̄sam binawek mok a, Bai in̄ n̄ai yan̄ag lo idinip ipalu wa. In̄ mel fidian

niñedi wo man̄au ipitenan̄an̄ a, ago dop iginian̄ pe ru fidian imug n̄abol go alon̄ na yan ilom isou a. ²⁷ N̄ai an̄ n̄ubisawan̄ o dak niñen o, n̄aisag ilo maror n̄upanan̄ pe ida amado wa. Ilo maror a n̄upanan̄ dan man, tan en san tamolpein ka dupanan̄ ak igo tia ya, tan en san ilo maror man ririan itout yau a, gug n̄aisag man yen yau san mi a. Man niñen o, an̄ ta ilom weiwei dop arer na wa.

²⁸ “N̄ai ru n̄abol en alon̄ la ya: ‘gamu n̄ubisawan̄ pe n̄au gup, an̄sam na fon n̄amul n̄upalu wa.’ An̄ n̄ai o amat ak man, n̄ai Bai san na n̄au dak niñen o uyam isusa wa. Man dugo, Bai san yan̄an n̄aisag yan̄ag irin̄ani a. ²⁹ Alon̄ ak, n̄ai Bai san na n̄au san saen gamugo dugo, an̄ n̄urupaian̄ la ya. N̄ai ago n̄igane yan san fun igo: murnap mel an̄ ilasa dop, an̄ n̄ai o ilom rumok a. ³⁰ N̄ai ru taida milaen mi n̄urupaian̄ san tia ya, man dugo, tan en san gurman Satan ipalu wo iton̄ da. In̄ n̄ai ibiag n̄adu san man dabai aman tia geig a. ³¹ N̄ai ilog man igo ya. N̄ai tan en san tamolpein fidian n̄ukubiaip dile dop dulon̄ uyanan ak igo, n̄ai Bai o n̄amat a, ago dugo ata ru Bai irupaiaig an mi n̄iri uyanan da.

Aria, amasap tau.”

15

Jesus in̄ ai wain mok

¹ Jesus irupudaig ibol, “N̄ai man ai wain mok. N̄aineg Bai man abi wain san muroun. ² N̄ai raeg aenta nuñod tia tap, abi muroun itartitip yabi yau a. Raen nuñon anda yan ikubunep, didilan itute yau dop, ilun̄anip, ate nuñon wei mi ifu dop yen a. ³ Ago gug ru n̄ai n̄urupaian̄ la yan lo an̄ ipargalan̄ go an̄ ikok alasa ya. ⁴ N̄ai lo amado wa. N̄ai dam an̄ lo n̄umado wa. Ai raen a luan te ta isatuani na yak man, nuñon ifu san tia ya. Nek ago mi, an̄ dam n̄ai lo amado wa, tia dop man, nuñom ifu san tia geig a.

⁵ “N̄ai man ai wain. An̄ man ai wain raen. Ta n̄ai lo imado tap, n̄ai in̄ lo n̄umado dop, ate nuñon ifu fufei wa. An̄ n̄ai lo tia yak man, an̄sem mel ta agane ilasa san dam tia geig a. ⁶ Talpein ta in̄ n̄ai lo ta imado na dan, in̄ ai raenibun ak igo ya. Ai raen ago man ditartitip, yai lo diabi yaup inani

fufari yau a. ⁷ Gug an̄ n̄ai lo amado dop, n̄aisag ru an̄ lo yen dop man, an̄anem ilom ibol ak ago mi mel n̄in̄en o asumianag dop, n̄ai n̄upanaŋ a. ⁸ Aria, an̄ nuŋom wei mi afu yak man, an̄sem ibilaŋ kuai tem alasag n̄aisag megeloum mok amado da, nek an lo Bai yaŋan tubun geig ilasa wa.

⁹ “Bai in̄ n̄ai ilon ipanag dak, ago mi n̄ai an̄ ilog n̄upanaŋ da. An̄ n̄aisag ilo panek lo mi amado wo ilog yen da. ¹⁰ N̄ai Bai san ru kagin n̄uri n̄upani ak n̄in̄en o, in̄san ilo panek lo n̄umado da. Nek ago mi an̄ n̄aisag ru kagin an ari apani dop man, an̄ n̄aisag ilo panek lo mi amado wa. ¹¹ Ru ago n̄urupaiaŋ dan an̄ alon̄ dop, n̄aisag uyasusai an̄ ilom lo yen o n̄abol da. Agop an̄sam uyasusai an ilom lo anuap ida amado wa. ¹² N̄aisag ru kubiaen̄ man igo ya, n̄ai ilog n̄upanaŋ ak ago mi an̄ nug ilon apani wa. ¹³ Talpein enti a in̄ turan n̄in̄en o in̄san kumaen imoi ibiseig imat tap, in̄ kagin fidian nug n̄in̄en o tamat san iriŋani a. Kagin an ilo panek san nuŋon mok a. ¹⁴ Aria, an̄ n̄ai ru kagin n̄urupaiaŋ an ari apani dop man, an̄ n̄aisag turag muroug mok a. ¹⁵ Urat pinein man in̄ in̄anen tamol tubun ak mel igane dan man in̄ ta ilon̄ na da. Ago yak n̄in̄en o n̄ai fon an̄ urat pinein igo n̄abol san tia ya. Man ata wo? N̄ai ru fidian Bai awan lo n̄alon̄ en an̄ n̄abol alon̄ pasik la ya, an lo an̄ n̄ai fug fidian alon̄ a. Ago yak n̄in̄en o an̄ n̄ai turag muroug n̄abol da. ¹⁶ An̄ imug n̄ai ta apilianag na ya. Man tia. N̄ai an̄ n̄ipilianaŋ go n̄aisag ak n̄abol la ya. Ago yan lo aup urat nuŋon agane ilasa san ago kob n̄upanaŋ a. Ago dop an̄anem urat an nuŋon yen yau a. An lo mel ta wo n̄ai yaŋag lo Bai asumiani dop man, in̄ ka ipanaŋ a. ¹⁷ N̄aisag kubiaen̄ n̄urupaiaŋ duman nek en, an̄ nug n̄in̄en o amat mok a.

Tan san tamolpein Jesus san megeloum lo ager dumado da

¹⁸ “Tan san tamolpein an̄ o ager dumado dop man, n̄ai o ilom isou. N̄ai niŋeg o imug mi ago digane ya. ¹⁹ An̄ tan en san tamolpein sad muroudi dop man, an̄ niŋemi wo dumat pe, an̄ in̄sadi ak dubol a. Ak man an̄ tan en san tamolpein mok tia ya, tia, n̄ai an̄ n̄ipilianaŋ go an̄ n̄aisag a. Fun amaiak n̄in̄en o tan en san tamolpein an̄ lo siai digane wa. ²⁰ An̄ gidad n̄aisag ru

imug n̄urupaiaŋ en ilom isou, urat pinein ta in̄anen tamol tubun ak ta iriŋani na wa. In̄ n̄ai diginiag saian tap, nek ago mi an̄ lo dam ago digane wa. Ak dugo, in̄ n̄aisag piteŋanek diri ak i? Tia geig a. Nek ago mi, piteŋanek a an̄ apidinai an dam ta diri na wa. ²¹ N̄ai niŋeg o an̄ diliaŋ saian pe kagin naok ago yak an̄ lo digane wa. Man ata wo? Bai n̄ai idinag go n̄upalu yan, in̄ ta dulon̄ na ya. ²² N̄ai n̄upalug, n̄urupidaig, in̄sad aupasek kuai n̄upani dugo dile ya. N̄ai ta n̄upalu na yak man, in̄ aupasek amad da yan dulon̄ san tia ya. Gug n̄ai n̄upalug, in̄aned saian kuai te n̄urupidaig dulon̄ ak n̄in̄en o, gamu sad aupasek an dimiani san tia geig a. ²³ Ta in̄ n̄ai lo siai igane dan man, in̄ Bai lo dam siai igane da. ²⁴ In̄ luluŋad lo n̄ai kulob girager tubun geig ak n̄igane na ya. Tamol sen ta gubak mi ilasag kulob naok ago yan ta igane man tia ya. N̄ai ago ta n̄igane na yak man, Anut malan lo in̄ aupasek amad tia wa. Ak gug, gamu in̄ kulob girager an fidian dile la gug, n̄ai lo, agod n̄ai Tamag lo dam, siai digane dugo sama ager dumado da. ²⁵ In̄sad kagin, ru ta in̄sad kubiaen̄ lo digireg yen an iganeg nuŋon ilasa ya. Ru an igo ya, ‘In̄ sen kawan mok n̄ai lo siai digane ya.’

²⁶ “Gug n̄ai Binawek Tamol n̄iganep idu wa. In̄ Awan Urgan, ago dugo in̄ dam ru rumok ak san fun. In̄ Bai san na ilasap, an̄sam na ipalu wa. Agop in̄ n̄ai fug kuai te ibol dop alon̄ a. ²⁷ Gug an̄ dam n̄ai fug tamolpein naod na afulalep dulon̄ a. Man dugo, saen n̄ai urat fun n̄iganeg ipalug gamu en, an̄ n̄ai da sisem tumado na ya.

16

¹ “Muruan ipalu dop, an̄anem ilo rumok an abisei banau o ru en n̄urupaiaŋ da. ² Murnap Juda adi sad midaen̄ lo au dop, an̄ dukudaŋ a. Rumok, nal idu dop, an̄ dufunaŋ amat a, nek dal an lo in̄ Anut san urat dibinawi mok dak ago dubol a. ³ Gug in̄ man n̄ai Bai da ta dulon̄ na yak n̄in̄en o ago digane wa. ⁴ N̄ai ager niŋedi wo ru kagin en n̄urupaiaŋ alon̄ a, an n̄in̄en o murnap an̄ lo dugo digane dop, ru en ilom isou wa. Inug man n̄ai ru en ta n̄abol go alon̄ na ya, man dugo, n̄ai an̄ da tumado na ya.

Urgun san urat

⁵ “Ak man gamu gup naj n̄ubisawan pe, Bai idinag go n̄upalu yan san na n̄amul nau a. Gug an̄sam ta kisaek naj dugo te nau o dan ninen o ta isumianag na da. ⁶ Gug gamu ‘naj n̄ubisawan pe nau o’ n̄urupaian den ninen o an̄ ilom isasau idu da. ⁷ Nai rumok n̄urupaian da, naj an̄ n̄ubisawan pe nau o dan, an̄ o uyanan a. Nai gidad nau a. Ta nau na tap, an̄ Ur Binawek San an ta an̄ane na wa. Ak man naj nau dop man, Ur Binawek San an n̄iganep, an̄sam na ipalup, ida amado wa. ⁸ Urgun ipalu dop, tamolpein ilod isafulep, kagin saiak san fun, agod kagin itaot ak san fun dam dumun̄ani fufei wa. Agod murnap Anut naon na ditur pe bitinaek lo idirai an san fun dam in̄sed ilod lo dukubiani wa. ⁹ In̄aned kagin saiak san fun man in̄ naj lo ilod ta rumok na ya. ¹⁰ Nai Bai san na nau dop, afon naj ta aliag na wa. An lo tan en san tamolpein dulon̄ ak naj Bai san geig a. Dal an lo Urgun in̄ n̄aisag kagin itaot an fidian ikubiai pidinaip, dulon̄ uyanan a. ¹¹ Tan en san tamolpein sad ilo sou lo dubol, Anut naj bitinaek lo iginiag pe ifunag n̄amat ak ago dubol da. Ak man an ta rumok na yan Urgun ikubiai dile wa. Anut naj bitinaek lo ta iginiag na wa, tia, n̄aisag mater̄ lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

¹² “Nai ru wei mi amag da ya, ak man an̄ ilom itau dak ninen o, gamu n̄urupaian pe alon̄ san tia ya. ¹³ Gug murnap Urgun ru rumok ak san ipalu dop man, kagin rumok ak mi fidian ikubiai panañ a. In̄ sen ilon nam ru ta ibol na wa. Tia, Anut ibol go ilon̄ an mi irupaian pe alon̄ a. Mel murnap ilasa san dam ibol ilasa dop alon̄ a. ¹⁴ In̄ naj yan̄ag yabisa wa, man dugo, in̄ n̄aisag mel in̄ane dan an̄sam na ibol ilasa dop alon̄ a. ¹⁵ Bai san mel fidian an dam n̄aisag a. Man ninen o naj imug n̄urupaian, Urgun mi n̄aisag mel an in̄anep ibol dop alon̄ a.”

Muruan ibilisap, ilo uyan ilasa wa

¹⁶ “Saen katukan an̄ naj ta aliag na wa. Agop fon saen katukan mi gup, naj aliag da wa.” ¹⁷ In̄san megeloum aenta in̄sed mi din̄in̄en go igo dubol, “Ru e ‘saen katukan an̄ naj ta aliag na wa, agop fon saen

katukan mi gup, naj aliag da wan’ fun dugo yak i?” ¹⁸ In̄sed nug dusumiani on̄ go igo dubol, “‘saen katukan’, ru en fun talon̄ uyan san tia ya.”

¹⁹ Jesus ilon̄ ak, in̄ ru an ninen o dusumiani wo ilod ibol dan, ninen o irupudaig ibol, “An̄ nag naj ru a n̄abol an ninen o ilom weiwei di? ²⁰ Rumok geig, an̄ n̄urupaian da, mitep an̄ tinañ aru agane wa. Gup tamolpein tan en san man in̄ uya susai digane wa. Rumok, an̄ ilo muruan tubun kasik da amado da, ak man an̄sam ilo muruan an ibilisap ilo uyan ipanañ dop, uyam isusa wa. ²¹ Pein in̄ nanuk igansi wo tinin lo ikubiani dop, in̄ ilon muruan tubun kasik aman da imado da. Agop nanuk igansip uyan dop, in̄san madai an ninen o ilon ta isou na wa. Man dugo, nanuk tan en lo ilasa yak ninen o ilon isou dop, uyan isusa geig a. ²² Nek ago mi, gamu an̄ ilom muruan da. Gug naj fon n̄amul n̄upalup aliag dop, afon ilom uyan da wa. Ta an̄sam uyasusai an ipasip isini yau san tia ya. ²³ Nal an lo dop, an̄ fon naj mel ta wo asumianag san man tia wa. Nai rumok n̄urupaian da, an̄ mel ta ninen o naj yan̄ag lo Bai asumiani dop, man in̄ ka ipanañ a. ²⁴ Gug an̄ gubak mi ipalug gamu en dam an̄ mel ta wo naj yan̄ag lo Bai asumiani man tia ya. Gamu gup an̄ naj yan̄ag lo asumiani wa. Ago agane dop man, in̄ mel an ka ipanañ a. An lo an̄ ilom uyanan pe, uyasusai lo mi amado wa.”

Jesus tan en san dabai yabi idu ya

²⁵ “Nai ru fan̄an mi n̄abol dugo alon̄ na ya. Gug murna dop man, fon ta n̄imianip n̄urupaian na wa. Tia, naj Bai ninen o kuai te n̄abol dop alon̄ a. ²⁶ Ago dop nal an lo, naj yan̄ag lo Bai asumiani wa. An̄anem awam aban an an̄ nin̄emi wo Bai n̄usumiani wa, ago naj ta n̄urupaian na da. ²⁷ Tia, Bai in̄sen an̄ nin̄emi wo imat da. Amaiak ninen o in̄sen an̄ awam ilon̄ a. Man dugo, an̄ naj o amat go Bai san na n̄umadog n̄upalu yan, ilom lo rumok a. ²⁸ Gubak mi naj Bai da sisem mumado ya. Gug naj in̄ n̄ubuseig, tan na n̄adu ya. Gamu fon tan en n̄ubuseip, Bai san na n̄amul n̄usuda nau a.”

²⁹ Agog in̄anen megeloum igo dubol, “Gamu en on̄ ru fan̄an ta ubol na da, tia,

kuai te mi ubol ilasa da. ³⁰ Gamu en man malon fufei ak, on mel fidian ulon pasik a. An ninen o ta in on isumiano wo mala igane san tia ya. An lo on Anut san nag palu yan man iloma lo rumok a.”

³¹ Jesus awad yabig ibol, “Gamu en an ilom rumok geig ak abol di? ³² Alon ak, nal ta sumeik la ya, nal an lo an fidian abisawag pe, ansiganem na afufurak au dop naiseg kisaek numado wa. Gug naiseg kisaek tia ya, tia, Bai in nai da mumado da. ³³ An nai lo amado dop, naisag ilo maror an da amado san ninen o ru an nurupaian a. Tan en san tamolpein an muruan dupanan ak gug, an ta arut arer na wa. Tia, an ilom abisa, man dugo, nai yu nigane itout go, an lo tan en san tamolpein fidian sad dabai nabi idu la ya.”

17

Jesus in sen ninen o Bai igudani a

¹ Jesus ru an ibol itout dugo malan lak na isidag, ibol, “Bai, naisag nal idu la ya. On nanu yanak tubun ak panip, inanen bunun kuai te gane ilasa wa, an lo Nanu dam on yanak tubun ak ipanop, onane bunu kuai te igane ilasa wa. ² Man dugo, nai dabai panag la yen ate tamolpein fidian nai tuog paen na dumado wa. Tamolpein a on nai panag an, in kumaen pempem yen yau san nupidina a. ³ Kumaen pempem yen yau san man nek en. In on Anut kisaek o lian dulon a, agod in nai Jesus Kristus on dinag go nupalu yan dam dulon a. ⁴ Nai urat fidian on panag go nigane wo ubol en nigane itout a. An lo on yan tan en lo nabisa ya. ⁵ O Bai, wagam on tan ta gane na dugo, on nai da girager ilalan aman an lo tumado ya. Nai onsa na namul nupalu gup, girager an fon panag da wa.

Jesus megeloum ninedi wo igudani

⁶ “Nai onsa fu mok, tamolpein a tan en lo sikatai go nai panag en nukubiaig dile ya. In onsa la ya, an ninen o nai panag a. Agog onsa ru an dam kagin dupani da. ⁷ Gamu in dulon uyanan ak, mel fidian on nai panag an onsa na ipalu ya. ⁸ Ru fidian nai panag an in nupidinaig, dinane ya. An lo in dulon fufei mok, nai onsa nag nupalu ya, ago dugo on nai dinag go nupalu yan dam ilod lo rumok a.

⁹ Tamolpein nek an ninedi wo gadin nigane da. Tan en san tamolpein fidian ninedi wo ta nusumiano na da. Tia, tamolpein ensauta a on nai panag an mi ninedi wo numosiai da. Man dugo, in onane mok a. ¹⁰ Tamolpein a fidian naisag man onsa ya, agod onsa man naisag a. In lo nai yanak tubun ak ninane ya. ¹¹ Nai tan en nibiseip, onsa na nupalu wo da. Gug in ete tan na dumado wa. O Bai, on gun ak, onane yan dabai, nek nai panag en, an lo idaned tamolpein kaginad gane dop, in kisaek mi dumado wa, nek nai on da tumado dak ago mi a. ¹² Saen nai dida mumado se man, onsa dabai panag an lo mi kaginad nigane na ya. Dumui igo won nai in nibalgeranai na yan lo, ta kisaek ideg yau man tia ya. Gug tamol a pitinnek san in mi ideg yau a. In ru ta onane buk lo yen dan nunon ilasa wo ideg yau a.

¹³ “Gamu nai onsa na nupalu wo da. Nai tan na numado dugo, ru en fidian nabol dulon dop, naisag uyasusai in ilod anuai a. ¹⁴ Nai onane ru nupidinaig dinane ya. Ago dugo tan en san tamolpein in lo siai digane da. Man dugo, in tan en san tia ya, nek ibol nai dam tan en san tia ago mi a. ¹⁵ Nai in tan en lo pasai diau o ta nusumiano na da. Tia, ago dumado wa. Gug nai igo nugudano da, saen in ente dumado dop on bargiranai a. An lo Satan ipalu dop man, daon ipidina san tia wa. ¹⁶ Nai tan en san tia ya, nek ago mi, in dam tan en san tia ya. ¹⁷ Onsa ru mi ru rumok. Onsa ru lo diraip gun dilasa. ¹⁸ Nek ibol on nai dinag go tan en lo nilasa yan ago mi, nai dam in nidiraig tan en san tamolpein lulunad lo diau a. ¹⁹ Nai in nibinawai o seg tinig nipiranig, an lo gun numado dop onane ilobol mi niri wa. Agop in dam gun dilasap, sed tinid dipirani dop onane ilobol diri mok a.

Jesus ilo rumok adi aenta ninedi wo igudani a

²⁰ “Nai megeloum en ninedi wo mi ta nugudano na da. Tia, mitep nidinaip, naisag ru dufulep tamolpein aenta dulon pe, ilod lo nai o rumok a. Tamolpein an ninedi wo dam nugudano da. ²¹ Nai ilog man, in fidian ilod kisaek mi dumado wa. On nai lo mado dak, agod nai dam on lo numado da, nek ago mi in dam id da sisem tumado wo

ņugudano da. Ago tap, tamolpein tan en san oņ ņai dinag go ņupalu yan ilod lo rumok a. ²² Oņsa yaņa dabai da ņai panag an in ņupidinai la ya. Agop in ilod kisaek dumado wak, nek ibol oņ ņai da tumado dak ago mi in dam dumado wa. ²³ ņai in lo ņumado dop, oņ ņai lo mado wa. An lo nek ibol id ilod kisaek mi ak igo won, in dam ilod kisaek mok o ņamat da. Agop tamolpein tan en san oņ ņai dinag go ņupalu yan dulon a. Ago dop oņ ņaisag tamolpein niņedi wo umat dan, ņai o umat dak ago mi gane yan, an dam tan en san tamolpein dulon a.

²⁴ “O Bai, ņai ilog man igo ya, aben a ante ņai ņumado wan, ante dam tamolpein a oņ murnap panag an ņai dida mumado wa. Ago dop ante in ņaineg girager dam dile wo ņusumiano da. Tan en tia lo oņ ņai o umat go girager en panag a. Girager an in fidian dile wo ilog tubun mi ibol da.

²⁵ “O Bai, oņ itaota mok, gidad tan en san tamolpein oņ dulon man tia ya, ago gug ņai oņ ņalon a. Ago dugo ņaisag adi oņ ņai dinag go ņupalu yan dulon a. ²⁶ ņai oņane fu kuai te in lo ņigane ilasa la yan, nek ago mi ņigane yau oņ a. An lo dop oņsa ilo panek ņai panag an in bubed lo dirip yen a, agod ņai dam in lo ņumado wa.”

18

Ager adi Jesus diabi a

Mat 26:47-56; Mak 14:43-50; Luk 22:47-53

¹ Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

² Aria, Judas, palan niganag tamol an, in sasau ante dumado se yan ilon a. Man dugo, Jesus inanen megeloum dida pem-pem sasau an ate dutumani da. ³ Judas imug mi pris gurman adi agod Farisi adi sad na yang, tempel titianek aenkadi agod yu tamol adi dam in al o yau a. Agog in malan imug dugo fidian nien aban dirigu, dumui, agod sul ago duburoug dida diau a. Agog aben a ate Jesus inanen megeloum dida dumado dan te dilasa ya.

⁴ Jesus mel fidian in lo ilasa wo dan ilon an lo, naod na isuk sinired na ilag irupudai, “An enti abanan abi di?”

⁵ In dubol, “Man Jesus, Nasaret tamol amaiak abanan mabi da.”

Agog Jesus ibol, “ņai nek ebe.”

Judas in ager adi Jesus ikubiai pidinai an dida ditur a. ⁶ Saen Jesus “ņai nek ebe” ago ibol an, in dusuk dumul go tan na diau dudu ya.

⁷ Agog Jesus fon isumianai, “An enti abanan abi dak i?”

In ru naon durupe, “Jesus, Nasaret tamol ama ya.”

⁸ Agog Jesus irupudai, “ņai ņurupaian la ya, ņai nek ebo. ņai abanag abi wo tap, ņaineg megeloum en abisawaip diau.” ⁹ Ru gubak mi ago ibol, “Tamolpein a oņ ņai panag an lulunad lo talpein kisaek ideg yau man tia ya.” Aria, gamu ru an nuņon kuai te ilasa ya.

¹⁰ Agog Saimon Pita aban ago ileg, tinjaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yaņan Malkus.

¹¹ Gug Jesus ru dabai nam Pita irupe, “Oņane sabiri aben lo usoudu. Ak dugo, ņai gab lo ņaluk o Bai ipanag en lo ņaluk san tia ubol di?”

Jesus diabig pris malan te yaņan Anas an san na diau a

¹² Agog yu tamol adi, in sad gurman, tempel san titianek dida Jesus diabig, rasau nam dusubanig, ¹³ dida Anas san na diau a. Anas man Kaiafas niten. Kaiafas in ananar en san pris malan te yak imado ya. ¹⁴ Kaiafas in sen in Juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan dinane san tia ya, ago man uyanan a.”

Pita in Jesus ta ilon na ibol a

Mat 26:69-70; Mak 14:66-68; Luk 22:55-57

¹⁵ Jesus dinaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak niņen o megeloum an Jesus ida sisem ar ilon lo diladu ya. ¹⁶ Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yang, ar awan titianek pein an irupeip Saimon Pita inane iladu wo ago isumiani a.

Ago tag pein an yaug Pita idinig, ar ilon lo iladu ya. ¹⁷ Ago gug pein an Pita irupeï, “On man dag tamol emaiak san megeloum ta i?”

Ago dugo Pita ibol, “Ñai man tia ya.”

¹⁸ Abañ madid tubun tinan ak niñen o pris malan te yak san urat pinein adi in tempel titianek adi dida, yai dutuni ak san midiger an tinid isue dugo, Pita dam yai an fun na tinin isue dugo dida dumado se ya.

Pris malan te yan Jesus isumiani a

Mat 26:59-66; Mak 14:55-64; Luk 22:66-71

¹⁹ Ago dugo pris malan te yan Jesus san megeloum niñedi wo isumiani dugo, ru piteñanek tamolpein ipidinai na yan dam niñen o isumiani se ya. ²⁰ Agog Jesus ru naon igo ibol, “Ñai ru fidian tamolpein kuai te mi ñurupidaig duloñ na ya. Nal wei mi Juda sad tumanek aben lo, tempel lo dam, ante mañau ñupiteñanai se ya. Ru ta mianuk lo ñabol man tia ya. ²¹ Fun an niñen o ata wo ñai sumianag dak i? Tamolpein ensauta a ñai awag duloñ an sumianai gup, ñai awag aban dubol dugup uloñ a.”

²² Jesus ago ibol dugo, tempel titianek ta giranen na itur an Jesus kudanan igufuteg ipei, “Dugo, on pris gurman malan te yan ru naon ago rupei an uyan ak i?” ²³ Jesus awan yabig ibol, “Dugo, ñai ru saian ñabol ak i? Ago tap, tamolpein en fidian rupidaip duloñ. Gug ñai ru rumok ak mi ñurupei ak man, ata wo on ñai funag ak i?” ²⁴ Agog Jesus banin dubahanig, diñaneg pris malan te yak neinta, Kaiafas dubol dan san na diau a.

Pita fon Jesus ta ilon na yak ago ibol a

Mat 26:71-75; Mak 14:69-72; Luk 22:58-62

²⁵ Saimon Pita yai tinin isued itur dugo, talpein ta dusumiani, “On dam tamol emaiak san megeloum ta boi i?” Pita itot go igo ibol, “Ñai man tia ya.” ²⁶ Pris malan te yak san urat pinein ta inanen turan Pita kududon isubari an imasag, Pita irupeï, “Dugo, on nek emaiak in da ai oliv abi lo amado dugo ñilian ak i?” ²⁷ Agog Pita fon itot an, kurek ibob kisaek on.

Jesus diñaneg, Pailat san na diau a

Mat 27:1-2,11-14; Mak 15:1-5; Luk 23:1-5

²⁸ Tidom lom mikinik anda Jesus diñaneg Kaiafas san ab dubuseig, dida gabman gurman malan te yak, yan an Pailat dubol dan, inñan gabman san ab lo diau a. Pailat man inñ Juda tia, inñ Rom tamol. An niñen o Juda adi ago dubol, “Kabelan inñan ab lo tidadap mel ta tabi dop, Anut malan lo sed nun ipanad pe, an lo idsad tumanek Pasova en lo anañ tani san tia banau.” ²⁹ Ago tag inñ ab patun fo dutur dugo, Pailat kuai fo ilasag, isumianai, “Anñ ata wo tamol an ru lo agane di?”

³⁰ Agog inñ ru naon igo dubol, “Tamol en kulob saian ak ta, ta igane na yak man, mañ onsa na miñane mupalu san tia ya.”

³¹ Agog Pailat irupudaig ibol, “Anñ anñane aup, anñiganem kubiaen lo asumianip ale.”

Gug Juda adi inñ durupeï, “Anñsam kubiaen lo man, mañ tamol mafu dumat san niñen o geg apanama da.” ³² Mel e ilasa yen, wagam Jesus inñen dal dugo won lo imat ak niñen o ibol an, gamu nuñon kuai te ilasa ya.

³³ Aria, Pailat fon inñan ab lo iladug, Jesus iwagig isumiani, “Ak dugo, onñ Juda sad kin ak i?”

³⁴ Agog Jesus ru naon irupeig ibol, “An dag onñsigane ilo sou lo ubol di? Tia, tamol ta ibol uloñ go ate ubol di?”

³⁵ Pailat awan yabig ibol, “Onñ ñai Juda ubol di? Onñsigane warou adi inñ pris gurman adi dida dibiog, ñai banig lo diginio ya. Onñ muruan naon dugo gane yak i?”

³⁶ Jesus ru naon irupeï, “Rumok, ñai kin ñumado da, ago gug ñai tan en san tia ya. Ñai tan en san kin dop man, gamu ñaisag turag muroug dumasap, ager diganep, Juda adi ñai dibiag san tia wa.”

³⁷ Ago tag Pailat irupeï, “Dugo, onñse onñ kin ta ago ubol di?”

Jesus ru naon irupeï, “Onñse nek a ubol da. Ñai kin ta, ñai tan en lo ru rumok ak ñabol ilasa wo ñupalu ya. An lo ta inñ ru rumok san man, inñ ñaisag ru ilon dop ru an iganuri wa.”

Pailat Jesus aigim fo dubali wo ibol a

Mat 27:15-31; Mak 15:6-20; Luk 23:13-25

³⁸ Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “Ñai inñ lo saian ta ñile man

tia ya, an lo an ru apani san man fun an tia ya. ³⁹ Gug Pasova tumanek san nal lo, anşiganem kagin anaŋar kisaek lo agane dan, tamol kisaek subanek lo nupasiŋ nupanaŋ a. Ago yak niŋen o an Juda sam kiŋ en nupasiŋ nupanaŋ o abol di?”

⁴⁰ In fon disasaig igo duwagiŋ, “In tia ya, gidad Barabas mi pasi panama!” Barabas in ager san tamol, imug Juda adi aenta Rom gabman diabi idu wo yu diabisa ya, ago dugo in lulunad lo Barabas imado ya.

19

¹ Ago man Pailat ibol dugo, inşan yu tamol adi Jesus diŋaneg lubum nam dufuni a. ² Yu tamol adi mel bukorkor igo dudurun anda yak ditiladeg, kabuŋan fo disisi idu dugo, yamel daran ak nam tinin dubuluwi a. ³ Agog Jesus siŋiren na diau dumul dugo, kukokan diganeg naon dufuteg dupeig dubol, “Per o, Juda sad kiŋ!” In ago dubol dugo in naon dufuni se ya.

⁴ Ago gug Pailat fon naod na kuai te ilasag, ibol irupudai, “Ale, ŋai inşan saian ta lo muruan isini san ŋile man tia geig a. An niŋen o naom na kuai te ŋigane ilasa da.”

⁵ Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

⁶ Ago gug pris gurman adi in tempel san titianek adi da Jesus dileg duwagiŋ go dubol, “Aigim fo abali mok abali!”

Gug Pailat ru naon irupudai, “Ŋai in lo saian ta ŋile man tia geig a. Ago yak niŋen o ansem anane aup, aigim fo abali.”

⁷ Ago tag Juda adi igo dubol, “Maŋsama kubiaen ta yen dan lo man, in imat mok a. Man dugo, in Anut Nanun mok ago ibol a.”

⁸ Pailat ru ago ilon go, ilon tubun mi irer se ya. ⁹ Ago tag Pailat in fon Jesus ida ab lo diladug isumiani, “On sauta mok a? Onse fu ubol pe ŋalon.” Gug Jesus ru naon ta irupeŋ man tia ya. ¹⁰ Agog Pailat ibol, “On ata wo ŋai awag ta wabi na dak i? Ulon, ŋai dabai ag da ya. Nupaso wo ŋabol tap, nupaso wa. Tia, aigim fo ŋie bani ŋubali wo ŋabol

tap, ŋubali wa. On ŋaisag fug ta ulon na yak i?”

¹¹ Jesus ru naon igo ibol, “Anut dabai ipanog lo on ka ŋai bilag ŋadu san. Tia dop, on mel ta saian ak giniag san dabai ama tia ya. Fun amaiak niŋen o, tamol a ŋai on tuo lo iginiag an, inşan aupasek onsa aupasek en iriŋani a.”

¹² Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagiŋ dugo dubol, “On tamol en pasip yau tap man, on Kaisa turan tia geig a. Tamol ta inşen kiŋ ak ibol dan man, Kaisa naon dal ifou da.” ¹³ Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol* san badim fo imasi a. Aben an yanŋan Pat Aten dubol da, Hibru ru lo Gabata dubol da. ¹⁴ Gamu man tumanek tubun san anaŋ kubunek nal idu wo da.

Ad titiŋaem mi dugo Pailat Juda adi igo ibol irupidai, “Ale, ananem kiŋ nek ebo ya!”

¹⁵ Gug Juda adi igo dubol duwagiŋ, “Ganep ideg yau! Ganep ideg yau! Aigim fo bali!”

Ago tag Pailat isumianai, “An ŋai ananem kiŋ aigim fo ŋibali wo abol di?”

Agog pris gurman adi ru naon igo dubol, “Maŋ kiŋ taida man tia geig a. Kaisa sen kisaek o lian mi a!” ¹⁶ Pailat ru ago ilon tag, Jesus aigim fo dubali wo ipidinai a.

Jesus aigim fo dubali a

Mat 27:32-44; Mak 15:21-32; Luk 23:26-43

¹⁷ Agog Pailat san yu gurman adi Jesus diŋaneg, inşinanen aigim isinig, dida Jerusalem dibiseig diaug, aen ate tan biŋabon ta, yanŋan “kabuŋan kapen san aben” dubol dan ate dilasa. Hibru ru lo yanŋan Golgota dubol da. ¹⁸ Aben ante Jesus aigim fo dubali a. Nal an lo tamol uraru an dam in Jesus ida sisem dubalai a. Uraru an giranen ananaem dubalai idu dugo, Jesus in titiŋae mi dubali a.

¹⁹ Aria, Pailat ai lapan fo girek ta ago ibol igire, “Jesus Nasaret tamol, in Juda sad kiŋ.” Girek an aigim gumuran fo dubali a. ²⁰ In Hibru, Latin, Grik ru lo igire ya. Aben a Jesus ate dubali an man Jerusalem giranen na ya, an niŋen o Juda wei mi girek

* 19:13: Jas

an dusuti se ya. ²¹ Man ninjen o Juda sad pris gurmadi Pailat igo durupe, “On Juda sad kin ago ubol gire umoi. Tia, ‘tamol en injen nai Juda sad kin ibol’ ago mi gire.”

²² Gug Pailat ru naon igo ibol, “Mel nai ngire yan nai ngire ya. Nek ago mi yen a.”

²³ Yu tamol Jesus aigim fo dubali la gug, tinin fufo inanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya, ²⁴ an ninjen o ago dubol, “Id en ta tisire na wa. Tia, en yen dop, id ate satu takok dop, ta in isinani tap inane wa.” Yu tamol kulob a digane yan gubak mi ru girek lo yen amaiak nunon digane ilasa ya. Girek ago ibol,

“In naisag kulos duwaeg disini gug,

kulos ta awan fidian man ate satu dukok a.”

An lo yu tamol adi ago digane ya.

²⁵ Jesus tinan, inanen tein, Maria Klopas iwon, Maria Magdala san pein, pein iwoiwo yan in Jesus san aigim fun na sumeik mi dutur a. ²⁶ Aria, Jesus tinan ile, megeloum a in o imat dan tinan da sisem dutur dugo yil tag, tinan irupe, “Nei, onane nanuk ule!” ²⁷ Agog fon megeloum an irupe, “Ule, an onane tina.” Ago tag nek nal antem megeloum an tinan Maria inane ida sen nuab lo diaug, kaginan igane se ya.

Jesus imat a

Mat 27:45-56; Mak 15:33-41; Luk 23:44-49

²⁸ Aria, Jesus injen urat fidian igane itout an ilon go, Anut anen ru girek ta wagam yen an nunon ilasa wo igo ibol, “Nai you o njamat da.” ²⁹ You kapen ta wain gigen aman da yak lo yen a. Ago tag mel ta beig san titalin ago yak dinane, wain gigen an lo disominig, ai ate dufoug, duwate isidag, Jesus awan lo digane, isupupi. ³⁰ In an itunali gug igo ibol, “Itout a.” Ago ibol go gumuran imagor paon fo idu dugo njetun ibiseig ilasa ya.

³¹ Nal a Jesus imat o man, soubul dukubune san melmel digane se ya. Sabat nal idu wo sumeik dan in nal tubun mok a. Ago tag Juda adi tamol utol an susanudi aigim fo dien san dumoi. Man ninjen o diaug, Pailat igo dusumiani, “On ubol pe

yu tamol aenta dinaip, njed dubalsisinip, ririan dumat dop, susanudi ka dupasai idu wa.” ³² In awok ibol tag, diaug, tamol uraru Jesus giranen na dubalai an mi njed dubalsisinig dumat a. ³³ Ago gug Jesus dile yak man, in imat la yan ninjen o dumoig, nien ta dubalsisini na ya. ³⁴ Gug yu tamol kisaek yu inane, yaug, isou isidag, Jesus giranen isowae dugo, you dar da sisem dudu kisaek on a. ³⁵ Talpein enti, injen leil lo melmel e ilasa yen fidian ninjed wo kuai te ibol ilasa yen, injen ru an rumok geig a. In ru rumok mi injen da, ago dugo in ru rumok ak mi injen dan ilon da. Ru e igire den, an Jesus o ilom lo rumok san ninjen o igire da. ³⁶ Mel e gamu ilasa den man wagam Anut girek lo ibol ak ago mi nunon igane ya. Ru an igo ya, “Injen tatu ta kisaek dubalsini man tia ya.” ³⁷ Agod ru taidam igo ya, “Tamol a yu nam disowae an leil dupani wa.”

Jesus san sisanun pat gubaran lo digane a
Mat 27:57-61; Mak 15:42-47; Luk 23:50-56

³⁸ Gurai idu dugo Josef, Arimatea panu san tamol an Pailat san na yaug, Jesus san sisanun inane wo isumiani. Josef dam in Jesus ilon lo rumok a. Ak man Juda ninjed wo irer an ninjen o ilon lo mi imianuk on itor se ya. Pailat awok ibol tag, Josef imul yaug sisanun an inane ya. ³⁹ Nikodemus, in wagam tidom ta lo Jesus san na yau amaiak, gamu guren mumalun uyanan ak isinig ipalu ya. An san muruan kitek 30 kilogrem igo won a. ⁴⁰ Juda sad kagin lo Jesus tinin guren nam diamisig, yamel dam guren diabig, ate sisanun dubuluwig, dufoug, disare wo disini diau a. ⁴¹ Aben a Jesus aigim fo dubali an, giranen na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya. ⁴² Nal an Juda adi sad tumanek tubun ak melmel dukubune san nal sumeik a. An ninjen o tamol uraru an Jesus sisanun aben ante digane ya, man dugo, mutou an sumeikan yen a.

20

Jesus fon kumaen imasa da ya

Mat 28:1-8; Mak 16:1-8; Luk 24:1-12

¹ Sabat nal* itout go urat nal malan te an lo† Maria, Magdala pein an aban mikinik anda mutou fun na yau. Inj yaug pat gib awan ate dubalfutani an, itubuluk gigin na yaug yen dugo ile ya. ² Ago tag inj imaspalug, megeloum uraru, ta Saimon Pita, ta a Jesus ninen o imat an, sad na yaug irupudai, “Idsad Tubun en dijaneg diau a. Dugon te digane man man ta malon na ya, mutou an kawan yen da.”

³ Ago tag Pita inj megeloum an da aben an dubuseig, dumaspalug, mutou fun na diau a. ⁴ Uraru an sisem dumaspalug, diau ak gug, megeloum an inj Pita naon yabi irinjanig, inj inug mutou fun na ilasag, ⁵ gib lo iyep ak man yamel kilaken linen nam diwei an mi yen dugo ile ya. Gug inj mutou ilon lo ta iladu na ya. ⁶ Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya. ⁷ Ago dugo yamel milaen ate kabunan dutuani an dam kitek asau mi yen dugo ile ya. Yamel an dului ak sen kisaek yen dugo, linen kilaken man kitek asau mi yen dugo ile ya. ⁸ Agog megeloum a imug yaug ilasa yan, inj dam pat gubaran ilon lo iladug, aban nek ago mi ileg, ilon lo rumok a. ⁹ Nal an lo man injsinan megeloum Jesus matej lo imasa san ru Anut san buk lo yen an gamugo dulon a.

Jesus Maria Magdala pein an naon na ilasa ya

Mat 28:9-10; Mak 16:9-11

¹⁰ Agog megeloum uraru an dumul go aben dumado dan ante diau a. ¹¹ Maria fon imul go mutou awan te itatad itur gug, itakoksig gib lo iyep go, ¹² enjel uraru kulos milkouk geig ak amad da sisanun yen ak aben na dumado dugo yil. Neinta njen na imado dugo, neinta gumuran na imado dugo ile.

¹³ Uraru en Maria durupei, “Nei, onj ata wo tata di?”

Inj irupidaig ibol, “Naisag Tubun en digam go dugon te digane yak man naj ta njalon na ya.” ¹⁴ Inj ago ibol go idansa man,

Jesus itur dugo ile. Gug inj Jesus sen itur dan ta ilon na ya.

¹⁵ Jesus irupei, “Nei, onj ata wo tata di? Enti abanan wabi di?”

Maria ilon lo tamol en sasau an san titianek tamol ta ibol go isumiani, “Tubun en, onj njaneg dugon te sini wau an, rupaiag pe, njau njane wa.”

¹⁶ Jesus awan yabig ibol, “Maria.”

Maria idansag, Hibru ru lo iwagin go ibol, “Rabboni!” (Ru an fun man: girek manau.)

¹⁷ Maria Jesus yabi wo igane dugo inj imoig ibol, “Onj naj biag umoi, man dugo, naj Bai san na gamugo njau da. Ak man onj waup, teig taog naj ago njabol ak ubol rupudai, ‘Nai lak na Bai san na njamul njau o da. Naineg Tamag en ansam Tamami, njaineg Anut en, anj dam sam Anut, amaiak san na njamul njau o da.’ ”

¹⁸ Man ninen o Maria Magdala pein an yaug, megeloum irupudai, “Tubun en njela ya!” Agog Jesus san awan aban an dam irupudaig dulon a.

Jesus megeloum naod na ilasa ya

Mat 28:16-20; Mak 16:14-18; Luk 24:36-49

¹⁹ Nal nek a ubou guraian megeloum inj Juda ninedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus lulunad lo ilasag, itur dugo igo ibol irupudai, “Anj maror am da amado wa.” ²⁰ Inj ago ibol dugo, banin giranjen dam ikubiai pidinai a. Agog megeloum injaned Tubun en dile yak ninen o uyasusai tubun mi digane ya.

²¹ Jesus fon irupudai, “Anj maror am da amado! Bai naj idinag go tan na njupalu ya, nek ago mi naj an njidran pe, urat lo au a.”

²² Inj ago ibol dugo, ur iwi pidinaig, igo ibol, “Nai Urgun njupana da. ²³ Anj tamolpein injaned aupasek apare idu dop man, Anut dam aupasek an ipare idu wa. Ak gug an injaned aupasek ta apare idu na dop man, Anut dam ta ipare idu na wa.”

Tomas Jesus ile ya

²⁴ Aria, nal a Jesus megeloum sad na ipalu yan Tomas, inj yanjan neinta Didimas, inj dida ta dumado na ya. ²⁵ Murna gug

* 20:1: Sarere † 20:1: Sande

Tomas ipalu dugo megeloum aenta durupe, “Mañ Tubun en mile la ya.” Gug Tomas igo ibol irupudai, “Ñai ilog lo ta rumok na ya. Naiseg banin bitaten nilep, banig yaup, giranjen dam yu aben nusuep nile gup man, ñai ilog lo rumok a.”

²⁶ Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, lulunad lo itur go ibol, “An maror am da amado wa.” ²⁷ Agog in Tomas irupe, “Onjane bani wate ipalup, banig aten wabi ule. Ago dop bani wate ipalup giranjen dam suep ule. Onj ilo uraru mado umoi. Ilo kisaek ñai o mi ilo lo rumok a.”

²⁸ Ago man Tomas ru naon igo ibol, “Onj ñaineg Tubun en, ñaineg Anut mok a!”

²⁹ Agog Jesus irupe, “Onj ñai liag an ninjen o ilo lo rumok a. Gug ta in ñai ta diliag na gug, ñai o ilod lo rumok an, bar inaneg imado da.”

Girek en san fun

³⁰ Jesus in kulob girager aenta wei mi megeloum naod na igane idu se yan, girek en lo ta yen na da. ³¹ Ago gug girek e yen la yen an ale dop, an lo Jesus in Kristus, Anut Nanun, an mi an ilom lo rumok o njigire ya. Agop an in o ilom rumok an lo, in yanjan lo kumaen pempem yen san anjane wa.

21

Jesus megeloum 7 naod na ilasa ya

¹ Kitek murnag Jesus fon inanen megeloum adi aenta naod na kuai isi dugo dile ya. Mel an igo ilasa ya. ² Jesus san megeloum aenta, sed naod na Galili distrik lo dumul diau a. In yanjadi en: Saimon Pita, Tomas, yanjan neinta Didimas, Nataniel in distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san lon ante dumado ya. ³ Lon na dumado dugo Pita irupidai, “Ñai iy o ñau wo da.” Ago tag aenta durupe, “Id sisem tau a.” In diaug, wog lo dusuda gug, tidom an lo iy ta kisaek dinane man tia geig a.

⁴ Salso idug ad isida wo itor dugo, megeloum adi wog lo urat digane se yan, tamol ta lon na itur dugo dile. Ago gug tamol an Jesus boi, an ta ilod isou na ya.

⁵ Agog Jesus igiai, “O turag muroug, an iy amam da i?”

In awan diabig dubol, “Mañ iy tia ya.”

⁶ In fon igiaig ibol, “An iy dob an wog giranjen won ak lo abili idup, iy anjane wa.” Ago tag in ibol ak atem ago digane ya. Agog dob an iy awan isag, muruan kasik, diraep isuda san tia ya.

⁷ Agog megeloum kisaek a Jesus ninjen o imat dan, in Pita irupe, “An idsad Tubun ak injen.” Ago dugo Pita ru a “idsad Tubun ak” ago ilon tag, urat kulos igali idug yen an fon kulos uyan ak idirig, you lo isokalik idug, Jesus san na yau. ⁸ Gug megeloum aenta in wog lo dumado yan dufulanig, dob iy aman da yan diraeg lon na dupalu se ya. In lon na asau mi dumado man tia ya, tia, in kitek 100 mita igo ya. ⁹ In dupalug, lon na dusuda man, in iy anan bret da yai fo dien dugo dil a.

¹⁰ Agog Jesus irupudaig ibol, “Iy gamu anjane yen ta igo asini apalu.” ¹¹ Ago tag Saimon Pita wog lo isudag, iy dob iraeg ibili lon na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya. ¹² Agog Jesus irupudai, “Apalup anan ani.” Megeloum ta “onj enti?” ago ibol isumiani wak man ninjen o direr a. Man dugo, in fidian tamol an Jesus injen an dulon uyan a. ¹³ Agog Jesus ipalug, anan bret inaneg, iwaeg ipidinai dugo iy dam ago mi igane ya. ¹⁴ Aria, Jesus mutou lo imasag inanen megeloum dile man saen uraru ya, ago mi gamu en saen taidam fon lon na dile ya.

Jesus san sipsip Pita ifutuwai o ibol a

¹⁵ Dunuai itout gug Jesus Saimon Pita irupe, “Saimon, Jon nanun, onj ñai ninjen o umat den, melmel aenta e ninjen wo umat den irinanai geig i?”

Agog Pita ibol, “Tubun en, onj ulon ak, ñai onj o ñamat mok a.”

Agog Jesus ibol, “Onj ñaineg sipsip nanudi futuwai panag.”

¹⁶ Agog Jesus fon ibol, “Saimon, Jon nanun, onj ñai ninjen o umat mok di?”

Pita ibol, “Tubun en, onj ulon ak, ñai onj o ñamat da.”

Agog Jesus fon ibol, “Onj ñaineg sipsip kaginad gane.”

¹⁷ Agog Jesus fon irupeig ibol, “Saimon, Jon nanun, on̄ ñai niñeg o umat di?”

Pita Jesus isumiani utol ak niñen o ilon tubun mi muruan go igo irupei, “Tubun en, on̄ mel fidian ulon̄ pasi a, an lo on̄ ulon̄ uyan ak, ñai on̄ o ñamat da.”

Agog Jesus irupei, “On̄ ñaineg sipsip futuwai. ¹⁸ Ñai ru rumok ñurupaio da. Imug on̄ utor na man, let on̄se lua te fou ya. Agop dugon te wau o ilo ibol an ante mi wau da. Ak man murnap on̄ tamol saiak gane gup, bani wate dop, tamol sen ak ta on̄ lua te let ifou panop, aben on̄ ate wau o ilo imoi an, ante diñilio wau a.” ¹⁹ Jesus ru a Pita irupei an man, murnap Pita dal dugo won̄ lo imat pe Anut yan̄an yabisa san, ikubiai pani amaiak niñen o ibol a. Ru ibol itout go fon irupei, “On̄ palup, ñieg aban uri wa!”

²⁰ Agog Pita idañsag, megeloum a Jesus niñen o imat dan, patun fo ipalu dugo ile. Megeloum nek emaiak gubak mi Pasova tumanek san anañ diani san nal lo, Jesus ida sisem dunuai dan, in̄ Jesus titiren fo isapek go isumianig ibol, “Tubun en, enti mok on̄ ager banid lo ibilo lasa wak i?”

²¹ Pita ile dugo Jesus irupei, “Tubun en, tamol en niñen o dugudo wak i?”

²² Jesus awan yabig irupei, “Isop in̄ imado yaup saen ñai fon ñupalu wak ago ilog yen tap, an on̄sa mel ak i? On̄ masap ñai ganurag a!” ²³ Ago tag ru an ifurak go megeloum fidian lo yaug, dulon̄ gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. In̄ nek igo ibol, “Isop in̄ imado yaup saen ñai fon ñupalu wak ago ilog yen tap, an on̄sa mel ak i?”

²⁴ Megeloum nek emaiak mel an fidian ile ilon̄ go, gamu ru en igire da. Agod id talon̄ uyan ak ru e igireg ifulale yen ru rumok a.

Ru wadan

²⁵ Aria, Jesus kulob aenta wei mi igane idu ya, ago gug fidian girek en lo tia ya. Man dugo, ñaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

Aposel

Jesus Urgun igane ipalu wo ibol a

¹ O Tiofilas, ηaisag buk malmalan ηigire man, melmel fidian Jesus fun igane dugo tamolpein ipitejanai na yan ninen o ηigireg yaug, ² saen ibisawamag Anut giranen na yau an san ηinēη itout a. Gamugo imat dugo Urgun san dabai lo aposel ipilianai an ru kagin irupidaig duloη a. ³ Agog inſen mateη lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in kumaen imado amaiak dal wei mi lo kuai te ikubiai dile ya, an lo in ilod lo rumok a. Ago dugo Anut san kagin panek* ninen o dam irupidaig duloη a. ⁴ Nal ta in inanen megeloum dida dutumanig anaη diani dugo, ru kagin en irupidai, “Jerusalem ta abisei na wa, tia, lou panek a ηaineg Bai aη aηane wan inſan promis ipanaη an ilasa wo malam agane gup aηane wa. Aη gubak mi ru promis an ninen o ηai ηabol ilasa se yan aloη la ya. ⁵ Jon you nam fulanek ipidinai se ya. Gug nal wei tia dop, aη Awan Urgun nam fulanek aηane wa. Agop Urgun san dabai aη da wa.”

Anut Jesus inaneη, lak na yau a Mak 16:19-20; Luk 24:50-53

⁶ Nal ta saen in Jesus dida dutumani man, aposel adi dusumianig dubol, “Tubun en, dugo, oη gamu en maη Isrel tamolpein fon tumanama wak i? Ago dop maηſiganema kiη kagin ipanama wak boi, nek ibol wagam Dawid san saen lo igane yak igo woη a.”

⁷ Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai inſen ilon nam igansi la ya, ak gug aηsem mel an san saen aloη san ninen o ilon ta yen na da. ⁸ Gug saen Urgun aη tinim fo idu dan, aη dabai aηane dop Jerusalem, Judea, Sameria na, agod tan titin wadan fidian lo dam aηanem maηau ηai niηeg o an tamolpein naod na abol ilasa wa.”

* **1:3:** Kingdom

⁹ Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

¹⁰ Jesus ibisawai dugo malad ti ibol go isudag keit lo aban dile man, tamol uraru biouη milkouk didiri ak dilasa kisaek oη go, giranēd na dutur dugo dil a. ¹¹ Agog dubol, “Aη Galili tamol, ata wo ente atur dugo malam keit lo isida dak i? Aη Jesus ibisawaη go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

Mataias Judas aben inane wo dupiliani a

¹² Agog aposel adi Did Oliv dibiseig, dumul Jerusalem na diau. Dal an kilomita kisaek igo woη. ¹³ Jerusalem na dilasag, ab a lo dumado dan san galuη ta lak na yak lo disida ya. Tamol saen an lo ante dumado se yak yaηadi:

Pita, Jon, Jems in Andru da, Filip in Tomas da, Bartolomiu in Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun. ¹⁴ Tamol an pempem dugudani wo dutumani se ya. Jesus tinan Maria, in pein aenkadi, agod Jesus tein muroun dam dida dutumani a.

¹⁵ Nal ta saen an lo ilo rumok adi dutumanig, nuηod 120 igo woη dugo, Pita imasag ¹⁶ ibol, “Teig muroug, ru en aloη, wagam Urgun Dawid awan lo Judas ninen o ibol ak nuηon ilasa ya. Judas Jesus san ager inal go, dal ikubiai dileg dida diaug Jesus diabi a. ¹⁷ Judas dam in aposel urat igane wo Jesus ipiliani a, in dam nek id igo mi a.”

¹⁸ (Inſiganen sewak naon moni dupani an nam tan kilaken ta idad inane ya. Atna yau idug, luan ipuk go tiηaen igulani idu ya. ¹⁹ Agog ru en Jerusalem ilon lo tamolpein fidian duloη tag, in tan an muroud ru lo Akeldama dubol da. Yaηak an fun: dar san tan.)

²⁰ “Isrel sad bar san buk lo ru igo digireg yen da,

‘Inſan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben injanep, injsan urat awan igane wa.’

²¹ “Ago yak ninjen o tamol ta tipilianip Judas aben injane wa. Tamol a saen fidian id Jesus da tator dugo in dam dida tator na yan mi titarpasaip luluṅad lo tamol kisaek tipiliani wa. ²² Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

²³ Agog tamolpein a dutumanig dumado dan in tamol uraru yaṅad dupate ya. Ta Josef, tamol an Barsabas dubol da. Ago dugo yaṅan neinta Jastas. Agod ta man yaṅan Mataias. ²⁴⁻²⁵ Uraru an niṅedi wo gadiṅ lo Jesus igo dusumiani, “Tubun en, oṅ tamolpein fidian ilod uloṅ. Ago yak ninjen o tamol uraru en dugon Judas aben injanep aposel urat igane wo pilianip kubiai panama. Man dugo, Judas aben a injsan mok an lo yau wo injsan aposel urat ibisei a, agog gamu injsan urat an awan kawan yen da.” ²⁶ Dugudani itout, agog pat kititik fo Mataias Josef da yaṅadi digire ya. Pat an disinig gab lo didiri. Ago gug gab an dukudumsig, pat fo Mataias yaṅan yen an inug idu ya. Ago tag Mataias aposel 11 an luad te diganeg, dida urat digane ya.

2

Urgun idu ya

¹ Pentikos nal idu, agog ilo rumok adi fidian dupalug, kisaek mi dutumanig dumado dugo, ² liliṅan ta nek ibol tim tubun geig ifure dak igo woṅ ab lo dumado dan ilon lo isaldug ilon igane itau. ³ Agog mel ta yai balen wei mi igo woṅ dufurak diaug tamol a dumado yan gurnad fo ided ided yau dugo dile ya. ⁴ Tamolpein fidian Urgun ilod injanefuteg an lo Urgun dabai ipidinai an fom in anen anen tamolpein sen ak sad muroud ru funfun lo diṅinṅeṅ se ya.

⁵ Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anaj diani wo Jerusalem na diaug dilasag dumado se ya. ⁶ Saen liliṅan

an duloṅ man, Juda tamolpein wei mi dususag dutumani a. Fidian dupalu yan anen anen injsigined muroud ru lo aposel adi diṅinṅeṅ dugo duloṅ se ya, ago man in fidian durut saian geig a. ⁷⁻⁸ Ago dugo dumasa saian go sed nug dusumiani, “Tamol diṅinṅeṅ dan fidian Galili tamol ak gug, en dugo woṅ dugo id fidian idsad muroud ru anen anen taloṅ dak i? ⁹⁻¹¹ Id fidian tan asau ak sensen lo tupalu ya. Gug Anut mel tutubun igane yak id anen anen id-sigined muroud ru lo dubol dugo taloṅ da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giranṅeṅ na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen taloṅ da.” ¹² In fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

¹³ Gug aenkadi aposel adi kukok ad diganeg dubol, “Tamol en nag wain tubun mi duluk boi.”

Pita tamolpein malan tubun ak ru irup-ida i a

¹⁴ Ago dugo Pita aposel 11 dida dumado yak imasag, awan tubun mi awad yabig ibol, “An Juda tamolpein, agod an fidian Jerusalem na amado dan, kudom agure uyanan pe, mel en fun nṅufulale dop aloṅ a. ¹⁵ Tamol emaiak wain duluk abol den ta duluk na ya. Tia, gamu man 9 klok tidom lo mi a. ¹⁶ Ak ninjen o kankan agane. Aban e ale den wagam profet Joel igo ibol:

¹⁷ “Anut ibol, ‘Saen wadan ipalu wo sumeik dop,

ṅai ṅaineg Urgun tamolpein fidian sad tinid fo nṅuwali idup diṅane wa.

Nanuk tamol ak, in nanuk pein ak dam profet ru dubol ilasa wa.

Ananem pinein foudi ak malad nṅutun dile wa.

Ananem tamol busumadi ak nṅioṅ lo nṅioṅamin diṅane wa.

- 18 Saen an lo dop n̄aisag urat pein, urat tamol dam, tinid fo n̄aineg Ur n̄uwali idup diñane wa. An lo dop in̄ dam profet ru dubol ilasa wa.
- 19 N̄ai keit lo kulob girager naon sensen n̄igane wan n̄ukubiai ale wa. Ago dop tan na dam kulob tutubun sensen ak kob igo won n̄igane dop ale wa. An man dar, yai, agod yaikas malan bilkas nuñon ak ilasa wa.
- 20 Ad in̄san naon ibilisap tidom on̄ ilasa dop, kalam dam malan ibilisap, daran pe dar on̄ ilasa dugup, Tubun en san nal tubun ak girager anda idu wa.
- 21 Ago dop tamolpein ensauta a gadin̄ lo Tubun en ibinawai o duwagin̄ dan, in̄ tamolpein an fidian patud ipasi wa.’
- 22 “O Isrel tamolpein, kudom agure! Anut an̄ naom na ikubiaig ale yak, in̄ Nasaret tamol Jesus an uyan ipani a. An dugo won i? Anut sen kulob girager agod urat dababai funfun kob igo won tamol an lo idiri dugo ale na ya. Melmel an an̄ luluñam lo tamol an tuon lo dilasa dugo an̄ an fidian alon̄ a. 23 Wagam mok Anut ilon̄ uyanan ak, Jesus an̄ banim lo yau a. Ansem tamol saiadi ak dida atumanaig an̄ in̄sad binawek da Jesus aigim fo abali a. An an̄ mitep ago agane wo yan Anut wagam mi ilon̄ uyanan a, man dugo, in̄ ilon̄ nek ago yen a. 24 Gug mater̄ Jesus yabituani san tia tag Anut in̄ ifufunig, fon kumaen imasag mater̄ san madai tuon lo ipasi a. 25 Wagam mi Dawid sen dam Jesus niñen o igo ibol, ‘Tubun ak pempem mi n̄ai naog na itur da, an n̄ai n̄ile da. In̄ n̄ai sin̄ireg na imado dugo dabai ipanag dan lo, tamolpein n̄ai dimiriranag san tia ya.
- 26 Ak niñen o n̄ai ilog tubun mi uyan dugo n̄ai awag, ru ilo uyan san ibol ilasa da. N̄ai tinig dam on̄ binawag an mala nouk lo mi ititiano imado da.
- 27 Man dugo, on̄ n̄aisag n̄utug Ades lo biseip ant̄e ta yen na wa. On̄ on̄ane Tamol Gun ak ulefuni dop ta igan na wa.
- 28 On̄ n̄ai kumaen san dal kubiai panag a.

On̄ n̄ai da tumado wak lo n̄ai uyasusai dam panag pe tinig in̄anefute wa.’ ”

29 “O teig muroug, an̄ alon̄ ak ru e n̄urupaian̄ den ru rumok, id tubud baged Dawid imat go disare ya. Agod in̄san mutou yen dan pempem tile da. 30 Gug Dawid man profet ta. An niñen o in̄ ilon̄ ak, Anut ru lak na geig nam promis ipani an lo, mitep in̄san malan kubulan ta kin̄ iganep, in̄san aben in̄ane wa. 31 Anut mitep dugo igane wan Dawid ilon̄ tag, Kristus mitep fon kumaen imasa wak niñen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya. 32 Anut Tubun ak Jesus nek amaiak mater̄ lo ifufunig, kumaen imasa da ya. Agod mel an man̄ fidian sema malama lo mile ya. 33 Anut Jesus in̄aneg yan̄an tubun geig anda giran̄en won ak lo imado da. Anut gubak mi in̄anen Awan Urgun Jesus ipani wo promis ru ipani a. Aria, gamu promis an nuñon ilasag Urgun in̄ane ya. Ago dugo Jesus sen Urgun an man̄ tinima fo iwali idu ya, ago dugo an̄ mel en ale dugo kudodom ilon̄ a. 34 An̄ alon̄ ak Dawid in̄sen kumaen panu na ta isuda na ya. Ago bo man in̄ igo ibol,

‘Tubud n̄aisag Tubun en irupei:

giran̄eg won ak lo masip, mado dugup,

35 on̄sa ager adi on̄ n̄ie paen na n̄idirai a.’ ”

36 “Ago yak niñen o tamolpein fidian Isrel ilon lo yak kuai tem n̄urupaian̄ da, ru rumok e n̄urupaian̄ den an̄ ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig in̄ Kristus agod Tubun ak dam igane ilasa ya.”

37 Saen tamolpein ago dulon̄ dugo, ru an bubed isue saian geig a, ago tag Pita aposel aenkadi dida dusumianaig dubol, “O teim taoma, man̄ dugo mok migane wak i?”

38 Agog Pita awad yabig ibol, “Fidian an̄anem aupasek anen anen patum apanip, apalup Jesus Kristus yan̄an lo suguek an̄ane wa. Ago tap Anut an̄anem aupasek fidian ipare idup Awan Urgun ipan̄an a. Urgun man in̄san lou panek, an kawan naon an tia an̄ane wa. 39 Promis e Urgun niñen o yan man an̄sami, an̄anem malam kubulam sadi, agod tamolpein asau asau fidian in̄sad dam mi a. Awo, tamolpein a fidian idsad Tubud

Anut igiai an promis an san nunjon dijane wa.”

⁴⁰ Pita ru tubun mok ibol go ru kagin wei mi irupidai se ya. In ilod dibilisa wo dabai geig iganeg ibol, “An sem patum apasi. Kabelan tamol saiadi Jesus dufuni ak sad naon panek ipalu dan an dam anjane banau.” ⁴¹ Agog tamolpein wei mi Pita san ru ilod lo rumok go suguek dijane se ya. Nal an lo tamolpein 3 tausen igo wonj ilo rumok adi luad disa ya.

Kris sad naok naok

⁴² Kris foudi an aposel adi sad ru dulonj o diau se ya. Jesus ilod isou san ninjen o kisaek mi dutumanig, dumado dugo, ananj dam kisaek mi diani dop dugudani se ya. ⁴³ Aposel adi Anut san dabai lo kulob girager funfun digane se ya. Ago dugo tamolpein fidian durut saian geig a. ⁴⁴ Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya. ⁴⁵ Aenta inaned tan kilaken, melmel aenta dam didaen lo didirig, san moni dijane, tamolpein melmel lo katuk adi an dipidinaig sed ibinawai a. ⁴⁶ In fidian ilod kisaek mi nal fidian gudanek digane wo tempel lo dutumani se ya. Insigned ab ate tet mi dutumanig yousai lo agod ilod kisaek lo dam ananj diani se ya. ⁴⁷ Anut yanjan diabisa dugo tamolpein ilo rumok adi sad kagin dileg yanjad diabisa se ya. Agog Tubun en nal pempem tamolpein a patu pasek ipidinaid dan ilo rumok adi luad te idirai se ya.

3

Pita tamol njen itubabun ak ikubune ya

¹ Nal ta Pita Jon da 3 klok guraian gudanek san saen ninjen o tempel lo diau a. ² Tempel sumeik dupani dugo tamol ta tinan tinan lo mi njen saian ak disini diaug, tempel dalawan yanjan “Dalawan Sijaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da. ³ Tamol an Pita in Jon da diladu wo dugo yil tag moni ta amad da tap dupani wo igudanai a. ⁴ Ago tag urarum malad ti ibol go dile dugo Pita

irupei, “Mala ipalup, liama!” ⁵ Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

⁶ Agog Pita ibol, “Njai pat silva gol da amag tia ya. Gug mel a naj amag da yan gamu njupano wa. Jesus Kristus Nasaret tamol an yanjan lo masap wau.”

⁷ Agog Pita tamol an banin won ak lo yabig, imasa itur o ibinawi a. Saen in ago igane yan tamol an njen aten, njen njudun an fidian dabai kisaek onj a. ⁸ Agog tamol an isokalik go, fun iganeg itor ila iso se ya. Agog itor dugo isokalik onj go, Anut yanjan yabisag Pita Jon da dida tempel ilon lo diladu ya.

⁹ Agog tamolpein fidian tempel lo dumado yan in itor dugo Anut yanjan yabisa dugo dile ya. ¹⁰ In dile dulonj ak, tamol an imug tempel san dalawan sijaokan ante imado na yan nek ama ya. In itor uyanan an ninjen o dirut saian a.

Pita tempel lo tamolpein ru irupidai a

¹¹ Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan ninjen o dumasa saian go insad na dumasपालुग diau a. ¹² Saen Pita ago yil tag irupidaig ibol, “O Isrel tamol adi, anj ata wo kulob en aleg amasa saian i? Ata wo ago aliama dak i? Nag an ilom lo mansiganema dabai lo, tia, mansiganema Anut kagin lo tamol en njen mukubune abol dak i? ¹³ Tia, Abraham, Aisak, Jakob insad Anut, id baged muroud sad Anut, inanen urat tamol Jesus yanjak tubun geig ak ipani a. Gug anj tamol an gurman adi banid lo dufuni imat o agane ya. Pailat ipasi wo ibol gug anj amoig Pailat naon na patum apani a. ¹⁴ In bo tamol gun agod itaot ak gug anj inj amoi a. Anj tamol ta talpein ifuni imat ak Pailat ipasip ipananj o asumiani a. ¹⁵ Anj tamol a id kumaed tumado san fun amaiak afunig imat a. Ak gug Anut materj an lo ifufunig, afon kumaen imasa da ya. Agog kulob an manj malama nam mile ya. ¹⁶ Ilo rumok Jesus yanjan lo yan mi tamol e alonj uyanan dugo leil apani den njen dabai ilasa ya. Jesus yanjan lo, agod ilo rumok a in id ilod lo igane ilasa dan lo dam, kubunek en inane ya, ago

dugo njen gamu dabai pasik an an fidian ale a.”

¹⁷“O teig muroug naj nalon ak, kulob a an an sam gurman adi dida Jesus lo agane yan, an fidian anan lo ago agane ya. ¹⁸Anut profet adi awad lo wagam ibol, inanen Kristus muruan isini wo ibol. Ak njen o dal an lo inanen ru ibol ak nunon ilasa ya. ¹⁹Ago yak njen o ananem kagin saiak saiak patum apanip, ilom ibileksap, Anut naom apani. Ago tap ananem aupasek fidian ipare idu wa, an lo dop ilo maror agod yaes bilabal san saen Tubun en iganep an o ilasa wa. ²⁰An mi tia ya, Anut Kristus e an o ipiliani en idinip ipalu wa, nek Jesus ema ya. ²¹In kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok inanen profet gun adi awad lo ibol a. ²²Man dugo, Moses igo ibol, ‘Anut ananem Tubun en, nek naj idinag go nupalu yak ago mi profet ta ansignanem dar lo yak igane ilasap idinip ipalu wa. Ru fidian irupaian dan kagin apani wa. ²³Talpein ta in profet an awan ilon o imoi dan, Anut talpein an in san tamolpein lo ikudip pitininek saian geig ak ipani wa.’

²⁴“Rumok, Samuel sen dam agod profet aenkadi njen aban duri an fidian ru gamu saen en san dubol ilasa na ya. ²⁵An man profet adi an sad malad kubuladi, an lo promis a Anut profet an sad awad lo ibol an, agod kontrak a ananem tubum bagem ipidinai an san nunon dam ananemi a. Anut ru en wagam Abraham irupeig ibol, ‘Onane mala kubulan lo tan en san tamolpein fidian bar dinane wa.’ ²⁶Saen Anut inanen urat tamol tan en lo igane ilasa man, imug mi an sam na igane ipalu ya. In bar ipanan o ipalu ya, ago dugo bar an igo ya, in idiran pe an anen anen sem adan sap ananem kagin saiak saiak patum apani wa.”

4

Pita in Jon da Kaunsil naod na dutur a

¹ Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya. ² In tinjaed saian geig

a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulon se ya. In manau ago dupitenanai dan lo tamolpein dulon ak, Jesus lo tamol dumat dak, fon ka dumasa wa. ³ Ago tag duburou gug aban tidom idu la yak njen o subanek ab lo didirai a. In ilod lo man aposel adi ante dien pe tidom lom mi gup kot dupidinai a. ⁴ Gug tamolpein a insad ru dulon an lulonad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo won a.

⁵ Tidomig Juda sad tirnek tamol adi, matu gurman adi, agod kubiaen san girek manau adi dam Jerusalem na dutumani a. ⁶ Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a. ⁷ Agog aposel adi digiaig dupalug, naod na dutur dugug dusumianai, “An dabai dugomaiak lo, tia, yanak dugomaiak lo ananeg, tamol en akubuneg uyan ak i?”

⁸ Ago dugo Urgun Pita ilon inane futege awad yabi, ⁹ “An gurman, an ilo munanek san kulob ta lo tamol njen itubabun ak uyan ilasa yan njen sumiaek lo adirama tap, agod en dugo won dugo kubunek inane yan dam man asumianama tap, ¹⁰ aria, ru en alon uyanan. Kulob en Nasaret tamol Jesus Kristus inanen yan an san dabai lo ilasa ya. Tamol amaiak an aigim fo abalig afuni imat ak gug, Anut maten lo ifufunig fon kumaen imasa da ya. In lo mi tamol e an naom na itur den kubunek inane dugo kulob an san nunon ale ya. ¹¹ Jesus nek amaiak njen o Anut ru igo ibol, ‘Pat nek a ab bek tamol adi dumoi dan, nek amaiak ab tinin fidian yabi sakar da.’

¹² In mi lo patu pasek ale wa. Man dugo, tan en fidian lo man Anut yanak sen ak ta lo id tamolpein fidian patu pasek ka tinane wan ta ipanad na ya, tia, nek Jesus yan an lo mi a.”

¹³ Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, in skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an

dile duloŋ a. ¹⁴ Ak man ru ta dubol san tia ya. Man dugo, Pita Jon da tamol dukubune yan siŋired na mi itur dugo leil dupani da. ¹⁵ Ago tag kaunsil adi tamol utol an didinaig, tumanek aben dubiseig patun fo dilasa gug inŋsed mi pasak nam diŋiŋeŋ se ya. ¹⁶ Inŋsed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen duloŋ la ya. Id tatot san tia ya. ¹⁷ Id mel en tabituani wa, kabelan ru en yaup tubun banau. Ago yak niŋen o tamol uraru en kudod tabi uyanan a. Inŋ afon talpein ta naon na Jesus yaŋan ta dupate na wak niŋen o ru kagin turupidai a.”

¹⁸ Agog Pita Jon da digiaig, diladug ru dabai nam durupidai, “Anŋ afon Jesus yaŋan lo tamolpein ru ta arupidai na wak, agod yaŋan an lo dam maŋau ta mok apiteŋanai na wa.”

¹⁹ Gug Pita Jon da awad diabig dubol, “Anŋsem mi mel en abitinaep ale wa. Dugon Anut malan lo uyan ak i? Dugo, ananem awam kagin mupani wak i? Tia, Anut awan kagin mupani wak i? ²⁰ Man dugo, maŋ mel sema malama lo mile yak kudoma lo malon ak niŋen o awama itau san tia ya.”

²¹⁻²² Tamol nien imat gug Pita Jon da dukubune yan inŋsan anaŋar 40 iriŋani tag tamolpein fidian melmel ilasa yan niŋen Anut yaŋan diabisa se ya. An lo Juda sad kaunsil dal ta dilep lo bu dupidinaŋ san tia ya. Ago tag ru kagin dabai geig mi dupidinaig, dubusawaig diau a.

Ilo rumok adi dabai diŋane wo dugudani a

²³ Saen dubusawaig dilasa yan Pita Jon da dumul turad muroud sad na diau a. Agog pris gurman, inŋ gurman aenta, ru dubol an awad aban durupidaig duloŋ a. ²⁴ Ru an duloŋ tag fidian Anut igo dugudani, “Tubun en, oŋ mi tan, you, beig, keit, agod mel mel fidian lo dien dan san Taman. ²⁵ Urgun lo oŋse maŋ tubum bagem Dawid oŋane urat pinein awan lo ubol dugo gamu nuŋon mile da.

‘Ata wo tan fidian sad tamolpein tiŋaed saian di?

Ata wo tamolpein an palaŋ dumari gug nuŋon tia yak i?

²⁶ Tan en san kiŋ fidian yu digane wo tawaŋ dumado da, ago dugo tirnek tamol fidian dutumanig, Tubun en inanen Pilianek Tamol da ager digane wo digane da.’

²⁷ Rumok, ru amaiak ente Jerusalem na nuŋon ilasa ya. Herod inŋ Pontius Pailat da, tamolpein Juda tia yan agod Juda tamolpein aben ente dumado dan dida dutumanig, oŋane urat tamol gun ak Jesus oŋse piliani an, palaŋ an dumari se ya.

²⁸ Tamol adi an oŋse wagam mi oŋane ilobol inŋ dabai da lo ilasa wo ubol an, ago mi digane ya. ²⁹ Aria, Tubun en, gamu ru saiak tinid dumisilani san dupaiama an oŋane kududo ilon la ya. An ilo sou gane dop oŋane urat tamol adi dabai panamap maŋ rurek tia yan lo oŋane ru mabol ilasa wa. ³⁰ Oŋ oŋane tuo watep oŋane urat tamol gun ak Jesus yaŋan lo, tamolpein subam ad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa.”

³¹ Gudaneŋ itout go ab a lo dutumani an ibuk ila iso ya. Ago dugo Urgun fidian bubed ilon awan isag, Anut san ru tamolpein naod na dubol ilasa wo tinid ta irer na ya.

Ilo rumok adi melmel fidian lo nug dubunawi se ya

³² Ilo rumok adi fidian inŋsad kankan agod inŋsad ilod dam kisaek mi a. Ta inŋsan biouŋ biouŋ an inŋsiganen mi ago ibol man tia ya. Tia, fidian melmel nug duwae dupani se ya. ³³ Ago dugo ru dabai tubun anda yak lo, aposel adi Tubun ak Jesus kumaen imasa yak san bilaluŋ dubal ilasa se ya. Agod Anut san ilo panek tubun mi an inŋ fidian tinid fo iwali idu ya. ³⁴ Inŋ luluŋad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta, an didaenŋ lo diganeg san moni diŋaneg, disini dupalu ya. ³⁵ Agog moni an aposel adi njied fun na didirsi a, ago dugo aposel adi

ditarpaleg talpein enti mel ta lo katuk adi an dubinawai se ya.

³⁶ Saen an lo in lulunad lo tamol ta yanjan Josef imado da. In Livai san gugoi lo ilasa ya, gug injanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.) ³⁷ Aria, injan tan kilaken idad go moni an injaneg isini yang aposel adi njed fun na igansi a.

5

Ananaias in Safaira da

¹⁻² Tamol ta yanjan Ananaias, iwon yanjan Safaira. In tan kilaken idad yau dugo san moni aenta injan yabi a. Pein in tamol da awad kisaek. Agog aposel adi njed fun na moni aenta idirsi dugo irawaig igo ibol, "Moni fidian nek ebo ya." ³ Ago tag Pita Ananaias irupeig ibol, "Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da. ⁴ Saen tan gamugo udad yau man on muroun mado ya. San moni nane yan man onse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? On tamol adi ta rawai na ya. Tia, on Anut rawi wo gane ya."

⁵ Saen Ananaias ru an ilon man gamu nam yau idug imat a. Tamolpein fidian ru an dulong go tubun mi durut direr a. ⁶ Agog pinein dupalug, injan sisanun yamel nam dubuluwig dijaneg kuai te dilasag diaug disare ya.

⁷ Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilon na ya. ⁸ Agog Pita isumianig ibol, "Ak dugo, on onane iwo da tan adad yau ak naon emaiak anane yak i?"

Ago dugo awan yabig ibol, "Awo, moni minjane yak nek ago mi ipanan a."

⁹ Pita imasag Safaira irupeig, "On iwo da ilom kisaek go Tubun en san Ur naon akubianig ale wo agane ya. Dugo, an ilom isou ak ago ka aganep muruan ta ale na wak abol i? Ulon, pinein a on iwo disare yak sad njed awan dalawan te ilasa da, gamu on dam diriliop kuai te alasap au a."

¹⁰ Agog gamu nam pein an dam Pita naon na yau idug imat a. Ago dugo pinein diladug injan sisanun dile tag dijaneg diaug iwon tamol ak giranen na disare ya. ¹¹ Ilo rumok adi fidian, tamolpein aenkadi dam, ru an dulong go tubun kasik direr a.

Aposel adi tamolpein wei mi dukubuniaia

¹² Aposel adi kulob girager wei kasik tamolpein lulunad lo digane se ya. Ago dugo ilo rumok adi Solomon san Madok Aben ilon lo dutumani na ya. ¹³ Tamolpein patun fo yak ilo rumok adi yanjadi diabisa yak gug, diaup dida dutumanai san ninen o fidian direr pasik a. ¹⁴ Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya. ¹⁵ Aposel adi kulob girager dabai anda digane se yan lo, tamolpein muroud muroud subam ad da yan dal gigin te dijal dususap dien se ya. Aenkadi kapal fo, aenkadi gadab fo dien se ya. Agop saen Pita ipalup irinjanai dop san tirarou ituanai dop lo uyadi wo dubol. ¹⁶ Jerusalem gigin na panu dien dan san tamolpein wei kasik dilasa ya. Injaned samun subam adi da yan, ur saian amad da yan dijal dupalug, an fidian uyadi.

Gurman adi aposel muruan dupidinai a

¹⁷ Juda sad pris malan te ak, Sadyusi a giranen na dumado dan dida, an fidian aposel adi sad urat dile tag, turak susai tinjed injanefute ya. ¹⁸ An lo in aposel adi duburoug, subanek ab lo didirai a. ¹⁹ Ak man tidom lo Tubun en san enel ipalug subanek ab san dalawan ipasig, aposel adi injal go patun fo dilasa ya. ²⁰ Agog irupidaig ibol, "Aup, tempel san tumanek aben lo atur dop, kagin foun emaiak san ru fidian tamolpein arupidaip dulong a."

²¹ Agog aposel adi enel awan durig, sal-sog in tempel lo diladug fun diganeg tamolpein ru durupidai dulong se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi dijal pe dupalu wo tempel san titianek tamol didinaig diau a. ²² Gug saen subanek ab lo dilasa man, aposel adi naod tia tag dumul

diaug, kaunsil adi durupidai, ²³ “Saen sub-anek ab lo milasa man dalawan fidian itau. Titianek tamol tawan dutur ak gug, saen dalawan mupasi man tamol an ta meil na ya.”

²⁴ Pris gurman adi, in tempel titianek tamol adi sad gurman dida ru an dulong go dumasa saian. Mel an kankan ipidinaig ilod weiwei se ya, so muruan ilasa wo dak ninen o ilod isou se ya.

²⁵ Agog tamol ta ipalug irupidai, “An tamol a subanek ab lo adirai an tempel san tumanek aben lo dutur dugo tamolpein manau dipitejanai da.”

²⁶ Ago tag tempel titianek tamol sad gurman inanen tempel san aikatuk adi dida diaug, aposel adi dijal go Juda sad Kaunsil sad na diau a. Saen aposel adi dijal man pasak nam dijal a. Kabelan silei nam mi dop, tamolpein tinjaed saian pe pat nam dufu banau.

²⁷ Aposel adi dijal go dupalug kaunsil naod na dugunaig dutur a. Ago dugug pris malan te yak sumianek ipidinai, ²⁸ “Man geg sakar geig mupanan a. An afon tamol an yanan lo ru ta abol ilasa na wo mabol a. Gug gamu an Jerusalem ilon lo anjam pitejanek an mi abisa aguni da. Agop tamol a imat an inanen mater san ai wadan man buroma fo agane wo agane da.”

²⁹ Ago tag Pita aposel aenkadi dida pris malan te yan awan diabig dubol, “Man tamol awad kagin mupani san tia ya, tia, Anut awan mi muri mupani wa. ³⁰ An Jesus aigim fo abalig afuni imat ak gug, id tubud baged sad Anut mater lo ifufunig kumaen imasa da ya. ³¹ Anut inaneg giranen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a. ³² Man inisan mater, imasa yan malama lo mile ya. Ago yak ninen ru an tamolpein naod na mabol da. Urgun dam inanen urat lo melmel en fidian ninen o ibol da. Ago dugo Anut Urgun nek an tamolpein a fidian inisan awan kagin dupani dan ipidinai a.”

³³ Juda Kaunsil adi ru an dulong go tinjaed tubun mi saian tag, aposel adi dufu dumat o ilod tubun mi ibol a. ³⁴ Gug Farisi ta yanan Gameliel, in kubiaen san girek manau ta, agod tamolpein fidian in yanan diabisa yan, in imasag itur dugo aposel adi tumanek dibiseip patun fo dilasa wo ibol a.

³⁵ Agog kaunsil irupidaig igo ibol, “O Isrel tamol, an tamol en afu dumat o agane dan kagin agane. ³⁶ Wari na geig tamol ta Teudas inisen tubun o igane. Agog sawar kitek 4 handet igo won njen fo dutur. Gug dufuni imat dugo inisan sawar an dititalaig dufurak diau dugo, ager yabisa yan nunon tia ya. ³⁷ An tinin te, yana kubunek san saen lo, Galili tamol ta yanan Judas, tamol aenkadi injal go urat pinein on njen fo dutur. Gug in dam dufuni imat. Agog inisan sawar an dititalaig dufurak diau a. ³⁸ Ago yak ninen o nurupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a. ³⁹ Ak gug an Anut san man, an tamol emaiak abitudanai san ta idaisuda na wa. An lo dop abitudanai o agane tap, an Anut da nug abi dak ago sem ilian a!”

⁴⁰ Kaunsil adi inisan ru dulong go ilod inane ya. Ago tag aposel adi digiaig diladug bu mi dupidinai a. Agog Jesus yanan fon ta dupate na wo geg sakar geig digane ya. Ago gug dubusawaig diau a. ⁴¹ Aposel adi ilod uyan dugo kaunsil sad tumanek ab dibiseig dilasa ya. Ata wo, in Jesus yanan o tamolpein naod na muruan disini wo Anut ipilianai a. ⁴² Nal pempep tempel san tumanek aben lo, ab ab lo dam, bilalun uyan ak tamolpein dupitejanai se ya. Bilalun uyan ak lo Jesus mi in Kristus an tamolpein durupidaig dulong a.

6

Tamol 7 aposel dubunawai o dipilianai a

¹ Murnag ilo rumok adi wei mi dilasa se yan, lulunad lo tamolpein malan uraru dumado ya. Saen an lo, Juda tamolpein a Grik ru dubol dan, in Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru dinijen dan igo dubol, nal anek anek lo aposel adi anan ditarpaleg duwae dak gug inisigned

pein suos ilod ta isou na da. ² Ago tag aposel 12 an ilo rumok adi fidian digiaig dutu-manai g durupidai, “Man anan waek san urat migane dop lo Anut san ru mifulale wan mibisei dop, an uyan tia ya. ³ Ago yak ninen o teid taod, tamol 7 luluŋam lo Urgan amad da yak, kankan milaen ak, agod yaŋad uyan ak mi apilianaip urat an banid lo tigane wa. ⁴ Gug maŋ gudanek mi, agod ru fulalek san urat dam mi leil mupani wa.”

⁵ Tamolpein fidian ru an duloŋ go aposel sad kankan ninen o ilod uyanan a. An lo tamol ta yaŋan Stiven dipiliani a. In ilon rumok dabai, agod Awan Urgan ilon inane fute ya. Ta yaŋan Filip, ta Prokoras, ta Naikena, ta Taimon, ta Parmenas, agod Antiok tamol ta yaŋan Nikolas, in Juda tia yak gug Juda ubou lo yau da. ⁶ Ilo rumok adi tamol 7 an aposel naod na didirai ilasa ya. Agog aposel adi in o Anut dugudanig banid gurma d fo digane ya.

⁷ Agog Anut san ru ifurak go, tamolpein wei mi duloŋ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

Juda sad gurman Stiven diabi a

⁸ Aria, Stiven man Anut san ilo panek, in san dabai dam in lo yen a. An lo in tamolpein luluŋad lo kulob girager funfun agod mel tutubun durut saian san dam wei mi igane ilasa se ya. ⁹ Gug Juda tamol aenkadi Stiven lo siai digane. Tamol an ubou ab yaŋan “Tamol kawan dumado dak” dubol dan sad tamol. Tamol an in sad panu Sairini, in Aleksandria da. Agod Silisia in Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya. ¹⁰ Gug Stiven san kankan milaen geig dugo Urgan san dabai lo dam in inen a, an lo in anen ru ninen o in dutur dabai san ta idaisuda na ya.

¹¹ Ago tag tamol aenkadi pasak nam diŋal go, ru sewak igo dubol ilasa wo durupidai a. “Stiven in Moses Anut da lo misilanek ru ibol dugo maŋ awan malon a,” ago dubol o durupidai a.

¹² Agog tamol an diaug ru sewak an lo tamolpein, matu gurman adi, agod kubiaen san girek maŋau dam ilod dusueg an lo tijaed saian geig a. Agog tamolpein an dupalug Stiven diabig, Kaunsil sad na diŋane diau a. ¹³ Kaunsil malad lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en idsad tempel gun an, Moses san kubiaen da ninedi wo ru saian pempem ibol da. ¹⁴ Maŋ malon dugo ibol, Nasaret tamol a Jesus dubol dan tempel iratitale dop, Moses san kubiaen id ipanad an dam ibileksa dop idirad pe tamol kagin senamo ak turi wa.”

¹⁵ Ru an dubol dugo Kaunsil dumado yan malad ti ibol go Stiven leil dupani dugo, in anen naon enel ta naon igo won dile ya.

7

Stiven Kaunsil ru irupidai a

¹ Juda Kaunsil ru an fidian duloŋ go itout gug pris malan te an Stiven isumiani, “Dugo, ru a dupano dan fidian rumok ak i?”

² Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagan geig Mesopotemia na imado dugo, saen an lo in gamugo Haran na yau dugo, Anut lilaman anda yan naon na ilasa ya. ³ Agog irupei, ‘Tan en biseip, onane murou murou dam busawaip tan nukubiai pano wan lo wau.’ ⁴ Agog Kaldia tan ibiseig yaug taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a.

⁵ Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed ninedi wo ibol a. Gug Abraham saen an lo nanuk tia imado dugo Anut promis an ipani a. ⁶ Anut igo ibol, ‘On mala kubulan mitep tan sen ak lo tamolpein gol ak igo won ante dumado wa. Ante dam in urat bigabeg adi dilasa wa. Agop ananar 4 handet lo tan an san tamolpein saian dupidinaip muruan wei mi disini wa. ⁷ Gug nai tamolpein a muruan ago dupidinai dan naon muruan geig ak nupidinai a. Ago dugup onane mala kubulan

tan an dibiseip, tan en lo n̄ai ubou ag dile wa.’ ⁸ Agog Anut Abraham kontrak ipani a, kontrak an san kob man, nanuk tamol ak tinid sun̄ulon dutute wa. Murnag Abraham iwon in̄ Aisak igansig ubou kisaek yau dugo Abraham tinin sun̄ulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. In̄ idsad tubud baged.”

⁹ “Josef tein muroun Josef ninen o turak dususa ya. In̄ dile saian an lo Igipta na urat bigabeg imado wo din̄aneg didaen̄ lo digane yau a. Ak man Anut Josef da dumado na ya. ¹⁰ In̄san muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kin̄ Josef ipitianig ilon ipani a. Agog Farou Josef tamol tubun iganeg Igipta tan, in̄san ab lo melmel fidian dam kagin ipani na ya.

¹¹ “Murnag Igipta tan yaug Kenan na geg an kadag tubun ak idug, tamolpein fidian muruan disini se ya. Id baged muroud anan̄ dile wo aban̄ diabi se ak gug anan̄ tia ya. ¹² Gug saen Jakob Igipta na anan̄ yen dan san ru tim ilon̄ man, nanun muroun, id baged muroud, idinaig malmalan geig in̄ atna diau a. ¹³ Murna anan̄ itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun nin̄edi wo ru ilon̄ a. ¹⁴ Agog Josef taman san na ru igane yaug, in̄anen samun fidian in̄al pe dupalup Igipta na dumado wo ibol. Fidian dupalu yak sad sutek 75. ¹⁵ Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a. ¹⁶ In̄sad sisanun disini diaug Sekem na tan kilaken ta wagam Abraham Hamor sad gugoi banid lo idad in̄ane yan lo disiriai a.

¹⁷ “Anut Abraham promis a gubak mi ipani an nun̄on ilasa wo sumeik dugo, idsad tamolpein Igipta na dumado yan igileg wei kasik a. ¹⁸ Saen an lo kin̄ foun ta ilasag imado dugo Igipta kagin ipani na ya. Ak gug kin̄ an Josef ninen in̄aon̄ geig a. ¹⁹ Idsad tubud baged irawai ifu dugo, muruan tubun mi ipidinai se ya. In̄ iso-dudunaig an lo in̄aned nanuk foudi ak kuai tem didiraig, dumat a.

²⁰ “Saen an lo Moses ilasa ya. Anut malan lo nanuk an sin̄aokan mok a. Kalam utol tinan taman dida dumado dugo kagin dupani a. ²¹ Gug saen kuai te digane man, Farou nanun pein n̄ilañal an in̄aneg, in̄sinan nanuk on̄ kagin ipani na ya. ²² Moses Igipta sad man̄au fidian mi in̄aneg, tamol tubun ak ilasa ya. In̄san ru bilabol dabai dugo, urat dugon igane yan dam dabai anda ya.

²³ “Moses san anan̄ar 40 dugo, nal ta ilon man tein taon Isrel tamolpein yil o ibol go yau. ²⁴ Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a. ²⁵ In̄san ilon man, Isrel tamolpein Anut in̄ ibinawai o idinig ipalu yan dulon̄ ak ibol, ak gug tamolpein an ta dulon̄ na ya. ²⁶ Nal tinin te man, Isrel tamol uraru nug dufuni dugo yil tag, maror igansi wo yaug irupidai, ‘Alon̄, an̄ nug tein taon, en ata wo nug tinin malan asue wo agane dak i?’

²⁷ “Gug neinta wagai fun igane yan, Moses isopasig gigin na yaug ipei, ‘Enti on̄ man̄ kagin panama dop ru tulek tamol mado wo ibol i? ²⁸ Ak dugo, nor Igipta tamol funi imat ago mi n̄ai dam funag n̄amat o gane dak i?’ ²⁹ Moses ru an ilon̄ tag isol go yaug Midian tan lo tamol gol ak on̄ imado na ya. Atna imado dugo nanuk tamol ak uraru dilasa ya.

³⁰ “Afon anan̄ar 40 yaug itout gug, Anut san en̄el Moses naon na ilasa ya. Did Sinai giran̄en na tan kawan ak lo ai nanunan ta yai ided go inani dak on̄ ile ya. ³¹ Moses aban̄ ago ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilon̄, ³² ‘Nai on̄ bage murou Abraham, Aisak, Jakob sad Anut.’ Moses ru an ilon̄ man irer dugo tubun mi isuruwor se ya. Irut irer an ninen o aban̄ ile man imoig, malan ikilakil a. ³³ Agog Anut ibol, ‘On̄sa sendal pasi. Man dugo, tan fo utur dan gun a. ³⁴ N̄ai aban̄ n̄ile yak n̄aisag tamolpein Igipta na muruan saian geig ak disini da. In̄sad ilo tinan̄ dam n̄alon̄ go n̄ubunawai o n̄upalu ya. Ak ninen o n̄ai on̄ n̄idinop afon Igipta na umul wau da wa.’ ”

³⁵ Stiven ininjen dag ibol, “Moses nek amaiak Isrel tamolpein gubak mi ninjen o dumoi go dubol, ‘Enti onj mansam gurman iginio yak i? Enti onj mansama tulek tamol iginio yak i?’ Anut sen mok Moses insad gurman, agod insad patu pasek tamol dam idinig yau a. Anut enjel yai balen lo yan awan lo ago igane ya. ³⁶ Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anajar 40 tan kawan ak lo dam ago igane se ya. ³⁷ Moses insen geig Isrel tamolpein irupidai, ‘Anut naj idinag go nupalu yak ago mi profet ta idinip ipalu wa. Tamol an mitep ansiganem dar lo ilasa wa.’ ³⁸ Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses did Sinai fo isidag, enjel da dininjen a. Agog Anut ru kumaen san an ipani a, agog Moses afon ru an id ipanad a.

³⁹ “Gug idsad baged muroud Moses awan dumoig, inj Igipta na dumul diau wo ilod tubun mi ibol a. ⁴⁰ Ago tag Aron durupe, ‘Onj man tubud diri panamap, dumug dop muraep mau a. Tamol Moses dubol dan injiliad go Igipta tibiseig tupalu yan, ata inane dugo ta ipalu na da, an ta talon na ya.’ ⁴¹ Inj atna makau mitilaen diganeg yai digane pani dugo, mel a sed banid nam digane yak ninjen mugurun tubun ak digane ya. ⁴² Ago tag Anut patun ipidinaig, an lo inaned ilod ibol ago patui keit lo yan yanad diabisa se ya. Kulob digane an profet sad girek lo wagam profet ta ru naon kisaek igire a:

‘O Isrel tamolpein, dugo, anajar 40 tan kawan ak lo, ansam lou panek apanag,
agod makau afup naj yai agane panag se yak i? Tia geig a.

⁴³ Ab sel asini ator se yan ansam tubud Molok san asini se ya.

Ago dugo ansam tubud Refan san mitilaen patui an asini ator se ya.

Mitilaen an yanad lo ubou ale wo asuwi idu ya.

Ago yak ninjen o naj nukudan pe aup, asau mi Babilon aen ate geig amado wa.’

⁴⁴ “Id baged muroud Anut san ab sel a inj dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a. ⁴⁵ Murnag ab sel an id baged muroud inj tamad banid lo dinaneg, Josua dida diaug yu diabisag tamolpein sen ak sad tan lo dukudaig diau a. Agog insad tan banid na dinane ya. Ab sel an ago yen dugo yaug Dawid san saen idu ya. ⁴⁶ Dawid iganeg Anut inj o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a. ⁴⁷ Gug Dawid ab an ta yabi na ya. Solomon inj ab an yabi a.

⁴⁸ “Gug Anut a lak na geig an, inj ab a tamol banid nam diabi ak lo ta imado na da. Wagam mi profet adi sad girek lo ta igo ibol,

⁴⁹ “Tubun en ibol, keit man naisag kalik kin san a,
agod tan man naj nieg aten yen san aben.

Enso ab abi panag ak i?

Aben dugon lo yaes nabal ak i?

⁵⁰ Ak dugo, mel an fidian naj banig nam njigane ya, an ta rumok na i?’ ”

⁵¹ Agog Stiven Juda Kaunsil ipidai, “Anj gurmam sakar geig. Ilom gob. Anut san ru ibol dan kududom itau geig a. Anj nek ibol ananem tubum bagem igo wonj a, man dugo, inj dam Awan Urgun pempem diabiani na ya. ⁵² Arupaiag, dugo, gubak mi profet ta imado dugo ananem tubum bagem profet an tinin ta dumisilani na yak i? Inj profet adi ensauta a malad milaedi go Tamol Itaotan insan palu yan ninjen profet ru dubol ilasa yan dufu dumat a. Agod an gamu tamol amaiak inj bo ananem turam mok ak gug ager banid lo aganeg sisem afuni imat a. ⁵³ Anj nek en, Anut san kubi-aen enjel sad banid lo anane yak gug kagin ta apani na ya.”

Stiven pat nam dufuni imat a

⁵⁴ Saen kaunsil adi ru an dulon man, tinjaed tubun mi imumari dugo Stiven gamad dirati pani se ya. ⁵⁵ Gug Stiven tinin Urgun inane futeq malan keit lo isidag, Anut san girager ile ya. Ago dugo Jesus

Anut giranjen won ak lo itur dugo ileg ibol, ⁵⁶ “Ale. Njai keit awan ipasig Tamol Nanun Anut giranjen won ak lo itur dugo njile da.”

⁵⁷ Fidian disasaitout go kududod di-afutani a. Agog fidian mi dumaspalug, ⁵⁸ Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san in bionj dupasig pinein ta Sol dubol dak kagin ipidinai o njen fun na didirsi a. ⁵⁹ Pat nam dufuni dugo, Stiven Tubun en igudani, “O Tubun en Jesus, njaineg njutug njanel!” ⁶⁰ Agog yau idug fon igudanig igo iwagin, “Tubun en, inaned aupasek en san pani naon an lo fuli san man umoi.” Ago ibol go imat a.

8

Sol ilo rumok adi misilanek ipidinai a

¹⁻² Sol ante imado dugo Stiven san materj ileg, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yanjan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya. ³ Gug Sol man midaen ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

Filip Sameria na Anut san ru ifulale ya

⁴ Ilo rumok adi a dufufurak go gidigidad diau na yan, aben dugo ate diau an Anut san ru dufulale se ya. ⁵ Filip Sameria na yaug, taun tubun ak ta ilon lo iladug ante sad naod na ru Kristus ninjen o ibol ilasa se ya. ⁶ Saen tamolpein doup tubun injsan ru dulong dugo, kulob girager igane yan dile man, injsan ru fidian dulong uyan o kududod dugure ya. ⁷ Ur saian awad tubun mi disasai dugo, tamol tinid lo yak dubiseig dilasa ya. Tamolpein njied itubabun, agod a dutor saian saian dan wei mi uyad isusa ya. ⁸ Ago man taun an ilon lo yousai yen go tubun kasik.

⁹ Aria, taun an lo kiai tamol ta yanjan Saimon imado ya. Injsan sewak an lo nal kitek milaen mi Sameria tamolpein igini-aig dumasa saian. Injsen mi in tamol tubun

ak se pitiano i san ru ago ibol. ¹⁰ Agod taun an sad tamolpein fidian, a yanjad ad da yan, agod a yanjad tia yan dam, kududod dugure ya. Ago dugo dubol, “Tamol en man, tubud san dabai a yanjan Dabai Tubun Ak dubol dan, tamol emaiak injsen.” ¹¹ Nal milaen mok injsan nawir an lo irawaig, tamolpein fidian in awan paen na dumado dugo durut saian geig a. ¹² Gug saen pein, tamol dam Filip awan lo bilalun uyan ak san ru Anut san kagin panek ninjen o, agod Jesus Kristus yanjan ninjen o dam dulong man, in ilod lo rumok a. Agog suguek dijaney ya, tamol in pein da mi a. ¹³ Saimon sen dam ilon lo rumok go suguek injaney ya. Agog Filip njen fo itor dugo kulob girager funfun Filip igane dugo ileg ninjen o irut saian geig a.

¹⁴ Saen aposel adi Jerusalem na dumado yan Sameria tamolpein Anut san ru dijaney yak dulong tag, Pita Jon da didinaig, injsad na diau a. ¹⁵ Sameria na dilasag, tamolpein Urgun dijaney san ninjen Anut dugudani a. ¹⁶ Man dugo, Urgun fufod na gamugo idu ya, tia, Tubun en Jesus yanjan lo suguek dijaney yan mi a. ¹⁷ Agog Pita Jon da tamolpein gurmud fo banid digane dugug, Urgun dijaney ya.

¹⁸ Agog Saimon tamolpein Urgun aposel adi banid lo dijaney dugo ile tag, moni injaneg, Pita Jon da sad na yaug ibol, ¹⁹ “Dabai an njai dam apanag. Agop tamol dugon banig gurman fo njigane dan Urgun injaney wa.”

²⁰ Ak man Pita ru naon igo ibol go irupe i, “Onjane moni an njanep, ida udeg wau. Ata wo? Onjilo lo man lou panek e Anut ipanaden moni nam udad njane wak ubol da. ²¹ Onj manjsama urat boi en lo onj yanja tia ya. Man dugo, onj ilo man Anut malan lo ta itaot na ya. ²² Ago yak ninjen onjsa kankan saian an umoi kisaek onj. Ago dop Tubun en onjsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi. ²³ Man dugo, njai njilio dak, mala sek agod turak susai dam mi onj tini injanefute dugo, aupasek san subanek tamol mado da.”

²⁴ An lo Saimon in Pita Jon da ru naon igo irupidai, “Gidad, an njai ninjeg o Tubun en

agudani. Agop an lo muruan abol dan n̄ai fo na ta ilasa na wa.”

²⁵ Aria, Pita Jon da Tubun en dugo woŋ ibinawai an tamolpein durupidai duloŋ go iŋsan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

Filip Itiopia tamol ta isugui a.

²⁶ Tubun en san eŋel ta Filip irupeï, “Masap dal Jerusalem nag Gasa na idu yau an n̄anep wau.” (Dal an tan kawan ak lo yen da.) ²⁷ Ago tag Filip eŋel ibol ago mi igane. Dal na yau dugo Itiopia sad tamol gurman ta ile, tamol an iŋanen nabun dusukali a. Tamol an Itiopia Kwin yaŋan Kandesi san moni kagin ipani da. In Jerusalem na ubou ile wo yau ak ²⁸ fon imul sen fun panu lo yau da. Karis fo profet Aisaia san ru isuti dugo yau. ²⁹ Agog Urgan Filip irupeï, “Waup karis an sumeik ida au.”

³⁰ Ago tag Filip imaspalu oŋ yaug sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

³¹ In ibol, “En dugop n̄ai ru en fun n̄alon ak i? Rumok talpein ta fun ifulale ak man nap ka n̄alon a.” Agog Filip iwagig isidag siŋiren na imasi a. ³² Ru girek boi emaiak isuti, “In man sipsip dufuni wo diŋane diau dak igo woŋ.

In nek ibol sipsip nanun fufulun dutute dop awan itau itur dak igo woŋ. An lo awan kitek ipuk man tia ya.

³³ In miai tubun mok dupanig, in o ru itaot dubol man tia ya. Kot aen kisaek mi digane.

Enti tamol an san malan kubulan niŋedi wo ru ta ka iŋiŋeŋ ak i? Talpein ta kisaek tia ya.

Man dugo, iŋsan madok tan en lo digane itout go lak na yau a.”

³⁴ Itiopia tamol gurman an Filip isumiani, “Profet in enti niŋen o ibol dan, gidad

ubol pe n̄alon. Inŋen niŋen o ibol, tia, talpein sen ta niŋen o ibol i?” ³⁵ Ago dugug Filip girek nek en lo fun iganeg bilaluŋ uyan ak Jesus niŋen o yan ibol idug ilon a.

³⁶ Ru ifulale dugo dupalug you ta fun na dilasag, tamol gurman Filip irupeï, “You ebe ya. Dugo, mel ta isubanag pe suguek niŋane wan tia i?”* ³⁸ Ago man gurman an ibol dugo iŋsan urat pinein karis yabituani a. Agog in Filip da you lo dudug Filip tamol an isugui a. ³⁹ Saen you dibiseig dilasa yan Tubun en san Ur Filip iŋane yau. Tamol gurman an Filip ta ile na gug ilon youn isag iŋsiganen na yau a. ⁴⁰ Agog Filip Asdod† na kuai isi a. Agog turen yabig panu panu lo Jesus san bilaluŋ uyan ak ibol ilasa dugo itor nag Sisaria na ilasa ya.

9

Sol ilon ibileksag Jesus niŋen o ilon lo rumok a

Apo 22:3-16; 26:9-18

¹⁻² Saen an lo Sol in Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol* dugo diri dan abanad ile tap, ibiap isubanaip, dida Jerusalem na diau a.

³ Damaskus na yau wo dal iŋaneg yaug sumeik dugo gamu nam keit lo lilaman ta irakilawig, aban isapudadeg Sol ibuluwi a. ⁴ Agog yau idug tan na yen dugo awan ta iwagin dugo ilon, “O Sol! Sol! Ata wo n̄ai malag sue dak i?”

⁵ Ago tag Sol isumiani, “Tubun en oŋ enti?”

Ago dugo awan an ibol, “N̄ai Jesus nek a malag sued ama ya. ⁶ Aria, masap waup Damaskus na ladu. Ago gup dugo gane wan dubol ulon a.”

⁷ Tamol adi a Sol dida turen diabi dan dupartuanig ru ta dubol san tia ya. Awan

* **8:36:** Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, On ilo lo rumok mok tap, oŋ ka suguek n̄ane wa. Agog tamol gurman an ibol, “N̄ai Jesus Kristus in Anut nanun an ilog lo rumok.” † **8:40:** Grik ru lo taun an yaŋan Asotus * **9:1-2:** Imug tamolpein man ilo rumok adi sad kagin an niŋen o yaŋan Dal En dubol se ya; murna gug yaŋak an Kris dubol da.

injen se yan bo dulong gug talpein nunjon dile man tia ya. ⁸ Sol imasag malan ipuk gug aban ile san tia ya. Ago tag banin diabig dijaneg Damaskus na diau a. ⁹ Nal utol aban ile san tia ya. Agog anan dam, you dam tia imado ya.

¹⁰ Ilo rumok tamol ta yanjan Ananaias Damaskus na imado se yan, malan nutun lo Tubun ak irupei, "Ananaias." Agog Ananaias ibol, "Tubun en, hai ebo ya."

¹¹⁻¹² Agog Tubun en irupei, "Masap, waup, 'Dal itaot' dubol dan ate Judas san ab lo Tarsus tamol ta yanjan Sol dubol dak ninen o sumiai. In man igudani dugo malan nutun lo mel ta igo ile ya, tamol ta yanjan Ananaias ipalug gurman fo banin igane dugo aban fon ile da yak ago njon lo ile ya."

¹³ Ananaias ru naon irupei, "O Tubun en, tamolpein wei mi tamol an ninen o dubol dugo nalon a. Kagin saiak saiak funfun onane tamolpein Jerusalem na yan lo igane yak san ru durupaig dugo nalon a.

¹⁴ Gamu pris gurman adi awok dubol go ete Damaskus na ipalug, talpein enti on yana lo ubou dile dan ibiap inal diau o ipalu ya."

¹⁵ Gug Tubun en Ananaias irupei, "Wau! Man dugo, hai tamol an urat ag igane wo njipiliani a. In tinin lo tamolpein Juda tia yan, inaned kin dida, Isrel tamolpein dam naod na hai yanag kuai te irupidaip ru hai nineng o dulong a. ¹⁶ Agod in hai yanag o muruan tubun mi isini wan hai njukubiai pani wa."

¹⁷ Agog Ananaias yang ab lo iladug, Sol gurman fo banin igane ibol, "O teig Sol, Tubun ak sen idinag go npalu ya. Jesus sen nek ete Damaskus na palu dugo dal na naon na ilasa amaiak, on afon aban ule dop Urgun on tini inane fute wo idinag go npalu ya." ¹⁸ Ago ibol ak gamu nam mel ta nek ibol iy tubulan igo won Sol malan lo yak ditapas tan na dudu ya. Agog malan ipuk go aban fon ile ya. Ago man imasa itur go suguek inane ya. ¹⁹ Agog anan yanig tinin fon dabai da ya.

Sol Damaskus na Anut san ru ifulale da

Sol nal aenta Kris tamolpein dida Damaskus na dumado se ya. ²⁰ Agog imasag itaot Juda sad ubou ab fidian lo

yang, Jesus san ru ifulale dugo ibol, "Jesus in Anut Nanun." ²¹ Tamolpein fidian a in awan dulong se yan durut saian geig go sed nug dusumiani dugo igo dubol se, "Dugo, tamol an in sen Jerusalem na tamolpein Jesus yanjan dupate dugo ifu dumat na yak nek emaiak i? Go in e ipalu yan tamolpein iburoup, inal pris gurman adi sad na diau wo ipalu yak i?" ²² Gug Sol san ru fulalek dabai geig ak ninen o, Jesus in Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

²³ Murnag saen kitek milaen mi yau dugo, Juda adi Damaskus na yan Sol dufuni wo dutumanig palan an dumari. ²⁴ Ak man tamol ta pasak nam irupei ilon a. Tidom ad panu san dalawan te ager adi tawan digane se ya. Sol ipalu dop diabip dufuni imat san mi a. ²⁵ Gug nal ta tidom lo Sol san megeloum adi dijaneg, diaug sep fog udou lo duyuweg, patun fo idu ya.

Sol Jerusalem na imul yau a

²⁶ Sol Jerusalem na yang ilo rumok adi luad isa wo igane yak gug, in Sol gamu Tubun en san megeloum mok an ilod ta rumok na yan lo ilod weiwei a. In fidian in ninen o tubun mi direr a. ²⁷ Ak man Barnabas Sol inane aposel adi sad na diau a. Agog Sol Tubun en Damaskus dal na ile yan, Tubun en ru irupei an dam irupidai dulong a. Agog Damaskus na Anut ru ifulale wo ta isuksuk na yan dam ibol idug dulong a. ²⁸ Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya. ²⁹ Sol in Juda tamolpein Grik ru dubol dan dida dinjen dugo nug aen ditog na ya. An ninen o dufuni imat o dal aban dile se ya. ³⁰ Agog saen ilo rumok adi ru an dulong tag, Sol dijaneg Sisaria na diaug Tarsus na didinig yau a.

³¹ Saen an lo Kris midaen Judea na, Sameria na, agod Galili na yan an fidian maror lo mi dumado na ya. Awan Urgun midaen dabai ipidinai dugo ilod yabisa se ya. Insan dabai lo midaen ilasag, tubun

kasik. Agod Tubun en niñen direr dugo inñsan ilobol lo mi dumado dutor se ya.

Ainias in Dorkas da

³² Pita panu panu itor nag, nal ta Lida na Tubun en san tamolpein ate dumado dan yil o yau. ³³ Aben an ate yau nag tamol ta nñen banin dumat ak ile ya. Tamol an yañan Ainias. Inñ anañar 8 nñion aben ta ibisei na ya. ³⁴ Pita tamol an irupeï, “Ainias, Jesus Kristus onñ ikubunio wo da. Masap, onñane nñion aben kubune.” Ainias ru an ilon go gamu nam imasag itur a. ³⁵ Saen tamolpein Lida na, Saron na dumado dan Ainias dileg Tubun en niñen o ilod lo rumok a.

³⁶ Jopa na pein ta yañan Tabita, inñ Kris pein ta. (Grik ru lo yañan Dorkas). Inñsan saen tubun mi man binawek urat mi igane da. Agod tamolpein filiad tia yak ibinawai se ya. ³⁷ Saen an lo subam inñaneg imat, agog tinin dufulanig galun lak na yak lo diganeg yen. ³⁸ Jopa nap Lida na wau man asau tia ya. Ago yak niñen o saen ilo rumok adi Jopa na yan Pita Lida na imado dak dulon tag, tamol uraru ru en disinig Pita san na diaug ilon diñane dugo durupeï, “Gidad manñsama na ririan palu.”

³⁹ Ago tag Pita tamol uraru an dida diau a. Saen dilasa yan Pita diñaneg galun lak na yan lo diau a. Ante man pein suos Pita dutor dulubanig ditata dugo, Tabita gamugo imat dugo bioun iwei na yan dukubiai pani a.

⁴⁰ Agog Pita fidian idinaig patun fo dilasa dugug turun isaluwig igudani gug, idanñsag naon Dorkas san sisanun ipani dugo irupeï, “Tabita, masa!” Ago ibol dugo Tabita malan ipuk go Pita ileg imasa ya. ⁴¹ Pita banin iwate dugo yabig imasa itur a. Agog Kris tamolpein inñ Kris suos dida igiaig, Tabita kumaen imado yan ikubiai dugo dile ya. ⁴² Ru an Jopa na ifurak go, tamolpein wei kasik Tubun en niñen o ilod lo rumok a. ⁴³ Agog Pita Jopa na saen milaen mi tamol ta yañan Saimon ida dumado se ya. Tamol an makau sunñulon, melmel funfun sunñulod ikubune dop igane igos da.

10

Konilias Pita iwagi a

¹ Sisaria na tamol ta yañan Konilias, inñ Rom sad yu gurman tubun a.* Inñsan doup ititianai dan yañad “Italian Sawar”. ² Inñ, inñanen samun fidian dida Anut yañan lo ubou dile da. Juda tamolpein filiad tia yan ibunawai siñjukan dop, pempem Anut igudani se ya. ³ Nal ta 3 klok guraian gudane san saen lo malan nñutun ta ile ya. Malan nñutun an lo Anut san enñel ta ipalug irupeï, “Konilias!”

⁴ Konilias irer an lo malan ti ibol go enñel an leil ipani dugo isumiani, “Tubun en. En dugo ya?”

Agog enñel awan yabig ibol, “Anut onñane gudane ilon a. Agod onñane binawek urat gane dan ileg, onñ o ilon isou da. ⁵ Ago yak niñen o tamol ta dinaip Jopa na diaup, tamol ta yañan Saimon Pita diñanep dida dupalu wa. ⁶ Inñ tamol ta yañan Saimon ida lon aen te dumado da. Tamol an melmel funfun sunñulod ikubune dop igane igos da.”

⁷ Enñel Konilias ibisei yau dugo, Konilias yu tamol kisaek, agod inñsan ab san urat pinein uraru dida igiaig dupalu ya. Yu tamol an dam Anut yañan isini san tamol, agod inñ Konilias san biabi nñilanj. ⁸ Agog melmel ilasa yan naod na ibol idug, idinaig Jopa na diau a.

⁹ Salsog dal na diau dugo, ad titiñjem itur an Pita igudani wo ab san funñ ilabakan an fo isida ya.† ¹⁰ Imatigen saian go anañ yani wo ilon tinin fidian ibol. Anañ dineid dumado dugo Pita malan nñutun ta ile ya. ¹¹ Malan isidag keit awan ipasig mel ta yamel onñ ak gigin iwoiwo atem diabi dugo duyuweg tan na idu dugo ile ya. ¹² Yamel an fo bor, anakanak, mot, mudan naon funfun yil a. ¹³ Agog awan ta iwagin go ibol, “Pita, masap mel an ufu idup wani.”

¹⁴ Ak man Pita ibol, “Tubun en, tia geig. Juda kagin lo mel ta nun dubol dan nñai gubak mi nñani man tia geig a.”

¹⁵ Ago tag awan an fon ibol, “Mel dugon Anut ikokan ibol ak, onñ waliñ ganep, nun ta ubol na wa.”

* **10:1:** Inñ keptan, 600 yu tamol ititianai a † **10:9:** Inñsad ab fidian sad funñ man ilabakan. Inñ pempem ate disida da.

¹⁶ Mel naon kisaek an mi ilasa utol gug, fon melmel an yamel anda imul keit lo yau a.

¹⁷ Pita malan n̄tun ile amaiak san fun kankan an igane dugo, Konilias tamol idinaig diau an Pita ab lo imado dan duloŋ tag dupalug ab awan te dutur a. ¹⁸ Ab muroun duwagiŋ go dubol, “Tamol ta etna yaŋan Saimon Pita imado di?”

¹⁹ Pita malan n̄tun amaiak kankan an iganed imado dugo Urgun irupeŋ, “Uloŋ, tamol utol oŋ abaŋa diabi da. ²⁰ An lo udup, dida au. Ilo weiwei umoi. Man dugo, n̄saiseg n̄dinaig, oŋsa na dupalu ya.”

²¹ Ago tag Pita idug irupidai, “Tamol abaŋale dan n̄ai nek en. An ata wo apalu yak i?”

²² Ago tag ru naon durupeŋ, “Yu gurman tubun ak Konilias idinamag mupalu ya. In tamol itaot mok, Anut yaŋan lo ubou ile da. Juda tamolpein dam tamol an yaŋan disini da. Anut san eŋel gun ak ta ipalug oŋ igiop inŋsan ab lo waup n̄iŋe dop iloŋ o ago eŋel an irupeŋ a.” ²³ Ago tag Pita tamol utol an igiaig diladug atna dida dien a.

Anut ilo rumok san dalawan Juda tia yak ate diladu wo ipasi a

Tidom lom mi, Jopa na ilo rumok adi aenta Pita luan disag, tamol utol an dida diau a. ²⁴ Tidom kisaek dal na dien gug Sis-aria na dilasa ya. Konilias inanen samun, turan muroun dam igiaig dupalu yan fidian Pita malan diganed dumado se ya. ²⁵ Pita ab lo iladu wo dugo Konilias yaug Pita naon na tubud igo woŋ turun isaluwi pani a. ²⁶ Gug Pita banin idug yabisag irupeŋ, “Masa, n̄ai man tamol nek oŋ igo ya.”

²⁷ Pita Konilias ru irupeŋ dugo ida ab lo diladug, tamolpein wei mi dumado dugo yil a. ²⁸ Agog Pita irupidai, “An alon ak. Juda sad kubiaen ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, n̄ai tamol ta nun ak ta n̄abol na wa. Ikok tia yak dam ta n̄abol na wa. ²⁹ Ago yak n̄iŋen o saen n̄ai n̄iŋeg o ru gane man ta n̄amoi na ya. Ata wo mok n̄ai n̄iŋeg o ru gane yak i?”

³⁰ Ago dugo Konilias ibol, “Nal utol yau la ya. Gamu saen nek igo 3 klok guraian n̄aisiganeg ab lo n̄ugudani dugo, gamu nam tamol kulos malan milkouk geig ak idirig naog na itur a. ³¹ Agog irupaiag, ‘Konilias, Anut oŋane gudanek iloŋ a. Agod binawek urat gane dan ile dugo oŋ ilon isou da. ³² Talpein ta dinaip Jopa na diaup, tamol ta yaŋan Saimon Pita n̄iŋen o dusumiai. In Saimon sen ak san ab lo imado da. Saimon an melmel sunulod ikubunep igane igos da. In loŋ aen te imado da.’ ³³ Ago yak n̄iŋen o gamu nam oŋ palu wo ru n̄igane ya. Agog oŋ gane fufeig palu ya. Gamu maŋ fidian Anut malan lo mumado da. Ak n̄iŋen o Tubun en ru dugon rupaiama malon o ibol man, ubol dop malon o tinima migane da.”

Pita Konilias san ab samun ru irupidai a

³⁴ Agog Pita inŋsan n̄iŋen fun iganeg ibol, “Gamu gug n̄alon la ya. Rumok, Anut san kagin panek tamol fidian lo man naon kisaek mi a. ³⁵ Enti a Anut n̄iŋen o imat dugo, inŋsan ilobol fom imado itor dak, gidad naon tinin sen ak an fidian injal a. ³⁶ Bilaluŋ uyan ak Anut maŋ Isrel tamolpein ipanama yan alon la ya. Bilaluŋ an man in Jesus Kristus ipilianig, tinin log id Anut da maror tumado da. Ago dugo Jesus in tamolpein fidian sad Tubun a. ³⁷ An kulob Isrel tan lo ilasa yan alon a. Jon suguek iganeg itout go, Galili na mel an fun ilasa ya. ³⁸ Jesus Nasaret tamol Anut ipilianig, in fo Urgun dabai da iganeg idu yan an alon a. In panu panu itor dugo binawek igane dugo, talpein enti ta ur saian sad gurman paen na dumado dan ikubuniai se ya. Man dugo, Anut in da dumado na ya.

³⁹ “In binawek urat Juda sad tan lo, agod Jerusalem na dam igane se yan maŋ malama lo mile ya. Agog aigim fo dibalig dufuni imat a. ⁴⁰ Gug nal utol itout an, Anut mateŋ lo ifufunig kumaen imasag, maŋ malama lo ilasag mile ya. ⁴¹ Tamolpein fidian ta dile na ya. Anut maŋ mitep fun mufulale san ipilianama yan mi mile ya. Maŋ nek kumaen imasa yan in da mani maluk na ya. ⁴² Agog Jesus sen ru dabai nam irupaiamag inŋsan ru tamolpein naod na mufulale wa, ago gug idinamag mau a. Maŋ tamolpein murupidaip, inŋsen man

tamol a tamolpein dumat la yan, agod a dumado dan dam, inşad bitinaek tamol imado dak ago murupidaip duloŋ an ru kagin irupaiaama ya. ⁴³ Profet fidian inŋ niŋen o igo dubol ilasa, ‘Tamolpein a fidian inŋ o ilod rumok dan, inŋanen yaŋan lo Anut inşad aupasek ipare idu pidinai a.’ ”

Tamolpein Juda tia yan Urgan diŋane ya

⁴⁴ Saen Pita inŋenŋ dugo, awan fom tamolpein a ru duloŋ dan Anut inŋanen Urgan iwali idug fidian diŋane ya. ⁴⁵ Ilo rumok adi a tini suŋulon tutek san muluŋ lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak oŋ Anut inŋanen Awan Urgan tamolpein Juda tia yan dam ipidinai a. ⁴⁶ Ata wo? Muroun ru funfun lo Anut yaŋan diabisa dugo duloŋ se ya. Ago dugug Pita imasag ibol, ⁴⁷ “Tamolpein en id Urgan tiŋane ago mi inŋ dam diŋane ya. An niŋen o, dugo, suguek diŋane an niŋen o talpein ta yabitanai san niŋen ka ru ibol ak i?” ⁴⁸ Agog Pita tamolpein an Jesus Kristus yaŋan lo suguek diŋane wo ru dabai nam irupidai a. Agog nal aenta inŋ dida dumado wo dusumiani tag atna dida dumado ya.

11

Pita melmel fidian ilasa yak san ru, a tini suŋulon tutek diŋane yan irupidai duloŋ a

¹ Tamolpein Juda tia yan Anut san ru diŋane yan san ru, aposel adi inŋ ilo rumok adi Judea na dumado yan dam irupidai duloŋ a. ² Ago yak niŋen o saen Pita Jerusalem na ipalu man, Juda ilo rumok adi tinid suŋulon dutute an Pita ai dupanig ³ dupei, “Oŋ tamolpein tinid suŋulon ta dutute na yan dida atumanig, ananŋ dam ani a.”

⁴ Ago tag Pita malan ŋutun ile yak san ru ibol idu, ⁵ “Nal ta Jopa na ŋugudani dugo, malag ŋutun en ŋile ya. Keit lo mel ta yamel oŋ gigin iwoiwo ate mi diabi dugug, duyuweg, naog na mok idu ya. ⁶ Yamel an fo man mudan naon funfun. Bor, mot, agod anakanak naon funfun dien a. ⁷ Agog awan ta irupaiaag go ibol, ‘Pita, masap, melmel an ufu idup wani.’ ”

⁸ “Ago tag ŋai ŋabol, ‘Tubun en, tia geig. Mel dugon Juda sad kagin lo nun man ŋai gubak mi ta mok ŋani na ya.’ ”

⁹ “Ago dugo awan keit lo yan fon ibol, ‘Mel dugon Anut ikok ibol dak, oŋ waliŋ ganep, nun ta ubol na wa.’ ¹⁰ Mel naon kisaek an mi ilasa utol gug, fidian mi imul keit lo isida yau a.”

¹¹ “Ago ibol gug tamol utol Sisaria nag Konilias ŋaisag na idinaig dupalu yan ab ŋai lo ŋumado yan san awan te dutur a. ¹² Urgan ŋai ilog weiwei ŋamoip, ririan inŋ dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya. ¹³ Agog Konilias irupaiaamag Anut san eŋel inşiganen ab lo ilasag inŋ da durupein an san ru ibol dugo malonŋ a. Eŋel an irupeig igo ibol, ‘Talpein ta dinaip Jopa na diaup, tamol yaŋan Saimon Pita niŋen o dusumiai. ¹⁴ Tamol a bilaluŋ irupaio wan lo oŋ agod oŋane samun fidian dam patu pasek diŋane wa.’

¹⁵ “Nai fun ŋiganeg ru ŋurupidai man, nek ibol fun mok lo Awan Urgan id tinid fo idug tiŋane yak igo wonŋ, ago mi inŋ tinid fo dam idug diŋane ya. ¹⁶ Ago dugug Tubun en ru ibol ak ilog isou, ‘Jon you nam suguek ipananŋ a, gug anŋ Urgan nam suguek anŋane wa.’ ¹⁷ Agod an kuai tem talonŋ, Anut id Jesus Kristus ilod lo rumok go Urgan ipanad, ago mi tamolpein Juda tia yan ipidinai a. Nai tamol naok dugo yak pe, Anut ata ilon ibol an ŋutute wak i?”

¹⁸ Saen ru an duloŋ man, inŋ ru taidam ad tia ya, tia, Anut yaŋan diabisa dugo dubol, “An rumok tap, Anut ilon yen man tamolpein Juda tia yan ilod ibileksap, kumaen pempem yen san diŋane wan san dal inŋ o dam ikasap yen da.”

Antiok na midaen foun ak ilasa ya

¹⁹ Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo inŋ Juda tamolpein mi Jesus san ru durupidai se ya. ²⁰ Ak man Saipras inŋ Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo duloŋ se ya. ²¹ Tubun en san dabai inŋ lo yen ak niŋen o tamolpein wei kasik ilod dibilisag, Tubun en ilod lo rumok a.

²² Ru an yang Jerusalem na midaen du-
lon tag Barnabas didinig, Antiok na yau
a. ²³ Saen Antiok na ilasag Anut san ilo
panek kulob funfun midaen an lo igane
dan ileg, ilon tubun mi uyanan a. Ago
tag tan suek ru irupidai, “Pempem Tubun
en awan kagin apani dop, ta mok abisei
na wa. Gidad, muruan saian ak gup ilom
tinim fidian in apani wa.” ²⁴ Barnabas in
tamol uyanan mok. In ilon Urgun agod
ilo rumok in anefuteg an lo in san urat lo
tamolpein wei mi ilod ibileksag Tubun en
san na diaug in anen tamolpein dilasa ya.

²⁵ Agog Barnabas Tarsus na Sol abanan
yabi wo yau a. ²⁶ Saen in Sol ile man,
in aneg ida Antiok na dumul a. Ananar
kisaek midaen an lo tamolpein doup tubun
dida dutumani dugo manau dipitenanai se
ya. Antiok na ilo rumok adi yanak Kris an
malmalan mok dinane ya.

²⁷ Saen an lo Tubun en san profet
aenkadi Jerusalem dibiseig Antiok na diau
a. ²⁸ Profet ta yan an Agabas lulunad lo
imasag, mitep tan fidian lo kadag tubun
idu wak ninen Urgun ikubiai pani dugo
ibol a. (Murnag Klodias Rom sad Kaisa
imado dugo Agabas awan aban an nunon
ilasa ya.) ²⁹ An lo man ilo rumok adi
in aned turad Judea na yan dubunawai o
dubol a. ³⁰ Agog in aned filiad iri panim
moni diganeg Barnabas Sol da moni
dupidinaig disini diaug Jerusalem na ubou
san gurman banid lo digane ya.

12

Herod Jems ifuni imat dugo Pita subanek lo igane ya

¹ Saen nek an lo mi Herod fun iganeg mi-
daen ilon lo tamolpein malad isue. ² In ibol
dugo Jon tein Jems sabiri nam dufuni imat
a. ³ Saen ago igane dugo Juda tamolpein
ilod uyanan ago ile tag, afon ibol dugo Pita
diabi a. (Juda sad soubul gun bret yis an
tia ak diani san saen lo Pita diabi.) ⁴ Pita
diabig, subanek ab lo diganeg, yu tamol adi
tawan an dumado se ya. Yu tamol malan
iwoiwo, go malan kisaek kisaek san tamol
dam iwoiwo. Malan ta tawan an dumado
nap, diau dop, fon malan ta dupalu se ya.
Herod in Juda sad nal gun tubun ak Pasova

dubol dan saen an itout gup, Herod Pita
malak malak lo kot ipani wo ilon ago isou
a. ⁵ Pita subanek ab lo imado dugo, Kris
midaen Anut Pita ibinawi wo gadin dabai
kasik digane se ya.

Anut Pita subanek lo ipasi a

⁶ Tidom a san salso lo Herod Pita kot
ipani san saen ilasa ya. Pita banin neinta lo
sein dususeg diaug, yu tamol banin aenta
ida dususe kisaek a. Banin aenta man
dinaneg sein nam yu tamol neinta dususe
ago mi digane ya. Ago dugo in sen man
titi naem yen. Yu tamol aenkadi man sub-
anek ab san dalawan te tawan dutur go
dumado se ya. ⁷ Aria tidom lak geig Tubun
en san enel ante itur dugo, san lilaman
subanek ab an ilon igane ilalan a. Agog
enel Pita giranen ifunig malan ipuk gug
irupei, “Masa kisaek on!” Enel ago ibol
dugo, Pita banin nudun te sein dien an sed
ditapas dudu ya.

⁸ Ago dugo enel Pita irupei, “Onsa ku-
los sendal dam diri.” Pita nek ago mi
igane dugo enel ibol, “Onane madid san
kulos nanep se ibuluwo gup, njeg aban uri.”
⁹ Agog Pita enel an njen aban irig subanek
ab san galun dibiseig kuai te dilasa ya. Mel
e ilasa den Pita san ilo sou lo man mel
nunon tia ya, in malan nutun mi ile dak ago
ibol a. ¹⁰ Ago dugo Pita enel da dupalug,
yu gurman tawan aben malan te itur dan
dirinani a. Agog tinin te itur an san aben
dam dirinani a. Wadan geig subanek ab
san dalawan tubun ain nam digane yan
fun na dilasa ya. Dalawan sen ilon nam
itapas, agog patun fo dilasa ya. Agog taun
an san dal an dirig kitek taida dilag asau
gug enel Pita ibisei a.

¹¹ Ago dugo Pita ilon ipasti gug kankan
in aneg ibol. “Gamug gug njalon ak, mel naj
lo ilasa man rumok a. Tubun en in san enel
idinig, ipalug naj ibinawag go Herod tuon
lo, agod Juda sad daon panek ilod isou dan
lo ipasag a.”

¹² Mel ilasa yan kankan an kitek igane
gug, Jon yan an neinta Mak dubol dan tinan
Maria san ab lo yau a. Ab an lo Kris ta-
molpein wei kasik dususag dugudani dugo
dumado se ya. ¹³ Pita dalawan ititi dugo,
urat pein ta yan an Roda, talpein dalawan

ititi dak naon ile wo ipalu ya. ¹⁴ Saen Pita kulagun ilon go ilon tubun mok uyanan. Agog dalawan ipasi san ilon inañ. Pein an imaspalu yaug, tamolpein dugudanid dumado dan naod na Pita ab patun fo itur dan niñen o ibol a. ¹⁵ Ak man in ilod lo ta rumok na tag dupei, “On nag njeo ifuno boi.” Ago bo man pein an kawan inñen on tag dubol, “An man Pita san mitilaen boi.”

¹⁶ Saen diñen se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a. ¹⁷ Agog lein tubun mi digane tag, awad itau wo banin nam toutou igane ya. Awad itau dugug, Tubun en in subanek ab lo inañeg ilasa yan fun ifulale dugo dulon a. Agog irupidai, “Ru en Jems in ilo rumok adi dida arupidai dulon.” Ago ibol go itout an ibisawaig, aben sen ta lo yau a.

¹⁸ Salso idug yu gurman a tawan dutur an lulanad lo lein tubun geig ak ilasa ya. Pita dugo yau an ta dulon na ya. ¹⁹ Herod ibol dugo abañan diabi ak gug tinin kitek dilet man tia geig a. Ago tag in yu tamol adi tawan dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yaug, atna kitek imado ya.

Herod san matej

²⁰ Herod Taia Saidon da sad tamolpein niñedi wo tinaen saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok in Blastus, Herod san ab san titianek, ilon diñane wo diau a. Agop in naod inañep Herod isumiani san a. Ago diganeg, in dida ilod kisaek. An lo diaug, Herod in dida maror dumado wo dusumiani a. Man dugo, in Herod san tan lo anañ diñane yan lo inñan binawek o tinid digane ya.

²¹ Blastas Herod san na yaug, nal igane wak niñen isumiani. Agog Herod nal igane yak fom inñiganen kin kulos iganeg, kin san kalik fufo imasig, tamolpein ru irupidai a. ²² Tamolpein inñan ru dulon dugo disasaig dubol, “En tamol san kulagun tia ya. Tia, en tubud ta inñen da.” ²³ Agog gamu nam Tubun en san enel ta Herod ifunig ibili idu ya. Man dugo, in tamol mi ibol ak imoi. Tia,

awan itaug Anut yanñan yabisa san imoi a. Agog kulilid inñan tinaen dianig imat a.

²⁴ Gug Anut san ru italbisi, ifurak go aben fidian lo yau a.

²⁵ Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yanñan neinta Mak dubol dan diñaneg dida diau a.

13

Urgun Barnabas in Sol da ipilianai idi-naig diau a

¹ Antiok na midaen ilon lo profet adi, agod girek manau adi dumado dan yanadi igo ya: Barnabas, Simion a yanñan neinta Niger* dubol da. Lusias in Sairini tamol. Manain man in Herod da dilasag ditalbusi kisaek. Agod Sol sen dam mi a. ² Saen Tubun en yanñan lo anañ geg diganeg dugudani dugo Urgun irupidai, “Nai urat ta amag da yak niñen Sol Barnabas da apilianai apanag.” ³ Anañ geg diganeg dugudani na yan itout gug Barnabas in Sol da gurnad fo banid diganeg bilalun urat banid lo digane gug didinaig diau a.

Barnabas Sol da Saipras na diau a

⁴ Barnabas in Sol da Urgun idinaig Selusia na diaug wog diñaneg Saipras nui lo diau a. ⁵ Atna taun ta yanñan Salamis dubol dak lo Juda sad ubou ab fidian lo Anut san ru dufulale se ya. Jon yanñan neinta Mak, inñad urat an lo ibinawai se ya.

⁶ Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yanñan Bar-Jisas, in yanñan neinta Grik lo Elimas dubol dan, imado se ya. In kiai tamol, agod profet sewak dam mi a. ⁷ Tamol an in nui an san kiap da nug turan. Kiap an yanñan Segius Polas, in tamol kankan anda ya. Tamol gurman an Barnabas in Sol da Anut san ru dufulale pani dop ilon o imat tag igaig inñan na diau a. ⁸ Ak man kiai tamol Elimas in an imoi. (In yanñan fun man: kiai tamol.) In tamol gurman Barnabas in Sol da sad ru ilon san imoi o igane dugo, Jesus o ilon ta rumok na yan ilon inñane wo maeg igane

* **13:1:** Niger san fun man bilkas.

ya. ⁹ Agog Sol yañan neinta Pol, Urgun buben inañefuteg malan ti ibol go Elimas ileg, irupeï, ¹⁰ “Oñ Satan san nanun, agod melmel dugon uyanan ak sad ager! Oñ tini man ru sewak agod sewak kagin naon fidian inañefute ya. Oñ pempem Tubun en san ru rumok an bilisap sewak oñ gane da. ¹¹ Gamu Tubun en san tuon oñ tini fo iganep ule wa. Oñ mala itaup ad san lilaman ta ule na wa. Agop oñ ago mado dop saen ipano yak fo gup abañ fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya. ¹² Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

Pisidia provins san taun tubun Antiok ante diau a

¹³ Pol turan dida Pafos nag diyawaig, Pamfilia distrik na taun ta yañan Pega ante dilasa ya. Nek ate gug Jon Mak ibisawaig imul Jerusalem na yau a. ¹⁴ Pega dubuseig Pisidia na taun ta yañan Antiok na diau a. Agog saen Sabat nal idug Juda sad ubou ab ta lo diladu ya. ¹⁵ Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol in Barnabas da sad na ru digane yaug dubol, “Añ teik adi, añ ru amam da dop man, tamolpein tan suek ru kitek arupidai o iloma ibol da.”

¹⁶ Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod añ aenkadi da Anut yañan abisa dan, kududom apanag! ¹⁷ Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diñane ya. Anut inñsiganen dabai tutubun ak lo injal go Igipta dibiseig dilasag diau a. ¹⁸ Agog anañar 40 tan kawan ak lo diau dugo, inñsad kagin sisaiak ile yak bo man sen yabituani dugo bu ta ipidinai na ya. ¹⁹ Kenan tan lo tamolpein malan 7 dumado yan iratitalaig tan an inañeg inañen tamolpein ipidinaig an taman dumado ya.

²⁰ “Agog anañar 450 itout dugo tamol tulek gurman† ipidinai a. Tulek tamol adi an paed na mi dumado dugo, yaug, profet Samuel san saen lo ilasa ya. ²¹ Agog Samuel inñ kin ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yañan Sol dubol dan, ipidinai a. Agog anañar 40 inañed kin imado ya. ²² Agog Anut Sol ipasi yau dugo inañen aben lo Dawid kin igane ya. Anut Dawid niñen o igo ibol, ‘Ñai Dawid, Jesi nanun inañen nao lalek ñukubiani uyanan a, inañen buben nek ibol ñaisag oñ, an lo ñai ilog ibol dak ago mi igane wa.’

²³ “Wagam mi mok Anut idsad tubud baged promis ipidinai ak inañed malad kubuladi lo patu pasek tamol ta ilasa wa. An lo gamu inañen promis ru an nuñon ilasa ya, Anut Jesus idinig Isrel sad patu pasek tamol ilasa wo ipalu ya. ²⁴ Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Añanem aupasek patum apanip, ilom abileksap, apalup suguek añane.’ ²⁵ Saen Jon inañen urat wadan ifutani wo sumeik dugo isumianai, ‘Añ ñai enti abol dak i? Ñai man tamol a malan agane dan tia ya. Tia, tamol an ñai ñieg aban fo ipalu da. Ñai inñsan sendal san kam ñupasi san ta idaisuda na ya.’

²⁶ “O teig muroug, Abraham malan kubulan, agod añ tamolpein aenta Anut yañan abisa dan kudom agure. Patu pasek san ru man Anut idsad na iganeg ipalu ya. ²⁷ Tamolpein Jerusalem na dumado dan, inañed gurman dida Jesus inñ patu pasek tamol an ta dile dulon na ya. An bo saen Jesus daon dupani wo dubol man, inñ profet sad awad aban Sabat nal fidian lo dusuti dan nuñon diganeg ilasa ya. ²⁸ Inñ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a. ²⁹ Agog saen ru Anut san buk lo melmel a inñ niñen o ibol an fidian digane itout man, aigim fo yak dupasig gib lo digane ya. ³⁰ Ak gug Anut Jesus maten lo ifufunig afon kumaen imasa da ya. ³¹ Agog nal wei kasik Jesus tamolpein Galili nag ñien fo Jerusalem na dupalu yan

† 13:20: Jas

naod na ilasa dugo dile ya. Tamolpein an gamu Isrel tamolpein naod na Jesus rumok dile yan ninen dubol ilasa dugo inſan ru durupidai duloŋ da.

³² “Promis a Anut idsad tubud baged ipidinai an nuŋon ilasa ya, an ninen o maŋ gamu bilalun an misini mupalug murupaiŋ dugo aloŋ da. ³³ Promis an san nuŋon ta dile na ya, tia, Anut iganeg Jesus mateŋ lo imasag kumaen imado dan lo mi, id inaned malad kubuladi an nined o mi promis ru an nuŋon ilasa dugo tile ya. Ru ta Isrel sad bar yabek namba uraru lo yan igo ibol,

‘On ŋaineg Nanug mok;
Gamu saen en ŋai on Tama ŋumado wa.’

³⁴ Agog Anut mateŋ lo ifufunip, fon kumaen imasap, fon imat pe igan san tia yak ninen ru en ibol,

‘Ŋai an bar gun ak ŋupanaŋ a. Nek imug ŋai Dawid promis ru ŋupani ak ago mi ŋupano mok a.’

³⁵ Ago man bar yabek sen ak san boi ta lo dam igo ibol,

‘On onane Tamol Gun ak ulefuni dop gib lo igan san tia ya.’

³⁶ “Dawid inſan saen san tamolpein luluŋad lo Anut ilon yen ak fom urat igane se ya, agog saen inſan urat igane itout man, imat a. Agog inanen bagen muroun sinjired na disareg, inſan sisanun igan a. ³⁷ Ak gug tamol a Anut mateŋ lo ifufunig kumaen imasa yan, tan ilon lo igan man tia ya.

³⁸ “Teig taog, ŋai ilog ibol dak an fidian mel en aloŋ uyanan a. Jesus nek emaiak lo Anut ka ananem aupasek fidian ipare idu wa, ru amaiak gamu murupaiŋ dugo aloŋ da. ³⁹ An Moses san kubiaen lo itaot alasa san tia ya. Gug Jesus lo man, talpein in o ilon lo rumok dan Anut malan lo itaot ilasa wa. Melmel a kubiaen mi igane san ta idaisuda na yan, an fidian Jesus mi ka igane wa. ⁴⁰ Ago yak ninen o kagin agane. Profet adi ru dubol an an lo ilasa banau. In igo dubol,

⁴¹ ‘An ru kukok agane dan, ale.

Ilom weiwei dop arut pe adeg au.

Ata wo? Ŋai kulob ta anſam saen lo ŋigane wan ninen,
gidad enti ta mel an ninen durupaiŋ an bo man,

an pempem ilom lo ta rumok na wa.’ ”

⁴² Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop duloŋ o dusumi-anai a. ⁴³ Agog gurman adi tamolpein tumanek dibiseip diau o dubol dugo, Juda tamolpein, in a ta Juda na yak gug Juda sad ubou lo diau dan dam, Pol in Barnabas da ŋied fo diau a. Ago dugo uraru an tamolpein tan suek ru durupidaig dubol, “An Anut san ilo muŋanek ipanaŋ dan lo atutou yau on a.”

⁴⁴ Ubou kisaek yaug Sabat nal idu yan lo tamolpein kitek wei mi geig taun an lo dumado dan, Tubun en san ru duloŋ o dususag dutumani an malan tubun geig a. ⁴⁵ Agog saen Juda adi aban ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

⁴⁶ Ago man Pol in Barnabas da ta dusuksuk nag ru naon igo durupidai, “Anut inſan ru malmalan an murupaiŋ aloŋ o ru kagin irupaiama ya, gug anſam leil lo man an ibol tamolpein kumaen pempem yen dan diŋane san ta idaisuda na yak igo won a. An Anut san ru amoi an ninen o, maŋ gamu miriŋanaŋ pe Juda tia yak sad na mau a. ⁴⁷ Man dugo, Tubun en sen ru kagin irupaiamag ru en ipanama,

‘Ŋai ŋiginiog on Juda tia yan sad sul mado wa.

An lo dop ŋaisag patu pasek sini waup, tamolpein a tan titin wadan fidian lo dumado dan diŋane wa.’ ”

⁴⁸ Saen tamolpein Juda tia yan ru an duloŋ man, ilod tubun mi uyanan go, in bubed lo Anut san ru lak na geig disini a. Agod tamolpein a Anut gubak mi kumaen pempem san diŋane wo ipilianai amaiak fidian ilod lo rumok a.

⁴⁹ Tubun en san ru taun an san panu susumeik an lo ifufurak go yau a. ⁵⁰ Ak man Juda tamolpein dumasag, taun an san tamol gurman ated dusue ya. In pein yanad anda yak Anut ubou an dile dan dam ated dusue ya. An lo Pol in Barnabas da muruan in madai da dupidinaig dukudaig, aben an dibisei a. ⁵¹ Tamolpein an Anut san kagin panek ru duloŋ o dumoi an ninen o, aposel

adi njed fo gufgaf an dipilti idug, Aikoniam na diau a. ⁵² Antiok na ilo rumok adi yousai agod Urgan da tinid inane fute g dumado ya.

14

Pol in Barnabas da Aikonium na ru dufule ya

¹ Kagin naon kisaek an ago mi Aikoniam na ilasa ya. Pol in Barnabas da Juda ubou ab lo ru dufule uyanan mok an lo Juda adi agod Juda tia yan dam wei mi ilod lo rumok a. ² Gug Juda aenta Anut san ru duloŋ o dumoi, agog tamolpein Juda tia yan ated dusueg, insad kankan dukubulig an lo Pol in Barnabas da dil saiadi. ³ Gug Pol in Barnabas da atna saen kitek milaen mi dumado ya. In ta direr na ya, tia, Tubun en san ru inanen ilo panek san an dubol ilasa dugo, Tubun en insen dabai a ipidinai an lo tamolpein ikubiai dileg inanen ru an rumok a. Man dugo, aposel uraru an insan dabai nek amaiak lo kulob girager funfun digane se ya. ⁴ Taun an san tamolpein ditarpaleg malan uraru. Aenkadi Juda dida dutur, go aenkadi man Pol in Barnabas dida dutur a. ⁵ Tamolpein Juda tia an inaned gurman dida, agod a Juda yan inaned gurman dam dida Pol in Barnabas da daon dipidinaip pat nam dufup dumat o palaŋ ad dumari se ya. ⁶ Saen aposel ru an duloŋ tag, dusol go distrik Likonia na taun uraru Listra in Derbe da, agod panu susumeik an lo dam diau a. ⁷ Ante Jesus san bilaluŋ uyan an san fun dufule se ya.

Pol taun Listra Derbe da lo imado ya

⁸ Listra na tamol ta imado. In tinaen lo mi njen imat, agod itor san tia ya. ⁹ Saen Pol ru ifulale dan in dam doup luluŋad lo imado dugo kududon igure se ya. Pol tamol an malan ti ibol go, ilon lo rumok ile yak njen o ilon ak, Anut tamol an ka ibinawi wa. ¹⁰ Ago tag Pol awan tubun mi irupej, “Masap! Itaot utur!” Agog tamol an gamu nam imasag itur go itor ila iso se ya.

¹¹ Saen tamolpein Pol ago igane yan dile man, insigned Likonia muroun ru

lo duwagin go dubol, “Tubud adi dibilisag, tamol on go idsad na dupalu ya.”*

¹² Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya. ¹³ Seus san tempel taun an san ar patun fo yen da. Seus san pris makau tamol ak inal go mor dam isinig, tan san dalawan in tamolpein dida aposel yai digane pidinai o ante dupalu ya.

¹⁴ Saen Pol in Barnabas da tamolpein kulob dugdugo digane dan duloŋ ak man, in kagin an dumoi tag insed tinid fo bioun an dirasisire idug, dumaspalug, doup luluŋad lo diladug disasaig dubol, ¹⁵ “An ata wo igo agane dak i? Man dam tamol nek an igo mi a. Man bilaluŋ uyan ak ta Jesus njen o misini mupalu da. Mansama ru an alon dop kagin sewak agane dan patun apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a. ¹⁶ Imug mi man in tamolpein yilfu dugo inaned ilobol mi digane na ya. ¹⁷ Gug in pempem mel sisinaok igane ilasa na yan lo insen fun ikubiai ale se ya. In ui iganep, keit lop idu da. Nal fom anaŋ iganep ilasa da. Anaŋ ipanaŋ dugo ilo uyan dam ipanaŋ da.” ¹⁸ Pol in Barnabas da ru ago dubol gug tamolpein man yai digane mok o yaes ifu da, an njen o diabituanai o muruan geig a.

¹⁹ Agog Juda aenkadi Antiok Pisidia provins atna yan, Aikoniam na yan dam dupalug, doup ilod dinaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a. ²⁰ Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

Pol Barnabas da taun Antiok a Siria na yan ante dumul a

²¹ Pol in Barnabas da Derbe na Jesus san bilaluŋ uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam nag, Antiok o Pisidia na

* **14:11:** Grik insad tubud sewak wei mi. Tubud an sad gurman yan an Seus. Agod insan awan njalan man Hemis.

yan lo dilasa ya. ²² Atna ilo rumok adi inaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.” ²³ Midaen kisaek kisaek lo, tamol a Tubun en ninen o ilodi rumok dan luluᅇad lo Pol in Barnabas da matu aenkadi dipilianai pidinai a. Agog nined dugudani wo anan geg diganeg, dugudanig, Tubun en banin lo didirai diau a. ²⁴ Agog dibisawaig Pisidia provins na ditilianig itout go Pamfilia provins na diau a. ²⁵ Taun Perga na Anut san ru dufulale itout go lon na diaug taun Atalia na dilasa ya. ²⁶ Murnag wog dinaneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo inᅇsan ilo panek paen na urat digane wo idiraig dutor nag, gamu wadan dufutani a.

²⁷ Antiok na dilasag ilo rumok adi dutumanaig, Anut urat in lo igane na yan san ru durupidaig dulon a. Agog Anut tamolpein Juda tia yan ilod lo rumok san dal ipasi an dam dubol dulon a. ²⁸ Agog saen milaen mi ante ilo rumok adi dida dumado se ya.

15

Aposel gurman dida Jerusalem na dutumani a

¹ Tamol aenkadi Judea na yak Antiok na diaug, fun diganeg ilo rumok adi dipitenanai dugo dubol, “An Moses san kubiaen ibol dak fo mi tinim sunulon atute wa. Tia dop, Anut an patum ta ipasi na wa.” ² Pol in Barnabas da ru an ninen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an ninen o dukubiai a.”

³ Agog midaen didinaig, Jerusalem na diau. Fonisia in Sameria da sad dal imturen diabi dugo, tamolpein Juda tia yan ilod lo rumok go ilod dibilisa yan san sae dusue se ya. Ilo rumok adi fidian ru dulon an ilod tubun mi uyanan a. ⁴ Saen Jerusalem na dilasa yan aposel adi, matu adi, agod midaen fidian dupalug duyunanai se ya. Agog Anut in lo dugo

igane na yan naod na dubol ilasa dugo dulon a.

⁵ Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi luluᅇad lo malan kisaek dumado na ya. Tamol emaiak dumasag igo dubol, “Arupidai dulon pe, tinid sunulon dutute dop Moses san kubiaen ibol dan ago mi duri dupani. Kagin an ta dirinani na wa.”

⁶ Ago tag aposel adi in matu dida dutumanig muruan an ninen o dinin a. ⁷ Ninen diganeg yang milaen dugo Pita imasag ibol, “Teig muroug, an alon a. Malan malan mok Anut an luluᅇam lo nai ipilianag a. Agop tamolpein Juda tia yan nai awag lo Jesus san bilalun uyanan an dulon pe, ilod dibilisap, ilod lo rumok a. ⁸ Ago dugo Anut a idsad bubed ilon dan inᅇsan rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a. ⁹ Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a. ¹⁰ Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaen burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya. ¹¹ Ak man id igo ilod lo rumok, nek ibol Tubun en san ilo panek an lo patud ipasi wak igo won, in dam ago mi patu pasek dinane wa.”

¹² Doup tumanek lo yan fidian awad itaug dumado dugo Pol in Barnabas da tamolpein Juda tia yan luluᅇad lo Anut in lo kulob girager dugo igane na yan ninen durupidaig dulon a. ¹³ Inaned ru dubol itout man Jems imasag ibol, “Teig taog, kududom agure! ¹⁴ Anut imug mi Juda tia yan sad na ilasag luluᅇad lo tamolpein aenta inal pe inanen yan an disini wo sad na yau a, an san ru Saimon irupaiad la ya. ¹⁵ Agod ru a Saimon ibol an profet adi sad awad aban da awad dutumani kisaek a. Inᅇsad ru igo ya,

¹⁶ “Tubun en ibol, mel en itout gup nai namul da wa.

Agop Dawid san ab yau idu yan fon
 ṅabisa da wa.
 Ab saian an ṅabisap, afon ṅususep uyan ilasa
 da wa.

17 Ago yak ninen o tamolpein aenta fidian
 Tubun en abañan diabi wa.

Agod Juda tia yan fidian a ṅai yaṅag
 tinid fo yen dan dam ago digane wa.’

18 Tubun en mel an fidian, fun log ipalug
 gamu kuai tem tamolpein duloṅ san
 ak idirig, ago ibol ilasa ya.”

19 Agog Jems fon ibol, “Naisiganeg kankan
 lo yak ṅabol da. Id tamolpein Juda tia yan
 dibilisap naod Anut dupani dop muruan
 ta tupidinai na wa. 20 Tia, girek ta tigirep
 ru igo turupidai a. In mel dugon tubud
 sewak yai digane pani dan diani dop lo sed
 ilod nun dupani wo dumoi a. Jeit kagin
 ta digane na wa. Mel a buron dususe gug
 tinin ilon lo san dar yen dan mudan ta
 diani na wa. Agod san dar dam ta diani na
 wa. 21 Id ru kagin taida turupidai san urat
 tia ya. Man dugo, wagam id baged sad saen
 log ipalug gamu, Moses san kubiaen Sabat
 nal anen anen Juda sad ubou ab fidian lo
 dusuti da. Ago dugo inṣan ru panu fidian lo
 dufulale da.”

Inṣad girek digire yan san ru

22 Agog aposel, agod matu adi dida mi-
 daen fidian dutumanaig, awad kisaek gug
 tamol ta dipilianaip Pol in Barnabas da
 dida Antiok na diau wo dubol a. Agog
 Sailas, in Judas yaṅan neinta Basabas
 dubol dan dipilianai a. Tamol uraru an
 ilo rumok adi luluṅad lo yaṅad ad da ya.
 23 Girek a digireg disini diau o dupidinai an
 san ru igo ibol:

“An ilo rumok Juda tia yan, Antiok na
 Siria na agod Silisia na amado dan,
 maṅ aṅanem teim taom, aposel agod
 matu adi dam maṅanema ilo uyan
 aṅsam na migane ipalu da.

24 Maṅ malon ak maṅsama tamol aenkadi
 aṅsam na diaug ru dubol an lo an ilo
 wei dupanaṅ dugo aṅanem kankan
 dukubuli a. Maṅ in ago digane wo ru
 kagin ta murupidai na ya.

25 Ago tag maṅ fidian mutumanig iloma
 kisaek go tamol aenkadi mipilianaig
 midinaig aṅsam na dupalu da.
 Idaned turad mok Barnabas in Pol
 da dida dupalu da.

26 Tamol uraru an idsad Tubun ak Jesus
 Kristus yaṅan disini wo saen wei mi
 sed tinid dibisei se ya.

27 Aria, maṅ Judas in Sailas da mipilianaig
 dida dupalu wa. Tamol uraru en ru
 a migire yan sed awad nam durupa-
 iaṅ dop alon a.

28 Maṅsama ilo sou lo, agod Urgun san ilo
 sou lo dam, mel en mi uyanan a.
 Maṅ in da sisem murupaiaṅ dak, an
 muruan ta fon kubiaen en subuṅan
 tinim fo ta migane isuda na wa. Ka-
 gin nek en mi agane wa.

29 Anan tubud sewak dupani ak ta ani na
 wa. Dar ani amoi. Mel ta buron
 dususeg san dar tinin ilon lo yen dan
 ta ani na wa. Jeit ta agane na wa.
 Kagin naok ago yan lo tinim apirani
 tap, nek an agane uyanan a. Nek a.”

30 Midaen girek an banid lo diganeg did-
 inaig Antiok na diau a. Antiok na dilasa
 gug ilo rumok adi fidian dutumanai gug
 girek an dupidinai a. 31 Agog an san ru
 dusuti a. Dusuti man, san tan suek ru
 duloṅ dugo yousai tubun mi digane ya.

32 Judas in Sailas da sisem sad teid taodi ru
 wei mi nam tan suek ru dupidinaig dabal
 dupidinai a. Man dugo, tamol uraru en
 dam Anut san profet mi a. 33 Antiok na
 kitek dumado gug ilo rumok adi maror
 lo mi didinaig dumul go, siganed na diau
 a.* 35 Ak man Pol in Barnabas da Antiok
 na dumado dugo, ante tamol aenkadi wei
 mi dida Tubun en san ru dufulale dugo
 tamolpein maṅau dipiteṅanai se ya.

Pol in Barnabas da ilod ta kisaek na yan lo sensen diau a

36 Murnag Pol Barnabas irupei, “Id taup,
 teid taod Kris a panu panu imug taug
 Tubun en san ru turupidai se yan ate tau
 a. In dugo dumado dan teil a.” 37 Barnabas
 awok ibol ak gug Jon a yaṅan neinta Mak
 dubol dan dida diau o ilon ibol a. 38 Ak man

* 15:33: Boi 34 an Grik lo tia ya. v 34 Ak man Sailas gidad inṣan ilo sou lo aben an ta ibisei na man uyanan a.

Pol Jon dijanep ida diau san an ta uyan na yak ago ilo sou igane ya. Man dugo, gubak mi in Pamfilia na urat digane dugo, Jon dida urat digane yau o imoig ibisawaig imul yau a. ³⁹ Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yanjan neinta Mak injaneg ida wog dijaneg Saipras nui na diau a. ⁴⁰ Gug Pol Sailas injaneg, ilo rumok adi dutumanig Tubun en san ilo panek lo kagin ipidinai o dugudani gug, urarum didinaig diau a. ⁴¹ Agog in Siria nag Silisia na midaen fidian dabai dupidinai dugo diau se ya.

16

Timoti, Pol in Sailas da luad isag dida diau a

¹ Pol turen ibateg Derbi na agod Listra na yau a. Atna ilo rumok pinein ta yanjan Timoti imado se ya. In tinaru Juda. Agod in dam ilo rumok pein ta. Gug taman man in Grik tamol. ² Listra in Aikoniam da sad ilo rumok adi fidian Timoti dupitiani da. ³ Pol in Timoti injanep ida diau o ilon yen tag ibol dugo Timoti tinin sunulon dutute ya. Man dugo, Juda panu fidian lo dumado dan dulon, Timoti taman man in Grik tamol. ⁴ Saen panu fidian lo diau se yan kubiaen aposel adi in matu dida Jerusalem na digane yan ilo rumok adi dupidinaig, kubiaen an mi duri dupani wo dubol a. ⁵ Ago yan lo midaen inaned ilo rumok dabai dupanig, midaen fidian nal ate mi tubun ilasa se ya.

Pol malan n̄tun lo Masedonia tamol ta ile ya

⁶ Urgun in Esia san tan fidian lo Anut san ru dubol ilasa wo man geg ipidinai a. Ago tag in Frisia na, agod Galesia na mi turen diabi na ya. ⁷ Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya. ⁸ Ago tag Misia na diau on go, Troas na dilasa ya. ⁹ Atna tidom lo Pol malan n̄tun lo Masedonia tamol ta itur dugo iwagi dan ileg igo irupei, “Ete Masedonia na palup man binawama.” ¹⁰ Saen Pol mitilaen an

ago ile man, gamu nam man ru kagin irupaiamag Masedonia na mau san aban mukubune ya.* Man dugo, mitilaen an man kankan ipanama yak, Anut man atna maup bilalun uyanan an tamolpein sad na mufulale wo igiama ya.

Filipai na pein ta yanjan Lidia in ilon lo rumok a

¹¹ Troas na wog minjaneg tim idudunamag itaot geig Samotres na mau a. Agog maen, mumasag, Niapolis na mau. ¹² Atnag njema nam maug, Filipai na milasa ya. Masedonia distrik lo Filipai in taun malan te ya. Taun an Rom gabman inane ya. Man atna kitek dam mumado ya.

¹³ Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya. ¹⁴ Pein a ru dulon na yan lulunad lo kisaek ta yanjan Lidia. In Taiataira pein. In yamel daran naon lak na geig ak in san na didad da. Pein an in Juda tia yak gug in Anut o ubou ile da. Saen Pol ru ibol dugo Tubun en iganeg buben isofulale dugo inanen ru inane uyanan go ilon lo rumok a. ¹⁵ Agog Lidia inanen ab samun dida fidian suguek dijaneg gug isumianama, “Ananem ilom lo n̄ai akubianag ak Tubun en san ru njiganuri dan ilom ago isou tap, apalup n̄aisag ab lo tumado wa.” Ago dugo Lidia dabai igane on tag ida mau a.

Pol in Sailas da dusubani a

¹⁶ Nal ta man gudanek aben lo mau dugo, dal na urat bigabeg pein ta ipalug iliama ya. In ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi inanen tirnek tamol adi inane pidinai da. ¹⁷ Pein an man Pol da njema aban irig isasai dugo, igo ibol se, “Tamol en in Anut lak na geig ak san urat tamol. In dal dugo lo patu pasek anane san ak dubol ilasa da.” ¹⁸ Nal wei kasik ago iginiamag, Pol tinjan saian tag nal ta idansag, ur saian an ipei, “Nai on njurupaio da, Jesus Kristus yanjan lo pein an biseip

* **16:10:** Ete Troas na Luk in sen luad isag dida diau a.

lasa wau.” Ago dugo gamu nam ur saiak pein an ibiseig ilasa kisaek onj a.

¹⁹ Urat bigabeg pein an san tirnek tamol adi moni diñane san dal itau an dile tag, Pol inj Sailas da duburoug, diriaig didaen aben lo kot dupidinai o diau a. Ante gurman adi naod na dugunai a. ²⁰ Agog inj Rom san tulek tamol an naod na ru dupidinaig dubol, “Tamol en Juda tamol. Inj idsad taun lo muruan digane da. ²¹ Inj kagin idsad kubiaen lo geg an tamolpein dipiteñanai da. Id Rom tamolpein injsad kagin dubol dan tiñane dop tiri san tia ya.”

²² Agog doup tubun an dumasag, Pol inj Sailas da dufu wo fun digane. Tulek tamol an Pol inj Sailas da tinid fo kulos disire idug, bu dupidinai o dubol. ²³⁻²⁴ Agog dufu saian go subanek ab lo didirai a. Tamol a subanek ab ititiani dan isubanai sakar o durupeï tag, ibilai galun ilon lo geig ak lo diladug, ai lapan uraru muruadi ak nam njedi ipini a.

²⁵ Tidom luak igo wonj Pol inj Sailas da Anut dugudani dugo bar diabi se ya. Ago dugo subanek tamol fidian awad dulon se ya. ²⁶ Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog njed banid lo sein a ate dubahanai an sed itapas diau a. ²⁷ Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, injsiganen sabiri igursig, nam sen ifuni imat o sumeik a. ²⁸ Ago dugo Pol awan tubun mi iwagin go ibol, “Se ifuno umoi. Manj tet mi mumado da.”

²⁹ Subanek ab san titianek lam disini dupalu wo iwagin. Agog isuruwor onj imaspalug iladug, Pol Sailas da njed fun na turun isaluwig idu ya. ³⁰ Agog injal go patun fo dilasag isumianai, “Nai dugo njiganep lo patu pasek njiane wak i?”

³¹ Agog ru naon durupeï, “Onj Tubun en Jesus njinen o ilo rumok tap patu ipasi wa. Onjane ab samun dam patud ipasi wa.”

³² Agog Tubun en san ru injanen ab samun dida naod na dufulale ya. ³³ Tidom an lo mi subanek ab san titianek Pol inj Sailas da dufunai na yan sad baob ifulanig ifou pidinai. Injanen samun fidian dida ilod lo rumok go

suguek diñane ya. ³⁴ Agog Pol inj Sailas da injal go ab lo disidag ananj ipidinaig diani. Titianek an injanen samun dida ilod tubun mi uyan a. Man dugo, inj gamu Anut ilod lo rumok.

³⁵ Tidom lom mi tulek tamol adi injsad aikatuk adi didinaig diaug subanek ab san titianek igo durupeï, “Tamol uraru an paskaip diau a.”

³⁶ Ago tag titianek tamol an Pol irupeï, “Gurman adi onj Sailas da njubusawan pe alasa wo uyan dubol a. Ago yak njinen o an maror lo mi au a.”

³⁷ Gug Pol aikatuk an irupidai, “Manj mel ta migane saian man tia ya. Agod mel an fun njinen o ta dusumianama na ya. Manj bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Manj ta mok mau na wa! Gurman adi injsed mok dupalup, dupasamap milasa gup mau a.”

³⁸ Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da inj Rom tamol an dulon man direr saian geig a. Man dugo, kabelan inj dam naon diñane banau. ³⁹ Ago tag diaug, Pol inj Sailas da naod na inj digane saian ak njinen o injaned muruan ilod injaon o dugudani a. Agog diñal go subanek aben dubuseig dilasag, panu dubuseip diau o dusumianai da. ⁴⁰ Ago tag Pol inj Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

17

Pol Tesalonaika na Anut san ru ifulale ya

¹ Pol injsan urat kisaek ak dida turen di-abig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da. ² Pol injsan kagin mi irig ubou ab an lo iladug Sabat nal utol tet mi tamolpein dida ru Kristus njinen o Anut san buk lo yen dan njinen o ru dabai lo dida diñinen se ya. ³ Inj mel en ifulale pidinai a, Kristus muruan madai da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-rijani san tia geig ak njinen o kuai te ikubiai pidinai o maeg igane

se ya. Ago dugo igo irupidai, “Jesus nek e ninjen o nabol ilasa den inſen mi Kristus.”
⁴ Juda aenkadi ru a Pol ibol ilasa se yan rumok dupanig Pol in Sailas da luad disa ya. Ago dugo Grik tamol aenkadi Anut o ubou dile dan, agod pein yanad anda yak aenkadi dam nek ago mi digane na ya.

⁵ Ak man Juda aenkadi Pol san urat dileg, turak dususa se ya. Ago tag tamol saia di a taun san tumanek aben lo kawan dumado dan diſal go dutumanai a. Agog in tamolpein taun a lo dumado dan fidian bubed diabisag, Jeson san ab digileg, Pol in Sailas da abanad diabi se ya. Inſad ilo sou lo man dilaip duburoup, tamolpein malan tubun an sad na diſal diau o digane. ⁶ Ak man ta dil na tag Jeson in ilo rumok aenkadi dida diſal go taun an san gurman adi sad na diau. Agog duwagin go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya. ⁷ Agog Jeson tamol an inſal go inſan ab lo dida dumado da. In fidian Kaisa san kubiaen igane yan dipilali dugo, kin neinta imado dak ago dubol a. Kin an yan Jesus dubol da.” ⁸ Saen ru an dubol man tamolpein malan tubun an, in taun san gurman dam fidian tinjad saian dugo ta dumado wo uyan se na ya. ⁹ Ago tag gurman adi moni sapita Jeson ipidinai dop diſane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta inane da na wa. Agog Jeson moni an inane ipidinai gug, ka diau ak ago dubol tag, Jeson tein taon Kris an inſal go dida diau a.

Beria na tamolpein wei mi Jesus o ilod rumok a

¹⁰ Saen tidom idu dugo, ilo rumok adi Pol in Sailas da didinaig, Beria na diau. Diaug dilasa man Juda sad ubou ab ta lo diladu ya. ¹¹ Juda adi ete dumado den a Tesalonaika na dumado dan ago tia ya, tia, in kankan uyanan ad da ya. Ago yan lo Pol san ru diſane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya. ¹² Amaiak ninjen o Juda wei kasik ilod lo rumok a. Grik pein kitek wei mi

yanad ad da yak, in Grik tamol dida ilod lo rumok a.

¹³ Saen Juda adi Tesalonaika na yan Pol Beria na Anut san ru ifulale dan dulon tag dupalug, tamolpein ated dusue dugo tinjad saian se ya. ¹⁴ Ago tag gamu nam ilo rumok adi Pol didinig, lon na yau a. Gug Sailas in Timoti da man Beria na dumado se ya. ¹⁵ Tamol a Pol diſaneg ida diau man diaug, Atens na geg gug tamol an afon idinaig Sailas in Timoti da ririan in luan disa wo ru iganeg sad na yau a. Agog saen ru diſane man Beria dibisei kisaek on go inſan na dupalu ya.

Pol Atens na ru ifulale ya

¹⁶ Saen Pol Atens na Sailas in Timoti da malad igane dugo, taun an ilon lo tubud sewak an mitilaedi wei mi yil dugo, ilon imasag ilon muruan geig a. ¹⁷ Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diſin in ila iso se ya. Nal pempem ensauta daden aben lo dumado tap, tamolpein an dam ru irupidai dop dida diſin in se ya. ¹⁸ Ago dugo manau tamol malan uraru dida diſin in dugo nug aen ditog. Malan ta yanad Epikurian, malan neinta yanad Stoik. Malan uraru an lulanad lo aenkadi igo dubol, “Ak dugo, awa you manau an tia amaiak dugo ibol o maeg igane dak i?” Ago dugo aenta dubol, “In tag tubud gol ak ninedi wo ru ifulale dak boi a.” In ago dubol dan fun man, Pol in Jesus agod inſan mater lo kumaen imasa amaiak san ru ifulale se ya. ¹⁹ Aria, Atens ilon lo bubun ta yan Ariopagus dubol da. Aben ante taun an sad kaunſil dutumani da. Agog diſaneg Ariopagus tumanek aben ate diſaneg diaug durupe, “Onsa pitenanek foun an naoma na ubol ilasa dop ka malon ak i? ²⁰ Onsa pitenanek senamo geig ak kududoma lo ililan da. Ago yak ninjen o melmel an sad fun malon mok o iloma yen da.” ²¹ Atens tamolpein, agod gol tamolpein aenkadi dupalug dumado dan in melmel foun ilasa dan ninjen o mi nug naon na dubol dop dulon o dumat da. Inaned saen tubun mi ago digane da.

²² Ariopagas gurman a dutumani an naod na Pol imasa itur go ibol, “Anj Athens tamol kududom agure. Naisag leil lo man, ananem kagin fidian lo tubud adi ubou ad ale wo yaes isofutanan da. ²³ Man dugo, saen nai anksam taun ilon lo ntiliani nator se man, malag yaug melmel a lo ubou amad ale dan neil a. Ago dugo alta ta fufo girek ta igo digire yak nile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu anksam na nabol ilasa wo da. ²⁴ Anut a tan in keit da iganeg mel fidian ilon lo dam idiri an, in sen keit agod tan da sad Tubun ak imado da. Agod in tempel tamolpein banid nam dufou yak lo ta imado na da. ²⁵ Agod in mel o katukan dop tamol banid nam ta dibinawi na da. Man dugo, in sen amaiak tamolpein fidian kumaen di ur, agod mel fidian dam ipidinai da. ²⁶ Tamol kisaek mi igane gug lo tamol naok funfun ilasag, tan fidian lo dumado da. Gamugo iginiai dugo, in sen mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a. ²⁷ In ago igane yan lo, tamolpein fidian Anut abanan diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da. ²⁸ Man dugo, talpein ta igo ibol,

‘In lo man, id kumaen tumado dugo tala taso da,
agod in lo dam idsad madok san fun yen da.’ Taida mi, ananem profet aenkadi dam igo dubol,

‘Rumok, id man in anen malan kubulan.’

²⁹ Id Anut malan kubulan, ago yak ninen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manau lo mel an banid nam didirai ilasa ya. ³⁰ Id fidian tinan dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap in aned kagin saiak an patud dupani wa. ³¹ Man ata wo? Nal ta lo in kagin itaot ak lo

mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan san dal man nek igo ya, tamol a mater lo ifufunig afon kumaen imasa da ama ya.”

³² Saen tamol adi a Ariopagus na yan Pol tamol ta mater lo kumaen imasa da yak san ru ibol dugo dulon man, aenkadi kukok an digane se ya, ak man aenkadi dubol, “Man ru e mel an ninen o ubol den afon nal tap malon a.” ³³ Agog Pol tumanek an ibiseig yau a. ³⁴ Gug tamol aenkadi in anen ru ilod lo rumok an lo luan disa ya. Lulunad lo tamol ta yan an Daionisias in Ariopagus kaunsil ta. Agod pein ta yan an Damaris, ago dugo tamolpein aenta dida ilod lo rumok a.

18

Pol Korint na Anut san ru ifulale ya

¹ Pol Athens ibiseig Korint na yau a. ² Atna Juda tamol ta yan an Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yan an Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a. ³ Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel diweig didaen lo didiri dugo moni dinane se ya. ⁴ Ago dugo Pol in Sabat nal anen anen ate mi Juda sad ubou ab lo tamolpein a ate dumado dan dida dinan dugo nug aen ditog se ya. An lo Juda aenkadi agod Grik tamolpein dam ilod in aneg Jesus o ilod rumok a.

⁵ Saen Sailas in Timoti da Masedonia na dupalug Korint na dilasa man, Pol in san ab sel iwei se yan ibiseig saen tubun mi Tubun en san ru ifulale se ya. In Juda tamolpein mi naod na Kristus man in sen Jesus an irupidai dulon se ya. ⁶ Gug saen in Pol san naon diabi dugo nao futek ru dupani se man, ilon imoi ak ninen o in san kulos fo gufgaf dien an igigiani idu ya. Agog patun ipidinai ak san ru en igo irupidai, “Anj adeg

au tap, an anjanem mel mi a, n̄aisag wadan tia ya. Ak niñen o gamu saen e yau den, n̄ai tamolpein Juda tia yan sad na n̄au a.”

⁷ Agog ibisawaig, tamol ta yañan Titius Jastus san ab lo yaug ida dumado na ya. In Juda tia gug Anut ubou an ile da. Inñan ab Juda sad ubou ab giranjen na itur da. ⁸ Aria, ubou ab an san gurman yañan Krispas dubol dan Tubun en niñen o ilon rumok a, agod in̄anen samun fidian dam ilod lo rumok a. Korint tamolpein wei mi Pol awan dulon go ilod lo rumok gug suguek diñane ya.

⁹ Nal ta tidom lo Pol malan n̄utun ile dugo Tubun en irupej, “On ta urer na wa. Tia, ubol ilasa dop awa ta mok itau na wa. ¹⁰ Man dugo, n̄ai on da tumado da. Talpein ta on ifunop saian ipano san tia ya. Ete mado, man dugo, tamolpein wei mi taun en lo dumado dan n̄aisag tamolpein.” ¹¹ Ago tag Pol atna anañar kisaek wadan da imado dugo, taun an san tamolpein ilod lo Anut san ru ipiteñani se ya.

¹² Ak man saen Rom gurman ta yañan Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak lo, Pol kot dupani wo diabig, diñane diaug gabman san kot naon na dugunig ¹³ dubol, “Tamol en kubiaen iriñani da. Ata wo? In tamolpein dal senamo yak lo Anut niñen o ubou digane wo ilod in̄ane wo maeg igane da. Gug dal an kubiaen ta iri na da.”

¹⁴ Pol awan ipuk go in̄inen o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, an̄ Juda awam n̄alon san an dal ag da wa. ¹⁵ Ak man gamu an̄ asumianag dak, n̄ai ru ta, yañak, agod anjanem kubiaen dam mel naok an mi n̄ibitinae wo abol da. N̄ai ru naok ago yak ta n̄ibitinaep n̄kubune na wa. Ago yak niñen o ansem muroum mi ale gup akubune wa.” ¹⁶ Ago ibol dugo ikudaig kot aben dubiseig, patun fo dilasa ya. ¹⁷ Juda tamolpein an fidian in̄ ubou ab san gurman ta yañan Sostenis dubol dan diabig, kot malan lo malak malak dufuni se ya. Ak man Galio ka yilfu on̄ a.

Pol Korint ibiseig Antiok na yau a

¹⁸ Pol nal wei mi ilo rumok adi dida Korint na dumado gug wog in̄aneg Akwila iwon Prisila da dida Siria na diau a. Wog gamugo in̄ane dugo Senkria na gurman roun ibol dugo dutute ya. Man dugo, inug mi Anut malan lo promis ru ibol an nuñon igane yak niñen o in̄san promis an igane itout a. ¹⁹ Diaug, Efesus na dilasag, atna Pol Akwila in̄ Prisila da ibisawaig, ubou ab lo iladug, Juda dida Kristus niñen o ru lo nug aen ditog se ya. ²⁰ Atna saen milaen mi dida dumado wo dusumiani ak man in̄ imoi. ²¹ Gug saen yau o dugo irupidai, “Anut n̄amul o ibol tap, n̄ai an̄sam na n̄amul da wa.” Agog Efesus ibiseig iyawai a.

²² Agog Sisaria na ilasag, Jerusalem na isida yau. Atna midaen̄ ilo uyan ru irupidai gug Antiok na yau. ²³ Antiok na kitek imado gug yaug Galesia ilon lo iladug, Frisia na dam ilo rumok adi fidian dabai ipidinai dugo yau on̄ se ya.

Juda tamol yañan Apolos Anut san ru ifulale ya

²⁴ Saen Pol yau imul dugo Juda tamol ta yañan Apolos, tinan Aleksandria na igansi ak in̄ Efesus na ipalu ya. In ru bilabal nimañau man uyanan geig. Agod Anut san ru girek lo yen dan ilon̄ siñaokan. ²⁵ In Tubun en san ru dupiteñani siñaokan. Agog buben imasag, Jesus san ru itaot mi ifulale dugo tamolpein ipiteñani. Gug in̄ Jon san suguek an mi ilon̄. ²⁶ Aria, saen Efesus na ilasa man, Juda sad ubou ab lo ru dabai anda ifulale dugo Akwila in̄ Prisila da dulon̄ a. Ago tag diñaneg, in̄siganed ab lo diaug, Anut san dal taidam itaot dukubiai panig ilon̄ a. ²⁷ Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en an̄sam na ipalu tap, ayuñani wa.” Saen Akaia na ilasa man, tamolpein a Anut san ilo muñanek log Jesus o ilod rumok an ibinawai siñaokan a. ²⁸ Man dugo, in̄san ru dabai anda ibol se yan lo malak malak ru lo nug aen ditog dugo in̄ Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man in̄sen Kristus.

19

Pol Efesus na Anut san ru ifulale ya

¹ Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag ² isumianai, “Saen an ilom lo rumok an Urgun anane yak i?”

Ago dugo in dubol, “Man ru ta Urgun ninen o kitek malon man tia ya.”

³ Agog fon isumianai, “Ak dugo, an suguek naon dugo yak anane yak i?”

Agog awan diabig, dubol “Man Jon san suguek minane ya.”

⁴ Ago tag Pol irupidai, “Jon san suguek man tamolpein inaned aupasek patud dupani ak san a. In Isrel tamolpein irupidai, “Tamol a naj ngeg aban fo ipalu dan ilom lo rumok a. Tamol an Jesus.”

⁵ Ru an dulon go Tubun en Jesus yan an lo suguek dinane ya. ⁶ Agog saen Pol banin gurnad fo igane man, Urgun in tinid fufo idu ya, ago dugo muroun ru sensen ak lo dinin dugo, profet ru dam dubol ilasa se ya. ⁷ Tamol an nunod 12 igo won.

⁸ Kalam utol Pol Juda sad ubou ab lo yau imul dugo Juda tamolpein Anut san ru dabai anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulon pe ilod lo rumok o ago igane se ya. ⁹ Ak man aenkadi kabunad sakar kasik an lo ru an ilod lo ta rumok na ya. Taida mi in midaen malad lo Kris adi sad ilo rumok yan an “Dal En” dubol dan ninen o ru saian dubol ilasa da. Ago tag Pol megeloum foun ak inal go, nal pempem Tiranias san galun tubun ak lo dutumani dugo, a Juda tia yan dam dida Jesus ninen o dinin ila iso se ya. ¹⁰ Anajar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulon a.

¹¹ Anut kulob girager funfun Pol banin lo iganeg ilasa ya. ¹² Insan silali isuas san yamel boi, urat san yamel an tamolpein subam amad da yan sad na dinane diaup tinid fo digane dop subam ibisawai se ya. Ur sisiaik amad da yan dam nek ago mi digane se ya.

¹³ Juda aenkadi a ur saiak dukudai diau dugo dutor dan, Jesus yan an lo ur sisiaik an dibitinaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yan an a Pol ifulale dan lo alasap au kisaek on o man murupaijan da.” ¹⁴ Juda pris gurman ta yan an Skeva in nanun 7 kubol an digane dugo dutor a. ¹⁵ Gug saen ta tamol ta ur saian anda yak durupeidugo, ur saian awad yabig ibol, “Nai Jesus nalon. Agod Pol dam nalon. Gug an en sauta yak i?”

¹⁶ Ago ibol ak tamol ur saian aman da yan imasag, maeg iganeg ifu saian. Tinid daon ipanig sad kulos irasisare idu ya. Agog Skeva nanun 7 an dar ad da nunod kawan ab lo dilasag dumaspalu on go dusol diau a.

¹⁷ Agog Efesus na Juda tamolpein, agod Juda tia yan fidian ru an dulon go tubun kasik direr. Agog Jesus Tubun en yan an man lak na geig diabisa. ¹⁸ Ilo rumok adi wei kasik dupalug, malak malak mel digane saian man kuai tem dufulale se ya. ¹⁹ Wei tinan buk lo nawir san manau dinane yan insad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya. ²⁰ Kulob funfun dabai anda dilasa yan lo, Tubun en san ru nek ago mi ilasag yang tubun geig dugo, ifufurak go aben fidian lo yau a.

Efesus tamolpein tinaj saiak diabisa ya

²¹ Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgun kankan ipanig ibol, “Aben an fidian ate naj itout gup, Rom na dam naj a.” ²² Ago tag insan binawek uraru Timoti in Irastas da idinaig, Masedonia na diau. Agog insen man saen kitek milaen mi Esia provins lo imado ya.

²³ Saen nek an lo mi muruan tubun ak “Dal En” ninen o Efesus na ilasa ya. ²⁴ Tamol ta, yan an Demitrias, in silva nam melmel igane da. In silva nam tubud pein ta yan an Atemis san tempel mitilaen wei mi igane idu ya. Agod insan bisnis an lo moni tubun mi irae dugo, inanen urat tamol dam urat an lo moni tim an tubun

mi diñane da. ²⁵ Ago tag inanen urat pinein agod aenkadi inşad urat naon kisaek an dam igiaig itumanaig irupidai, “An tamol gamu atumani an alon ak, idsad moni man urat nek en lo tile da. ²⁶ Agod gamu tamol a Pol dubol dan kulob igane dak ansem dam ale alon a. In ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulon la ya. ²⁷ Agod muruan tubun ak yen da. Idsad bisnis yen yanak saian ak inane wa. Muruan an mi tia. Taidam tubud pein Artemis san tempel mel kawan dubol dop inşan yan an tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

²⁸ Doup tubun ru an dulon man tiñaed tubun mi saian tag disasai dugo dubol, “Efesus san Artemis in tubun a.” ²⁹ Sisein an taun ilon inane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias in Aristakus da. ³⁰ Pol inşen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan a. ³¹ Provins san tamol gurman aenta, in Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

³² Agog saen an tumanek lo doup lein tubun kasik digane se ya. Ago dugo tamolpein niñeo lo ru naon sensen disasai ilasa se ya. Man dugo, tamolpein wei kasik tumanek an fun ta dulon na ya. ³³ Juda adi tamol ta yan an Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targirane ru ibol ilasa wo durupe se ya. Agog in targirane ru tamolpein irupidai o banin nam touad touad igane se ya. ³⁴ Ak man saen in Juda tamol ago dile tag, 2 auwa igo won ru naon kisaek an mi disasai dugo dubol se, “Efesus san Artemis in tubun a!”

³⁵ Ago digane yau nag panu san pepa kubunek tamol ta tamolpein sad sisein

yabi idug irupidai, “Efesus tamolpein alon! Tamolpein fidian dulon ak, an tubud e Artemis dubol den san tempel, agod pat a gun ak keit log idu yan dam kagin apidinai da. ³⁶ Agod talpein ta in an ta ilon na yak ago ibol san tia ya. Ago yak niñen o kute abol. Burau kagin ta mok agane na wa. ³⁷ An tamol en kawan geig anjal go apalu ya. In mel ta tempel ilon lo yak ta digam na ya. Agod idsad tubud Artemis niñen o ru saian dam ta dubol na ya. ³⁸ Ago yak niñen o Demitrias inanen urat pinein dida talpein enti ta niñen o ru amad da tap, gurman dumado da. Agod kot dam inanen saen fom pempem ilasa da. Kot lo gup in ka nug dupei ila iso wa. ³⁹ Aria, an ru taida mi amam da tap, idsad tamolpein sad tumanek tubun ak lo aup, kubiaen san dal itaot ak fo mi muruan an akubune wa. ⁴⁰ Man dugo, lein en agane itout a, tia dop Rom gabman ilon pe, id aban daon tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.” ⁴¹ Ru an ibol itout go idinaig dufurak diau a.

20

Pol Masedonia nag Gris na imul a

¹ Murnag lein an fidian itout go Pol ilo rumok adi igiaig, tan suek ru irupidai gug ibisawaig, Masedonia na yau. ² In gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya. ³ Atna kalam utol imado se ya. Agog iyawai Siria na yau o aban ikubune yak man, Juda dufuni imat o palañ an dumari an ilon tag, imul go Masedonia na yau. ⁴ Tamol a Pol ida turenñ diabi dan sad yanadi igo ya: Beria tamol ta yan an Sopater in Pirus nanun. Tesalon-aika tamol uraru Aristakus in Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas in Trofimas da ago fidian mi diau a. ⁵ Tamol an fidian imug diaug, Troas na malama digane se ya. ⁶ Bret yis an tia yak san soubul itout gug man wog miñaneg, Filipai mubusei a. Nal 5 itout gug Troas na luad masag, ubou kisaek atna mumado

ya. ⁷ Manj Sande* guraian Tubun en san anan man wo mutumani a. Pol in salso salso yau ak ninen o tamolpein ru irupidai on go yang tidom luak. ⁸ Galun lak na geig ak lo mumado yan te man lam wei mi dusulanai idug galun ilon lo dided se ya. ⁹ Pinein ta yanjan Yutikas in ab san gigin fo imasi a. Ago dugo Pol saen milaen kasik inin se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya. ¹⁰ Ak man Pol idug, tinin fo ibilani idug, yabig ibol, "Arer amoi. En njetun ta ibisei na ya." ¹¹ Agog Pol imul ab lo isidag bret yafuteg diani a. Pol nek ago mi inin dugo yang salso idu gug ibisawai a. ¹² Pinein an kumaen imado dugo dinjaneg insiganen ab lo diaug ilod tubun mi uyanan a.

Pol Efesus ibisawai o dugo inisan ru wadan irupidai a

¹³ Manj Pol mibiseig imug wog lo misidag miyawaig Asos na mau. Man dugo, Pol in man da ru mufuni an lo, in nien nam yau dop Asos na gup minjane wo ibol a. ¹⁴ Saen Asos na milasag mile man minjaneg Mitilini na mau a. ¹⁵ Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag Mailitas san lon na miladu ya. ¹⁶ Pol Esia Provins lo saen ibidani man imoi tag, Efesus mirinani wo ilon yen a. Man dugo, idaisuda tap, in ririan Jerusalem na Pentikos saen fo mok ilasa wo ilon ago yen a.

¹⁷ Pol Mailitas na imado dugo Efesus na ru iganeg, midaen san matu adi dupalup dutumani wo ibol a. ¹⁸ Dilasag dutumani gug irupidai, "An alon ak, saen malmalan naj Esia provins lo njilasag, naisag madok saen fidian naj an da tumado na yan ale alon. ¹⁹ An alon ak, naiseg ibiag ndu dugo, Tubun en san urat malag turon ag da, muruan ag da urat an njigane se ya. Juda adi dam dutumanig naj malag dusue wo dinin se ya, an lo muruan in madai da dupanag an dam nsini se ya. An dam alon uyanan a. ²⁰ Agod alon ak, naj mel ta idunan san ak nabol ilasa san ninen o

ta nusuksuk na ya. Tia, naj malak malak lo, agod ansiganem ab lo ru njufulale dugo njipitenan se ya. ²¹ Juda igom Juda tia yan ru dabai anda njurupidai se ya. Ilod dibilisap, naod Anut dupanip, idsad Tubun en Jesus ninen o ilod rumok o nabol dugo dulon a.

²² "Aria, Urgun naj isubanag go Jerusalem na naj o ibol a. Gug ante ata naj o ilasa wan ta njalon na ya. ²³ Mel kisaek en njalon la ya, taun fidian ate njilasa dan te Urgun irupaiag ak Jerusalem na madai agod muruan wei mi malag igane da. ²⁴ Naisag ilo sou lo njaisiganeg madok an mel tubun tia ya, agod njaiseg tinig o kankan ta njigane na da. Tia, naj Jesus Tubun en urat ipanag an njigane itout o yaes ifunag da. Urat an man, naj Anut san ilo panek tubun mi tamolpein fidian ninedi wo yen dan njufulale san ama ya.

²⁵ "Nai an fidian lulunam lo njator dugo Anut san kagin panek san ru njufulale na ya. Gug naj njalon ak, mitep an fon naj naog ta ale na wa. ²⁶ Ago yak ninen o naj gamu njurupaian da. An en ta adeg au tap an njaisag ai wadan tia ya. ²⁷ Man dugo, Anut san ilon fidian naj irupaiag go njalon an fidian njurupaian o an ninen o ta njasuksuk na ya. ²⁸ Sem kagin ipanag dop Urgun sipsip malan tubun banim lo igane yan dam kagin apidinai uyanan a. Sipsip an Anut inanan Nanun san dar lo inal a. An Tubun en san midaen sad titianek adi ak ninen o afutai o uyanan a. ²⁹ Naj njalon ak, saen naj njubusawan dop tamolpein gown kasik igo won ak dupalup, sipsip an ilod ta isou na wa. ³⁰ Agod an lulunam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop njied abad diri wa. ³¹ Ago yak ninen o kagin agane dop ilom isou. Anajar utol malag turon anda tidom ad an kagin agane san ru kagin njurupaian na ya.

³² "Gamu Anut banin lo njidiran da. Agod inisan ilo munanek san ru alon an ibunawan pe, anjanem ilo rumok dabai ipani wa. Ru an dam iganep an tamolpein a Anut idiraig gun dilasa yan dida Anut san wasar an

* **20:7:** Nal an man ubou san nal malmalan.

sisem mi anjane san idaisuda geig a. ³³ Nai talpein ta san silva boi, tia gol boi, tia tinin san biouŋ boi, banin na njanane wo malag ta isi na ya. ³⁴ An fidian alon ak, naiseg banig en nam urat njigane dugo, mel lo nai turag dida katuk amama yak sema ibunawama se ya. ³⁵ Mel fidian nai njigane se yan lo nukubiai panaŋ, ago mi anj urat wagai agane dop lo talpein ta inj dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man onse mel njane dak san ilo uyan irinani a.’ ”

³⁶ Saen Pol ru ibol itout man, turun isaluwig fidian dida dugudani a. ³⁷ Tamolpein fidian ditatag, tinin diamisi dugo musuk dupani se ya. ³⁸ Inj afon naon dile san tia ibol ak ninen o ru an ilo sou man diganeg, ilod tubun mi saian. Agog fidian dinjaneg, wog lo diaug, iyawai yau a.

21

Pol Jerusalem na yau a

¹ Manj Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a. ² Patara na wog ta Fonisia na yau o igane dugo mile tag fo misidag miyawaig mau a. ³⁻⁴ Maug malama yaug Saipras mile dugug wog naon nas lo dibilisag, Siria na mau a. Agog Taia sad lon na misasau a. Atna wog biouŋ kadi ipasi wo tag ilo rumok adi abanad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai ak ninen o Pol Jerusalem na ta yau na wo durupei a. ⁵ Gug mau san saen idu ya. Agog inj fidian inaned pein nanuk dida dinjiliamag Taia mubiseig lon na madug, manj fidian lul fo turuma misaluwig mugudani. ⁶ Agog manj banid mabig wog lo misida dugo inj fon dumul siganed ab lo diau a.

⁷ Manj fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya. ⁸ Salsog Tolemes mibiseig, Sisaria na mau a. Atna Anut san ru bilabal tamol ta yanjan Filip

dubol dak san ab lo maug ida mumado ya. Tamol 7 a Jerusalem na dipilianai an Filip dam luluŋad lo imado ya. ⁹ Inj nanun pein iwoiwo iwod tia dumado dan profet ru dubol ilasa da. ¹⁰ Manj nal aenta atna mumado dugo, Judea na profet ta Agabus dubol dan ipalu ya. ¹¹ Inj manjsama na ipalug, Pol san let inaneg sen njen banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’ ”

¹² Manj ru an malon go ilo rumok adi ate dumado dan dida Pol Jerusalem na ta yau na wan ilon minjane wo maeg migane ya. ¹³ Gug Pol awama yabig ibol, “Anj ata wo anjam tinaŋ en lo nai ilo muruan apanag dak i? Nai dibiag pe dusubanag ak ninen o ta narer na da. An mi tia ya. Nai Tubun en Jesus yanjan lo ka dufunag njamat a.”

¹⁴ Manj ilon minjane sisi tia tag mabol, “Gidad, Tubun en ilon ibol dak ago mi igane.”

¹⁵ Atna kitek mumado gug aban mukubuneg Jerusalem na mau a. ¹⁶ Sisaria na ilo rumok adi aenkadi dam dida maug, tamol ida mumado wak san ab lo dinjiliama ya. Tamol an yanjan Nason. Inj Saipras tamol, agod Kris tamolpein imug mi ilod lo rumok ak luluŋad lo inj tamol kisaek ta.

Pol Jems ile wo yau a

¹⁷ Saen manj Jerusalem na milasa man ilo rumok adi ilo uyan lo dinjiliama ya. ¹⁸ Agog maen go tidomi Pol da Jems mile wo mau a. Jerusalem midaen san matu fidian saen an malama digane se ya. ¹⁹ Agog Pol ilo uyan ru irupidai, ago gug Anut inj lo tamolpein Juda tia yan luluŋad lo urat igane na yan ibol dugo dulon se ya.

²⁰ Matu adi ru an dulon go Anut yanjan diabisa ya. Ago gug Pol durupei, “Onj ulon ak, Juda wei kasik ilod lo rumok a. Agod inj fidian Moses san kubiaen bubed njutudi fidian lo duri dupani da. ²¹ Gug talpein ta ru en onj niŋe wo durupidai dugo dulon a. Onj Juda tamolpein gigin aenkadi lo dumado dan Moses san kubiaen dumoi o pitejanai da. Ago dugo inaned nanuk tamol ak dam tinid sunulon dutute dumoi o ubol da, agod Juda sad tamol kagin dam ta digane na wo ubol da. ²² Ak ninen o dugo

tigane wak i? On palu yan san ru ifufurak yau dan lo milaen tiap ru an duloj mok a. ²³ Manjsama ru en uloj pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da. ²⁴ Inj promis an digane itout san saen gamu ya. Ago yak ninjen o dida aup, promis digane itout dan san midaen lo aladup, malak malak lo dida gun alasa wa. Ago dop injsad promis itout san naon sapta dubol dop udad pidinai a. Ago dop inj ka gurnad didawi yau a.* An lo dop tamolpein onsa ru fidian duloj na yan rumok tia yak dubol a. Man dugo, onse dam on Moses san kubiaen kagin pani da. ²⁵ Gug ilo rumok tamolpein adi inj a Juda tia an, man ru kagin igo migireg murupidai a. Inj anan a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

²⁶ Ago tag dien dumasag Pol tamol an injal go Anut malan lo sed idiraig gun dilasa ya. Murnag Pol tempel lo iladug, injsad midaen an itout san nal kob ipani wo pris ta irupei a. Nal 7 itout gup, inj anen anen Anut yai digane pani o dam irupei a.

Juda adi Pol dusebani a

²⁷ Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig, ²⁸ awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipitenanai se ya. Ago dugo Moses san kubiaen nunon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.” ²⁹ Man dugo, Efasas tamol Trofimas inj Pol da Jerusalem ilon lo dutor dugo dil an ninjen o ilod lo Pol tamol an injaneg ida tempel lo diladu yak, ago ilo sou digane se ya.

³⁰ Ago g unaoj tubun kasik Jerusalem ilon lo ilasag tamolpein dumaspalug, Pol tempel san tumanek aben lo imado dugo diraeg, patun fo dilasa ibol ak tempel san

dalawan dufutanai a. ³¹ Doup tubun an Pol dufuni imat o digane dugo, Rom san yu tamol adi sad gurman tubun an ru injane, “Jerusalem ilon lo tamolpein fidian silei digane da.” ³² Gamu nam gurman tubun an yu gurman inj paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a. ³³ Yu tamol sad gurman tubun an Pol san na yaug yabig ibol dugo sein uraru nam dusebani a. Agog tamolpein isumianai, “En so tamol ta i? Agod inj dugo igane ak i?” ³⁴ Ago dugo tamolpein ru naon gidigheid dubol dugo unaoj tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad njon ab sakar ak lo digane wo ibol. ³⁵⁻³⁶ Agog yu tamol adi Pol dijane diaug, tet fun te gug diabisag, lak na disini a. Man dugo, tamolpein malan tubun Pol adi njied fo dupalu dan dufuni imat o dutor. Ago dugo disasaig dubol, “Afuni imat!”

Pol doup malad lo sen ipirani a

³⁷ Pol ab an lo dijane diladu wo digane dugo, yu tamol sad gurman irupei, “Dugo, naj ka on ru ta njurupaio wak i?”

Agog yu tamol sad gurman Pol irupei, “On Grik ru ulon ak i? ³⁸ Naj nabol on Igipta tamol ta imug doup tubun injal go gabman ida ager dumado wo igane amaiak nabol a. Agog tamol foa tausen banid yu dumui anda injal go tan kawan ak lo diau a.”

³⁹ Ago dugo Pol awan yabig ibol, “Nai man Juda tamol, Silisia na taun yanjan Tarsus dubol dak lo njilasa ya. Naj taun yanjan anda yak san tamol. Ak dugo, naj tamolpein ru ka njurupidai ak i?”

⁴⁰ Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Aban fidian yaug malin idu dugo Pol Hibru lo tamolpein ru irupidai.

22

¹ “Naisag teig muroug, tamag muroug, kududom agurep, naisag ru itargiranag san naom na njinen dop alon.”

* **21:24:** Gurma dawek man promis itout amaiak san kob a.

² Saen Pol Hibru lo ru irupidai dugo dulong man, aban fidian kute ibol a. Agog Pol ibol, ³ “Nai man Juda tamol, Silisia na taun yan an Tarsus dubol dak lo nilasa ya. Gug etna Jerusalem na tamol nigane ya. Gamaliel in niasag girek manau. Nai idsad tubud baged sad kubiaen nuri nupani san ru dabai geig nalon se ya. An Anut awan ari apani dak ago mi nai dam awan nuri nupani da. ⁴ Nai nabol dugo, tamol Jesus o ilod rumok an mala suek nupidinai dugo, aenkadi duburoug subanek ab lo didirai a. Agod aenta dufu dumat na ya. ⁵ Pris malan te yak, in kaunsil fidian dida ru rumok nabol dan dulong a. Ak ninen o ka dubol dop alon a. In nai girek dupanag go idsad Juda tamolpein Damaskus na dumado dan sad na nisini nau. Girek an tamolpein nuburoup sein nam dusbanaip, njanal pe, Jerusalem na mupalup muruan disini san ibol a.”

Pol Kris ilasa yak ninen o ibol a
Apo 9:1-18; 26:9-18

⁶ “Gug nal ta ad titinae Damaskus sumeik nupani dugo, lilaman ta malan geig ak irakilawi. ⁷ Agog tan na nau nadug, awan ta iwagin go ibol, ‘Sol, Sol! Ata wo nai malag sue dak i?’

⁸ “Agog nai nsumiaen, ‘Tubun en, on enti?’ ”

“Agog awag yabig ibol, ‘Nai Jesus, Nasaret tamol amaiak malag sue da.’

⁹ Tamol nai dida mau an lilaman dile gug awak a nai da mininjen an awan ta dulong na ya.”

¹⁰ “Agog nsumiani, ‘Tubun en, dugo nigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon on lo dugo isou dan fidian durupaio ulon a.’ ¹¹ Lilaman an malan kasik an lo nai malag tidom tubun, agog aban nile san tia ya. Ago tag turag muroug dida mau an banig te diabig dida Damaskus na mau a.”

¹² “Agog tamol ta yan an Ananias, in pempem Anut san ubou ile da. In idsad kubiaen kagin ipani da. Juda tamolpein Damaskus na dumado dan in Ananias yan an diabisa da. ¹³ In niasag na ipalug, sinireg na itur dugug ibol, ‘O teig Sol, mala ipuk pe aban ule.’ Ago ibol ak nek saen

an lo mi malag ipuk go in nile ya. ¹⁴ Agog irupaiag, ‘Id tubud baged sad Anut on in san ilon ulon o ipiliano ya. Ago dugo in anen Tamol Itaotan an ule san, agod in anen awan ulon o dam ipiliano ya. ¹⁵ Man dugo, melmel a ule ulon na yan, in patun fo utur dop tamolpein fidian ta dulong na yan rupidai dulong a. ¹⁶ Ago yak ninen ata wo mala gane dak i? Masap, suguek nanep, in anen yan an lo gudani dop, onane aupasek ipasi yau a.’ ”

¹⁷ “Agog nai namul Jerusalem na nau, tempel lo nugudani dugo, malag nutun nile ya. ¹⁸ Malag nutun lo Tubun en niasag na ininjen dugo nile ya. Agog ibol, ‘Ririan Jerusalem bisei. Man dugo, tamolpein etna nai ninen o ubol ilasa dan uyan ta dupani na wa.’ ”

¹⁹ “Ago tag nai awan nabig nabol, ‘Tubun en, in dulong ak, nai ubou ab fidian ilon lo niladu nilasa dugo, tamolpein on o ilod rumok se yan nibiaig nafu idu na ya. ²⁰ Agod saen Stiven pat nam dufuni imat man, nai in sinired na natur dugo uyan nupidinai a, ago dugo a dufuni se yan sad kulos kagin nupani se ya.’ ²¹ Gug Tubun en irupaiag, ‘Wau. Nai nidinop, asau geig tamolpein a Juda tia yan sad na wau a.’ ”

Pol Rom tamol ta

²² Tamolpein fidian Pol san ru an dulong yau nag, ru ta a tamolpein Juda tia yan ninedi wo ibol an dulong go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.”

²³⁻²⁴ Tamolpein fidian disasaig, insad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol dinaneg, yu tamol sad nion ab ilon lo diladu ya. Yu gurman an in san yu tamol irupidaig, Pol rasau nam dufuni dop ata mel ninen o doup disasai se yan fun ibol ilasa dop ilon o ago igane ya. ²⁵ Gug dirae didarig bu dupani wo digane dugo, Pol yu gurman ta siniren na itur dan isumiani, “Dugo, kubiaen dugo ibol dak i? Rom tamol ta kot lo sumianek gamugo pani dop ka funi wak i?”

²⁶ Yu gurman ru an ilon tag Rom san yu gurman tubun an san na yang isumiani,

“On dugo gane wo dak i? Tamol an in Rom tamol.”

²⁷ Ago tag yu gurman tubun an Pol san na yang isumiani, “Rupaiag nalon. On Rom tamol ak i?”

Agog Pol ibol, “Awo.”

²⁸ Rom san yu gurman tubun an irupe, “Moni naon lak na yak nam Rom gabman nupani dugo ate Rom tamol igo njilasa ya.”

Agog Pol ibol, “Nai tinag tamag in Rom tamolpein, ago yak ninen o nai dam mi Rom tamol.”

²⁹ Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusebani an ilo sou man inane ya.

Pol Juda sad kaunsil malad lo itur a

³⁰ Yu gurman tubun an ata mel ninen o Juda tamolpein Pol dufuni imat o disasai na yan fun aban ile wo igane. Ago tag tidom lom mi ibol dugo pris gurman adi in kaunsil dida dutumani a. Agog Pol banin na sein digane yan dupasig, dinane diaug naod na dugunig itur a.

23

¹ Agog Pol Juda kaunsil yil dugo ibol, “Teig taog, naisag madok ipalug gamu saen en, Anut malan lo malak malak ka nabol a, naineg kankan mel saian ak ta ngane yak ninen o ilog ta issue na dugo miai dam ta ifunag na da.” ² Pris malan te yak, yan Ananias, ru an ilon go tamol a Pol sinjiren na dutur an kudan dugufute wo irupidai a. ³ Ago dugo Pol ibol, “Anut dam on ifuno wa. Ata wo? On nek ibol mutou pen milkouk ak nam bala dupani dugo ilon man saianan ak igo won. On ete masi dugo nai kubiaen iri panim kot panag o igo gug onse dam kubiaen pilalig, nai kudan dugufute wo ubol dak i?”

⁴ Agog tamol Pol sinjiren na dutur an duplei, “On Anut san pris malan te yak ru saian ak nam pei dak i?”

⁵ Ago tag Pol ibol, “Teig taog, nai in pris malan te yan ta nalon na ya. Anut san ru girek lo yan ago ibol, ‘Onane gurman adi ninedi wo ru saian ak ta ubol na wa.’ ”

⁶ Pol tamol dutumani an aenkadi Farisi dugo aenkadi Sadyusi ilon tag, awan tubun mi kaunsil irupidai, “Teig taog! Nai Farisi, agod nai tamag in dam Farisi. Nai gamu kot lo natur den san fun man, nai tamol dumat ak kumaen dumasa da wan ninen o ilog lo rumok go, mel an ilasa wak o mala nouk njumado da.”

⁷ Saen in ru an ibol go dulon an Farisi in Sadyusi dida nug diabi se ya. Agog in nug ditarpaleg malan uraru dilasa ya. ⁸ Man dugo, Sadyusi in dubol, tamol dumat ak kumaen dumasa san tia ya. Agod id fidian njutud tia yak dubol da. Agod enel dam ta dumado dak dubol da. Gug Farisi adi man in mel utol an rumok ak dubol da. ⁹ Agog nug tubun mi dububunani dugo kubiaen san girek manau aenkadi Farisi patud fo dutur dan dumasag, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia enel ta boi, awan lo ilon go ago inin da!”

¹⁰ Ninen yang dabai dugo Rom san gurman tubun an ago ileg ilon idu ya. Kabelan Pol daon dupani banau. Ago tag insan yu tamol idinaig, doup lulunad lo dudug, afon Pol dinane diaug insad njon ab lo digane iladu ya.

¹¹ Tidom an lo Tubun en Pol giranen na itur dugo irupe, “Dabai nane! On Jerusalem na nai ninen o ubol ago mi Rom na dam nek ago mi ubol a.”

Pol dufuni imat o palan an dumari a

¹² Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. In anan you da lo sed geg ipidinai dumado dop, saen Pol dufuni imat mok gup, anan diani wa. An lo subanek ru an paen na sed idirai a. ¹³ Tamol kitek 40 irinani ago kulob an digane ya. ¹⁴ Agog pris gurman adi in matu dida sad na diaug durupidai, “Mansema anan you da lo geg ipanama dugo Anut yan mupateg lo mananema ru dabai mupani a. Man Pol mufuni imat mok gup anan mani dop you maluk a. ¹⁵ Ago yak ninen o an kaunsil dida ru aganep Rom san gurman tubun an san na yau. An imug irawip, Pol igane ipalu dop an kitek taidam asumianip ru ibol an

san fun alon o uyan ak ago arupei. Gug man man dal te tawan mumado wa. Pol ente ta ilasa na dop dal na mufuni imat a.”

¹⁶ Ak man Pol nigainab insad ru an ilon tag yang, yu tamol sad non ab an ilon lo iladug, Pol njen an irupei ilon. ¹⁷ Ago tag Pol insad yu gurman ta iwagig irupei, “Pinein en nanep ida an sam tubun en san na au. In ru aman da yak ibol ilon o da.”

¹⁸ Ago tag yu tamol sad gurman pinein an inane insad tubun en san na diaug ibol, “Subanek tamol Pol amaiak igiag go pinein en onsa na njane nupalu ya. Man dugo, in ru aman da yak ibol ulon o da.”

¹⁹ Ago tag yu tamol sad gurman tubun en pinein an inane gigin na diaug isumiani, “On so ru ta ama da i?”

²⁰ Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulon uyan o dupalup dusumiano wa. ²¹ Gup awad wabi umoi. Man dugo, tamol 40 dimianuk ak dumado da. In geg dabal ak lo dumado da. Sad geg san fun man igo ya, Pol dufuni imat mok gup in anan diani dop you duluk a. In fidian aban dukubune yak tawan dumado da. On mi dugo ubol ak o mala digane da.”

²² Agog yu gurman tubun en pinein an irupei, “Waup, ru nai naog na ubol an gidigidad ta mok ubol na wa.” Agog pinein an idinig yau.

Pol dupasig Sisaria na yu tamol dida diau a

²³ Agog yu tamol sad gurman tubun en yu gurman uraru in paen na yan igiaig dupalug irupidai, “Yu tamol 200 sabiri ad da yak anjal pe, 70 taidam hos san, agod 200 yu amad da yak dam anjal pe, 9 kilok tidom Sisaria na Pol da au. ²⁴ Pol njen o hos taida akubuniaip, anjal pe, provins san gurman Filiks san na au. Pol kagin apani uyanan dop anane au a.” ²⁵ Agog yu gurman sad tubun en Filiks san na girek igo igire,

²⁶ “O tamol tubun, Filiks. Adian. Nai Klodias Lisias onsa na girek en njigire da. ²⁷ Juda adi tamol en diabig dufuni imat o digane se ya. Ak man saen nai in Rom tamol ago njile nalon tag, naisag yu tamol dida maug patu pasek mupani a. ²⁸ Nai

ata mel njen o in ru dupani se yan fun mok nalon o ilog ibol tag, njenane, Juda sad kaunsil sad na mau. ²⁹ Ago gug ru fun njile yak man, in mel ta igane saian pe njen o dufuni imat san njile man tia ya. Mel ta njen o subanek lo migane san dam ta njile na ya. Mel njen o ru dupani se man insigane kubiaen njen o mi ru dupani se ya. ³⁰ Agog saen Juda aenkadi dufuni imat o palan an dumari dan san ru njane tag, onsa na nidinig ipalu da. Tamol a in kot an digane dan, dupalup on nao na gup, kot digane wo nabol nrupidai a.”

³¹ Yu tamol inane tubun en ibol ago mi digane ya. Tidom nek an lo mi Pol dinane diaug, Antipatris na dilasa ya. ³² Tidom lom mi yu tamol njed nam mi an dumul abed na dupalu dugo, yu tamol adi hos fo yan Pol dinane diau a. ³³ Pol dinane Sisaria na dilasag, Rom san gurman tubun an girek dupani dugo, Pol dam banin lo digane ya. ³⁴ Gurman tubun en girek an isutig, Pol so distrik ta lo ipalu amaiak ilon o isumiani a. Agog Pol Silisia distrik lo ipalu yan ilon tag ibol, ³⁵ “Saen tamol on kot a digane yan dupalup dilasa dop, onsa kot nalon a.” Agog Pol gabman Herod san ab san galon lo bitinaek digane amaiak lo imado dop tawan an dumado wo Filiks ibol a.

24

Filiks Pol san kot ilon a

¹ Murnag nal 5 itout go pris malan te yanan Ananias, in matu aenkadi dida, agod tamol ta Tertulus dubol dak ida Sisaria na diaug, Filiks naon na Pol kot an digane ya. Tertulus in njen san kaman tamol, ago yan lo Juda awad inane kot lo njen o dipiliani a. ² Agog Filiks Pol iwagig ipalu gug, Tertulus fun inane Pol njen ipanig ibol,

“O Filiks, tamol tubun en! Onsa kankan milae an lo saen milae mok man maror lo mi mumado da. Agod kagin foudi a panan an lo gamu mansama tan lo melmel wei mi kubuneg dilasa uyanan a. ³ Man aben fidian lo mel an njen o mamat da. Agod niwo iloma tubun kasik uyan dugo onane binawek minane dan dam njen o

iloma uyanan da. ⁴ Nai onjane saen ta njobidani na wa. Ago yak ninen o nsumiano da, gidad, ilo panamap tamol en sad awad njanane la ya, ago yak ninen o sad ru katukan en nabol dop ulonj. ⁵ Manj tamol en mile yak inj fun saian. Juda tamolpein aben fidian dumado dan silei digane wo ated isue da. Agod inj biatitek ta yanjad Nasarin dubol dan injsad gurman ta. ⁶ Inj dam tempel lo iladug Anut malan lo nun ipani wo igane dugo ante mabi a. Agog mansiganema kubiaenj iri panim muruan en mukubune wo migane se ya. ⁷ Ak man yu tamol sad gurman tubun ak Lisias dubol dan ipalug silei nam banima na injane ya. ⁸ Agog Lisias irupaiama, tamol en onj nao na kot an migane wo ibol. Onse tamol en sumiani gup, mel fidian ninen o mabol dan ulonj a.”

⁹ Agog Juda fidian awad dutumanig, Tertulus san ru dabai dupani se ya.

Pol Filiks naon na sen ipirani a.

¹⁰ Agog Rom gurman Pol injinjenj o tuad ipani tag Pol ru fun iganeg ibol,

“Nai njalonj ak, onj saen milaen mok tamolpein en sad ru tulek mado yak ninen o naj onj nao na njatur dop seg ipiranag o ilog uyan da. ¹¹ Isop onj sumianai gup ka ulonj a, nal 12 gamugo yau dugo, naj Jerusalem na Anut yai njigane pani wo njisida njau a. ¹² Juda adi naj tempel lo tamolpein dida nug aen matog dugo ta diliag na ya. Injsad ubou ab fidian lo, agod Jerusalem na dam tamolpein ated njusueg unjaonj ilasa wo ago njigane ta dubol na wa. ¹³ Agod gamu ru e onj nao na naj dupanag den dabai dupani san inj dal ad tia ya. ¹⁴ Gug mel en ninen o naj malak malak nabol ilasa san an ninen o miai ta ifunag na da. Njaisiganeg ubou leil Anut njupani duman, ilo rumok san dal e ‘Dal En’ dubol demaiak iri panim, tubum bagema sad Anut ubou an mi njile da. Juda adi ilo rumok san ‘Dal En’ inj biatitek dubol da. Gug njaisag ilo sou lo man an biatitek tia ya. Naj ru kagin fidian Moses san kubiaenj lo, agod ru fidian profet adi digire yan dam fidian ninen o ilog rumok da. ¹⁵ Nai Anut ninen o mala nouk njumado dak ago mi Juda adi e dutur den injsad mala nouk dam naon kisaek mi a. Mala nouk neken lo, mitep nal ta ilasa dop lo tamolpein itaot ak, agod a ta

itaot na yan dam fidian materj lo dumasa da wa. ¹⁶ Ago yan lo naj pempem igo maeg njigane da, mel ta Anut inj tamol dida njigane pidinai an ninen o njaisag kankan muruan ta ipanag na da.

¹⁷ “Nai wagam mi Jerusalem njubiseig njator se ya. Anajar kitek wei mi ibisawag gug, afon njamul o dugo, moni a Juda tia yan dutumanig dupanag go njisinig njupalu ya. Moni an lo Juda adi mel ta lo katukadi dop lo njibinawai san an njisinig Jerusalem na njupalu ya. ¹⁸ Saen an lo, naj midaen lo ikok njilasa la gug tempel lo njator dugo diliag a. Ago dugo naj atna doup ta dida mumado man tia, agod leinj dam tia ya. ¹⁹ Gug Juda aenkadi Esia provins lo yan saen an dumado dugo naj ninjeg o ilod saian a. Ak ninen o njaisag muruan ta dile tap injsed dupalup onj nao na kot digane wa. ²⁰ Tia tap, tamol amaiak sumianai dop, saen naj Juda kaunsil naod na njatur dugo njaisag muruan dile tap, dubol dop ulonj. ²¹ Nek mel kisaek en mi kaunsil naod na njatur dugo nabol, ‘Nai gamu kot lo njatur den san fun man, naj tamol dumat ak kumaen dumasa da wan ninen o ilog lo rumok a.’ Njaisag muruan tag nek an mi a.”

²² Ago ibol ak, Filiks inj Kris sad ilo rumok san dal an ilonj ak ninen o kot an ituteg, irupidai, “Yu tamol sad gurman tubun Lisias ipalu gup, anjsam kot en san nujon nabol alonj a.”

²³ Agog Filiks yu gurman irupeig tamol ditiatianig dumado dan dinjane diaup, aben nam digane wo ibol. Subanek kadi diginiaia dak ago ta digane na ya. Inj turan muroun man ka dupalup dile dop mel ninen o katukan dop lo ka dubinawi wak ago ibol irupidai a.

Pol Filiks iwon Drusila da naod na injinjenj a

²⁴ Nal milaen tiag Filiks iwon Drusila da dupalu ya. Inj Juda pein. Agog ru igane dugo Pol dinjane dupalug ilo rumok Jesus lo yan ninen o injinjenj se ya. ²⁵ Pol inj Filiks agod Drusila ago njinjenj en igo dinjinenj se ya, kagin itaot, tinid ditirni san kagin, agod Anut san bitinaek murna ipalu wan, fidian ninen o dukubiai ila iso se ya. Pol mel an ninen o injinjenj dugo, Filiks irer tag Pol

irupei, “Ninjen gamu san nek gane ya. Ka wau a. Nai saen kawan ak ta da dop ngigio da wa.” ²⁶ Saen an lo Filiks inſan ilo sou lo Pol in moni ta ipani wak ibol. Ago yan lo pempem iwagi dop ida dinjen se ya.

²⁷ Anajar uraru itout gug Pokias Festus, Filiks aben inane ya. Filiks Juda tamolpein ilod uyan san ninjen o Pol ipasi an imoig, subanek lo mi imado se ya.

25

Pol Festus naon na itur a

¹ Festus Filiks aben inaneg nal utol yau, agog Sisaria ibiseig Jerusalem na yau. ²⁻³ Atna pris gurman adi, in gurman aenkadi dida Festus nao na Pol kot an digane. In Festus ilon dinane, agop inaned ilod ibol dak ago iganep Pol Sisaria ibiseip Jerusalem na yau o dubol. Man dugo, in gubak tam palan an dumari la ya. Dal na dop dufuni imat o dubol. ⁴ Agog Festus awad yabig ibol, “Pol in Sisaria na subanek lo imado da. Agod nai dam nek atna nau o sumeik da. ⁵ Ago yak ninjen o ananem gurman nai dida maup, tamol an mel ta igane saian tap, dubol dop nalon.”

⁶ Festus nal 8 boi tia 10 boi, atna imado gug imul Sisaria na yau a. Yen imasag tidomi kot dulong dak aben lo imasi gug, Pol dinane dupalu wo ibol. ⁷ Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug inſad ru an dabai dupani san dal tia ya.

⁸ Ago dugo Pol sen ipiranig ibol, “Nai Juda sad kubiaen, tempel san kubiaen ta npupilali man tia ya. Kaisa dam lo ngigane saian man tia ya.”

⁹ Festus in Juda adi binawek kitek ipidinai o imat an lo Pol isumianig ibol, “On Jerusalem na waup, ru dubol na yan iri panim onsa kot nalon o umat di?”

¹⁰ Ago dugo Pol ibol, “Nai Kaisa san kot lo natur da. Ete mi naisag kot ulon a. Nai Juda dugo ta nginia saian man tia yan onse ulon la ya. ¹¹ An lo nai mel ta ngigane saian agop namat o kubiaen ibol tap, nai nasol o dal ta aban nabi na da. Ak man inſad ru nai ninjen o dubol dan, fidian sewak tap, talpein ta

nai in banid lo iginiag san tia ya. Nai Kaisa nuwagip naisag kot ilon a.”

¹² Agog Festus inanen kaunsil adi dida dinjen gug Pol ru naon irupeig ibol, “On Kaisa onsa kot ilon o wagi ak ninjen o inſan na wau a.”

Festus Pol ninjen o kin Agripa naon na injen a

¹³ Murnag Kin Agripa in Bernaisi da Sisaria na Festus duyuni wo dupalu ya. ¹⁴ Atna kitek dumado yak ninjen o Festus Pol ninjen o Kin Agripa naon na ibol, “Filiks tamol ta etna subanek lo igane yak imado da. ¹⁵ Agog saen nai Jerusalem na nau, Juda sad pris gurman adi, agod gurman aenta dida dupalug, nai tamol an igane saian ak san fun nabol pe nabi idu kisaek on o dusumianag a. ¹⁶ Gug nai ru naon igo nrupidai. Man Rom sama kagin man, subanek tamol ta in tamol a kot lo diabi an da nug naon dupanip ta dinjen na dan daon mupani san an mansam kagin tia ya. Man saen mupani dop, inſan muruan an ninjen o ru dupani dan ilon pe, sen ipirani na gup, dal dugo kot iri dan ate mi mupani wa. ¹⁷ Amaiak ninjen o saen etna dupalu man, nai saen ta nibidani na ya. Maen mumasag kot dulong dak aben lo numasig, tamol an dinane dupalu wo nrupidai a. ¹⁸ Tamol a in kot an digane yan dumasa dutur ak man, nai muruan tubun geig ak ninjen kot an digane wak nabol gug ago ta digane na ya. ¹⁹ Inſigned ubou ninjen o, agod tamol ta yan Jesus dubol dak mi ninjen o nug diabi se ya. Tamol an imat gug Pol man in imasag kumaen imado dak ago ibol da. ²⁰ Nai muruan naok ago yak nukubune san dal ta nile man tia tag, Pol Jerusalem na dinane diaup ru dubol an fom kot dupani wo ago nusumiani a. ²¹ Ak man Pol Kaisa inſen san kot ilon o subanek lo mi imado yau o ago isumianag a. Ago tag dititiani dumado yau nap nai dal ta nile gup njidinip Kaisa san na yau ak nabol a.”

²² Agog Agripa Festus irupe, “Naiseg mok tamol an injen dop nalon o ilog ibol da.”

Agog Festus awan yabig ibol, “Gabulo gup awan ulon a.”

Pol kin Agripa naon na itur a

²³ Dien dumasag Agripa in Bernaisi da yousai lo mugurun mi dupalug, yu gurman, in taun san tamol tutubun an dida tumanek ab lo diladu ya. Agog Festus tamol idinaig Pol dijaneg diladu ya. ²⁴ Agog Festus imasag ibol, “Kin Agripa, agod an fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en ninen o nai naog na kot digane ya. In disasaig dubol, ‘Tamol en fon ta imado na wa.’ ²⁵ Gug in mel ta igane saian pe ninen o imat san nile man tia ya. Agod insen dam Kaisa insan kot ilon o ibol ak ninen o nai niganep yau o nabol a. ²⁶ Ak man nai ru ta insan muruan ninen o itaot nigirep Kaisa nupani san tia ya. Ago yak ninen o nai on Bernaisi da naom na niganep ipalu ya. On kin Agripa nao na itur dop on nai da sisem tusalemianip, insen ninen o inijen dop talon a. An lo insan muruan dugo yan tile talon gup, nai an nigirep Kaisa san na niganep yau a. ²⁷ Man dugo, nai ata wo kawan geig subanek tamol ta mel igane saian an fun ta nfulale uyan na gup nidinip yau ak i? Nai an nukubiani dak man uyan tia ya.”

26

Pol Agripa naon na sen ipiranig ru ibol a Apo 9:1-18; 22:3-16

¹ Agog Agripa Pol irupe, “Gamu onse nipe wo ru ka ubol a.”

Ago tag Pol banin yabisag, ru en ibol, ² “O Kin Agripa, nai ilog tubun mi uyan da. Man dugo, nai gamu on nao na ru fidian Juda nai ninen o dubol na yan ninen seg ipiranag a. ³ On dam Juda adi sad kagin, agod sad ae tutog dam fidian ulon sinjakan a. Ago yak ninen o kagin panag dop, naisag ru ulon.

⁴ “Juda fidian nai pineinag lo numado nator na yan dulon. Fun lo Isrel ilon lo, agod Jerusalem na numado nator na yan, saen milaen nai fug dulon uyanan a. ⁵ Saen milaen mok in dulon uyanan ak, mansama midaen Farisi dubol dan san geggeg wei kasik an ilon lo numado dugo sad kagin fidian an niri na ya. Tag an dubol ilasa wo dumoi boi. ⁶ Agog gamu etna sumianek lo natur dan fun man, nai Anut mansama tubum bagema promis ipidinai amaiak

ilog lo rumok go san nunon nile wo mala nouk numado dak ninen o ete natur da. ⁷ Isrel san gugoi 12 an promis nek amaiak nunon ilasap dile wo tidom ad Anut o ubou dile da. O tamol tubun en, nai promis an san nunon nile wo mala nouk numado dak, Juda adi dam nek ago mi digane da, ak gug kagin nek amaiak ninen o nai niganep saian dak ago dubol da! ⁸ An fidian, ata wo Anut tamol maten lo ifufunaip kumaen dumsa da wan, ida ta isuda na yak ago ilom isou dak i?

⁹ “Naisag dam ilog lo dal fidian lo niganep Jesus Nasaret tamol an yanjan nabi idu wak nabol a. ¹⁰ Nai Jerusalem na ago niganep se ya. Nai pris gurman adi awok dupanag go Tubun en san tamolpein wei kasik subanek ab lo nidirai se ya. Dufu dumat o dubol dop, nai dam awok nupidinai se ya. ¹¹ Nal wei kasik ubou ab fidian lo nabol dop bu dupidinai se ya. Ago dugo nai in Jesus yanjan malan dusue wo maeg niganep dugo nududuwai se ya. An mi tia, tinjaeg tubun kasik wananan anda, nibiaip daon nupidinai wo abanad nile se ya, Isrel ilon lo agod taun gol ak lo dam mi a.

¹² “Nai nek urat an ninen o Damaskus na pris gurman adi awok dupanag go nau a. ¹³ O tamol tubun en, dal na ad titinjam itur dugo nai lilaman ta tubun geig ad san mididan irinani ak tamol dida mau an tinima fo isapudade ya. ¹⁴ Man fidian mau madug, nai awan ta Hibru lo irupaig, ‘Sol! Sol! Ata wo nai malag sue dak i? Mel en ilo isou. Makau titianek yu luon geig ak nam makau imasalu wo isue dop, makau an madai ikubianip nien ipar imul da, ago dop yu an nien isue ilon lo yaup madai tubun geig ak ikubiani da. On nek ibol makau amaiak on a. Saen on naisag tamolpein malad sue dugo, kagin saiak a gane dan san miai isio gug, on pare imul san on o muruan geig a.’

¹⁵ “Ago dugo nai nsumiani, ‘Tubun en, on enti?’ ”

“Ago tag Tubun en awag yabig ibol, ‘Nai Jesus nek e malag sued ama ya. ¹⁶ On masap utur. Nai onsa na nilasa yan on naisag urat tamol mado wo nipiliano ya. On mel gamu ule yan, agod a mitep nukubiai pano wan dam aenta naod na ubol dop dulon

a. ¹⁷ Saen on̄sigane tamolpein daon̄ dupano wo digane dop, n̄ai banidi lo n̄paso wa. N̄ai Juda tia yak sad na n̄dinop wau o da, an n̄inen o in̄ banid lo dam n̄jibinawo wa. ¹⁸ On̄ in̄ malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop in̄sad ilo rumok n̄ai lo in̄aned aupasek isasi pidinai a, agod tamolpein a Anut itaot idirai dilasa yan luluṅad lo aben ta diṅane wa.’ ”

Pol in̄san urat san sae isue ya

¹⁹ “Ago yan lo, Kin̄ Agripa, tamol awan a mala n̄tun leil an lo n̄alon̄ amaiak ta n̄parsisali na ya. ²⁰ Malmalan mok Damaskus na ru n̄fulale se ya. Murnag Jerusalem nag, Judea sad gigin fidian log, Juda tia yak lo dam n̄aug, ru n̄fulale se ya. In̄ bubed dibilisap, in̄aned saian patud dupanip, naodi Anut dupanip kagin saiak patud dupani an nuṅon kuai te digane ilasa wak san ru n̄fulale se ya. ²¹ Fun amaiak n̄inen o n̄ai tempel lo n̄umado dugo Juda adi dibiag go dufunag n̄amat o digane ya. ²² Fun lo ipalug gamu en, binawek a Anut san na ipalu yan n̄ai da yen da. Ago yak n̄inen o gamu gidad an̄ yanam tubun ak boi, yanam tia yak boi, n̄ai ete naom na n̄abol n̄atur dugo, Moses in̄ profet dida mel ilasa wak n̄inen o dubol na yan mi gamu n̄abol da: ²³ Kristus in̄ muruan isinip imat mok a. Agop in̄ tamol malmalan mok maten̄ lo kumaen imasa da wa. An lo dop in̄ Juda adi agod Juda tia yak dida dal dugon lo Anut san patu pasek diṅane wan ikubiaip dile wa. An in̄sad leil lo man nek ibol sul san lilaman ak on̄ a.”

²⁴ Pol sen ipirani san ru ago ibol dugo, Festus awan tubun mi isasaig ibol, “Pol! Buraufuno da. On̄sa ulon̄ an tubun kasik an lo yaug buraufuno ya.”

²⁵ Agop Pol awan yabig ibol, “O tubun en Festus, n̄ai buraufuno ta ifunag na da. Ru a n̄abol ilasa dan, an rumok agod kankan milaen ak san a. ²⁶ Kin̄ Agripa, in̄ mel amaiak fidian ilon̄ siṅaokan ak n̄inen o n̄ai n̄alon̄ ak in̄ naon na seg ipiranag dop n̄in̄in̄en o ta n̄arer na wa. N̄ai ilog isou ak, dugo ilasa yan fidian luluṅad lo mel ta kisaek man, kin̄ Agripa mel an n̄inen o ta in̄aon̄ na ya. Man dugo, mel an fidian mianuk lo dilasa man

tia ya. ²⁷ O Kin̄ Agripa, on̄ profet adi sad girek ilo lo rumok ak i? N̄ai n̄alon̄ ak, on̄ ilo lo rumok a.”

²⁸ Agop Agripa Pol irupei, “Dugo, on̄ gamu saen katukan en lo mi n̄ai giniag pe Kris n̄ilasa wak ubol di?”

²⁹ Agop Pol ru naon irupei, “Nal katukan boi, tia, milaen mi boi, on̄ agod aenta gamu ru alon̄ dan an̄ fidian Jesus ilom lo rumok o n̄ugudani da. An̄ n̄ai igo n̄umado dan igo won̄ an̄ dam amado wo ilog ibol da. Gug mel kisaek sein nam n̄ai dusubanag pe an̄ lo yen man n̄amoi.”

³⁰ Agop kin̄, in̄ gurman tubun Festus da, Bernaisi, agod tamolpein fidian dumado yan dumasag, dilasa ya. ³¹ Agop nug naon na dubol, “Tamol en mel ta igane saian pe n̄inen o imat san tia ya, subanek ab lo imado san dam ta igane na da.”

³² Agop Agripa Festus irupei, “Tamol en in̄san kot Kaisa ilon̄ o ibol a. Ago ta ibol na yak man subanek lo tupasi wa.”

27

Pol wog fo diṅane Rom na diau a

¹ In̄ awad kisaek go man̄ Itali na mau o dubol tag, Pol in̄ subanek aenkadi dida Rom yu gurman ta doup “Kaisar san sawar” dubol dak san gurman, yan̄an Julius, banin lo didirai a. ² Agop man̄ Adramitium na wog ta fo misida ya. Wog an̄ Esia provins lo panu lon̄ na dien dan lo idu dop yau san. Agop miyawai a. Masedonia na taun ta yan̄an Tesalonaika dubol dan san tamol, yan̄an Aristakus, dam ida mau a. ³ Nal tinin te Saidon na misasau a. Julius in̄ Pol lo uyan, ago yak n̄inen o Pol yaug turan yil dugo mel lo katukan ak dupani a. ⁴ Agop milasag mau dugo tim imasa tag Saipras nui giran̄en na tim an̄ tia yak lo mi mau a, man dugo, tim naoma yabi se ya. ⁵ Silisia in̄ Pamfilia da sad lon̄ mubiseig Lisia na taun yan̄an Maira dubol dak lo milasag misasau a. ⁶ Agop atna yu gurman an̄ wog sen ak aban̄an yabi a. Agop wog ta Aleksandria na yak Itali na yau dak ile tag, iginiamag wog an lo musuda ya.

⁷ Tim naoma yabi a, ago yak n̄inen o nal aenta man pasak nam mau se ya. Agop Naidas panu sumeik mupani dugo, mile

tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranjen malin ak lo maug Salmone damon mirinani a. ⁸ Maeg migane lo im mau nag taun ta Lasia dubol dak giranjen na ilon ta yanjan Ilon Malin dubol dan lo miladu ya.

⁹ Man atna saen milaen mok mumado yaug wein mabi san muruan. Man dugo, Juda sad anan wali san nal itout la ya, agod saen an lo beig saian da. Ago tag Pol tamol ru kagin en irupidai, ¹⁰ "Tamol alon, idsad turen etnap tau dan man muruan geig a. Naisag ilog lo nukubiani nile yak, id tau on dop man, muruan wei mi ilasa wa, wog san bioun dideg diau a, wog daon inane tamol aenta dam dumat a." ¹¹ Ak man yu gurman in keptan agod wog muroun da sad ru ilon lo rumok a. Agod Pol san ru man ninen o kankan ta igane na ya. ¹² Madid saen dop ilon lo mumado san madok ta uyan na yak ninen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

Dal na beig tubun kasik ifu ya

¹³ Agog karag ifure gug dabai an tia tag in ilod lo ilon a ilod isou an lo ka mau ak dubol. Ago tag anga dirae isidag Krit san lo aen mi murig mau se ya. ¹⁴ Saen milaen tiag tim dabai yarti dubol dan nui log mayau itor pani a. ¹⁵ Tim ipalu yan wog inane, wog dutuli san ta isida na tag, tim naon mi dirig diau se ya. ¹⁶ Man nui nanun Koda dubol dan giranjen aen ate muri dugo, dingi mabisa wo wagai migane, mirae isidag miyati a. ¹⁷ Agog wog rasau nam tinin dufou sakar. Kabelan Libia san lo na gugor atna yak fo wog isida banau o, lai dupasi dugo tim mi wog idudunig mau a. ¹⁸ Beig saian geig an nek ago mi yen tag, salsog wog tinin san bioun aenkadi diabi beig lo idu ya. ¹⁹ Maen mumasag nek ago mi tag, wog san bioun bioun aenkadi in sed banid nam dupasig diabiau a. ²⁰ Nal kitek wei mi, ad, patui ta meil na ya. Agog tim nek yen ago mi yen dugo, man binawek

mile san ilo isou migane yan fon iloma inaan a. In dideg diau o ilod isou se ya.

²¹ Tamol dida mau an nal wei mok anan tia dumado tag, Pol imasag naod na itur dugo ibol, "An nai awag amoi ak ninen o Krit tibiseig, tiyawai tupalug, bioun bioun tititale da. Ago tia ak man, bioun tititale yan tia wa. ²² Ak man nai an ilom kisaek mi wo nusumianan da. Sem dabai ipanan. Man dugo, id en kisaek ta imat san tia wa. Wog mi gup man saian a. ²³ Tidom na naisag Anut ninen o in ubou nile dan san enel ta naisag na ipalug ibol, ²⁴ 'Pol, on urer umoi! On Kaisar naon na utur o Anut ilon ago yen. Insan ilo munanek lo tamol dida au dan kisaek ta ideg yau san tia ya.' ²⁵ Ago yak ninen o sem dabai panan. Man dugo, nai Anut o ilog lo rumok, agod nai ru nalon an ago mi iri panim ilasa wa. ²⁶ Gug id man taip nui ta fo tisida wa."

²⁷ Agog ubou uraru itout go tidom an lo beig tubun, yanjan Edria, an lo tim in jiliamag mau. Tidom luak igo won wein tamol adi tan sumeik mupani dak dubol a. ²⁸ Ago tag mel muruan ak kam fo dususeg beig lo digane idu yaug, beig san kuror 35 mita igo won dile ya. Kitekan maug, fon ago mi digane man beig san kuror 25 mita. ²⁹ Kabelan wog pat fo isidap ipuk banau anga iwoiwo patun na dubal agog salso idu wo dumosiai dop insad tubud ilon o dubol. ³⁰ Agog wog san wein tamol adi wog dubiseip dusol o digane yak ninen o in wog san dingi beig lo digane idu ya. In dirae go wog ndun fo anga* ta dususe wo digane da. ³¹ Ak man Pol yu gurman an irupe, "Wog san wein tamol adi wog fo dumado wa. Tia tap, an adeg au a." ³² Ago tag yu tamol adi dingi san kam dututeg ifot yau a.

³³ Salso idu wo sumeik dugo, Pol tamol anan diani wo isumianai, "An nal 14 malam agane anan ta ani man tia ya. ³⁴ Ago yak ninen o anan ani wo nurupaian da. An tinim dabai ipani wa. Man dugo, an lulunam lo tamol ta kisaek insan gumuran san roun kitek ta mok ideg yau na wa." ³⁵ Pol in ru an ibol itout gug bret kisaek inane fidian malad lo Anut ilo uyan ipanig yafuteg in sen fun igane

* 27:30: Pitiau

yani a. ³⁶ Fidian ago dile tag sed dabai ipidinaig bret dijaneg diani a. ³⁷ Man wog fo mau an nuḡoma 276. ³⁸ Saen tamol fidian anañ dianig, luad ipuk go, wog pasauman o diganeg, wit diabi beig lo idiau a.

Wog gurgor fo isida ya

³⁹ Salso idu an weinj tamol adi loḡ ta dileg dijaḡ. Gug ilon ta lul anda yak dile tag wog dijaneg diaup lul an fo isasau wo dubol. ⁴⁰ Ago tag anḡa san kam dututeg, anḡa nuḡon beig lo yen. Agog ulum san fei andam san kam dupasi a. Agog wog ḡudun fo lai an diraeg, tim wog idudunip, loḡ na yau wo digane se ya. ⁴¹ Ak man wog gurgor fo isidag iririd yen se ya. Agog ḡudun man isasau dugo wadan man tamun ipalug igile ifurak idiri yau se ya.

⁴² Ago dugo yu tamol adi subanek an fidian dufu dumat o dubol. Kabelan dulog loḡ na diaup dusol banau. ⁴³ Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol dulog san idaisuda man imug dusukalik beig lo dudup, dulog loḡ na disila diau o ibol a. ⁴⁴ Gug aenta dulog san tia man, wog san abau an disinip fo dulog disila diau o ibol a. Ago miganeg fidian loḡ na itaot misida ya.

28

Nui yaḡan Molta dubol dak fo misida ya

¹ Man fidian itaot loḡ na misida gug nui an yaḡan Molta dubol go malon. ² Nui an san tamolpein man lo uyanan mok a. Ui idug aban madid tag yai dutuni panamag, tinima isue ya. ³ Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulḡani a. ⁴ Nui an san tamolpein Pol banin te mot iyuk dugo dileg, sed nug durupe, “Tag tamol en tamol ifu dumat da. In beig lo ta imat na gug, naon panek san tubud gamu naon ipani da.” ⁵ Gug Pol mot an ikupari yaug yai lo idu ya. Mot an Pol tinin ta igane saian man tia ya. ⁶ Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

⁷ Aben mumado yan giranḡen na man tamol ta yaḡan Pablius in nui an san gurman ak inḡsan tan atna yen. In man lo uyanan a. Agog injiliamag nal utol atna kagin ipanamag ida mumado se ya. ⁸ Pablius taman man ifuruk da, agod tinin wananan tubun kasik go yen da. Ago tag Pol inḡsan galuḡ lo iladug Anut igudanig, banin tinin fo igane yan subam ibisei a. ⁹ Tamolpein fidian mel ilasa yan duloḡ tag, subam adi nui lo yan fidian dupalug iginiaig uyadi. ¹⁰ In melmel wei kasik man dupanama ya. Agog miyawai san saen dugo weinj mabi san biabi wog lo didiri a.

Molta mubiseig Rom na mau a

¹¹ Kalam utol atna mumado dugo Aleksandria sad wog ta ḡudun fo tubud urarum nug tein, ta yaḡan Kastor, neinta yaḡan Poluks dubol dak sad mitilaed yen dak fo misidag mau a. Wog an madid saen lo nui an lo yen. ¹² Agog maug, taun yaḡan Sairakyus na milasag, nal utol mumado se ya. ¹³ Taun an mubiseig miyawaig, panu ta yaḡan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaḡan Putioli dubol dak lo milasa ya. ¹⁴ Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a. ¹⁵ Ilo rumok adi Rom na yan yaḡama duloḡ go Apias Didaen Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, inḡsen dam sen dabai ipani a. ¹⁶ Saen man Rom na milasa man, Pol inḡsen kisaek mi, yu tamol kisaek ititianip ida dumado wo dubol a.

Pol Juda adi Rom na yan itumanai a

¹⁷ Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O teig taog, ḡai bo idsad tamolpein, tamol kagin id tubud baged dupanad an kisaek ta ḡigane saian man tia ak gug, Jerusalem na dibiag go subanek diginiag a. Agog Rom banid lo diginiag a. ¹⁸ In ḡai dusumianag ak man

mel ta njigane saian ak ninjen o njamat san dile man tia ya. Ago yak ninjen o dupasag o dubol a. ¹⁹ Ak man Juda adi inj an dumoi tag, naj dabai nam Kaisa njaisag kot ilonj o njabol. Gug naj Juda tamolpein mel digane saian ak ninjen o Kaisa naon na njabol san ta amag da man tia ya. ²⁰ Ago yak ninjen o naj anj da tinjinej o njigianj a. Naj tamol a Isrel tamolpein ninjen o tinid digane dan ilog lo rumok an lo gamu naj sein ag da njumado da.”

²¹ Agog inj durupej, “Manj Judea na onj niñe wo girek ta miñane man tia ya. Agod Juda taidam dupalup onj niñe wo ru ta dubol saian dop malonj man tia ya. ²² Ak man biatitek en ninjen o onjane ilo sou miñane malonj o iloma tubun mi ibol da. Man dugo, manj malonj ak, tamolpein aben fidian lo dumado dan biatitek emaiak ninjen o ru saian mi dubol da.”

²³ Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. Inj Moses san kubiaen, agod profet sad girek lo dam ru boi sensen ak injal go, Jesus ilod lo rumok anen ru irupidai se ya. ²⁴ Aenta injsan ru an dulonj go ilod lo rumok a, ago dugo aenta man ilod ta rumok na ya. ²⁵ Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig anj tubum bagem ibol igo irupidai,

²⁶ ‘Waup, tamolpein en igo rupidai:

Saen anj ru alonj man, ka alonj onj se ya,
ak man san fun ta anjane na ya,
agod saen abanj ale man, malami ka
yau onj se ya, ak man ilom ta itarpasi
na ya.

²⁷ Man dugo, tamolpein en sad bubedi dabai geig dilasa ya,
inj kududodi ta dulonj uyan na ya,
agod maladi ikilakil pasi a.
Tia tap, maladi nam inj ka abanj dile
wak,
kududodi nam ka dulonj ak,
agod ilodi nam manjau ka diñane wa.
Ago dop an lo ilod ibilisa dop didansap
njaisag na dupalu dop njukubuniaj a.’ ”

²⁸ “Ago yak ninjen o anj alonj. Anut injsan patu pasek san ru iganeg tamolpein Juda tia yan sad na yau da. Inj ru an dulonj pe ninjen o kududod dugure wa!” ²⁹ [Saen Pol ru an ibol go itout an Juda injsed injsed mi nug dupeig dufurak go diau a.]*

³⁰ Ananj uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo injal dugo imado se ya. ³¹ Inj Anut san kagin panek ninjen o ru ifulale dugo, Tubun en Jesus ninjen o tamolpein manjau ipiteñanai se ya. Ru fidian ta yabituani man tia ya. Agod Rom gabman an ninjen o ta ipadau na ya.

* 28:29: Boi 29 Grik lo tia ya.

Rom

¹ Njai Pol, Jesus Kristus san urat tamol, anŝam na girek en njaneg ipalu ya. Anut sen naj ipilianag a, an lo inŝan aposel njilasa ya. Ago dop an lo naj Anut san bilaluŋ uyanan an nabol ilasa wa. ² Inj gubak mi inŝan profet awad lo promis id ipanad ak igo, murnap bilaluŋ uyanan en ilasa wa, agod profet an bilaluŋ en ninen o inaned girek gun ak lo digire ya. ³ Bilaluŋ uyanan en man inanen Nanun idsad Tubun ak ilasa wan ninen o ibol. Nanun emaiak tinin lo man bagen Dawid san dar lo ilasa ya. ⁴ Gug Awan Urgan inj tamol an san dabai tutubu yan ikubiai panad a, man dugo, maten lo imasag kumaen imado yan tile ya. Ago man Urgan kulob an lo inj ninen o igo ibol, tamol en Anut Nanun mok a. Inj Jesus Kristus, idsad Tubun a. ⁵ Inj lo mi Anut man ilon imunanama ya, agod man yanak aposel an ipanama ya. Man urat migane yan lo, tamolpein Juda tia yak fidian luluŋad lo tamolpein aenta migiaip, an lo Jesus ninen o ilod rumok pe inanen awan paen na dumado wa. Man ago migane wo ipilianama ya. ⁶ Agod an dam tamolpein ensauta a Anut igiaig inanen tamolpein dilasa yan luluŋad lo amado ya.

⁷ Aria, naj an Rom tamolpein sam na girek en njigane ipalu da. Anut an njinemi wo tubun mi imat da, agog inŝan tamolpein gun ak amado wo igian a. Anut idsad Tamad, agod Jesus Kristus idsad Tubun en, inj mi inŝad ilo panek agod inŝad maror an lo pempem yen a.

Pol Rom tamolpein yil o imat a

⁸ Mel malmalan nrupaian man igo ya. Saen an fidian njinemi wo ilog isou dop man naj Jesus Kristus lo Anut ilo uyan nupani da. Man dugo, tan fufulek fidian en san tamolpein inj anŝam ilo rumok Jesus lo yan ninen o dinjen da. ⁹ Man dugo, Anut e naj ilog fidian lo inanen Nanun san bilaluŋ uyan ak lo biabi njigane den, patug fo itur dugo njaisag njin isatuani da, njaisag gudanek lo pempem an ilog isou dop njinemi wo njugudani da. ¹⁰ Aria, naj gamu igo

nusumiani dak, inj dalawan ta ipasi panag dop anŝam na nupalu wa. Saen wei mi naj ago nusumiani se ya, gug dal ta ikubiai panag man tia ya. Nap inj ilon ibol tap, gamu naj ka anŝam na nupalu wa.

¹¹ Njai njilian o ilog tubun mi ibol da. Man ata wo? Naj ilog lo Urgan san bar uyan ak ta ka nupanan pe lo ananem ilo rumok iganep dabai a. ¹² An mi tia ya, tia, nug san ilo rumok lo nug ilon tabisa wa. Anŝam lo naj dabai njigane dop, njaisag lo an dam dabai anane wa. ¹³ Teig taog, an mel en ninen o anan banau. Saen wei mi naj anŝam na nupalu wo njigane se ya, ak man mel ta pempem njaisag dal ifutani dugo ipalu na ya. Njaisag urat nunon an dam luluŋam lo ifu o ilog ibol da, nek ibol njaisag urat nunon Juda tia yak aenta luluŋad lo ifu la yak ago mi a.

¹⁴ Tamolpein wei mi sad gubun naj tinig lo yen da, an ninen o gubun an njusupasip itout a. Grik adi, tamolpein asau adi, tamolpein manau ad da yak, tamolpein manau ad tia yak lo ago njigane wa. ¹⁵ Fun an lo na njaisag ilog tinig fidian an tamolpein Rom na amado dan dam bilaluŋ uyanan en njufulep alon o ilog ibol da.

¹⁶ Naj bilaluŋ uyanan e nabol ilasa den ninen o miai ta ifunag na da. Man dugo, Anut san dabai an lo yen da, an lo tamolpein fidian ilod lo rumok dan patud ipasi wa. Malmalan Juda adi, ago gup murna gob adi wa. ¹⁷ An ninen bilaluŋ uyanan en lo, Anut inŝan dal foun ak ta tamolpein inj malan lo itaot dumado wak san igane ilasa ya. Dal an san fun, agod dal an san wadan man ilo rumok lo mi a. Nek ibol ru ta Anut san buk lo digire yan ibol, "Talpein enti inj Anut malan lo itaot ak, inanen ilo rumok lo mi kumaen imado wa."

Tan en san tamolpein fidian Anut san tinjae mumarek paen na dumado da

¹⁸ Anut inŝan tinjae mumarek id kuai te ikubiai tile da. Anut inanen tinjae mumarek an lo tamolpein inj patud dupanig kagin saiak saiak digane dan naon ipidinai da. Man dugo, inaned kagin saiak saiak digane dan lo ru rumok ak diabi idu da. ¹⁹ Anut

in enso Anut ta, in sen fun tan en san tamolpein malad lo ta imiani na ya, tia, in sen mi in anen bunun aenta kuai tem iganeg dile duloŋ a. ²⁰ Fun lo mok Anut tan en iganeg yen ipalug gamu saen en lo man, in san bunun imianuk yen an walal te igane ilasa ya. An igo ya, in Anut mok a, agod in san dabai pempem yen yau da. Mel uraru en kuai te tamolpein ka dile duloŋ a, in san dabai, agod in san mel idiri an lo banin mitilaen ka dile wa. Ago bo man in Anut dumoi a. Fun amaiak ninen o in Anut malan lo sed idiraip itaot dilasa wo digane san dal ta yen na da.

²¹ In Anut duloŋ uyanan ak bo man yaŋan diabisa man dumoi da, agod in ilo uyan dupani man dam dumoi da. Ago man in sad ilo sou an nuŋon an tia ya, ago dugo in sad kankan kawan ilasa ya, an lo tinid ilon lo tidom tubun an in sad ilo burau ituani a. ²² Ago dugo tamolpein an igo dubol, “Man kankan milaen amama da ya.” Ago digane dugo, sed ilod ibali dugo sed buraurau ipidinai se ya. ²³ Man ata wo? In Anut kumaen pempem imado dan san girager diŋane dugo, aben lo tan en san ai mitilaedi digane idu ya. Melmel nek ibol tamol, anakanak, mel mudan, agod mel mot igo yak, sad mitilaedi dusuwig ubou ad dile na ya.

²⁴ Fun an ninen o Anut yabianai a. Ago man tamolpein an nun kagin funfun a digane wo bubedi tubun mi imasa se yan, nek ago mi digane na ya. In ilod imasag jeit digane dugo nug tinin lo kagin miai ak digane se ya. ²⁵ In ru rumok Anut ninen o yan diŋaneg patud na digane ya, ago dugo aben lo in siganed ru sewak an diganeg duri dupani na ya. An lo Anut in sen mok mi yaŋan diabisa wak dumoi, melmel tan san Anut sen banin nam idiri amaiak ubou amad dile dugo yaŋad diabisa na ya. Ak man Anut mi in mel niganag tamol, amaiak ninen o in anen yaŋan mi id pempem tabisa wa. Rumok.

²⁶ Aria, Anut in aned kagin sisaiak ile yan ninen o, afon yabianai da ya. Ago man tamolpein an ilo masai senamo geig ak miai san an duri dupani na ya. Pein tamol da nug iwon igo dien dan tia, in kulob Anut imoi amaiak mi diganeg in sed pein pein mi

nug iwon igo digane na ya. ²⁷ Agod an mi tia ya. Tia, tamol dam in iwod pein dadi dien man dumoi, agog in bubed imasag tamol tamol mi nug iwon igo dien dugo, kagin miai tubun ak mi digane na ya. An ninen o Anut nun kagin an san naon atem itaot ipidinai a, ago dop in sed tinid lo mi ai wadan an dukubiani wa.

²⁸ Taida mi, in sad ilo sou lo, in Anut duloŋ man mel kawan ak dubol a, an lo in sad maŋau Anut ninen o yan diabi sakar o dumoi dugo, banid lo ilasag ideg yau a. Fun an ninen o Anut afon yabianai da ya. Ago man in sad ilo sou saian geig an digane ilasag, an lo fun diganeg kagin sisaiak ak sensen an mi digane se ya. ²⁹ Tamolpein an in sad ilod tinid lo kagin saiak saiak en awan isa ya. Mala sek kagin, kagin saian geig ak, tura susak kagin, tamol dufuni imat ak san kagin, nug paek kagin, sewak kagin, siai kagin, ŋurŋur kagin, ³⁰ uf kagin, Anut dile saian san kagin, silei kagin, ŋai-ŋai kagin agod se pitiano i kagin. In kulob saiak digane wo dal aban dile da, in tinad tamad awad kagin ta dupani na da. ³¹ In ŋiŋeo kagin digane dak, in siganed ru ta diganuri na dak, in in aned muroud niŋedi wo ta dumat na dak, agod ilo muŋanek amad tia ya. ³² Tamolpein an Anut san kubiaen igane yan duloŋ uyanan a, kubiaen an lo ibol ak talpein kulob ago igane dan mater ile wa. Rumok, in kubiaen an duloŋ gug dumoi, kagin uyan tia yan mi digane yau da. Agod an mi tia, tamolpein kagin ago digane dan dile dugo dupitiani da.

2

Anut san bitinaek man itaot a

¹ On enti talpein sen ak kagin sisaiak igane dan bitinaek lo ganeg in lo ru sue dan, dugo, on Anut malan lo kagin a gane dan fun an tia ya. Tia geig a, man dugo, on talpein sen ak ta lo ru sue yak gug, kagin sisaiak a talpein a igane dan on dam kagin naon kisaek ago gane da. Amaiak ninen o on se bitinaek lo iginio dugo se ibio udu wau da. ² Id talon ak Anut in tamolpein kagin saiak saiak digane dan sad aupasek naon ipidinai a. Ago dop in bitinaek ago igane dan itaot fom igane da. ³ Ago man on

Anut san bitinaek an lo usol ak i? Man tia ya. Onj tamol kawan ak mi a, ago gug tamol aenta bitinaek lo dirai da. Ago dugo onse mi inşad kagin sisaiak tutunani da. Fun an lo, onj ilo isou dak Anut san bitinaek onj irinano wak i? An tia geig a! ⁴ Anut onj ilon imunano dugo saen milaen mi onj kagin uyan uyan ak gane wo mala igane da, agod inşen yabituani dop muruan ririan ta ipano na da. Dugo, onj ilo lo mel an nunon tia yak ubol dugo ule saian di? Anut onj ilon imunano san fun man, inşanen ilo munanek kagin an lo iduduwo dop ilo bileksa wan ta ulon na i?

⁵ Ak man onj bube sakar tinan a, agod onjane aupasek an lo ilo bileksa man umoi da. Kagin an naon man, onse Anut san tinjæ mumarek an se itumani pano da. Agod nal idu dan te dop Anut san bitinaek itaot ak malak malak ikubiaip tile wa, saen an lo dop inşan tinjæ mumarek an onj tini fo iwali idu wa. ⁶ Talpein anen anen atem dugo dugo digane yan fom, Anut inşaned urat naon atem atem ipidinai a. ⁷ Tamolpein aenta inşaned kagin naok naok uyan ak digane yau dan lo, girager tubun ak, yanjak tubun ak, agod materj dile san tia yan dişane wo aban dile da. Anut tamol naok ago yak kumaen pempem yen yau san an ipidinai a. ⁸ Gug tamolpein aenta man, inşed titired dufuni dugo inşed uyan dumado wo digane da, ago dugo ru rumok an dumoi dugo kagin saiak saiak mi duri da. Anut tamolpein naok ago yan ninjedi wo tinjæn saian geig dop, ibitiniaip inşan ilo mumarek tinid fo iwali idu wa. ⁹ Saen an lo, tamolpein fidian kagin saiak digane dan, muruan agod ilodi tinan anda dam ifu a, malmalan Juda adi lo ilasa gup, afon Juda tia yak adi lo dam ilasa wa. ¹⁰ Ak gug tamolpein a fidian kagin uyan uyan ak digane dan, girager, yanjak tubun ak, agod ilo maror dam dişane wa, malmalan Juda adi lo ilasa gup, afon Juda tia yak adi lo dam ilasa wa. ¹¹ Man dugo, gidad talpein ta Juda sad dar lo ilasa yan, tia, dar sen ak lo ilasa yan, Anut kagin kisaek mi lo inş fidian ibitiniaip inşaned naon itaot atem atem ipidinai a.

¹² Tamolpein a fidian Moses san kubiaen amad tia aupasek digane na yan, inş kubi-

aeñ amad tia dideg diau a. Nek ago mi, tamolpein a fidian Moses san kubiaen amad da yak gug aupasek digane dan, gidad inş kubiaen amad da yak bo man inş dam dideg diau a. ¹³ Man dugo, tamolpein a kududod nam kubiaen san ru kagin dulonj ak gug awan ta diabi na dan, Anut malan lo inş ta itaot na ya. Tia, tamolpein a kubiaen awan diabi dan mi ninjedi wo Anut ibol ak, inş itaotan a. ¹⁴ Saen tamolpein Moses san kubiaen ta dişane na dugo, inşigned ilo sou lo mi, kubiaen an kagin itaot ak ninşen ibol ago digane tap, gidad kubiaen ta dişane na yak gug, kubiaen ibol ago digane da. Rumok, inş Moses san kubiaen amad tia ya, ago bo man inşed kubiaen amad da ya, ago dugo inşigned kubiaen an diri da. ¹⁵ Inşad kagin naok naok lo talonj ak, Moses san kubiaen inşanen ru kagin funfun an bubed lo digire yak yen da. An lo inşigned ilo sou naon sensen an lo ru kagin irupidai da, saen ta muruan ipidinai dak, saen ta isatunai da. ¹⁶ Awo, nal ta ilasa dop tamolpein a kubiaen dulonj gug patud dupani dan, agod tamolpein a kubiaen diganuri dan, inş sisem Anut naon na bitinaek lo ditur a. Bilalunj uyan ak a njai nabol ilasa dan lo ibol ak igo, nal an lo dop Anut tamolpein sad kankan mianuk an fidian Jesus Kristus lo kuai te idiri ilasap ibitinae a.

Juda adi inş kubiaen ad da yak gug dupilali na ya

¹⁷ Gug onj, onj Juda tamol ubol tap, agod kubiaen mi uri pani tap, agod onj Anut ulonj ubol go se ipitiano tap, ¹⁸ onj inşan ilobol ulonj ubol tap, mel uyan uyan kubiaen ipiteşano dan ninşen awok pidinai tap, ¹⁹ onj onse isişinanop onj mala tiai adi titianai dak ubol tap, agod onj tamolpein tidom tubun dumado dan lilaman pidinai dak ubol tap, ²⁰ onj tamol burau ak sad ulumbek tamol ubol, agod onj nanuk sad girek maşau mado dak ubol tap, agod onj kubiaen ilon lo mi maşau mok ak inş ru rumok da yen dugo ule ulonj ak ubol tap, ²¹ aria, onj aenta piteşanai da, gug onj se ipiteşano di? Onj gumagam kagin dumoi o ubol da, ak dugo, onse ta ugam na di? ²² Onj aenta jeit kagin digane dumoi o rupidai da, ak dugo, onse jeit ta gane na di? Onj tubud

sewak ai mitilaen man umoi da, ak dugo, oñ gob sad ubou ab lo mel uyan uyan ak ta ugam na di? ²³ Oñ Anut san kubiaen ninen o ru tubun mi ubol da. Gug oñ kubiaen an pilalig an lo Anut miai pani da. Dugo, an ta rumok na i? ²⁴ Nek ru girek lo ibol ago, “Ansam kagin sisaiak ninen o gob adi luluñad lo tamolpein Anut yanjan ninen o nao futek ru diñinen da.”

²⁵ Saen oñ kubiaen kagin pani yau dan, oñ tini suñulon dutute san kagin an nuñon anda ya. Gug saen oñ kubiaen pilali man, oñsa tini suñulon tutek an mel kawan igo ilasa ya. ²⁶ Nek ago mi, talpein ta gidad tinin suñulon ta dutute na bo man kubiaen ibol ago igane dan man, en dugo, in tinin suñulon dutute yak ago Anut ilon ta isou na wak i? Rumok geig, Anut san leil lo talpein an man nek ibol tamol tinin suñulon dutute yak igo woñ a. ²⁷ Amaiak ninen o tamol a tinin suñulon ta dutute na bo man kubiaen kagin ipani dan, in oñ kot ipano dop ibio udu wa. Ata wo? Oñ kubiaen muroun mado dugo, tini suñulon tutek san kagin inñsan muroun dam mado da, ak gug kubiaen nek an pilali da.

²⁸ Kagin an ipalug wadan lo enti in Juda tamol mok tabol ak i? Tamol a tini suñulon tutek san muluñ yabi dan, kagin an lo mi in Juda tamol mok ilasa san ta idaisuda na ya. Agod tini suñulon tutek mok man, mel ta tamol banid nam digane san dam tia ya. ²⁹ Tia, tamol ta Juda mok imado man an nñtun san, agod tini suñulon tutek mok man, an bubed ilon san mel, an dam ur san mel, gug an kubiaen san mel tia ya. Tamol naok ago yak in Anut san na yanak tubun ak inane wo ilon ibol da, tamol sad na man tia ya.

3

Anut san bitinaek an itaot a

¹ Aria, dal dugon lo Juda in tamolpein aenta diriñanai i? En ata mel uyan tini suñulon tutek diñane dan lo ilasa i? ² Awo, in Juda dilasa yan lo man inñsad binawek wei mi a. Mel malan malan man igo ya, Anut inñanen awan aban an kagin dupani uyan o banid lo igane ya.

³ Gug Juda adi aenta ilod ta rumok na yak ninen o dugo yak i? Dugo, in ilod ta rumok na yan lo Anut inñsinanen ru iganuri dan nuñon tia yak igane ilasa wak i? ⁴ Man tia mok a. Gidad tamol adi fidian sewak bo man Anut man ago tia ya, tia, in pempem rumok a. Ru ta Anut san buk lo igo ibol, “Saen oñ ru ubol ilasa dop, tamolpein fidian kuai tem dile wak oñane ru an itaot a, ago dop oñ bitinaek lo udu bo man, bitinaek an oñ riñani wa.”

⁵ An ninen o idsad kagin a ta itaot na yan lo, Anut inñanen kagin itaot ak kuai te igane ilasa da. An lo dop, id dugo tabol ak i? Dugo, Anut inñanen tiñae mumarek id tinid fo igane dan ta itaot na i? (Ru e nñabol den ninen o, tan en san tamol adi sad ilo sou nñirig sumiaek ago nñigane da.) ⁶ Man tia geig a! Uloñ. Anut inñsen ta itaot na tap, en dugo woñ pe in tan en san tamolpein fidian bitinaek lo idirai san idaisuda wak i? ⁷ Gug talpein ta ru naon en ka irupaiaig, “Naisag kagin sewak lo Anut san kagin rumok ak igane kuai te ilasap an lo inñsan girager an awana da. An rumok tap, ata wo Anut kot ipanag dop nñaisag aupasek an ninen o nñai ibiag nñadu wak i?” ⁸ Id talpein naok an san ru ta tiganuri na wa, kabelan in afon ru igo ibol banau, “Id kagin saian ak tiganep, an lo nuñon uyan ak ka ilasa wa.” Mañ ru naok ago yan mabol ilasa dak ago tamolpein aenta dubol da. Ago yan lo mañ niñema wo uf digane dugo, yanama dipitiñini da. Anut tamolpein a mañ niñema wo ago dubol dan, kot ipidinaip ibiai idu saian geig a, man dugo, in ago diñane san idaisuda geig a.

Talpein ta itaot man tia ya

⁹ En dugo, id Juda adi tamolpein aenta a Juda tia yan tiriñanai ak i? Man tia geig a. Nñai gubak mi nñukubiaig ale la ya, Juda tamolpein agod a Juda tia yan dam aupasek san dabai paen na tumado da. ¹⁰ Ru ta Anut san buk lo igo ibol, “Tamolpein fidian ta itaot na ya, ta kisaek dam tia ya.

¹¹ Talpein ta kankan milaen aman da man tia ya,

agod talpein ta Anut abanjan ta yabi na da.

¹² Tamol fidian mi Anut patud dupanig, in fidian sisem tamol mok tia ago dilasa ya.

In lulunad lo tamol ta kisaek kagin uyan ak ta igane na da.

Rumok, ta kisaek tia ya.”

¹³ “In sad awadi man mater san, agod in baled fo ru raek saian geig ak ikirir da.”

“Inaned awad aban farid lo ilasa dan nek ibol mot wagai ak san awan uran igo won a.”

¹⁴ “Inaned awad man misilane ru in ru saiak siai lo ilasa dan da awan isa ya.”

¹⁵ “In bani malak kagin lo, tamolpein tinid dipitini dak, dufu dumat da.

¹⁶ In dutor dugo insad niek aban fo man, madok pitinek, agod ilo tinan madai da ago ilasa yau dop diau da.

¹⁷ In maror san dal, kagin an ta dulon na ya.”

¹⁸ “Agod Anut ninen o durut direr san tinid ta ilon na ya.”

¹⁹ Aria, id talon ak, Moses san kubiaen dugo ibol dan, ru kagin an tamolpein a kubiaen an paen na dumado dan mi irupidai dulon a. Awo, Juda adi in Juda tia yak adi da aupasek paen na dumado da. An lo dop saen Anut ru ipidinai dop sed ibargiranai san ta idaisuda na ya, tia, tan en san tamolpein fidian Anut san bitinaek lo dutur dop ru naon durupe a. ²⁰ Amaiak ninen o talpein ta kubiaen an iri pani dan lo Anut malan lo itaot ta ilasa na wa. Tia, id kubiaen an lo mi dop idsiganed aupasek tile talon a.

Ilo rumok lo id itaot tilasa wa

²¹ Ak gug, gamu Anut in malan lo itaot idirad san dal foun ak iganeg walal te ilasag yen da, ago dugo id an tile talon a. Id itaot tilasa san dal an kubiaen san dabai lo ilasa man tia ya. Gug Moses san kubiaen in profet adi da awad kisaek go mel an ninen dubol ilasa ya. ²² Id itaot tilasa man Anut idsad ilo rumok Jesus Kristus lo ipanad a. Id fidian Jesus Kristus ilod lo rumok dan, an tinane wa. Id fidian, Juda adi, agod Juda tia yak dam naon kisaek mi a, ²³ man

dugo, id fidian aupasek tigane na ya. Ago dugo idsad nao lalek man Anut anen nao lalek ago tia ya, tia, id fidian ta idaisuda na ya. ²⁴ Ak gug Anut inanen ilo panek lo sen kawan naon tia idirad go itaot tilasa ya. In Jesus Kristus idinig id idad iniliad o ipalu ya. ²⁵ Anut, Jesus Kristus nek ibol mel ta in san tinane saiak igane itout san igo won, id naod na ikubiaig tile ya. Id in ninen o ilod rumok dan lo, Anut san tinane saiak Kristus san dar lo ikubune itout an, san nunon id tinane wa. In ago igane yak lo kagin itaot an ikubiaig id fidian tile ya. Man dugo, Anut sen itaot ago mi ipiranig tamolpein gubak mi dumado dan sad aupasek ile bo man naon ta ipidinai se na ya. ²⁶ Fun in ago igane man, saen gamu en lo in sen bitinaek lo kagin itaot ak mi igane dan id ikubiaip tile wa, agod in talpein a Jesus o ilon rumok dan itaot igane ilasa wa.

²⁷ Dugo, id an lo ka sed ipitianad ak i? Kagin naok ago man fun tia ya. Ata wo? Id Moses san kubiaen kagin tupani dak lo yak i? Tia geig a. Id Jesus ninen o ilod lo rumok da, nek fun an mi a. ²⁸ Man dugo, id igo tabol, tamol ta in san ilo rumok an lo mi Anut iganep itaot ilasa wa, kubiaen san nouk nouk ago kagin igane dan lo tia ya. ²⁹ Dugo, Anut in Juda mi sad Anut i? Ago dugo, Juda tia yak sad Anut tia i? Tia, in Juda tia yak sad Anut dam mi a. ³⁰ Man ata wo? Anut in sen kisaek mi a, fun an ninen o in sen tamolpein fidian sad Anut. Amaiak ninen o dal kisaek lo mi in tamolpein itaot idirai dilasa da, gidad in tini sunulon tutek amad da yan, tia, tini sunulon tutek amad tia yan, Anut in fidian anen anen atem inaned ilo rumok Jesus lo yan itaot idirai dilasa wa. ³¹ Ago man id ilo rumok san dal an mi turi wo tabol da. An fun man dugo? Moses san kubiaen tabianip nunon tia ilasa wak ago tabol di? Man tia geig a! Tia, idsad ninen en lo kubiaen an tibalsinani da.

4

Abraham in ilon lo rumok an lo itaot ilasaya

¹ Amaiak ninen o Abraham man in man Juda sama tubum bagem, tamol amaiak ninen o id dugo tabol ak i? In mel a ninen

o imug mabol ilasa se yan dugon kuai ipani ak i? ² Abraham kubiaen ibol ago mi iganeg an lo Anut malan lo itaot ilasa yan rumok tap, in ka sen ipitiani wa, gug Anut naon na man ago igane san tia ya. ³ Ru Anut san buk lo dugo ibol i? “Abraham Anut san ru ninen o ilon rumok a, fun an lo Anut Abraham in tamol itaot ak ago ibol a.”

⁴ Saen talpein urat igane dugo in san urat naon dupani an ninen lou kawan ak ago ta tabol na da. Tia, in san gubun* urat muroun tinid lo amaiak mi dukubune wa. ⁵ Ago gug tamol enti in urat ta igane na dan in Anut san ru mi ilon lo rumok tap, Anut in san ilo rumok ilep malan lo itaot ak ibol a. Man dugo, Anut sen tamol saiadi ak idiraip itaot dilasa wak san Anut. ⁶ Kin Dawid dam in mel naon kisaek an mi ninen o ibol a. Dawid in tamol a in san urat naon Anut ipani man tia yak gug, Anut iganeg itaot ilasa yan ninen o bar igire ya. In tamol an san ilo uyan ninen o igo ibol,

⁷ “Tamolpein ensauta a Anut in sad aupasek ipare idu dugo,
in sad muruan ituani an, ilod uyanan a.

⁸ Talpein enti Anut in san aupasek ilon ta isou na dan, in bar uyanan inane ya.”

⁹ Dugo, ilo uyan san bar uyanan an tamol tinid sunulon dutute yan in sad mi ak i? Tia, tamol tinid sunulon ta dutute na yan dam sadi a. Man dugo, man Anut in sen Abraham itaotan ibol an ninen o mabol da. Anut ago igane man lou kawan ak on pani a. ¹⁰ Saen dugon lo in ago igane i? In tinin sunulon dutute gug ago igane i? Tia, tinin sunulon gamugo dutute dugo ago igane yak i? Kulob an tinin sunulon dutute gug lo ta ilasa na ya, tia, kulob an o gubak mi yen la ya. ¹¹ In tinin sunulon gamugo dutute bo man, in ilon lo rumok ak lo in tamol itaotan ak imado ya. Amaiak lo in tinin sunulon dutute yan san kob inane ya, Anut in tamol itaotan ibol an lo kob an kuai isi a. Dal an lo tamolpein fidian a ilod lo rumok gug tinid sunulon ta dutute na yan gidad, Abraham Anut in idiraig itaot dilasa yan, in sad tamad imado ya. ¹² Nek ago mi, in dam tamol a tinid sunulon dutute yan tamad imado da. Gug in tini sunulon tutek mi ta dijane na da,

tia, in Abraham san ilo rumok naok igo yan dam diganuri da. Abraham gamugo tinin sunulon dutute dugo, Anut san ru in ilon lo rumok a, ilo rumok naon kisaek an mi in dam da ya.

¹³ Kubiaen lo Abraham in anen malan kubulan dadi Anut san promis ta dijane na ya. Promis an Anut tan en, agod fidian tan ilon lo dien dan dam, ipidinai ak ibol a. Ak gug Abraham san saen lo kubiaen an ta yen na ya, ago yan lo in kubiaen an iganuri san tia ya, amaiak ninen o dal an lo promis inane san tia ya. Tia, in ilo rumok anda yak lo itaot ilasa ya, kagin an ninen o mi Anut promis an ipani a. ¹⁴ Man dugo, tamolpein a kubiaen diganuri dan mi melmel an dijane dop man, ilo rumok an dabai an tia ya, agod promis an nunon tia wa. ¹⁵ Man ata wo? Kubiaen in Anut san tiniae mumarek isini ipalu da. Ak gug, kubiaen tia dop man tamol kubiaen ipilali ak ninen o tabol san tia ya.

¹⁶ Fun an ninen o promis an ilo rumok lo mi ipalu ya. Ilo panek in promis an san fun, man dugo, Anut sinan ilo panek lo mi Abraham promis an irupe i a. Fun an lo promis an san nunon ilasag Abraham san malan kubulan fidian dijane ya. An tamolpein a kubiaen duganuri dan mi tia ya, tia, a in Abraham san ilo rumok lo dutor dan dam promis an dijane ya. Ata wo? Abraham in id tamolpein naok naok fidian sad ilo rumok tamad a. ¹⁷ Nek ru ta Anut san buk lo yen dan ago ibol, “Nai on tan titin wei mi san tamolpein in sad tamadi npiliano ya.” Ago man in Anut malan lo idsad tamad imado da. Man dugo, in Anut ilon lo rumok a. Anut an enti mok ak i? Enti a tamol imat ak kumaen ipidinai dan, agod melmel ta dilasa na yan yanad ipate dugo ago dilasa yan, nek Anut an mi ninen o Abraham ilon rumok a.

¹⁸ Abraham in ilon lo rumok a, gidad malan iganeg mel an nunon tia yak igo bo man, in mala nouk imado se ya. An ninen o in tan titin wei mi sad tamad ilasa ya, in o ago ilasa wan ninen o Anut gubak mi igo irupe i, “Onane mala kubulan sad sutek man lon na lul igo won dilasap ago dumado yau a.” ¹⁹ In muruan en ileg ikubiani

* 4:4: Pani

a, inſan tinin san dabai itout o sumeik da, ago bo man inſan ilo rumok ibisei san tia ya. Inſan anaſar 100 sumeik da, agod Sara san nanuk taſen dam ikukuik a. ²⁰ Ago bo man in Anut san promis ta ibisei nag ilon dam weiwei man tia ya. Tia, inſan ilo rumok isudag dabai geig an lo dabai ipani dugo Anut yaſan yabisa se ya. ²¹ Man dugo, inſan ilo rumok tubun an lo in ilon ta weiwei na ya, tia, Anut in dabai anda an lo mel ibol an ago ka igane wak, nek ago ilon isou se ya. ²² Fun an lo “Anut Abraham in tamol itaotan ak ibol a.” ²³ Ru e, “Anut Abraham in tamol itaotan ak ibol an” Abraham niſen o mi ta digire na ya. ²⁴ Tia, id dam niſed o digire ya. Man dugo, id dam Anut binawek kawan an ipanad pe lo id tamolpein itaotan ak ibol a. Id Anut e idsad Tubun ak Jesus mateſ lo ifufunig kumaen imasa yen niſen o ilod rumok a, fun an lo in binawek kawan ak ipanad pe itaot tumado wa. ²⁵ Anut in Jesus ibiseig idsad aupasek isuas o mateſ lo igane yau a, agod id iginiad itaot tilasa wo Jesus mateſ lo ifufuni yabisag afon kumaen imado da.

5

Kristus id patud ipasiſ gamu youd isa da

¹ Fun an niſen o, Anut idsad ilo rumok amaiak lo itaot idirad tilasa ya. Amaiak niſen o id idsad Tubun ak Jesus Kristus lo id Anut da ilo maror lo tumado da. ² Jesus inſen mi idsad dal an lo, id Anut anen ilo panek san ar ilon lo tiladu ya, agod dugo ilo panek an lo tatur da. Agod id Anut da sisem inſan girager an lo tumado wak niſen o mala nouk tumado dugo uyasusai tigane da. ³ Agod an mi tia, muruan tinid fo ipalu bo man uyasusai tigane da. An lo id taloſ ak, muruan tisini den inſan wadan man, id dabai ipanad pe tatur sakar a. ⁴ Aria, tatur sakar san kagin san wadan man, id ilod lo bunud uyanan igane ilasa wa. Agod bunud uyanan san wadan man, mala nouk tumado san kagin igane ilasa da. ⁵ Agod id mala nouk tumado dan san kagin an nuſon da ya, kagin an niſen o id ilod ta muruan na da. Tia geig a. Man dugo, Anut Awan Urgun id ipanad an lo inſanen ilo panek id bubed lo ikulmaek la ya.

⁶ Saen id dabai amad tiag, sed ibinawad san tia yan lo Anut ibinawad a. Nal nek an lo Kristus tamolpein Anut awan duparſisali an ibinawai san niſedi wo mateſ ile ya. ⁷ Talpein ta in tamol itaot ak aben inſanep imat san niſen o irer mok a. Saen wei mi tamol ta ago igane dop tile man tia ya. Ak gug, nap talpein ta tamol uyan mok ak mi aben inſanep ka imat san niſen o irer san tia yak boi. ⁸ Ak man Anut anen ilo panek tubun ak dal en lo ikubiai tile da. Saen id aupasek san dal turi dugo Kristus id niſed o mateſ ile ya.

⁹ Gamu inſan dar lo id itaot idirad tilasa ya. Amaiak niſen o rumok, murnap Kristus inſen id patud ipasi dop, Anut tiſae mumarek an lo ta ifunad na wa. ¹⁰ Saen id Anut san ager tumado dugo inſanen Nanun san mateſ lo id Anut san turan muroun tilasa ya. An rumok tap, sapita taida dop in gamu kumaen imado dan lo id ibinawad pe patud ipasi wa. ¹¹ An mi tia ya, idsad Tubun ak Jesus Kristus lo, id Anut da tutumani an niſen o yousai tigane da. Man dugo, gamu Kristus lo id Anut da titiſae mi siai yen an ipasi panad go Anut san turan muroun tilasag tumado da.

Id Adam lo tamat ak gug Kristus lo kumaen tiſane ya

¹² Aria, ru en aloſ uyan. Tamol kisaek lo aupasek tan ente isadu ya. Agod inſan aupasek an mateſ dam isinig ipalu ya. Dal an lo mateſ an tamolpein fidian lo yau a. Man dugo, tamolpein fidian tamol kisaek an dututuſanig au dupas a. ¹³ Rumok, Anut san kubiaen Moses gamugo ipani dugo, saen an lo tamolpein au dupas na ya. Ak man saen kubiaen tia dop, aupasek niſen o Anut talpein ta tinin ta isupale na wa. ¹⁴ Ak gug gidad, Adam san saen lo yaug Moses san saen lo man mateſ mi ititianad na ya. Nek ago mi, tamolpein a inſad aupasek Adam san aupasek igo mi tia yan, mateſ dam ititianai na ya. Aria, aloſ uyan, Adam man in Tamol a murnap ilasa wan san mitilaen igo woſ a.

¹⁵ Ak man, Adam san aupasek, Anut san ilo muſanek da sad nuſon naon kisaek tia ya. Tia, tamol kisaek an san aupasek amaiak lo tamolpein wei mi dumat na ya.

Gug Anut san ilo mujanek man tubun di tubun geig a. Anut san ilo mujanek an lo mi binawek kawan ipanad man, nek tamol kisaek Jesus Kristus mi a. Binawek an san nujon man Anut san ilo mujanek tamolpein wei mi dijanane se ya. ¹⁶ Agod njai fon igo nabol, Anut san binawek kawan an, tamol kisaek san aupasek an da, nujon naon kisaek ta digane ilasa na ya. Tia, tamol kisaek an san aupasek an lo Anut anen bitinaek ilasag, tamolpein fidian ibiai dudu ya. Ak gug, gidad aupasek wei mi ilasa bo man, ilo mujanek kawan an id Anut malan lo itaot idirad a, an ninen o id aupasek san naon muruan ipanad san tia ya. ¹⁷ Aria, tamol kisaek an san aupasek lo, materj tamolpein fidian sad gurman imado tap, rumok geig, tamol kisaek nek Jesus Kristus lo mi, tamolpein a Anut san ilo mujanek tubun ak dijanane, agod binawek kawan a Anut malan lo itaot idirai san dijanane yan dam lo, kumaen panu na Kristus paen na gurman dumado wa.

¹⁸ Aria, aupasek kisaek an naon Anut tamolpein fidian bitinaek lo ibiai dudu ya. Nek ago mi, tamol kisaek san kulob itaot an san nujon igo ya, Anut malan lo itaot idirai san dal in lo ilasa da. Amaiak lo tamolpein fidian mi kumaen dumado san ka dijanane wa. ¹⁹ Ago mi, tamol kisaek awa parsisalek igane yan lo, tamolpein fidian aupasek digane yau onj se ya. Nek ago mi, tamol kisaek awa biek uyanan igane an naon, tamolpein wei mi ibinawaip, mur- nap Anut malan lo itaot idirai dilasa wa.

²⁰ Anut kubiaen Moses ipani an dugo wak i? In kubiaen a ipani man fun, aupasek naok wei mi kuai te ilasa wa. Ak gug, saen aupasek tubun ilasa dugo, nek saen an lo mi ilo mujanek dam ilasag tubun geig go aupasek san dabai irinani a. ²¹ Ago man, nek ibol aupasek itirnad go materj igane ilasa yak igo wonj, gamu id Anut malan lo itaot tumado dan lo, in san ilo mujanek ibuluwad pe itirnad dop kumaen yen yau san an idsad Tubun ak Jesus Kristus lo tinjane wa.

*Anj aupasek patum apani dop a fon ta itir-
nanj na wa*

¹ Ago yak ninen o id dugo ilod isou dak i? Dugo, id kagin saian an fon mi tigane yau dop lo Anut inanen ilo mujanek an nal pempem mi ka ikubiai panad ak i? ² Ago tia mok! Dugo, id Kristus da materj lo aupasek san dabai tirinani dop man, aupasek ka tigane yau onj ak i? Man tia ya. ³ Dugo, onj en ilo inajon i? Id fidian Jesus Kristus yanjan lo suguek tinjane yan, nek suguek an lo mi id in da sisem tamat a. ⁴ Fun amaiak ninen o idsad suguek an lo id in da materj san gib lo disiriad a. Amaiak lo nek ibol Kristus Taman san girager tuon lo yabisag imasa yak igo wonj, nek ago mi id dam kumaen foun amad da tator a.

⁵ Man dugo, in san materj naon kisaek an lo id in da tutumani tap, in san kumaen naok a foun inane yan lo id in da tutu- mani mok a. ⁶ Agod id en dam talonj a. Saen Kristus aigim fo iyuk an idsad bunud wagam an aigim fo da dutumanig dubali a. Dal an lo idsad tinid aupasek aman da yan ipitinigin, an lo aupasek san urat pinein tumado yau san tia ya. ⁷ Man ata wo? Talpein enti imat la yan aupasek san dabai in yabitanip yen yau san tia ya.

⁸ Aria, id Kristus da tamat tap, id ilod lo rumok pe in da sisem kumaen tumado wa. ⁹ Man ata wo? Id talonj ak saen Kristus mutou lo imasa yan, fon imat san man tia ya. Materj fon in tinin itirni san dam tia ya. ¹⁰ Materj a ile yan ninen o nabol da. Id fidian aupasek tigane na yan ninen o materj an ile ya. An ninen o in imat kisaek o lian an lo aupasek san dabai igane itout a. An lo tamolpein fidian ibinawai o ago igane ya. Gug gamu in kumaen imado da, agod Anut san ilobol lo mi iri wo ago imado da.

¹¹ Nek ago mi, ansem ninemi wo ilo sou igo agane wa. Aupasek fon anj ilom ta inane na wa, man dugo, an nek ibol tamol imat la yak igo wonj a. Ak gug Anut ninen o, ansem nek igo ilianj a, Jesus Kristus lo Anut san ilobol ari wo kumaen amado dak abol a. ¹² Amaiak ninen o, aupasek abiani ilasa yau dop anjanem tinim apirani wa. Ago tap, saen anj tinim imasa bo man, anj tinimi san ilobol awan abi san tia ya. ¹³ Anjanem njem banim nek ibol kagin saiak digane

dak san biouŋ igo woŋ, aupasek igane wo ta apani na wa. Tia, ansem tamol mutou lo dumasag kumaen dumado dak igo woŋ, ananem tinim fidian mi kagin uyan digane dak san biouŋ igo woŋ, Anut apani wa. ¹⁴ An kubaen paen na ta amado na da, tia, an ilo mujanek paen na amado da. An lo afon aupasek an sam titianek tamol ta imado na wa.

Id kagin itaot ak san urat bigabeg tilasa wa

¹⁵ An ago tap, en dugo wak i? Rumok, id man kubiaen paen na ta tumado na da, ago gug Anut san ilo mujanek paen na tumado da. Amaiak ninen o dugo, id aupasek an nek ago mi ka tigane yau ak i? Man tia geig a! ¹⁶ Ansem talpein ta tuon lo sem injilian pe aup bigabeg igo in san awan ari tap, tamol e in san awan alon den in san bigabeg igo mok amado wa. Amaiak ninen o, ansem aupasek tuon lo idiran au tap, an nuon man mater mi a. Aria, ansem injilian pe awa biek kagin san tuon lo au tap, an nuon man Anut malan lo itaot idiran a. ¹⁷ Gug Anut ilo uyan tupani da. Man dugo, an wagam aupasek san bigabeg amado ya, gug gamu pitejanek a imug alon an bubem nutum fidian lo ananeg ari dugo paen na amado yau on a. ¹⁸ Agod an aupasek lo Kristus injilian go kuai te idiran a. An lo an kagin itaot agane san bigabeg adi alasa ya.

¹⁹ Nai naisag ru lo, an ilom tia yak ninen o tamol kagin nurig nabol da. An wagam ananem tinim san biabi anen anen, aupasek san bigabeg igo aganeg dilasa ya. Ago yan lo an kagin sisaiak nun anda yak agane se ya. Nek ago mi gamu ananem tinim san biabi anen anen aganep, kagin itaot ak san urat bigabeg alasa dop gun amado wa. ²⁰ Saen an aupasek san bigabeg ago ator se man, kagin itaot an an ibiatuanan san tia ya. ²¹ Gug an melmel a ninedi wo gamu miai ifunan dan nuon dugo anane yak i? Mel an san wadan man mater mi a. ²² Gug gamu Kristus an aupasek lo ipasan go Anut san bigabeg alasa ya. An san nuon man in an gun idiran alasa ya. Agod an san nuon man kumaen pempem yen san mi a. ²³ Aupasek san ai wadan man mater mi a. Gug Anut san

binawek kawan ipanad dan man id Jesus Kristus idsad Tubun ak da tutumanip, in lo kumaen pempem tumado wa.

7

Moses san kubiaen san ru fanan

¹ O nai teig taog, kududom agure. Gamu an tamolpein a Moses san kubiaen alon an, nai ru en nurupaian dop alon a. An mel en ta alon na yak i? Talpein ta Moses san kubiaen paen na imado dan, kubiaen an isubani da, ak man saen in tan en lo imado den lo mi a. ² Pein iwon anda yak lo ilom isou, saen iwon tamol ak ta imat na dop man, in sisem kubiaen itumanaig dumado da. Gug tamol an imat dop, an lo kubiaen a pein isubanig iwon da dumado yan itufalak a. ³ An lo, iwon tamol an malan kumaen imado dugo, tamol sen ak ta ida ditor tap man, in jeit pein ak ago dubol a. Gug iwon tamol an imat pasik dop, kubiaen a lo in imado yan itufalak a. Saen an lo tamol ta inane dop man, in jeit san pein tia ya.

⁴ Amaiak lo an dugo wak i? Nai teig taog, Jesus Kristus tinin lo, an dam Moses san kubiaen paen na amado yan atufalak pe mel sen ta san muroun amado wa. Anut tamol ta mater lo ifufunig yabisa ya, an lo id Anut damon lo ai patun igo ilo rumok tamolpein foun ak igo woŋ tidirai dilasap nuod ifu wa. Aria, id tamol an muroun mi tumado wa. ⁵ Saen id tamolpein tan en san igo tumado yan, aupasek san subam saiak id tinid ilon lo imado ya. Moses san kubiaen subam an igane ilasag dabai ipani a. Subam an id tinid san samun lulunad lo dabai igane da, an lo nuon a iganeg ilasa yan man mater san mel mi a. ⁶ Ak gug gamu kubiaen an lo id isubanad san tia ya. Kubiaen a gubak mi isubanad na yan gamu ta ibiatuanad na da, man dugo, id tamol dumat la yak igo woŋ tumado da. Ata wo, id talon ak tamol a imat la yan kubiaen kagin ipani san tia ya. Ago dop an lo id ru girek wagam ak paen na Anut san urat ta tigane na wa, tia, Awan Urgun san kumaen foun ak lo urat tigane wa.

Id aupasek da nug tabi tidiri da

⁷ An ninen o id dugo tabol a, Moses san kubiaen an aupasek ak i? Tia geig a! Kubiaen tia yak man, nai aupasek ta nalon na wa. Kubiaen ago ibol, “On mala ta isi na wa.” Kubiaen ago ta ibol na tap, en dugo wonj nai mala isek fun nalon ak i? ⁸ Alon ak, saen kubiaen tia yak man, aupasek an susanun igo dabai itaot pe kawan yen a. Ak dugo, aupasek malan kumaen imado tap, aupasek an kubiaen lo dal ileg, nai ilog lo mala isek san kagin wei mi ifufunaig dumasa da. ⁹ Saen nai nanuk on nator na man, nai kubiaen amag tia yak igo kumaeg nator a. Gug saen kubiaen ipalu yan lo man, aupasek an kumaen imasag, an lo nai namat a. ¹⁰ Kubiaen a nai kumaen ipanag ago ilog isou se yan, nai mel en kuai nupani ak, kubiaen nek an mater ipanag a. ¹¹ Man dugo, aupasek in kubiaen an lo dal ileg lo nai irawag a, ago dugo kubiaen nek an nai ifunag namat a. ¹² An ninen o Moses san kubiaen gun mok a. Agod an san pitenanek funfun an dam gun, itaot, agod uyanan mok a.

¹³ Rumok, kubiaen uyanan a. An ninen o kubiaen uyanan an lo naisag mater igane ilasa wak i? Tia geig a. Rumok, kubiaen man mel uyanan mi a, ak man aupasek in mi kubiaen an lo mater nai tinig lo igane ilasa da. Amaiak lo nai nile nalon ak aupasek man aupasek mi a. Agod kubiaen lo aupasek nai malag lo man saian di saian geig a.

Aupasek idsad madok itirni da

¹⁴ Aria, id fidian talon ak kubiaen man in Anut san a. Gug nai man tinig tan en san mi a. An lo aupasek nai ilog tinig bigabeg igo wonj idad a, agog aupasek san bigabeg igo numado nator da. ¹⁵ Nai dugo njigane duman, fun ta nalon uyan na ya. Kagin aenta nai namoi dan, gidad, an fidian njigane da. Nai aupasek san ager numado bo man nai aupasek njigane yau on da. ¹⁶ Aria, mel a namoi an nai njigane tap, nai ilog lo mel dugo uyan ak ninen o nabol dan, agod mel dugo kubiaen ibol dan, an mel kisaek mi a. Amaiak ninen o nai nalon ak kubiaen man uyan a. ¹⁷ An lo gug, naiseg mi fon ta njigane na da, tia, aupasek nai bubeg lo amaiak isubanag go ilon dugo ibol an mi

nuri da. ¹⁸ Agod nai nalon ak, nai ilog lo mel uyan ak ta yen man tia ya. (Nek naisag tan en san tinig ninen o mi nabol da.) Nai mel uyan ak njigane wo ilog ibol dan naisag ilo sou lo yen da, ago gug dugo wonj mel an njigane san dal nile man tia ya. ¹⁹ Nai mel uyan ak njigane wo ilog ibol dan nai ta njigane na da. Tia, kagin saiak njigane wo ilog ta ibol na dan mi njigane yau da. ²⁰ Amaiak ninen o nai mel namoi ak njigane tap, naiseg ilog nam ta njigane na da, tia, aupasek a ilog lo yen dan, nai ilog iduduwi dan lo, nai aupasek ago njigane yau dop na wa.

²¹ An lo nai tinig ilon lo kubiaen en nile nalon da, saen nai mel uyan ak ta njigane wo ilog ibol dop, kagin saiak dam nai isaurag da. ²² Rumok, nai bubeg ilon lo man, Anut san kubiaen o ilog bulbal da. ²³ Ak gug, nai kubiaen naon sen ak tinig ilon lo dabai igane dan nile nalon da. Kubiaen an in naisag ilobol san kubiaen da nug dufuni da. An lo dop aupasek san kubiaen e tinig ilon lo dabai igane den nai isubanag da. ²⁴ O kabel, nai muruan sinek tamol mi a! Enti tinig mater san en lo nai patug ipasi wak i? ²⁵ Jesus Kristus idsad Tubun ak lo nai Anut ilo uyan nupani da, man dugo, Anut in sen nai patug ipasi wa. Aria, nai naisag ilobol lo Anut san kubiaen ninen o dabai njigane da, ago gug naiseg tinig lo man aupasek san kubiaen ninen o mi dabai njigane da.

8

Awan Urgan lo id kumaen tumado da

¹ Amaiak ninen o gamu tamolpein Jesus Kristus lo dumado den, Anut aupasek san naon muruan ta ipidinai na da. ² Man dugo, id tamolpein Jesus Kristus da tumado den kubiaen foun en paen na tumado da. Kubiaen en man kumaen san Ur igane ya. Aria, kubiaen en id aupasek mater da sad kubiaen lo isubanad an kuai fo idirad tilasa ya. ³ Mel a Moses san kubiaen igane san ta idaisuda na yan, Anut in sen mi igane ya. Man dugo, id tinid aupasek aman da yan lo kubiaen an dabai aman tia ya. Amaiak ninen o, Anut in anen Nanun idinig ipalu yan lo, tan en san aupasek a tinid lo yen an ipare idu ya. Fun an ninen o, in san tinin man nek ibol idsad

tinid tan en san igo mi a, agod inſen tinin nek ibol mel mudan ak Anut o dufuni imat pe an lo aupasek dusuas ak igo woŋ ilasa ya. ⁴ Anut ago igane yan lo kubiaen san pitejanek itaot an fidian id lo awan isag yen da. Man dugo, id tinid san ilobol lo ta tator na da, tia, Ur san ilobol lo mi tator da.

⁵ En sauta injaned ilod ibol dak lo dumado dan, in janed tinidi san biouŋ o ilo sou digane da. Gug en sauta Ur san ilobol duri dan, Ur san biouŋ o mi ilo sou digane da.

⁶ Talpein ta sen tinin o mi ilon isou dan, in mateŋ lo idu wa. Gug talpein ta Ur san ilo sou iri dan, in kumaen ilo maror da inane wa. ⁷ Man dugo, ta san kankan in tinin o mi ilon isou dan man Anut o ager imado da. Agod kankan naok an sen yabi idup Anut san kubiaen paen na imado san man tia ya. Rumok, in ago igane san man ta idaisuda na ya. ⁸ Agod en sauta inſad bunud wagam ak lo dutor dan Anut ilo uyan dupani san ta idaisuda na ya.

⁹ Ak man Anut san Ur oŋ tini ilon lo imado mok tap, oŋane bunu wagam ak ta ititiano na da, tia, Ur mi ititiano da. Agod talpein ta in Kristus san Ur aman tia tap, in Kristus san tia ya. ¹⁰ Ak gug, Kristus oŋ lo imado tap, gidad aupasek lo oŋ tini imat la bo man, oŋ itaot lasa yan lo oŋane ur kumaen imado da. ¹¹ Agod enti in Jesus mutou lo ifufunig imasa yan san Ur oŋ lo yen tap, inſan Ur oŋ lo imado dan lo oŋ tini mateŋ san mi an dam in kumaen ipani wa.

Urgun iganeg id Anut nanun muroun tilasa ya

¹² Amaiak ninen o, ŋai teig taog, rumok, id gubun* ad da ya. Gug id gubun an tukubune wo tap, id bunud wagam an san kagin ta tiri na wa. ¹³ Man dugo, oŋ bunu wagam ak san kagin lo mado tap man, oŋ umat a. Ak man Ur san dabai lo oŋ bunu wagam ak san kagin funi imat tap, oŋ kumaen mado wa. ¹⁴ Man ata wo, tamolpein ensauta Anut san Ur ititianai dan, in Anut nanun muroun mok a. ¹⁵ Ur e oŋ ŋane yen man oŋ bigabeg igo lasa san ur tia ya. An lo oŋ rurek ta ipano dop usuk umul na wa. Tia, oŋ Anut nanun lasa san Ur ŋane ya. Agod Ur oŋ ilo iduduwi dugo igo ubol da,

“O Bai, ŋaineg Bai.” ¹⁶ Amaiak lo Anut san Ur inſen mi idsad ur da ibateg, ru an awad kisaek lo id Anut nanun muroun tabol da. ¹⁷ Aria, id Anut nanun muroun tumado tap, filian tinane san tamolpein tumado wa. Awo, id Kristus da madai tisini tap, id in da Anut san filian tinane wa. Man dugo, id Kristus da madai tisini dan lo Anut mi id Kristus da girager ipanad a.

Anut nanun muroun injanen girager mur-nai san diŋane wa

¹⁸ Ŋaisag ilo sou lo, ŋai girager a mur- nap Anut igane kuai te ilasa panad an, in saen en san madai tisini dan da, ŋutumanaip ŋukubianai tap, madai tisini dan mel kabela igo woŋ a. ¹⁹ Man dugo, melmel fidian Anut igane yan Anut inſan nanun muroun kuai te idiraip dilasa dop dile wo malad diganeg diyep di dumado da. ²⁰ Anut melmel fidian idirai an inſad turen lo dal e nuŋon tia yen mi duri wo ipidinai a. An man inſad ilobol san mel tia ya. Tia, Anut inſen ilon ibol ak igo ya, inſad turen man nuŋon tia yak ilasa wa. An lo ago igane ilasa ya. Ak gug kulob a igane yan mala nouk lo mi in ago igane ya. ²¹ Ata wo, Anut san ilo girek lo, melmel fidian igane yan digan o isubanaig dumado da. Ak gug saen isuda wan lo dop, inſen mi subanek an igane itout dop melmel fidian an patun fo idiraip foun dilasa wa, agod injanen nanun muroun sad turen girager aman da diŋane wa.

²² Id talon ak, saen gubak mi Anut melmel fidian idirai man yaes isofutanaig madai amad da ya. Nek ibol pein nanuk igansi wo dop madai ile dak igo woŋ ipalug gamu da mi a. ²³ Gug melmel fidian en mi tia ya, tia, id dam Awan Urgun san urat nuŋon malan te ya. Id dam an lo madai tile dugo tumado da. An lo Anut inſen id injanen nanun muroun idirad tilasa wo mala nouk tumado da. Saen an lo dop Anut idsad tinid en ibilisap naon sen geig tilasa wa. ²⁴ Man dugo, Anut id patud ipasi san fun man, id mel a ninen o ilod yen dan mi lo ago tumado yau a. Id mel a ninen o ilod yen dan tile yak tap, ata wo mel an ninen o ilod isou dak i? Dugo, talpein ta mel a ile la yan ninen o ka ilon yen ak i? Man tia geig

* 8:12: Pani

a. ²⁵ Gug id mel a ta tile na dan niñen o ilod yen dop man, sed isatuanad pe, id mel an niñen o mala nouk tumado wa.

²⁶ Nek ago mi, id dabai amad tia yan niñen o, Awan Urgan ibinawad da. Id dugo woñ Anut o tugudani san ta taloñ uyan na ya, an lo id gudanek san dal tabiriñani da. Gug Awan Urgan inñen mi id bubed ilon lo mosiai dabai ak amad da yan waged lo Anut isumiani da. ²⁷ Enti inñ tamolpein bubedi lo abañ ile dan inñ Awan Urgan san ilo girek dam ilon a. Ata wo, Awan Urgan dam inñen tamolpein gun ak niñedi wo Anut isumiani da, man dugo, inñ ago igane dan lo Anut san ilobol anua da.

Murnap id Anut Nanun igo tilasa wa

²⁸ Id taloñ ak, tamolpein ensauta a Anut niñen o dumat dan, ensauta a Anut yañad ipateg, igiaig inñsan ilo girek san dal duri wo dan niñedi wo gidad, mel dugo ilasa bo man, urat igane pidinai uyanan da. ²⁹ Id gamugo tilasa dugo Anut gubak mi id ilon go ipilianad a, an lo id bunud nek ibol inñsan Nanun san bunun igo mi tilasa wa. Ago dop an lo inñ tein muroun wei mi luluñad lo inñened teid matu ak igo imado wa. ³⁰ Amaiak niñen o talpein ensauta a Anut ipilianai an yañad ipateg igiai da. An lo ensauta a yañad ipateg igiai an dam inñ itaot idirai da. An lo ensauta a itaot idirai an dam inñ inñanen bunun girager aman da yan ipidinai a.

³¹ Amaiak niñen o id mel an niñen o dugo tabol ak i? Anut id turad igo imado tap, enti id iliad saian ak i? ³² Anut inñanen Nanun ta ipirani na ya, tia, id fidian niñed o ibiseig imat a. An niñen o inñanen Nanun lo binawek kawan ak igo woñ melmel fidian dien dan id ipanad an rumok ak i? ³³ Enti Anut naon na itur pe, ensauta a Anut ipilianai an niñedi wo, inñsad muruan isini ipalup ibol ilasa wak i? Talpein ta ago igane san tia ya, man dugo, Anut inñsen mi ensauta inñanen an itaot idirai la ya. ³⁴ Enti imisilanad ak i? Jesus Kristus imat pasik a, inñ mutou lo imasag Anut tuon won ak ate itur go id niñed o igudani da. An lo id imisilanad ak i? Tia geig a! ³⁵ Enti Kristus inñanen ilo panek lo ibiatad ak i? Ata mel

Kristus san ilo panek an lo ka ipasad ak i? Muruan boi, tia, ilo madai lo boi, kudi dak lo boi, kadag† lo boi, nuñon kawan imado dak lo boi, saian sumeik ipani dan lo agod sabiri lo boi i? Tia ya. ³⁶ Girek igo yen da, “Onñse niñe wo nal fidian dufunamag go mamat da.

Manñ bilelek dufu dumat o dufutanai ak igo woñ diliama da.”

³⁷ Tia, inñsen lo inñanen ilon id ipanad a, an lo melmel en fidian lo id nek ibol enti yu lo isiñani ak san tamol igo woñ tilasag malan te agod malan te geig a. ³⁸ Amaiak niñen o ilog lo rumok a, mateñ tia, kumaed tumado dan tia, eñel adi tia, ur dabai amad da yak tia, mel gamu ilasa den tia, mel murnap ilasa dan tia, ur saiadi ak tia, ³⁹ mel lak na yak tia, mel tan ilon lo geig ak tia, melmel fidian a Anut idirai an luluñad lo mel ta dam tia, amaiak lo, Anut san ilo panek Jesus Kristus idsad Tubun ak lo, ipanad dan ibiatad san tia ya.

9

Anut kiñ igo woñ sen ilon nam pilianek igane da

¹ Aria, Kristus malan lo ñai ru rumok ñabol da, ñai ta ñiraek na da. Agod Awan Urgan lo ñaineg kankan dam ñai ibalsiñanag go ñaloñ ak, ñai ru e ñurupaian den rumok a. ²⁻³ Ñai ilo muruan tubun mi ifunag da, agod madai tubun mi ilog lo yen dan itout san tia ya. Man dugo, ñai teig muroug Isrel adi, ñaisag dar kisaek an inñ Kristus patud dupani a, agod inñ Anut Kristus iganeg ipalu yan ilod lo ta rumok na ya. An niñen inñ niñedi wo Anut ñai Kristus siñire na yabi-anag pe daon ipanag a, ago dop an lo ibinawaip ilod lo rumok tap, Anut ñai lo ka ago igane wa. Ñai ilog nek ago ibol da. ⁴ Inñ Isrel tamolpein, fun an niñen bar tutubun ak wei mi man inñsadi a. Inñ Anut inñsan nanuk ñilañal igo inñal a, agod inñsan girager ipidinai a. Kontrak fidian an inñsadi a, agod Anut Moses kubiaen ipani an dam inñsadi a. Inñ Anut ubou an dile san dal duloñ ak, agod Anut san promis an fidian inñsadi a. ⁵ Inñsad dar igileg lo tamol yañad tutubun ak dilasa ya, agod Kristus dam inñsad dar igileg

† 8:35: Futol

ipalu yan lo ilasa ya. (An rumok, in tinin tan emaiak san ninen nabol da.) Ak man Kristus san mel taidam igo ya, insen Anut. Ago yak ninen o in mel fidian fufo na ya, an lo tamolpein in pempem yanjan lak na diabisa isuda yau da. Rumok.

⁶ Ak dugo, Anut in Abraham ru a irupein an nunon ta ilasa na yak i? Tia ya, man dugo, Anut Isrel ninedi wo ilo sou igane dan id tamol ilo sou tiganed ago tia ya. An fun igo ya, tamol ta in Isrel gugoi lo ipalu tap, an dugo, an in Anut malan lo Isrel tamol mok i? Tia ya. ⁷ Ago dugo tamolpein an igo dubol, “Man Abraham nanun muroun mok a,” dugo, an fidian Anut malan lo Abraham nanun muroun dumado di? Tia ya. Aloh, Anut san buk lo ru igo tusuti da, Anut Abraham irupeig ibol, “Aisak nanun muroun amaiak tamolpein dil pe onsa nanu murou ago dubol a.” ⁸ Anut ru mi-anuk a ibol irupein an fun igo ya. Anut nanun muroun mok man Abraham san dar lo ta dilasa na ya, tia, Anut san nanun muroun mok man, nanuk a ru promis in Abraham irupein an iri panim dilasa dak ama ya. ⁹ Man dugo, insan nanun ninen o Anut Abraham promis ipani man igo ya, “Ananar naod na yan te dop nai namul onsa na nupalu wa, ante gup Sara nanuk igansi wa.”

¹⁰ Agod an mi tia ya, tia, Esau in Jakob da sad am ipitenanad ak Anut san pilianek mel tubun mok a, ak man tamol sad ilo girek man mel kawan ak on a. Aria, saen man tubuma Aisak iwon Rebeka da dien an Rebeka nanuk babagaru idirsi a. ¹¹⁻¹² Nanuk babagaru an dilasag inaned kagin naok naok gamugo dile dugo Anut Rebeka irupeig ibol, “Nanuk matu ak san dar dilasa dan mitep nanuk bakan ak san dar dilasa dan paed na dumado wa.” Anut ago igane yan lo inanen ilo sou nunon igane ilasa ya. An Anut sen pilianek igane ya, an tamol insad naok naok lo tia ya. Man dugo, insen mi tamolpein a insan wagin dulon an, amaiak ipilianai o ilon ibol a. ¹³ Fun an ninen Anut profet awan lo ago ibol, “Nai Jakob ilog ipani do Esau man namoi geig a.”

¹⁴ Aria, id an ninen dugo ilod isou wak i? Dugo, Anut sen ilon nam tamolpein

ipilianai dan igane saian di? Tia geig a. ¹⁵ Man dugo, Anut Moses igo irupeig ibol, “Nai seg ilog nam talpein ilog nupani wak, agod nai seg ilog nam talpein ilog imunani wa.”

¹⁶ An ninen gamu id mel en lo na Anut san dal talon a. Ak talpein ta ilon ago ibol, “Nai seg ipilianag ak Anut injiliag pe inanen urat ngane wa.” Anut in pilianek ago ta igane na da. Tia, talpein ta ilon ibol, “Nai Anut san a, man dugo, nai urat wagai ngane da.” In dam Anut ta ipiliani na ya. Ak man Anut in talpein ipiliani da, an insinan ilo munanek lo mi ago igane da. ¹⁷ Agod Anut insen ilon ibol ak fom tamol ipitininai an ipilianai da. An id talon a, man dugo, Anut ru girek lo na Igipta sad kin Farou ninen igo ibol, “On bube sakar go silei gane an ninen nai on nipilianog kin lasa ya. Nai ago nginio yan lo on naisag ager mado wa. An san fun igo ya, nai on muruan nupano dop lo tamolpein malad ipalup naisag tuog dabai tubun an dile wa. Ago dop naisag yanag an tamolpein e sumeik dumado den, agod a asau mi dumado dan dininen ila isop yau a.” ¹⁸ An ninen o id talon ak, Anut insen ilon nam tamolpein aenta insan ilo munanek ikubiai dile wak, agod tamolpein aenta bube sakar ipidinai dop silei digane da.

¹⁹ Gug on dap igo rupaiag ak boi, “Enti Anut insen ilon ibol ak iri panim mel dugon igane wo dan yabiani san idaisuda yak i? Ago tap, ata wo in ru lo id isiad di?” ²⁰ Aria, naisag ru naon igo nurupaio. On enti, on Anut ru naon ka rupei ak i? On man Anut sen iginio ya. Dugo, on Anut rinanig lak na yak ninen o ka igo ubol, “Oi, on ata wo nai tamol naok igo yak giniag ak i?” On ru ago ka ubol rupei ak i? ²¹ Ulon uyan, saen talpein ta katik* lo bod urat igane tap, in insinanen manau lo mi mel idiri ilasa da. Katik malan kisaek itumani an lo, bod sensen idiri wa. Bod kisaek san leil lo man girager uyanan mok a. Ago dugo bod neinta man nek ibol bod gidad on a. An ninen dugo, bod an imasap ibol, “Oi, on ago giniag umoi,” ago ka ibol ak i?

²² Saen tamol bod idiri dop, aenta a sa- iadi man imoip yabi yau a. Ago dop aenta

* 9:21: Foi

uyadi an mi kagin ipidinai a. Ilo sou an man mitilaen Anut Isrel tamolpein lo ago igane da. Saen milaen mok Anut Isrel tamolpein ilod ibileksa wo malan igane ya, ak man inſan ilo muſanek san nuſon tia ya. An niſen o gamu in ipitiſinai o ilo sou igane da. In Isrel tamolpein niſedi wo tiſae saian an tamolpein aenta ikubiai dile wak, agop inſan tuon dabai an kuai tem ikubiai dile wa. ²³⁻²⁴ Ak man bod aenta in Anut san ilo muſanek an dukubiani wak, agod in mel uyanan Anut ipidinai an duloſ uyan a. Bod naok an man id tamolpein a Anut sen igiad ama ya, agod wagam mi inſanen girager uyanan amaiak tiſane wo ipilianad a. Aenta Juda dugo aenta Juda tia ya. ²⁵ Nek ibol Anut profet Hosea san ru girek lo na ago ibol,

“Tamolpein a gubak mi ‘naisag tia yak’ nabol na yan, gamu ‘naisag tamolpein’ ago nſurupidai a,
agod tamolpein gubak mi niſedi wo ta nſamat na yan, gamu ‘an tamolpein niſemi wo nſamat dak’ ago nſurupidai a.”

²⁶ Agod fon ru girek lo,

“Anut tamolpein ta ago irupidai ‘an nſaisag tamolpein tia ya,’
ago gug aben kiſaek nek atna mi fon irupidai
‘an Anut kumaen imado damaiak nanun muroun a’ in awan ago duloſ a.
Mitep mel an ago ilasa wa.”

²⁷ Ak man profet Aisaia Isrel tamolpein niſedi wo iwagin go ibol,

“Gidad Isrel tamolpein igilep loſ na lul ago wei mi wak,
gug man Anut san pitininek saen lo wei an tia dumado yan mi patud ipasi wa.”

²⁸ Man dugo, Tubun en inſen ibol ago igane wa, in tan en san tamolpein fidian ipitiſinai a,
agod in ririan, itaot mi atem ago igane wa.”

²⁹ Agod Aisaia fon saen murna ipalu dan niſen o ago ibol,

“Isop Tubun en did panu san yu gurman nanuk tata ibisawaip ta dumado na yak man,

id fidian taun Sodom in Gomora da sad tamolpein ago mi wa.”

Isrel adi kubiaen lo itaot dilasa man tia ya

³⁰ Aria, an niſen dugo ilod isou wak i? Id taloſ ak gob adi in gidad Anut malan lo ikok dumado wo urat ta digane na ya, ago bo man in dal an dile ya. Man dugo, in ilod lo rumok an niſen o Anut in itaot iginai a. ³¹ Ak man Isrel tamolpein kubiaen diganuri wo urat wagai mok digane na ya. Man dugo, in ilod lo dal uyan man kubiaen lo mi yen dak ago dubol a. In urat wagai digane bo man in itaot ta dilasa na ya. ³² An ata wo ago i? Fun man in Anut malan lo itaot dilasa san dal an ilo rumok san dal tia yak dubol. Tia, in ilod lo urat wagai kubiaen diganuri dan lo, Anut inſiliaip itaot dumado wak ago dubol. An niſen o pat ta inſad dal te yen an niſed isueg diau dudu ya. ³³ Aisaia san girek ago yen da,

“Ale, nſai Saion lo pat niſed isuep, diau dudu san nſigansi wa.

Ak man talpein enti pat en ilon lo rumok dop man miai ta ifuni na wa.”

10

Isrel adi Anut san kagin niſen o ta duloſ uyan na ya

¹ O nſai teig taog, rumok nabol da, nſai Anut Juda adi daoſ ipidinai o man nſamoi geig da. Agod saen nſai Anut san na nſugudani dan in patud ipasi wo nſusumiani da. ² Nſai inſad kagin niſe uyan a, an lo in niſedi wo kuai te ago nabol ilasa da, in Anut niſen o man urat wagai digane na ya. Ak man melmel a digane yau dan, in ata mel Anut ilon ibol dan ago mi ta digane na da. Man dugo, inſad duloſ anen man katuk aman a. ³ In Anut san buben itaot ak id ilod lo igane yan ta duloſ na ya. Inſigned duloſ san mi duri wo ilod yen da, amaiak lo inſed mi itaot dilasa wo dabai digane se ya. Ago gug in Anut san buben itaot ak ipidinai o dumoi na ya. ⁴ Moses san kubiaen fidian san wadan futanek man Kristus mi a, an in ta duloſ na ya. Man dugo, talpein enti Anut o ilon lo rumok, an mi in Anut malan lo itaot ilasa wa.

⁵ Kubiaen a tamol ilon lo kagin itaot ak igane ilasa dan ninen o Moses ago ibol, "Talpein kubiaen an iri dop in kumaen imado wa." ⁶ Gug ilo rumok a kagin itaot id ilod lo igane ilasa dan ninen o girek ago ibol, "On bube lo igo ta ubol na wa. Enti did panu lo yau ak i?" (an lo in Kristus tan na igane idu wa), ⁷ "tia, enti gib fun tia yak lo idu wak i?" (an lo tamolpein dumat ak sad na Kristus inane kuai te sisem dilasa wa). ⁸ Gug girek an dugo ibol i? "Ru en on sijire na yen da, nek on awa lo, bube lo dam mi a." Ru nek an on ilo lo rumok san amaiak mi man mufulale da. ⁹ Ru en igo ya. Jesus in Tubun a, isop onse malak malak lo ago ubol ilasa dop, Anut Jesus maten lo ifufunig fon imasa yan ilo lo rumok tap, on patu ipasi wa. ¹⁰ Man dugo, on bube lo in ninen o ilo lo rumok, ago dop Anut malan lo on tamol itaot ago iginio wa. Agod on awa lo Jesus in Tubun ak malak malak ubol ilasa wa, an lo in on patu ipasi a. ¹¹ Ru girek ago ibol, "Ta in ninen o ilon lo rumok dop miai ta dupani na wa." ¹² Juda adi Juda tia yak da luluad lo biatitek tia ya. Tubun ak kisaek mi in fidian sad Tubun a. An fidian mi in duwagin dan bar uyan ak wei mi ipidina i dan itout san tia ya. ¹³ Man dugo, ru girek ago ibol, "Enti Tamol Tubun ak yan an lo igudani dan, Anut patun ipasi wa."

¹⁴ Ago man, tamolpein a Tamol Tubun ak ta dulon na dugo in o ilod ta rumok na yan, en dugo won pe in lo gudanek ka digane wak i? Ago man, Tamol a ninen o ru ta dulon na yan, en dugo won pe in o ka ilod rumok ak i? Ago man, talpein ta ipalug Kristus ninen o ta irupidai na yak ago tap, en dugo won pe in Kristus ninen o ru dulon ak i? ¹⁵ Agod taida mi, talpein ta, aenta ta didinaig diau na yak ago tap, en dugo won pe tamolpein an naod na Kristus san ru dufufale pidina i ak i? Nek ibol ru e digire en ibol ago, "Tamolpein a bilalun uyan ak disini dupalu dan, inane niedi turen diabi dan sinaokan mok a."

Isrel adi wei mi bilalun uyan ak dulon o dumoi a

¹⁶ Gug Isrel aenta Kristus san bilalun uyan an ta duri dupani na ya. Aisaia ago

ibol, "O Tubun en, enti ru e murupeig ilon en ilon lo rumok ak i?" ¹⁷ An lo ilo rumok man, Anut san ru a talon amaiak lo ilasa da. Agod ru a talon dan tamolpein Kristus ninen o dubol dan awad lo ilasa da. ¹⁸ Gug nai ago nabol a. Dugog in ta dulon na i? Man tia ya. Ru e girek lo yen,

"Inane ru dubol dan, aben fidian lo yau a. Inane ru an tan yang titin itout ak lo ilasa ya."

¹⁹ Nai afon ago nusumiana n, dugo, Isrel tamolpein ta dulon uyan na i? Man tia ya. Man dugo, malan malan Moses Anut san awak aban igo ibol,

"Nai an ndiran pe tamolpein a dar ta kisaek nag tan gidigidad lo dumado dan eil saia di dop ninedi wo turak asusa wa. Nai warou kisaek san tamolpein kankan tia yak ninedi wo an tinje saiak nupana n a."

²⁰ Agog tinin te Aisaia igo ibol san ninen o ta irer na ya,

"Tamolpein a nai abanag ta diabi na yak man diliag a.

A nai ninen o ta dusumiaen na yan naod na naiseg kuai te ibilag nilasa ya."

²¹ Ak man in Isrel tamolpein ninedi wo ago ibol,

"Nai nal fidian numasa natur go banig nuwateg in nyunanai wo malag njigane da.

Gug tamolpein an silei tinadi a, nai awag ta diabi na ya. Ad milaen natur dugo, ru kagin a nurupidai se yan ninen o piringek ru dupanag na ya."

11

Isrel adi luluad lo warou kitekan mi insan binawek dinane ya

¹ Aria, en dugo, Anut inane tamolpein yabianai geig di? Tia ya. Nai dam Isrel tamol a, ak man in nai ta yabianag na ya. Nai Abraham san dar lo nilasa ya, agod nai Benjamin san gugoi lo numado da. ² Anut inane tamolpein in gamugo dilasa dugo ipilianai la yan yabianai san tia ya. Ru girek e Elaija ninen o ibol den ta alon na yak i? In Anut Isrel yabianai san ninedi wo dugo won imosiai dan an ta alon na yak i?

³“O Tubun en, onjane profet adi dufu dumat a, onjane alta fidian durube idu ya. Gamu naiseg mi njamado da, ago yan lo najai dam dufunag njamat o digane dugo dutor da.”

⁴Ak man Anut ru naon dugo wonj irupeig ibol ak i? “Tamol seven tausen dumado da, inj tubud sewak a Baal dubol dan naon na ditakoksi man tia ya. Tamol an najai najal go najneg ak dumado da.” ⁵Gamu nek ago mi gugoi wadan tusan a Anut injsan ilo mujanek lo ipilianai an gamu dumado da.

⁶Anut injanen ilo mujanek lo san pilianek igane ilasag yen da, kubiaen turi tupani san urat lo igane ilasa man tia ya. Gug an tia tap, injsan ilo mujanek an nunjon tia wa.

⁷An ninjen dugo? Isrel tamolpein mel a wagai diganeg dile yan ta dijanen na ya. Gug tamolpein a Anut ipilianai an mi mel an dijanen ya. Gug wadan a dumado yan fidian injaned bubed pat igo sakar kasik ilasa ya. ⁸Nek ago mi ru girek lo ibol, “Anut in dijanen san ur ipidinai a.

Inj malad ipidinai bo man mel ta dile san tia ya.

Inj kududod ipidinai bo man dulon san an dam tia ya.

Inj ago digane ipalug gamu dam nek ago mi digane da.”

⁹Agod Dawid ibol,

“O Anut, onj in ninjedi wo igo gane wa.

Injsad kubiaen san soubul an ibol dob igo wonj,

agod ibol suwanok igo wonj onj gane ilasa wa.

An nek ibol mel ta njied isubanip diau dudu san igo wonj gane ilasa,

agod nek ibol naon muruan tubun ak dile igo wonj, ago gane wa.

¹⁰Malad tidom tubun yafutanip in aban ta dile na wa.

Saen fidian inj uyud tuon iluwi dop dutor a.

Onj muruan naok an ago pidinai a.”

Anut Juda tia yak injal imul a

¹¹Dugo, in njied dusueg diau dudu yan fon dumasa san tia i? Man tia geig a. Tia, inj aupasek digane yan lo Anut gob adi patud ipasi san dal igane ilasa ya. Anut gob adi lo ago igane yan Isrel tamolpein tinjae fufaik ipidinai a. ¹²Amaiak ninjen o, injsad

aupasek an man tan en san tamolpein sad filian, agod injsad kagin naok an man gob adi sad bar uyanan a. An ago tap, en dugo, saen inj Anut san ar lo diladu san an man uyanan geig a.

¹³Aria, gamu najai anj tamolpein Juda tia yan njurupaian da. Anut najai aposel ipilianag a, agog idinag go anj gob adi sam na njupalu ya. An ninjen o saen najai ru njufulale dan, najisag urat san nunjon ilasa yan ninjen o njabol ilasa ya. ¹⁴Njai ago njigane dop lo najisag dar kisaek san tamolpein adi tinjae fufaik digane wa. Dal an lo dop nap aenta patud njupasi wa. ¹⁵Juda adi, Anut yabianai ak san nunjon man Anut tan en san tamolpein sad turad ilasa ya. An ago tap, saen Anut Juda adi ninjedi wo ilon ipidinai da wa, en dugo? An san fun igo ya, tamolpein materj lo fon dumasap kumaen dutor a. ¹⁶Aria, ananj malan malan an gun dop man ananj wadan yen dan fidian gun a. Nek ago mi, ai dabin an gun dop man, ai raen an fidian dam gun a.

¹⁷Ai a panu san an man ru mitilaen Isrel tamolpein lo yau a, ago dugo oliv ai garan san an man anj tamolpein Isrel tia amaiak san ru mitilaen igo ya. Anut igo igane ya. Inj ai oliv panu san an raed aenta ituteg yabi yau a. Ago dugo yaug garan san ai oliv didilad ituteg injane ipalug oliv panu san raed itute yau amaiak abed lo ibate idu ya. Agog an lo ai panu san an san toub bulbal uyan ak ai garan san raed an dijanen dugo disa uyanan a. ¹⁸Ak man anj tamolpein Juda tia yan Anut ai raen a itute yau an ninjen o sem yanjam ta abisa na wa. Anj ai raen ansem ninjemi wo ru tutubun mi abol tap en ilom isou. Anj ai dabin ta asini na da, tia, ai dabin an anj isinan da. ¹⁹Ago man onj ta najai igo rupaiag, “Anut ai raen aenta itute diau dop najai abed na isatuanag a.” ²⁰Awo, an rumok a. Gug inj ilod lo ta rumok na yan ninjen o ai raen an isalsuni a. Agod anj ilom lo rumok an lo mi dabai am da atur da. Fun an ninjen o anj sesunoi kagin ta agane na wa, tia, Anut ninjen o arer dop amado wa. ²¹Man dugo, Anut inj ai oliv panu san an raen isalsuni san ta geg igane na tap, nek ago mi anj garan san ai raen inj o ilom lo ta rumok na dop man, inj anj dam isalsunan a.

²²Amaiak lo anj Anut san ilo mujanek, ilo

wananan da ilom isou. Tamolpein a diau duduyan Anut san ilo wananan dukubiani a, ak man an man inſan ilo panek an mi akubiani wa. An inſan ilo muſanek san dal mi ari au a, ago ta agane na tap, an dam ago itartitan pe ibian au a. ²³ Agod aenta ilod lo ta rumok na yak san dal lo pempem dumado san tia tap, in fon injal pe inſinan raen fo isatuanai da wa. Man dugo, Anut fon ai raen an abek nam isatuanai san idaisida ya. ²⁴ Ale. Ai oliv garan san an raen injanep, ai oliv panu san raen aben na pasauman igane san man tia ya, ago bo man an da ka isatuani a. Mago tap, Anut pasauman mok in ai oliv panu san raed an inſed abed nam isatuanai da wo igane wa.

Saen ipalu dan ate Anut Isrel adi fidian patud ipasi wa

²⁵ O teig taog, nai ilog igo ya, an Anut anen ilo girek mianuk yen en ninen anjan san tia ya, kabelan ansem yanam asini banau. Aenta Isrel luluſad lo bubedi sakar ilasa ya. Ago mi dumado yaup murna gup gob adi a Anut ipilianai an fidian inſan ar lo diladu wa. ²⁶ Ago dop nal an lo Anut Isrel adi fidian patud ipasi wa. Ru girek lo en igo ya,

“Patun pasek tamol panu tubun ak Saion lo ilasa wa.

In Anut patud dupani san kagin Jakob san dar ilod lo yen dan ipasi yau a.

²⁷ Saen an lo nai inſad aupasek nſuas yau dop

kontrak an nſupidinai a.”

²⁸ Anut in Juda tamolpein ninedi wo dal uraru en ilon isou da. Ru uyanan e mulale den ninen o, in Anut o ager dumado da, ago mi in ninedi wo ilon isou da. Agod an lo inſan bar uyanan anſam na ipalu ya. Gug Anut talpein ipilianai ak ninen o, in Juda adi ilon ipidinai da, ago mi in ninedi wo dam ilon isou da. Man ata wo? In wagam mi mok tamadi ninedi wo imat a. ²⁹ Man dugo, Anut san wagin agod inſan lou kawan ipanad an ipasi san tia ya. ³⁰ Wagam an Anut awan aparsisali na ya, ago gug Juda adi sad awa parsisalek an nunon gamu Anut injanen ilo muſanek an ipanaj da. ³¹ Nek ago mi Juda adi dam

awa parsisalek dumado dan ilasa ya. Agod gamu an Anut san ilo muſanek anane yan ninen o in dam inſan ilo muſanek dinane wa. ³² Man dugo, Anut in tamolpein fidian awa parsisalek kagin paen na dumado yan ago igane ilasa ya, ago dop an lo in tamolpein fidian ilo muſanek ka ipidinai a.

Pol Anut yanjan yabisa da

³³ O rumok nunon, Anut san filian, manau, ilo safulalek an tubun geig a.

Injanen bitinaek id abanan tilep talon san tia ya.

Agod inſan kagin naok naok id tile talon san ta idaisuda na ya.

³⁴ “Enti Anut san ilo girek igane dan ilon i? Enti in manau ka ipitenjani wak i?”

³⁵ “Dugo, enti imug mi mel ta Anut ipanip, an lo Anut inſan gubun* an ka ikubune wak i?”

³⁶ Man dugo, inſan na dupalu dan, in tuon lo, inſen ninen o dam mi mel en fidian dilasag dien da.

In saen pempem mi girager aman da imado wa.

Rumok.

12

On Anut urat ipano wo tap banin lo se iginio wau

¹ Fun an ninen o nai teig taog, Anut anen ilo muſanek tubun an ninen o nai igo nſurupaian da. Anjanem tinim kumaem anda yak anjanep, lou panek igo won, Anut inſan urat ipanaj san ninen banin lo sem idiran a. In malan lo kagin naok an gun a, agod kagin an in uyan ipani da. Man ata wo? Kagin nek an, an injanen biabi nilanjal agane wo ago ilon yen da. An ago agane tap, inſan ubou leil mok agane da. ² Agod an tan en san tamolpein sad ilo sou man ta atutanani na wa. Tia, ilom bubem awan apasip, Anut an ilom ibilisa dop anjanem ilo sou foun ak ka ilasa wa. Amaiak ninen o Anut dugo ilon ibol dan an alon uyanan a. Anut san ilobol an mel uyanan a, an dam itaot geig, agod inſan ilobol an an ilo uyan ipanaj da.

³ Aria, Anut san ilo muſanek ipanag an lo nai an fidian kisaek kisaek ninemi wo igo njabol. Onse mel aenta uyan ak gane amaiak

* 11:35: Pani

ninjen o se ta ibiosa na wa. Tia, onjane nouk nouk ninjen o ilo isou uyanan a. Man dugo, Anut ilo rumok an yabiti id ilo rumok adi anek anek iwae ipanad a, aenta tubun mi ipidinai a, aenta tubun an tia ipidinai a. Amaiak ninjen o onjse mi bitinaek lo gane wa, kabelan onj kawan se ibiosa banau. ⁴ Alonj uyan. Idsad tinid kisaek gug, ilon lo man tinid boi wei mi dien da. Tinid boi an injsad urat kisaek tia ya. Tia, injsad urat naon sensen dien da. ⁵ Nek ago mi, id ilo rumok adi man wei mi bo man Kristus tinin lo tutumanig tinik kisaek tilasa ya. Agod id kisaek kisaek idsad tinid man aenta sad tinid san boi tumado da. ⁶ Anut injsan ilo munjanek naon sensen ipanad a, amaiak ninjen o bar uyanan ak urat tigane san dam sensen ipanad da. Talpein aenta profet urat san dabai dinjane ya, amaiak lo Anut ilo rumok ipidinai ak diri dan lo, injsan ru dubol ilasa wa. ⁷ Tamolpein aenta binawek uyanan digane san dabai dinjane ya. An ninjen o tamolpein aenta dubinawai mok a. Aenta girek manjau urat digane wo igiai a. An lo man inj girek manjau urat mi digane wa. ⁸ Ta inj ru kagin ibol ilasa san urat ipani tap, inj nek ago mi igane wa. Ta inj tamolpein aenta ibalsinjanai san dabai injane tap, ilon kisaek mi urat an igane wa. Ta inj urat ititiani san tap, maeg igane wa. Ta inj ilo munjanek san injane tap, inj ilo uyan lo ago igane wa.

Anj Kris adi anjanem turenj kagin apani

⁹ Aria, onj tamolpein aenta binawaip ilo pidinai ak tap, nek ago mi ilo pidinai mok a. Kagin saiak saiak patu pani dop, kagin uyan ak mi gane wa. ¹⁰ Anjsem nug teim taom igo wonj nug ninjen amat a. Anjsem nugnug lo teim taom yanjad asini san kagin ninjen o onj maeg ganep tei rinjani wa. ¹¹ Urat lo dabai gane, yalis umoi. Onjane ilo lo Awan Urgun awan isag mado da, an lo onj tini fidian ilalanj anda yak ided onj da. Tubun en san urat gane wo ilo pani wa. ¹² Onjane mala nouk mado dan lo utur dop you isa wa. Muruan lo dop utur sakar a. Pempem Anut gudani dop mado wa. ¹³ Onj tei tao aenta ilod lo rumok ak inj mel ta o dumat tap, onj aenta dida melmel

lo ibinawai san atumanip apidinai a. Onj talpein asau mi ipalu yak kagin pani uyan san dal mi urip, kaginan gane wa.

¹⁴ Saen tamolpein dufunop muruan dupano wo dukudo tap, onj Anut naon muruan ipidinai o ta sumiani na wa, tia, inj bar uyan ak ipidinai o mi sumiani wa. ¹⁵ Tamolpein ilod uyan tap, onj dam inj dadi sisem yousai agane wa. Agod tamolpein ilod saian pe tinanj digane tap, onj dam dadi sisem tinanj gane wa. ¹⁶ Anj nugnug lo ilom kisaek mi amado wa. Anjsem yanjam lak na abisa amoi. Tia, anj tamol kawan, yanjad tia yak dam turad mok amado wa. Anjsem manjau tutubu amam da yak ta abol na wa.

¹⁷ Talpein muruan ipano tap, naon muruan pani umoi. Tia, onj tamolpein sad leil lo kagin a uyanan mok ilo isou dan mi gane wa. ¹⁸ Dal yen tap, onj tamolpein fidian dadi ilo maror lo mi amado wa. Inj onj o ager dumado yau tap, gidad mel an injsad mi a. ¹⁹ Turag muroug, saen tamolpein dibianj adu tap, anj pani naon afuli wo ago ta agane na wa. Tia, Anut anen tinjae saiak an mi aben apani dop injsen mi pani an naon ka ifuli wa. Man dugo, ru girek lo ago ibol, "Tubun ak igo ibol, talpein enti igane saian ak naon panek man, njai mi a, njaiseg mi injsan pani an naon njufuli wa." ²⁰ Ak gug, "Onjse ager an imatigen tap, ananj panip yani wa.

Inj you o imat tap, you panip iluk a.

Kagin amaiak lo man nek ibol onj yai midiger gumuran fo kulmaek igo wonj gane da."*

²¹ Kagin saian an onj ta ibio sakar na wa, tia, kagin uyan ak lo kagin saian an san dabai wabi idu wa.

13

Anj gabman gurman fidian paed na amado wa

¹ Anj fidian anjanem gabman san gurman anj ditirnanj dan awad paen na amado wa. Man dugo, Anut mi inj titianek tamolpein fidian idirai san fun mok a, agod gurman a id ditirnad dan man Anut sen ipilianai a. ² Amaiak lo, talpein inj titianek tamol awad iparsisali tap, inj tamolpein a Anut

* **12:20:** Dal an lo onj injanen tinjae saiak wabi idug, ilon ibileksa dan pani da.

ipilianai an awad iparsisali da. Agod tamolpein fidian kagin a duri dan Anut insad muruan an naon ipidinai a. ³ Gurman adi in tamolpein kagin uyan ak mi digane dan rurek ta dupidinai na wa. Tia, tamolpein a kagin saian ak digane dan mi rurek dupidinai a. On tan gurman ninen o urer umoi ak i? Ago tap, kagin uyan ak mi gane dop, an lo tan gurman an on ilio uyan a. ⁴ Man dugo, in man Anut san urat pinein, on mado uyan san kagin ipano da. Ak man on kagin saian ak gane tap, urut dop urer saian geig a. Kabelan in sabiri kawan yabi dak ago ilo isou banau. In Anut san urat pinein, amaiak tuon lo talpein ta kagin saian ak igane dan, Anut san tinjae saiak ile wa. ⁵ Fun an ninen o, onane gurman adi awad paen na mado wa. Dal an lo Anut tinjaen saian san kagin rinani wa. Fun an ninen o mi tia, tia, onane kankan uyan ak a ru kagin ipano dan ninen o awa parsisalek ta gane na wa.

⁶ Nek fun an lo an gabman san takis dam abal a. Man dugo, gabman san urat pinein adi man dam Anut san urat pinein mi a, agod in pempem tamolpein sad madok uyan dumado san kagin digane da. ⁷ Amaiak ninen o an ananem gubun* naok ago yak fidian akubune wa. Saen gabman takis abal o ibol tap, ago agane wa. Takis naon sen ak abal o dubol tap, an dam abal a. Tamolpein awad ari apani wo dubol tap, an nek ago agane wa. Tamolpein ditiitanan dan yanad asini wo dubol tap, an dam nek ago mi agane wa.

Kristus san nal sumeik an ninen o aenta ninedi wo amat a

⁸ On talpein ta san gubun tini lo ta yen na wa, tia, nug ninen o amat san gubun mi tini lo yen a. Man dugo, talpein ta in turan ilon ipani dan, kagin an lo kubiaen an fidian ituanai idu da. ⁹ Moses kubiaen igo ibol, “On jeit ta gane na wak, on tamol ta funip imat na wak, on aenta sad melmel ta ugam na wak, on tamolpein aenta sad melmel ninen o mala ta isi na wa,” agod kubiaen aenta dam ru girek en lo yen da. Gug kubiaen kisaek en kubiaen an fidian ituanai idu ya, nek “On se ilo ipano dak

ago mi tura ilo pani wa.” ¹⁰ Talpein ta in tamol ta ilon ipani dan, in lo kagin saian ak ta igane na da. Amaiak ninen o ilo panek san nunon man nek ibol kubiaen an fidian iganuri dak igo won a.

¹¹ Agod taida mi an en alon ak, saen iparsikawad ak ninen o non abiseip amasa wa. Man dugo, gamu en patud ipasi san id sumeik ipanad la ya. ¹² Tidom tubun ibisawad dugo ilalan sumeik ipanad a. Id tidom san kagin ta tigane na wa. An ninen o lilaman san yu mi tuburoup tawan tigane wa. ¹³ An ad aman ator dak ago turen uyanan ator a. Ayu aluk pe aban daon ta agane na wa. Jeit lo, melmel saian ak lo bubem imasa san lo, wagai lo dabai agane san lo mi tia. ¹⁴ Tia, an Jesus Kristus ananep kulos igo agane wa. Agod mel ta aganep ansinam tinim san ilobol afutip idaisuda wo ago ta agane na wa.

14

Onane tei san ilo rumok dabai tia yan ta pitinini na wa

¹ Aria, saen talpein ta san ilo rumok dabai tia yan ansam tumanek lo ipalu tap, an ilo uyan lo mi anane. Ak man an insinan ilo sou an ninen in da nug ape wo agane man amoi a. ² Nai ago nabol dan fun igo ya. Ilo rumok adi aenta mel an uyan dubol da, ago dugo aenta mel an saian dubol da. Talpein ta in ilon lo anan nuaen mudan nuaen an mel uyan ak ago ibol da. Ago dugo talpein san ilo rumok dabai tia yan, in juda sad kubiaen ilon isou dan lo mudan yani san lo muruan ifuni da. Fun an ninen in pinapan mi yani wak ago ilon isou da. ³ Talpein a mel mudan yani dan in talpein mel mudan ta yani na dan ninen o ta imisilani na wa. Nek ago mi talpein a mel mudan ta yani na dan in talpein mel mudan yani dan ta ile saian na wa. Man dugo, Anut talpein an inane la ya. ⁴ On enti, go on talpein sen ak san urat pinein wabi idu wo gane di? Insen mi inanen tubun ak naon na itur boi, tia, yau idu boi. Gug en rumok geig a, in man itur mok a. Man dugo, inanen tamol tubun ak lo itur san dabai idaisida ya.

* 13:7: Pani

⁵ Aria, talpein ta in nal aenta gun mok ak ago ilon isou da, ago yan lo in juda sad nal gun an sad kubiaen iganuri san kagin ipani da. Gug talpein sen ak in nal an fidian naon kisaek ak ago ilon isou da. Tamol an in sed anen anen atem kagin ago digane dan dibitinaep dile wa. ⁶ Talpein ta in nal gun an san kubiaen iganuri dan, in Tubun ak yan an yabisa wo ago igane da. Nek ago mi talpein a mudan fidian ka yani wo ibol dan, in dam Tubun ak yan an yabisa wo ago igane da. Man dugo, in mudan a yani dan ninen o Anut ilo uyan ru irupei da. Ago dugo talpein a mudan imoi dan, in dam Tubun ak yan an yabisa wo ilon isou da. Agod in dam Anut ilo uyan ru irupei da. ⁷ Talpein ta in sen kisaek imado san tia ya. Agod in sen kisaek imat san tia ya. ⁸ Tia, id kumaen tumado tap, Anut o kumaen tumado wa. Agod id tamat tap, Anut o dam tamat a. Amaiak ninen o, id kumaen tumado boi, tia tamat boi, id Anut san mi a.

⁹ Fun nek amaiak ninen Kristus imat go fon kumaen imasa da ya. In ago igane yan lo in tamolpein dumat ak, agod tamolpein kumaen dumado dak dam sad Tubun ak imado da. ¹⁰ On ata wo onane tei bitinaek lo gane dak i? Agod fon, on ata wo onane tei misilani dak i? Alo on uyan, id fidian Anut anen bitinaek san kalik naon na tatur a. ¹¹ Man dugo, ru igo yen da,

“Nai kumaeg numado dan rumok tap, naisag ru en nunon ilasa wa.

Tubun en igo ibol da. Tamolpein fidian nai naog na ditakoksi wa.

Agod tamolpein an fidian Anut naon na inaned muruan dubol ilasa wa.”

¹² An lo id anek anek mel dugo tigane na yan fidian Anut naon na walal te tidiri ilasa wa.

Onane kagin lo tei Kris ak aupasek lo yau idu wo ta gane na wa

¹³ An ninen id fon nug ta tibitinae na wa. Tia, id igo ilod isou wa, tuparsisi san mel ta teid san dal te ta tigane na wa, agod suwanok dam teid san dal te ta tigane na wa. ¹⁴ Rumok ak, Anut malan lo anan mudan an fidian ikok mok a. An nai nal on uyan a, agod nai Jesus Kristus lo numado da, an lo in nai ateg isueg naisag ilo sou an itaot

a. Ak man talpein anan ta boi, mudan ta boi in yani san an ta ikok na yak ago ilon isou tap, aria in ninen o mi mel an ta mok ikok na ya. ¹⁵ On onane tei mel ta wani dan ninen o ilon muruan tap, an ninen o on ilo panek san dal uri san tia ya. Mel a ta wani na wan umoi tap, an uyanan a. Kabelan tamol a in ninen o Kristus imat an, on mel dugo wani dan lo, on tamol an daon pani banau. ¹⁶ On mel uyan ak ta wo ilo lo rumok a, gug tamolpein aenta mel an ninen o ru saiak dubol tap, an lo on ilo sou saian ak gane ilasa man umoi a. ¹⁷ Man dugo, saen Anut in sen mi idsad Tubun ak imado man, tani taluk san ninen o mi tia ya. Tia, id Urgun lo kagin itaot, ilo maror, uyasusai amad da tator a. Kagin nek an mi malan te ya. ¹⁸ Fun an ninen tamol enti kagin naok an lo Kristus san urat igane dan Anut ilo uyan ipani a. Agod tamolpein sad leil lo tamol an uyanan a.

¹⁹ Amaiak ninen o, id maror san kagin tigane ilasap, agod id nug dabai tupanip, kagin an mi turip tator a. ²⁰ On anan ninen o mi, Anut san urat an, ilo rumok adi ilod lo yan ta pitiini na wa. Rumok, melmel fidian tani san a Anut malan lo yan ikok mok a, id an ka tani wa. Ak gug on mel ta wani dop lo tamol sen ak aupasek lo yau idu tap, on au upas da. ²¹ Ago yak ninen o, on mudan wani ak lo boi, tia, you sakar uluk ak lo boi, tia, mel dugo gane dak lo boi, kabelan onane tei aupasek lo ganep yau idu banau. Tia, on kagin ago ta gane na tap, kagin naok an mi uyanan a.

²² On melmel dugon ilo lo rumok an mi on Anut da lulunam lo yen da. Talpein ta san ilo rumok an man onsa mel tia ya. Saen talpein in anen kagin naok uyanan a ilo lo rumok an bitinaek lo igane dop, mel ta saian ak ta ile na tap, in ilon uyanan mok a. ²³ Ago gug, talpein ilon uraru dugo yani tap, Anut san bitinaek lo yau idu wa. Man dugo, in anen kagin an ilo rumok lo ilasa man tia ya. Mel ta in anen ilo rumok an lo ta ilasa na dan, nek an mi aupasek mok a.

15

Kristus ilon ipanan ak igo mi an dam nug ilon apani wa

¹ Id a ilod lo rumok dabai an, id tamolpein a sad ilo rumok dabai tia yan tibinawaip sad muruan dida tisini wa. Idsed niñed o mi tamat dop aenta tabianai man kagin uyan tia ya. ² Id anen anen atem turad muroud ilo uyan tupidinai a, ago dop in dal uyan ak lo mi dutor a. An lo inşad ilo rumok an dabai anda ilasa wa. ³ Agod Kristus inşinanen ilo ibol an ta iri na da. Tia, in muruan dam isini da. Ru girek lo na igo ibol, “O Anut, tamolpein a dupaio saian an inşad tiñae saiak an ñai ñisini a.” ⁴ Ru fidian a nal gubak mi Anut san tamolpein digire yan, an id ipiteñanad san niñen digire ya. Id muruan lo tatur sakar dan lo, agod ru girek san dabai panek ru lo, id mel a niñen o mala nouk tumado dan nuñon ago ilasa wa.

⁵ Ñai an niñemi wo Anut igo ñjugudani a. Anut in dabai panek ru san fun, agod in muruan lo tatur sakar san fun, in ka ibinawañ pe ansem nugnug lo ilom kisaek mi amado wa. An Jesus Kristus atutuñani dan lo kagin amaiak mi ago agane yau a. ⁶ Dal an lo saen an Anut ubou an ale dan, an fidian awam kisaek mi Anut, Jesus Kristus idsad Tubun en Taman, amaiak yañan abisa da.

⁷ Fun amaiak niñen o an nug niñen amat mok a, nek ibol Kristus sen an inñilian uyanan ak igo woñ a. Ago dop an ago agane dan lo Anut yañan abisa wa. ⁸ Ñai ago ñurupaian dan san fun igo ya. Kristus in Juda adi sad urat pinein on ilasa ya, an lo Anut ikubiai tile yak inşan ru an ru rumok a. Ago dop ru a Anut Juda sad tubud bagedi ibol ipidinai an nuñon kuai isi wa. ⁹ In ago igane yan lo Anut san ilo muñanek an tamolpein Juda tia yak ipidinai, an lo in dam Anut yañan diabisa wa. Nek a girek lo ibol ago,

“Fun an niñen ñai on gob adi luluñad lo yañan abisa wak,
ñai bar ñabi dop on yañan ñabisap lak na isida yau a.”

¹⁰ Agod ru girek en fon ago ibol,

“O an Juda tia yan, an Anut san tamolpein dadi yousai agane.”

¹¹ Agod fon,

“O an Juda tia yan fidian, Tubun en yañan abisa,

an tan titin an fidian san tamolpein bar abi dop per apani.”

¹² Agod fon, Aisaia ago ibol,

“Tamol Jesi dubol dan dabin lo didilan ta isa wa,

agop in isap tan titin fidian sad tamolpein kagin ipidinai a.

Juda tia yan in tinid digane panip dumado wa.”

¹³ Aria, ñai an fidian niñemi wo Anut igo ñusumiani a. In mi, madok uyanan a niñen o mala nouk amado dan san fun, an ilom lo rumok an lo yousai tubun, agod ilo maror mok an an bubem lo idaisuda yak, ago ka igane ilasa wa. Ago dop an lo na an Urgan san dabai lo tubun mi mala nouk amado dan lo atur a.

Anut Pol ipilianig gob adi ibinawai o ru sinek tamol ilasa ya

¹⁴ Ñai teig taog, aenta an niñemi wo ñai durupaiañ a, nek ago mi ñaisag ilog dam ru kisaek an mi ago irupaiañ da. Ru an igo ya. An kagin uyan ak tinim lo yen an awan isa ya. An mañau amam da ya, an niñen an ansem nug ka apiteñani wa, ago dop an nugnug lo anşam ilo sou katukan an akubune wa. ¹⁵ Gug ñaisag girek en lo, ñai ru kagin aenta ñurupaian an kuai te ñabol ilasap alon an niñen ta ñarer na ya. An lo ñai ananem ilo sou ñabisa dop ate an mel gubak mi alon la yan ilom isou da wa. Ñai Anut san ilo muñanek lo yañak ipanag amaiak lo ago ñigane ya. ¹⁶ In ñai Jesus Kristus san urat pinein ipilianag go Juda tamolpein tia amaiak ñibinawai o ñupalu ya. Agod ñaisag urat en igo ya, ñai pris igo woñ Anut san bilaluñ uyanan an ñifulale wa, ago dop an lo ñai tamolpein Juda tia yan ñañal pe lou kawan igo woñ Anut tuon lo ñidirai a. Agod Anut ñai tuog lo inñal pe Awan Urgan san dabai lo tamolpein e gun idiraig dilasa yen Anut uyan ipidinai a.

¹⁷ Amaiak niñen o, ñai Jesus Kristus lo Anut san urat uyan ak wei mi ñigane ilasa ya. Amaiak lo Anut naon na ñaiseg ka ipitianag a. ¹⁸ Ñai mel dugon Kristus ñaisag urat lo ta igane na yan niñen o ñabol ilasa wo ñarer da. Tia, ñai gob adi dal an ñukubiai dilep Anut awan duri dupani san amaiak mi niñen o ka ñabol ilasa wa. Mel ta ñaisag

ru lo, n̄aisag urat lo, ¹⁹ n̄aisag kulob girager in̄ urat tutubun da n̄igane dan lo, agod Awan Urgun san dabai lo, amaiak mi nin̄en n̄abol ilasap alon̄ a. Amaiak lo n̄ai aben fidian lo n̄au a, Jerusalem na fun n̄igane gug n̄au nag n̄aisag turen̄ wadan Ilirikam* na n̄ilasa ya. N̄ai Jesus Kristus san bilalun̄ uyanan amaiak panu fidian san tamolpein n̄urupidai dulon̄ a, mel ta n̄ai n̄umiani man tia ya. ²⁰ N̄ai panu fidian a Kristus yan̄an dulon̄ san tia yan lo n̄aup ate in̄ yan̄an n̄ifulale wo ilog ibol da. N̄aiseg ilog pempem yen dan ago mi a. N̄ai ago n̄igane dan fun dugo, n̄ai talpein sen ak san kadan̄ iguni la yak fo na ab n̄ususe man n̄amoi a. ²¹ Tia, nek ru girek lo ibol ago,

“Tamolpein a in̄ nin̄en o ta durupidai dulon̄ na yan in̄ dile dulon̄ a.

Agod tamolpein a in̄san ru ta dulon̄ na yan, in̄ ilod isafulale wa.”

Pol Rom na yau o ilon yen da

²² N̄ai an̄sam na ta n̄upalu na man fun n̄ai panu aenta lo urat wei mi n̄igane na ya, agod an̄ n̄ai an̄sam na n̄upalu san dal itute ya. ²³ Gug gamu panu an̄ fidian lo man n̄ai abeg tia ya, amaiak nin̄en n̄ai ante ru n̄ifulale na yan gamu itout a. Anan̄ar wei kasik n̄ai an̄sam na n̄upalu wo ilog yen a, ²⁴ agod gamu n̄upalu wo ago n̄igane da. N̄ai Spein na n̄aup ru n̄ifulale wo n̄igane da. An nin̄en saen n̄ai an̄sam gigin lo n̄upalu dan, n̄ai saen katukan mi an̄ n̄ilian̄ o ilog isou da. N̄ai an̄ da tumado wo ilog uyanan da, murna gup an̄ n̄ai Spein na n̄au an nin̄en asatuanag dop dabai ka apanag a. ²⁵ Ak man malan malan man n̄ai Jerusalem na n̄aup ilo rumok adi atna dumado dan n̄ubinawai o ilog yen da. ²⁶ Midaen̄ fidian a Akaia na Masedonia na dumado dan ilo sou diganeg, moni dutumanig ilo rumok adi filiad tia a Jerusalem na dumado dan sad na digane yau a. ²⁷ An man in̄siganed ilo girek mi a. An uyan mok a, ago gug mel en dam rumok a, Juda adi in̄ in̄sad pani naon ta gob adi tinid lo yen da. Man dugo, Juda ilo rumok adi in̄ mel uyanan n̄utun san a Jesus Kristus lo amaiak in̄ dupidinai a. Ago yak nin̄en tamolpein Juda tia yan melmel tinid san an ate in̄aned pani naon

dukubune wa, an lo in̄aned muruan aenta dupasi yau a. ²⁸ Aria, n̄ai in̄aned ru nun̄on digane yan n̄in̄ane n̄aup banid lo n̄igane gup fon an̄sam na n̄upalu da wa, ago gup Spein na n̄au a. ²⁹ Taida mi, n̄ai ago n̄alon̄ ak saen n̄ai an̄sam na n̄upalu dan, n̄ai Kristus san bar n̄ai lo awan isa yan an̄sam na n̄upalu dop da n̄isini n̄upalu wa.

³⁰ N̄ai teig taog, n̄ai abinawag o n̄usumianan̄ da. An̄ Jesus Kristus san a, nek n̄ai igo mi a, agod Awan Urgun san ilo panek an̄ dam bubem lo igane ya. Fun an nin̄en, saen n̄ai n̄ugudani dan an̄ n̄ai awag abatep gudanek tubun ak tigane wa. Agod an̄ Anut asumiani on̄ dop n̄ai ibinawag a.

³¹ Juda ilod lo rumok tia yak a Judea na dumado dan in̄ n̄ai dufunag o digane da. An nin̄en o Anut asumiani dop n̄ai in̄ banid lo ipasag in̄iliag a. N̄ai in̄anen tamolpein Jerusalem na yan lulun̄ad lo urat n̄igane wan dam nin̄en asumiani dop urat an nin̄en ilo uyan ipidinai a. ³² Ago dop Anut ilon ibol tap, n̄ai ilo uyan amag da ago an̄sam na n̄upalu pe an̄ n̄ai da ilod kisaek sisem yaes tabal uyan a. ³³ Ilo maror san Anut an̄ fidian da ka amado wa. Rumok.

16

Pol ilo uyan ru tamolpein wei mi ipidinai a

¹ Aria, gamu n̄ai ru wadan taida n̄urupaian̄ o da. Id lud Fibe in̄ Rom na ipalu wa, ago yak nin̄en o an̄ in̄ kagin apani uyanan o n̄ai ilog ibol da. In̄ pein gurman, agod in̄ Kenkria taun san midaen̄ an lulun̄ad lo urat igane da. ² In̄ dam Tubun en san ilo rumok pein, ago yak nin̄en an̄ ilo uyan lo mi an̄anep kagin apani wa. Ilo rumok adi dal naon an̄ dirip dutor ak man uyanan a. Pein an̄ mel ta lo katukan dop abinawi. Man dugo, in̄ tamolpein wei mi ibinawai na ya, agod n̄ai dam ibinawag a.

³ Akwila iwon Prisila da ilo uyan n̄upidinai, in̄ n̄ai dibinawag go Jesus Kristus san urat migane ya. ⁴ Agog saen Juda n̄ai dufunag o digane yan in̄ n̄ai dubalgirana g a, in̄ n̄ai abeg dinaneg dumat o ta direr na ya. An nin̄en n̄aineg ilo uyan in̄ n̄upidinai da, agod n̄ai mi tia ya, tia, tamolpein Juda tia

* 15:19: Albania

yan sad midaen in dam inaned urat uyanan an ninen ilo uyan dupidinai a.

⁵ Agod fon ilo uyan midaen a insad ab lo dutumani dan sad na migane yau a.

Naineg turag Epenetus naisag ilo uyan in apani, in tamol malan malan Esia ilon lo in Kristus ninen ilon lo rumok a.

⁶ Maria ilo uyan apani, in an ninemi wo urat wagai tubun mok igane se ya.

⁷ Andronikas in iwon Junia da ilo uyan apidinai. In nai turag muroug Juda, agod in nai da sisem dusubanama ya. In dam yanad aposel, agod in Kristus malan malan dulonj gug nai murna nalonj a.

⁸ Ilo uyan Ampliatus apani, Tubun en san kagin lo in naisag turag uyanan a.

⁹ Ilo uyan Urbanas apani, in manj da sisem Kristus urat an migane da, agod naineg turag Stakis dam ilo uyan apani.

¹⁰ Apeles ilo uyan apani, insan urat uyanan an Kristus ileg ilon uyan a.

Ilo uyan ilo rumok adi Aristobulas san samun lo yan apidinai.

¹¹ Herodian ilo uyan apani, in nai turag, in dam Juda.

Ilo rumok adi Nakisus san samun lulunjad lo dumado dan ilo uyan apidinai, in dam Tubun ak san.

¹² Trifena in Trifosa da ilo uyan apidinai, pein uraru an Tubun en ninen o urat wagai digane da. Persis ilo uyan apani, pein an manjanema luma, in ninen tubun mi mamat da, in dam Tubun en ninen o urat wagai igane da.

¹³ Rufus ilo uyan apani, Anut an lulunjam lo yanjan tubun ak ago ipiliani a. In tinar dam ilo uyan apani, in dam naisag tinag onj a.

¹⁴ Asinkritas in Flegon, agod Hemes, Patrobas, Hermas agod ilo rumok adi aenta in dadi dutumani dan ilo uyan apidinai.

¹⁵ Filologas in iwon Julia da ilo uyan apidinai, agod Nerias in lun da dam, agod Olimpas in ilo rumok adi fidian dida dumado dan an dam ilo uyan apidinai.

¹⁶ Ansem nug ilo uyan apani. Kristus san midaen aben e lo dumado den fidian ansam na ilo uyan digane ipalu ya.

Tamolpein a an lulunjam lo biatitek digane ilasa dan leil apidinai o uyanan a

¹⁷ Teig taog, tawanj agane wo nai jurupaianj da. Tamol a an lulunjam lo biatitek in muruan da digane ilasa dan, an ninedi wo kagin agane. Insad ru an naon sen geig a, ibol an ru rumok ak alonj ago tia ya. Fun amaiak ninen an sen alasa wo jurupaianj da. ¹⁸ Man dugo, tamolpein naok an man Kristus Tubun en san urat ta dubinawi na da, tia, in insed tinid dufutuwi san urat tamol dumado da. Insinad ru sewak, ru bulbal an lo tamolpein ta dulonj uyan na yan dirawai da. ¹⁹ Tamolpein fidian ansam awa yabek uyanan an dulonj a, an ninen o nai an ninemi wo youg isa da. Gug nai ilog ibol dak an kagin uyan ak mi ninen manjau amam da, agod kagin saian ak ninen anjanj mok ak man uyan a.

²⁰ Ago dop Anut, ilo maror taman an, in milaen tiap Satan an niem paen na iganep iparfufari wa.

Jesus Kristus idsad Tubun en san ilo munjanek an da amado.

Tamol aenta ilo uyan ru diganeg Rom sad na yau a

²¹ Timoti, naisag urat kisaek an, ilo uyan ipananj da. Nek ago mi nai turag muroug, Lusias in Jason da agod Sosipata da dam ilo uyan dupananj da.

²² Nai Tertias, naisag banig nam Pol san girek en njigire ya. Nai dam Anut yanjan lo an ilo uyan njupananj da.

²³⁻²⁴ Gaias dam ilo uyan ipananj. In manj da mumado ya, manj kagin am igane uyanan a. Agod fon midaen a insan ab lo dumado yan ansam na ilo uyan digane ipalu ya.

Erastas ilo uyan ipananj. In taun Korint san moni kagin ipani da. Agod Kuatus ilo rumok tamol an dam ilo uyan ipananj a.

Pol Anut yanjan yabisa san ru wadan

²⁵ Aria, gamu id Anut yanjan tabisa dop ubou an tile wa. In naisag bilalun uyan ak Jesus Kristus ninen njufulale dan lo, an dabai ipananj pe lo atur sakar san idaisida ya. O gubak mi Anut san bilalun en imianig imianuk yen a, ak man id talonj an ninen kuai te igane ilasa ya. ²⁶ Agod gamu profet adi sad girek lo ru en kuai isi a. Ago dop an lo tan titin fidian san tamolpein ru e dulonj en Anut sen ago digane wo in ru

kagin ibol ilasa ya. Anut, kumaen pempem imado dan, ago ibol ilasa an lo tamolpein ilo rumok san dal turi tupani dan, inſan awa yabek tamolpein tilasa wa. ²⁷An niſen inſ yaſan tabisa. Inſ mi Anut, inſ mi maſau tamol a. Jesus Kristus yaſan lo mi, inſ mi yaſak tubun ak pempem inſane wa. Rumok.

1 Korint

1-2 Anut ilon yen ak ago, ηai Pol, Jesus Kristus san aposel ηilasa wo igiag a. ηai, agod idsad teid Sostenis dam girek en an Anut san Kris midaen a Korint na amado dan sam na miganeg ipalu ya. Anut an igian go Jesus Kristus da itumanan go inanen tamolpein gun ak alasa ya. An agod tamolpein a tan fidian lo dumado dugo, idsad Tubun ak Jesus Kristus yan an lo dugudani dan dida, an sam na girek en miganeg ipalu ya. Kristus man inaned Tubun ak, agod idsad mi a.

³ Anut idsad Tamad agod Tubun ak Jesus Kristus, inaned ilo panek agod ilo maror da ka dupanan a.

Pol Korint adi niηedi wo Anut ilo uyan ru ipani a

⁴ ηai an niηemi wo nal fidian Anut ilo uyan ηupani da, fun dugo, Jesus Kristus log Anut ilon ipanan a. ⁵ Kristus lo man Anut in dal fidian lo binawek funfun an ipanan a, an lo binawek ru afulale san, agod binawek manau amam da yak san dam aburoug binawek uraru an an ilom lo inane fute ya. ⁶ Man dugo, ru a man Kristus niηen o an lulanam lo mifulale se yan nuηon igane dugo ale ya. ⁷ Fun an niηen o idsad Tubun ak Jesus Kristus, fon kuai isi da wan niηen o an malam agane dugo, Urgun binawek ipanad dan lo ta katuk am da, tia geig a. ⁸ In an dabai ipanan pe atur sakar yaup saen wadan idu wa, an lo idsad Tubun ak Jesus Kristus san nal idu wan lo in an mel ta niηen o ru ta ipanan na wa. ⁹ Anut pempem inanen ru iganuri da. In an igian go inanen Nanun, Jesus Kristus idsad Tubun ak da atumanig nug turan igo won ator da. Amaiak niηen o in dugo ibol dan ate mi ago igane wa.

Korint midaen ilon lo biatitek yen da

¹⁰ ηai teig taog, idsad Tubun en Jesus Kristus yan an lo ηusumianan da, an fidian mi ilom kisaek dop an lulanam lo biatitek ta yen na wa. ηai ilog ibol dak, an fidian mi ilom atumani, agod ananem ilo sou dam kisaek a. ¹¹ Man dugo, Kloe san tamolpein

ηaisag na dupalug, an lulanam lo nug paek kagin yen dan dubol go ηalon a. ¹² ηai ago ηabol an san fun man igo ya. An lulanam lo ta ibol, “ηai Pol san,” ta ibol, “ηai Apolos san,” ta ibol, “ηai Sifas san,” agog ta ibol, “ηai Kristus san.”

¹³ Ak dugo, Kristus tinin gilefutek go sensen dien di? Tia, ηai Pol, an niηemi wo aigim fo ηamat i? Tia, ηai yanag lo suguek dupanan i? ¹⁴ ηai Anut ilo uyan ηupani da, man dugo, ηai tamolpein tata ηufulanai man tia ya, nek Krispas in Gaias da mi a. ¹⁵ An lo man talpein ta ηai yanag lo ηusugui ak ago ibol san tia ya. ¹⁶ Rumok, ηai Stefanos san warou inanen ab lo dumado dan ηusuguai a, ak gug an patun fo taidam ηusuguai ak ago ilog isou man tia ya. ¹⁷ Man dugo, ηai tamolpein ηusuguai o Kristus idinag go ta ηupalu na ya. Tia, in ηai bilalun uyan ak ηabol ilasa wo idinag go ηupalu ya. Agod ru a ηabol ilasa na yan tamol sad kankan milae ak lo ta ilasa na ya, agod kududod lo ru bulbal ak ηai dida ta miηen na ya. Ata wo? Ru a Kristus san aigim niηen o tabol ilasa dan man dabai anda ya, kabelan ru sen ak ηabol ilasa dan lo aigim san dabai an nuηon igane ilasa san tia banau.

Kristus in man Anut san dabai agod kankan milae a

¹⁸ Man dugo, tamolpein ensauta a dideg diau dan in ilod lo man, aigim san niηen an ru niηeo igo won a. Ak man tamolpein ensauta a Anut patud ipasi wo urat igane dan, in sad ilo sou lo man, aigim san niηen an Anut san dabai mok. Agod id man nek tamolpein ama ya. ¹⁹ Ata wo? Awak aban ta Anut san buk lo yak igo ibol,

“ηai tamol a sad kankan milae an inaned manau daon ηupani wa, agod kaman tamol adi sad kankan uyanan an ηai sen gigin na ηigane wa.”

²⁰ Tamol kankan milae ak dugon te imado di? Kubiaen tamol dugon te imado di? Tan en san kaman tamol ru uyan ak in ηen dan dugon te imado dak i? Tamol naok amaiak in ka dubunawad ak i? An fidian tia ya, man dugo, Anut in tan en san tamolpein inaned kankan milae an, ru burau ak igo won igane ilasa ya. ²¹ Man

dugo, Anut inşinan kankan milae an lo inanen ilo girek igo ya. Tan en san tamolpein inşigned kankan milmilae an lo Anut duloŋ san tia ya. Tia, Anut ilon igo ibol dak man, ru burau a maŋ mabol ilasa na yan lo mi, tamolpein ensauta a ru an ilod lo rumok an, patud ipasi a. ²² Juda adi kulob girager dile wo ilod ibol da, agod Juda tia yak adi man, kankan milae ak abaŋ an diabi da. ²³ Ak gug ru e maŋ mufulale den man, Kristus aigim fo imat ak san ru. Ru en Juda adi ilod lo rumok san dal ifutani da, agod Juda tia yak adi ilod lo man, ru an ru burau ago dubol da. ²⁴ Ak man tamolpein ensauta a Anut igiai an, gidad inş Juda adi, tia, inş Juda tia yak adi, inş duloŋ ak, Kristus man Anut san dabai, agod kankan milae ak dam Anut san mi a. ²⁵ Man dugo, Anut san ilo sou burau man, tamolpein sad kankan milae an iriŋani a. Agod mel dabai an tia yak Anut igane dan, tamol sad dabai iriŋani a.

²⁶ Teig taog, aŋsam wagiŋ Anut ipanaŋ an niŋen o ilom isou. Tan en san tamolpein malad lo man, aŋ luluŋam lo maŋau tutubu amad da yan wei an tia ya. Tamol tutubu yak dilasag dumado dan dam wei an tia ya. Agod tamol yaŋad an da yak sad gugoi lo inş nuŋod wei an tia dilasa ya. ²⁷ Ak gug Anut tamolpein a aenta sad leil lo niŋeo dubol dan ipilianaig, ate talpein a kankan milmilae an miai ipidinai a. Nek ago mi, inş tamolpein dabai ad tia yak ipilianaig, ate tamolpein dabai ad da yan miai ipidinai a. ²⁸ Taida mi, melmel a tan en lo yaŋad tia yan, melmel a tamolpein patud dupidinai dak, agod melmel nek a ta dien na dan dam ipilianaig, an lo melmel a inş dien mok dan mel kawan ak igo woŋ idiraig dilasa ya. ²⁹ An lo man, talpein ta Anut naon na sen yaŋan yabisa san tia ya. ³⁰ Anut inşen mi, aŋanem madok Jesus Kristus lo yan san fun mok a. Anut lou wei mi Kristus ipanig ate id ibinawad a. Kristus lo mi id kankan milae ak amad da tilasag tumado da. Tamol a id idad go inşiliad an man Kristus mi a. Inş lo yak niŋen o Anut malan lo id itaot, agod gun tilasag tumado da. ³¹ Fun an niŋen o ru ta digire yan ago ibol da, “Talpein enti kagin ta niŋen o sen yaŋan yabisa wo igane

tap, gidad imoip, inş Anut mi yaŋan yabisa wa.”

2

Pol Kristus niŋen o mi ibol ilasa ya

¹ Teig taog, saen ŋai aŋsam na ŋupalug Anut san ru ŋufulale panaŋ man, ŋai kudodom lo ru bulbal ak lo ta niŋiŋeŋ na ya, agod ru kankan milae ak lo ilasa na yan lo ilom ta niŋane na ya. ² Man fun dugo, ŋai ilo sou igo niŋane ya, saen ŋai luluŋam lo ŋumado man, ŋai ru an fidian patug fo niŋane ya. Ru Kristus niŋen o, agod inşen aigim fo imat an dam, ru nek an mi ŋabol dugo aloŋ a. ³ ŋai aŋ luluŋam lo ŋumado dugo tinig dabai an tia ya. An mi tia, ŋai ŋarer dugo tubun mi ŋusuruwor se yan dam ale ya. ⁴ Taida mi, ŋaisag ru agod bilaluŋ ŋabol panaŋ an man, ilom niŋane san kankan milae ak ate ta ŋabol go aloŋ na ya. Tia, aŋsem ale aloŋ ak, ŋaisag niŋeŋ an Awan Urgan san dabai lo ilasa ya, man dugo, Awan Urgan inşanen dabai kuai tem ikubiaig ale ya. ⁵ ŋai ago niŋane yan fun man, aŋanem ilo rumok san fun mok an tamol adi sad kankan milae ak lo ta yen na wa. Tia, ilo rumok an Anut san dabai lo mi yen a.

Kankan milae a Urgan san na ipalu yan san ru

⁶ Ak man tamolpein a Anut niŋen o inşaned maŋau milae an luluŋad lo man, rumok, ru a miŋiŋeŋ dan kankan milae ak lo ilasa da, amaiak dile duloŋ da. Ak gug kankan an man, saen e gamu tumado den san kankan milae ak tia geig a, agod tan en san gurman adi sad kankan milae ak, an dam tia ya. Man dugo, Anut inş gurman adi saen gamu tumado den san igane itout o urat igane da. ⁷ Ak man kankan milae a maŋ kuai te migane ilasa dan man, gubak mi mianuk lo yen na ya. Kankan milae an Anut wagam mok, saen tan en gamugo ilasa yan, inşinan ilo sou lo imiani a, agog saen milae mok ante yen na ya. Man dugo, Anut fun lo mok tan gamugo ilasa dugo ilon igo yen a, mitep kankan milae an id ipanad dop lo girager amad da tilasap tumado wa. ⁸ Kankan milae naon en man tan en san gurman adi duloŋ san tia ya. Inş kankan milae an duloŋ mok tap, kumaen

panu san Tubun ak a girager anda yan, aigim fo ta dubali na wa. ⁹ Ak man ru ta gubak mi digire yan igo ibol a,

“Melmel a tamol malad nam ta dile na yan, kududod ta ilon na yan,

kitek ilo girek aman ta digane na yan, melmel an Anut ikubune lag dien da, an lo dop tamolpein a in ninen o dumat dan ipidinai a.”

¹⁰ Ak man melmel nek an Anut in sen Awan Urgun lo kuai te idirig tile ya.

Awan Urgun in mel fidian ikubiani da, an lo in sad bunun mok ilon uyanan a. In Anut san ilo girek nek a ilon lo kuror geig dien dan dam ikubiani fufei da. ¹¹ Ak dugo, tamolpein luluḡad lo enti in talpein ta san ilo sou mok ka ilon ak i? Tia, talpein an in sinan ur mi a. Nek ago mi, talpein ta Anut san kankan ilon san tia ya, tia, Anut sinan Ur mi in san kankan ka ilon a. ¹² Aria, ur ta tan en san id ta tinane na ya, tia, Ur a Anut san na ipalu yan mi id tinane ya. Anut Ur an ipanad a, an lo dop id ka binawek funfun a in kawan ipanad amaiak talon uyanan a. ¹³ Binawek wei mi amaiak ninen o man gamu mininjen da. Ru a tamol sad kankan milaen ak ipitenanama dan lo man ta mininjen na da. Tia, ru a Awan Urgun ipitenanama dan lo mi mininjen da. An lo manau nunon a Anut kuai te igane ilasa panama yan, man ru Urgun ipanama yan nam san fun mok mufulale da. ¹⁴ Talpein a Urgun ilon lo tia yan, manau nunon a Anut san Ur san na ipalu dan ta inane na da, man dugo, in ilon lo manau an ru burau igo won ak ibol da. An lo man manau nunon an ilon san tia ya. Man ata wo? Manau an san fun mok ninen o ilon itarpasi san dabai man, Awan Urgun lo mi ilasa da. ¹⁵ Ak man talpein enti in Anut san Urgun aman da yan, in melmel fidian ikubianip, an lo inaned fudi mok dam ka ilon uyanan a. Ak gug tamol sen ta Urgun ilon lo tia yan, talpein naok an ikubiani san ta idaisuda na ya. ¹⁶ Man dugo, profet Aisaia ago ibol,

“Ak dugo, enti Anut ilon ilon pe an lo in ka manau ipitenani wak i?”

Ak gug id Kristus anen manau amad da ya, an ninen o nek ibol Kristus ilon isou dak igo won id dam ago ilod isou da.

3

Biatitek midaen ilod lo yan san ru

¹ Teig taog, saen nai malmalan ansam na nupalu yan, tamolpein Urgun san ak igo an da tininjen san tia ya. Tia, an tan en san tamolpein igo won, nek ago mi nai an da tininjen se ya. Man dugo, gidad an Kristus lo amado bo man, an nek ibol nanuk adi a inaned tinadi gamu geig didiraisi ak igo won a. ² Fun an lo nai gubak mi su mi nupanan aluk se ya, anan dabai ak ta nupanan na ya. Ata wo, an anan dabai ak ani san saen gamugo ilasa da. Agod nai njilian ak man ananem saen gamugo da. ³ Ananem kagin ta abileksa na da, tia, an tan en san tamolpein dida sam kagin naon kisaek a. Man dugo, an luluḡam lo turak susak kagin, agod nug paek kagin yen da. Kagin naok ago yan man tan en san mi a. Amaiak ninen o an tan en san tamolpein sad kagin naok an mi agane da. ⁴ Man dugo, saen tamol ta an luluḡam lo ibol, “Nai Pol san,” ago dop ta ibol, “Nai Apolos san,” an lo mansama leil lo man an nek ibol tan en san tamolpein atutunanai on da.

⁵ An dugo ilom isou di? Apolos in yanak anda yak i? Tia, nai Pol yanag anda yak i? Man Anut san urat tamol mi a. In man anen anen mananema urat ipanama ya, agod urat a migane yan lo an Kristus o ilom rumok a. ⁶ Nai ai patun nupae dugo Apolos you ipani da, ago gug Anut in sen mi kaginan igane dugo isag tubun a. ⁷ Amaiak ninen o talpein enti ai patun ipae dan yan an tia ya, agod talpein enti ai patun you ipani dan, in dam yan an tia ya, ago gug talpein enti a ai patun kagin an iganeg isa dan, nek in mi yan an da ya, agod an nek Anut mi a. ⁸ Tamol ai patun ipae dan, in tamol ai patun you ipani dan da, ilod kisaek a. An ninen o urat dugo dugo in anen anen digane yan, atem Anut urat an naon ipidinai a. ⁹ Man dugo, man man Anut san urat kisaek. An man Anut san abi, agod an man in san ab.

Midaen san urat tamol in ab bek igo won a

¹⁰ Ilo panek e Anut nai ipanag en lo man, nai nek ibol ab bek tamol ikawil amag ak igo won bag nugunaig dutur da. Agod tamol

sen ak bag an fufo ab yabi da. Ak man ab bek tamol anek anek dugo woŋ ab a diabi dan niŋen o iŋ gidad kagin digane uyan a. ¹¹ Man dugo, talpein ta bag tamol sen ta iguni san tia ya. Tia, bag tamol ŋai ŋuguni lag itur da. Bag tamol an man Jesus Kristus mi a. ¹² Talpein ta bag an fufo na gol nam, tia, silva nam, tia, pat naon lak na geig ak nam, tia, ai nam, tia, gafurfur igosan nam, tia, ai roun nam ate ab yabi tap, ¹³ urat dugo man igane yan san bunun mok kuai isi wa. Man dugo, nal a ate Jesus imul ipalu wan ilasa wa, an lo dop urat naok dugo yak talpein an igane yan lilaman lo ilasa wa. Urat an san bunun mok an yai lo walal te ilasa wa. Yai an tamol anen anen sad urat ibitinae a, an uyan boi, tia, saian boi, kuai te ilasa dop tile wa. ¹⁴ Aria, talpein enti iŋanen ab isuse yan yai an lo itur sakar tap, Anut talpein an iŋanen urat naon itaot mok an ipani wa. ¹⁵ Ak gug talpein ta iŋanen ab yai lo inani yau tap, iŋanen urat igane yan naon ta iŋane na wa. Ago bo man, talpein an iŋsen ta ideg na wa, tia geig a. Man dugo, Anut patun ipasi wa, nek ibol tamol ta tamol sen ak yai lo ideg o dan yabip yai lo ipasi wak igo woŋ a.

An man Anut san ubou ab

¹⁶ An aŋanem tinim man Anut san tempel, agod iŋanen Ur ilom lo imado dan, aŋ ta alon na yaki? ¹⁷ Talpein ta Anut san tempel malan issue tap, Anut talpein an malan issue wa. Man dugo, ab Anut lo imado dan man gun geig a, agod ab an nek aŋsem mi a.

An tamol niŋedi wo se pitiano i kagin agane amoi

¹⁸ An sem ta irawan na wa. An luluŋam lo tamol ta, tan en san tamolpein dugo woŋ ilod isou dak iri panim, iŋ kankan milaen ak aman da ago ilon isou tap, iŋ gidad iŋanen ilo sou ibilisa wa. Iŋ tan en san tamolpein sad leil lo tamol burau ak igo woŋ ilasa wa. An lo dop iŋ kankan milaen ak aman da ilasap imado wa. ¹⁹ Man dugo, Anut san leil lo man, tan en san tamolpein sad kankan milaen an niŋeo igo woŋ a. Ru ta Anut san buk lo ŋaisag niŋeŋ ibalsiŋani da, ru an igo ibol, “Tamolpein iŋsiganed rawek kagin lo mi diau disasaug Anut ibiai a.” ²⁰ Agod fon Anut san girek

ibol, “Tubun en ilon da, tamolpein kankan milaen ak amad da yan sad ilo sou man, ilo sou kawan a.” ²¹ Fun an niŋen o aŋ fon tamol adi niŋedi wo se pitiano i kagin ta agane na wa. Tia geig a. Mel fidian man aŋsami la ya. ²² An niŋen o man, Pol, Apolos agod Pita, iŋ dam nek aŋsami a. Tan en, tia, kumaen iŋ materŋ da, an dam aŋsami a. Ago mi saen e lo gamu tumado den, agod saen a murnap ilasa wan dam aŋsami a. Rumok nuŋon, mel nek en fidian aŋsam mi a. ²³ An lo aŋsem man Kristus san, agod Kristus dam Anut san.

4

Kristus san aposel adi

¹ Amaiak niŋen o aŋ maŋ igo aliama wa. Maŋ Kristus san urat tamol mi a, agod ru a gubak mi an Anut ilon lo imianuk a, gug gamu kuai te ilasa amaiak tamolpein murupidai dulon san urat maŋ banima lo iganeŋ, kaginan migane da. ² Aria, aŋ alon ak, saen urat taman ta iŋanen urat tamol adi urat amaiak banid lo igane man, urat tamol an urat taman san leil lo urat an niŋen o ta diyalis na wa, tia, iŋ urat an kagin dupani uyanan a. ³ An ŋaisag urat apipi ale tap, ŋai ilog ta weiwei na wa. Agod tan en san tamolpein iŋaned kot lo diginiag pe dibitiniag tap, an dam mel kawan a, agod an lo ŋai ilog ta weiwei na da. Rumok, ŋai dam seg ta ibitiniag na da. ⁴ Naisag urat walal te ya, agod urat ŋigane yan niŋen o ŋaineg kankan muruan ta ipanag na da. Ago bo man ŋai muruan amag tia yak ago ka ŋabol san tia ya. Tia, Tubun en mi ŋaineg urat ibitinaep ile wa. ⁵ Amaiak niŋen o, saen gamugo dop aŋ imug mel ta bitinaek lo ta agane na wa. Tia, Tubun en imul ipalu san saen ilasa wan niŋen o atitiani gup a. Iŋ melmel a gamu mianuk lo dien dugo tidom tubun ituanai dan, iŋanep idiraip kuai te ilalaŋ lo dilasa wa, agod tamolpein sad ilo sou sed ilod lo dimianig yen dan dam iŋanep walal te igane wa. Saen an lo man, Anut mi tamol fidian anen anen iŋsad urat dugo digane na yak atem ipitianai a.

⁶ Nai teig taog, ŋai melmel e niŋen o ru niŋiŋeŋ den lo ŋai Apolos da mitilaen igo woŋ aliama wa. An lo man ŋai Apolos da

sama bunuma ale dan lo manjau anjanep an lo, ru e tamolpein dubol den san fun mok alon a. “Gidad ru dugo digire yan amaiak an ta abi-riyani na wa.” An ago agane tap, aria, an urat tamol ta yanjan abisa wak gug urat tamol sen ak ta yanjan abi idu wo ago agane dan amoi. ⁷ Man dugo, on tamol, on pein, en ata wo on talpein sen ak riyani dak ago ilo isou di? Ata mel mok e gamu on tuo lo yen den, emaiak on gubak mi lou panek igo won ta nane na yak i? Aria, on mel an lou panek igo won nane tap, ata wo on se ipitiano da, nek ibol onsigane dabai nam nane yak igo won i?

⁸ Nag an Korint tamolpein, an mel fidian anjal go idaisuda la yak boi! Nag binawek funfun a Urgun ipanan dan ilom inenefute la yak boi! An kin adi igo won alasa la ya, agod an man mansama binawek lo tia yak boi! Nai ilog ibol dak an kin adi igo won alasa yan rumok a. Man dugo, an lo dop man an da sisem kin adi igo won ka tumado wa. ⁹ Ata wo nai ago nabol ak i? Naisag leil lo man, man aposel adi nek ibol yu tamol a gugurut nam mater dile san kob dijane yak ago mi mumado da. An alon ak tamol in yu digane itout pe dumul dop, insad ager dijal pe patud na dirau on dida diau dop lo tamolpein dal awan ananaem dutur dan ka dil a. Agop wagai lo nug dufuni san aben ante dilasap insed nug dufuni dop dumat a. Ru mitilaen an man aposel dam tou amam yabi da. Man nek mel ta senamo geig ak walal isip, an lo melmel fidian diliama san ago milasa ya, enel sad leil lo, agod tamol malad lo dam mi a. ¹⁰ Man aposel adi Kristus wagen lo burau tamol milasag mumado da, ak gug ansem mi Kristus lo amado dugo kankan milaen am da ya! Man tamol dabai am tia yak, gug an man dabai tinami a! An yanjam diabisa da, ago gug man yanama diabi idu da! ¹¹ Mansama madok fun lo mumadog ipalug gamu mumado den man igo ya. Man anan o mamat dak, you o dam mamat da, agod mansama biounj dam imasisire yau a. Man panu panu mator dugo saian dupanamag tinima dam dusue ditare na ya, agod aben ta ate yaes mabal san sasau ta yen man tia ya. ¹² Mansema banima nam

urat wagai migane da. Saen tamolpein dumisilanama dan, man bar uyan ak mi mupidinai se ya. Saen muruan dupanama dan, muruan an misinip matur sakar se ya. ¹³ Saen man ninema wo uf digane dan, man ilo panek ru lo mi ru naon murupidai da. Man nek ibol tan en san nun samuk samuk igo ya, tia, ibol sas bod tinin te isuda yak igo ya. Tan en san tamolpein malad lo man gubak mi ago mumado se ya, agod gamu man insad ilo sou kisaek mi a.

¹⁴ Nai ru en ago ngire an lo an miai nupanan o tia, tia, nai kududom nabi dugo ru kagin nupanan da, nek ibol an naineg nanug muroug adi igo won a. ¹⁵ Gidad an Kristus lo yan titianek tamol wei mi amam da ya, ago bo man, an tamam wei an tia ya. Man dugo, ru uyanan a njurupaian go alon an lo man, nai anjanem tamam Kristus lo yak igo njilasag numado da. ¹⁶ Fun an ninen o an nududuwan da, ago dop an nai atutanag pe, ansam tutunanek tamol igo won asodudunag njilasa wa. Naisag kagin naok naok an anek anek atem agam agane wa. ¹⁷ An ninen o Timoti njidinig ansam na ipalu da, Kristus lo in naisag nanug igo won ninen o nmat da. In Tubun en san urat ninen o ilon dabai mok a. In ka ibinawan dop, imug nai lulunam lo numado dugo, kagin naok naok a Kristus lo njigane na yan ilom isou da wa. Kagin a njigane na yan, in ru a aben fidian sad Kris midaen kisaek kisaek atem nupitejanai na yan da, naon kisaek mi a.

¹⁸ An aenta man sem isodudunan alasa dugo ru kawan tubun mi anijen da, man dugo, an ilom lo nai ansam na ta nupalu na wak ago abol da. ¹⁹ Ak gug Tubun en ilon ago yen tap, nai gugurut nam ansam na nupalu wa. Saen an lo, talpein a njijen tutubun mi digane dan njukubianai neil a. An mi tia, insad dabai mok Anut san na dijane boi an dam njile wa. ²⁰ Man dugo Anut san kagin panek ilon lo man, njijen tutubu yan in mel malan te yak tia ya, tia, mel malan te man Anut san dabai, tamol tinin lo mi yen da. ²¹ Dal dugon lo nai ansam na nupalu wo an ilom ibol di? Ak dugo, bu njianep da nupalu wak i? Tia, nai nupalup ilo panek kagin, agod mos kagin dam njukubiaip ale wo ilom abol di?

5

Teim a jeit igane dan anŝam midaeŋ lo akudi

¹ An lulunam lo aenta ru disinig nŝisag na dupalug igo durupaiag, jeit kagin naok saian geig ak yen da. Agod gob adi lulunad lo jeit kagin naok igo yak ta yen man tia ya. Ru nabol den fun igo ya, an lulunam lo tamol ta in inŝinan taman san iwon foun amaiak inaneŋ ida dien da. ² An an alon bo man, an sem ipitianaŋ da! Gidad an ilom tubun mi ipapaop amado wa. Ago dop tamol a kagin ago igane dan akudip midaeŋ patun fo agane ilasap imado wa. ³ Gidad nŝai an ŝinireŋ na tia yak gug nŝisag ur an da amado da. Agod nŝai tamol a kagin ago yak igane yan nŝukubiani la ya, nek ibol nŝai an da tumado dak igo woŋ a. ⁴ Nŝai ru kagin igo nŝupanaŋ da. Saen an Tubun ak Jesus yan an lo apalu atumani dop nŝai nŝaineŋ ur lo an da tumado dop, agod Tubun ak Jesus san dabai an an lulunam lo imado man, ⁵ tamol an Satan tuon lo aganep an lo inanen tinin aupasek anda yak pitininek inane wa. Ago dop an lo Tubun en imul ipalu san nal lo tamol an san ur patun ipasi wa.

An aup aupasek adi ta aganurai na wa

⁶ An sesunoi kagin agane dan man ta uyan na ya. Yis kabelan in flawa tubun ak da you da atumanip yis an ifurak yau san urat yaup iganep anaŋ an fidian ikafut a, dugo, an ta alon na i? ⁷ An ninen o an gidad yis wagam ak abal yau a, an lo dop an nek ibol anaŋ yis aman tia yak igo woŋ alasa wa. An nek ibol anaŋ naok ago yak igo woŋ an rumok a. Man dugo, Kristus man Anut yai digane pani an lo imat la ya, inŝen mi idsad Pasova san sipsip nanun id tani san mi a. ⁸ Amaiak ninen o Pasova san soubul id kagin tupani wa. Ak man id yis wagam ak ta tani na wa, tia, yis an man ru mitilaen igo woŋ a, an siai kagin agod kagin saian geig ak dam mi a. Id soubul an san anaŋ yis aman tia yan tani wa, anaŋ an man, ru a ilon lo rawek ta yen na dan, agod kagin a idsad ilo rumok igane ilasa dan mi a.

⁹ Nŝisag girek imug en lo nŝai an igo nŝurupaian da. An tamolpein jeit kagin tinadi ak ŝinired na ta amado ator na wa.

¹⁰ Nŝai tamolpein tan en lo sad madok saian ak ninedi wo ta nabol na da. Tia, nŝai tamolpein naok igo amaiak ninedi wo ilog isou da: tamolpein jeit kagin digane dak, a aenta sad melmel ninedi wo inaned kankan mala sek mi awan isa dak, a tamol gol ak dufup sad melmel digam dak, agod a tubud sewak yanad lo ubou dile da. An tamolpein naok ago yak abisawaip asau mi aup amado tap, an tan en abisei pasik a. ¹¹ Nŝai gamu girek nŝigire en lo dugo ilog isou dan kuai tem nabol o da. Tamol ta in igo ibol, in ilo rumok tamol, ago gug in jeit san kagin igane da, tia dop, in tamol malan sakar tinan, tia dop, in tamol tubud sewak ninedi wo ubou ile dan, tia dop, in lukluk san tamol, tia dop, in gumagam san, an tamol naok ago yak ta aganuri na wak, agod dida amasip anaŋ ta ani na wa.

¹²⁻¹³ An dugo ilom isou di? Nŝisag urat en lo tamolpein a Kris midaeŋ patun fo dumado dan kibianek lo nŝidirai ak i? Tia geig a. Anut mi tamolpein naok an ikubianaip yil a. Ak man an Kris midaeŋ, anŝam urat man tamolpein anŝiganem midaeŋ ilon lo an mi akubianaip eil a. An Anut san girek ibol ago agane, "Tamol an lulunam lo igane saian dan, akudip yau a."

6

Tein inanen tein kot lo igane yan ninen Pol ipidai da

¹ Kagin e an lulunam lo yen den uyan tia ya. Saen anŝam midaeŋ ilon lo talpein ta mel ta ninen o inanen turan ile saian dan, inaneŋ ida diaug midaeŋ naod na muruan an ta dukubune na ya. Tia, in turan an inaneŋ kot lo yaug gob adi banid lo iganeŋ kot dupani a. Kagin naok an saian geig a. ² Id gun adi man, murnap tan en san tamolpein bitinaek lo tidirai a, an ta alon na i? An tan en san tamolpein akubianaip eil a. Fun an ninen o, enta wo an lulunam lo mel tusan ak akubianip nek muruan an akubune san, an ta idaisuda na yak i? ³ Id enel adi dam bitinaek lo tidirai an an ta alon na i? An ninen o sapta taida dop id Kris idsad maŋau idaisuda wa, an lo idsad muruan tan en san man gamu ka tukubune wak i? ⁴ An ninen o nŝai igo nŝurupaian, gidad

tamol midaen ilon lo yanjad tia yak, anjsam muruan tan en san ka bitinaek lo diganep dukubune wa. ⁵ Njai ago njabol an lo miai ka nupanaj a. Ak dugo, an lulunam lo tamol ta inanen kankan milaen ak idaisuda yan alep, lo in muruan a dugo ilasa dan ka ikubune san tia, an rumok ak i? ⁶ Tamol naok ago yan anjane amoi a, tia, anjsam kagin igo ya. Tein Kris ak ta inanen tein inaneg yaug kot lo igane da. An mi tia, ilod lo ta rumok na yan naod na an agane da!

⁷ An lulunam lo tein ta inanen tein kot lo igane dan ninen o, kagin en kuai tem ikubiai ale da, Satan an ibianj adu geig a. Dugo, onj umoi dop onjane tei muruan ipano tap, an saian ak i? Dugo, onj ule funip onjane tei onsa melmel igam o irawo tap, an saian ak i? ⁸ Ak gug an ago agane man amoi da. Tia, ansem tamolpein aenta arawaig insad melmel agam o agane da, agod dal sen ak lo dam agane saian da. An mi tia, kagin en anjanem teim Kris ak lo dam agane da!

⁹ Tamolpein kagin sisaiak digane dan Anut san kagin panek aben lo diladu san tia ya, an ta alon na yak i? Mel en ninen o an sem ta irawan na wa. Tamolpein naok igo man kumaen panu dijanen san tia ya: tamolpein jeit digane dan, tubud aenta ubou ad dile dan, a talpein sen ak iwon ida dien dan, tamol in tamol mi nug iwon onj digane dan, ¹⁰ tia, gumagam adi, gidiged adi, lukluk tamol adi, a uf digane dan, agod a rawek lo gumagam kagin digane da. Tamolpein fidian a kagin ago digane dan, Anut san kagin panek dijanep paen na dumado san tia geig a. ¹¹ Agod an aenta tamolpein naok ago yak amado se ya. Ak man an suguek anjaneg, Anut idiranj go tamolpein gun ak alasa ya. Agod idsad Tubun ak Jesus Kristus yanjan lo, agod idsad Anut inanen Ur lo dam, an Anut malan lo man itaotam alasag amado da.

Jeit kagin ninen asol au a

¹² An igo abol da, “Kagin dugon ninen o njamat dan ago ka njigane wa.” An rumok, ak man kagin fidian ta dubunawan na wa. Njai dam ninen ago ka njabol a, mel dugo njigane wo ilog ibol dan ka njigane wa. Ak man naj ninen naok en ta njiganuri na wa, man dugo, kagin ta a saian an naj itirrag

man njamoi a. ¹³ An abol, “Anan man tinjaed san, ago dugo tinjaed man anan san.” Gug naj njurupaianj da, Anut murnap tinjaed in anan da sisem daonj ipidinai a. Kabelan an jeit kagin an mel tusan nek ibol anan ani dak igo wonj ilom isou banau. Man dugo, Anut idaned tinid man jeit kagin san, ilon ago ta yen na ya, tia, idaned tinid san biabi man, id Tubun ak san urat tiganeg tumado da. Ago dugo Tubun en idaned tinid kaginad iganeg imado da. ¹⁴ Anut inanen dabai lo Tubun en materj lo ifufunig kumaen imasag imado da. Nek ago mi id dam ifufunad pe kumaed tumasap tumado wa. ¹⁵ An tinimi anen anen man Kristus tinin san boi kisaek kisaek a, an an ta alon na yak i? Ago tap, naj Kristus tinin san boi ta kisaek njinanep jeit pein da njutumani wak i? Man tia geig a! ¹⁶ Tamol a jeit pein da dien dan, inaned tinidi an dutumanig kisaek a, an ta alon na yak i? Man dugo, Anut san ru lo igo ibol, “Tamol in pein da dutumanip tinid kisaek ilasap dumado wa.” ¹⁷ Ak man talpein a Tubun en da dutumani dan, inanen njutun ilon lo man in Tubun en da bubed kisaek ilasag dumado da.

¹⁸ Fun an ninen o jeit kagin amoip asol au a. Ata wo? Aupasek naok aenta fidian a talpein igane dan man talpein an tinin patun fo dien da, an lo aupasek an inanen tinin ta isue na da. Ak man in a jeit igane dan inanen tinin malan isue da. ¹⁹ Anjanem tinimi an man Awan Urgun san aben gun a, an ta alon na yak i? Anut inanen Ur iganeg ipalug an ilom lo imado da, an ninen o an tinimi an anjsam tia ya. ²⁰ Anut nanun san materj lo idad injilianj an naon tubun mok a, an ninen o an tinimi san kagin naok naok atem, Anut yanjan abisap lak na geig asini wa.

7

Nug iwon njanek san pitenjanek ru

¹ Girek njaisag na aganeg ipalu yan lo, naj an mel ta lo ru kagin nupanaj o abol a. Malmalan mok ago abol, tamol in pein ta inane nap kawan imado wa, an uyan ak i? Aria, naj ru naon igo njurupaianj da. Rumok, tamol in pein inane wo imoi dop man an uyan a. ² Ak man gamu anjsam taun lo jeit

kagin ilasag tubun a, an lo tamolpein wei mi kagin an lo diau dudu da. An ninen o gidad tamol in iwon anda wak, agod pein dam in tamol anda wa. ³ Tamol in iwon da sisem dien dan uyan a. Tamol tinin an inisan pein ipani wak, nek ago mi pein tinin dam inisan tamol ipani wa. ⁴ Man dugo, pein inisen tinin inisan mi man tia ya, tia, inanen tinin iwon tamol ak san. Nek ago mi tamol dam inanen tinin inisan mi tia ya, tia, inanen tinin iwon pein ak san. ⁵ On iwo da aen o ta umoi na wa. Ak man saen on gudanek gane san saen ta piliani tap, an uyan ak on iwo da awam kisaek gup ago agane wa, ak man an saen katukan mi wa. Aria, saen isuda dop man fon atumani da wa. Man dugo, kabelan onane tini masak itirno dop lo Satan dal gane panip on ilo inanep jeit gane banau. ⁶ On pein nane wak nai ru dabai nam ago ta nurupaio na da. Tia, ak man on ilo man, pein nane wo ibol, nai awok nupano wa. ⁷ Nai iwog tia ya, ago yak ninen o tamolpein ilod lo rumok dan, nai numado dak agom dumado wo namat da. Ak man fidian dal an lo ago dumado dan muruan mok a. Tamol kisaek kisaek, pein kisaek kisaek atem Anut dabai anen anen ipidinai da, talpein ta binawek naok ta inane dugo talpein sen ta binawek sen ak dam inane da.

⁸ Aria, an tamolpein a iwom tia yan, agod pein suos adi dam, sam na ru kagin en nurupaian da. An nek nai igo kawan amado dop man, an uyanan a. ⁹ Ak man in siganed ilodi ka ditirni san ta idaisuda na dop, gidad iwodi dusu wa. Kabelan in tinid tubun mok imasa banau.

¹⁰ An tamolpein iwom da yan ru kagin en nurupaian da. (Ru kagin en naisag tia ya, tia, Tubun en ru en o wagam mi ibol ilasa la ya.) Pein ta iwon tamol ak ta mok ibisei na wa. ¹¹ Ak man pein an iwon tamol ak ibisei tap man, in kawan imado yau a. Tia dop, fon imul yaup iwon tamol ak da dumado da wa. Ru kagin taidam igo nurupaian da, tamol dam iwon pein ak ta mok ibisei na wa.

¹² Aria, nai an aenta ru kagin igo nurupaian da. (Tubun en igo ta ibol na ya, an ninen o naisag igo nurupaian da.) Tamol Kris ak ta inanen iwon ilon rumok an tia,

gug in tamol da dumado wo ilon ibol tap, gidad pein an gob imado da, tamol an pein ta ibisei na wa. ¹³ Nek ago mi pein Kris ak ta tamol gob ak da dumado da, agog in pein da sisem dumado wo imat tap, pein an tamol ta ibisei na wa. ¹⁴ Man dugo, Anut malan lo pein e ilon lo rumok den gun imado da, agod an inanen iwon tamol ak ilon lo rumok tia yan ituani da, ata wo, tamol an inanen iwon pein ak ilo rumok anda yan ida dutumani a. Nek ago mi, pein a ilon lo rumok tia yan, inanen iwon tamol ak san ilo rumok an lo man, gun ilasag imado da. Ak kagin en igo tia tap, an pein tamol naom ago yan ananem nanuk adi in gob sad nanuk adi igo won dumado da. Ak man rumok, ananem nanuk adi ikok dumado dugo Anut anen muroun muroun dida dutumanig gun dumado da.

¹⁵ Ak man onane iwo ilon lo rumok tia yan ibisawo tap, gidad ulefunip in ka yau a. Saen kagin naok ago ilasa dan man, on tamol on pein ilo rumok a da yan ta isubano na da. Man dugo, Anut an maror lo mi amado wo igian a. ¹⁶ Ak dugo, on pein onane iwon tamol ak binawip in dam ilo rumok tamol ilasa wak boi, tia wak boi, an ulon ak i? Agod on tamol onane iwon pein ak binawip lo gob sad kagin ibiseip Kristus o ilon rumok ak boi, an ulon ak i?

¹⁷ Ak man gidad, an anen anen madok naon dugo yak a Anut ipilianig ipanan an, ate nek ago amado yau a. Man dugo, Anut an anen anen madok naok anen anen atem anane wo igian la ya. Ru kagin a nai midaen fidian ilod lo njigansi dan man nek an mi a. ¹⁸ Ak dugo, tamol ta saen Anut iwagi dan inanen tinin sunulon dutute la yak tap, an gidad imoip ago ka yen a. Tia, Anut tamol ta iwagi gug tinin sunulon ta dutute na tap, in tinin sunulon dutute wo isumianai man imoi a. ¹⁹ Tini sunulon tutek an mel kawan a, tini sunulon tutek tia yak dam mel kawan a. On Anut san ru kagin fidian uri pani san man mel malan te ya. ²⁰ Aria, nai fon nurupaian da, saen Anut an igian man, an anen anen madok naon dugo yan ate amado dan, an anen anen nek ago amado yau a. ²¹ Saen Anut igian an an bigabeg amado dugo igian i? Ak man gidad, an

ninjen o ilom weiwei amoi. An Anut dal ikubiai panan dop an tamol bigabeg tia yak igo alasa wak tap, dal an ago ka agane wa. ²² Man dugo, tamol a bigabeg urat iganeg imado dugo Tubun ak iwagi an man, in Tubun en san tamol kawan igo imado itor da. Nek ago mi, tamol a kawan imado itor dugo Kristus iwagi an man, in Kristus san tamol bigabeg urat igane san a. ²³ Anut an idad injilan a, an naon man lak na geig a. An lo an Kristus san mi a, an ninjen o kabelan tamol sen ak san bigabeg igo alasa banau. ²⁴ Aria, onane madok kagin naok naok dugo won lo mado utor dugo Anut igio yan, nek ago mi mado utor yau dop, Anut da nug turan igo won ago ka amado ator a.

Talpein a nug iwon njanek tia yan ru kagin irupidai a

²⁵ Nai gamu ansam sumianek tamolpein iwod tia yak lo agane dan naon ka njurupaian a. Tubun en ru kagin en njurupaian o ta ibol na ya. Tia, en njaiseg ilog nam njurupaian da. An njaisag ru kagin ka anane wa, man dugo, Tubun en in nai ilon imunaganag go manau uyanan ipanag en lo njubunawan a. ²⁶ Saen gamu lo tumado den muruan wei mi id sinjired na ipalu yan ninjen o, nai ilon sou igo njigane da, on iwo tia mado tap, an uyan a. ²⁷ On iwo njane la i? Ago tap, kudi dop iwo tia mado wo gane umoi. Tia, on iwo tia mado di? Ago tap, on iwo ta njane wo aban ule umoi. ²⁸ Ak man on kawan madop iwo njane tap, an aupasek tia ya. Agod kubakan ta iwon njane tap, an dam aupasek tia ya. Gug tan en lo tamolpein a iwodi dinjane dan muruan wei mi dile wa, an ninjen o nai ilog ibol dak man, muruan naok an an irinjanan a.

²⁹ Teig taog, nai igo ilog isou da. Tan en san saen katukan mi a. An ninjen o gamu agod nal murna san fidian, tamol ensauta a iwod da yan, nek ibol tamol a iwod tiag dumado dak igo won, ago dumado wa. ³⁰ A tinan aru digane dan, nek ibol tamolpein a tinan aru ta digane na dak igo won, ago dumado wa. A ilo uyan lo dumado dan, nek ibol in ilod muruan dak igo won ago dumado wa. A mel ta didad dinjane dan, nek ibol mel an insad tia yan ninjen o in

diabi yau san tia yak igo won, ago dumado wa. ³¹ Agod a tan en san melmel urat dupidinai dan, nek ibol tamolpein a tan en san mala bulbal njaned bubed ta isubani na dak igo won, ago dumado wa. Man ata wo? Tan e gamu tile den fidian itout o sumeik da.

³² Nai an ilo weiwei amam da amado wo ilog ta ibol na da. Tamol a iwon tia yan in Tubun ak san urat kagin ipani da, agod dal dugon lo in ka Tubun en ilo uyan ipani san ninjen o mi ilon isou da. ³³ Ak man tamol iwon anda man, tan en san kagin naon irae da, an ninjen o dal dugon lo njanen iwon ilo uyan ipani san ninjen o ilon isou da. ³⁴ Fun an ninjen o njanen ilo sou lo gilek yen da. Pein ta a iwon an tia yak ta, tia, kubakan a Tubun ak san urat kagin ipani san saen anda yak ta boi, kob ate yau o ilon ibol dak igo ya, in tinin njutun fidian lo njanen Tubun ak san ilobol iganuri wo ilon tubun mi yen da. Ak man pein a iwon anda yan njanen ilo sou an senamo ya, dal dugon lo njanen tamol ka ilo uyan ipani wo yaes ifuni da. ³⁵ Nai an njubunawan o ilog ta yen na da, tia, njubunawan o ru ago njurupaian da. Nai ilog man, an kagin uyan ak lo amado dop, anjanem tini ganei Tubun en lo man nek itaot yen a.

³⁶ Aria, tamol enti kubakan ta njien dupani an, gamugo njane dak gug, njanen ilo sou lo kagin a kubakan an lo igane dan ta uyan na dugo, kubakan an in tamol njane wak san saen kitekan irinjan la ya, ago dugo tamol an ilon lo ikubiani ak man, kubakan an njane wak ago ilon isou tap, aria, ilon dugo ibol dan ago ka igane wa. In au ta ipas na da, uraru an ka nug dinjanep nug iwon dumado wa. ³⁷ Ak man tamol an tamolpein sen ak ta disoduduni na dugo, njanen ilo sou dabaig, njanen ilo masak dam itirni fufei da, agod kubakan an ta njane na wak gug njanen njie panek pein igo won imado yau o ilon ibol tap, an dam uyanan a. ³⁸ Amaiak ninjen o tamol enti kubakan njien dupani an njanen iwon igo njane dan, kagin uyanan igane da. Ak man tamol enti kubakan an iwon igo njane wo imoi dan, in dam kagin nen uyanan ak igane da.

³⁹ Pein a tamol anda yan, Anut san ku-

biaen isubanig, saen inanen tamol gamugo imat dugo, in-san tamol ibiseip tamol foun ak ta inane na wa. Ak man saen dumado yau nap tamol ak imat tap, pein an in ilon yen dan ago mi tamol foun ak ka inane wa. Ak man in tamol enti a Kristus san an mi ka inane wa. ⁴⁰ Ago gug naj igo ilog isou da. Pein an imoi kawan imado tap man, nen ilon uyanan a. Taida mi, naj igo ilog isou da, naj dam Anut anen Awan Ur amag da ya, an ninen o in naj ulum ag yabi dugo naj ru kagin en jurupaian a.

8

Mudan a tubud sewak yai digane pidinai dan san ru

¹ Aria, naj gamu mudan a tamolpein tubud sewak adi yai digane pidinai dan ninen o nabol alon a. An igo abol da, “Id fidian manau amad da ya.” Awo, id fidian talon man ru an ru rumok a. Aria, talpein a manau anda yan sen ipitiani wa. Ak man talpein a Anut anen tamolpein ninedi wo ilon ipidinai dan, inaned ilo rumok dabai ipani wa. ² Tamol a inanen manau ninen o ikawil an ago ibol dan, ninen naok an lo mel en kuai tem ilasag yen dugo tile da, inanen manau gamugo tubun a. An lo man manau naok a tamol an yabi wo Anut ilon ibol dan, an in ilon lo man katukan go ago yen da. ³ Ak man tamol a Anut ilon ipani dan, in tamol an ilon fufei da.

⁴ An gubak mi mudan a tubud sewak sad ai pat mitilaedi yai digane pidinai an ka ani san ninen o asumianag a, aria, gamu ru naon jurupaian da. Rumok, id fidian talon uyan ak, tubud ai pat mitilaedi man tan en lo mel nunon an tia ya. Taida mi id talon ak, Anut kisaek o lian in mi rumok imado da. ⁵ Mel wei mi a tamolpein “tubud” dubol dan, tan na boi, tia keit lo boi dumado dak ago tan en san tamolpein ilod lo rumok da. (Rumok, tamolpein mel wei mi “tubud” dubol da, ago dugo in mel wei mi dam “tubun ak” dubol dak ago talon a.) ⁶ Ak man gidad, id Kris adi talon man, Anut mok imado dan in kisaek o lian a. In mi id Tamad, in mi mel fidian idiri a, agod id ilo uyan tupani wo kumaed dumado da. Taida mi, idsad Tubun ak kisaek mi a,

an man Jesus Kristus. Inanen tuon lo mel fidian dilasag dumado da, inanen dabai lo dam id tumado yau da.

⁷ Ak man manau naok e ninen o nabol den, Kris fidian ilod lo ta yen na da. Man dugo, Kris aenta ilod isou yau dak man, tubud ai pat mitilaedi in mel rumok ak mi a, ata wo, gubak mi in gob adi sad tamol kagin diri se ya. Amaiak ninen o saen mudan a tubud sewak ai pat mitilaedi yai digane pidinai an diani man, “mudan en tubud aenta san,” ago ilod isou da. Ilod itarpasi man tia ya, an lo inaned kankan ilon lo kagin uyan ak, kagin saian ak dibiatai o muruan geig a, an ninen o inaned kankan nun anda ilasag yen dan ago dukubiani da.

⁸ Ak man anan dugon tani dan ninen o Anut ta ipitianad na wa. Id ta tani na tap, mel uyan ak ta irinanad man tia ya, nek ago mi, id tani tap, mel uyan ak taidam tinane san tia ya.

⁹ An ansem pilianek agane san idaisuda ya, ak man kagin agane wa, kabelan pilianek agane dan, tamol a ilod itarpasi an tia yan sad ilo rumok an apitinini banau.

¹⁰ Ak dugo, talpein ta ilon ta itarpasi na yan, on a manau lak na geig ama da yan, tubud ai pat mitilaedi san tempel ilon lo masig mudan wani dugo ilio yak man, in dugo ilon isou wak i? Kagin e on gane den lo talpein an ilon yabisap, an lo in dam mudan a tubud sewak yai digane dupani dan yani wa. ¹¹ Agop onane tei e ilon ta itarpasi na yan, onane manau lak na geig ak lo on tei an pitinini da, ak man Kristus talpein nek emaiak dam ibinawi wo imat a. ¹² Dal an lo onane tei ilon ta itarpasi na yan san kankan malan sue da. Saen on muruan naok e pani den, aupasek gane da, agod Kristus lo dam aupasek gane da. ¹³ An ninen o anan ta e nani den teig iganep aupasek lo yau idu tap, gidad an mudan boi, tia, anan sen ak boi, naj anan naok an nani namoi a. Man dugo, naj ilog igo yen da, kagin e nigane den lo talpein sen ak ta yau idu na wa.

9

Binawek naok dugo aposel adi dinane san in idaisuda ya

¹ Ak dugo, ηai seg ilog nam ηator san tia i? Dugo, ηai aposel tia yak i? Dugo, ηaiseg malag nam idsad Tubun ak Jesus ta ηile na yak i? Ak dugo, an ilo rumok adi ηaisag urat wagai Tubun en ninen o ηigane na yan nuηon ansem mi yak, an ta ale na i? ² An alon uyanan ak, mel an fidian rumok a. Gidad tamolpein sen ak sad ilo sou lo ηai aposel tia ago dubol da, an man ago abol san tia geig a. Man dugo, Tubun ak ipilianag go ηai aposel ta ηilasag ηumado yan san kob man, nek ansem mi a.

³ Tamolpein a ηai bitinaek lo diginiag o ilod ibol dan, gamu ru naon igo lo seg itargiranag san ηurupidai da. ⁴ Man aposel iloma ibol tap, an man pat apanamap ate madad pe mani maluk dop mumado wo malama ka migane wa. Binawek naok a miηane san man idaisuda ya. ⁵ Nek ago mi, man iwoma ilod lo rumok an ka manjal pe dadi mator dop urat migane wa. Aposel aenta ago digane da, Pita ago igane dak, agod Jesus sen tein muroun dam ago digane da. Ak dugo, man mi ago migane san ta idaisuda na i? ⁶ Tia dugo, ηai Banabas da, nek ibol aposel aenta igo wonj tia ya, mansema mi banima nam urat migane wak ago abol di?

⁷ Ak dugo, yu tamol ta in wagai san urat igane dan, insinan moni sen ipani dak i? Ak dugo, enti inanen abi lo ai patun ipae da, ago gup anan a yani wan imoi ak i? Ak dugo, enti bilelek kagin ipidinai dan, bilelek an sad su iluk san imoi ak i? ⁸ Ak dugo, dag ru milaen mi e ηabol den, tan en san tamolpein inaned kankan lo ilasag ηinijen dak ago ilom isou dak i? Ak man Moses san kubiaen an lo ru naok kisaek ibol da. ⁹ Kubiaen an lo ru emaiak e digireg yen da, “Saen makau wit fufo ila iso dop metmet ikak yau o ipartitale dop, on makau awan ta wafutani na wa.” Ak dugo, Anut ru an nam makau mi ninen o kagin ipani dak ago ilom isou di? ¹⁰ Dugo, id ibinawad o in ru an irupaiad da, an rumok ak i? Awo, in id nined o ilon isou se ya, an lo Moses kankan ipanig in kubiaen lo ru an igire ya. Fun ata wo Anut ago ilon isou se yak i? Talpein enti anan ipae dan, agod talpein enti anan nuηon ituteg inane dan,

in sisem anan naon a murnap diηane san ninen o malad digane da, an mi ka diηane wa. ¹¹ Man an lulum lo kumaen panu san ai patun wei mok mupae se ya, an rumok tap, dugo, an kulob an naon, tan en san melmel lo abinawama wo malama migane dan ninen muruan ifunan di? ¹² Tamol aenta an lulum lo insad urat ninen o naon diηane san idaisuda tap, binawek naon kisaek miηane san ninen man idaisuda geig a! Ru e ηurupaian den, rumok i? Tia i? An akubianip ale wa.

Ak man man gubak mi an binawek naok an apanama wo ta musumianan na ya. Rumok, binawek an apanama san dabai man da ya, gug miηane man mamoi a. Ata wo? Man iloma man, mansema mi muruan fidian misini wa, an lo dop Kristus anen bilalun uyan ak tamolpein murupidaip dulong san dal ta mufou na wa. ¹³ Tamol ensauta a tempel ilon lo urat digane dan, insad anan man, anan a tamolpein disinig Anut dupani wo tempel lo dupalu dan aenta diηane da, an ta alon na i? Agod a alta fo mudan dumari idu dan, in mudan an aenta sed ninedi wo ka disinip diani wa. ¹⁴ Dal nek ago mi, Tubun en ru dabai anda yak nam igo irupaiad a, tamolpein a bilalun uyan ak dufulale dan, inaned urat naon man tamolpein a dibinawai dan dupidinai a.

¹⁵ Ak man ηaineg urat naon ηinane man ηamoi da. Taida mi, ηaisag ru e ηigire yen igo asuti dop an lo ηaineg urat naon apanag o ta ηigire na da. Tia, kagin e ηigane den, emaiak ninen o ηai ka seg ipitianag a, an ninen o talpein ta kagin an ipasi yau o man, ηai ilog tubun geig imoi da. Man dugo, urat naon ago apanag o tap, gidad ηai ηamat gup. ¹⁶ Ak man gidad, ηai ru Kristus ninen o yan tamolpein ηurupidaip dulong gup, ηai sen ka seg ipitianag san man tia geig a. Ata wo? Jesus sen ηai ago ηigane wo irupaiag a. In awan ηabi wa, tia tap, muruan tubun geig ηinane wa! ¹⁷ Nai seg ilog nam inanen ru ηabol ilasa dak ago tap, rumok, ηaisag urat naon ηaisag na ipalup ηinane wa. Gug seg ilog nam urat an ta ηigane na da. Tia, dugo mok ηigane dak i? Mala nouk a saen Kristus urat en banig lo igane dugo, tinin

ilon lo yen dan mi, nuñon igane wo ñai ago ñigane da. ¹⁸ Ago yan lo ñaisag urat naon ata mel i? Saen ñai Kristus niñen o tamolpein naod na ñufulale dan, naon tia kawan ñupidinaip in ka duloñ a, nek an mi a. An lo dop ñai ka dabai a lo ñaisag urat naon ñiñane wan, sen gigin na ñiganep ago ka yen a.

Pol man tamolpein fidian sad urat bigabeg a

¹⁹ Ñai tamol ta san urat bigabeg tia ya, an lo seg ilog nam ñator dugo kawan ñumado da. Ago bo man ñai seg iginiag tamolpein fidian sad urat bigabeg ñilasag ñumado da. Ata wo? Idaisuda tap, tamolpein wei geig ilod ñiñanep ñañal pe Kristus san na mau a. ²⁰ Juda adi malad lo ñai Juda tamol igo woñ ñilasag ñumado ya, ata wo, Juda aenta Kristus o ka ñañal a. Ñai Moses san kubiaen paen na ta ñumado na da, ago bo man tamolpein a Moses san kubiaen paen na dumado dan ñañal san niñen o, seg iginiag go kubiaen paen na ñumado dak igo ñilasa ya. ²¹ Nek ago mi, saen ñai gob adi dadi mumado dan, nek ibol tamol ta Moses san kubiaen in lo tiag imado dak igo woñ, ago ñai ñumado da. Ago dop an lo ñai gob aenta ka ñañal a. (Ak man ñai Anut san kubiaen ag tia yak ago ta ñumado na da, tia, kubiaen a ñai paen na ñumado dan man Kristus awan aban mi a.) ²² Agod tamolpein a inaned ilo rumok dabai an tia yan malad lo, ñai tamol naok ago yak tamolpein amaiak aenta ñañal o ñilasag ñumado ya. Tamolpein naok sen ak fidian malad lo man, ñai inaned kagin anak nek ñagam ñiñane ya. Man ata wo? Idaisuda tap, dal fidian ñibitinaep an lo tamolpein an aenta patud ñupasi wa. ²³ Kagin en fidian bilaluñ uyan ak fañan lo ñigane da, ata wo, murnap bar a fidian bilaluñ uyan amaiak idiraip dilasa wan lo ñututou wo ilog ago yen da.

Añ naon uyan ak añane wo tinim afunip amaspalu wa

²⁴ Alon, kukok tubun ak idu dop lo tamol fidian dumaspalu wa, ago gup tamol kisaek mi in imug yaup geg fo isudap naon mel inane wa. Nek ago mi añanem madok tan na yak lo, añ fidian tinim afunip ago ka amaspalu wa, ago dop man añ anak

anek atem Anut naon ipanañ a. ²⁵ Saen tamolpein kukok an lo naon diñane wo ilod yen tap, in pitenanek wagai diganep lo tinid sakar ak, aria, an lo in sed tinid dam kagin dupani uyanan dop, tubun mi dumaspalu wa. Ago dop in geg fo disudap naon diñane wa. Ak man naon an man, ai rouk igo kabuñad fo dukudi wa, agod an milaen tiap ikurñak yau a. Ak man id Kris adi id sed tinid pitenanek uyanan tupani wa, ago dop id naon ta a pempem ikurñak yau san tia yan tiñane wa. ²⁶ Ñai ñaiseg tinig pitenanek uyanan ñupani da. An lo ñai ñaloñ uyan ak, ñai tamol imaspalug dal yapitilig yau dak igo woñ tia ya, tia, ñai nek ibol tamol ta nug dufuni dugo, banin kawan ifu yau na yak ago dam tia ya. ²⁷ Tia, ñai seg tinig en ñufuni da, an lo dop tinig en dabai ka ñupani wa. Ñai tinig en nek ibol ñaisag urat pinein igo woñ, ñai ilog ibol dan ago tinig awa yabek igane wa. Kabelan ñai tamolpein aenta Anut san ru ñufulalep duloñ gup, kukok tubun an san taman ipaiag pe ikudag ñau dop ñaineñ naon ñiñane san tia banau.

10

Bitinaek funfun niñen o kagin agane

¹ Teig taog, ñai ilog ibol dak añ mel en ilom isou a. Saen mañanema tubum bagem fidian wagam tan kawan ak ate dutor dila duso se man, timtaen kisaek ituanaig ibar giranai se ya, agod in fidian Anut inñal go, beig igileg awan sensen yen dugo, titiñanem dudug diau a. ² Fun an niñen o idsad ilo sou man, nek ibol id Kris suguek tiñaneg Kristus da tutumanig tumado dak igo woñ, tubum bagema timtaen an lo, agod beig lo dam, suguek diñane dugo, Moses da dutumanig dumado na ya. ³ Saen an lo in fidian sisem kumaen panu san anañ diani dugo, ⁴ kumaen panu san you dam duluk se ya. Man dugo, in fidian pat tubun ak a kumaen panu lo yak ipalu yan, dida tureñ diabi na ya. Ago dugo you a pat an lo ibanai na yan lo duluk se ya. Agod pat an man nek Kristus. ⁵ Ago bo man, Anut tamolpein an wei mi niñedi wo ta imat se na ya. Ago tag tan kawan ak ate dumat na yan, inaned kisedi an gidigidad dien se ya.

⁶ Kulob en wagam mi mok ilasa bo man, tinanou igo Anut isurnai dilasa panad dugo, id teil pe tarer a. Anut ilon man, id nek ibol in digane yak igo won tia ya, id ilod imasap kagin saiak tigane san ninen o ilod bulbal an, dal nek an lo yabitanad a. ⁷ Tamolpein an aenta tubud sewak mitilaedi a ai pat nam digane yan naod na ubou dile se ya, gug an ago ta agane na wa. An ninen o ru ta Anut san buk lo igo ibol, "Tamolpein dumasig diani duluk na gug, dumasa dutur go gidigidad dukok ila iso da." ⁸ Agod jeit kagin agane amoi. Saen an lo tamolpein aenta ago diganeg, nal an lo mi Anut tamolpein 23,000 ifug dumat a. ⁹ Agod dam, id Anut tusoduduni dop, inanen dabai nam mel ilod ibol ak ago igane panad o ta tigane na wa. Tamolpein an aenta Anut ago dibitinae dugo, mot wagai ak idirai dilasag dirataig dumat a. ¹⁰ Taida mi, an anurnur dan amoi. Tamolpein an aenta dunurnur se ya, an lo dugo enel ta daon panek san ak idug tamolpein amaiak ifug dumat a.

¹¹ Mel en fidian tamolpein an fo dilasa san fun man, tinanou naok naok amaiak id tile dop kagin tigane wa. Ru kulob a fidian ninedi wo yan buk lo wagam mi digire ya. Ata wo? Mel saiak saiak a dilasag muruan dupidinai na yan, id tusutip tile dop, kankan uyan ak dupanad a. Saen e gamu tumado den lo man, saen a lo mel fidian diau dutout an sumeik a. An ninen id kagin saiak ago yak tigane man Anut imoi a. ¹² Ago yan lo, on utur sakar dan ago ilo isou dop man, kagin gane wa, kabela on udup udeg wau banau. ¹³ On lo bitinaek fidian ilasa dan senamo geig man tia ya, tia, bitinaek naon kisaek an mi dam tamolpein fidian lo ilasa da. Anut kagin ipano wa. On bitinaek dugo on lo ilasa dan ka sini san idaisuda wa. Man dugo, onane dabai dugo won ate bitinaek naok an sayani san ilon uyanan da, an ninen o in bitinaek ta onane dabai an irinani san amaiak on lo ilasa wo yabitanai wa. Agod saen bitinaek ta on lo ipalu tap, dal ta lo on usol wau o ikubiai pano wa, an lo dop bitinaek an lo utur sakar pe mado wa.

Anut mi ubou an ale dop tubud aenta

patum apidinai

¹⁴ Nai turag muroug, fun an ninen o an tubud ai pat mitilaedi ubou ad ale amoi. ¹⁵ An tamolpein kankan am da ya. An ninen o ansem mi ru e nrupaian den ka akubianip ale wa. ¹⁶ Saen id pasa tinane dan, gab a tinanep ninen o Anut ilo uyan san bar tupani gup lo taluk dan man, idsad lukluk lo Kristus san dar an lo tututou da. Agod bret a tafutep tani dan man, idsad nuaen lo Kristus tinin an lo tututou da. ¹⁷ Bret a tafutep tani dan kisaek a. Gidad id wei mi bo man, id tinid fidian Kristus tinin da tutumanig tinid kisaek tilasag tumado ya, man dugo, bret kisaek o lian an id fidian sisem tani da.

¹⁸ An fon Isrel tamolpein sad kagin ilom isou. In Anut anan yai digane pani an wadan ka diani wa. Saen in ago digane dop, insed tinidi an alta amaiak san Anut da dutumanip kisaek dilasa wa. An alon la yak an rumok a. ¹⁹ Ak dugo, anan a tubud ai pat mitilaedi yai digane pidinai dan, in mel tubun ak ago nabol dak i? Tia dugo, ai pat tubud mitilaedi man, in mel rumok ak ago nabol di? Tia geig a. ²⁰ Ak man an gidad mel en alon uyanan a. Saen gob adi in tubud ai pat mitilaedi an yai digane pidinai dan, Anut insad ubou ta inane na da, tia, ur saiak saiak amaiak mi ubou an dinane da. Amaiak ninen o tubud ai pat mitilaedi sad ubou leil ninen o sen alasa wa. Ananem tinimi ur sisaiak dida atumanip kisaek mi alasa man nai namoi geig a. ²¹ An Tubun ak san gab lo, agod ur sisaiak sad gab lo dam aluk dop, muruan ta arinani san tia ya. Nek ago mi, an Tubun ak san tebol fo, agod ur sisaiak sad tebol fo dam atutou dop, muruan ta arinani wak, an dam ago agane san tia ya. ²² Ak dugo, idsad kagin nam Anut tiganep ilon imasap turak susak igane wak i? Tia dugo, idaned tuod inanen tuon irinani dak i?

Kagin fidian agane dan, Anut ilo uyan apani wo ago agane wa

²³ An imug igo abol, "Mel dugo ninen o namat dan ago ka njigane wa." Awo, an rumok a, ak man mel a fidian nai ka njigane wan luluad lo mel wei mi lou amad tia ya. Rumok, an ilom ibol dak ago ka agane wa,

ak man kagin an aenta ananem ilo rumok dabal ipani san tia ya. ²⁴ An ninen o ru en aganuri wa. Talpein inanen madok mi uyan ilasa wo urat ta igane na wa. Tia, tamolpein aenta ilo uyan ipidinai o urat igane wa.

²⁵ Aria, mudan a didaen aben na diganeg yen dan ninen o igo nabol da, an ka adad pe ani wa. Ilom ta weiwei na dop kankan saian ak fidian mudan an ninen o abal yau a. Gidad mudan naok an didaen tamol dugot na dinane yan, fun alon o asumianai san urat ta ipanan na wa. ²⁶ Man dugo, tan en Tubun ak san, agod mel tan en lo yen den dam fidian inisan mi a.

²⁷ An ninen talpein ta igiop inisan ab lo anan wani wo wau dop, awan wabi wo ilo ibol tap, on gidad inisan anan a ikubuneg nao na igansi an ka wani wa. On anan an ninen ilo ta weiwei dop, an tubud sewak adi sadi ak ubol pe, fun ulon o sumiaek ta gane na wa. ²⁸ Ak man saen talpein ta ibol, "Mudan en tubud sewak adi yai digane pidinai a," ago ibol tap, an wani umoi. Agop an lo on talpein an binawi dop inanen kankan dam ta kubuli na wa. ²⁹ Onane kankan kubuli wo ago nabol man tia ya. On ulon la yak, mudan an muruan ipano san tia ya. Nai mudan naok en nani san ninen o igo ilog isou da: ata wo tamol sen ak kankan saian anda yan, nai isubanag pe ilog ibol dak ago ngigane san tia yak i? ³⁰ Saen nai nunuaen dan, bubeg lo Anut o ilo uyan ru nupani da, an ninen o nai kankan uyan ak amag da anan an nani da. Aria, ata wo talpein ta, mel a ninen o nai Anut ilo uyan ru nupani dan ninen o uf igane panag dak i? Kagin naok an fun an tia ya.

³¹ Ago yak ninen o, on anan wani boi, tia, you uluk boi, tia, dugo dugo gane dan, aenta malad lo Anut inanen girager ganep tubun mi ilasa wo kagin an fidian gane wa. ³² Gidad tamolpein ta in Juda boi, tia, Juda tia boi, tia, Anut anen midaen, on mel ta ganep an lo in lulunad lo talpein kisaek ta yau idu na wa. ³³ Kulob fidian a ngigane dan lo, tamolpein fidian ilo uyan nupidinai

o nbitinae da. Man dugo, naineg kumaen tan en san an kagin nupani wo urat wagai ta ngigane na da, tia, naisag urat funfun lo wagai nganep tamolpein fidian nbinawai o nbitinae da.

11

¹ An ninen o nai Kristus san kagin ngagam njigane ya. Nek ago mi an dam naisag kagin agam anane wa.

Kagin uyan ak ubou leil lo ya

² Nai an nipitianaen da, man dugo, naisag kagin naok naok fidian an pempem ilom isou da, agod pitenanek funfun a gubak mi an banim lo nidiri an anjal go, gamu dam abiai dabal dugo, ari apani uyanan da.

³ Nai ilog ibol dak mel en alon uyanan a. Tamol fidian sad gurman man Kristus, pein san gurman man inanen tamol, agod Kristus san gurman man Anut. ⁴ An ninen o saen tamol ta in kabunan ituang imado dugo gudanek igane dan, kagin an lo inisan tamol gurman Kristus miai ipani da. Nek ago mi in kabunan ituang imado dugo profet ru ibol ilasa dak tap, dal an lo dam Kristus miai ipani da. ⁵ Agod saen pein ta in kabunan kawan* gudanek igane da, tia, kabunan kawan profet ru ibol ilasa dak tap, in iwon tamol ak miai ipani da. Ago igane tap man pein an nek ibol gurman roun didawi yaup an lo

miai dupani wak igo won a.† ⁶ An ninen o pein ta kabunan ituani imoi tap, gidad inanen gurman roun an itute yau a. Ak man pein an gurman idawi yau an miai ifuni tap, an ninen o gidad in kabunan ituani wa. ⁷ Tamol in kabunan ta ituani na wa. Man dugo, in Anut san nao nanek tamol, agod Anut san girager ikubiai ilasa da. Ago gug pein man iwon tamol ak san girager an ikubiai ilasa da. ⁸ Man dugo, Anut pein inaneg ate tamol ta igane na ya. Tia, in tamol tinin inaneg ate pein igane ya. ⁹ Agod fon, in tamol inaneg pein san binawek imado wo ago ta igane na ya. Tia, in pein inaneg tamol san binawek igo imado da. ¹⁰ Pein in iwon tamol ak paen na imado

* **11:5:** Grik sad tamol kagin lo man, pein iwod ad da yan yamel misilas san ak ate kabunad dutuani gup, malak malak lo dutor a. † **11:5:** Grik sad tamol kagin lo man, pein iwon an da yak jeit kagin igane dan, in gurman roun didawi yau a, an lo dop pein an malak malak miai dupani wa.

da, an niñen in kabunan ituanip ate ikubiai dile wak in iwon tamol ak paen na imado da. Kagin ago igane dop, an lo enjel adi dam ilo uyan ipidinai a.

¹¹ Ak man saen id Tubun ak san dal tiri dan, pein sen kisaek mi ta itor imado na da, nek ago mi tamol dam sen kisaek mi ta itor imado na da. Tia, pein in tamol da sisem nug dubunawip dumado wa. ¹² Man dugo, wagam mok pein in tamol tinin aenta lo ilasa ya. Ak man gamu tamol in pein tinin lo ilasa da. Agod pein in tamol da sisem Anut banin lo dilasag dumado da, man dugo, in mel fidian idirai a. ¹³ An ansem mel en abitinaep ale wa. Ak dugo, pein ta kabunan kawan malak malak Anut igudani tap, an uyan ak i? ¹⁴ Tamolpein aenta kagin a ilod lo uyan dubol dan, an dam ago ipiteñanad da. Man dugo, inñaned ilo sou lo, tamol ta gurman roun milaen mi tap, an inñen miai ipani da. ¹⁵ Ak man saen pein gurman roun milaen mi idu yau dop man, an mel ta siñaokan san mi a. Man dugo, inñanen gurman roun man, kabunan ituani wo Anut iganeg ipani a. ¹⁶ Ak man an luluñam lo talpein ta ru kagin e ñurupaian den niñen mañ da nug mupei tap, gidad talpein an mel en ilon uyan a, mañ kagin naon senamo ak ta mabi na da. Agod Anut san midaen aenta fidian dam ago mi digane da.

Tubun ak san anañ tani san ru

Mat 26:26-29; Mak 14:22-25; Luk 22:14-20

¹⁷ Gamu ñai ru kagin taidam ñurupaian o da. Ak man anañem kagin naok naok a niñedi wo ñabol dan niñen o ñai ñupitianañ san tia ya. Man dugo, saen an atumani man anañem kagin saiak saiak a agane dan, kagin uyan ak agane dan iriñani da. ¹⁸ Malmalan talpein ru naok igo irupaia go ñalon a. Saen an midaen fidian mi apalu atumani dan, an luluñam lo gilek sensen dien da. An nag kitek rumok ago ilog rumok da. ¹⁹ Mel en ñai niñen o ta ilog uraru na ya, pempem Anut san midaen luluñad lo gilek aenta dilasap yen a. Man dugo, kagin naok en lo kuai tem tile wak, enti an luluñam lo Anut ipitianañ da, agod enti dam niñen o ilon saian da. ²⁰ Kulob a niñen o ñabol dan igo ya. Saen an Tubun

ak san anañ ani wo apalug atumani man, anañ a ani dan Tubun ak san anañ mok tia ya. ²¹ Man dugo, tamolpein a gamugo dupalu yan an aenta ta atitianañ na da, tia, an anen anen anñsiganem anañ silei nam anig itout a. Talpein ta anañ tia imado yan imatigen a, ago dop aenta lukluk tinadi a. ²² Ak dugo, an anñsiganem ab lo ani aluk dop amado san tia i? Tia dugo, an Anut san midaen an mel kawan ak ilom isou di? Tia dugo, talpein a anañ ad tia yan miai apidinai o ilom ibol di? Ñai anñsam kagin niñen o dugo ñabol o? Dugo, an ñupitianañ o? Tia geig a!

Jesus in bret agod wain da inñaneg megeloum ipidinai a

²³ Dugo dugo tiganep, pasa tani taluk san dal man ñurupaian la ya, Tubun ak sen kagin an ikubiai panag a. Tubun ak Jesus, tidom a lo ager banid lo digane yan, bret inñane yabig, ²⁴ Anut ilo uyan ru ipani la gug, yafuteg igo ibol, “Bret en ñaneg tinig, ñai an niñemi wo ñiganeg idu ya. An igo agane dop ñai ilom isou.” ²⁵ Nek ago mi, anañ diani itout gug gab inñane yabig igo ibol, “Gab en man kontrak foun ñaisag dar lo ya. Saen en aluk dop ñai ilom isou.” ²⁶ Man dugo, saen dugo dugo an bret en ani dop, gab en lo aluk dop, an Tubun ak san maten niñen abol ilasa dop yaup saen in imul ipalu wa.

²⁷ An niñen o man, talpein a kankan tia yak igo bret yani, tia, gab lo iluk dan, Tubun ak tinin, inñanen dar an dam niñedi wo aupasek igane da. ²⁸ Fun an niñen o talpein sen ikubiani ile la gup, murna bret yanip gab lo iluk a. ²⁹ Man dugo, talpein ta imug ilon igirep Tubun ak tinin ta ile ilon na tap, yani iluk dan lo inñen tinin fo muruan tubun ak igane isuda wa. ³⁰ An niñen o an luluñam lo tamolpein aenta dabai amad tia ya, aenta subam ifu da, agod aenta dumat la ya. ³¹ Ak man id imug sed ikubianad tile tap, Kristus bitinaek lo ta idirad na wa. ³² Gug an mel en alon uyan a. Rumok, idsad Tubun ak bitinaek lo idirad dugo bu ipanad da. Ak man in id kududod yabi wo ago igane da, an lo dop saen in tan en san tamolpein daon ipidinai dan te id in dida itumanad pe sisem ipitiñinad san tia ya.

³³ Njai teig taog, fun an niñen o kagin igo ari wa. Saen an anañ ani wo apalup atumani man, gidad nug atitianip sisem anañ ani wa. ³⁴ Talpein ta imatigen saian tap, gidad imug inñinan ab lo anañ yani gup ipalu wa. An lo dop anañem tumanek san nuñon man, Anut ibitinian pe muruan ipanañ san tia wa.

Aria, saen njai anñam na nupalu man ru kagin aenta dam njurupaian a.

12

Urgun lou panek iwae panad da

¹ Njai teig taog, an Awan Urgun san binawek ipanad dan niñen o anañ man njai ilog ta ibol na da. ² An alon ak, saen an wagam gob amado yan, anañem tamol kagin wagam an naom diraeg an lo tubud sewak adi a awad tia yan sad ubou ale se ya. Ago yan lo ur saian saian an an diñilian go kagin uyan tia yan naon sensen dukubiai ale na ya. ³ Amaiak niñen o njai njurupaian da. Talpein ta Anut anen Urgun lo Jesus imisilani san tia ya. Nek ago mi, talpein a igo ibol dan, “Jesus in Tubun ak,” tamol amaiak Awan Urgun lo mi inñen da. Man dugo, ur saiak ta ago ibol ilasa san tia ya.

⁴ Aria, Awan Urgun tamol anen anen atem lou panek naon sensen ipidinai da. Ak man Awan Urgun e binawek en iwae pidinai den man kisaek a. ⁵ Nek ago mi id anen anen atem dal wei mi sensen lo Tubun ak o urat ka tigane wa, ak man Tubun ak e inñan urat tigane den man kisaek a. ⁶ Taida mi, Anut tamolpein anen anen biabi binawek naon sensen ipidinai da, ak man Anut e tamolpein fidian ilod lo binawek en idirai dilasa den man kisaek a.

⁷ Aria, Awan Urgun tuon man id tinid ilon lo walal isi dugo tile da. Ak man in id anen anen atem dabai naon senamo ak ipanad da, an lo man id anen anen dabai a tinaneg tabi dan urat tupani wa, ago dop an lo id fidian sisem uyan tinane wa. ⁸ Urgun san dabai log, talpein ta ru kankan milaen anda yak inane dugo, Urgun naon kisaek an lo mi, talpein sen ak ru mañau anda yak inane da. ⁹ Ta Urgun anen dabai lo ilo rumok tubun ak inane dugo, ta Urgun kisaek mi lo subam adi ikubuniai

san dabai inane da. ¹⁰ Ta kulob girager naok naok igane san dabai inane dugo, ta profet ru ibol ilasa san dabai inane da. Ta ilon lo ur uyan ak ur saian ak itarpasai san dabai inane dugo, ta tamolpein sen ak sad muroud ru lo inñen san dabai inane da. Agod ta in muroun ru naok ago yan ilon dugo fun ibol ilasa san dabai inane da. ¹¹ Lou panek emaiak fidian man Urgun kisaek mi ipanad da, agod en inñen ilon ibol dak ate mi tamol kisaek kisaek iwae pidinai da.

Tinik kisaek mi, gug tinik san boi wei mi a

¹² Tamol tinin kisaek a, ak man inñan nien, banin, tinin aenta dam fidian wei a. Agod tinin aenta an fidian dutumanig tinin kisaek mi ilasag yen da. Kristus dam nek ago ya. ¹³ Man dugo, id fidian Ur kisaek mi nam suguek tinaneg, an lo tutumanig tinik kisaek tilasag tumado da. Gidad id aenta Juda, tia, aenta Juda tia yak, aenta urat bigabeg adi, aenta kawan tumado tator da, Anut id fidian Urgun kisaek mi lo taluk o ipanad a.

¹⁴ Aria, tinid boi kisaek man tia ya, tia, tinid man boi wei mi a. ¹⁵ Ak dugo, njai njeig igo ibol, “Njai banig tia ya, an niñen o njai tinig en san boi tia ya,” ago ibol tap, rumok, in tinik an inñan boi mok tia i? ¹⁶ Tia dugo, kududo dam igo ibol, “Njai malag tia ya, an niñen o njai tinig en san boi tia ya,” ago ibol tap, rumok, in tinin an inñan turan mok tia i? ¹⁷ Tia, tinik an fidian malak mi tap, an niñen o dugo won ru ilon ak i? Tia, tinik an fidian kududok mi tap, dugo won mumalun iwen ilon ak i? ¹⁸ Ak man rumok, Anut inñan ilon yen ak iri panim, tinid san boi anen anen atem inañ abed kisaek kisaek ipidinaig dien yau a. ¹⁹ An niñen o tinid an gigin kisaek mi yen tap, tinid an nuñon tia ya. ²⁰ Amaiak niñen o tinid anen boi wei mi a, ak man fidian dutumanig tinid kisaek ilasag yen da.

²¹ Malad in banid irupe, “Njai on nñamoi a,” ago ibol san tia ya. Nek ago mi kabunad dam in nñed irupe, “Njai on nñamoi a,” ago ibol san tia ya. ²² Tia, tinid sad boi aenta a dabai an tia yak tabol dan, inñad urat tubun geig a, an lo tinid boi boi an ta dien na tap,

tinid an imat a. ²³ Tinid aenta man tile uyan san tia ya, an ninjen o tamol inj tinin an damag ipani da. Damag nam ibalfutani da, ago dop san leil man uyanan a. Agod tinid aenta man malak malak tile san tia ya, an ninjen o inj imiani uyanan da. ²⁴ Ak man talpein tinin a leil lo uyanan an inj damag ta ipidinai na da. Man dugo, dal an lo Anut tinid sad boi fidian itumanai a, tinid sad boi a leil lo uyan tia yan, yanjad tisini da. ²⁵ Anut kulob ago igane yan lo, gilek ta tinid lo yan ta yen na wa, an lo dop tinid sad boi fidian nug kagin dupani uyan a. ²⁶ Fun an ninjen o saen tinin aenta an kisaek madai ile tap, tinin aenta dam muruan naon kisaek an disini wa. Agod fon talpein tinin ta kisaek ninjen o ilon uyan tap, tinin aenta an fidian ilod uyan a.

²⁷ Aria, an fidian man Kristus tinin, agod injanen tinin san boi fidian man ansem mi a. ²⁸ An lo man tamolpein fidian Kristus san midaen ilon lo mi urat digane wa. Agod Anut urat tamol naon sensen itarpasai da. Malan te mok inj aposel adi ipilianai a, agod tinin te profet adi ipilianai a. Uraru an tinin te man girek manjau adi, an patun fo man talpein a kulob girager urat digane dan, an patun fo talpein a subam dupasi yau san dabai ad da yan, talpein a tamolpein aenta dibinawai san dabai dijaneyan, tulek tamol adi, tia, pein tulek san dabai dijaneyan, agod murna geig man, talpein a tamolpein sen ak sad muroun ru ka dijinjen a, ak man ru an fun ta dulong na wa. ²⁹ Ak dugo, talpein Kris ak fidian aposel adi ak i? Tia, an fidian profet adi ak i? Tia, an fidian girek manjau i? Tia, an fidian kulob girager ka digane wak i? ³⁰ Tia dugo, an fidian subam digane itout san dabai dijaneyan yak i? Tia, an fidian muroun ru sensen ak fun ta dulong na yan lo ka dijinjen ak i? Tia, an fidian ru naok ago yan san fun ka dulong pe dubol ilasa wak i? Tia geig a. ³¹ Bar en fidian uyanan a, ago gug aenta uyanan geig a. An ninjen o an tinim nutum lo bar a aenta dirijanai dan anjal pe urat apidinai san ninjen o yaes ifunan a.

Ilo panek an mel malan te ya

Aria, naj gamu an kagin dugon inj uyanan geig ak agane san njukubiaip ale wa.

13

¹ Naj tamol inj enel da sad balek sensen lo ninjen ka njigane wa, ak man naj ilo panek ag tia yak tap, naj nek ibol lilijan tubun ak tamolpein kududod lo uyan tia yak, tia, dou ta a tamol isue saian dugo lilijan kawan ilasa yau dak igo won a. ² Naj profet ru ka nabol a, agod mel mianuk ak fidian fud njalon uyan a, agod taida mi naj manjau fidian amag da ya, agod najisag ilo rumok lo mi nabol pe tan bubun ta isuk yaup asau mi itur a, ak man naj ilo panek amag tia yak tap, naj tamol kawan mi a. ³ Naj najisag filiang an njuaep tamolpein a melmel amad tia yak dijaneyan wa, agod naj tinig en ager banid lo njiganep yai lo dimiriag a, ak man naj ilo panek amag tia tap, urat naon taidam njigane san tia ya.

⁴ Ilo panek kagin inj muruan fidian isini da, agod ilo panek kagin dam tamolpein fidian ilon imunjanai da. Ilo panek kagin inj malan ta isi na da, sen ta ipitiani na da, agod sen yanjan ta yabisa na da. ⁵ Ilo panek kagin inj kagin naok saian ak ta igane na da, insen mi wo ilo sou ta igane na da, inj ririan ilon imasap ta tinjaen saian na wa, inj muruan a tamolpein dupani an ta ilon isou na da. ⁶ Ilo panek kagin san leil lo man, kagin saiak an ta bulbal na ya, tia, ru a rumok an ninjen o mi uyasusai iganep imado da. ⁷ Ilo panek kagin man pempem aenta ibargiranai dugo, pempem ilon lo rumok da, agod pempem mala nouk imado dugo, pempem muruan lo itur sakar da.

⁸ Ilo panek kagin pempem yen da, itout yau san tia ya. Ak man tamolpein gamu profet ru dubol ilasa bo man, murnap profet ru an itout yau a. Gamu talpein aenta tamolpein sen ak sad muroun ru lo dijinjen dak gug fun ta dulong na da, ak man murnap kagin an itout yau a. Agod gamu aenta Urgun san dabai lo inj manjau amad da ya, ak man murnap lou panek an itout yau a. ⁹ Man dugo, gamu idsad manjau ta idaisuda na ya, an lo id talon ak man kitek uyan a. Taida mi, id profet ru mi kitek ka tabol ilasa wa. ¹⁰ Ak man murna dop saen nal a lo mel fidian itaotan dilasap yen dan ipalu man, kagin a kitek itaot an fidian ditout diau a. ¹¹ Saen naj nanuk tusag man, naj nanuk igo

wonj njinjen se ya. Agod naj nanuk igo wonj ilo sou njigane dugo ilog igire se ya. Ak man saen naj tamol tubug man, naj nanuk sad kagin njigane se yan fidian patug nupani a. ¹² Gamu man id ka aban kitek tile da, nek ibol tig sinjakaan tia yak lo mitilaen kuai te ta tile na dak igo wonj a. Ak man murna dop id Anut da nug naon tupanip nug tile wa. Gamu naj manjau kititik amag da ya, ak man murna dop naisag manjau Anut ninjen o man idaisuda wa, nek ibol Anut sen naj ilonj uyanan ak igo wonj a.

¹³ Ago yak ninjen o mel utol en dien diau da, ilo rumok, mala nouk, agod ilo panek. Ak gug mel utol en lulujad lo ilo panek mi inj malan te ya.

14

Profet ru inj balek sensen ak da

¹ Anj ilo panek san dal mi ari apani wa. Ak man anj dam urat wagai agane dop Awan Urgun san dabai lo binawek sensen ipanan an anjane wa. Ak man mel malan te man anj Anut asumiani dop, profet ru abol ilasa san dabai ka ipanan a. ² Man dugo, talpein ta tamolpein sen ak sad muroun ru lo injen dak gug, fun ta ilonj na dan, inj tamolpein aenta ta irupidai na da, tia, inj Anut mi irupej da. Rumok, tamolpein ru an fun ta dulonj na da, man dugo, injanen ur nam melmel a mianuk lo dien dan mi ibol ilasa da. ³ Ak man, tamolpein ensauta a profet ru dubol ilasa dan, tamolpein aenta durupidai dulonj da, an lo dop dabai dupidinaip, ilod diabisa dop didiraip bubed maror anda dumado wa. ⁴ Talpein inj balek naon sen ak lo, ru fun ta ilonj na yak lo injen dan, inj mi sen ibinawi da. Ak man talpein a injinan muroun ru lo profet ru ibol ilasa dan, inj midaen an fidian ibinawai dugo injaned dabai nen igane isuda yau da. ⁵ Rumok, anj anen anen balek ru sensen ak lo ka anjen o naj ilog ibol da. Ak man gidad, naj ilog tubun geig ibol dak anj fidian ka profet ru abol ilasa wa. Talpein enti profet ru ibol ilasa dan, inj talpein a balek sensen ak ate injen dan irinani da. Ak man talpein balek sen ak lo injen dop fun dam ifulalep tamolpein kuai tem dulonj tap, inj talpein a profet ru ibol ilasa

dan da naon kisaek a, man dugo, inj dam midaen fidian dabai ipidinai da.

⁶ Aria, teig taog, naj ansam na njupalup balek ru sen ak lo mi njinjen dop alonj tap, kagin an dugo wonj ibinawan ak i? Ak man naj mel ta njonamin lo Anut ikubiai panag an, tia, manjau foun ak ta, tia, profet ru ta, tia, ru ta manjau ipitenanan dan njupananj tap, kagin an mi nunjon anda ya. ⁷ Anj melmel e kumaed tia en, dum boi, tia, digadug boi, lilijan digane ilasa dan ninjed wo ilom isou wa. Talpein inj digadug ibali saian dop man digadug san lilijan talonj uyan san tia ya, ago dop lilijan an tamolpein ditari san unjon ipidinai a. ⁸ Tia, talpein ta inj ager san dou bilalunj isue wa, ak man inj bilalunj isue saian tap, enti inj wagai yau san tawanj iganep imado wak i? ⁹ Nek ago mi, saen onj balek ru fun ta ulonj na yak lo njen tap, en dugo wonj tamolpein onjane ru a ubol ilasa dan fun dulonj ak i? Onjane ru an nunjon tia wa. ¹⁰ Rumok, tan en lo man muroun ru wei mi dien da, ak man muroun ru fidian an lulujad lo ta kisaek inj fun an tia yak ta yen na da. ¹¹ Ago yan lo, gidad talpein ta muroun ru lo injen da, ak gug ru e ibol den fun ta njane na tap, injan leil lo naj nek ibol tamol gol ak igo njumado da, agod inj dam naisag leil lo tamol gol ak igo wonj imado da. ¹² Anjanem tumanek lo kagin naok ago yan dam yen da. Amaiak ninjen o njurupaianj da, anj fidian ilom tinim imasag, Urgun san lou panek anjane wo ilom tubun mi ibol dan ninjen o, lou panek a anjanem midaenj dibinawaip dabai ad da dumado wan mi anjanep, tinim injanefute wo maeg aganep anjane wa.

¹³ Fun an njen o talpein injan njen fun ta ilonj na yak lo injen tap, gidad inj Anut isumiani dop ru fun ilonj pe ibol ilasa san dabai an ipani wa. ¹⁴ Man dugo, naj balek ru sen an fun ta njalonj na yak lo njugudani tap, najneg njutug mi igudani da, ak gug najneg kankan an nunjon an tia ya. ¹⁵ An njen o en dugo tigane wak i? Saen ta man najisag ur san ilobol fom gudane njigane wa. Agod saen ta man najisag ilo sou lo mi gudane njigane wa. Nek ago mi, saen ta man najisag ur san ilobol fom bar nabi wa,

agod saen ta man n̄aisinag ilo sou lo mi ru n̄alɔŋ ak lo bar n̄abi wa. ¹⁶ Ak dugo, oŋ balek ru sen ak fun ta ulɔŋ na yak lo Anut yaŋan wabisa dak tap, talpein a oŋsa midaeŋ lo gamugo iladu dan, oŋsa gudanek an dugo ibinawi wak i? In̄ oŋsa gudanek ilon̄ pe “rumok” ago ibol san tia ya, man dugo, gudanek a gane dan fun ilon̄ san tia ya. ¹⁷ Rumok, dag oŋ Anut yaŋan wabisap ilo uyan pani uyan da, ak man oŋ talpein en ta binawi na da.

¹⁸ N̄ai Anut ilo uyan ru n̄upani da, man dugo, dabai a Anut ipanag an lo n̄ai balek sen ak ate n̄in̄in̄eŋ dan, dabai a aŋ kagin kisaek an mi agane wo ipanaŋ an irin̄ani da. ¹⁹ Ak man gidad, saen n̄ai tumanek lo n̄umado tap, n̄aisag ru en tamolpein aenta ipiteŋanai o n̄amat da. Fun an n̄in̄en o gidad n̄ai ru wei an tia tamolpein dulon̄ uyan san an mi n̄ufulale dop in̄ dulon̄ a, kabelan balek ta lo n̄ai ru wei mi n̄in̄in̄eŋ dop in̄ diŋaon̄ banau.

²⁰ Teig taog, aŋ nanuk igo won̄ ilom ago isou yau dan amoi a. Aŋ nek ibol nanuk adi kagin saiak digane san ta dulon̄ uyan na yak igo, aŋ dam kagin naok an lo uŋaon̄ am amado wa. An̄anem kankan lo man, aŋ nek tamol busumak igo won̄ amado. ²¹ Aisaia san girek lo tamolpein a Anut awan duparsali se yan n̄in̄edi wo irupaiad da. Anut igo ibol,

“Tamolpein balek sensen diŋin̄eŋ dan lo, agod tamolpein gol ak awad lo dam, n̄aineg tamolpein ru n̄urupidai a.

Ak man gidad n̄ai ago n̄igane bo man, in̄ n̄ai awag ta diabi na wa.”

²² An n̄in̄en o, balek sen ak tamolpein fun ta dulon̄ na yan lo diŋin̄eŋ dan, Anut tuon kuai tem kob ta ilo rumok adi kulob an ta ikubiai pidinai na da, tia, kulob an man tamolpein a ilod lo ta rumok na yan in̄sad mi a. Ak man, profet ru an ilo rumok an tia yak in̄sad man tia ya, tia, profet ru an ilo rumok adi in̄sad mi a. ²³ Amaiak n̄in̄en o, saen midaeŋ dutumani man, tamolpein ilod lo rumok tia yak boi, tia, tamolpein maŋau tutubun tia yan boi, in̄ tumanek lo diladu dugo, an̄sam balek lo ru fun ta dulon̄ na yak ate aŋin̄eŋ dop dulon̄ tap, in̄ ilod lo aŋ n̄in̄eŋ burau agane dak ago dubol a. ²⁴ Ak man saen aŋ fidian profet

ru abol ilasa dugo talpein ta patun fo yak an̄sam tumanek lo ipalu tap, ru fidian e ilon̄ den ilon̄ isue dop in̄ kuai tem ile wak in̄ aupasek tamol. ²⁵ Agod mel a buben ilon̄ lo imianuk an fidian dutufulal pe walal te dien dop ile wa. An n̄in̄en o in̄ yau idup Anut ubou an ile dop igo ibol, “Rumok, Anut aŋ da amado da!”

²⁶ N̄ai teig taog, gamu an̄anem tumanek lo kagin uyanan agane san n̄in̄en igo n̄urupaian̄ da. Aŋ anek anek atem mel ka agane wa. Tamol ta in̄ bar in̄ane ipalu wa, tamol ta piteŋanek ibol ilasa wa, tamol ta in̄ Anut san na ru ilon̄ pe tamolpein irupidai dulon̄ a, tamol ta in̄ balek ru fun ta ilon̄ na yan lo in̄in̄eŋ ilasa wa, agod tamol sen ak in̄san ru an fun ibileksa da wa. Aŋ kagin nek an an̄sam midaeŋ dabai ipidinai o mi agane wa. ²⁷ Saen aŋ lulun̄am lo tamolpein aenta ru fun ta dulon̄ na yak lo diŋin̄eŋ tap man, gidad amoip talpein uraru boi, tia, utol boi, ago ka diŋin̄eŋ a, subun̄an taida man tia wa. Agod in̄ sisem ta diŋin̄eŋ na wa, tia, ta imug in̄in̄eŋ yaup itout gup, tinin te ta ibol ilasap, ago iri iri wa. Taida mi, talpein sen ak in̄sad ru ibileksa san dam imado wa. ²⁸ Ak man talpein ta in̄ atna ru ibileksa san tia tap, in̄ tumanek lo ta diŋin̄eŋ na wa. In̄ Anut da ka diŋin̄eŋ ak, agod nek in̄sed ilod lo mi diŋin̄eŋ a.

²⁹ Aria, saen profet adi midaeŋ durupidai dop man in̄ uraru boi, tia, utol boi ago diŋin̄eŋ a. Ago dop tamolpein aenta man kududod mi dugurep ru dubol ilasa dan dukubianip dile uyan a. ³⁰ Ak man saen Anut n̄in̄eŋ ta tamol siŋire na yan ikubiai panip ibol ilasa tap, talpein a imug in̄in̄eŋ an imoip awan itau kisaek oŋ dop, tamol neinta an ka in̄in̄eŋ ilasa wa. ³¹ Man dugo, aŋ fidian ka profet ru abol ilasa wa, ak man kisaek imug in̄in̄eŋ itout gup, fon sen ta in̄in̄eŋ da wa. Dal en lo an̄anem tamolpein fidian piteŋanek uyanan diŋane dop, bubed yabisap dumado wa. ³² Kabelan aŋ ilom lo tamol Anut awan ilon̄ dan ririan ru ibol ilasa dak ago abol banau, ago tia ya. Man dugo, Anut anen profet adi dabai ipidinai an lo in̄sed n̄utudi ka ditirni wa. An n̄in̄en o in̄ Anut awan dulon̄ an ilod lo yen yaup in̄aned saen ilasa dan te gup, ru an tumanek

lo dubol ilasa wa. ³³ Man dugo, Anut man in sununek san Anut tia ya, tia, in maror san mi a.

³⁴ Ansam tumanek lo pein ninen ta digane na wa. Man dugo, kagin naok ago yak panu panu midaen aenta lo ago digane yau da. Man in tumanek lo dininen man mamoi a. An ninen o nek ibol kubiaen ibol ak ago, in iwod tamol ak paed na mi dumado wa. ³⁵ Agod in mel ta ninen o dumat pe dusumiai tap, in dumul ab lo diau gup iwod tamol ak dusumianai dop ru an fun durupidaip dulon a. Man dugo, saen pein ta tumanek lo malak malak ininen tap, in sen miai ipani da.

³⁶ Ak dugo, ananem tumanek in aben a dugon te Anut san ru imug ilasa ya, an rumok ak i? Tia dugo, Anut san ru panu panu aenta lo ta yau na ya, tia, ansam na mi yau a, an rumok ak i? ³⁷ Talpein ta in ilon lo in sen profet ak ibol, tia, in ilon lo Awan Urgun lo bar dabai ak inane ibol tap, in gidad mel en ile ilon pe ilon kisaek a, ru e nai ngireg ansam na ngianep ipalu wo den man Tubun ak awan ngire da. ³⁸ Ak man talpein an ru e ngire den ninen o ikikai tap, an ninen o saen in sen ininen man an kududom ta agure na wa.

³⁹ Aria, mel en ninen o nai ru wadan nurupaian da. An ilom tinim imasap profet ru abol ilasa wan ninen o tubun mi amat a. Agod tamolpein aenta balek ru fun ta dulon na dan lo dininen san an ta apadau na wa. ⁴⁰ Ak man mel fidian agane dan an kagin itaot agod kagin uyanan ak lo mi agane wa.

15

Kristus imat go fon kumaen imasa da ya

¹ Nai teig taog, gamu nai bilalun uyan ak e imug nabol alon en ninen ilo sou nupanen o namat da. Bilalun uyan en an banim afulaleg anane dugo bag an fufo ananem madok Kris ak aganeg dabai anda yen da. ² An ru a gubak mi nfulale panan an mi abi sakar tap, bilalun uyan en lo Anut patum ipasip inilian a. An ru an fidian abi yau dak i? Tia dop, ananem ilo rumok an kawan a.

³ Mel fidian nai kududog ilon an naisag leil lo malan te ya, an ninen o nai mel tutubu yan fidian an nurupaian a. Nai igo

nabol a. Ru ta Anut san buk lo yen dan iri panim, Kristus idsad aupasek isuas o imat a. ⁴ Agog in disareg nal utol yau gug fon Anut maten lo ifufuni yabisag kumaen ilasa da ya. Agod an dam ru ta Anut san buk lo yen dan iri panim nunon ilasa ya. ⁵ Agog malmalan Pita naon na walal isi a, agog tinin te megeloum 12 an naod na dam kuai tem ilasa ya. ⁶ Agog murna in fon walal isig malak malak dile ya, atna ilo rumok adi in dile yan sad sutek 500 irinani a. Tamol a in dile yan kisaek kisaek dumat la ya, ak man wei mi gamu dumado yau da. ⁷ Murnag Jems san na ilasa ya, agog fon aposel fidian sad na dam ilasa ya. ⁸ Agog murna geig man naisag na ilasa ya. Nai man nek ibol nanuk foun gamugo dugo tinan ririan igansi ak igo won a, ago bo man Jesus sen ikubiai nile ya.

⁹ Man dugo, nai Kristus san aposel aenta lulunad lo yanag tia ya, agod nai yanag aposel dubol dan ta idaisuda na ya. Man dugo, nai Anut anen tamolpein nusubanai o nukudai dugo muruan wei mi nupidinai se ya. ¹⁰ Ak man Anut san ilo munanek log gamu nai in san urat tamol mok numado da. Agod taida mi, in san ilo munanek nai ipanag an nunon ifu a, man dugo, nai urat wagai geig ngigane se ya, an ninen o naisag urat wagai ngigane dan aposel aenta fidian sad urat irinani a. Ak man nai seg kisaek urat ta ngigane se na ya, tia, Anut in nai da ya, in anen ilo panek an nai urat ngigane wo dabai ipanag se ya. ¹¹ Aria, gidad nai ru nurupaian go alon se ya, tia, aposel aenta ru dubol go alon se ya, ru a man fidian murupaian go alon se yan naon kisaek mi ya, agod ru en ninen o mi an gubak mi ilom lo rumok a.

Tamolpein afon kumaed dumasa wak san ru

¹² Aria, man Kristus maten lo fon kumaen imasa da yan murupaian se yan rumok tap, en ata wo an lulunam lo tamolpein aenta, tamolpein a dumat la yan in fon kumaed dumasa san tia dubol dak i? ¹³ Kududom agure uyanan a. Tamolpein a dumat la yan fon kumaed dumasa san tia yak abol man, an ninen o Kristus dam kumaen ta imasa na ya. ¹⁴ Ago yak ninen o, Kristus fon kumaen ta imasa na yak man,

manşama ru mufulale panaj se yan kawan a, agod anjanem ilo rumok an dam kawan a. ¹⁵ An lo man, taida mi ru a gubak mi Anut ninjen o mabol se yan ru sewak mi a. Fun an ninjen o Anut malan lo man sewak tamol mi a, man dugo, man gubak mi malak malak ru igo mabol ilasa se ya, Anut mi Kristus matej lo ifufunig fon imasag gamu kumaen imado da. Gug tamolpein a dumat la yan fon kumaed dumasa san tia ya, an rumok tap, aria, Anut Kristus ta ifufunig fon kumaen imasa na ya. ¹⁶ Man dugo, nek ibol naj gubak mi nurupaianj ak ago, Anut tamolpein dumat la yan, fon kumaed ta idirai dilasa na dak man, inj Kristus dam matej lo ta injane imul na ya. ¹⁷ Aria, Kristus fon ta kumaen imasa na yan lo man, anjanem ilo rumok an kawan a, ago tag Anut anjanem aupasek ta ipare idu na ya. An lo murnap anj adeg au a. ¹⁸ Taida mi, tamolpein a Kristus ilod lo rumok go dumat la yan, inj dam dideg diau a. ¹⁹ Fun an ninjen o naj igo nurupaianj da. Idsad mala nouk Kristus lo yan tan en lo mi ka ibinawad a, an rumok tap, man id buraurau geig a. An lo man tan en san tamolpein, rumok, tamolpein aenta ilod kitek imunanai a, ak man id ninjed o mi ilod tubun geig imunanad a.

²⁰ Ak man Anut Kristus ifufunig yabisag fon kumaen imado dak, an ru rumok a. Kristus inj malmalan matej lo kumaen imasa ya, kulob an lo idsad mala nouk an, tamolpein a gamu matej lo njonj diabi dan murnap fon dumasap kumaed dumado wan, nunon ilasa wa. ²¹ Nek ibol tamol kisaek mi lo matej ilasa yak ago, tamol kisaek mi lo dam tamolpein a dumat la yan fon kumaed dumasa da wa. ²² Id fidian man Adam malan kubulan, an ninjen o id fidian tamat a. Nek ago mi, tamolpein a fidian Kristus lo dumado dan, Anut murnap ifufunaip fon kumaed dumasa da wa. ²³ Ak man id anen anen atem idsad saen lo mi a. Kristus sen malmalan imasa la ya, agog inj patun fo, saen afon tan en lo imul ipalu dan, tamolpein a injan an fidian fon kumaed dumasa da wa. ²⁴ Murna gup saen wadan ipalu wa. Ak man saen an

gamugo dop Kristus tamol gurman fidian, tamol yanjad anda yak, agod dabai funfun an fidian inj ibiai dudu dop inj abed injane wa. Agod wadan geig man inj injan tamolpein injal pe Taman Anut banin lo idirai a, ago dop Kristus sen injaned gurman imado wa. ²⁵ Man dugo, Kristus mi tan en lo kinj imadop yaup, Anut Kristus san ager an fidian ibiai dudup Kristus njien paen na* dumado wa. ²⁶ Ager wadan Anut yabi idu man matej. ²⁷ Aria, rumok, Anut san ru igo ibol, “Anut mel fidian idiraig nanun njien paen na dien a.” Ak man ru an ago ibol bo man, id ilod itarpasi ak, ru an Anut enti mel fidian idiraig nanun njien paen na dien an dam ituani man tia ya. ²⁸ Tia, saen Anut mel fidian Kristus paen na idiri itout gup man Kristus sen Taman Anut paen na imado wa. Saen an lo Anut injen mi malan te geig a, inj mi mel fidian sad tamad imado wa.

²⁹ Aria, tamolpein dumat la yan fon kumaen ta dumasa na wa, an rumok tap, tamolpein a talpein dumat la yan fajan lo suguek dijane dan, ninjed wo dugo tabol ak i? Tamolpein dumat la yak fon kumaen dumado san tia ya, an rumok tap, aria, ata wo tamolpein sen ak inj fajan lo suguek dijane dak i? ³⁰ Agod an man aposel adi ninjema wo ilom isou wa. Ata wo nal fidian lo manşema iginiama yai ided lo mau dak i? ³¹ Teig taog, naj idsad Tubun ak Jesus Kristus lo njumado dugo an yanjam njisini da. Aria, ru an ru rumok ago tap, ru en dam ru rumok a, naj nal fidian njamat da. ³² Naj etna Efesas na tamol wei mi bor kasik igo wonj dida nug mabi se ya. An tan en san mel mi ago tap, an dugo wonj naj ibinawag ak i? Tamolpein dumat la yak fon kumaen ta dumasa na wa, an rumok tap, gidad naj ka Anut ilog injaonj pe igo njabol a,

“Id gamu ananj mi tani taluk dop tumado wa,

man dugo, gabulop id tamat a.”

³³ An sem irawanj amoi, saen anj tamolpein sad madok uyan tia yak dida ator tap, inj anjanem kagin uyan an dusununj wa.

³⁴ Malam ipuk, anjanem kankan akubunep

* **15:25:** Wagan na saen tamol gurman wagai lo injanen ager tamol aenta ibiai idu dop man, saen inj sia kinj fo imasi dan te, injan ager gurman an njien paen na imadog itokubol go ago yen a.

afon aupasek ta agane na wa. Njai itaot n̄rupaian̄ da, an̄ aenta Anut an̄aon̄ da, an an̄anem miai.

Murnap id tinid naon dugo tinjane wak i?

³⁵ Aria, tamol ta isumiaen̄ pe ibol, “Tamolpein dal dugo won̄ kumaed fon dumasa wak i? Agod tinid naon dugo yak dijanep ate dupalu wak i?” ³⁶ On̄ tamol buraurau! On̄ ulon̄ ak, on̄ mel patun pae dop man an ririan ta isa kisaek on̄ na wa. Tia, mel patun an imat gup a. Ago dop mel patun igo won̄ yen yau san tia ya, tia, mel patun an sen tinin ibilisa dop anan̄ foun ak igo won̄ isa wa. ³⁷ Agod mel patun a on̄ pae dan, murnap nun̄on ago mi njane san tia ya. Tia, on̄ wit kubulan boi, tia, mel ta patun mi pae da. ³⁸ Ago gug Anut in̄sinan ilon gubak mi dugo yen ak lo mi, mel an patun iganep isa yaup tubun pe, in̄aned naod sensen atem itaot dilasa wa. Mel patun an tinid naon sensen ipidinai da. ³⁹ Mudan fidian tan en lo yan naon kisaek man tia ya. Tamolpein tinid man senamo ya, bor goun sad tinid dam senamo ya, agod anakanak in̄ iy da tinidi sensen a. ⁴⁰ Mel a keit fufo dien dan tinid muroun anda ya, agod melmel a tan na dumado dan dam tinid muroun anda ya. Ak man mel tan na dumado dan sad girager naon kisaek a, agod mel lak na dien dan sad girager naon senamo ya. ⁴¹ Ad man in̄anen girager naon kisaek a, ago gug kalam in̄anen girager naon senamo ya, patui dam sad girager naon senamo ya. Agod patui anen anen sad girager an sensen a.

⁴² Aria, saen tamolpein a dumat la yan fon kumaed dumasa wan, kulob naon nek ago yan ilasa wa. Tinid e imug tan na id tinjane emaiak tisarep igan a. Tinid foun ak a murnap tinjane wan in̄ fon igan san tia ya. ⁴³ Tinik tan en san in̄anen leil lo man sinjaokan tia ya, gug tinik murna san man sinjaokan geig a. Tinik tan en san in̄ dabai an tia ya, gug tinik murna san man dabai anda wa. ⁴⁴ Gamu id tinid man tan en san mi a, ak man saen fon kumaen tumasa da wan, id kumaen panu anen tinik tinjane wa.

Tan en san tinik yen da, an rumok tap, kumaen panu san tinik dam yen da. ⁴⁵ Fun an nin̄en o Anut san buk lo igo digire ya,

“Tamol a imug mi ilasa yan, Adam, in̄ tamol kumaen ak ago ilasag imado se ya.” Ak man Adam a murna geig amaiak, sen tinin ibileksag ur ilasag imado dugo, kumaen yen yau san ipanad da. ⁴⁶ Kumaen panu san tinik imug ipalu man tia ya, tia, tinik tan en san mi malmalan ilasa ya. Ago gup tinik kumaen panu san ka tinjane wa. ⁴⁷ Tamol a malan te geig ilasa yan, in̄ tinin man tan gufgaf san mi a. Tamol a murna ilasa yan, in̄ tamol kumaen panu san mi a. ⁴⁸ Tamolpein a gamu tan na dumado dan, nek ibol tamol a imug mi tan na ilasa yak igo won̄ ago dumado da. Nek ago mi, tamolpein a murnap kumaen panu na dumado wan, nek ibol tamol a kumaen panu na ipalu la yak igo won̄, dilasap dumado wa. ⁴⁹ Gamu id tinid san leil man nek ibol tamol a imug mi tan na ilasa yan san leil igo won̄ a. Ak man murnap, tamol a kumaen panu na ipalu wan, in̄anen leil dugo yen dak ago, idaned leil foun an dam naon kisaek mi wa.

⁵⁰ Teig taog, njai n̄rupaian̄ da, tan en san tinid man Anut san kagin panek aben lo imado san tia ya, agod mel ta imat san, mel ta imat san tia yak in̄anep yabi san ta idaisuda na ya, tia geig a. ⁵¹ Kududom agurep njai ru mianuk ta n̄rupaian̄ o da. Id aenta ta tamat na wa, ak man id fidian tinid ibileksa wa. ⁵² Mala ipuk ikilakil dan lo, mel en ilasa kisaek on̄ a. Saen tour murna geig an ibob dop, mel an ilasa wa. Man dugo, tour ibob pe tamolpein a dumat la yan kumaen dumasa wa, agod in̄aned tinidi fon imat pe igan san tia ya. Ago dop id a tan na kumaen tumado dan tinid ibileksa kisaek on̄ a. ⁵³ Man dugo, nek ibol id kulos foun ak tinjanep tidiri dak igo won̄, idsad tinid an ibileksap tinid foun ak imat pe igan san tia yan tinjane wa. Man dugo, mel a imat san an itout yau a, ago dop mel a itout yau san tia yan ilasap pempem yen yau a. ⁵⁴ Saen idsad tinid foun ak ago ilasa dop man, awak aban Anut san buk lo yen dan nun̄on ilasa wa. “Anut yu igane itout a, kulob an san dabai man maten̄ itun̄ali pasik a.” ⁵⁵ An nin̄en o id ka igo tabol,

“O maten̄, on̄ yu gane itout an san dabai dugon te yen dak i?”

O materj, onjane buroi an dugon te yen dak i?"

⁵⁶ Materj anen buroi man aupasek mi a, agod aupasek san dabai man Moses san kubiaenj lo yen da. ⁵⁷ Ak man id Anut ilo uyan ru tupani wa! Man dugo, inj idsad Tubun ak Jesus Kristus lo idirad go yu tigane itout a, an lo man mel an fidian sad dabai tibiai dudu ya.

⁵⁸ Teig taog, fun an ninjen o anjanem ilo rumok lo atur sakar a. Mel ta idiranj pe ta asuk amul na wa. Anj pempem ansem ilom tinim fidian lo urat agane wo dan Tubun ak apani wa. Man dugo, anj alonj ak anjanem urat wagai agane dan nunjon ta ideg yau san tia ya.

16

Korint adi Jerusalem tamolpein o moni dutumani san ru

¹ Gamu naj anj moni atumanip Anut anen tamolpein Judea na dumado dan abinawai san ninjen o njurupaianj da. Nek ibol naj midaej Galesia tan lo dumado dan njurupidai ago mi anj dam ago agane wo njurupaianj da. ² Ubou kisaek kisaek atem anjsam urat naon moni an aenta sen gigin na adirip yen a. Tubun mi njane dop tubun mi pani wa, kabelan njane dop kabelan pani wa. Ago dop man saen naj njupalu dan te dop, anj fon moni o urat wagai ta agane na wa. ³ Agod taida mi, anj tamol aenta fudi alonj uyan ak apilianai a, agod saen naj anjsam na njupalu dan te gup, anjsam binawek moni agane yan disinip Jerusalem na diau a. Naj atna Korint na njupalu gup, tamol Jerusalem na diau an, girek banid te tiganep disini diaup, matu gurman Jerusalem na yan, anjsam binawek agane yan fun irupidaip dulonj a. ⁴ Go njaiseg dam njau wo ilog ibol tap man tamol an naj luag disap mau a.

Pol ru kagin funfun Korint adi irupidai a

⁵ Naj Masedonia tan lo njau njamul gup, afon anjsam na njupalu wo ilog yen da. Naj Masedonia na saen milaen ta njumado na wa. ⁶ Agod saen naj anjsam na njupalu dan, naj dap saen kitek milaen mi anj da tumado wa. Naj tim tubun ipalu dan san saen lo tumado yaup tim itout ak boi. An lo saen idaisudap naj aben dugon te njau o njupiliani

dan, binawek an ta naj onte njau san ka apanag a. ⁷ Naj gamu anjsam na njupalup njilianj o ilog ta ibol da, man dugo, naj anj da saen katukan mi ka tumado wa. Ak man Tubun ak ilon ibol tap, murnap naj anj da kitek saen milaen mi tumado wa. ⁸ Gug gamu man naj igo Efesas na njumado yaup Judea lo Pentikos san tumanek nal ilasa wa. ⁹ Man dugo, Anut naj dalawan ipasi panag an lo, naj injanen urat ka njigane uyanan mok a. Ago dugo ager tamol adi dam njaisag urat dututep itout o wagai digane da.

¹⁰ Aria, saen Timoti anjsam na ipalu tap, inj kagin apani uyan a, ago dop inj ata mel ta lo katukan dop, an ninjen ilon ta weiwei na wa. Man dugo, inj dam Tubun ak san urat nek naj njigane dak ago mi igane da. ¹¹ An ninjen o anj lulunjam lo talpein ta Timoti injane wo ta imoi na wa. Inj abinawi uyan ak, agop maror lo mi aganep njaisag na ipalu da wa. Man dugo, naj inj malan njiganeg njumado da, agod injsan urat kisaek adi inj luan disag dida dutor dan dam malad njiganeg njumado da.

¹² Aria, naj gamu idsad teid Apolos ninjen njabol da. Naj inj anjsam na turan aenta luad isap dida dupalu wo njusumiani a, ak man inj imoi a. Murnap injsen nal ta kawan ak ile dugup ipalu wo ibol a.

¹³ Tawanj aganep amado wa. Ago dop anjanem ilo rumok Kristus lo yan mi lo atur sakar a. Ilom dabai anda amado dop dabai lo mi tamol mok amado wa. ¹⁴ Urat biabi fidian agane dan ilo panek lo mi agane wa.

¹⁵ Aria, anj alonj ak tamolpein a Stefanus san ab lo dumado dan, inj distrik Akaia ilon lo malmalan ilod lo rumok a. Inj injsed ilod nam Anut san tamolpein dibinawaig urat digane da. ¹⁶ Teig taog, fun an ninjen naj njududuwanj da, anj tamol naok ago yan awad paen na amado wa Nek ago mi anjanem urat kisaek a fidian urat awan disini wo maeg digane dan dam awad paen na amado wa. ¹⁷ Gamu saen en naj ilog uyanan da, man dugo, Stefanus inj Fotunatas da agod Akaikas njaisag na dupalu ya. Gidad anj naom tia ya, an lo inj naom dinjaneg naj ilog diabisa ya. ¹⁸ Tamol en naj ilo maror dupanag a, agod anj dam dal nek

ago mi dibinawan a. Fun an ninjen o tamol naok ago yan, an yanad lak na asini san idaisuda ya.

Ru wadan

¹⁹ Aria, midaen a distrik Esia ilon lo dumado dan fidian an ilo uyan dupanan da. Akwila in Prisila da Tubun ak yan an lo an dam ilo uyan dupanan da. Nek ago mi midaen a insad ab lo dutumanig dumado dan, an ilo uyan dupanan da. ²⁰ Ilo rumok adi etna Efesas na dumado den, an ilo uyan dupanan da. Saen an nug ale dop man, musuk gun ak nam nug ilo uyan apani wa.

²¹ Nai Pol, gamu naiseg banig nam ilo uyan ru en ngireg an sam na ngiganeg ipalu ya.

²² An lulunam lo talpein ta Tubun ak ninjen o ta imat na tap, Tubun en talpein an tinin fo misilanek iganep yen ak ago nabol da. O Tubun en, on palu!

²³ Tubun en Jesus inanen ilo panek an da amado.

²⁴ Jesus Kristus yan an lo naisag ilo panek an fidian nupanan da. Rumok.

2 Korint

¹ Nai Pol, nai Jesus Kristus san aposel, Anut ilon yen dan ago, id teid Timoti nai da girek en migire ya. Manj girek en an Anut san midaen Korint na amado dan, agod tamolpein fidian a Anut idiraig gun dilasa yan Akaia provins ilon lo dumado dan dam, sam na girek en migane ipalu da.

² Anut a idsad Tamad an, inj Jesus Kristus idsad Tubun en da inaned ilo panek maror da an ka dupanan a.

Muruan saen lo Anut ilo maror ipanama da

³⁻⁴ Manj Anut, Jesus Kristus manjanema Tubun en Taman per mupani wa. Man ata wo, inj gidad manjsama madai funfun an lo ilo maror ipanama da. Inj ilo mujanek fidian san Taman, agod inj maror fidian san Anut, an ninen o manj muruan fidian mukubiani dan lo maror ipanama da. Nek fun amaiak ninen o ilo maror a manj Anut lo miñane amaiak ninen o, tamolpein a madai naok funfun disini dan ilo maror naon kisaek an mupidinai o manj idaisuda ya. ⁵ Man dugo, nek ibol manj Kristus da sisem inñsan madai tubun mi misini dan, nek ago mi manj inj da sisem inñsan ilo maror tubun mi miñane da. ⁶ Tamolpein manj ru an lo mifulale dop an lo muruan dupanama tap, an ilasa san fun man, Anut ilo maror inj patun pasek da an ipanan a. Agod Anut manj dam ilo maror ipanama tap, nek ago mi mel an ilo maror an dam ipanan a. Saen an madai a manj misini dan ago mi asini dop an lo atur sakar dan lo, ilo maror amaiak ale wa. ⁷ Manj ago agane wo iloma yen da, agod manjsama kankan mel an san an lo dabai anda yen da. Man dugo, manj malon ak nek ibol an manj da sisem madai funfun tukubiani dak, nek ago mi ilo maror dam an manj da sisem tukubiani wa.

⁸ Teig taog, an mel en ninen anjon o man manj iloma ta ibol na da. Saen manj Esia provins lo mumado dugo muruan tubun mi misini se ya. Manj mukubiani ak ibol dibilama tan na madug duparfufaramag matur dabai san tia yak igo ya. An lo manj iloma lo gamu en mamat dak ago

mabol a. ⁹ Rumok, manj iloma lo ibol tamol kot lo itur go maten ile wo dubol ak igo ya. Kagin an ilasa yan fun man, manjsama wagama lo ta matur na wa, tia, Anut nek a talpein dumat ak ifufunaip dumasa den mi tinima mupani wa. ¹⁰ Inj maten saian geig ak sumeik mile wo dugo ipasama injilama ya, agod inj nek ago mi igane yau a. Man dugo, manj inj pempem patuma ipasi wo tinima inj mi mupani da. ¹¹ An ninen an dam anñsam gudanek lo manj abinawama wa. Anj wei mi anñsam gudanek an Anut ilon dop an lo manj ibinawama wa. Ago dop tamolpein wei mi binawek uyanan Anut ipanama yan ninen o ilo uyan dupani wa.

Pol ilon san ilo girek ibileksa yak san fun

¹² Manj malak malak ru en ka murupaian a. Manj tan en lo, agod an malam lo dam kagin uyan ak mi migane na ya. Manjsama ru man rumok ago mi manjsama kagin naok naok dam gun a, man dugo, Anut kagin mi muri mupani se ya. Manj tan en san manjau uyan uyan ak lo urat ta migane na ya, tia, manj nek Anut sinan manjau a ipanama yan lo mi urat migane se ya. ¹³⁻¹⁴ Girek e migireg anñsam na miganeg ipalu den ta imianuk na ya. Tia, girek an an asutip kuai tem ka alon uyan a. Anj gamu manj ta alon uyan na ya, gug murna dop an manj alon uyan ak ago iloma ibol da. Ago dop saen Jesus idsad Tubun en imul ipalu wan ante dop an manj yanama abisa wa, nek ibol manj dam an yanam mabisa wak ago ya.

¹⁵⁻¹⁶ Nai an ninemi wo ilog lo rumok ak an manj alon uyan pe ananem tini ganei manj lo agane wan ninen o, nai ilog igo yen a. Nai anñsam na nupalu gup murna Masedonia na nju a, agod fon Masedonia nibiseip anñsam na nupalu da wa. Ago dop man manj an da saen uraru tumado wan ninen ilom uyan dop nai adinag pe Judea na nju a. ¹⁷ Dugo, saen nai ilog ago yen dan lo, nai baleg uraru i? Tia, ibol tan en san tamolpein ilo sou digane dan ago, inj awok dubol gup fon tia dubol dan ago ilo girek njigane di? Tia geig a. ¹⁸ Anj Anut inñsinanen ru iganuri dak ago alon tap, an ru e murupaian den ru rumok an dam alon a. Manj “awok” inj “tia” da sisem ta mabol na wa. Manj tamol naok ago yak tia ya. ¹⁹ Nai Sailas da, agod

Timoti dam, maŋ aŋ naom na Anut Nanun Jesus Kristus niŋen o mabol ilasa ya. Ak dugo, Jesus Kristus inŋsen nek ibol tan en san tamolpein igo woŋ balen uraru lo ru ibol i? Inŋ tamol balen uraru san tia ya, tia, inŋ saen fidian mel uyan ak niŋen o mi awok ibol da. ²⁰ Man dugo, Anut san awak aban a ipanad an fidian Jesus Kristus lo nuŋon dufug fidian idaisuda ya. An fidian niŋedi wo Jesus “Awo” ibol da. Fun amaiak niŋen o saen id Anut tugudani dop Jesus yaŋan lo “Rumok” tabol da. Agod kagin an lo id Anut yaŋan tabisa da. ²¹ Gug Anut inŋsen mi Kristus lo aŋ maŋ da sisem itumanad go ilo rumok lo kisaek tilasa ya. Agod inŋ id ipilianad a. ²² Inŋsan Ur id ilod lo igane ya. Kulob naok en lo id inŋsan mok ago kob ipanad a. Fun an niŋen o saen inŋsan Ur id lo yen dan taloŋ uyan dop man, id taloŋ ak id inŋsan mok a.

²³ Aria, ŋai Anut ŋuwagiŋ dop ŋaisag ru en ilon pe isatuanag a. ŋai Korint na ta ŋupalu na yan san fun igo. ŋai aŋsam naok naok aenta ŋile yak ta itaot na ya, an niŋen saen ante ŋupalup aŋ muruan ŋupanaŋ man ŋamoi a. ²⁴ Maŋ gurman igo milasap aŋsam ilo rumok mititiani wo man mamoi a. Tia, maŋ aŋ da sisem urat tigane dop an lo aŋsam yousai ilom lo awan isa wa. Aŋ Jesus ilom lo rumok an lo atur sakar o iloma ago ibol da.

2

¹ Ak man ŋai ilo sou igo ŋigane ya, ŋai fon aŋsam na ŋupalup an lo madai ŋupanaŋ o man ŋamoi a. ² ŋai ilo uyan lo mi aŋsam na ŋupalu wo ilog ibol da. Ak ŋai ilo saiak ŋupanaŋ tap, ante talpein ta ŋai ilo uyan ipanag san tia ya. ³ ŋaisag girek imug mi ŋigire yan lo, aŋ aŋanem madok akubune wo ago ŋigire ya. Fun man saen ŋai aŋsam na ŋupalu wan lo, tamolpein a ŋai ilo uyan dupanag o ilog ibol dan inŋ ŋai ilo muruan an fon ta dupanag na wa. An niŋen o ŋai ilo sou igo ŋigane ya. Aŋ aŋanem madok akubunep itaot dop man, aŋ ŋai da sisem ilo uyan lo mi tumado wa. Agod ŋai ŋaloŋ ak aŋ ŋaisag ilo sou aganuri wa. ⁴ ŋai aŋ niŋemi wo ilog muruan ak, ilog saian go malag turon idu dugo girek imug an ŋigire ya. An san fun man ŋaisag girek an lo aŋ

muruan ŋupanaŋ o ta ŋigire na ya. Tia, ŋaisag ilo muŋanek aŋ lo yen dan aloŋ uyan o ago ŋigane ya.

Pol midaeŋ aupasek adi ilod dupidinai o ibola

⁵ Dugo, ta aŋ luluŋam lo imug mi muruan ŋai ipanag ak i? Rumok a, ago gug ŋai o mi tia ya, tia, o kabel, ŋai ago ŋurupaianŋ da, inŋ midaeŋ fidian o ilo muruan ipanaŋ a. ⁶ Aŋ talpein an muruan apani yau o ta agane na wa, man dugo, midaeŋ inŋ muruan dupani la yan idaisuda ya. ⁷ An niŋen o inŋsan aupasek aŋ apare idu dop lo ilon pasa ibol a. Kabelan ilo muruan tubun kasik lo ilon idu yaup malan isue saian geig banau. ⁸ An niŋen aŋ igo agane wo ŋurupaianŋ da, aŋ fon ilom apani mok a. ⁹ Man dugo, ŋai aŋ ŋukubianaŋ go ŋilianŋ a, aŋ mel fidian lo ŋai awag aganuri boi, tia boi, ago ŋaloŋ a. ŋai girek a imug mi ŋigire yan san fun ago ya. ¹⁰ Talpein a inŋsan aupasek apare idu yan, ŋai dam inŋsan muruan ŋupare idu wa. Agod muruan ta ŋupare idu na yak tap man, an Kristus naon na aŋ ŋibinawaŋ san o ago ŋigane ya. ¹¹ Ago dop lo ŋai Satan naon dal ŋufou wa, kabelan inŋ dal ta kuai ipanip lo id irawad dop talpein an tipitiŋini banau. Man dugo, id inŋsan ilo sou saiak mianuk an taloŋ fufe i a.

Kontrak foun ak san urat tamol adi

¹² Saen ŋai Troas na Kristus san bilaluŋ ŋufulale wo ŋupalu yan, atna Tubun ak inŋsan bilaluŋ ifurak pe yau san niŋen dalawan ipasi panag dugo ŋile ya. ¹³ Ak man ŋai ilo maror amag tia ya. Man dugo, ŋai id teid Taitus niŋen o abanaŋ ŋabi ak man atna ta ŋile na ya. An niŋen o ŋai Troas tamolpein an ŋubisawaig Masedonia tan lo ŋau a.

¹⁴ Maŋ Anut yaŋan mabisa wa. Man dugo, pempem mi inŋ Kristus lo imug yau da, agod maŋsama ager fidian ibiai dudu yan niŋen o maŋ yousai lo muri mupani da. Anut tamolpein maŋ lo ipiteŋanai dan lo, inŋsad maŋau Kristus niŋen o amaiak ibol mumalun siŋaokan ta bulbal ak igo woŋ igane ifurak pe gidigheid yau da. ¹⁵ Man dugo, gidad maŋ tamolpein a Anut patud ipasi dan luluŋad lo matur boi, tia, ensauta a daon lo diau dan luluŋad lo matur boi, Anut maŋ mumaluma iwen ilonŋ a, man

dugo, maŋsama mumaluma man nek ibol Kristus mumalun igo woŋ a. ¹⁶ Tamolpein a daoŋ lo diau dan maŋ mumaluma man ibol tamol imat la yak mumalun igo woŋ ago dubol da. Warou an mateŋ lo dudu diau a. Gug ensauta a patu pasek diŋane dan maŋ mumaluma nek ibol mel kumaen mok ak san mumalun igo woŋ ago dubol da. Warou an kumaen yen yau san an diŋane wa. Enti inŋ urat naok ago yak igane san idaisuda i? ¹⁷ Maŋ man tamol aenta Anut san ru dufulale dop lo moni diŋane wo digane dan ago tia ya. Ilo sou mianuk ago yak maŋ lo tia ya. Tia, maŋ tamol nuŋon igo woŋ, Anut malan lo inŋsan ru mabol ilasa da. Urat an Kristus lo migane wo Anut ipilianama ya.

3

Aposel adi man kontrak foun ak san urat tamol

¹ Dugo, afon maŋ fun miganeŋ sema yaŋama mabisa wo migane di? Dugo, maŋ ta idaisuda na yak i? Ago yak niŋen o aŋ girek ta maŋ Anut san urat tamol mok ago ibol dan apanama wo iloma ibol di? Tia, dag talpein sen ak girek naok ago yak ta dupanaŋ o iloma ibol di? ² Tia, aŋsem mi man, maŋanema girek ta kuai tem ibol da, an lo tamolpein aŋ diliaŋ dop duloŋ ak maŋ Anut san urat tamol mok a. Man dugu, girek an aŋ bubem ilon lo Kristus igire idu la ya, an lo tamolpein fidian dusuti dop aŋanem nao lalek dile duloŋ a. ³ Aria, aŋanem kagin naok naok an tamolpein ikubiai dile ya, aŋ Kristus san girek igane ipalu yak igo ya. An gau nam igire yak igo tia ya, tia, an Anut a kumaen imado dan san Awan Urgun nam igire ya. Pat fo na ta igire na ya, tia, an aŋ ilom lo igire idu ya.

⁴ Maŋ Kristus tinin log Anut tinima mu-pani da, an lo kagin an aŋ lo ago ilasa wa. Aŋ ago amado san iloma dabai a. ⁵ Maŋsema man ta idaisuda na ya, agod mel ta maŋ tamol sama dabai lo migane ilasa yak ago ta mabol na da. Tia, Anut sen dabai ipanama yan lo ago ka migane wa. Fun amaiak niŋen o mi maŋ idaisuda ya. ⁶ Inŋsen maŋ ipilianama go inŋsan urat tamol igo milasag, kontrak foun amaiak

san urat migane da. Kontrak wagam an pepa roun fo digire ya. Ak gug kontrak foun an pepa roun fo ta digire idu na ya. Tia, an man Urgun san urat a. Kubiaen a digire yan man inŋ tamolpein ifu dumat da. Gug Urgun man inŋ tamolpein kumaen ipidinai da.

⁷ Saen Anut kubiaen Moses ipani man pat fo igire gug ipani a. Kulob an girager tubun ak da ipalu yan lo, girager an san lilaman, rurek san, an Moses naon fo na yen a. Lilaman an niŋen o, gidad an kute ibol dak ago bo man, Isrel adi Moses naon dile san dumoi. Aria, kubiaen man girager da ipalu bo man, kubiaen an tamolpein ifu dumat na ya. Kubiaen san saen inŋ man tamolpein dumat ak san saen mi a. ⁸ Gug Awan Urgun ipalu la ya, amaiak niŋen o gamu en man Urgun san saen a, an lo kontrak foun ak san girager an lak na geig yau a. An niŋen o aŋ dugu ilom isou di? Dugo, kontrak wagam ak a tamolpein ifu dumat ak inŋsan girager an kontrak foun ak san girager iriŋani i? Man tia geig a. ⁹ Man dugu, kontrak wagam an tamolpein idiraig dideg diau a. Ago bo man inŋsan saen lo girager tubun yen na ya. Amaiak niŋen o kagin itaot ak san saen e gamu yen den lo, nal en san girager amaiak nal imug ak san girager iriŋani a, agod lak na geig yau a. ¹⁰ An niŋen o id tile yak, kontrak wagam ak girager aman da ya, ago gug gamu inŋsan girager an yau itout manonŋ a. Man ata wo? Kontrak foun ak san girager tubun geig an lo kontrak wagam an imiani da. ¹¹ Man dugu, mel a kute ibol go itout yau amaiak girager da ipalu ya. An rumok tap, mel a pempem mi yen yau an, inŋsan girager man tubun kasik a.

¹² Amaiak niŋen o kontrak foun ak san girager pempem san niŋen o mala nouk tumado da, an niŋen o maŋ tamolpein malad lo matur dop ru mufulale wo ta marer na da. ¹³ Maŋ Moses igo tia ya. Tia, inŋ yamel naon ibuluwig an lo dop Isrel tamolpein inŋ naon fo girager a kute ibol dan ta duloŋ na wa. ¹⁴ Yamel an man Isrel tamolpein sad mitilaen igo ya. Gubak mi man Isrel ilod pat igo ya, an niŋen o Anut san ru diŋane wo dumoi a. Agod inŋ gubak mi igom gamu

dam naod kisaek mi a. Saen in kontrak wagam an san ru dusuti tap, yamel naon kisaek an nam duloj san kankan ibalfutani da. In gamugo yamel an dupasi a. Man dugo, saen in Kristus dijane dop yamel an Kristus ipasi yau a. ¹⁵ Awo, wagam mi agog ipalug gamu en, saen in Moses san kubiaen dusuti dop man yamel ta tarej igo wonj insad ulon an ibalfutani da, an lo ata mel rumok an duloj san tia ya. ¹⁶ Ak man saen talpein ibileksap Tubun en san na yau dop man, Tubun en yamel an ipasi yaup lo talpein an abanj ile wo uyanan a. ¹⁷ Aria, Tubun en in Ur, agod aben a Tubun en san Ur yen dan te man insan tamolpein bigabeg urat tia kawan dumado da. ¹⁸ Agod id ensauta a yamel malad ta ibalfutani na dan, id tig igo wonj Tubun en san girager id naod kapen fo yan isapudade dugo imul yau da. Ago dop girager ta san na tupalu dop girager subunan taidam san na tau da, nek ago Tubun en idirad pe tibileksa yau onj da, an lo insen igo mi ago tilasa wa. Man dugo, kulob en man Tubun ak enti a Ur an, insan nag ipalu ya.

4

Melmel sinjaokan geig ak bod saiak lo dien da

¹ Amaiak ninen o manj urat e Anut san ilo mujanek lo mabi den ninen o, iloma ta idu na da. ² Manj kagin naok naok miai san an fidian gigin na midiri a. Manj raek kagin lo ta mator na da. Anut san ru dam mukubuli wo mamoi da. Tia, manj Anut malan lo tamolpein naod na ru rumok ak mi mabol ilasa da. Ago dop lo tamolpein fidian in manj tamol naok dugo yak ninema wo ilo sou digane dop an lo dilep Kristus san urat an itaot mi migane da. ³ Gug manjsama bilalun imianuk tap, an tamolpein a dideg diau dan insad ilo sou lo mi imianuk a. ⁴ Tamolpein an tan en san tubud Satan, insad ilo sou yabi idu yan lo, tamol malad itau igo wonj dilasa ya. An ninen o lilaman insad na ipalu dan dile san tia ya. Lilaman an man Kristus san girager, an bilalun uyanan ak ilon lo yen da. Agod Kristus man naon Anut naon igo ya, ago gug an dile san tia ya. ⁵ Manjsama ninema wo

ru ta mabol na da, tia, manj Jesus Kristus ninen o mi mabol ilasa da. Agod bilalun e mifulale den man, Jesus Kristus insen mi idsad Tubun a. Agod Jesus ninen o manj man anjanem urat tamol adi, nek an mi a. ⁶ Wagam Anut igo ibol, "Tidom tubun ilon lo lilaman ta ided a." Anut nek amaiak mi manj bubema ilon lo lilaman iganeg ided da. Lilaman an man, manj Anut san girager ninen manjau am da ya. Agod girager an san lilaman Kristus sen naon fo na ided dugo mile ya.

⁷ Rumok, filian sinjaokan amaiak manj mabi da, ak man in bod saiak ilon lo yen da. An Anut san ilo girek, an lo dop in manj ikubiai panamap, dabai a tubun kasik an insan mi, manjsama tia wa. ⁸ Muruan naok sensen dupanama da, gug ta duparfufarama na da. Mel saian wei mi marer san mile da, gug iloma ta idu na da. ⁹ Manjsama ager dukudama da, gug Tubun en ta ibisawama na da. Manj dufunama dibilama madu da, gug ta dipitinama na da. ¹⁰ Manj saen fidian Jesus san matej an tinima lo misini mator da, ago dop man insan kumaen an manj tinima lo tamolpein kuai tem dile wa. ¹¹ Man dugo, saen fidian manjsama turej lo Jesus ninen o matej lo madu mau o dibilama se ya, an lo dop insan kumaen an manj tinima tan en san lo kuai isi wa. ¹² Amaiak ninen o, matej manj lo urat igane dak, gug kumaen man anj lo urat igane da.

¹³ Tamol ta Isrel sad bar lo igo ibol, "Nai ilog lo rumok a. Amaiak ninen o naj ru njabol ilasa ya." Tamol a njutun lo ilo rumok yen dan ago mi manj dam iloma lo rumok an lo ru mabol ilasa ya. ¹⁴ Manj malonj ak Anut a in Jesus Tubun en ifufuni yabisag kumaen ipani an, insen mi manj dam ibiamasap, Jesus da sisem injiliamap, an da sisem kumaen panu na tiladu dop, Anut naon na tatur a. ¹⁵ Amaiak ninen o muruan a fidian misini dan man anj ibinawanj o misini da. Agod saen Anut san ilo panek ifufurak yau dop tamolpein wei mi ilo panek an dijanep per dupani dop lo insan girager lak na geig isuda yau a.

Aposel sad tinid man dabai itout, gug tinid ilon lo dabai foun ak dijane ya

¹⁶ Fun an niñen mañ iloma ta idu na da. Gidad mañ tinima tan san en dabai itout ak, gug tinima ñutun san man nal kisaek kisaek atem dabai foun ak inane ipalu da. ¹⁷ Man dugo, muruan e saen katukan mi yen san ak misini den man, girager tubun kasik bageu san ikubune panama da. Girager an pempem mi yen a, agod inanen tubun an tou mupani san mañ ta idaisuda na wa. An niñen o muruan gamu misini den an mel kawan mok a. ¹⁸ Man ata wo? Mañ melmel a kuai isi la yak meil o malama ta yau na da. Tia, melmel a meil san tia yan amaiak niñedi wo mi iloma isou da. Man dugo, melmel e meil den man saen katukan mi dien a, ak gug melmel a meil san tia yan man pempem mi dien a.

5

Pol tinik foun ak san ru fañan an ipidinai a

¹ Mañ malon ak tan en san ab gamu lo mumado den saian tap, mañ ab sen ta Anut san na yak ka miñane wa. Ab an tamol banin nam ta igane na ya, tia, ab an Anut sen ikubune panama ya, agod kumaen panu lo pempem yen yau a. ² Tan na mañ tinañ lo mi mumado da, an niñen mañ tinima foun a kumaen panu lo yen dan miñane wo yaes isofutanama da. An lo nek ibol kulos foun ak ituanama san igo won, mañsama tinik foun an miñanep ilon lo mumado wo yaes ifunama da. ³ Ago dop saen mañ mamat dop mañ ur tinin tia yak igo won ta mator na wa. Tia, mañ tinik foun ak kumaen panu san an mitabug pe lo mumado wa. ⁴ Saen mañ tan en san tinik lo mi mumado dop man, mañ tinañ migane dop iloma isasau a. Ata wo mañ ago migane di? Dugo, mañ mamat pe ur tinin aman tia yak igo won milasa wo iloma ibol di? Tia. Mañ mañsama tinik foun ak mitabug o iloma ibol da. Ago dop tan san tinik e imat san en itout yau dop lo, tinik a kumaen pempem san an, tan san en, aben inane wa. ⁵ Mel e mañ miñane san man, Anut inñen mi kubunek lo idirama la ya. Agod inanen Ur an man, kumaen foun en san satuanek igo ya. Ur a ipanama yan lo mañ rumok malon ak mel en ilasa wa.

⁶ An niñen saen fidian mañ sema iloma musatumani da. Agod mañ malon ak saen mañ tinik en lo mumado den mañ Tubun en san na asau mi mumado da. ⁷ Man dugo, mañ ilo rumok lo mi mator da. Mañ mel mile malon ak lo ta mator na da. ⁸ Nai ñabol, mañ sema iloma musatumani da, ago gug mañsama gidad, tinima mibiseip Tubun en san panu na ida mumado tap man, an uyanan geig a. ⁹ Kulob naok e mañsama kob igo migane lo mau duman, mañ Tubun ak ilo uyan mupani wa. Gidad mañ tan en lo mumado boi, tia, kumaen panu lo mumado bo man, mañ in ilo uyan mupani wa. ¹⁰ Man dugo, id fidian mi Kristus naon na bitinaek lo tatur a, ago dop id anen anen atem tan na tumado dugo kagin uyan saian tigane na yan atem naon tinane wa.

Mañ Anut san nao ñanek tamolpein

¹¹ Amaiak niñen o mañ mañsama rurek Kristus lo malon uyanan an lo, tamolpein ilod miñane da. Anut mañ dugo yan ilon uyan a, agod ñai ilog ibol dak an dam bubem lo mañ dugo yan an alon uyan a. ¹² An naom na fon sema kuai te idirama milasa wo ago ta migane na da, tia, an mañsama yanama asini san fun alon o ru en mabol da. An lo man, an ka tamol a inñiganed yanad niñen o mi ilod isou dugo inñaned ilodi niñen o ilo sou ta digane na dan, ru naon uyan ak apidinai a. ¹³ Ak dugo, mañ niñen burau ak ta miñinñen tap, an Anut o ago migane ya. Gug niñen itaot ak miñinñen tap, an ibinawan san a. ¹⁴ Man dugo, Kristus san ilo panek amaiak mañ ititianama da. Mañsama ilo rumok man mel en rumok a, tamol kisaek mi tamolpein fidian sad abed inane wo imat a. Ago yan niñen o tamolpein fidian sad madok wagam an lo dumat a. ¹⁵ Ago dop tamolpein ensauta a kumaen dumado dan fon sed niñedi wo ta dutor na wa, tia, in Kristus a in waged lo imat go fon kumaen imasa amaiak o mi dutor a.

¹⁶ An niñen o gamu saen e yau den, mañ tamolpein tan en san ilo sou lo ago ta meil na da. Rumok, mañ imug mi Kristus tan en san tamol igo won mile ya, ak man gamu man fon ago ta migane na da. ¹⁷ Fun an niñen o talpein ta Kristus lo imado dak ago

tap, Anut in talpein an iganeg foun ilasa ya. Kagin a wagam inſan madok imug ak san an fidian ibisei a. Rumok nuſon, inſan kagin wagam ak ibisei yau itout go in foun ilasa ya. ¹⁸ Kulob an fidian sad fun man Anut mi a. Inſen mi Kristus lo inſan turan muroun idirad a. Agod Anut inſen maſ tamolpein maſal dop inanen turan muroun midirai san urat migane wan, maſ banima lo igane ya. ¹⁹ Nai igo nabol, Kristus lo Anut in tamolpein a tan titin fidian lo dumado dan, inſan turan muroun idirai san niſen o urat igane ya. Agod saen ago igane yan, inſad aupasek fidian gigin na idiri dugo an niſen ilon ta isou na ya. Agod in bilalun e id ka Anut turan muroun tilasa san en maſ ipanama ya, ago dop maſ awama lo an mabol ilasa wa. ²⁰ An niſen o maſ Kristus wagen lo inſan nao naneſ tamol igo woſ mumado da. Maſ awama lo Anut tamolpein ilod inane wo ru ibol da. Amaiak niſen o maſ Kristus wagen lo mududuwan dop, an Anut da nug turan mok alasa wa. ²¹ Kristus inſen aupasek ta igane na yak bo man, Anut id abed lo iganeg in aupasek tamol igo woſ ilasa ya. Ago dop id Kristus da tutumani an lo Anut san kagin itaot mok an id ntuſud lo ilasa wa.

6

¹ Amaiak niſen o, maſ Anut da sisem urat migane dan niſen o igo mududuwan da, an Anut san ilo panek an mel kawan igo woſ ta anane na wa. ² Man dugo, Anut igo ibol,

“Saen a uyanan an lo nai on awa nalon a, agod patu pasek san nal lo on nbinawo ya.”

Alon uyan, nal e gamu yen den man saen uyanan a, agod patu pasek san nal an man gamu en mi a.

Muruan funfun Pol isini se ya

³ Maſ talpein ta san dal mufou dop niſen isuep yau idu man mamoi a, an lo aenta maſsama urat ta dile saian na wa. ⁴ Tia, maſ Anut san urat tamol mok an mi dal funfun en igo mukubiaig dile ya. Muruan lo iloma ta isali na yan lo, madai lo, tinima san melmel niſen katuk ama yan lo, iloma irer dan lo, bu dupanama dan lo, ⁵ subaneſ

lo, aban daon digane san saen lo dufutana-mag dububunanama yan lo, urat wagai lo, tawan miganeſ mumado yan lo, anan o geg migane yan lo, ⁶ kagin ikokan lo, maſau lo, mos kagin lo, ilo muſaneſ lo, Awan Urgun lo, ilo panek mok ak lo, ⁷ ru rumok ak lo, Anut san dabai lo, kagin itaotan ibol wagai san mel banima won ak lo, nas ak lo dam, maſ Anut san urat tamol mok an kuai tem mukubiaig dile se ya. ⁸ Maſ dipitianama dak, dibiama madu da. Maſ yanama diabisa dak, maſ yanama dipitiſini da. Maſ sewak tamol ago dubol da, ago gug man maſ tamol nuſon mi a. ⁹ Maſ ta dulon na dak ago dubol da, ago gug maſ dulon uyanan da. Maſ mamat manon a, ago gug kumaen mumado yau on da. Maſ bu dupanama da, ago gug ta mamat na da. ¹⁰ Maſ iloma ipapao da, ago gug pempem yousai lo mi mumado da. Maſ filiana tia ya, ago gug man tamolpein wei mi midirai filian tamol dilasa da. Maſ mel amama tia ya, ago gug mel fidian maſsama mi a.

¹¹ O Korint tamolpein, maſ bubema awan mupasi panan go ru kuai tem murupaian da. ¹² Maſsama ilo panek an o yen dan ta mabituan na da. Tia, ansem mi anſam ilomi maſ niſem o an abituani da. ¹³ An niſen o nai nek ibol tamol ta gamu nanuk irupidai dak igo woſ igo nabol da, an bubem awan apasip maſ niſema wo dam amat a.

Anut san ubou ab

¹⁴ An tamolpein ilo rumok tia yan dida ta atumanip, urat agane na wa. En dugo, kagin uyan ak saian ak da sisem nug ka diganuri wak i? En dugo woſ pe tidom in adian da ka dutumanip nug turan igo woſ dutor ak i? ¹⁵ En dugo woſ pe Kristus in Satan da ka dutumani wak i? En dugo woſ pe tamol ilon lo rumok ak in tamol ilon lo ta rumok na yak da awad kisaek ak i? ¹⁶ En dugo woſ pe Anut san ubou ab in ai pat sad mitilaedi da sisem ka dutumani wak i? Man dugo, id man Anut a kumaen imado dan san ubou ab. Anut sen igo ibol,

“Nai in dadi mumado wak, in lulunad lo nator a.

Nai man inſad Anut, agod in man najsag tamolpein.”

17 “An ninjen o anj tamolpein ilod rumok tia yan abisawaip sen alasa dop asau mi amado wa. Tubun en ago ibol a. Mel nun anda yak ta abi na wa, ago dop lo naj nijnilian pe ilog njupanan a.
 18 Naj anjanem Tamam njumado dop anj njaineg nanug pein, nanug muroug amado wa. Tubun en inj Dabai Geig ak ago ibol a.”

7

1 O naj bubeg mok, id Anut san awak aban a tinjane la yan ninjen o, id tinid lo, njutud lo, mel a iganep nun tilasa dan tusuas yau a. Ago dop idsad rurek Anut lo yan idirad pe idsad kagin gun ak itaotan ilasa wa.

Korint tamolpein ilod ibileksa yan ninjen o Pol uyan isusa ya

2 Anj manj njinema wo bubem awan apasi wa. Manj talpein ta saian mupani man tia yak, manj talpein ta malan musue man tia yak, manj talpein ta mirawip injsan mel magam man dam tia ya. 3 Naj ru ago njabol an lo, anj ta saian njupanan na da. Tia, naj gubak mi anj man manjsama bubema buson ago njabol la ya. Gidad manj anj da sisem tamat boi, tia, anj da sisem kumaen tumado bo man, manj anj njinema wo tubun mi mamat yau onj da. 4 Naj anj njinema o ilog tubun mi rumok da, aenta naod na njupitianaan na ya, naj ilog anj njinema wo tubun mi ipasti da. Naj madai fidian lo anj njinema wo yousai ilog lo injanefute da.

5 Saen manj Masedonia na mupalu yan, manjsama tinima en yaes ta ibal na ya. Aben fidian lo muruan ilasa se ya, tinima patun fo yak wagai mile se yak, agod tinima ilon lo yak rurek tubun mi yen se ya. 6 Ak man Anut a tamolpein ilod idu yak dabai ipidinai dan, inj Taitus iganeg ipalu yan lo manj bubema dabai ipani a. 7 An man Taitus ipalu dak lo mi tia ya, tia, anj imug Taitus ilo maror apani an lo, inj anj njinema wo ilon ipasti a. Inj ibol ak anj naj aliag o ilom ibol da. Anjanem ilo tinan, anjanem ilo panek naj o dam ninjen ibol dugo njalon a. An ninjen o anjsam kagin an lo naj ilog tubun mok uyanan a.

8 Gidad njaisag girek njigire yan ilo muruan ipanan ak, gug naj an ninjen ilog ta saian na da. Rumok, naj imug ilog saian a, gug gamu man tia ya. Man ata wo? Naj kuai te njile yak njaisag girek an anj ilo papao ipanan a, gug man an saen katukan san mi a. 9 Ak man gamu naj ilog uyan da, naj anj ilo papao njupanan ak o ilog ta uyan na da, tia, an fun man anj ibinawan pe ilom abileksa wa. Anut sen ilo papao en anj lo ago igane ilasa ya, an lo manj anj mel ta lo mala suek mupanan man tia ya. 10 Man dugo, ilo papao a Anut talpein ta ilon lo igane ilasa dan lo talpein an iduduwwip ilon ibileksa wa. Agod an man ilo muruan tia ya. Ak gug ilo papao a tan en san an tamol ta ibinawi na da, tia, inj dal saiak lo itor yaup maten ile wa. 11 Man dugo, anj ale uyanan a, ilo papao e Anut anj lo igane ilasa yen man kagin naok dugo yak anjanem madok lo iganeg ilasa ya. Anj kagin uyanan lo atur ak, anj yanjami akubune wo ilom yen dan, ru dabai lo anj “ago tia yak” abol dan, ilo urer ipanan dan, manj o yaes isofutanan dan, kagin uyan ak dabai lo agane dan, anj ansem bu ipanan da. Anj dal fidian lo manj akubiai panama yan lo man, kagin naok naok a agane yan man uyanan mi a. 12 An ninjen o gidad naj girek a imug njigireg njigane ipalu yan man, talpein a saian igane yan ninjen o ta njigire na ya, tia, talpein ta a muruan ile yan ninjen o dam tia ya. Tia, girek njigire yan lo Anut malan lo anjanem kagin uyan ak manj njinema wo dabai lo agane dan kuai te ilasa dop ale wa. 13 Amaiak ninjen o anjsam kagin uyanan an lo manj ilo maror apanama ya.

Manj mi ilo maror lo ta mumado na ya, tia, saen Taitus san yousai mile yan manjsama yousai lak na mok yau a. Man dugo, anj injsan ilo muruan a imug yen an ninjen o aganeg ilon pasauman. 14 Man dugo, Taitus gamugo ilianj dugo naj inj naon na njupitianaan a, an lo anj anjanem kagin lo miai ta apanag na ya. Mel fidian a murupaian an man ru rumok a, nek ago mi manjsama se pitiano i ru anj njinema wo Taitus naon na mabol an dam rumok a. 15 Taida mi, saen inj anjanem awa bek kagin agod arut arer san kagin lo inj anjane yan ninjen ilon isou da, anj o tubun mi imat da. 16 Naj

yousai lo n̄umado da, man dugo, an̄ n̄ai awag ari ap̄ani an̄ n̄al̄on̄ fufei a.

8

Korint adi Kris Judea na yan moni lo dubunawai a

¹ Teig taog, mañ an̄ dal dugo lo Anut san ilo panek an̄ Masedonia midaen̄ luluñad lo kuai isi ak alon̄ o iloma ibol da. ² Man dugo, in̄ muruan tubun geig ak lo diladu yan man bubed ibitinae a. In̄ bo filiad tia ya, ago gug in̄sad yousai bubed lo yan tubun geig go in̄ tamolpein aenta dibinawai o ilod yen a. ³ N̄ai malag lo n̄ile yak nin̄en n̄urupaian̄ da, in̄ in̄sed ilod nam moni sapta a urat aman tia yan dupani wo dutumani a. Agod moni nen isuk isuda geig dutumani a. Kulob an̄ in̄sinad ilod ibol ak fo mi digane ya. ⁴ Saen wei mi mañ dalawan mupasi pidinai dop lo, in̄ Jerusalem san Kris tamolpein dibinawai san urat awan ka digane wo, ilo panek lo mañ sumiaek dupanama ya. ⁵ Mañ in̄ nin̄edi wo marut a, man dugo, in̄sinad ilo sou uyanan ak mañsama irin̄ani a. An lo malan malan in̄sed tinidi Tubun en dupani a, ago gug murna Anut ilon yen dan ate iri panim mañ banima lo dupalu ya. ⁶ An nin̄en o mañ Taitus ru kagin igo murupeia. Wagam in̄ ilo panek urat an̄ an̄ luluñam lo fun igane la yan nin̄en o, gamu in̄ dam an̄ luluñam lo ipalup urat awan an̄ igane itout a. ⁷ Aria, an̄ mel fidian lo aenta arin̄anai da, ilo rumok lo, nin̄en̄ lo, mañau lo, kagin nuñon ak lo, agod mañ o amat dan lo dam mi a. Fun an̄ nin̄en o kagin aganep ilo panek urat en lo dam an̄ aenta arin̄anai a.

⁸ N̄ai an̄ ago agane wo ru kagin ta n̄upanañ na da, tia, tamolpein aenta in̄ binawek naon kisaek dupani wo ilod yen da, an nin̄en o n̄ai an̄anem ilo panek kagin an̄ mel mok boi, tia yak boi, ago n̄ibitinae n̄ile da. ⁹ Man dugo, an̄ Jesus Kristus idsad Tubun en san ilo panek kagin ale alon̄ la ya. In̄ bo filian tamol a, ago gug man in̄ an̄ nin̄em o filian tia yak ago ilasa ya. Ago dop in̄ filian tia yak nin̄en o man an̄ filian tamolpein alasa wa.

¹⁰ Anan̄ar imug ante an̄ imug fun aganeg moni atumani a. An mi tia ya, tia, saen an̄ lo dam kulob an̄ agane wo an̄ ilom bubem

fidian imasa ya. Aria, n̄aisag ru kagin nek igo ya, gamu en urat an̄ agane itout a. An̄ ago agane tap, an̄ an̄ o nek uyanan a. ¹¹ An̄ imug mi urat en fun agane san nin̄en ilom tubun mi imasa ya. Amaiak nin̄en o an̄anem ilo masak imug ak iri panim, gamu nek ago mi maeg agane dop urat an̄ agane itout a. Gidad an̄ filian tubun ak amam tia bo man, an̄sam filian a yen dan kabelan mi lo ka abinawai a. ¹² Man dugo, an̄ abinawai o tawan̄ agane tap, Anut malan lo uyanan a. Ak dugo, tamol ta in̄ ka filian a ta yabi na dan ate mel ta in̄anep ipidinai ak i? Man tia ya. Filian nek a yabi dan lo mi ibinawai o Anut uyan ipani wa. ¹³ An̄ muruan tubun mi asini dop an lo tamolpein aenta an̄sam filian lo dumado uyan o n̄ai ago ta n̄abol na da. ¹⁴ Tia, igo n̄abol da. Gamu saen en lo an̄ mel amam da ya, an nin̄en o an̄ teim taom katuk amadi an̄ abinawai a. Ago dop man saen an̄ katuk amami dop in̄ naon dibinawan̄ a. An lo man dal naon kisaek mi id fidian o ka yen da. ¹⁵ Ru e girek lo yen den igo ibol, “Talpein a anan̄ tubun mi itumani an̄ anan̄ wadan ta yen man tia ya, ago dugo talpein a anan̄ kabelan itumani an̄ in̄ anan̄ lo ta katukan na ya.”

Pol tamol idinaig Korint na diau a

¹⁶ N̄ai Anut ilo uyan n̄upani da, man dugo, in̄sen Taitus ilon yabisa ya. Ago tag, nek ibol n̄ai an̄ nin̄emi wo ilo sou n̄igane dak igo won̄, ago mi in̄ dam an̄ nin̄emi wo ilo sou igane da. ¹⁷ In̄ an̄sam na ipalu da wo musumianig an uyan ibol a. Ak man in̄sen dam urat en igane wo ilon tubun mi yen a, an nin̄en in̄sen ilon ibol ago mi ipalup ilian a. ¹⁸ Mañ id teid ta mipiliani ak in̄ da dupalu wa. In̄ man kamañ tamol, ubou ab fidian lo Anut san ru uyanan ifulale fufei da, an nin̄en o yan̄an diabisa da. ¹⁹ Agod an mi tia ya. Tia, in̄ midaen̄ fidian dipilianig mañ da moni a ilo panek lo dutumani dan miñane mitiliani da. Urat migane dan lo Tubun en yan̄an mabisa da, agod mañanema ilo muñanek kagin tamolpein malad lo kuai te migane ilasa da. ²⁰ Mañ tamolpein binawek tubun mi digane yak banima lo yen da. Moni an kagin mupani uyanan ak nin̄en o talpein ta patuma fo uf igane man mamoi a. Fun amaiak nin̄en o

manj teima en miganeḡ Taitus ida dupalu wa. ²¹ Manj Tubun en malan lo kagin uyan ak mi migane wa, agod Tubun en malan lo mi tia. Tia, tamolpein malad lo dam ago migane wa.

²² Agod manj teima taida midini ak inḡ dam dida dupalu da. Saen wei mi inḡ urat fidian lo mibitinaeg mile yak inḡ urat igane wo ilon tubun mi yen da. Inḡ binawek kagin e agane den ilonḡ uyanan a, agod inḡsan ilo rumok anḡ o man tubun geig a. An ninḡen o gamu urat en igane wo ilon tubun mi yen da. ²³ Anḡ Taitus alonḡ la ya, inḡ nḡai turag, inḡ nḡai da urat naon kisaek migane dan lo anḡ mubunawanḡ da. Manj teima uraru en man midaenḡ sad nao nḡilanjḡal tamol, inḡsad urat awan lo dam inḡ girager Kristus dupani da. ²⁴ Fun an ninḡen o midaenḡ fidian naod na anjanem ilo panek kagin an akubiaip dile wa. Taida mi, manj gubak mi tamol en naod na anḡ yanjam mabisa ya. Aria, manjsama ru anḡ ninḡemi wo nuḡon ilasa yan anḡ gamu akubiaip tamol uraru en dile wa.

9

Korint adi Anut san tamolpein ninḡedi wo binawek digane wa

¹ Nḡai binawek e Jerusalem tamolpein o atumani den ninḡen ru milaen mi ta nḡigire na wa. ² Man dugo, nḡai nḡalonḡ ak anḡ urat en agane wo tawanḡ amado da. An ninḡen o nḡai Masedonia tamolpein naod na anḡ yanjam nḡabisa da. Nḡai igo nḡurupidai, “Ananjar inug ante Akaia tamolpein binawek an digane wo tawanḡ diganeḡ dumado na ya.” An ninḡen saen anḡ dam binawek an agane wak ago dulonḡ an, Masedonia wei mi ilod yabisag inḡ dam binawek an digane wo tawanḡ dumado ya. ³ Ak man nḡai teig taog nḡidinaig dupalu dan inḡ abanḡ dukubiani dile dop, an lo manḡ awama lo yanjam mabisa dan ru kawan igo ta dile na wa. Nḡai tamol amaiak anḡ urat en agane wo tawanḡ aganeḡ amado dan ago nḡurupidai a. Aria, nek ibol nḡai nḡabol ago mi anḡ agane wa. ⁴ Kabelan Masedonia aenta nḡai dadi mupalup anḡ mala nouk ta agane na yak ago dilianḡ dop, an lo manḡ miai ifunama banau. Miai tubun mi anḡ sem ipananḡ an ninḡen o, ru ta nḡabol san tia ya. ⁵ An ninḡen o nḡai

teig muroug en nḡidinaip dunug anḡsam na dupalu wo ago ilo sou nḡigane ya. Inḡ anḡ dibinawanḡ pe binawek agane wo abol la yan, san melmel sisem atumani wa. An lo saen nḡai nḡupalu dop man tamolpein malad ipalup anḡ ilo uyan lom binawek agane yan dile wa. Kabelan tamolpein an manḡ anḡsam filiam atumani wo mududuwanḡ dak ago dubol banau.

⁶ An ninḡen anḡ ilo isou agane uyan. Talpein ananḡ kabelan ipae an nuḡon kabelan inḡane wa, agod talpein ananḡ tubun mi ipae an nuḡon tubun mi inḡane wa. ⁷ An ninḡen o anḡ fidian ilo sou agane wo uyan gup, mel dugon binawek agane man ago agane wa. Kabelan talpein ta ilon muruan anda mel igane banau. Tia, kabelan inḡ mel igane wo disisiḡanid ibol banau. Man ata wo? Anut inḡ talpein a buben nḡutun fidian lo mel ipani wo ilon yen dan ninḡen o imat da.

⁸ Anut inḡ anḡ mel naon dugon ninḡen amat dan fidian ka ipananḡ san idaisuda ya, an lo anḡ mel fidian idaisuda wa. An ninḡen o saen fidian anḡ mel amam da amado wa, an lo urat uyan ak fidian lo binawek tubun mi anḡ ka agane wa. ⁹ Anut san ru girek lo ago ibol,

“Anut san talpein binawek wei mi iwae da, inḡsan binawek dufurak go tamolpein filiad tia yan diḡane ya; inḡsan kagin itaotan ak pempem mi kuai tem yen yau a.”

¹⁰ Anut inḡ tamol ananḡ ipae dan ananḡ kubulan ipae wo ipani da, agod inḡ dam ananḡ taidam tamolpein diani wo ipidinai da. Inḡ iganep anjanem kubulam wei mi igile wa. Ago dop lo anjanem kagin itaotan an tubun geig a, nek ibol tamol ananḡ ipaeg nuḡon pempem ifu dak ago mi wa. ¹¹ Anut dal fidian lo filian tubun mi ipananḡ a, ago dop man melmel fidian lo nek ibol Anut banin ibiseid ago mi anḡ dam banim abisei wa. Ago dop tamolpein wei mi anḡsam binawek manḡ banima lo diḡane dan lo Anut ilo uyan tubun mi dupani wa.

¹² Man dugo, anḡsam binawek urat agane dan lo Anut anen tamolpein abinawai uyanan a. An mi tia ya, tia, anjanem ilo muḡanek kagin dile dan lo ilod yabisap Anut ilo uyan tubun mi dupani wa. ¹³ Anḡsam binawek urat Kris adi Jerusalem

na dumado dan niñedi wo agane dan lo, tamolpein an dukubianan dilian a, agop in malad ipalup an sam kagin itaot an kuai te ilasa dop dile wa. An lo in dulon ak an bilalun a Kristus ninen ibol dan anane mok a, an lo in san ru an aganuri da. An sam binawek tubun mi in lo agod tamolpein sen ak lo agane yau dan lo in Anut yan an diabisa wa. ¹⁴ An ninen in ilod bubed fidian an dupanan dop an ninemi wo Anut dugudani wa. Man dugo, in dulon ak Anut san ilo panek senamo geig ak an ilom lo awan isa ya.

¹⁵ Id bubed nutud lo Anut ilo uyan tupani wa, man dugo, in san lou a kawan ipanad an tubun geig a, an ninen o id tininen san tia ya.

10

Pol in san aposel urat ninen o targiranek ru ibol a

¹ Tamol aenta nai ai dupanag go ago dubol, “Saen Pol id da tumado yan in sen yabi idu ya, gug saen id ibisawad go asau mi imado yan in ru dabai nam irupaiad da.” Ak gug nai Pol, nai nek ibol Kristus in sen yabi idug mos nam kulob igane ago won, nai an ru e mos nam nurupaian den alon uyan o nsumianan da. ² Saen nai an sam na nupalu dop, aenta an lulunam lo dumado dan ru dabai nam nupidai o ago nai ilog ta yen na da. Amaiak ninen o an kagin agane wa, man dugo, nai tamol a in nai tan en san tamol sad ilo sou lo urat niganed dubol dan ru dabai nam nurupidai dop dudu diau a. An ninen o nai igo nurupaian da, an ru naok ago nupanan o nai ta asodudunag na wa. ³ Man dugo, man bo tan en lo mumado mator da, ago gug man man tinima tan en san bunun lo ago wagai ta migane na da. ⁴ Man ata wo? Man yu dumui nam wagai migane dan tan en san tia ya. Tia, man sama yu san biou man Anut lo mi dabai geig a, ago dop lo man ka ager sad abed dabai dabai ak murube wa. ⁵ Man tamolpein sad ilo sou mibilai dudu da. Ilo sou a sed ibiaisa dop lak na isuda yau dan lo tamolpein Anut dulon san dal dufou dan fidian murube da. Agod man tamolpein sad ilo sou fidian mufutanig

Kristus mi awan paen na midirai diau a. ⁶ Man an malam migane da. Malan malan an Kristus awan paen na amado mok tap, an sam awa yabek kagin an an idaisuda wa. Saen ante mi gup man tamolpein awa parsisalek digane dan muruan mipidinai o tawan migane mumado wa.

⁷ An mel nek a kuai te yan mi ale da. Tamol ta an lulunam lo in Kristus san tamol mok ibol tap, mel en ninen fon ilon isou uyan a. In Kristus san ibol tap man, man dam nek in ibol ago mi a. ⁸ Tubun en sen man an mupitinan o yanak ta ipanama na ya, tia, man an dabai mupanan o ago igane ya. Ago dop nai se pitiano ru an kitek tubun mi ninen tap, ru an ninen o miai ta ifunag na wa. ⁹ Dugo, naisag girek e ngire den lo an rurek nupanan ak ago abol di? Tia mok a. Ilo sou ago agane dan nai namoi da. ¹⁰ Man dugo, tamolpein aenta igo dubol, “Pol san girek an ru dabai funfun lo igire ya, ago gug saen in sen ipalup id lulunad lo ru ifulale tap, in san ru an dabai aman tia ya, agod in san ninen man kawan a.” ¹¹ Talpein ru ago dubol dan in ilo sou ta digane uyan na da. Man dugo, saen man asau mi mumado dan, kagin naok a dugo migane san ninen man sama girek lo mabol dan, saen man an da tumado wan kagin naon kisaek an mi migane wa.

¹² Tamol a ananem leil lo yanad aman da yan niñedi wo, man man tamol naok ago yak tia ya. Kabelan man yanak ago yak minane banau o marer da. In dag tamol tutubu boi, man dugo, sed ipitianai dugo sed yanad diabisa da. Ak gug nek in sed yanad diabisa ago mi, man sema yanama mabisa san tia ya. Tamol naok ago yak dugo won sed ikubianai di? In in sedi lo nug dukubiani dile da, in in sedi lo dam sed tou amad diabi da. Talpein ago digane dan manau amad tia mok a. ¹³ Ak gug man tubun mi sema ipitianamap, lo tom a Anut man o igane yan ta mabi-rinani na wa. Tia, tom an ilon lo mi mumado yau a. Agod an sem tom a Anut igane panama yan patun fo ta amado na da, man dugo, Anut sen idiramag in san urat migane wo an sam na mupalu ya. ¹⁴ Anut urat awan ipanama yan an dam ituanan a, an ninen saen man

an lulunam lo ru mufulale yan tom a Anut ipanama yan ta mabi-riñani na ya. Tia, man mi malan mamug go bilalun uyanan a Kristus ninen ibol dan mufulale wo an sam na mupalu ya. ¹⁵ Man tamol aenta sad urat awan ninen o sema ta ipitianama na da. Man ata wo? Man man sigama ar ilon lo mi mumado dugo mator se ya. Ago gug man iloma igo yen da, saen an sam ilo rumok ital-busi dan man sama urat awan a an lulunam lo yen dan dam itufalak pe yau a. ¹⁶ Man tan titin aenta an patum fo dien dan, ante dam bilalun uyanan Kristus lo yan ninen ka mabol ilasa wa. Man tamol sen ak san silali naon ninen o sema ta ipitianama na wa. Tia geig a. ¹⁷ “On talpein ta yan an wabisa wo ilo yen tap, Tubun ak mi yan an wabisa wa.” ¹⁸ Man dugo, talpein a sen ipitianip sen yan an mi yabisa dan, in Anut malan lo man yan an tia ya. Ak gug Anut talpein ta ipitiani wo tap, aria, talpein nek an mi yan an aman da ya.

11

Pol in aposel sewak dida

¹ Ak dugo, nai gidad aliafunag dop ru burau ta kitek nabol ak i? (An nai aliafunag on dugo ago ngigane la ya, ago yak ninen o nek ago mi ngigane yau a.) ² Anut turak isusa dan lo man, nai an ninemi wo dam turak nususa da. Man dugo, nek ibol nai pein baras ta in san iwon nien nupani igo won, naiseg mi an Kristus san ak alasa wo npilianan a. ³ Nai ilog irer da, kabelan supalek ru lo wagam mi geig mot Ewe irawi igo won, ru sewak ta an ilo burau ipanan banau. Man dugo, kabelan tamol tata an ilom diñane dop lo an ikok kagin agod rumok kagin dam a Kristus lo yen dan abiseip, ilo sou kawan ak ari apani wo man nai namoi geig da. ⁴ Man dugo, tamol ta an sam na dupalug Jesus sen ak ta san ru dufulale ya, ak gug Jesus an man Jesus e in san ru man mufulale den ago tia ya. Agod in sad ru lo an ur naon senamo ak anane ya, gug ur an in Urgun a imug mi anane yan da kisaek mi tia ya. Taida mi, bilalun naon senamo ak dupanan go anane ya, gug bilalun wagam a anane yan ago tia ya. Ak dugo, saen in kagin ago digane yan, an patum apidinai ak i? Man tia ya, an

kududom agureg dagom lo in awad paen na sem idiran go amado ya. ⁵ Aposel adi nek a “aposel malan te yak” ago abol dan, naisag leil lo man in nai ta dirinanag na da. ⁶ Gidad, nai ninen lo ta uyan na ya, ago bo man, naisag manau Kristus lo man ta katukan na ya. Saen fidian man sama kagin naok naok dugo migane dan lo man sama manau an mukubiaig ale se ya.

⁷ An alon ak, saen nai Anut san bilalun uyan ak an lulunam lo mufulale se yan lo, nai urat naon ta ninane na ya. Kagin an lo seg ibiag nado dugo an nbian sa ya. Ak dugo, kagin ago ngigane yan lo aupasek ngigane yak i? ⁸ Nai dam midan aenta sad moni ngam a. Dal dugo ngam ak i? Saen nai an lulunam lo numado man, midan aenta sad silali naon ninane se ya. Nai kagin an lo gumagam urat ngigane se ya. An igo ya, nai midan aenta in sad moni digane ipalug ninane yan lo nai an nbinawan a. ⁹ Saen nai melmel tiag an lulunam lo tumado yan, nai talpein ta an lulunam lo muruan ta nupani man tia ya. Man dugo, nai teig taog Masedonia dubuseig Korint na dupalu yan in nai mel dugon lo katuk amag an lo dibinawag uyan a. Ata wo? Nai muruan nupanan o ilog ta yen na ya. Gamu naisag ilo sou an naon kisaek en mi, murnap dam nek ago mi wa. ¹⁰ Nai igo nabol, tan Akaia san titin fidian lo man, talpein ta nai urat naon ta ninane na dop lo, seg yan an ngabisa dan ninen naisag dal ifutani san tia ya. Rumok nunon, talpein ta naisag se pitiano ru e nabol den ninen o nai awag igane itau tap man, Kristus san ru rumok an nai lo ta yen na da! ¹¹ Fun ata wo nai urat naon ta ninane man tia yak i? Ata wo, an ninem o ta namat na di? Tia geig. Anut in sen ilon uyan ak, nai an ninemi wo tubun mi namat da.

¹² Tamol a sed yan ad diabisa dan, in sad urat an nek ibol man sama ago dubol da. Mel an ilasa san ninen o dal aban dile da. Ak gug nai urat naon tia yak lo ago nbinawan dan, dal an lo in naod nufutani da. Agod nai nek ago mi ngigane dop numado wa. ¹³ Tamol naok an man in aposel sewak adi, raek tinadi, agod urat tamol sewak a. In sad naod tinid dibileksa dibilekla dan lo tamolpein dirawai dop in Kristus san

apotel mok dubol da. ¹⁴ Gug an inſad kagin an niſen ta arut na wa. Man dugo, Satan sen dam ago naon tinin ibileksa ibileklap in eſel ſiſaokan ak lilaman lo ided dak igo won kuai isi da. ¹⁵ An niſen Satan san urat tamol inſad naod tinid dibileksa dibilekla dop in kagin itaot ak san urat tamol ago dubol tap, an niſen id ta tumasa ſaian na wa. Murna dop inaned pani naon urat dugo digane yan atem itaot diſane wa.

Pol madai isini ak niſen o se pitianoſi ru ibola

¹⁶ Nai fon nabol dak, an nai tamol burau ta abol na wa. Gug an nai burau tamol abol tap, gidad aliafunag dop ru burau nabol yau a, ago dop seg yanag kitek ka nabisa wa. ¹⁷ Nai Tubun en san ilo sou lo niſen ta niſane na da. Tia, nai tamol burau ak niſin niſen on go se pitianoſi ru nabol da. O kabel, nai nalon ak seg yanag nabisa dan man ru niſeo mi a. ¹⁸ Ago gug tamolpein wei mi in tan san kagin mi diganurig niſen o sed yanad diabisa da, amaiak niſen o nai dam ago niſanep se pitianoſi ru niſurupaian alon a. ¹⁹ Man dugo, an ilo uyan lo eilafu dugo burau tamol sad ru niſeo dubol da. Man ata wo? Manau man an Korint midan tinim lo yen da! ²⁰ Ak dugo, talpein ta an iſubanan pe inſan urat agane boi, tia, ananem filiam igane itout boi, tia, an irawan ifunan boi, tia, inſen mi yan an anda yak ibol boi, tia, kudanam igufte boi, an ago igane tap, gidad alefunip awan abol dop amado wa. ²¹ O kabel miai ifunag da. Man dugo, kagin naok an migane san man dabai ama tia ya.

Ak man talpein ta sen ipitianip sen fun ifulale wo igane tap, nai dam se pitianoſi kagin lo seg fug ka niſfulale wa. Ak man gidad, nai nalon ak tamol burau igo won niſin niſen da. ²² Tamolpein an Hibru i? Aria, nai dam Hibru tamol. In Isrel i? Aria, nai dam Isrel san tamol. In Abraham san gugoi lo dupalu i? Aria, nai dam inſan gugoi lo niſpulu ya. ²³ In Kristus san urat tamol i? Aria, naiſag binawek urat inſad inſani a. (An lo, rumok, nai tamol burau on niſin niſen da.) Saen wei mi nai ſubane ab lo dibilag niſladug dufunag malag duſue se ya. Saen

wei kaſik dufunag se yan mater ſumeik niſpani se ya. Naiſag muruan a niſini se yan apotel ſewak adi sad muruan naon dugo yak fidian lo niſin niſani a. ²⁴ Juda adi ſaen 39 nai rasau* nam dufunag a, agod kagin naok an mi ſaen 5 nai tinig lo digane ya. ²⁵ Saen utol nai bu nam dufunag a. Nal kiſaek pat nam dubal funag o digane se ya. Nal utol wog lo nator an wog iſarir a, agog nal kiſaek tidom kiſaek nai beig aten fo nafot nator a. ²⁶ Saen wei mi nai panu aſau mi nau se ya, ago dop you lo niſarir o nator se ya. Saen aenta gumagam tamol adi banig na biou niſini wo digane se ya. Naiſinag turag muroug diginiag ſaian o digane se ya, gob adi dam diginiag ſaian o digane se ya. Panu tutubun ak lo niſumado dop muruan niſini se ya, fon tan kawan ak lo niſumado dop dam muruan ago mi niſini se ya. Beig lo nadeſ o ſumeik se ya. Teig muroug ſewak adi dam banid lo niſamat o ſumeik a. ²⁷ Nai urat naok funfun lo wagai mok niſane se ya. Nai ſaen wei mi tidom urat niſane se yan malag niſon tia ya. Nai tiniaeg anan tia you o niſamat dop anan ta niſane uyan se na ya. Nai dog madid ate niſadu dop yamel kulos ta lo tinig niſutuani san dam tia ya. ²⁸ Agod nai muruan taidam tinig lo igo dilasa ya. Nai ſaen wei mi midan dugo kagin niſpidinai uyan san ilo sou tubun mi niſane da, an lo dam muruan tubun mi ipanag on da. ²⁹ Saen Kris ta inſan dabai idu tap, nai dam naiſag dabai idu se ya. Talpein ta tinin lo Kris ta aupasek lo yau idu tap, talpein an niſen o nai ilog tubun mi wananan anda niſumado se ya.

³⁰ Aria, an nai aſodudunag pe se pitianoſi ru nabol tap, nai ru naok igo yak nabol a. Kagin naok naok nek a nai tamol dabai ag tia yak on kuai te igane ilasa dan mi, niſedi wo seg ipitianag a. ³¹ Anut in Jesus idſad Tubun en san Anut, agod inſan Taman, in yan an dam pempem per tupani wa. Anut en ilon ak nai ta niſiraek na da. ³² Damaskus na niſumado dugo Kin Aretas san kiap in aikatuk idinaig taun san dalawan ate idi-raig dutur se ya, an lo nai diſiliag pe duſub-anag o tawan digane ya. ³³ Gug ſaen an nai muroug adi udou lo ditiniag go, taun an

* 11:24: Lubum

san mutunuk ta lo duyuwag go ar patun fo njadug, kiap an san ager adi njirinanaig njasol go nau a.

12

Anut Pol dal ikubiai pani a

¹ O kabel, an nai asodudunag dugo se pitianoi kagin njigane yau da. Rumok, kagin naok en ibinawad san tia ya, ak gug gidad, naisag njonamin, agod ru mianuk Tubun en ikubiai njile yan njabol ilasa wa. ² Nai tamol ta Kristus lo imado dan njalon a. Tamol en anajar 14 yau la yan lo Anut inaneg, did aben a malmalan an ibiseig, tinin te yan ibiseig, aben a lak na geig ante yau a. Ak dugo, tinin aman da imado di? Tia, tinin ibisei i? An ta njalon na ya. Anut mi in ilon a. ³ Agod nai njalon ak Anut tamol en inaneg kumaen panu lo yau a. In tinin fidian mi yau boi, tia, njutun mi yau boi, an nai ta njalon na ya. Anut mi in ilon a. ⁴ Agod tamol an kumaen panu lo ru nek a in mi kududon ilon go in mi ilon lo yen san ilon a, ru an ibol san in ta ilon na ya. Agod melmel a ninjed ta ibol o Anut ibol an dam kududon ilon a. ⁵ Nai talpein en mi ninen o se pitianoi ru ka njabol ilasa wa, ak gug njaiseg ninjeg o seg ta ipitianag na wa. Tia, nai dabai amag tia yak ninen o mi seg yanag njabisa wa. ⁶ Nai se pitianoi ru njabol o ilog yen tap, nai burau tamol tia ya, man dugo, nai ru rumok ak mi njabol da. Ak man nai ago njigane wo man njamoi a. Man ata wo? Tamolpein in njaisag naok naok dile wak, njaisag ru njufulale dan dulon ak, ago dop an lo ilo sou itaot nai lo digane wa. Kabelan in nai tamol senamo geig ak ago dubol banau.

Mel ta si igo wonj Pol tinin isueg madai ipani na ya

⁷ Anut nai njonamin lo mel uyan uyan ak wei mi ikubiaig njile ya. Ago gug man nai mel en njile njalon an ninen seg ipitianag o man in imoi a. Amaiak ninen o in mel ta nek ibol si on iganeg ipalug nai tinig lo yen dugo madai ipanag da. Mel an man Satan san urat pinein, an lo nai muruan ipanag da. Mel an nai ibiag njadu dop seg yanag njabisa njamoi o igane da. ⁸ Saen utol Tubun en mel an ipasi yau wo njusumiani a. ⁹ Gug in nai igo irupaig, “Naisag ilo panek man

on o idaisuda ya. Man dugo, njaisag dabai en on dabai ama tia yak lo itaotan ilasa da.” Fun an ninen o nai ilog uyanan dak, nai tamol dabai amag tia yak igo njumado da. Ago dop lo Kristus san dabai an mi nai lo ka yen a. ¹⁰ Amaiak ninen o nai Kristus wagen lo man, gidad nai dabai amag tia yak, dububanag se yak, muruan dupanag ak, tinig dipitinini ak, saian funfun lo njisida yak ago tap, nai ilo uyan lo mi njumado wa. Man dugo, saen nai tinig dabai an tia dop, ante njaisag dabai tubun kasik ilasa da.

Pol in san ilo muruan Korint tamolpein ninjed wo ibol a

¹¹ Nai tamol burau njinjen on da, man dugo, ansem nai ago njinjen o agane da. Ansem mok njaisag naok naok uyan an abol ilasa wa, ago gug ago agane man amoi a. Fun an ninen nai seg fug njabol ilasa ya. Rumok, nai tamol kawan a, ago gug anjam “apotel malan te yan” ta in nai dirinanag man tia ya. ¹² Ata mel nai an lulunjam lo njumado dugo njigane na yan, in itaot nai apotel rumok an ikubiai ale ya. Nai muruan fidian lo njatur sakar dugo njaisag urat an lo kulob girager funfun, urat dabai dabai ak an lulunjam lo njigane ilasa na ya. An mi nai Anut san urat mok njigane dan ibol ilasa ya. ¹³ Kagin naok nek a an lulunjam lo njigane yan ago mi, midaen aenta lo dam njigane ya. Mel kisaek mi an lulunjam lo ta njigane na ya. Nai an anar ata mel taida lo binawek apanag o ta njududuwan na ya. Kagin an lo nai au njupas tap, gidad njaisag aupasek an ilom in on a!

¹⁴ Gamu en njaisag nal utol fon anjam na njupalu da wo aban njukubune da. An ninen saen en dam nai an muruan ta njupanan na wa, man dugo, nai anjam bioun njisini wo ilog ta yen na da. Tia, nai an mi njinjian a. An alon ak nanuk in anar o aban dilep tinad tamad ta dipidinai na da, tia, tinan taman mi in anar o aban dilep nanuk dipidinai da. ¹⁵ Nai ilo uyan lo mi njaisag mel fidian, njaiseg tinig dam, an njutum njibinawi wo njupanan a. En dugo, nai ilog bubeg fidian an njupanan tap, an ninen o an ilom bubem kitek ka nai apanag ak i? ¹⁶ Gug anjam tamolpein aenta nai ninjeg igo dubol da, “Rumok, in mel kuai te inane san tia ya,

ago gug man id irawad dop mianuk lo mi mel inane san man ilon uyanan a.” ¹⁷ Ak dugo, nai tamol a nidinaig anjam na dupalug dirawan dugo anjam mel disinig naisag na dupalu yak i? Tia geig a. ¹⁸ Nai Taitus ilo sou nupanig anjam na ipalu ya, ago dugo teima Kris ak ta npilianig ida dupalu ya. Ak dugo, Taitus irawan dugo anjam melmel igam abol di? Man tia geig a, man dugo, in nai da Ur kisaek lo mator dak, man sama turen naon kisaek ak, man sisem nug njen aban muri mau da.

¹⁹ Ak dugo, an ilom lo man ru fidian e migire yen lo sema itargiranama wo migane dak ago abol di? Man ago ta migane na da. Tia, man Kristus san ak mumado da, agod man Anut malan lo ru fidian nek e mabol den man ibinawan pe atur sakar o mabol da. An man sama bubema mok. ²⁰ Nai ilog irer da. Kabelan nai anjam na npalu dop, naisag ilo sou lo an dugo amado dop njilian o ilog ibol dan, ago ta njilian banau. Agod fon, kabelan an dam nai tamol naog dugo aliag o ilom ibol dan ago ta aliag banau. Kabelan kagin naok igo yak an lulunam lo yen banau. Nug paek kagin, turak susak kagin, tinjae saiak kagin, onse mi wo ilo sou gane san kagin, pilapil ru kagin, uf kagin, kabunja sakar kagin agod urat kubulek kagin. ²¹ Saen nai anjam na npalu dop Anut nai an naom na miai ipanag an njen ilog irer da. Kabelan tamolpein a gubak mi au dupas gug ilod ta dibileksa na yan, kagin saiak saiak lo, jeit kagin lo, kagin nun aman da yak lo, ditor yau na yan njen patud ta dupani banau. Nai kagin naok ago yak nile tap man, nai miai ifunag dop tinan njigane wa.

13

Pol Korint adi ru kagin irupidai a

¹ Gamu naisag turen saen utol anjam na npalu da wa. Saen an talpein ta ru apani wo dan, an imug mi tamol uraru boi, tia, tamol utol boi, in sed malad lo talpein a muruan igane dugo dile yan anjal pe, balsinane ru dubol ilasap alon a. ² Nek ibol nai naisag turen saen uraru tinin te yan lo anjam na npalu ante ru kagin nrupaian an igo won, gamu nai fon anjam na npalu da

wo ru naon kisaek en fon nabol da. Saen nai namul dan, tamolpein a gubak mi aupasek digane na yan, fon gamu ago mi digane yau dan, patud npasi san tia ya. Tia, bitinaek lo njidiraip muruan tubun ak npudinai a. ³ Nai ago njigane yan lo man, Kristus nai ilog lo irupaiag dugo dal ikubiai panag dan ale alon uyan mok a, man dugo, mel ta nai yanag anda yak ago ikubiai panan san ilom ibol da. Aria, kagin agane wa, saen nai anjam na npalu wan kulob dabai anda yak njigane wan kuai tem ale wa. Kristus an lulunam lo dabai an ta tia na ya. Tia. An lulunam lo man in dabai geig a. ⁴ Rumok, wagam in dabai aman tia an lo in aigim fo dubali a, ago gug in matej lo imasag gamu Anut san dabai lo mi kumaen imado da. Nek ago mi man Kristus da tinima tan en san an dabai amam tia ya, ago gug man Anut san dabai lo man in da sisem dabai amama da ya, an lo man in da mumado dop an mibinawan a.

⁵ An anjam ilo rumok lo sem ibitinin dop alon a, an ilo rumok san dal ari uyanan boi, tia boi, an alon uyan a. An sem ikubianan dop ale wa. Jesus Kristus in an lo imado da, dugo, an ta alon na i? Kabelan saen an sem ibitinin dop man, an ta Kris mok na yan ale banau. An fun man Jesus an lo ta imado na da! ⁶ Nai ilog yen dak man, saen man sama kulob bitinaek lo adiri dop, anjam leil lo man sama urat an lulunam lo nunon anda, an kuai te ale wa. ⁷ Man Anut mugudani da, ago dop man an ibinawan dop kagin saiak ta lo au adu san tia ya. An man Kristus san urat tamol igo aliama wo ru igo ta mabol na da. Tia. Gidad man urat tamol sewak ak abol a, ago gug man man sama ilo sou tubun man an anjam kagin itaot ak mi agane wo mamat da. ⁸ Man dugo, man kagin ta lo ru rumok ak malan musue wo migane san tia ya. Tia, kagin a ru rumok ak ibalsinani san an mi man ka migane wa. ⁹ An njen o an dabai amam da amado dop man dabai amam tia tap, an uyan a. An njen o an anjam Kris kagin akubunep dabai ilasa san njen o pempem Anut mugudani da. ¹⁰ Nai ru dabai en saen nai an giranem na ta numado na dugo njigire ya. Man dugo,

saen ηai an̄sam na ηupalu dop, ru dabai nam ηurupaian̄ dop an̄anem kagin ηukubune wo ilog ta yen na da. Tubun en sen mi ηai an̄anem ilo rumok dabai ηupani san urat awan en ipanag a, in̄ ηai an̄ ηibian̄ adu wo urat en ta ipanag na ya.

Pol san ilo uyan ru

¹¹ Teig taog, gamu ηai ru wadan ηufutani dugo ilo uyan ru ηurupaian̄ da. An̄anem kagin naok naok akubune wa. An̄ ηaisag ru kagin alon̄ uyan a. An̄ ilom atumanip bubem kisaek amado, maror lo amado wa. Ago dop Anut a in̄ ilo panek san, maror san dam, in̄ an̄ da amado wa. ¹² An̄ nugnug lo nug musuk gun ak apani dop nug ilo uyan apani wa. ¹³ Anut san tamolpein fidian etna dumado den an̄ ilo uyan ru durupaian̄ da. ¹⁴ Jesus Kristus idsad Tubun en san ilo maror, Anut san ilo panek, agod ilo tumanek e Awan Urgan lo yen den an̄ da amado. Rumok.

Galesia

¹ Nai aposel Pol. Nai tamol adi ta didinag go nator na ya. Tamol ta nai bilalun urat lo ta iginiag na ya. Tia, urat en man Jesus Kristus, Bai Tubud enti a mutou lo ifufunig yabisa yan da, in sed nai banig lo digane ya. ² Nai teig muroug Kris ak dadi fidian mumado dugo, nai girek en an tamolpein Galesia distrik san midaen fidian sam na niganeg ipalu da.

³ Idsad Bai Anut, idaned Tubun ak Jesus Kristus da, in sad ilo panek agod ilo maror an lo yen o ngudani da. ⁴ Kristus idsad Tubun ak, idsad aupasek ipasi san ninen o, in anen kumaen an ibisei a. Kagin saiak saiak gamu tan en lo yen den, in san mater an lo id in jiliad go patud ipasi a. Saen in ago igane man, in Bai Anut san ilobol an iri pani a. ⁵ Ak ninen o id nal fidian lo Anut in anen yan an mi pempem tabisap yau a. Rumok.

Bilalun uyan ak man in kisaek mi a

⁶ Nai narut saian da, man dugo, an Anut enti a Kristus san ilo panek lo igian an patum apani kisaek on a. Agog an abilek-sag malam yang bilalun senamo geig an ale dugo an mi ari apani da. ⁷ Bilalun naon sen ak taida mi ak i? Tia geig a. Ak gug aenta e dumado den maeg diganep an ilom muruan dupanan a. Kristus in anen bilalun uyanan en naon sensen in dubulisa dibilila wo ilod ibol da. ⁸ Alon uyan a. Man boi, tia, en el adi kumaen panu lo yak ta boi, bilalun wagam man imug murupaian an mirinanip, bilalun sen ak ta murupaian tap, aria, man mi misilanek ru lo madup Ades lo mumado wa. ⁹ Aria, man ru a wagam murupaian an nai gamu fon nrupaian da. Talpein ta bilalun naon sen ak ibol ilasag, bilalun a an anane la yan ida naon kisaek tia tap, Anut in imisilanip Ades lo yau a.

¹⁰ Ru e gamu nai nabol den lo man, tamol adi nai ninen o ilod uyan panag dak ninen o ilod ninane di? Man tia ya, Anut mi nai ilo uyan ipanag o ilog ibol da. Gug an dag nai tamolpein ilod uyan o mi urat nigane dan

ago ilom isou di? Alon uyanan. Nai kagin an ago mi nigane yau tap man, nai Kristus in anen urat tamol mok tia ya.

Pol san bilalun man Kristus awan lo mi ilasa ya

¹¹ O teig adi, an mel en alon uyan o ilog yen da. Bilalun uyanan a nai imug mi nupitenanan se yan man, tamol adi sad bilalun tia ya. ¹² Nai bilalun en tamol sen ak lo ta ninane na ya. Tamol ensauta adi dam nai ta dukubiai dupanag na ya. Tia, saen Jesus Kristus in sen tinin walal te ilasa dugo nile yan lo, bilalun ru en nai ikubiai ipanag a.

¹³ Aria, Juda sad kagin a nai imug mi niri pani se yan ninen o man an alon la ya. Nai man Anut san midaen fidian sad tamolpein nuparfufai dudu san kagin lo nator sakar na ya. Ilo rumok tamolpein wei mok nai nipitinai se ya, an lo in anen midaen fidian daon nupidinai o wagai nigane se ya. ¹⁴ Naisag tamolpein lulunad lo Juda adi sad ubou leil kagin lo nai imug mi nau a, agod nai tamol wei mi in aned ananar naisag da naon kisaek mi an nirinani a. Man dugo, naisag malag kubulan sad tamol kagin niri wo tubun mi ilog nupani na ya.

¹⁵ Ak man, nai tinag gamugo iginiagsi dugo Anut nai kob ipanag la ya, agog murnag in san ilo panek lo dam nai igiag a. ¹⁶ Saen an lo Anut ilo uyan lom, in anen Nannun nai naog na kuai tem ikubiai panag a. Ago dop lo tamolpein Juda tia yan lulunad lo Kristus ninen o mi ru nifulale wa. Ak gug saen an lo nai tamol aenta tan en san dadi ta mukubiai na ya. ¹⁷ Agod nai gamugo dugo aposel adi a in imug dumado yan, neil san ninen o Jerusalem na ta nau na ya. Tia, nai Arabia adi sad tan an lo nau ante numado ya. Ago gug murnag Damaskus na afon namul nau a.

¹⁸ Anteg ananar utol yau gug, Jerusalem na Pita da mukubiai o nau a. Ante nal 15 mi in da mumado ya. ¹⁹ Saen an lo nai aposel aenta neil man tia ya. Jems, Tubun ak san tein, nek in mi nile ya. ²⁰ (An lo gamu ru e an o ngire den, rumok mi, Anut naon na igo nabol da, nai an ru sewak ta nupanan na da.) ²¹ Aria, nai Siria distrik lo nadug, Silisia distrik lo dam nau a. ²² Saen an lo Kristus

san midaen adi Juda na dumado dan in nai naog ta dile na ya. ²³ In naisag ru tim mi dulon se ya, “Tamol a imug id ifunad tamat o igane se yan, gamu en ilo rumok san ru ibol ilasa da. An lo ilo rumok a imug malan isue san ninen o wagai igane na yan, gamu nek amaiak mi dabai ipani da.” ²⁴ Fun an ninen o in nai ninen o Anut yanjan diabisa ya.

2

Aposel aenta Pol dadi ilod kisaek a

¹ Murnag ananar 14 yaug, Barnabas ninaneg fon Jerusalem na mamul a. Taitus dam ida mau a. ² Man dugo, Anut in sen nai Jerusalem na nau o ikubiai panag a, an ninen o nai nau atna numado ya. Ante nai ubou leil san tamol adi dadi mukubiai dugo, bilalun uyanan a gob adi lulunad lo nabol ilasa se yan naod na nfulaleg dulon a. (Gug mianuk lo mi tamol adi a yanad tubun ak amad da yan dida bilalun awan an san fun dam nfulaleg dulon a.) Kabelan naisag pitenanek dibitinae dop nai naok naok aenta lo kawan numaspalu se yak ago dubol banau. ³ Aria, Taitus in nai da mumado ya, in Grik dar bo man, gurman adi Juda sad mulun lo idu san ninen o nai ta disadudunag na ya.

⁴ Gug rumok, teid sewak adi in dimianuk on go, mansama tumanek lo disadu ya. Id wagam kubiaen san subanek lo tumado na ya, gug gamu patun fo tilasag tumado da. Fun man id Kristus da tutumani an lo mi a. Tamol sewak adi mianuk lo disadu yan san fun man, idsad madok foun ak lo tator dan ninen o aban dikibiani wa. In sad ilobol igo ya, id afon in sad subanek an lo tiladu san ninen o disadudunad a. ⁵ Ak man man an ninemi wo, in awad paen na ta mumado na ya. Man tia geig a. Amaiak lo bilalun san ru rumok an lulunam lo itaot mok pempem yen a.

⁶ Tamol adi a midaen san leil lo yanad anda yan, in naisag ru en awan ta dibate na ya, man dugo, naisag pitenanek fidian itaot a. (Naisag ilog lo man, rumok in yanad da i? Tia i? An man mel tusan a. Anut in tamol yanad amad da yak ninedi wo mi ilon ta isou na da.) Aria, tamol a yanad amad da yan in sad ru ta naisag ru ta fo dubate

man tia ya. ⁷ Tia geig a. In Anut in sen bilalun uyanan nfulale san urat banig lo igane yan dile uyanan a. Nek ibol Anut imug Pita ipilianig Juda tamolpein naod na bilalun uyanan ibol ilasa yak igo won, nai itarpasag go tamolpein Juda tia yan ru nabol dulon san an dam dulon uyanan a. ⁸ (Man dugo, Anut a Pita lo Juda tamolpein bilalun uyanan dulon o urat igane se amaiak nai lo dam gob adi ninedi wo urat kisaek nek an igane se ya.) ⁹ Aria, saen Jems, Pita, Jon da nai awag dulon an, ilod isafulale man Anut nai lo in san ilo panek iganeg in san urat niganeg wo ipanag a. (Tamolpein aenta tamol utol an “midaen san bag tamol” igo dubol da.) An ninen o nai Barnabas da in banid won ak duwate dugo banid mabi a. In man da nug tein taon igo won dinjilama ya, man in dida iloma kisaek go awama mutumanig igo mabol, man uraru gob lulunad lo bilalun urat miganeg wa. Gug in man Juda tamolpein lulunad lo bilalun urat digane wak ago dubol a. ¹⁰ Ru kisaek mi igo durupaiamag dubol, man tamolpein moni amad tia yan iloma isou wa. Nai kagin nek amaiak mi ninen o ilog tubun mi yen na ya.

Pol Pita ibubunani a

¹¹ Ak man murnag saen Pita Antiok na ipalug ilasa man, nai Kris midaen naod na malak malak nububunani a. Man ata wo? Kagin a Antiok na igane se yan ta uyan na ya. ¹² Man dugo, tamol aenta Jems san na yak gamugo dupalu dugo, Pita in Kris tamolpein a Juda tia ak dida anan diani se ya. Ak gug saen tamol an dilasa yan lo man, isuk imul go asau mi yau a, in ibol dida nug turan tia yak ago igane ya. Man dugo, mulun lo dudu yak san tamol ninedi wo irer a. ¹³ Agod Juda aenta a Kris dilasag Antiok na dumado dan in Pita dida sewak kagin digane ya. An lo Barnabas dam in sad kagin sewak an iri panig balek uraru san kagin lo idu ya.

¹⁴ Gug saen nai neil ak man in bilalun san ru rumok ta diganuri itaot na ya, amaiak ninen o nai fidian naod na Pita igo nurupeig nabol a. “On Juda dar lo lasa bo man Juda sad kagin ta uri pani na da. Tia, on gob adi sad kagin lo ago utor da. Ago tap, ata wo on

gob adi Juda sad kagin an diri dupani wo susunanai dak i? ¹⁵ On̄ n̄ai da Juda sad dar lo tilasa ya, id ‘aupasek san’, nek ibol gob adi igo won̄, id ago tia ya. ¹⁶ Id igo talon̄ la ya. Talpein ta Moses san kubiaen̄ iri ipani dan lo itaotan ilasa san tia ya, tia, Jesus Kristus lo ilon rumok dan in̄ itaotan ilasa wa. Aria, on̄ n̄ai da Anut malan lo itaotan tilasa san nin̄en o Jesus Kristus o ilod rumok a. An man kubiaen̄ san kagin naok naok a tigane dan lo man tia ya, man dugo, dal amaiak lo talpein itaotan ilasa san tia geig a.”

¹⁷ “Aria, saen id Kristus lo itaot tilasa wo maeg tigane dugo, id aupasek san dal lo tator tau dan ago tile talon̄ man, on̄ dugo ilo isou di? An fun man dugo, Kristus in̄sen id iduduwad go aupasek lo tiladu yak i? Man tia geig a! ¹⁸ Man dugo, n̄ai Moses san kubiaen̄ tiri tupani san kagin naok naok amaiak n̄urube la ya. Aria, mel a n̄urube la yak, an afon n̄ususe tap man, n̄ai kubiaen̄ pilalek tamol igo won̄ n̄ilasa da wa. ¹⁹ Man dugo, kubiaen̄ an ifunag n̄amat a, an lo na n̄ai afon kubiaen̄ paen na ta n̄umado na wa. Tia, gamu kubiaen̄ an san ar patun fo n̄ilasa yan nin̄en o, n̄ai Anut mi paen na n̄umado da. ²⁰ N̄ai aigim fo n̄ayuk go Kristus in̄ n̄ai da sisem mamat ak igo won̄ a. Ago bo man, n̄ai kumaen n̄umado da. Ak gug kumaen an n̄aisag tia ya. Tia, Kristus in̄ n̄ai lo kumaen imado da. Ago yak nin̄en o madok e tan en lo yen den nin̄en o, Anut Nanun o ilog rumok san dal an lo mi n̄iri n̄upani da. In̄ ilo panek ipanag a, agod sen tinin̄ ibisei panag a. ²¹ Man nin̄en o, n̄ai Anut san ilo panek an mel kawan ak igo won̄ n̄igane ilasa man tia ya. Man dugo, Moses san kubiaen̄ an lo mi id itaotan tilasa tap man, Kristus imat an nun̄on tia ya.”

3

Ru kubiaen̄ uri panek san kagin, tia, ilo rumok san kagin?

¹ O Galesia, bururau ami enti n̄ineo ipanan̄ ak i? Man̄ Jesus Kristus nek muku-biai panan̄ la ya. An̄sem malam mok lo aigim fo iyuk dugo ale yak igo won̄ a. Enti iganeg an̄ ilom ibilisa yak i? ² Mel kisaek en nin̄en o mi n̄usumianan̄ da. Dal dugo yak lo an̄ Awan Urgun an̄ane yak i? Ru kubiaen̄

san dal lo i? Tia, bilalun̄ uyanan̄ in̄san ru o an̄ ilom lo rumok ak san dal lo i? ³ Ak dugo, an̄ dag bururau igo yak i? Agog Urgun da fun agane gug tinik san kagin lo mi wadan afutani dak i? ⁴ Dag muruan imug mi an̄ lo ilasa yan, an an̄ sen ka asini ak i? N̄ai ilog ibol dak man, an sen ka ta asini na ya! ⁵ Anut in̄ Awan Urgun an̄ ipanan̄ dugo kulob girager funfun dam an̄ lulun̄am lo igane ya. Ata wo in̄ ago igane yak i? Dag in̄san ilo sou lo man an̄ ru kubiaen̄ ari apanid amaiak nin̄en o i? Tia, nag an̄ bilalun̄ uyanan̄ en in̄san ru alon̄ go ilom lo rumok ak lo ago igane i?

⁶ Ru e girek lo yen igo ibol a. “Abraham in̄ Anut san ru nin̄en o ilon rumok a. Ago yak nin̄en o Anut sen in̄ nin̄en o tamol itaotan ak ago ibol a.” ⁷ Man nin̄en o an̄ igo alon̄ uyanan̄ a, tamolpein a ilo rumok amad da yan mi in̄ Abraham nanun muroun mok a. ⁸ Ru e wagam mok Anut san girek ilon lo yen en igo ibol, “On̄ tini lo gup tamolpein tan titin̄ fidian lo dumado dan bar uyanan̄ ak diñane wa.” Ru an Anut sen Abraham ipani a. An̄ alon̄ ak, bilalun̄ uyanan̄ a gamu tabi dan san fun man, ru a Anut Abraham ipani an ilon lo yen a. An nin̄en o id igo talon̄ ak, ru an mel e murnap ilasa san nin̄en o ibol man, Anut malan lo gob adi in̄aned ilo rumok lo idiraip itaotan dilasa wa. ⁹ Amaiak nin̄en o ensauta a ilo rumok amad da yan in̄ Abraham da sisem bar diñane wa, man dugo, Abraham in̄ ilo rumok tamol a.

¹⁰ Fidian a kubiaen̄ mi duri dupani dugo, an lo Anut patud ipasi wak o tini gane di-gane dan, in̄ misilane ru paen na dumado da. Man dugo, ru e girek lo yen den ibol, “Talpein ta mel fidian a kubiaen̄ san buk lo yen dan lo ta itur sakar na tap, in̄ misilane paen na imado wa.” ¹¹ Aria, girek lo ru e yen den igo ibol, “Talpein itaotan man sinanen ilo rumok lo kumaen imado wa.” Amaiak nin̄en o id kuai tem tile talon̄ ak, talpein ta Moses san kubiaen̄ iri ipani dan lo, Anut malan lo in̄ itaotan ilasa san tia ya. ¹² Gug Kubiaen̄ man ilo rumok san mel tia ya. Man ata wo? Anut san ru igo ibol a. “Talpein enti a kubiaen̄ san kagin naok naok fidian igane mok dan, dal amaiak lo mi kumaen in̄ane wa.” ¹³ Id fidian

kubiaen san misilane paen na tumado dan, Kristus injiliad go misilane an patun fo tilasa ya. Dugo won i? Insen man id nined o misilane paen na idug imado ya. Man dugo, ru e kubiaen ilon lo yen den igo ibol a. “Talpein a ai fo iyuk dan Anut san misilane paen na imado da.” ¹⁴ Amaiak ninen o Kristus inj Anut san misilane lo ipasad go patud ipasi a. An lo dop Jesus Kristus lo mi bar a Anut Abraham ipani an iganep gob adi dijane wa. Ago dop man id fidian, ilo rumok lo mi, nek ibol Anut san promis irupaiaad ago won, id Awan Urgan tinjane wa.

Moses san kubiaen, agod Anut promis ru ipanad an da

¹⁵ O teig adi, naj gamu tou niganag lo pitejanek a njurupaian dan san awan njubate wa. Tamol ta inj mitep imat ak ninen o ilon isou tap, inj melmel nanun muroun lo itarpasip ipidinai san ninen o, roun fo igire da. Aria, girek an igane itout gup girek an dabai anda yen da. Saen an lo gup, talpein ta girek an nunon tia yak ago igane ilasa san man tia ya. Agod inj ru kitek ta girek an awan ibatep ipani san dam tia ya. ¹⁶ Aria, Anut insan promis ru an Abraham mi ipani wo man tia ya, tia, Abraham injanen kubulan da mi promis an ipidinai a. Aloj uyan a. Anut Abraham injanen malan kubulan dadi promis an ipidinai o ago ta ibol na ya. Man dugo, Anut tamolpein wei mi ninedi wo ilon ta isou na da, tia, tamol kisaek murnap ilasa wan ninen o mi ilon isou da. Tamol an nek Kristus. ¹⁷ Najsag ru en san fun man igo ya. Anut insan promis Abraham ipani an lo, kontrak igane ya. An lo Kristus, gidad inj gamugo ilasa bo man, kontrak an inj dam injaneg yabi a. Aria, Abraham imat la gug, anajar 430 yaug Moses san kubiaen ilasa ya. Ak dugo, kubiaen a murna geig gug ilasa yan, promis a Anut wagam mi Abraham ipani an ipasig, itout go, an lo promis an nunon ta ilasa na wak i? Man tia geig a. ¹⁸ Ak dugo, melmel a promis an lo mitep tinjane wan, kubiaen tiganuri dan lom tinjane wak i? Ago tap man, promis a Anut Abraham ipani an nunon tia ya. Gug id talon ak, Abraham inj Anut san promis

an lo mi kontrak an injane ya. Ak dugo, Anut san promis a igane yan nunon tia yak i? Man tia geig a. Amaiak ninen o id talon ak, id melmel uyanan a mitep tinjane wan, kubiaen tiri tupani dan lo mi tinjane san tia ya.

¹⁹ Ak ninen o ago tap, aria, ata wo Moses san kubiaen ilasa yak i? Anut kubiaen Moses ipani an fun man, tamolpein injinaned aupasek san kagin naok naok an dile dulon a. Anut kubiaen igansig yen yaug saen idaisuda amaiak lo, Abraham san kubulan a ninen o Anut promis ibol pani an nunon ilasa ya. Taida mi, kubiaen enel adi lo ipalu yan, agod Moses, Anut san titinae tamol, amaiak san banin lo dam ipalu ya. ²⁰ Aria, naj titinae tamol ta ninen o njabol da, amaiak ninen o ru fanan en najsag ru ilon lo yen da. Moses san kubiaen man Anut san promis a Abraham ipani an idaisuda san tia ya, man dugo, tamol ta banin, enel adi sad banid da kubiaen an diabig, aria, kubiaen an urat isini a. Ak gug Anut insen kisaek mi promis igane ya, an ninen o mel a Anut insen kisaek mi iganei dan, mel an titinae tamol dadi dutumanig diganei dan irinjani a. Fun amaiak ninen o Anut san promis man mel malan te ya.

²¹ Ak dugo, Moses san kubiaen man Anut san promis injanen ager i? Man tia ya. Man dugo, Anut inj kubiaen naon senamo geig ak ta ipanad pe, an lo kubiaen an idirad pe kumaen tumado tap man, rumok nunon, kubiaen lo mi Anut malan lo id itaotan tilasa wa. Gug ru kubiaen naok ago yak ta yen man tia ya. ²² Amaiak ninen o Moses san kubiaen ta ibinawad na da. Tia, Anut san ru girek igo ibol, tamolpein fidian inj aupasek san subanek lo mi dumado na ya. Anut mel an ile funi dugo ilasa ya. Ago pe tamolpein a Jesus Kristus o ilod rumok dan nek amaiak mi, mel a Anut san promis ru ilo rumok adi ipidinai an, mel an dijan mok a.

²³ Aria, saen ilo rumok san dal gamugo ilasa yan lo, kubiaen man id subanek lo idirad go tumado ya. Subanek an ilon lo mi tumado yaug Anut ilo rumok san dal iganeg kuai isi san saen ilasa ya. ²⁴ Kubiaen man idsad titianek tamol igo won a, kubiaen an kagin ipanad yaug saen Kristus

tan na ipalu yan lo itout a. Gamu saen pempem mi id Anut malan lo itaotan tilasa san dal man igo ya, idsad ilo rumok man Kristus lo mi a. ²⁵ Amaiak ninen o Kristus ipalu yan lo, id afon kubiaen a titianek igo won an paen na ta tumado na wa.

Anj Anut san nanun muroun

²⁶ Man dugo, an Jesus Kristus da atumani an lo an fidian Anut san nanun muroun mok a. Anjanem ilo rumok in lo yan ninen o mi mel an ilasa ya. ²⁷ Man ata wo? Anj ensauta a Kris adi sad fulanek lo Kristus da atumani an man, Kristus atabub ak igo ya. Nek ibol yamel ta anjanem tinim abuluwi igo won a. ²⁸ Fun amaiak ninen o gamu gup ta in Juda tamol, ta in Juda tia yak, enti in bigabeg urat san subanek lo imado dan, enti injanen ilobol lo mi itor dan, enti in tamol, enti in pein, yanak an ago ta tipate na wa. Yanak naok ago yan man mel kawan a. Man dugo, gamu an fidian mi man Jesus Kristus lo kisaek a. ²⁹ Amaiak ninen o an Kristus san tap, an dam Abraham san malan kubulan mok a. An ninen o an Abraham san malan kubulan tap, Anut san promis ru a Abraham ipani an dam an sam mi a, ago dop injanen bar an dam anane mok a.

4

¹ Naisag ru naok man igo ya. Tamol ta nanuk lo mi taman aben injanep san melmel kagin ta ipani na da. Tia, in nanuk lo man nek ibol taman san urat pinein igo won a. Gidad melmel an fidian in muroun, ago bo man imado yaup injanen saen idaisuda gup, melmel an fidian in yanjan paen na dien a. ² Nal a taman ipate pani an gamugo ilasa dop, in tamolpein paed na imado wa, nanuk an taman in tamolpein ipilianaig an lo in nek ibol titianek tamol adi igo won nanuk an kagin dupani wa. Taman in titianek adi dida injaned waged lo mi nanuk an imado se ya.

³ Id dam wagam ago ya. Saen id nanuk on man, id tan, ai, pat, did san tubud adi dabai amad tia yak paed na injaned urat pinein igo won tumado na ya. ⁴ Ak man nal a Anut ipateg ilasa yan ate injanen Nanun igane idu ya. In pein ta tinjan lo ilasa ya, Juda adi sad kubiaen an paen na dam

imado wo ago ilasa ya. ⁵ Anut ago igane amaiak lo tamolpein a Moses san kubiaen paen na dumado dan injilaip ipasai imul a. Anut injanen Nanun igane idu yan ninen o id fidian Anut san nanuk nilanjal ka tilasa wa. ⁶ Anj Anut injanen nanun igo won amado da. Man ninen o Anut in Nanun san Awan Ur idinig ipalug, id bubed ilon lo iladu ya. Ago yan lo Awan Ur id ilod yabisa dop, Anut tiwagin pe, "O Bai," ago tabol a. ⁷ Amaiak ninen o on urat pinein kawan igo tia ya, tia, on Anut san nanun mok a. Aria, on injan nanun mok tap, Kristus lo gup melmel a fidian Anut injanen nanun muroun mok ipidinai an, on dam ipano wa.

Pol Galesia ninedi wo ilon muruan a

⁸ Wagam an Anut mok ak ta alon na ya, saen an lo an ai, pat, tan sad tubud tusadi a anut mok tia yan mi paed na amado dugo, injaned urat pinein igo won biabi ad agane se ya. ⁹ Ak gug gamu an Anut alon a, tia gidad naj ka igo nabol a, gamu gug Anut an ilon a. An ninen o ata wo fon amul pe tamol kagin an paed na sem idiran au o di? An anj dibinawan san tia ya, fun dugo, in nunon tia ya, agod dabai amad dam tia ya. Ak dugo, an afon injaned subanek ilon lo amado wan ninen o ilom ibol di? ¹⁰ Naj nile yak man, an nal fidian an sam ilo sou igo yen da. Anj nal tubun tubun ak mi ninen o mala nouk amado da. Kalam foun ak san nal, ubou tubun ak san nal, anajar foun ak san ubou idu yak san nal, nek an mi ari apani da. ¹¹ Naj anjanem kagin naok an ninen o ilog saian da, kabelan najneg urat anj lulunam lo njigane yan kawan banau.

¹² O teig taog, saen naj anj lulunam lo numado se yan, muruan ta apanag man tia ya. Tia, nek ibol anj Juda sad kubiaen patun fo amado se yan ago won, naj dam, kubiaen patun fo numado se ya. Amaiak ninen o, naj mel en ninen o njuguduanan da. Kubiaen a najisag madok wagam ak itirni na yan njibisei la ya, anj dam nek ago amado wo ilog ibol da.

¹³ Anj ilom isou dak i? Naj turen naji wo dugo subam ta ifunag a, fun an ninen o naj imug mi an sam na njupalug bilalun uyanan san ru an naom na njufulale ya. ¹⁴ Agod subam a naj tinig lo ilasa yan muruan

tubun geig an ipanaŋ a. Ago bo man an naom sakar go aliag saian dop abianag man tia ya. Tia, an ŋai anjiliag ak nek ibol Anut san eŋel igo woŋ a, tia, nek ibol Jesus Kristus inŋen mi ak ago anjiliag go kagin ag agane ya. ¹⁵ Ilo uyan an wagam an ŋai da nug lo tigane na yan dugot na yau ak i? An dag ideg yau boi. Rumok, ŋai an niŋemi wo ru en ka ŋabol a. Nal an lo mi dal ta yen tap, an ilo uyan tubun geig lo ŋai abinawag o siŋanem malami apasip apanag a. ¹⁶ ŋai ru rumok ak mi ŋabol a. Nek amaiak lo, dugo, ŋai anŋsam ager igo woŋ ŋilasa yak i?

¹⁷ Teid sewak adi a wagam niŋedi wo ŋurupaian an in an tubun mi dipitianan na ya. Ak gug in ilo sou uyan ak lo ago digane man tia ya. Tia, in maŋsama na an naom diabiani wo ilod ibol da. In ilod igo igire ya, an inaned ar lo asadu dop lo an in mi apitianai a. ¹⁸ Rumok, an ŋai apitianag o tap, kagin an saen fidian yen o man uyanan a, ak gug ilo sou uyan mok ak lo mi ago agane wa. Agod saen ŋai an da tumado dan mi ago agane boi tia, saen ŋai asau mi ŋumado dan dam ago agane wo ilog yen da. ¹⁹ O ŋaineg nanug adi, ŋai fon madai ŋukubiani dak, nek ibol pein nanuk igansi wak san madai igo woŋ, maeg ŋigane yau dop Kristus an bubem ilon lo fon ilasa wa. ²⁰ O kabel, ŋai gamu an da tumado dop ru mos nam ŋurupaian o ilog ibol da. Ak gug tia ya, ru dabai mi ŋupanaŋ da. Man ata wo? ŋai an niŋemi wo ilog tinaŋ anda ŋumado da.

Hagar in Sara da sad ru faŋan

²¹ Aria, an ensauta a Moses san kubiaen paen na amado wo ilom ibol dan, ŋai awag alon o kududom agure. Ak dugo, an kubiaen an san fun mok alon uyan i? ²² Man dugo, kubiaen ilon lo id tusutig talon ak, Abraham in nanun tamol ak uraru a. Nanun a imug mi ilasa yan inŋan urat pein tiŋaen lo ilasa ya, agog nanun a murnag ilasa yan inŋinanen iwon mok tiŋaen lo ilasa ya. Iwon Sara an inŋan urat pein tia ya, tia, in kawan imado itor a. ²³ Abraham inŋinanen ilo sou mi irig an lo urat pein an nanuk igansi. Ak man iwon mok man nanuk ago ta igansi na ya. Tia, in Anut san

promis Abraham ipani an lo nanuk igansi a.

²⁴ Aria, pein uraru en sad am san tou igo ya. Pein uraru en man kontrak uraru Anut igane ilasa amaiak sad mitilaen. Kontrak malan malan an did Sinai san a. Nanuk fidian a kontrak an paen na dilasa yan man bigabeg urat san subanek lo dumado dutor da. Pein Hagar dubol dan kontrak an ate tou ipani a. ²⁵ Aria, did Sinai an tan Arabia ilon lo yen da. Hagar in did an ate tou ipani a, agod in dam Jerusalem e gamu yen den ate tou ipani a. Man dugo, Jerusalem in nanun muroun dadi bigabeg urat san subanek lo dumado da. ²⁶ Ak man Jerusalem lak na san man ago tia ya. Tia, tamolpein ate man bigabeg urat tia kawan dumado da. Id aben an san a. Sara aben an naon inane dan niŋen o idsad tinad man Sara, Abraham iwon. Agod pein an kubiaen san subanek ilon lo ta imado na ya. ²⁷ Girek lo igo ibol,

“O niganig pein enti nanuk ta gansi san tia yan, on uya isusa wa.

On enti nanuk gansek san madai ta kubiani na dan, masap ilo uyan lo sasai a.

Man dugo, on niganig pein bo man, onsa nanuk dusuti tap,

onsa nanuk san sutek man, pein a iwon da yan inanen nanuk san sutek iriŋani geig a.”

²⁸ Aria, ŋai teig taog, an man ibol Abraham nanun Aisak igo woŋ Anut san promis ru lo alasa ya. ²⁹ Ak gug Abraham san saen lo, nanuk a Abraham sinanen ilo sou lo ilasa yan, muruan tubun mok nanuk a Awan Urgun san dabai lo ilasa yan ipani a. Agog kagin an dam nek gamu ago mi yen da.

³⁰ Ak man girek lo ru ta muruan an niŋen o dugo ibol ak i? An igo ibol, “On gidad urat pein in nanun da sisem kudai a. Man ata wo? Urat pein san nanuk taman san filian ta inane na wa, tia, iwon mok mi san nanun taman san filian an inane wa.” ³¹ Ak niŋen o teig taog, id man urat pein an san nanun muroun tia ya, tia, id pein a bigabeg urat tia kawan imado dan san nanun muroun mok a.

5

Kristus lo dop idsiganed aupasek isub-anad san tia ya

¹ Kristus id a Juda sad kubiaen paen na tumado dan ipasad an lo, kubiaen an san subanek fon ta ibiad sakar na wa. Amaiak ninen o an ananem madok foun ak lo atur sakar a. An sem idiran pe fon kubiaen san subanek lo aladu wo ago ta agane na wa.

² Aria, nai Pol ru en itaot nrupaian da. An mulun lo adu tap, an Kristus nunon tia yak ago agane ilasa wa. ³ Nai fon nabol da wo da, talpein a mulun lo idu yan, ru kubiaen a Moses san kubiaen ilon lo dien dan, gidad wei geig bo man, an fidian iri ipani wa. In ru kubiaen tusan mok ak ta gigin na igane san tia geig a. ⁴ On enti Kubiaen lo itaotan lasa wo maeg gane dan, on Kristus san na se ipaso ya. Agod on Anut san ilo panek bisei pasik a. ⁵ Ak man id a Urgun lo tator dan, id itaot ad tilasa wo ilod yen da. Agod Kristus lo ilod rumok an lo, id itaot ad tilasa san an ninen o mala nouk tumado dan, nunon tile wa. ⁶ Man dugo, saen talpein ta in Kristus da dutumani dan, gidad mulun lo idu boi, tia, mulun lo ta idu bo man an mel kawan a. Mel kisaek nek en mi in tubun a, id ilo rumok amad da yan lo tamolpein aenta ilod tipidinai da.

⁷ Teig taog, an imug mi man amaspalu uyanan se ya. Enti naom ifutanig, an lo gamu an fon ru rumok an ta ari na di? ⁸ Ilo nanek naok ago yan Anut a an igian an san na ipalu man tia ya. ⁹ Ilom isou, “Yis kitekan an flawa tubun ak da dukubulip, ifurak yaup iganep flawa fidian ikafut isuda wa.” ¹⁰ An nai da Tubun ak lo tutumani an lo man, ananem ilo sou mel an ninen o, nek ibol naisag ago won yen yau ak ago nabol da. Gug talpein a iganep an ilom ibalkaluk dan, gidad in tamol naok dugo yak, Anut bitinaek lo iganep ai wadan dugo igane amaiak naon ka isini wa.

¹¹ Teig taog, nai tamol tinid sunulon dutute ninen o nabol yau dop bunun an nai dabai nupani tap, fun ata wo nai dumisilanag dak i? An ago tap man, aigim san muruan a Juda dukubiani dugo malad lo saian geig dan itout yau a. ¹² Gidad, tamol ensauta a ananem ilo sou dukubuli dan,

injaned nabud dutartip dibiliau tap, an uyanan mok a. Naisag ilo sou nek ago ya.

¹³ Teig taog, Anut an Kubiaen san subanek patun fo alasap amado wak o igian a. Ago dop an kawan amado ator a. Ak gug an kawan amado dan ninen o, ananem tinim san kagin saiak saiak an mi ari apani wo ago ta agane na wa. Tia, an ilo panek lo mi nug abinawi wa, an nek ibol urat pinein ago won ilo sou ago agane wa. ¹⁴ Man dugo, kubiaen san ru fidian man itumanig ru kisaek en lo mi ilasa ya. “On sinane tini ninen o umat ago mi, tamolpein aenta dam ninedi wo umat a.” ¹⁵ Ak man an goun kasik igo won alasap, aenta afunai dop aniai tap, kagin agane wa. Man dugo, an murnap nug afini dop nug daon apani dop ago amado wa.

Awan Urgun san ilobol lo mi ator a

¹⁶ Nai igo nrupaian da, Awan Urgun san ilobol lo mi ator a. An ago agane tap, tinim san ilo masai an ta ari apani na wa. ¹⁷ Man dugo, an sam tinim san ilo masai man Urgun san ilobol in san ager a, agod Urgun san ilobol dam tinim san ilo masai san ager a. Uraru an nug dufuni won da. Awan Urgun ago igane yan fun man, onane tini san ilo masai an ilasa wo igane dop san dal ifutani pani wa. ¹⁸ Gug an Awan Urgun paen na amado tap, Moses san kubiaen ka irinanan a.

¹⁹ Aria, kagin naok naok a tinik san ilobol lo dilasa yan kuai isi a. Jeit kagin, kagin ikokan tia yak, kagin funfun nun anda yak, ²⁰ on tubud ai pat sad mitilaed ubou ad ule dak, nawir ganek, siai, nug funek, turak susai, tiniae saiak, onse mi wo ilo sou gane dak, ilo kisaek kagin umoi, ru rumok onsa doup lo mi yen dugo aenta sad na tia ubol dak, ²¹ aenta sad filian o mala isi dak, you sakar ak uluk dugo kukok nun anda yak funfun gane dak, agod kagin naok ago yak aenta dam fidian ago mi a. Nai ru dabai anda wagam nupanan la ya, agog gamu fon nupanan da, tamolpein kagin naok ago yak diri tap, in Anut san kagin panek ilon lo diladu san tia geig a.

²² Ak man Awan Urgun san nunon man, ilo panek, yousai, maror, mos ganek, ilo munanek, kagin uyanan ak gane dak, onane

ru ganuri dak, ²³ maror lo mado dak agod se tini titiani uyanan da. Kubiaen ta lo kagin naok ninen o geg ta igane na ya. ²⁴ Agod tamolpein a Jesus Kristus san amaiak inşad kagin wagam ak fidian aigim fufo dubalig, an lo tinik san ilobol agod tinik san ilo masa an da sisem dumat a.

²⁵ Teig taog, id Awan Urgun lo tator tap man, inşanen ilobol mi tiganuri wa. ²⁶ Talpein ta id lulunad lo se pitianoı kagin ta igane na wa. Anşem lo nug ilo saian apani dop nug ta afuni na wa. Agod anş nug san melmel o malam ta isi na wa.

6

Nug san muruan asini

¹ Teig taog, saen tamol ta anşam midaen ilon lo aupasek igane dop anş mel an kuai apani tap, talpein a pempem Awan Urgun da ditor dan mos nam dibinawip Anut san dal iri da wa. Anşem dam kagin agane wa, kabelan mel an ilom inşanep, anş dam aupasek naok an lo adu banau. ² Nug san muruan asini wa, ago dop man anş Kristus san kubiaen ibol ago aganuri wa.

³ Talpein a inşen yanşan anda ibol, gug Anut malan lo inş yanşan tia ya, an lo inşen irawi da. ⁴ Ago gug onşigane urat bitinaek lo gane dop urat an naok dugo yak ka kubiani wa. Fun dugo, onş ipitianoı wo ilo ibol tap, se pitianoı kagin an san fun inş tamol sen ak san silali naon lo se yanş ta wabisa na wa. ⁵ Man dugo, id anen anen atem idsiganed muruan tisini wa.

⁶ Talpein a maşau inşane dan, inşinanen mel uyan an fidian iwaep, girek maşau a maşau ipiteşani dan da sisem mel an dişane wa.

⁷ Ak dugo, onş Anut awan patu pani dop inş naon muruan ta ipano na wak ago ubol di? Mel an ninen o se ta irawo na wa. Man dugo, talpein ta ai patun naok dugo yak ipae tap, inş murnap ai patun naok an mi nuşon mok inşane wa. ⁸ Saen talpein ta ai patun a sen tinin mi kagin ipani san an ipae tap, nuşon man inşinanen tinin nşutun da malan isue wa. Gug inş ai patun a Urgun ilo uyan ipani san an ipae tap, nuşon man Urgun inş kumaen pempem yen yau san an ipani wa. ⁹ Amaiak ninen o id kulob uyan uyan an mi tigane san kagin lo tatur

sakar a. An ago tigane wo ilod ta isali na wa. Man dugo, murnap idaned naon tişane san saen gamugo idu dop, id ilod ta idu yau na tap, idaned naon sişaok aman an tişane wa. ¹⁰ An ninen o saen id mel uyan ak ta lo tamolpein aenta tibinawai o dal ta tile tap, ka ago tigane pidinai a. Rumok, tamolpein fidian tibinawai a, ago gug Kris adi tibinawai san man malan te ya.

Onş talpein foun ak lasa wa.

¹¹ Naisag girek en tintinan mi nşigire da, ante dop anş aloş ak girek en nşai sinag banig mok nam nşigireg anşam na ipalu ya.

¹² Tamol ensauta a anş mulun lo adu wo disadudunanş dan man inşsed mi wo ilo sou digane da. Inş anş ninemi wo ilod ta isou na da. Fun dugo, inş Juda aenta muruan dupidinai o dumoi da. Kagin nek an inşad kulob san fun mok. Man ata wo? Juda wei mi Kristus san aigim inşan ager ago dumado dan lo, Juda a mulunş kagin dabai ta dupani na dan muruan dupidinai da.

¹³ Ago bo man, tamol a mulunş lo dudu yan inşsed mi Kubiaenş san ru an fidian ta diri dupani na da. Inş disadudunanş dop mulunş lo adu san fun man, anş inşad megeloum igo wonş alasa wa, ago dop Juda aenta malad lo sed ipitianai a.

¹⁴ Ak man nşai seg ipitianag dop, nek ibol inş sed ipitianai dak, ago nşigane man nşamoi da. Tia geig a. Kristus san aigim amaiak nşai ninen o mi seg ipitianag da. Man dugo, inşan aigim fo nşai nşamat la ya, ago dop tan en san mala bulbal nşai ilog inşane san tia ya. Agod inşan aigim ninen o nşai ilo sou igo nşigane da, tan en san dal fidian an nek ibol mel ta imat la yak igo wonş a, agod nşai nşuri nşupani wo nşamoi da. ¹⁵ Gidad onş mulunş lo udu boi, tia mulunş lo ta udu na boi, an mel kabel mi a. Mel kisaek nek en mi tubun a, Anut mi titiani dop, inşen mi iganep onş talpein foun ak lasa wa. ¹⁶ Tamolpein ensauta a inşad turenş lo naisag piteşanek duri dupani dop lo dutor dan, Anut inşan maror agod inşan ilo muşanek dam, ipidinaip lo ago dumado wa. Tamolpein amaiak mi inş Anut san Isrel mok.

¹⁷ Saen gamu tumado yau den lo talpein ta nşai muruan ta ipanag na wa. Man dugo,

ηai Jesus niηen o tini madai dupanag an san
teb ηisinig ηumado da.

¹⁸ Teig taog, ηai Anut ηusumiani dop Jesus
Kristus idsad Tubun en inηan ilo panek an
ηutumi ilon lo ka yen a. Rumok.

Efesus

¹ Njai Pol, Anut ilon yen ak lo, in Jesus Kristus san aposel ago isikatag a. Njai an Kristus san tamolpein gun a Efesus taun lo amado dugo Kristus mi awan ari apani dan, anjam na girek en njigane ipalu da. ² Bai Anut mi idsad Tamad, Tubun ak Jesus Kristus lo ilo panek an lo yen dop, ilo maror amam da ka amado wa.

Urgun san na bar uyan uyan ipalu ya

³ Idsad Tubun ak Jesus Kristus inanen Taman, Anut mi in yanjan tabisa wa. Man dugo, id Kristus da tutumani kisaek ak ninen o, Awan Urgun san bar uyan uyan ak fidian a lak na yen dan ipanad go tuburou ya. ⁴ Saen Anut tan ta igane ilasa na dugo, id Kristus ida itumanad o kob ipanad a. An lo saen id in naon na tatur dan, id gun tumado dop, in malan lo man id ai wadan amad tiap itaot mi ago ka tumado wa. ⁵ Wagam mi mok, id nined o imat an lo, kob ipanad go njilanjil injiliad pe inisan nanun muroun mok tilasa san man Jesus Kristus lo mi a. Inanen ilon yen ak lo mi, id sinjiren na tau san ilo uyan lo ago igane ya.

⁶ Ago dop id inisan ilo panek sinjiraokan geig an ninen o per tupani wa. Anut san Nanun man inisan buben mok a. Aria, Nanun an lo ilo panek a ipanad an sen kawan naon tia ipanad a. ⁷ Kristus id da tutumani kisaek an ninen o, inanen dar lo in idad injiliad dugo idaned aupasek fidian ipare idu ya. An inisan ilo panek tubun geig ak iri pani a. ⁸ Anut inanen ilo panek id nined o tubun geig ipanad a. An lo manau funfun agod ilo safulalek uyan uyan dam ipanad a.

⁹ Mel an wagam mi Anut san ilo sou lo mi yen a. Ak man milaen mok inanen ilo sou an imianuk yen a. Aria, gamu gug inanen ilo sou imianuk an kuai tem igane ilasag id ilod isafulale ya. Kristus lo gup urat an yen a. ¹⁰ Inisan ilo sou igo ya, in mel fidian un ad yabip yau gup, nal a kob ipani antep, mel an fidian Kristus lo mi itumani wa. Melmel lak na, agod tan na dam, Kristus paen na mi dien a, agod in mel an fidian sad tamad imado wa.

¹¹ In lo dam Anut id ipilianad go id Kristus san mi a. Man dugo, Anut in mel dugo ilasa san ninen o ilo sou igane dan ago mok mi igane ilasa da. An ninen o Anut mel a id nined o ilasa wan wagam mi ilon yen ago mi igane ilasa ya. ¹² Man Juda adi malmalan mi Kristus o iloma rumok a. Aria, Anut kob a ipanama yan san fun man, inisan girager tubun geig an per mupani dop lo mator a. ¹³ In lo an dam, ru rumok a patum ipasi san bilalun uyanan alon dugo in o ilom rumok a, an lo inanen kob anane ya. Kob an man inisan Awan Urgun nek a id ipanad o promis ru ibol a. ¹⁴ Awan Urgun man mel imug Anut ipanad a, amaiak lo id talon ak, murnap id dam mel aenta fidian uyanan ak Anut bageu iganeg yen dan tinane wa. An nek ago mi yen yau dop Anut mi melmel an ipanad a. Fun an ninen o inisan girager an tubun mok per tupani geig a.

Pol Efesus ninedi wo Anut igudani da

¹⁵⁻¹⁶ Fun nek an ninen o najai Anut naon na an ninemi wo ilo uyan ru njupani dan, ta njyalis na da. An nek saen najai an Tubun ak Jesus Kristus lo ilom rumok an njalon ak, agod ananem ilo panek a Anut san tamolpein gun ak fidian lo agane dan dam ninen o njalon an, saen antem najai fun njigane ya. An lo najai pempem an ninemi wo dam ilog isou dugo Anut njugudani won da. ¹⁷ Idsad Tubun ak Jesus Kristus san Anut, in nek a girager san Taman amaiak najai igo njugudani da. Anjanem manau in lo yan iganep, kankan milaen ak san ur, agod melmel imianuk yen dan kuai ipani san ur dam an ipanaj a. ¹⁸ Naisag gadin lo Anut njusumianip an lilaman ipanaj dop ilom isafulale wa. Agod melmel a anane wo igian go mala nouk amado dan san fun mok alon uyan a. Agod Kristus san filian a girager aman da yan inisan tamolpein gun ak ipidinai o promis ru ibol an dam alon uyan a. ¹⁹ Taida mi, inisan dabai tubun geig ak id ilo rumok tamolpein ilod lo urat igane dan, an dam alon uyanan o najai ilog ago yen da. Dabai an san tubun man tubun kasik id tou tiganeg san tia ya. Dabai a id lo yen dan nek dabai amaiak mi Kristus maten lo ifufuni imasa yan da naon kisaek a. ²⁰ Dabai nek

an mi Kristus inane isudag, kumaen panu lo kalik malan te yak ate, Anut giranjen won ak lo iganeg imasi a. ²¹ Kristus injen man kinj adi, gabman san nao njanek tamol adi, gurman fidian, ur fidian dabai amad da yan, tamol fidian a tamolpein malad lo in yanjad amad da yan dam, an fidian irinjanai a. An saen gamu mi san tia ya, an saen murnap san dam mi a. ²² Anut in mel fidian Kristus paen na iganeg dien da. Agod ipilianig Kris midaen fidian tan en lo sad gurman igane ya. Ago yan lo binawek uyan uyan ak ipidinai a. ²³ Kris tamolpein man Kristus injen tinin. Ago yan lo Kristus injan bunun injen lo awan isag yen dan, Kris midaen fidian ilod lo kuai isip, an lo dop tamolpein fidian dile wa. Man dugo, Kristus injen man mel fidian e tan en lo dumado den tinid inane futege imado da.

2

Kristus lo id kumaen tumado da

¹ Gubak mi an aupasek agane dugo kubiaen dam arinani se ya. Agog an lo njutum dam imat ak, ago mi amado na ya. Gug saen an aupasek lo ator se yan lo in iganeg an kumaen amado ya. ² Nal an lo man an tan en san kagin saiak lo amado se yak, ago mi ator na ya. An ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en in tamolpein ensauta a awa parsisalek tinadi an, tinidi lo urat saian ak igane da. Man dugo, in Anut awan ta diri na da. ³ Wagam id fidian dam nek in dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo tumado na yan, an ninen o idsad madok tan en lo man id Anut san tinjae saiak paen na tumado da. An nek ibol tamolpein fidian tan en lo ditor dak, ago mi a. ⁴⁻⁵ Ak gug, Anut id Kristus da itumanad go kumaen pempem san ipanad a. Man dugo, Anut in ilo mujanek tinin lo man awan isa geig a, an lo in id o tubun mok imat an ninen o, gidad, idsad aupasek lo njutud imat yau bo man, kumaen ipanad go njutud kumaen dilasa ya. (Anut san ilo panek lo mi an patum ipasi a.) ⁶ Agog Anut id enti a Kristus da tutumani an in

da materj lo ifufunad go kumaen tilasa ya. Ago dugo in da sisem mi kumaen panu lo taug inanen badim fo tumasi a. ⁷ In ago igane yan san fun man, saen murna murna ilasa san an lo gup injan ilo panek tubun geig an id naod na kuai tem igane ilasa dop pempem tile wa. ⁸ Man dugo, Anut san ilo panek lo mi patum ipasi san man anjan ilo rumok lo mi a. Mel an ansem ta agane na ya. Tia, Anut sen kawan geig an ipanaj a. ⁹ An man an urat agane yak san naon tia ya. Kabelan tamol ta an lo na sen yanjan yabisa banau. ¹⁰ Man dugo, id man Anut san banin aban a. In id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

Id Kristus lo kisaek tilasa ya

¹¹⁻¹² Amaiak ninen o an imug mi Kristus lo asau mi amado se yan ilom isou wa. Tamol a mulun san kulob dinane yan, in an ninemi wo tamol mulun san tia yak ago dubol da. Gidad ago durupaian bo man, kagin an tamol sad kagin sed tinid lo digane da, an man banid san mel mi a. Saen an lo man an Isrel sad tumanek lo naom tarej dufou se ya, agod Anut san promis ru Isrel adi ipidinai an ninen o anjan a. Rumok, an mel uyan ak ta ninen o mala naok aganeg ta amado na ya, tia, anjan madok tan en lo man, Anut tia yak igo won amado se ya, an ninen o dam ilom isou wa. ¹³ Rumok, imug mi an asau mi amado se ya. Ago gug gamu man Kristus san dar lo an injilian go apalu ya. An Jesus Kristus ida atumanig, lo gamu en an Anut sumeikan mok sinjiren na amado da. ¹⁴ Man dugo, Kristus injen man idsad ilo maror. An alon ak, tempel ilon lo tarej ta yen an lo gilek yen a, tarej an Juda adi senamo idirai dugo Juda tia yan dam senamo idirai a, an lo turen an san siai tumanek malan uraru an ilod lo yen a. Aria, gamu id ilod kisaek tilasa wo Kristus in siai an san tarej irube yaug itout a, ago yan lo tumanek uraru an iganeg afon kisaek tilasa ya. ¹⁵ Injan materj lo Moses san ru kubiaen fidian agod ru kagin fidian ilon lo yen an dam ifini imat pasik a. An lo na Kristus injen Juda tamol in Juda tia yak da injal go itumanaig, an lo tamol foun ak

kisaek mi ilasa ya. Dal an lo maror igansi a. ¹⁶ Kristus tinin kisaek amaiak lo, tamol wagam an uraru mi itumanaig, Anut san turan mok oᅇ dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a. ¹⁷ In bilaluᅇ iᅇaneg aᅇ a asau mi amado dan sam na ipalu ya, agod maᅇ Juda e sumsumeik mumado den dam mi a. Bilaluᅇ maror san an id fidian naod na ifulale ya. ¹⁸ Gamu in lo, id fidian geig Awan Urgan kisaek an lo mi dalawan ipasi panad dop Bai sinjiren na tilasa wa.

Id Anut san ab gun ak igo woᅇ tumado da

¹⁹ Gamu en aᅇ tamolpein naom foun ak igo woᅇ ta amado na ya. Tia, aᅇ Anut san tamolpein gun ak dida naom kisaek mi a, agod aᅇ inᅇsan warou mok ilon lo dam amado da. ²⁰ Aᅇ Anut iᅇanen ab igo woᅇ isuse da. Maᅇ aposel, profet dida man, Anut ab an san bag igo woᅇ igunama ya. Jesus Kristus inᅇsan man ab an san bag tamol. ²¹ Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa. ²² Kristus lo dam, in iᅇiliaᅇ go aᅇ ab gun an da ibateg kisaek mi aᅇ ab an tinin aenta igo woᅇ amado da. Amaiak ninen o gamu Awan Urgan inᅇsan Anut naon iᅇaneg ab ante imado da.

3

Anut san ilo sou imianuk yen an kuai te ifulale ilasa ya

¹ Fun an ninen o, ᅇai Pol, aᅇ tamolpein a Juda tia yan ninemi wo Kristus san subanek tamol ᅇumado da. Aria, Anut ᅇugudani wo da, ak gug ru ta ᅇurupaiaᅇ o da. ² Aᅇ dag ru en aloᅇ boi. Anut inᅇsan iᅇanen ilo panek ᅇai banig lo iganeg ᅇuwae panāᅇ o urat ᅇigane da. ³ ᅇai imug girek en ᅇigireg lo ᅇurupaiaᅇ a, Anut sen inᅇsan ilo sou mianuk an, an ᅇai irupaiaᅇ a. ⁴ Saen aᅇ ru en asuti dop, igo ale gup, Kristus san ru mianuk ak an ᅇai ᅇalōᅇ fufeia. ⁵ Saen imug imug ipalu se yan lo man, Anut in ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak ninen, in maᅇ aposel iᅇanen profet adi dam, inᅇsan ru imianuk an fun ifulaleg kuai tem

ilasa dugo duloᅇ uyanan a. ⁶ Ru mianuk an man igo ya, aᅇ gob adi Juda tamolpein dida sisemi Anut san bar uyan uyan ak aᅇane wa. Aᅇ in dida atumani an lo tinim kisaek alasa ya. Agod melmel a Anut san promis lo tiᅇane wo ibol an, id sisem tiᅇane mok a. An bilaluᅇ uyanan Anut Kristus lo ipanad an lo ilasa ya.

⁷ Bilaluᅇ uyanan en ninen, Anut ipilianag go inᅇsan bilaluᅇ tamol ᅇilasa ya. An inᅇsan ilo panek a sen kawan naon tia ᅇiᅇane yan iri pani a. Rumok, iᅇanen dabai tubun geig ak lo ᅇai iginiag go tamol naok ago yak ᅇilasa ya. ⁸ Gidad, ᅇai Anut san tamolpein luluᅇad lo, tamol kawan ak igo woᅇ ᅇumado bo man, in ᅇai ilon ipanag go urat emaiak ipanag a. Urat en man, Kristus san bunun uyanan a taloᅇ san id ta idaisuda na yan ninen o, gob adi naod na kuai te ᅇabol ilasa dop duloᅇ a. ⁹ Anut san ilo sou saen milaen mok imianuk yen se ya. Ak gug Anut a mel fidian igane yan, iᅇanen ilo sou an kuai tem ilasa wo ago ilon yen da. Ago dop tamolpein fidian inᅇsan ilo sou imianuk an dile duloᅇ a. Agod in urat an dam ᅇai ipanag a. ¹⁰ Rumok geig, Anut in kulob a inᅇsan tamolpein luluᅇad lo igane ilasa yan lo, iᅇanen maᅇau funfun naon senamo geig an iganeg kuai isi a. Ago igane yan lo, ur sad gurman in ur fidian a dabai amad da yan dida lak na ditilani dutor dan, Anut san maᅇau tubun geig ak an ikubiai pidinai dop dile wa. ¹¹ En man inᅇsan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nuᅇon ilasa ya. ¹² Id Kristus o ilod rumok dop, id tarer san tia ya. Id an lo taloᅇ uyanan ak Kristus in mi idsad dal. In lo gup id Bai sirinᅇn na tilasa wa. ¹³ Ago yak ninen ᅇai gamu en ᅇurupaiaᅇ da, madai e aᅇ ninemi wo ᅇisini den ninen o ilom muruan amoi. Man ata wo? Madai en man aᅇanem girager tubun a.

Pol Efesus tamolpein dutur sakar san niᅇedi wo igudani da

¹⁴ Fun an ninen o ᅇai Bai naon na turug ᅇusaluwi a. ¹⁵ In warou fidian lak na yak in tan na yak dida dumado dan sad Tamadi a. Man ninen mel fidian an inᅇsan mi yaᅇad ipidinai a. ¹⁶ ᅇai turug ᅇusaluwig

igo ngudani da, Anut inſan girager san binawek wei mi an an nſutumi ilon lo ka igane wa. Ago dop an lo inſan Urgun idiraſ pe tamolpein nſutum dabai tubun mi ak amam da ago amado wa. ¹⁷ Ago dop Kristus sen ananem ilo rumok an lo nſutumi ilon lo ka imado wa. Nai igo dam ngudani da, ilo panek kagin an man ananem kagin naok naok fidian san fun mok a. ¹⁸ An lo an Anut san tamolpein fidian dida sisem, Kristus inanen ilo panek an alon uyanan san, an ikawilami wa. Ago dop man an ka alon uyanan ak, Kristus ilon ipanaſ san kagin man tubun mok, yaug milaen geig, isida yaug lak na kasik, idu yau geig a. ¹⁹ Rumok, id inanen ilo panek an talon pasik anen ta idaisuda na ya. Gug gidad, nai ninemi wo Bai ngudani on da, an inſan ilo panek an alon uyanan a, ago dop man Anut san bunun uyanan fidian ilon lo awa na geig an, an lo dam ka awan isa wa.

²⁰ Anut in mel dugo onsa ilo sou lo yen dan, agod mel dugo ninen o sumiani dan dam, irinanip, suguan dam ka ipano wa. Inſen mi inanen dabai id ilod lo urat igane dan lo, urat an fidian igane wo idaisuda geig a. ²¹ Ago yak ninen o, inſan tamolpein lulunad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

4

Id Kris fidian ilod kisaek a

¹ Nai Pol, Tubun ak san subanek tamol, nai igo nrupaian da. Madok a Anut ninen o igian an ari apani wa. Ago dop kagin a inſen ninen o ilon yen dan lo mi itaot ator o ago ilom nabisa da. ² An sem ibian adu dop tamolpein maror amami ak igo won amado wa. Saen an ilo muruan dupanaſ dop ninedi wo an ilom wananan amoi. An anen anen nug ilon apani wa, ago dop muruan a nugnug lo akubiani dan, gidad asini wa. ³ Ananem ilo kisaek Awan Urgun lo yan, maror nek a ituanan iso yan lo mi maeg aganep kagin apani wa. ⁴ Id Kris adi tinid kisaek, agod Awan Urgun dam kisaek a. Nek ago mi, mala nouk kisaek nek a Anut ninen o igian ago mi a. ⁵ Tubun en man kisaek a. Ilo rumok san kagin dam

kisaek a, Kris filanek dam kisaek a. ⁶ Anut dam kisaek mi a, id ilo rumok tamolpein fidian idsad Tamad a. In id fidian fufo lak na ya, agod id fidian anen anen ilod lo urat igane da. Agod in id fidian tinid lo imado da.

⁷ Ak man Kristus ilo panek lo mi id anen anen inſan ilon yen ak iri panim, inſan lou funfun id ipanad a. ⁸ Amaiak ninen o Anut san ru buk lo yak igo ibol,

“Saen in lak na isuda yau man,

tamolpein a wei mi nſied banid subanek lo yen se yan iniliai go dida diau a.

Ago dugo inſan lou panek funfun an tan san tamolpein ipidinai a.”

⁹ (“In lak na isuda yau” ru an fun dugo yak i? An fun man in imug mi tan en lo ipalu idu ya. ¹⁰ Enti in a tan na idu yau amaiak, in mi did aben fidian dam irinanaig isuda yau an lo, inſen mi mel fidian ilodi tinidi lo in mi awan isa wa.) ¹¹ Inſan lou panek man igo ya. Ta aposel urat, ta profet urat, ta bilalun urat, ta matu urat, aenta girek manau urat lo iginiaig dumado da. ¹² Anut san tamolpein man Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An lo man, in anen anen Kristus san urat biabi ka digane wak, agod in Kristus san tinin dabai dupani wa. ¹³ Urat en ka yau won dop id fidian sad ilo rumok lo, agod idsad manau a Anut Nanun ninen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tinanep tumado wa. Aria, busumak adi sad bunun a tinane wo maeg tigane dan san tou man, bunun an fidian Kristus lo mi yen da.

¹⁴ Wagam id nanuk on tumado na ya, id wog igo won beig san bururuk gidigheid iriad ila iso se ya. Gug id Kristus on tilasa wo dop, id afon nanuk on ta tumado na wa. Man dugo, imug mi kagin en id Kris tamolpein lulunad lo yen a. Tamol ta supalek ru nam pitenanek foun foun ak dupanad a. Pitenanek an Kris tamolpein iduduwai dugo ilo sou uyan ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon ago ta tilasa na wa. ¹⁵ Tia, id ilo panek

san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo won titalbusi uyanan a. An lo dop kagin fidian lo titalbusip, id Kristus igo mi tilasa wa. Inſen mi idsad gurman. ¹⁶ Id Kris tamolpein man Kristus san tinin. Kristus itirnad dugo inanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen inſinaned urat kisaek kisaek atem digane da, an lo tinin fidian italbusip ilo panek lo dabai inane da.

Aſanem madok san dal

¹⁷ Tubun en lo űai ru kagin e űurupaian den an ari apani wo tubun mok űududuwan da. An aſon gob adi sad dal lo ta ator na wa. Man dugo, inſad ilo sou an kawan mok a. ¹⁸ Inſad duloű man tidom tubun yafutani a, agod Anut san madok niűen o man in ibol tamol asau ak igo won a. Man dugo, diűaon go dumado da. Inſad ilod pat igo won dabai geig an lo Anut ta duloű na ya. ¹⁹ Kagin itaot ak niűen o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san niűen o mi yaes isofutanai da. ²⁰ Ak man an dal an lo Kristus niűen o ta aloű na ya! ²¹ An dag Jesus niűen o dupiteűanaű dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, űai gamu űurupaian da, ²² an ilom wagam ak san tureű an abisei wa. An aſanem madok wagam ak san mel mi a. Ilo masai san kagin an ilom inane dop, sem űudum asue dop lo mel fidian a saian ak an mi agane wa. Amaiak niűen o gamu en an kagin wagam an akudip yau a. ²³ Ago dop an lo an űutum in aſanem ilo sou fidian da ka foun dilasa wa. ²⁴ Aſanem ilom foun a Anut sen igane ilasa panaű an mi aſanep an tinim ilon lo agane wa. Ago dop ilom foun ak san bunun in Anut san bunun da naon kisaek a, an lo an ilom ilon lo kagin itaot ak in kagin gun ak da awan isa wa.

²⁵ Amaiak niűen o an rawek kagin an amoi. An fidian ru rumok ak mi Kris aenta naod na arupidai dop duloű a. Man ata wo, id fidian tinik san boi anen anen amaiak san tinik kisaek ago tumado da. ²⁶ An ka

talpein ta niűen o ilom saian a. Ak gug kagin an ale funi dop aupasek lo ta idiran au na wa. Tia, kagin agane wa, saen ad gamugo idiau dop, aſanem ilo saian nug niűen o an akubunep itout a. ²⁷ Agod an dal ta Satan ilom inane wo ta apani na wa. ²⁸ Ta in gumagam tamol man fon ta igam na wa, tia, in urat igane wa. In urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidinai a. ²⁹ An ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein duloű dop lo dabai ipidinai a. Gidad muruan dugo dugo tamolpein dile dan, ru a ibinawai san an mi abol ilasa wa. Ago dop tamolpein a ru an duloű dan, an Anut san nao űanek igo won inſan ilo panek apidinai a. ³⁰ An Anut san Awan Ur ilo muruan apani amoi. Awan Urgun in man Anut san kob an ilom ilon lo igane ya, amaiak lo Anut inanen tamolpein iniliai san nal an lo an dam sisem inilian a. ³¹ An ilom lo siai kagin, tiűae saian san kagin, nug abubuűani adiri san kagin, uf ru san kagin, agod dumadam kagin dam, an fidian akudaip diau itout a. ³² An nug niűen o bubem kisaek ak lo, tini misek san kagin lo dam atur sakar a. Nek ibol Anut in Kristus log aſanem aupasek ipare idu yak ago mi, ansem dam nug niűen o ago agane dop ator a.

5

Lilaman lo tator da

¹ Ago yak niűen an gidad kagin a Anut inſen igane yan mi ari apani wa, man dugo, an inſinanen nanun muroun mok amado da, agod in tubun mi ilon ipanaű da. ² An aenta ilom apidinai san tureű lo mi ator a, nek ago mi Kristus ilon ipanad an lo inſen tinin ibisei panad a. In man nek ibol bilelek a Anut dupani wo yai digane dop inſan mumalun iwen siűaokan pe lak na yaup Anut ilo uyan ipani san igo won a.

³ Aria, an jeit kagin lo, kagin nun anda yak fidian an lo dam aladu amoi. Agod aenta sad melmel niűedi wo malam isi amoi. Aupasek naok ago yak man Anut san tamolpein luluűad lo yen san man aben tia ya. ⁴ An ru nun, ru niűeo, ru kukok a ilo

saian igane ilasa yan dam awam lo ta ilasa na wa, man dugo, kagin naok an uyan tia ya. Tia, an gidad Anut per apani wa. ⁵ An mel en alon uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel niñedi wo yaes ifug ditor dan dam, Anut in Kristus da sad kumaen panu lo ta mok diladu na wa. (Talpein a tan en san melmel niñedi wo yaes ifuni dan, in talpein a tubud sewak sad ubou ad ile dan da naon kisaek mi a.) ⁶ Kagin agane wa, kabelan talpein ta ru kawan ak lo nudum dusue dop lo an kagin saiak agane banau. Kagin naok nek an lo dop Anut tiñeen saian pe in ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa. ⁷ Ago yak niñen an tamol naok ago yan dadi nug turan on ta ator na wa. ⁸ Man ata wo? Imug mi an tidom tubun lo amado se ya. Gug gamu en Tubun ak an lilaman lo iginian a, an niñen o an lilaman san tamolpein igo mok ator a. ⁹ Man dugo, lilaman in nuñon uyanan ak mi igane ilasa da, kagin uyan ak, kagin itaot ak, ru rumok ak mi tabol san kagin dam, an mi id tigane wa.

¹⁰ Kagin uyan nek a an agane san niñen o Anut ilon uyan dan mi ale wo maeg agane wa. ¹¹ Tidom tubun san kagin funfun lo sem ta iginian aladu na wa. Kagin naok an man in nuñon ifu uyan san tia ya. Tia, saen tamolpein kagin saiak digane dugo an ale tap, kuai tem abubunani a. ¹² Man dugo, kagin nek a mianuk lo digane dan man saian geig a. Rumok, talpein ta kagin an niñen o malak malak ibol tap, miai tubun mi ifuni wa. Ago bo man, in gidad malak malak ibol ilasa wa. ¹³ Sul man aban isapudade dop mel ta in sul san lilaman lo ilasa dan tamolpein dile wa. Amaiak niñen o mel saian ta lilaman lo kuai isip tamolpein dile dulon pe “an saian ak” ago dubol a. ¹⁴ Fun an niñen o ru e ilo rumok adi dubol den talon a,

“On tamol a wen dan, masa.

On mutou lo wen dan masa dop, Kristus in lilaman ipano wa.”

¹⁵ Kagin agane dop ananem turen bitinaek lo aganep ale wa. An tamolpein kankan amad tia yak igo won turen abi

amoi, tia, tamolpein kankan amad da yak igo won ago mi ator a. ¹⁶ Saen abidani amoi. Saen gamu e Anut ipanan dak lo, kagin uyan uyan ak mi agane wa, man dugo, saen gamu e id lo tumado den man saen saian a. ¹⁷ Fun an niñen o an niñeo kagin lo atur dan amoi. Tia, akubianip ale, Tubun ak san ilobol an man ata mel ak i? An ale alon dop ari apani wa. ¹⁸ Agod an tubun mi aluk dop, aburaurau banau, man dugo, kagin naon nek an an muruan ipanan a. Tia, Awan Urgan an mi an tinimi ilon lo awan isa wa. ¹⁹ Ago dop an ru girek Isrel bar san buk lo yen dan lo, ubou san bar lo, Urgan san bar lo dam nug lo anin a. Ananem tinim nutum fidian lo Anut ilo uyan apani wo bar abi wa. ²⁰ Agod nal fidian lo, mel fidian niñedi wo dam, an idaned Tubun ak Jesus Kristus yan an lo, Bai Anut per apani dop ilo uyan apani wa.

Pein iwon tamol da

²¹ An anen anen nug awan paen na amado wa. An kagin ago agane san fun man, Kristus yan lak na mok asini wo ago ilom yen a. ²² On pein, onane tamol paen na mado wa, nek ibol on dam Tubun ak paen na mado dak igo won a. ²³ Man ata wo? Iwon pein in san gurman man iwon tamol a, nek ibol Kristus in man in anen tamolpein fidian sad gurman igo won a. In san tamolpein man in san tinin, agod in man in anen tamolpein sad patu pasek tamol. ²⁴ Amaiak niñen o, nek ibol Anut san tamolpein in Kristus awan paen na dumado dak ago won, on pein mel fidian lo onsigane tamol san awan paen na mi mado wa. ²⁵ Aria on tamol, onane pein ilo pani wa, nek ibol Kristus in san tamolpein ilon ipidinai dugo sen tinin ibisei pidinaig matej lo idu yak ago ya. ²⁶ Ago yan lo in anen ru nam, nek ibol you igo won, in san tamolpein ifulanaig an lo gun idirai dilasa ya. ²⁷ In ago igane yan lo dop in anen tamolpein siniren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa. ²⁸ Ak niñen o an tamol dam, nek ibol sem tinimi kagin apani dak igo won, an sinanem

iwom ilom apidinai a. Ta inſan iwon pein ilon ipani dan, inſen tinin ilon ipani da. ²⁹ Id talon ak, tamol ta inſen tinin lo ager ta igane na da. Tia, inſen tinin anan ipani dugo kagin ipani uyanan da, nek ibol Kristus inſen inanen tamolpein kagin ad igane dak ago won a. ³⁰ Man ata wo, id anen anen man Kristus san njen banin malan, mel ago yak inſan a. ³¹ Anut san ru girek lo yan igo ibol. “Tamol inſen tinan taman ibisawaip iwon dam nug dipinip dutor a. An lo uraru an tinid kisaek ak igo won dilasa wa.” ³² Ru an ilon lo ru fanan tubun mi yen dak talon san ta pasauman na ya. Gug nſaisag ilo sou lo, ru an Kristus inſen sinanen tamolpein da ninedi wo ibol a. ³³ Gug gidad, an tamol anen anen ananem iwomi ninedi wo amat a, nek ibol ansem ninemi wo amat dak ago won a. Pein dam ananem tamol kagin ad agane dop paed na amado wa.

6

Nanuk tinan taman da

¹ Nanuk, an ananem tinam tamam awad mi ari apani wa. An Tubun ak san a, an njen o kagin an ago agane wa. Man ata wo? Kagin an uyanan mok a. ²⁻³ Ru kubiaen ta promis aman da yak Moses san girek lo yen da. Ru kubiaen an man, kubiaen a malan te amaiak ilon lo promis yen da. Ru kubiaen an igo ibol a, “On onane tina tama sad yanadi lak na mok sini wa. Ago gane tap man, on madok uyan ak nanep, saen milaen tan en lo mado wa.” ⁴ Bai adi, an ananem nanuk abiai dudu saian geig san kagin lo, ilo saian apidinai man amoi. Tia, an gidad pitejanek uyanan a Tubun ak san dal iri pani dan mi apidinai a, agod inſen sed tinid diabi idu dop lo Tubun ak san awan paen na dumado san, an dam akubiai pidinai dop dulon a.

Urat bigabeg inaned tirnek tamol dadi sadru

⁵ Urat bigabeg adi an ananem titianek tamol tan en san awad mi ari apani wa. An ninedi wo dam arer a. An pempem ananem urat njen o ilo sou kisaek a maeg apani dan lo urat ago mi agane wa, nek ibol an Kristus njen o mi urat agane dan igo won a. ⁶ An saen inſad leil lo amado

dan lo mi, ilod anane wo sad awad ari apani man amoi. Tia, an Kristus san urat tamol igo won urat a dupanan an agane wa, man dugo, Anut ninemi wo ilon ibol man an tinim bubem fidian lo ago agane wa. ⁷ An ilo uyan lo urat agane pidinai a, urat a agane dan tamol gidad san tia ya, urat an man Kristus san a. ⁸ Man dugo an alon uyan ak, talpein ta inſen mel ta uyanan ak igane tap, inſan urat naon man mel ta uyanan ak naon kisaek Anut banin lo ipalu dan an mi inane wa. Gidad inſen bigabeg boi, tia, inſenanen ilobol lo itor san tamol boi, uraru an sad urat naon man kisaek a. ⁹ An titianek tamol, ananem bigabeg adi kagin uyan ak mi inſen lo agane wa. Ilo rer san kagin inſen lo agane amoi. Tubun ak inſen lak na imado da, inſen anſam Tubun a, agod inſen dam inſad Tubun a. Agod inſan leil lo man, id fidian tou kisaek mi a.

Kris adi inſen yu tamol igo won dumado wa

¹⁰ Aria, nai gamu ru wadan nſurupaian da. An Tubun ak san dabai sakar geig ak lo atur sakar a. ¹¹ Biouſen a yu tigane san an fidian Anut id ipanad la ya. An mi an tinim lo asisi isap Satan san rawek kagin fidian abiani dop wagai agane atur sakar a. ¹² Man dugo, id tamolpein ninedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak ninedi wo ager tigane da. ¹³ Ago yak njen o Anut an yu agane san biouſen fidian ipanan an aburou, saen saian ipalu dop, an nek an lo dabai pe atur dop yu agane wa. Saen yu itout dop, nek ago an dabai amam da atur a. ¹⁴ An kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo won a. ¹⁵ Niemi te sendal agane wa. Sendal uraru an san fun, an ilom tinim imasap maror san bilalun uyanan an asini ator san ak igo ya. ¹⁶ Kagin fidian an, sad malan te man ilo rumok mi a. Nek an mi dumui igo won, abi sakar pe Satan inſen yu malan yai balen anda yak isou ipanan dop atartitanip asoufunip imat a. ¹⁷ Taidam,

patu pasek a Anut ipanan an kitikat sakar ak igo won ananep kabunam fufo agane wa. Agod sabiri a Awan Urgun san an dam abi wa. An man Anut san ru. ¹⁸ An saen fidian lo, gidad mel dugo ilasa yan, Awan Urgun san dabai lo agudani wa. Man ninen o nal fidian malam ipuk pe ta ayalis na wa, ago dop Anut san tamolpein fidian ninedi wo agudani wa.

¹⁹ An gudanek lo mi Anut asumiani dop naj binawek ipanag a. Nai ilog igo yen da, an agudani dop, Anut inanen ru naj awag lo igansi wa. Ago dop naj narer se yan nibiseip, an lo Anut san bilalun uyanan a imug mi imianuk go in lo yen gug gamu kuai isi an mi nabol ilasa wa. ²⁰ Insan bilalun ninen o naj man Anut san nao nanek tamol, funatek lo numado da. An gudanek lo Anut asumiani dop in dabai ipanag dop tamolpein naod na ru dabai mok nabol a, man dugo, kagin an ngane wan Anut malan lo man uyanan a.

Ru wadan

²¹ Tikikus urat e ngane den, agod muran dugo ifunag den ninen o an irupaian dop alon a. In Anut san urat lo man naisag urat kisaek a, agod naisag bubeg mok a. ²² Amaiak ninen o man mel dugo dugo mile dan ninen o alon uyan o naj Tikikus ngane sinirem na ipalu da. An lo an ilom dabai ipani wa.

²³ O teig taog, naj nek e Anut ngudani den, insan maror ipanan a, agod ilo panek in ilo rumok da sisem, Bai Anut san na ipalug, Jesus Kristus san na dam ipalu yan dupanan a. ²⁴ Anut ka insan ilo panek an iwali idu dop, tamolpein ensauta a insad ilo panek imat san tia yak Jesus Kristus dupani dan ituanai dop in lo yen a. Rumok.

Filipai

¹ Nai Pol, Timoti da, maŋ Jesus Kristus san urat tamol. An tamolpein gun ak Jesus Kristus lo yan Filipai na amado dan, agod an matu pastor in diken dam maŋ anŋsam na girek en migane ipalu da. ² Bai Anut in Jesus Kristus idsad Tubun en da, an ka ilod ipanaŋ pe ilo maror dupanaŋ a.

Ilo panek ru in gudanek da

³ Saen fidian nai an ilog isou dop naisag Anut ilo uyan ru nupani da. ⁴ Naisag gudanek fidian ngane dan lo Anut an fidian ibinawaŋ o nsumiani da, agod an nai uyasusai lo mi ago ngane da. ⁵ Nai an ilog uyan panaŋ da. Man dugo, nal malan te maŋ an luluŋam lo urat fun miganeg ipalug gamu en, an maŋ da sisem urat kisaek, bilaluŋ uyan ak Jesus Kristus ninen o tabol ilasa dugo tamolpein duloŋ da. ⁶ Agod nai mel en naloŋ uyan ak, Enti a an lo urat uyanan mok fun igane yan, urat an igane yaup nal a Jesus Kristus imul ipalu wan te gup itout a.

⁷ Nai an ninemi wo ago ilog isou dan uyan a. Man dugo, an man naisag bubeg buson mok a. Gidad nai subanek lo numado boi, tia, nai bilaluŋ uyan ak dabai nupani boi, tia, nai kulob dabai ate bilaluŋ uyan ak nabol ilasa dan, an ru rumok ago nukubiai dile boi, an fidian dam Anut san ilo panek e nai ipanag den lo atutoug amado da. ⁸ Anut in nai an njilan o ilog tubun mi ibol dan ilon a. Ilo panek a Jesus Kristus an lo igane dan, an nai ilog lo iganeg ate nai an fidian ninemi wo tubun geig nŋamat da.

⁹ Agod nai igo ngudani da, an ansem nug ilon apanip an lo dop ananem ilo panek isudap tubun a. An lo dop an ananem maŋau lo, agod ananem ilo tarpasek lo dam, amug alasap mel an uraru mi ilom lo awan isa wa. ¹⁰ An lo an kagin naok naok a Anut malan lo uyanan mok an ninedi wo ilom itarpasi san an idaisuda geig a. An mi tia, an bubem itaot, aenta an ninemi wo ru tia, ago amado yaup Kristus san nal ilasa wa. ¹¹ Agod kagin itaotan san nuŋon wei mi Jesus Kristus lo ilasa dan, an tinim

lo idaisuda wa. An lo tamolpein in Anut yan an girager aman da yak diabisa dop ilo uyan dupani wa.

¹² Teig taog, an alon uyan o nai ilog ibol da, muruan ta nai tinig fo digane ya, ago bo man muruan nek an bilaluŋ uyan en ifufurak yau san dal ipasi a. ¹³ Rumok, in nai subanek lo diginiag a, gug kagin an lo tamolpein fidian Rom na dumado dan in duloŋ ak nai Kristus san urat ngane damaiak naon nisini da. Agod tamol adi Kaisa san ab dititiani dan, an dam fidian duloŋ a. ¹⁴ Agod an mi tia ya. Tia, nai teig taog Tubun en lo dumado dan wei mi dam, nai sein nam dusebanag go numado dan lo, inaned ilo rumok dabai ipanig direr san tia ya, an lo Anut anen ru dabai nam dufulale da.

¹⁵ Rumok, aenta in Kristus san ru dufulale dan fun man, in nai nineg o turak dususa da, agod sed yanad disini da. Gug aenta man in ilo sou uyan ak lo mi ago digane da. ¹⁶ Tamolpein e ilo panek lo digane den nai nineg o duloŋ a, nai subanek lo numado man fun, nai bilaluŋ uyan an dabai ka nupani wa. ¹⁷ Gug aenta a Kristus san ru dufulale dan man in sed yanad diabisa san urat mi digane da. In sad ilo sou itaot tia ya. Nai subanek lo numado dan ninen o in sad ru fulalek an lo nai tinig te muruan taida digane isuda san kulob mi digane da. ¹⁸ Amaiak ninen o dugo waki? En mi, gidad in ilod lo ilo sou mianuk ak yen boi, tia, ilo sou uyan mok an lo mi dubol ilasa boi, nai ilog tubun mi igo ibol da, dal fidian lo Kristus san fun dufulalep tamolpein ka duloŋ a. Kulob nek en ilasa se yan ninen o nai youg isa da.

Awo, yousai pempem ago yen a. ¹⁹ Man dugo, nai naloŋ ak, anŋsam gudanek lo, agod binawek a Jesus Kristus anen Ur ipanag dan lo dam, mel saian en nai lo ilasa yen daon ta ipanag na wa, tia, nai patu pasek ninane wa. ²⁰ Nai tini ganei tubun mi ngane da, agod nai ilog lo igo yen da, dal fidian lo nai miai ta ninane na wa. Tia, nai ilog dabai go pempem ago ngane se yak ago mi, gamu en dam Kristus inanen yan an naisag tinig lo imasap yau dop tamolpein fidian ka dile wa, kumaen lo boi, tia, mater lo

boi. ²¹ Man dugo, naine g ilo sou lo man, n̄ai kumaeg n̄umado tap, Kristus in̄ malan te ya, ak man n̄ai n̄amat tap, an n̄ai tan en lo kumaeg n̄umado dan irin̄ani geig a. ²² N̄ai tinig lo kumaeg n̄umado wo tap, n̄ai Anut in̄anen urat nuñon anda yak n̄igane wa. Ata mel mok n̄upiliani wo yan n̄ai ta n̄alor̄ na ya. ²³ Mel uraru an n̄ai dupinag go n̄umado da. N̄ai bubeg ibol, n̄ai tan n̄ubiseip Kristus da mumado wa. An ilasa tap, an mel aenta fidian irin̄anaip uyanan mok a. ²⁴ Gug n̄ai tinig lo tan na n̄umado dop man, n̄ai an̄ ka n̄ubinawan̄ a, agod n̄aisag ilo sou lo an an̄ o uyanan a. ²⁵ Fun an nin̄en o n̄ai ta n̄amat na wan ilog lo rumok da. An lo igo n̄alor̄ ak, n̄ai n̄umado dop, an̄ n̄ubinawan̄ pe, ilom lo rumok amam da uyasusai san dal ari dop na wa, an lo mel ta an̄ ibiatuanan̄ san tia ya. ²⁶ Agop n̄ai fon mi an̄ sin̄irem na n̄au dop an lo, an̄ n̄ai aliag pe an̄anem yousai Jesus Kristus lo yan isudap an̄ lo awan isa wa.

²⁷ Muruan dugo ilasa tap, an̄ an̄anem turen̄ kagin apani uyanan a, kagin naok a bilalun̄ uyan ak Kristus nin̄en o yan̄an tubun ak ipani san idaisuda yan, kagin amaiak mi agane wa. An lo dop gidad, n̄ai an̄sam na n̄upalup n̄ilian̄ ak boi, tia, n̄ai naog tia dop awam n̄alor̄ bo man, an̄ nin̄emi wo n̄ai n̄alor̄ ak, an̄ ilom kisaek mi lo atur sakar da. Ilom kankan kisaek lo atumanip dabai agane wa, an lo ilo rumok a bilalun̄ uyan ak igane ilasa dan tamolpein bubed lo ilasap yen a. ²⁸ Agod dal ta lo ager adi urer ta dupanan̄ na wa. Kagin a agane dan lo mel en kuai te ilasa ya: Anut murnap ipitin̄inai ak ago ikubiai dile da, gug an̄anem kagin an̄ nin̄emi wo ago ta ibol na da, tia, Anut an̄ patum ipasi wan ago ibol go alor̄ da. ²⁹ Man dugo, Anut bar uyan ak ta ipanan̄ a. An man an̄ Kristus o ilom lo rumok a. An mi tia, an̄ dam in̄ damon lo madai asini wa, bar an dam ipanan̄ a. ³⁰ Fun an nin̄en o, ager a gubak mi n̄ai lo ilasa dugo ale ya, agod ager an gamugo itout an san ru dam alor̄ a, aria, ager naon kisaek an mi an̄ lo dam ilasag yen da.

2

Kristus sen yabi idu yak ago mi sem ibian adu

¹ Dugo, Kristus an̄ lo imado dan dabai ipanan̄ i? Dugo, in̄san ilo panek an̄ maror ipanan̄ i? Dugo, Awan Urgun an̄ lo yen dan akubiani dop in̄ da sisem ator di? Dugo, an̄ tamol aenta nin̄edi wo amat dop ilom imun̄anai di? ² Mel an nin̄edi wo an̄ awok abol tap, n̄ai mel taida agane wo n̄amat da. An̄ ilom kisaek dop, nug nin̄en o tubun mi amat a. Ago dop bubem atumanip ur kisaek lo, agod kankan kisaek lo mi urat agane wa. An̄ ago agane dop lo n̄aisag yousai an aganep tubun geig ilasa wa. ³ An̄ yan̄ak tubun ak an̄ane wo n̄ai-n̄ai kagin ta agane na wa, agod taida mi, an̄ kulob fun tia yak lo sem yan̄am ta abisa na wa. Mel ta agane wo dan san fun, sesunoi kagin an lo ilasa wo dan gidad amoi. Tia, an̄ sem ibian̄ adup aenta an̄ dirin̄anan̄ ak ago eil a. ⁴ An̄ an̄siganem madok mi kagin apani wo ago ta agane na wa. Tia, an̄ aenta dam sad madok kagin apani wa.

⁵ An̄ igo agane wa. Jesus Kristus ilo sou dugo igane dak, an̄ dam nek ago mi ilo sou agane wa.

⁶ In̄sen man Anut mok igo imado dugo, in̄ Anut da tou kisaek dumado na ya. Ago bo man yan̄an lak na geig an yabi sakar o kankan ta igane na ya. ⁷ Tia, in̄sen yabi idug biabi n̄ilanj̄al tamol igo ilasa ya. In̄ tamol kawan tan en san igo ipalu ya. ⁸ In̄ tan san tamol mok imado ya, an lo in̄sen yabi idu geig a. In̄ Anut awan iri panig mel fidian ibol ago mi igane ya, in̄ ago igane yang aigim fo dubalig maten̄ ile ya. ⁹ Fun an nin̄en o Anut in̄ yabisag lak na geig isuda ya, agog yan̄ak tubun geig an yan̄ak aenta fidian irin̄anai an ipani a. ¹⁰ An nin̄en o saen yan̄ak Jesus dupate dop man, mel fidian turud disaluwi wa, did lo, tan na agod tan paen na dam ago digane wa. ¹¹ Ago dop awak fidian kuai tem Jesus Kristus in̄ Tubun ak ago dubol ilasa wa. An lo man kulob en Bai Anut yan̄ak tubun ak ipani wa.

An̄ patui ago aban̄ isapudade wa

¹² N̄ai turag muroug, fun an nin̄en o, an̄ man n̄ai malag lo n̄aine g awag pempem aganuri da. Nek ago mi gamu dam gidad n̄ai naog tia bo man, kagin naok naok a Anut an̄ lo iganeg dilasa yan, nen maeg mi lo ari yau o ago agane wa. Arut bubuli

dan lo ago agane, man dugo, kagin naok an man, patu pasek a Anut ipanaŋ dan san nuŋon mok a. ¹³ Man dugo, Anut inŋen mi aŋ bubem lo urat igane da, ago dop an lo mel dugon in ilon ibol dan ago aŋ dam ilom ibol a, an lo dop in ilon dugo yen dan aganurip kagin an mi agane wa.

¹⁴ Anŋsam madok ilon lo urat biabi fidian agane dop aŋsem nugnug lo aŋurŋur dop nug apei amoi. ¹⁵ Ago agane tap man aenta aŋanem kagin dile yan lo in ru amad tia wa, agod aŋ ilom lo suŋuŋek tia, ago ka amado wa. Aŋ Anut nanun muroun teb amam tia yak igo, tamolpein a inŋsad turen gidigheid dutor dugo sad ilod ikubili an luluŋad lo atur da. Aŋ man ibol patui igo tan en lo aban asapudade dak igo woŋ amado da, ¹⁶ ago dugo aŋ tamolpein naod na, ru a kumaen ka ipidinai an diŋanep diabi wo abal ilasa dugo dile da. An lo dop Kristus san nal idu dan te ŋai se pitiano i ru igo ka ŋabol a, ŋaisag maspalu yan, agod ŋaisag urat dam nuŋon igane ya. ¹⁷ Urat e aŋanem ilo rumok lo ilasag Anut agane pani dan ibol alta igo woŋ a. Agod ŋaisag dar man ibol wain alta fo duwatik ak igo ya.* In ŋaisag dar an alta fo duwatik idu tap, gidad, ŋai an niŋen o ilog uyan a, agod ŋai aŋ da sisem uyasusai lo mi tumado wa. ¹⁸ Agod ŋai ilog ibol dak aŋ dam ilo uyan lo mi ŋai da sisem uyasusai lo mi tumado wa.

Timoti in Epafrodaitas da ŋaisag urat kisaek

¹⁹ Jesus Tubun en ilon ibol tap, ŋai Timoti aŋsam na ririan ŋigane ipalu wa. In aŋsam awam aban an inane imul a, ago dop an lo ŋai ilog yabisa wa. ²⁰ Etna talpein ta in igo mi ak ŋile man tia ya. In sen kisaek kagin nuŋon ak lo aŋ niŋemi wo ilo sou igane da. ²¹ Tamol aenta man sed ibinawai o mi dumat da, agod in Jesus Kristus dibinawi man in dumoi da. ²² Gug aŋ alon ak Timoti inŋen ikubiai tile yak in tamol uyan a. Man dugo, in nek ibol awa yabek nanuk ta taman da urat digane dak igo woŋ, ŋai siŋireg na bilaluŋ uyan ak san urat an migane se ya. ²³ Fun an niŋen o milaen tiap aŋsam na ŋigane ipalu wa. Ak man gamu ŋai dugo diginiag ak boi, an malag ŋiganep ŋile gup a.

²⁴ ŋai ilog ibol dak, Tubun en sen ŋai ilog lo kankan igo ipanag dak, milaen tiap ŋaisag aŋsam na ŋupalu wa.

²⁵ Ak man gidad ŋai teig Epafrodaitas, aŋsam na ririan ŋigane imul ak man uyan a. In ŋaisag urat kisaek, agod in ŋai da sisem yu tamol. In dam aŋsam urat pinein igo adinig ŋai ibinawag o ipalu ya. ²⁶ In aŋ fidian ilian o ilon tubun mi yen da. Agod in subam ifuni an san ru alon a, an lo aŋ niŋemi wo ilon saian a. ²⁷ Rumok, in subam dabai ak inane imat sikalik a. Ak man Anut ilon imuŋanig ibinawi a. Anut ŋai dam ilon ipanag a, man dugo, in ta dugo imat mok ak man ŋai ilo muruan gubak mi an da itumanip muruan tubun mok ŋisini wa. ²⁸ Fun an niŋen o, ŋai ŋidinip aŋsam na ipalu wo ilog tubun mi yen da. An niŋen o saen in ale dop aŋ ilom uyan a, ago dop man ŋai an niŋen o ilog tubun mi ta muruan na wa. ²⁹ Ak niŋen o saen in aŋsam na ipalu dop, aŋ yousai lo mi aŋanep ayuŋani. Tamol naok ago yak yaŋan abisa wa. ³⁰ Man dugo, in Kristus san urat igane an lo imat sikalik a. In aŋ naomi inane ŋai ibinawag o igane yau an lo inŋsan kumaen ibisei sikalik a.

3

Tinid suŋulon dutute yak san kagin ibinawad san tia ya

¹ ŋai teig taog, ŋaisag ru wadan igo ya. Tubun ak lo uyam isusa wa. Ru nek en mi ilo sou ipanaŋ san ŋigire wo ilog ta isali na da. Agod nek an dag ibunawan a. ² Tamol goun kasik on kagin saiak digane dugo tinid suŋulon ditute dan, niŋedi wo kagin agane wa. ³ Man dugo, tamol a tinidi suŋulon tutek mok san, an man Juda adi tia ya, tia, an id ilo rumok adi idsed mi a. Id man Awan Urgun lo Anut san ubou tile da, agod Jesus Kristus niŋen o sed ipitianad da. Ago dugo id idsad tini ganei an mel ta idsed tinid san lo ta tigane na da. ⁴ ŋai ŋaisag tini ganei an tinig suŋulon dutute yan san kagin fo ta ŋigane na da. Ak man ŋai tinig san mel ibinawag a, ilog ago ka isou wa, man dugo, fun wei kasik dien da. Amaiak niŋen o, tamol sen ak ta inanen tinin san mel niŋen

* **2:17:** An inanen maten san mitilaen mi a.

o sen yanjan yabisa tap, naj dam nek ago mi ka njigane wa, agod naj in njirinani geig a. Man dugo, kududom agure: ⁵ Naj tinag iginiagsig nal eit (8) numadog tinig sunulon dutute ya. Naj Isrel tamolpein sad dar lo njilasa ya, Benjamin san gugoi lo, agod naj Hibru tamol mok Hibru sad dar lo njilasa ya. Kubiaen njinen o naj Farisi numado da. ⁶ Naj ilog dabai aman da yak njinen o, naj ilo rumok adi sad midaen lo muruan tubun ak njupidinai se ya. Agod kagin itaot ak kubiaen lo ilasa dan njinen o, aenta naj ninjeg o ru amad tia ya.

⁷ Ak man naj Kristus njalon uyan san njinen o gamu njaineg urat naon dugo njijane yan igo njile dak man, mel an kawan ak igo naj ilog isou da. ⁸ Rumok, naj malag lo urat naon an fidian man mel ideg ak igo won njabol da. Man dugo, naj Jesus Kristus njaineg Tubun en njalon uyanan mok ak, an san nunon man mel a fidian nunod tia yan irinjanai pasik a. In o naj mel fidian dideg diau an njeil a, agod mel an metmet igo njabol da, ago dop an lo naj Kristus njianep nabi wa. ⁹ An lo naj in lo numado dak ago dile wa. Naj njaisag fug itaot man kubiaen wagen lo tia ya, tia, naj Kristus ilog lo rumok an wagen lo mi a. Anut insen mi idsad ilo rumok an lo ilod itaot igane ilasa da. ¹⁰ Naj melmel an nunod tia yak metmet igo njabol da, ago dop an lo naj in ka njalon uyan a, agod inanan imasa san dabai dam ka njalon a. Agod in muruan isini ak ago naj dam njisinip, an lo in imat ak ago naj dam mi wa. ¹¹ An lo dop, naj idaisuda tap, naj dam in da mamat a. An lo dop idaisuda tap, naj tamolpein a matej lo dumasap fon kumaen dumado da wan dida mumasa da wa.

Pol dabai nam imaspalug kob fo itaot yau da

¹² Naj mel an fidian ta njijane na ya, agod naj tinig bubeg da gamugo itaot ilasa da. Ago gug kagin an nabi sakar o dabai njigane se ya, man dugo, fun amaiak njinen o Jesus Kristus naj ibiag sakar da. ¹³ Naj teig taog, naj mel en njigane itout ak ago ta njabol da. Ak man naj mel kisaek gamu njigane den man igo ya, njaineg madok wagam a patug na yan ilog injaon pe mel a naog na yan mi leil

njupani dop dabai njiganep njijane wo njau da. ¹⁴ Naj maeg njiganep Anut in Jesus Kristus lo igiag pe lak na njau njaisag ilo uyan san kob an njijane wo numaspalu da.

¹⁵ Tamolpein a id lulunad lo ilod lo rumok dabai an ilo sou ago digane wa. An aenta mel ta njinen o kankan sensen amam da ator tap, Anut inanan ilon yen dan kuai te igane ilasap ikubiai pana a. ¹⁶ Gug gidad, mel malan te yak man igo ya, id fidian mi kagin uyanan gubak mi tileg tinjane yak, nek an mi tabi sakar pe tumado yau a.

Aigim san ager

¹⁷ Teig taog, an njaisag turen atutunanip amado wa. Tamol a nek man igo dutor dan leil apidinai a, man dugo, in aigim san ager ta dumado na da. ¹⁸ Naj imug mi njurupaian ago mi fon gamu dam malag turon idu dugo njurupaian da. Tamolpein wei mi in ilod lo rumok ak dubol dan inaned kagin naok naok lo man Kristus anen aigim san ager dumado da. ¹⁹ Inaned wadan man daon mi a. Inaned tubud man tinjaed mi a. Kagin a njinen sed yanad diabisa san nek an inaned miai mi a. Inaned kankan lo tan en san melmel njinen o mi ilo sou digane da. ²⁰ Gug id man kumaen panu san tamolpein mok a. Ante patud ipasi san Tubun ak Jesus Kristus imul ipalu o malan tigane da. ²¹ In iganep idsad tinid tan en san dabai an tia yan ibileksap, insinan tinin kumaen panu san girager aman da ago mi ak ipanad a. In idaisuda dop mel fidian idiraig in paen na dumado yan, an san dabai lo id tinid ibileksap girager panu san tinik tinjane wa.

4

¹ An njinen o, naj teig taog, dal amaiak lo an gamu Tubun en lo atur sakar a. An njaisag turag muroug, naj an njinemi wo njamat da, njilian o ilog yen da, an njaisag yousai san fun, agod njaineg urat naon san nunon.

Ru kagin

² Naj Yuodia in Sintaki da nug asued amaiak amoi o njusumianan da. An ilom kisaek mi wa, man dugo, an Tubun ak lo amado da. ³ Awo, on dam, njaisag turag uyanan

urat sisem tigane da, naj igo nsumiano, on pein uraru an binawai a. Man dugo, naj ru uyanan nfulale na yan lo, in naj dida nug mupinig urat migane se ya. Agod Klement in naisag urat kisaek aenta dida yanad kumaen san buk lo yen la yan, urat nek ago mi nug mupinig migane se ya.

⁴ An Tubun ak lo pempem uyam isusa wa. Naj fon mi nabol da, uyam isusa! ⁵ An kagin mos na mi agane dan agane kuai te ilasap, tamol fidian ka dile wa. Tubun en in sumeik ipanad la ya. ⁶ An melmel o ilom ta gidigidad na wa, tia, mel fidian ninen o Anut mi asumiani wa. Mel fidian ninen gudanek agane dan, ananem ru an Anut arupeip ilon a, agod ilo uyan ru dam arupep wa. ⁷ Agod Anut san maror a idsad manau fidian irinani geig dan, ananem bubem kankan da Jesus Kristus lo dumui igo ibalgiranana a.

⁸ Teig taog, ru wadan igo nurupaiana da. En ata mel rumok, uyanan, itaot ak, ikok, sinakan, kududod lo uyanan, kagin uyan ak aenta, mel aenta yanad tabisa san, an ninen o mi an ilom igire wa. ⁹ An naisag na manau anane da, an naisag na mel asini da, an naisag ru alon da, an naisag turen dugo nator dan ale da. Aria, an dam nek ago agane wa, ago tap maror san Anut an da amado wa.

Pol Filipai tamolpein ilo uyan ipidinai da

¹⁰ An saen milaen mi yau itout dugug, gamu fon naj o ilom isou da. An ninen o naj Anut ilog tubun mi uyan nupani da. Rumok, an pempem naj abinawag o ilom yen da, gug saen milaen mok an dal ta ale man tia ya. ¹¹ Naj mel ta lo katukag ak ninen o mel apanag o ta nanurnur na da. Tia, naisag abeg dugon lo numado dan, naj ilo uyan lo numado da. ¹² Naj mel tia kawan numadog tinig ilon a, agod naj mel amag da numado yak dam tinig ilon a. Awo, naj anan amag da wak, tia, anan amag tia wak, naj numatigen ak, tia, luag ipuk ak, melmel fidian lo naj an kagin nupanig, nalon uyan a. ¹³ Enti in naj dabi ipanag dan lo naj mel fidian ka nigane san idaisuda ya.

¹⁴ Gug, an naj da sisem naisag muruan e tisini en lo, an ilom apanag an uyanan a. ¹⁵ Agod an Filipai tamolpein ansem alon

ak, saen naj fun niganeg Tubud ru nfulaleg Masedonia nubiseig nau an midaen taida naj moni lo dibinawag man tia ya, tia, ansem mi naj abinawag a. ¹⁶ Agod saen naj Tesalonaika na numado yan, an moni naisag na agane ipalu se ya. ¹⁷ Naj ru igo nabol dop lo an moni taida apanag o ta njidalel na da. Tia, naj ru e nabol den lo ananem kagin uyanan a nunon ifu an lo, an sam gubun naj tinig lo yen den ilasap tubun dop Anut ikubune wa. ¹⁸ Mel an agane ipalug Epafrodaitas inaneg naj ipanag a, an lo gamu naj mel ta lo katuk amag san tia ya. An lou kawan ak da aganeg ipalu yan lo naj idaisudag numado da. Lou an Anut malan lo man uyanan a. An nek ibol yai mumalun uyanan ak, Anut ilo uyan ipani igo won da. ¹⁹ Agod naineg Anut in an mel ta lo katukam mi dop in sen mi idaisudap ipanana a. In san filian girager panu lo yen dan Jesus Kristus banin lo binawek an anane wa. ²⁰ Id pempem idsad Tamad Anut mi yanana tabisap lak na yau a. Rumok.

Ru wadan

²¹ An man gun adi fidian Jesus Kristus lo dumado dan ilo uyan apidinai a. Naj teig taog, naj dida mumado den an sam na ilo uyan ru en digane ipalu da. ²² Anut anen tamolpein gun ak etna Rom na dumado den an sam na ilo uyan ru dupanana a, agod aenta a Kaisa san ab lo urat digane dan in dam malmalan mi ilo uyan ru dupanana da. ²³ Tubun ak Jesus Kristus inanen ilo panek ananem ur da itumanip kisaek mi amado wa.

Kolosi

¹⁻² Nai Pol, Anut sen nai ipilianag go, Jesus Kristus san aposel nilasa ya. Nai an, Anut anen tamolpein a Kolosi na amado dan, sam na girek en niganen ipalu da. Id teid Timoti in nai da girek en migire da. An Kristus da atumanig lo gun alasa ya. Agod gamu Kristus mi awan ari apanig amado da. Nai igo nugudani dak, Anut idaned Tamad san ilo panek, agod ilo maror dam, an sam na ilasa dop yen a.

Madok uyan an lo Anut ilo uyan tupani wa

³ Saen fidian man Anut idsad Tubun ak Jesus Kristus san Taman mugudani dan, gadin an lo an ninemi wo musumiani da, agod ilo uyan ru mupani da. ⁴ Man dugo, man gubak mi ru en malon a, an Jesus Kristus o ilom rumok da, agod inanen tamolpein fidian ilom apidina da. ⁵ Ananem ilo rumok san naon, Anut ikibine la ya, agog kumaen panu lo iganeg yen da. An naon an anane wo mala nouk amado da. Mala nouk an lo, an tinim ilon lo ananem ilo rumok, agod tamolpein fidian ninedi wo amat san kagin dilasag tubun a. Gubak mi ru rumok ak an sam na ipalug alon a. Ru rumok en man bilalun uyan ak a Anut san tamolpein dufulale da. Bilalun uyan an lo, ru mel uyan uyan ak a an o kumaen panu lo yen dan ninen o alon a. ⁶ Tan fidian lo bilalun uyan en iganeg nunon ifu da, agod ru en ifufurak go panu panu lo yau da. Nek ago mi, an lulanam lo kagin naon kisaek an mi yen da, saen imug mi an ru an alon go, Anut san ilo panek an alon fufeig ipalug gamu en, ru an ifufurak go tamolpein wei mi sad na yau dugo nunon ifu da. ⁷ Epafra ru an alon uyanan san manau ipitenanan a. In man mansama urat kisaek, agod in ninen o tubun mi mamat da. In man naoma inaneg Kristus san urat kagin ipani uyanan da. ⁸ Insen an, Awan Urgan bubem yabisa dugo, lo tamolpein aenta ninedi wo amat dan, ibol go malon a.

⁹ Fun an ninen o, saen man ru an ninemi wo malon go ipalug gamu en, man an ninemi wo Anut mugudani panan da.

Man sama gadin lo Anut musumiani panan dak igo ya. An Anut ilon dugo ibol dan alon fufeig wa, agod Awan Urgan lo, an kankan milaen ak, agod manau dam an fidian tinim inane fute wa. ¹⁰ In an ibinawan pe, kagin uyan ak lo ator amado wa, an lo dop tamolpein ananem kagin dile dop igo dubol, "tamolpein an inaned Tubun ak san tamolpein dilasa san idaisuda mok a." Taida mi, dal fidian lo, Anut san ilo uyan an o tubun mi yen o, urat wagai agane wa. Urat uyan ak fidian lo nunon agane wa, agod nal fidian ananem manau Anut ninen o yan isap tubun a. ¹¹ Anut san dabai tubun geig a, an ninen o man dam, in mugudani dop in san dabai tubun an fidian ipanan a, ago dop, an lo an dabai mok a. An lo dop muruan dugo yak fidian an lo dilasa bo man, an atur dabai pe, yaes ta ifunan na wa, agod yousai amam da, ilo uyan ru idaned Tamad apani wa. ¹² In an idaisuda mi ipanan an lo man, an dam naon a inanen tamolpein gun ak murnap dinane wan lo atutou wa. Naon an gamu inanen kagin panek aben lilaman anda yak, ante yen da. Agod inanen patu pasek anane yan lo, naon an anane san an idaisuda mok a. ¹³ Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig injiliag go taug Nanun a ninen o imat dan, inanen kagin panek aben lo tiladu ya. ¹⁴ Nanun an lo idad injiliad go, idsad aupasek fidian isuas panad a.

Kristus in Anut anen tutunanek tamol moka

¹⁵ Anut Nanun man Anut a id malad nam tile san tia yan san mitilaen imado da, inanen mitilaen nunon mok a. In Anut anen nanun matu, agod mel fidian a Anut idiri an taman imado da. ¹⁶ Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a malad nam teil san, agod mel a malad nam tile san tia yan dam fidian idiri a. Mel a malad nam tile san tia man, enel adi, tubud adi, tan keit tuon adi, agod ur naon funfun dabai amad da ya. Awo, rumok, Anut in Nanun banin lo mel fidian idiri a, agod in ninen o

mel an idiri a. ¹⁷ Mel fidian gamugo dilasa dugo, in imug mi imado ya. In lo mel fidian inaned abek abek atem dumado dugo, nug lo dututou da. ¹⁸ In mi midaen gurman, agod midaen man in san tinin. In mi mel fidian Anut idiraig dilasa yan sad malan te ya, in imug mi matej lo kumaen imasa ya, an lo man in mel fidian irinanai geig go, lak na isuda yaug imasi a. An lo gamu in mi mel fidian sad malan te ya. ¹⁹ Man dugo, Anut sen inanen bunun an fidian, Nanun aman da wo ilon yen a. ²⁰ Nanun lo mi Anut mel a tan na dumado dan, agod a kumaen panu lo yan dam, fidian iniliaip inanen muroun muroun igo wonj sinjiren na dumul pe dupalu wa. An fidian in san ager onj ago mi dumado san tia ya, man dugo, inanen Nanun san dar aigim fo iwatik an lo maror iganeg ilasa ya.

²¹ Anj imug Anut lo siai aganeg ator se ya, anj tamol asau ak igo wonj, Anut malan patun fo amado ator se ya. Anjanem kankan lo man, Anut san ager amado se ya, man dugo, anjanem kagin naok naok a agane se yan saian geig a. ²² Ak man Kristus tinin tan en san an imat a. An lo gamu Anut an naom yabig in san turan mok alasa ya. An lo dop in injian pe in naon na igunanj dop, an in malan lo gun ak, nun amam tia yak, agod talpein kot ipananj san tia yak, ago atur a. ²³ Ak man an kulob ago ilasa wo urat amam da ya. Anjanem ilo rumok abitudanip yau a. Nek ibol kadanj duguni dabai go ibuk ila iso san tia yak igo atur dabai a. Agod tamol ta an naom yabip, anjanem mala nouk a bilalunj uyan ak igane ilasa dan, ante asuk amul amoi. Bilalunj uyan en gubak mi alonj dugo, ru nek emaiak Anut san urat tamol adi aben fidian lo dubol ilasa se ya. Agod naj Pol, bilalunj uyan emaiak san urat tamol njilasag njumado da.

Urat a Pol Kristus san midaen ninjedi wo igane se ya

²⁴ Naj madai, agod muruan a anj ninjemi wo njisini se yan ninjen o uyag isusa da, agod naj tinig madai dupani dan lo, Kristus tinin madai dupani amaiak san wadan njigane itout a. Kristus tinin man inanen midaen, agod midaen an njibinawai wo, ilo uyan lo muruan an fidian njisini da. ²⁵ Anut naj

ipilianag go, inanen midaen en san urat tamol njilasa ya. Njaisag urat man, Anut san ru an fidian anj njurupaianj pe alonj a, ru ta kisaek njabituan san tia ya. ²⁶ Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en inanen tamolpein gun ak kuai tem irupidaig dulonj a. ²⁷ Ru mianuk en girager andag awan isa. Agod Anut ilon yen ak igo, ru mianuk en kuai ipanig inanen tamolpein gun ak banid lo igane ya, an lo tamolpein tan fidian lo dumado dan, dulonj uyan dop, ru en san girager tubun ak ka dile wa. Ru mianuk girager anda yak man nek en: Kristus anj tinim ilon lo imado da. Agod kulob an nunon man, murnap anj kumaen a girager anda yan anjane wa. An anj o ilasa wak ninjen o mala nouk amado da.

²⁸ Man ru Kristus ninjen o yan tamolpein murupidai dulonj da. Man tamolpein fidian ru kagin murupidai dugo, kankan milaen ak lo manjau mupitenjanai da. Man iloma man, tamolpein fidian minjiliaip, dida Anut naon na maup, itaot adi Kristus lo yak igo mugunaip dutur a. ²⁹ Naj mel an ilasa san ninjen o urat wagai njigane da. Dabai tubun geig ak a Kristus naj ilog lo igane ilasa dugo, ilog lo urat tubun mi isini dan, an nunon igane wo maeg njigane da.

2

Pol ilon man midaen Kristus dulonj uyanan mok a

¹ Naj anj ninjemi wo, tamolpein a taun Laodasia na dumado dan dam ninjedi wo, agod a fidian naog ta dile na yan dam ninjedi wo, njubunawanj o maeg njigane dan, alonj uyanan ak ago ilog ibol da. ² Naj ilog man, naj anj in dida ilom njabisap, ilom dabai amam da amado wa, agod ilo panek lo atumanip kisaek a. Ago dop an lo anj in dida manjau milaen mok an ilom lo ilasap yen a. An lo dop Anut san ru mianuk an alonj pasik a. Ru mianuk a talonj san uyanan man Kristus in sen. ³ In tinin ilon lo, Anut gubak mi mel fidian naod lak na geig ak manjau san, agod kankan milaen ak san dam, imianaig dimianuk go dien da. ⁴ Naj ru ago njurupaianj dan lo, talpein ta ilo njanek ru nam irawanj

san tia ya. ⁵ Man dugo, gidad an lulunam lo n̄ai naog tia ya, ago bo man n̄aineg ur lo mi n̄ai an da tumado da. Ago dugo ananem ilo rumok Kristus lo yan, an nug aganuri dugo atur dabai da, an n̄ai n̄ile dugo ilog bulbal da.

Id Kristus tiganuri dan lo id afon kubiaen san urat tamol tilasa san tia ya

⁶ Fun an ninen o, an Jesus Kristus ananeg ananem Tubun ak ilasa yan ninen o, in aganurip sisem ator a. ⁷ An aganep ananem dabim Kristus lo dudu diau geig a. Agod nek ibol ab ta diabig dabai anda itur dak ago won, an dam Kristus lo dabai amam da atur a. Nek ibol imug Epafras ipitejanan ak ago, ananem ilo rumok an dabai apani wa. Taida mi, an Anut ilo uyan ru apani san kagin an ilom lo awan isa wa.

⁸ Kagin agane, kabelan talpein ta tamol sad manau lo inijen, ago dop ru bulbal inijen dan lo, ilom inane dop ru sewak an san subanek tamol alasa banau. Talpein kulob ago digane dan, in tubud baged sad na kagin dugo dijaneyan, agod tan en san tan tubud adi sad kagin digam an diri na ya. Ilo sou naok ago yan Kristus san tia ya.

⁹ Man dugo, Anut san bunun fidian an Kristus tinin inanefute ya. ¹⁰ Agod inanen kumaen an ananeg, an ilom inanefute ya. Kristus mi malan te ya, in mi mel fidian sad gurman imado da, agod tubud sewak adi a tamolpein sad madok ditirni dan irinjanai geig a. ¹¹ Nek ibol Juda adi tinid sunulon tutek san mulun lo dudu dak ago won, an Kristus da atumanig kisaek alasa yan lo, ananem bunum wagam ak aupasek san an atuteg abibol yau a. Tinik sunulon tutek naok emaiak tamol banid nam ta digane na ya, tia, kulob an Kristus tuon lo mi ilasa da. ¹² Saen an Kris lo suguek anane yan, an Kristus da sisem amat go tan lo disirian a. Agog Anut an Kristus da sisem ibiansag fon kumaem amasag amado da. An an Anut san dabai urat isini dan ninen ilom rumok an lo ago ilasa ya, man dugo, Anut Kristus maten lo yabisag in fon kumaen imasa da yan alon la ya.

¹³ Gubak mi an gob mi a, an aupasek kagin lo ator dugo, Juda sad mulun lo adu man tia ya. An ninen o an n̄utumi

imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipanan go an lo ananem n̄utumi dam kumaen dilasa ya. Agod idaned aupasek fidian isuas yau a. ¹⁴ Gubak mi Moses san kubiaen an, ager igane panad go ibiad tadu se ya. Kubiaen an san ru kagin wei mi a, in nek ibol pepa roun ta an fufo gubun fidian a tinid lo dien dan digire yak ago won a, agod id gubun an fidian tukubune wo ta idaisuda na ya. Ak man Kristus gubun an fidian itute ya, in pepa roun an inaneg isini yaug, in san aigim fo ibali a. ¹⁵ Inanen maten aigim fo yan lo, tubud adi tuon anda yak, agod ur saiak fidian a tamolpein ditirnai dan, inaned dabai igane itout a. Nek ibol yu gurman ta yu igane itout go, in san ager ta dumat na yan banid ifoug, in patun fo malak malak iraug diau dak ago won, Kristus in san maten lo yu iganeg itout go, mel fidian a dabai ad da yan ibiai dudu go, malak malak miai ipidinai a.

¹⁶ Fun an ninen o talpein ta an kulob igo yak agane wo ibol da: an mel dugo ani aluk dan, soubul agane dan, kalam foun ilasa yak san mugurun agane dan, tia, Sabat nal ninen o yaes abal dan, ago ibol tap, an awan ta abi na wa. Talpein ta melmel naok an ninedi wo an bitinaek lo idiran dop, an amoi a. ¹⁷ Kagin naok ago yak man, melmel rumok a murnap dupalu an sad mitilaedi mi a, ak man mel a rumok an igo yen la ya, an Kristus sen. ¹⁸ Talpein enti sewak kagin lo sen yabi idu dugo, enel adi sad ubou leil igane dan ninen o kagin agane wa. Talpein naok an patum apani wa, kabelan ananem naon uyanan an irinjanan banau. In n̄jonamin lo manau senamo geig ak inane dak ago ibol da, an ninen o sen ipitiani da. In an naom iguri wo ru dabai anda ru kagin irupaian da, ak man ninen an fun an tia ya. Man dugo, in san se pitiano i kagin an lo mi inijen da, agod inanen kankan an tan en san tamolpein dugo ilod isou dak ago mi iri da. ¹⁹ Talpein naok ago yan idaned gurman Kristus an yabipitili a. An ninen o in Kristus tinin ibiseig yaug patun fo ilasa ya. Kristus mi in sinanen tinin san gurman, agod tinin anen boi an fidian itirnai da. In

lo, tinin san im, tinin san boi aenta fidian disatunaig nug diabi dan lo italbusi da, ago dop Anut ilon yen dak ago mi tinin fidian isap dabai a.

²⁰ An Kristus da sisem amat a, an lo man an ka tan en san tubud kititik abisawaip kawan ator a. Fun an ninjen o, ata wo an tan en san tamol amado dak on, sem idiran go tan en san tamol kagin wei mok an paed na amado dak i? ²¹ Tamol kagin an igo dubol, “An mel an ta abi na wa.” Tia dubol, “An anan an ta ani ale na wa.” Tia dubol, “An mel en ta asupuri na wa.” ²² Melmel e ninjedi wo nabol den, ata mel tani taluk o boi, an id ka saen kisaek mi urat tipidinai wa, ago gup dideg diau a. Mel geg niganag an nunon an tia ya, man dugo, ru kagin naok ago yak san fun mok man, ru kagin sensen ak agod pitejanek funfun a tan en san tamol mi durupaiaid se ya. ²³ Rumok, ru kagin naok ago yan tamolpein aenta sad leil lo kankan milaen ak anda yak manon a. Man dugo, ru kagin an diri dupani dan lo kagin naok igo dilasa da: in ubou leil digane wo sed isodudunai da, in sed ibiai dudu da, (ak man kagin an sewak a,) agod insed tinid dufu da. Ak man kagin naok naok ago yan inaned tini masai diabituanisan in dabai ad tia ya.

3

Idsad madok gun ak san kagin

¹ An Kristus da sisem Anut ibian sa ya. An ninjen o an ananem mala nouk an melmel a lak na dien dan fo agane wa. Aben an ate Kristus in Anut banin won ak lo imado da. ² Nal fidian pe an tan en san melmel an mi ninjedi wo ilo sou ta agane na wa, tia, kumaen panu san melmel amaiak mi ilo sou an agane wa. ³ Man dugo, on umat la ya, agod gamu onane madok mok ak imianuk Kristus da dumado da, agod on an ule san tia ya, man dugo, Anut mi kagin an igane da. ⁴ Kristus insen mi man onane madok mok a. Amaiak ninjen o saen in fon tan na walal isi dan, on dam in da sisem girager amam da walal asi wa.

⁵ An ninjen o tan en san kulob saian saian agane dan asare. An jeit kagin ta agane na wak, ilo isou saian saian dam ta agane

na wa. An pein ninjedi wo malam ta isi na wak, an ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an man nek ibol an tubud sewak adi ubou ad ale dak igo won a. ⁶ Tamolpein kagin naok naok ago yan digane dan lo man, Anut san tinjae mumarek ipalu da. ⁷ Gubak mi an dam, kagin naok naok ago yan lo ator dugo, ilo sou sisaiak ananem ulum yabi se ya. ⁸ Ak man kagin naok igo yak patum apani: wagai kagin, tinjae saiak kagin, nug ule saian san kagin, agod uf ru. An ru nun ak awam lo ta ilasa na wa. ⁹ An nug ta arawi na wa, man dugo, an ananem bunum wagam ak, agod kagin a bunum wagam ak igane se yan fidian apasi la ya, ¹⁰ agod ananem bunum foun ak anane ya. Anut gamu urat igane dan lo ilom ibileksap manau foun ak anane da. An lo Enti a an foun idiran alasa yan, an lo igo igane da, nek ibol insen imado dak, an dam ago mi alasa da. ¹¹ Fun an lo na id foud tilasa yan lulu ad lo tarpalek man tia ya. Grik in Juda dadi, tamol a tinid sunulon dutute yan, a tinid sunulon ta dutute na yan, tamol asau ak, tia, tamol kasik yu gidigheid digane dak, tamol urat bigabeg ak, tia, tamol kawan imado dan, an fidian kisaek a. Gamu Kristus mi malan te ya, man dugo, in tamol naok an fidian ilod lo imado da.

¹² Fun an ninjen o, an gamu Anut anen pilianek tamolpein a, an gun amado dugo in ninjemi wo tubun mi imat da. An ninjen o nek ibol tamol ta kulos injal go tinin fo idiri dak igo won, kagin en aburoup kulos on nam tinim abuluwi wa: ilo mujanek, ilo panek, sem ibian adu san kagin, mos kagin, agod muruan asini san kagin. ¹³ Nug ale saian amoi dop, muruan dugo yak an nugnug lo yen dan, an anen anen apare idu dop, nek ibol Tubun en ananem aupasek isuas panan ak igo won, an dam nug san aupasek asuas a. ¹⁴ Agod kagin a kagin aenta fidian irinainai dan man, an nug ninjen o amat a, nek an mi a. Nek ibol let ta, an sam kulos aenta ibiai sakar dak igo won, nug ninjen o amat ak san kagin an, in kagin aenta fidian ifou dop an lo sisem urat disini uyanan a.

¹⁵ Kristus san maror an an ulum am yabi wa, ago dop an pilianek agane wo uyan a. Man dugo, Anut an igian go tinik kisaek mi ak alasa ya, an ninen o Anut an fidian maror lo amado wo irupaian a. ¹⁶ Ru a Kristus ninen o alon an ananep bubem ilon lo aganep idaisuda wa. An bubem lo ru an urat isini wa. Kankan milaen ak nam nug apitenani dop nug ru kagin arupei wa. Isrel kanam bar an abi, kanam bar aenta dam abi, Awan Urgun bar ikubiai panan an dam abi; ilom bubem tinim fidian lo Anut ninen bar abi wa. An ago agane dop Anut ilo uyan apani wa. ¹⁷ An ru dugo abol dan, kagin dugo agane dan dam, an fidian Tubun en Jesus yan an lo mi agane wa. In yan an lo mi Bai Anut ilo uyan ru arupei.

Nug muroun sad ru kagin sensen ak

¹⁸ Pein, ananem tamol awad paen na amado wa, man dugo, kagin an mi Anut malan lo itaot a. ¹⁹ Tamol, ananem pein ninedi wo amat a, agod ru saian nam ta apidai na wa. ²⁰ Nanuk, ananem tinam tamam mel dugo agane wo dubol tap, in awad kagin apani. Man dugo, kagin naok ago yan, agane dop lo Anut ilo uyan apani wa. ²¹ Tinan taman, an nanuk pempem muruan ta apidinai na wa, kabelan in ilod saian panan pe, kagin uyan ak digane wan dumoi banau. ²² Urat bigabeg adi, ananem tamam a kagin dupanan dan, mel ta dugo agane wo dubol tap, an pempem awad ari apani wa. In dilian o, tia, in ilod ananep dipitianan o ago agane amoi. Tia, in malad patun fo bo man, Anut o mi arer dop, tamol nunom ago won, insad urat itaot aganep ilasa wa. ²³ An mel dugo agane dan, ilom nutum nunon amam da agane wa. Man dugo, an tamol sad urat ta agane na da, tia, an Tubun en san urat agane da. ²⁴ Fun an ninen o, an mel en alon uyan ak, Tubun en an dam mel uyanan a Anut san tamolpein ipidinai o iganeg yen dan, ananem urat naon igo won ipanan a. Tamol nek a insan urat agane dan man Tubun ak Kristus insen mi. ²⁵ Alon uyan ak, talpein enti igane saian dan, insinan kagin saian an naon ka inane wa. Gidad on urat bigabeg, on urat bigabeg taman, naon panek kagin

a Anut igane dan kisaek a, man dugo, insan leil lo man, id fidian tou kisaek mi a.

4

¹ On urat bigabeg taman, an kagin itaot ak lo, agod kagin uyan ak lo dam, ananem urat bigabeg adi kagin apidinai a. Man dugo, an alon ak, an dam tamam am da ya, in kumaen panu na imado da.

Ru kagin aenta

² An saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa. ³ Agod saen an Anut agudani dop, man o dam ilom isou panama wa. Anut asumiani dop, inanen ru mianuk Kristus ninen o yan mabol ilasa san in ka dalawan ipasi panama wa. Nai gubak mi ru mianuk an tamolpein nfulale pidinai se ya. Fun an ninen o nai dusubanag go sein nam nieg banig dufoug subanek ab lo numado da. ⁴ Anut asumiani dop nai ibinawag pe inanen ru en fun kuai tem nabol ilasap, tamolpein dulon uyan a. Ago nigane dop man uyan a. ⁵ Saen an tamolpein ensauta a an sam midaen patun fo dumado dan luljad lo amado man, an ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta ananem ilo rumok ka afulale pidinai dop man, ananem ilo rumok afulale pidinai a. ⁶ Saen fidian an ilo uyan san ru, agod ru kududod bulbal san an mi anijen a. Ago dop lo talpein ta sumiaek igane tap, an ilo sou uyan ak lo mi sumiaek awan abi dop, lo tamolpein fidian dulon uyanan a.

Pol turan muroun ilo uyan ru digane ipaluya

⁷ Tikikas in nai kulob dugo nigane na yan ka ibol alon a. In man teima Kristus lo yan ninen o mamat da, Tubun en san urat lo in naisag urat kisaek, agod man ka in Tubun en san urat igane uyanan o tinima migane pani wa. ⁸ Nai in an sam na nigane yau da. An fun man, in man dugo mumado den san fun fidian ibol alon a, ago dop an ilom pasai ibol a. ⁹ Onesimus in da an sam na sisem diau da. In tamol Kris ak ilasa ya, agod man ninen o tubun mi mamat da. Gamu in

dam anjanem midaen san tamol kisaek a. In urarum mel fidian etna ilasa dan ka dubol alon a.

¹⁰ Aristakas, in dam subanek ab lo da mumado yan anjam na ilo uyan ru igane ipalu da. Mak dam an ilo uyan ru irupaian da, in Barnabas nukol. An Mak ninen o ru kagin anane la ya. In anjam na ipalu tap, anjanep kagin apani wa. ¹¹ Agod Jesus, in yan anenta Jastas dubol dan dam anjam na ilo uyan ru igane ipalu da. Naisag urat kisaek adi a Anut san kagin panek o urat digane dan, lulunad lo tamol utol en mi Juda tamol a. In nai dubunawag go ilog pasai ibol a. ¹² Epafras, in dam anjam tamol kisaek a, agod ilo uyan ru irupaian da. In Jesus Kristus san urat tamol mok a. Insan gadin lo an ninemi wo urat wagai igane dugo, Anut igo isumiani da: Anut ilon dugo ibol dak alon uyan pe, tinim nutum fidian lo ari apani wa, agod an mel ta ninen o, ta katuk amam na wa, an lo dop anjanem ilo rumok Kristus lo yan dabai a. ¹³ Nai naiseg nurupaian da, in an ibinawan o urat wagai igane da, agod ilo rumok adi Laodosia na yan, Hirapolis na yan dam ninedi wo urat wagai igane da. ¹⁴ Mansam turama mok, Luk, in a dokta tamol amaiak, Dimas da anjam na ilo uyan ru digane ipalu da. ¹⁵ Nai naog anjanep ilo uyan ru, ilo rumok adi Laodosia na dumado dan arupidai. Nimfa, agod midaen a insan ab lo dutumani dan dam, naisag ilo uyan ru arupidai.

¹⁶ Girek en asutip ale gup murna Laodosia midaen sad na agane yaup, in dam dusuti dop dulon a. Nek ago mi an dam girek taida an Laodosia midaen sad nag ipalu yan asutip ale wa.

¹⁷ Akipas arupe, "Tubun ak inananen urat gane wo dipiliano yan urat wagai ganep, gane yau itout a."

¹⁸ Nai Pol, naiseg banig mok nam ru wadan en ngire da. Nai ilo uyan ru nurupaian da. An nai subanek lo numado dan, ilom ta inanon na wa. Nai nugudani da, Anut inananen ilo panek an da ka amado wa.

1 Tesalonaika

¹ Pol, Sailas agod Timoti ago girek migire yen anj Kris midaenj Tesalonaika na yan sam na yau da. Anj id Tamad Anut inj Tubun ak Jesus da sisem amado da. Anut san ilo uyan maror da ka anj lo yen yau a.

Tesalonaika tamolpein sad ilo rumok aenta dabai ipidinai da

² Pempem manj anj ninemi wo Anut ilo uyan mupani dak, saen fidian ibinawanj o mugudani da. ³ Anjsam ilo rumok an kagin uyan ak anj lo igane ilasa da. Anj nug ninen o amat agog urat dabai mok nug abinawi san agane da. Anj dam anjanem tini ganei idsad Tubun ak Jesus Kristus lo yan ninen o kagin an iginianj go muruan naok fidian lo atur dabai da. Ago tag manj anjsam kagin an ninen o id Tamad Anut ru murupej wo iloma ta isali na da.

⁴ Teig muroug, manj malonj ak, Anut buben ipananj go ipiliananj a. ⁵ Man dugo, saen manj anjsam na mupalug malama mok nam abanj mile ya, ru uyanan mufulale man ru kawan ago tia ya. Tia geig, manj Anut san dabai anj lo mile agog Awan Urgun dam anj lulunjam log injsan ru ilom tubun mi isue ya. Manj tamol dugo yak, agod anj ninemi wo manjsama kagin anj lulunjam lo migane se yan anj alonj uyanan a. ⁶ Anj manjsama kagin agod Tubun ak san kagin da agam go ari a. Gidad muruan tubun mok anjsam na ilasa se yak man Awan Urgun anj ibiansag anj ilo uyan da isuda geig a. Kagin ago yan lo manjsama bilalunj anjane ya. ⁷ Fidian anjsam kagin dulonj a. An lo ilo rumok tamolpein Masedonia nag Akaia na dam, gamu anjanem kagin dututunjanj da. ⁸ Anj ru afulale yan lo, bilalunj a Tubun ak ninen o yan, nek ibol dou san lilijan yau dak igo wonj ifufurak yau a. Ru an Masedonia nag Akaia na mi ta yau na ya, tia, aben fidian injane ya. Anj Anut ninen o ilom rumok dan fidian dulonj pasik a. An ninen o manjsama ru ta anj ninemi wo mabol san urat amama tia ya. ⁹ Tia, injsed mi anjsam mala parek naok dugo yak apanama yan ninen dinjinej ilasa da. Anj bui adi

sad tubudi lo adansag, Anut mi ilom apani a. An lo gamu Anut e rumok di kisaek o lian en paen na amado dugo, injsan urat tamolpein mok alasa yak, an ninen o dinjinej da. ¹⁰ Ago dugo anj, Anut san Nanun Jesus, kumaen panu ibiseip imul o dan ninen o malam aganeg amado den, an ninen o dam dinjinej da. Inj gubak mi imat go Anut matenj aben lo ipasi injane ya. Anut san tinjane mumarek murna ilasap lo tamolpein daonj ipidinai a, ak man Jesus matenj log imasa yan lo, id ilo rumok tamolpein daonj an lo patud ipasi wa.

2

Pol san urat Tesalonaika na ya

¹ Teig muroug, anjsem alonj a, wagam anjsam na mupalu man manjsama urat kawan ta yau na ya. ² Inug mi Filipai na man, manj tinima malan dusueg ilo madai minjane man anj alonj a. Ak man idsad Anut manj bubema dabai ipani an lo, manj dabai minjaneg injsan bilalunj uyan an anjsam na mufulale se ya. Manj ager tamol adi dida nug mabi midiri se yak man ninedi wo ta marer se na ya. ³ Manj anjsam na ru minjinej den, manj mufurfig ru mabol an ta muri na da. Taida mi, manj kankan saian ak mianuk lo yen dan lo ta mabol na da, ago dugo anj mirawanj o ta migane na da. ⁴ Tia, nek ibol tamol a Anut injsan bilalunj uyan ak banid lo igane wo awok ipidinai ak igo wonj, manj tamol naok ago mi injsan ru minjinej ilasa da. Manj tamol ilod minjane wo ta migane na da, tia, Anut ilo uyan mupani wo urat migane da. Inj manjsama bubema ibitinae da, ago yak ninen o inj ilonj uyan ak manj sewak ru ta mabol na ya. ⁵ Anj alonj ak, saen manj anj lulunjam lo mumado se yan, manjsama ru lo anj ilom ta minjane na ya, tia geig a. Agod Anut dam ilonj ak, manj mala bulbal san kagin minjaneg, manjsama kagin uyan uyan ak paen na mumiani wo ago ta migane na ya. ⁶ Ago dugo, manj tamol yanak tubun minjane san urat ta migane na ya. Anj malam lo, agod aenta malad lo dam tia ya.

Rumok, manj Kristus san bilalunj tamol mumado da. Ago yan lo manj iloma ibol ak man, anj manjsama yanama asini wo musumiananj dop sema ilobol lo muruan

mupanaŋ san niŋen o maŋ idaisuda ya. ⁷ Ak man saen maŋ aŋ da tumado se yan, maŋ kagin mos anda migane se ya, nek ibol pein iŋanen nanuk kagin ipani dak igo woŋ a. ⁸ Maŋ aŋ niŋemi o mamat saian a, an niŋen o maŋ Anut san bilaluŋ uyan ak mupanaŋ o an iloma lo tubun mi bulbal a, an mi tia ya, tia, maŋsema tinima aŋ lo mabituanani san tia ya. Man ata wo? Aŋ maŋsama turama mok alasa ya. ⁹ Teig muroug, saen maŋ Anut san bilaluŋ uyan ak aŋ luluŋam lo mufulale se man, maŋ urat dabai mok migane yan aŋ ilom isou. Tidom ad urat migane se yan lo maŋ muruan ta kisaek mupanaŋ man tia ya. Man dugo, tamol ta maŋ kagin ipanama san urat mupani san niŋen o iloma ta ibol na ya.

¹⁰ Saen maŋ aŋ ilo rumok adi luluŋam lo mator dan maŋsama kagin gun, agod itaot, aupasek aman tia yak, an aŋ ale ya. Anut dam ago mi a. ¹¹ Aŋ alon a, maŋ kagin dugo aŋ kisaek kisaek lo migane dan, nek ibol nanuk adi tamad kagin ipidinai dak ago mi a. ¹² Maŋ tan suek ru mupanaŋ dugo, ilo maror san ru murupaiaŋ se ya. Ago dugo aŋanem madok tan en lo man, Anut enti aŋ igiaŋ go iŋanen girager alep iŋsan kagin panek aben lo aladup fom idaisuda san niŋen o musurnaŋ se ya.

¹³ Taida mi, maŋ nal fidian Anut an niŋemi wo ilo uyan ru mupani da. Ata wo? Gubak mi saen aŋ Anut san ru maŋ awama lo aŋane yan, ibol tamol sad ru oŋ ta aŋane na ya, tia, ibol Anut sen awan igo woŋ aŋane ya. Rumok, ru an Anut san, an lo aŋ Anut san ru igo woŋ ru an aŋane ya. Ago dugo gamu ru an aŋ ilo rumok adi bubem ilon lo urat igane da. ¹⁴ Teig muroug, aŋ nek ibol Kris midaeŋ Judea na dumado dak oŋ alasa ya. In Kristus Jesus niŋen o ilod rumok dugo in lo dumado da. Aria, nek ibol in Juda banid lo madai diŋane na yak ago mi, aŋ dam siŋanem Tesalonaika tamolpein gob ak banid lo ago aŋane ya. ¹⁵ Juda tamolpein in wagam mi profet adi dufu dumat se ya, agog Tubun ak Jesus dam dufuni imat a, agog gamu maŋ dam dukudamag mau a. In Anut tiŋae saiak dupani oŋ se ya, ago dugo in tamolpein fidian dil saian da. ¹⁶ Man dugo,

in maŋsama dal dufutani wo maeg digane da, an lo maŋ tamolpein Juda adi tia yak sad na ru mufulale san tia ya. In Anut gob adi patud ipasip iniliai san dumoi da. Dal an lo in pempem aupasek digane dugo sad aupasek tubun geig ilasa ya. Ak man gamu Anut sen yabituani san tiag an lo iŋsan tiŋae mumarek iŋsad na igane ilasa ya.

Pol fon Tesalonaika tamolpein yil o da

¹⁷ Teig muroug, saen katukan mi maŋ aŋsam na dukudama, agog maŋ nanuk tinan taman an tia yak mumado woŋ se ya. Rumok maŋ aŋ naomi ta mile na ya, ak man bubema aŋ lo yen da. An lo maŋ urat dabai mok naom mile wo dal aban mabi da, ago dugo bubema tubun mok naom mile wo itata da. ¹⁸ Ago yan lo maŋ aŋsam na mupalu wo migane se ya, ŋai Pol nal wei mok ŋibitinae se ya. Ak man Satan maŋ naoma dal ifou se ya. ¹⁹ Murna gup, saen idsad Tubun ak Jesus tan na imul dop id naon na tatur an, maŋsama mala nouk dugo i? Ago dop maŋ ata mel niŋen o yousai migane wak i? Ago dop maŋsama urat naon miŋane wan dugo i? An nek aŋsem mi a. ²⁰ Rumok nuŋon, aŋsem mi maŋsama girager, agod maŋsama yousai dam mi a.

3

¹ An niŋen o maŋ malama taida migane san tia ya. An lo maŋ uraru mi Atens na mumado wo iloma isou a. ² Agog maŋ id teid Timoti mi midinig aŋsam na ipalu ya. In bilaluŋ uyan ak Kristus niŋen o yan ibol ilasa san urat lo, in Anut san urat kisaek a. Ago yan lo maŋ migane, aŋanem ilo rumok lo dabai ipanaŋ o aŋsam na ipalu ya. ³ Maŋ iloma igo yen, iŋsan tan suek ru lo, talpein ta aŋ luluŋam lo muruan madai da asini dan niŋen o ilon idu dop ta isuk imul na wa. Aŋ alon uyanan la yak, Anut id muruan nek an tisini wo wagam mi ipilianad a. ⁴ Rumok gubak mi saen maŋ aŋ da tumado man, ru en murupaiaŋ se ya, murna gup tan en san tamolpein id tinid dusue dutare wa. Agog aŋsem malam nam ale dugo kagin an nek ago aŋsam na ilasa se ya. ⁵ ŋai aŋ niŋemi wo ilo weiwei ag da ŋumado se ya. Kitek milaen go ŋai ilo maror amag tia ya, an lo Timoti ŋidinig aŋsam ilo

rumok niñen o yen dabai boi, tia boi, an kuai ipani wo anşam na ipalu ya. Nşaisag rirek man, ur saiak ilo nşanek san ta ilom inşaneg mañsama urat an kawan a.

Timoti san urat Pol Sailas da dabai ipidinai a

⁶ Aria Timoti, an ibisawan go gamu geig mañsama na ilasag, agog ru uyanan ak irupaiaama ya. Anşanem ilom rumok, agod an tamolpein niñedi wo amat dan niñen o ru irupaiaamag malon a. Agog fon ibol, an pempem mañ niñema wo ilom isou dak, niñema wo bubem uyan da. Agog irupaiaamag an mañ aliama wo amat da, nek ibol mañ an milian o mamat dak ago mi a. ⁷ Fun an lo, teig muroug, gidad mañ muruan naok wei mi misini dan bo, saen anşam ilo rumok niñen o ru malon man, bubema imasa, agog iloma maror anda mumado ya. ⁸ Amaiak niñen o gamu mañ ilo maror da ka mumado wa, man dugo, an Tubun ak lo atur sakar da. ⁹ Mañ an niñemi wo idsad Anut malan lo iloma uyan mok da. An niñen o mañ dugo migane wak i? Ilo uyan dugo mok miganep Anut naon mupani wak i? Mañ ta idaisuda geig na ya. ¹⁰ Tidom ad mañ urat dabai mok naom mile wo mumosiai on da. Ago dop anşanem ilo rumok an mel ta lo katukan dop man, mañ mel an ka mupanan pe anşanem ilo rumok idaisuda mi geig ilasa wa.

¹¹ Gamu nşai idsad Bai Anut, idsad Tubun ak Jesus ida igo nşusumianai da, dalawan dupasi gup anşam na mupalu wa. ¹² Tubud en ilo muñanek san kagin anua geig ak iganep, anşam na isuda wa. Ago dop an ka nug niñen o amat dop teim taomi ilom apidinai ak, tamol fidian dam mi, nek ibol mañ iloma mupanan dak ago mi a. ¹³ Nşai Anut nşusumiani da, an bubem nşutum ka dabai inşane wa. An lo dop, saen idsad Tubun ak Jesus, inşanen gun adi dida dumul dupalup, an idsad Bai Anut naon na atur an, an gun amado dop inş an niñemi wo ru aman tia wa. Mel an fidian Bai nşugudani dak iganep dilasa panan a.

4

Kagin a Anut malan lo uyanan a

¹ Teig muroug, gubak mi mañ an kagin dugo aganep lo Anut ilo uyan apani wan niñen o ru kagin murupaian la ya. Ago dugo an mañ awama abig gamu kagin an lo mi amado da. Gamu Tubun ak Jesus lo, mañ an musumianan dugo mususujanan da, an aganep kagin nek an an lulunam lo dabai apanip tubun ilasa wa. ² An ru kagin an fidian Tubun ak Jesus wagen lo mupanan an alon pasik a.

³ Anut san ilon man igo ya, inş iginian pe gun amado wak, an jeit kagin patum apani wak, ⁴ an kisaek kisaek dam alon uyan pe tinimi atirni wa. Ago dop saen pein anşal dop kagin gun ak mi ari wak, agod kagin naok a tamolpein uyan dubol dan dam ari wa. ⁵ An nek ibol gob adi bubed gidigheid imasa dop jeit digane wo ilod irae dak ago ta agane na wa. Tamolpein an Anut ta dulon na ya. ⁶ Jeit kagin niñen o nşabol da, on tei tao lo aupasek ta gane na wa. Nug nşanek lo, agod dam on tei san iwon ta ugam na wa. Ago dugo onşane tei tinik san kagin lo dabai an tia yan ule dop man, gidad inşan madok pitiñini wo ta gane na wa. Mañ kagin naok ago yan fidian niñedi wo ru kagin igo murupaian la ya, Tubun en inşen tamolpein ensauta a aupasek naok ago yan digane dan naon muruan geig ak ipidinai a. Ago yan lo afon murupaian da, kagin agane. ⁷ Man dugo, Anut id kagin dugo dugo nun ipanad dan tiri wo ta igiad na ya, tia, madok gun ak lo mi tumado tator o igiad a. ⁸ Ak niñen o tamol ta ru en patun ipani ak man, inş tamol mi patun ta ipani na da. Tia, inş Anut enti a Awan Urgun ipanan dan patun ipani da.

⁹ An teim muroumi ilom apidinai san kagin niñen o man, nşai anşam na ru ta nşigire san tia, man dugo, Anut kagin an niñen o ipiteñanan la ya. ¹⁰ Rumok, an teim muroumi aben fidian Masedonia na yan ilom apidinai da. Ak man teig muroug, mañ ru dabai murupaian da, kagin ago agane dan niñen ilom ta isali na wa, tia, kagin an dabai apanip tubun geig a.

¹¹ Ilo isou dabai mok agane dop ate na pasak nam amado wa. Aenta sad niñen o kabunşam ta aduduni ator na wa. Siñanem banimi mok lo urat agane dop amado wa,

nek gubak mi murupaian ago mi a. Urat tia kawan amado dop Tubun en imul san atitiani man kagin saian a. ¹² Dal an lo tamolpein Kris tia yan anjam kagin uyan an dilep yanam diabisa wa. Agod dam, an tamolpein aenta mel ta lo dibinawan o tinim apidinai san urat amam tia wa.

Tubun en imul da wa

¹³ Aria teig muroug, an anjan man man mamoi a. Ilo rumok tamolpein dumat la yan, ninedi wo tamolpein ilo rumok ad tia yak igo won ilomi ta itata na wa. In tubun mok ditata da, man dugo, saen insigane mok ta imat den afon naon ta dile na wak ago ilod isou da. Tamolpein an Tubun ak lo mala nouk amad tia ya. ¹⁴ Ak man id Jesus imat go imasa da yan ninen o ilod rumok a, ago yak ninen o id talon a, Anut san dabai lo gup Kris tamolpein dumat la yan injal pe Jesus da dumul da wa. ¹⁵ Man itaot Tubun ak awan lo malon agog gamu an murupaian da. Saen Tubun ak tan en lo imul dop id tamolpein kumaen tumado den, dumat la yan naod na id ta tamug na wa. ¹⁶ Tia, Tubun ak awan tubun mi ru kagin isasaip, enel gurman dam iwagin dop, Anut san barag diwip tubun mi ibob gup, Tubun ak inen kumaen panu ibiseip idu wa. Ago dop tamolpein ensauta a Jesus lo ilod rumok go dumat la yan imug dimasa wa. ¹⁷ Saen an lo id insan tamolpein kumaen tumado dan, Tubun en injiliad pe keit lo tamolpein imug dumat la yan dida tusudap, lak na Tubun en da timtaen titinaem tutumani wa. An lo id Tubun en da pem-pem tumado wa. ¹⁸ Ak ninen o an teim muroumi ru en lo ilod dabai apani a.

5

Tubun ak imul ipalu wak o kagin tigane dop tumado wa

¹ Teig muroug, saen dugo boi, nal dugo boi, mel en ilasa san, man girek ta migirep murupaian san tia ya. ² Ansem alon la yak, Tubun ak san nal man id talon san tia ya, nek ibol gumagam tamol tidom ilasa dak ago mi nal an ilasa wa. ³ Saen ilasa dop tamolpein igo dubol a, “Gamu en maror san saen a. Id ka tumado uyan a. Ager ta tarer san tile dak tia geig a.” Ak man saen

an lo dop mel ta daon ipidinai san an insad na ilasa kisaek on a. Nek ibol pein nanuk digansi wo madai dinane dak ago mi won a. An lo tamolpein in nal an san muruan dirinani san tia wa.

⁴ Ak man teig muroug an tidom lo ta amado na da, an lo nal en anjam na gumagam on ta ilasa na wa, tia geig a. ⁵ An fidian tamol ilalan san agod ad san, id tidom, tidom tubun da san tia ya. ⁶ An ninen o kabelan taen banau, ibol tamol aenta won. Gidad malad ipuk pe ilo isou amad da kagin tigane dop tumado wa. ⁷ Id talon a, tamol non san tidom lo dien da, agod lukluk san tamol, in tidom lo mi diluk da. ⁸ Ak man id tamol ago tia ya. Tia, id ad san tamolpein tumado da. Ak ninen o idsad madok an kagin tupani wa. Id ilo rumok tinanep ilo munanek da dumui on tigane wa. Idsad titianek man, mala nouk a Anut injiliad san an yu san katkat kabunad lo tukudi wak ago mi a. ⁹ Anut insan tinanep mumarek tinane wo ta ipilianad na ya. Tia, id ipilianad man, id idsad Tubun ak Jesus Kristus lo mi patu pasek tinane wo ipilianad a. ¹⁰ Gubak mi in imat go ate id ibinawad san. Ago yak ninen o id kumaen tumado boi, tia tamat la tap, id in da kumaen tumado wa. ¹¹ Ago yak ninen o an kisaek kisaek an ru uyanan lo teim muroumi ru arupidai dop, nug buben dabai apani wa. Nek gamu agane dak ago mi a.

Ru wadan

¹² Teig muroug, man ru en murupaian da. An tamol lulanam lo urat digane den paed na amado wa. Ru kagin dupanan an ninen yanad abisa wak kududom dam agure wa. Man dugo, Tubun ak in ipilianaig anjam gurman dilasa ya. ¹³ Ago yak ninen o ilom apidinai a, yanad dam lak na mok abisa wa, fun dugo, urat a digane dan ninen o ago agane wa. An dam anek anek atem maror nug lo apanip amado wa. ¹⁴ Teig muroug, saen tamol ta urat igane wo ilon isali tap, dal an saian ak ago ru kagin arupej wa. Tamol a buben irer dan dabai apani wa, agod tamol a insan ilo rumok dabai amad tia yan abiai sakar a, kabelan dideg diau banau. Nug kagin

apani wo ilom ta isali na wa. Maŋ kagin ago agane wo mususunanaŋ da. ¹⁵ Nug ale wo uyanan a, saen tamol ta aenta lo muruan igane tap tamol muruan isini an naon ta igane na wa. Nug kagin apani wak niŋen o maeg agane wa, agod tamolpein a ta Kris na yan dam kagin apidinai a.

¹⁶⁻¹⁷ Aŋ pempem ilom uyan dop, pempem aguduani wa. ¹⁸ Aŋ ata mel uyan boi, saian boi, ilasa dop pempem Anut ilo uyan apani wa. Man dugo, aŋ Jesus Kristus san tamolpein tap ago agane wo Anut ilon ago ibol da.

¹⁹ Aŋ Urgun san yai tinimi ilon lo ta agane imat na wa. ²⁰ Profet ta iŋ Anut san awan iŋanep niŋeŋ an ibol ilasa dop man, aŋ ru an ru kawan ak ago ilom ta isou na wa. ²¹ Tia, aŋ mel fidian abitinae gup, mel uyan ak mi abituani wa. ²² Agod kagin dugo dugo saian ak agane san man amoi a.

²³ Anut sen mi iŋ maror san fun. Inŋen mi iganep aŋ ka gun alasa pasik a. Agod iŋ ka aŋsam ur, ŋutumi agod tinimi tan en san kagin ipidinai a. An lo saen Tubun en Jesus Kristus imul ipalu wak aŋ uyanan geig amado wak tinim aupasek an tia ya.

²⁴ Anut aŋ igiaŋ a, inŋen pempem mi siganen ru iganuri da, ago yan lo ru dugo ibol ak ago mi, mel an igane ilasa wa.

²⁵ Teig muroug aŋ Anut san na aguduani dop iŋ maŋ ibinawama wa. ²⁶ Aŋ teim taom Kris ak fidian musuk gun ak apidinai a. ²⁷ Nai ru dabai en Tubun en yaŋan lo ŋabol da, girek en tumanek lo fidian naod na asuti ilasap duloŋ a.

²⁸ Tubun en Jesus Kristus san ilo maror ka aŋ da amado wa.

2 Tesalonaika

¹ Nai Pol, Sailas agod Timoti, girek e migire yen anj Kris midaen a Tesalonaika na yan anjam na migane ipalu da. Anj Anut idsad Tamad in Tubun ak Jesus Kristus da, sisem amado da. ² Anut idsad Tamad agod Tubun ak Jesus Kristus da insad ilo panek agod ilo maror da dupanan a.

Jesus Kristus imul ipalu san ru

³ Nai teig taog, manj pempem anj ninemi wo Anut ilo uyan mupani da. Ago migane dan man uyan a, man dugo, anjam ilo rumok Anut lo man tubun mok ilasa da. Agog nug ninen o amat dan dam tubun geig ilasa onj da. ⁴ An ninen o saen manj Anut san Kris midaen lulunad lo mitililani an, anjanam mabisa se ya. Ata wo? Fun anjam ilo rumok tubun geig, agod anj Tubud san dal lo atur sakar onj da. Aenta madai in misilanek da dupanan pe lo au adu o da, ak man mel an anj patum apani da.

⁵ Kulob a kuai tem ikibiai panad dan man, Anut san bitinaek itaot mok a. Ru e njabol en fun man, muruan wei mi aleg, an lo Anut malan lo in awok ipananj dop, aben a Anut kagin ipanad san an lo aladu wa. Anj aben an san a, aben an lo au ak ninen o anj madai gamu akubiani da. ⁶ Kagin a Anut anj o igane yan nek itaot a. Man dugo, insan ilo sou lo tamolpein a gamu muruan dupananj dan mite gup naon muruan ipidinaip, an lo madai tubun ak dile wan itaot geig a. ⁷ Mel en dam in malan lo itaotan a. In anj muruan a ale dan yaes ipananj a, ago dop anj manj da sisem yaes bilabal lo tiladu wa. Saņeptap saen an ilasa wak i? Saen Jesus insen yai balen tubun ak aman da did panu ibisei dan lo, tinin walal te iganep ilasa wa, agod inanen enel adi dabdabai ak dida dumul dupalu wa. ⁸ Saen an lo, in inanen pani naon insen lo inawai geig ak da imul a. Ago dop tamolpein ensauta a Anut ta dulonj na, agod tamolpein ensauta a bilalun Tubun ak Jesus ninen o ilo rumok adi dufalaleg dulonj gug ta duri na yan dam, naon saian geig ak ifuli ipidinai a. ⁹ Muruan mitep dile wan man, daonj pempem yen yau san, amaiak lo dudu diau a.

Naod dam ifutanip an lo Anut san madok an patun fo dilasa dop, insan dabai girager anda yan ta dile na wa. ¹⁰ Nal an lo, in imul ipalup insan tamolpein gun ak lulunad lo ilasa dop, yanak tubun a girager anda yan inane wa. An lo dop, tamolpein ensauta a ilod lo rumok an malad bulbal pe malad ti ibol pe dile wa. Agod anj dam lulunad lo amado wa. Man dugo, saen manj insan ru mabol ilasa se yan anj ilom lo rumok a.

¹¹ Manj mel an ninen o pempem anj ninemi wo mansama gudanek igo migane da. Anut insen, anj inanen wagin anane wo idaisuda an ninen o idiranj alasa wa. Ago dop insan dabai lo, ilo isou dugo yak agane dan, agod urat a ilo rumok lo ilasa dan dam, an fidian aganep itout a. ¹² Manj ago mugudani dan lo tamolpein aenta anj ninemi wo idsad Tubun ak Jesus yanjan diabisa wa, agod in lo yak ninen anj dam yanjan diabisa wa. An lo ilasa san dal an man ilo panek a idsad Anut agod Tubun ak Jesus Kristus da dupananj dan, nek an mi a.

2

Kubiaen rinanek tamol

¹⁻² Teig taog, idsad Tubun ak Jesus Kristus imul ipalu san, agod id in da sisem tutumani san dam ninen o kudodom agure wa. Aenkadi Tubun ak san Nal ilasa la yan ninen ago dubol da. Profet ru ta boi, tia, mansama girek ta boi, tia, ru tim manj awama lo ilasa ago dubol boi, gidad, ru naok ago yan alonj tap, ilom lo ta rumok na wa. Gidad, manj ru dabai ak lo igo murupaianj den alonj a, ririan arut dop anjanem kankan ta yau imul na wa. ³ Mel an ninen o tamol ta ale funi dop dal ta lo ta irawanj na wa. Tia, nal an ta ilasa na dop, awa bitek san nal imug mi ilasa wa, ago dop kubiaen rinanek tamol dam in walal te ilasa wa. Tamol an man daonj san gib lo idu san mi a. ⁴ Tamol an tamolpein sad anut gidigidad adi fidian sad ager, agod melmel fidian a tubud igo wonj ubou ad dile dan sad ager tamol dam imado da. An lo insen yanjan yabisa dop, inanen madok aben a Anut san ubou ab lo yan inanep, an fo imasip igo ibol a, "ņai mi Anut." ⁵ Anj ilom inajanj boi, saen njai imug anj da tumado

na yan, ñai mel a niñen o ñurupaian se yan dag ilom iñaon i? ⁶ Agod gamu en, mel a tamol an yabituani imul pe walal te ta ilasa na wan an alon uyan a. In ago imado yaup inñan saen fo gup kuai te ilasa wa. ⁷ Man dugo, kubiaen pilalek san dabai en mianuk lo mi tan en lo urat igane la ya. Ak gug, enti in an yabituani imul o ago igane yau dop man, Anut in talpein a dabai saian ak yabituani dan gigin na iganep, an lo dabai saian an ibisei yau a. ⁸ Saen an lo mi kubiaen riñanek tamol an walal te ilasa wa. Ak gug, Tubun ak Jesus inñan Awan Ur nam tamol an mitep ibili idu wa, kumaen panu lo imul ipalu san lilaman girager an nam, daon ipani wa. ⁹ Kubiaen riñanek san tamol an Jesus gamugo imul ipalu dop ilasa wa. Tamol an Satan san tuon lo ipalu wa. Satan tamol an patun fo itur pe ibinawip, an lo dabai awan isa yan lo kulob girager sewak ak, agod kulob tini urer san dam tamolpein naod na idiri ilasa wa. Melmel an Satan san Ru Sewak ak san mi a. ¹⁰ Agod kagin itaot tia yan san rawek naok sensen ak lo, tamolpein a daon panek san dal diri dan irawai mok a. In daon panek dile mok a, man ata wo, ru rumok an niñen o dumat pe an lo Anut patud ipasi wak diñane san o dumoi da. ¹¹ Nek fun an niñen o Anut in tubun mi ilod iduduñanip an lo inñad ilo sou an gidigheid dop Ru Sewak an niñen o ilod lo rumok a. ¹² Agop an lo fidian a ru rumok ak ilod lo ta rumok nag, kagin saiak an dile dugo ilod siñaokan go youd isa dan, bitinaek an lo dutur pe dudu diau geig a.

Atur sakar a

¹³ Teim taoma, man nal fidian an e Anut ilon ipanan den niñemi wo in ilo uyan mu-pani man uyanan a. Man dugo, fun lo mok Anut ipilianan a, ago tag Awan Urgun idiran go gun alasa dan lo, agod ru rumok a ilom lo rumok dan lo dam, patu pasek ale wa. ¹⁴ Kristus san ru anñam na mifulale amaiak lo, Anut an igian an lo patu pasek ipanan a. An lo idsad Tubun ak Jesus Kristus inñan girager amaiak an dam ananep amado wa. ¹⁵ Teim taoma, fun an niñen o atur sakar a. Agod Kris kagin mipiteñanan an, awama lo alon se yan, agod a mañsama

girek lo asuti an dam mi abi sakar pe ari uyanan a.

¹⁶ Anut idsad Bai niñed o imat dugo, inñan ilo panek lo maror bubed lo pempem yen yau san, agod mala nouk mel siñaokan san da ipanad a. Anut nek an idsad Tubun en Jesus Kristus inñen ida ¹⁷ maror bubem lo digane dop, dabai dupanan dan lo urat fidian uyan ak agane wak, agod niñen uyan uyan ak abol ilasa wan dam, an idaisuda geig a.

3

Agudani dop Anut ibinawama wa

¹ Ru wadan, ñai teig taog, man niñema wo agudani wa. Ago dop Anut man ibinawamap inñan ru imaspalup aben fidian lo yau kisaek on a. Anut asumiani dop panu panu asau ak san tamolpein, luluñad lo inñan ru tubun mi inñad leil lo ilasa wa, nek ibol ansem luluñam lo ilasa na yak ago mi a. ² Agod taida mi, an agudani dop tamol saiadi, agod tamol a inñad kagin naok senamo geig ak dida, inñad tuod lo man patuma ipasi wa. Man dugo, tamol fidian in ilo rumok amad tia ya. ³ Alon ak, Tubun en in awa yabek tamol mi a. Amaiak niñen o in an isatuanan a. Agod inñen mi dumui igo, Satan muruan ipanan o igane dop, naon dal ifutani wa. ⁴ Agod Tubun en an niñemi wo mel e rumok en man ikubiai panama ya. Ru kagin dugo gubak mi mupanan an an agane da, agod murna dop nek ago mi agane yau a. ⁵ Nai Anut ñugudani dop Tubun en an dal ikubiai panan a, an lo Anut san ilo panek ka bubem lo yen a, agod nek Kristus itur sakar na yak igo, an dam ka ago agane wa.

Ayalis dan niñen o kagin agane wa

⁶ Man teim taom, Tubun ak Jesus Kristus yanan lo man ru kagin en mupanan da. Teid taod Kris adi ensauta a urat digane wo dumoi go, inñad madok an san piteñanek man awama lo anane yan ta diri dupani na dan, an siñired na ta au na wa. Tamol naok ago yak dam dadi ta ator na wa. ⁷ Man dugo, an ansem mañsama kagin naok dugo won ari apani san alon uyanan a. An ilom isou, saen man an luluñam lo tumado se yan miyalis man tia ya. ⁸ Man aenta

sad anan̄ mani se yan, pempem madad na ya. Rumok geig, mañ nal fidian tidom ad urat migane da. Fun dugo, mañ tamolpein aenta añ luluṅam lo dumado dan mañ kagin dupanama se yan lo muruan mupidinai man mamoi a. ⁹ Rumok geig, mañ tamol yaṅama tubun ak mi a. Amaiak niñen o iloma ibol tap man, mañ ka añ musumianañ dop kagin apanama wa. Gug ago migane wan mamoi a. Man dugo, mañ aṅsam tinanou igo woñ mumado da, an lo aṅsem ale dop maṅsama madok en mi ari wa. ¹⁰ Agod saen imug mi mañ añ da tumado se yan mañ ru e dabai en mupanañ a. “Tamol ta urat igane wo imoi tap, aenta sad anan̄ ta yani na wa.”

¹¹ An niñen o mañ durupaiaama ya, tamolpein kadi urat digane wo dumoig urat ta digane na da. Kawan dutor dop tamolpein aenta sad muruan lo kabuṅad mi disoduduni da. ¹² Tubun ak Jesus Kristus yaṅan lo, mañ tamolpein naok ago yan dutokubol pe urat digane wo mususunañai dop ru dabai mupidinai da. An lo iñ moni diñanep ate iñaned anan̄ ka didad a. ¹³ Agod añ fidian niñemi wo man mañ igo mabol da. Añ kagin uyan ak agane wo ilom ta isali na wa.

¹⁴ Aria, talpein ta ru kubiaen̄ girek en lo migire idu yen ta ilon̄ na tap, talpein an añ ale wo uyan dop ida ta ator na wa. Man dugo, añ ago agane dop man, iñ miai ifuni wa. ¹⁵ Ak man aṅsam ager tamol igo woñ ta agane na wa. Tia, ru dabai ak arupeï dop ru kagin dam apani wa. Nek ibol aṅanem teim mok lo agane dak ago mi agane wa.

Ru wadan

¹⁶ Tubun ak iñsen maror san fun. Iñ nal fidian ka bubem lo maror ipanañ ak, dal funfun lo dam mi a. Anut ka añ fidian da amado wa. ¹⁷ Nai Pol ru wadan ṅaiseg banig mok nam ṅigire ya. Nai girek fidian ṅigire den lo ago ṅigane da. Ata wo, nai banig mok nam girek e ṅigire den lo, tamolpein fidian duloñ man, girek en ṅaisag na mok ipalu ya.

¹⁸ Idsad Tubun ak Jesus Kristus san ilo panek añ fidian da amado.

1 Timoti

¹ Nai Pol, girek en njigire da. Anut sen idsad patud pasek, agod Jesus Kristus in ninjen o mala nouk tumado da. In njai ru kagin dupanag go aposel njilasa ya. ² O Timoti, onsa ilo rumok lo on njaisag nanuk mok a. Girek en onsa na njigane ipalu da. Ak ninjen o Anut idsad Tamad, in Jesus Kristus da sad ilo panek, ilo mujanek, agod ilo maror an lo ka mado wa.

Pitenjanek sewak ak ninjen o kagin gane wa

³ Saen njai Masedonia na njau o ilog yen an, njai on njurupaog Efesus na mado wo ilog yan a. Man dugo, tamolpein aenta pitenjanek sewak digane dan ru dabai nam padau dop dumoi a. ⁴ Rupidaip am wagam ak, agod tubud tamad yanad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi talon a. ⁵ Kubiaen ru an san fun man an ilom imasap ilo panek an lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nunon ak lo ilasa dan ninjen o njabol da. ⁶ Tamolpein aenta kagin uyan an patud dupani an lo kubiaek nunon tia yak digane dugo dal dufurfi da. ⁷ In Anut san ru kubiaen lo girek manau dumado wo ilod ibol da, gug insigane ru dubol dan fun ta dulon na ya. Agod mel a tamolpein dupitenjanai dan sakar digane rumok ak dubol da, ago gug insed man ru an san fun ta dulon na ya.

⁸ Aria, id ago talon ak, kubiaen in man uyan a. Ago yak ninjen o id kagin tupani tap, an uyanan a. ⁹ Id ilod injaon banau, kubiaen niganag an tamolpein uyadi ak sadi tia ya. Tia, an man in tamolpein a kubiaen paen na tia yan, in a inaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a mater digane ilasa dan, ¹⁰ a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo pitenjanek uyan ak san ager yen da. ¹¹ Pitenjanek uyanan e

ninjen o njabol man, ru a njaisag bilalun uyan ak lo ibol an san dal iri a. Anut per panek san in bilalun girager anda yan njai kagin njupani wo banig lo igane ya.

Anut inisan ilo panek Pol ipani a

¹² Nai Jesus Kristus idsad Tubun ak in mi per njupani da. Man dugo, in njai ikubianag go njaisag nao lalek an uyanan ile tag inisan urat biabi ipanag a. ¹³ Inug mi man njai Jesus ninjen o naon njufute na yak, njai inisan tamolpein sad ager tamol numadog njuparfutanai na yak, agod ru saian saian nam njupeig njumisilani na ya. Ak man Anut njai ilon imujanag a. Man dugo, saen an lo njai ta njalon na dugo ilo rumok amag tia yan lo njai kagin ago njigane se ya. ¹⁴ Ago dugo idsad Tubun ak Jesus Kristus inisan ilo mujanek njai ipanag a. Aria, ilo rumok agod ilo panek a Jesus Kristus insen ilon lo yen dan ipanag go njai idaisuda geig a. ¹⁵ Ninjen en rumok a, an lo tinane dop ilod lo rumok a. Jesus Kristus aupasek tamolpein patud ipasi wo tan en lo idu ya. Naiseg man fidian njirinanaig saiag geig a. ¹⁶ Ak man njai inisan ilo mujanek njigane san fun man igo ya. Jesus Kristus in iliad funad on dan san kagin in lo man tubun geig a. An ninjen o njai lo imug inisan ilo mujanek kuai tem ikubiai panag a, an lo tamolpein a ilodi rumok dan lo kumaen pempem san dinane wan, njai insad tinanou igo won njilasa ya. ¹⁷ In man Kinj pempem san. In man malad lo tile san tia yak, agod dam dimirirani san tia ya. Insen Anut rumok ak mi imado da. Ago yak ninjen o pempem in yanjan tabisa dop tipitiani wa. Rumok.

¹⁸⁻¹⁹ O nanug Timoti, gamu kubiaen njai njupano wo da. Kubiaen e njupano den ru a gubak mi profet adi onse nje wo dubol ilasa yan iri pani a. Wagai uyan ak gane wa, onane ilo rumok an wabi sakar a, agod kagin miai an tia yak mi gane wa, fun dugo, onane ilo sou mel ta ninjen o bube ta issue na wa. Tamolpein aenta man saen inaned ilo sou bubedi issue dop, patud dupani da. Kagin an san nunon man igo ya, inaned ilo rumok nek ibol wog gurgor fo dibili isuda yak igo won a. ²⁰ Lulunad lo Himeneus in Aleksanda da kagin ago digane tag njusubanaig Satan banin lo njidirai

diau a. An ago dop afon Anut o ta dubol saian na wa.

2

Ubou leil san kagin

¹ Ago yak ninen o malmalan naj an nususunanan o da, an tamolpein fidian ninedi wo amosiai, gudanek, kagin panek aenta wo sumiaek, agod per panek an agane wa. ² Gurman adi agod tamol malan te yak ninedi wo dam Anut agudani wa. An lo tamol naok an diliad funad on dop, idsad madok igo ilasa wa. Id tamol nunon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa. ³ Kagin an man uyanan a, an lo Anut idaned patud pasek in malan lo man uyanan agod bulbal mok a. ⁴ Ilon yen an lo in tamolpein fidian patud ipasi wa, agod ru rumok ak san manau dinanep in idaisuda wa. ⁵ Man dugo, Anut man insen kisaek mi a, agod tamol kisaek mi in Anut da, agod tamolpein da, sad tamol titinae yak igo imado da. Tamol an in Jesus Kristus mi a. ⁶ Insen tamolpein fidian o in tinin nam naon iganeg id idad an san ru Anut lo yen da, agod inanen saen fom ilasa ya. ⁷ Man ninen o naj bilalun tamol agod aposel iginiag a. An ninen o naj gob adi in ilo rumok nunon mi dinane san ninen o insad girek manau njilasa ya. Nai ru rumok ak mi nabol da, naj seg tinig nam ta nusupale na da. ⁸ Amaiak ninen o ubou leil san saen lo tamol a aben fidian lo dumado dan dumosiai o ilog ibol da. In nug lo tiniae saiak tia wak, agod nug paek dam ta digane na wa. Kagin naok an digane itout gup, in Anut naon na banid gun ak diabisap dumosiai o ago digane wa. ⁹ Aria, naj igo nabol da, pein man bioun nunon mok ak mi didiri wa. Bioun mala sek san ta didiri na wa. Damag a se pitianois san, kululoi, ariy, bioun naod lak tinan an fidian inaned ilo sou lo an mel tubun ak ago dubol a. ¹⁰ Man dugo, bioun dugon a pein adi Anut nanun igo wonj dutor o dubol dan iri panim, an mi didiri wa. ¹¹ Pein man in saen manau dinane dop dutokubol pe tamol fidian paed na dumado wa. ¹² Nai pein nejil fu dop

tamol ta dipitejanai na wa. Anut wagen lo tamol naod ta dirinani na wa, tia, in dutokubol pe dumado wa. ¹³ Man dugo, Anut in Adam imug iwei a. Murna gug Ewa iwei a. ¹⁴ Adam man in imug rawek lo ta idu na ya. Tia, mot in pein irawig aupasek lo idu ya. ¹⁵ Gug pein in Jesus Kristus ninen o ilon lo rumok nunon dop, nal fidian ilo panek lo, madok gun ak lo, agod kagin uyan ak lo imado tap, insan nigin lo Anut ibinawi wa.

3

Midaen sad gurman adi

¹ Ru e dubol den rumok a. Ta in midaen gurman urat ninen o yaes ifuni tap, in urat uyanan ak mi igane wo imat da. ² Midaen gurman man in tamol naok igo ya: aenta in ninen o ru dubol san tia ya, in iwon kisaek mi wak, in lukluk san tamol tia wak, insan kankan milaen mi wak, insan urat lo mel fidian ikubune wak, in kagin panek san tamol, agod girek manau uyanan a. ³ In you sakar ak ninen o tubun mi ta imat na wak, in banin wagai an tia wak, in mos kagin mi igane wak, in tamol maror, agod moni o yaes ta ifuni na wa. ⁴ In insinanen samun an injilais dop itirnai uyanan a, agod nanun mурoun inal pe awan paen na dumado dop dal fidian lo in mi awan diri wa. ⁵ Man dugo, tamol a inanen samun inal pe itirnai uyanan an ta ilon na tap, in Anut san midaen dugo kagin ipani wak i? ⁶ Tamol an man in Kris foun ak tia ya. Kabelan in se pitianois san kagin lo idu banau, ago tap, mitep naon a Satan inane wan ago mi in dam inane wa. ⁷ Agod ta dam, tamolpein a idsad ar patun fo dumado dan in tamol uyanan ak ago dubol a. An tia tap, in ninen o dubol saian dop Satan san dob lo idu wa.

Midaen sad binawek adi

⁸ Tamol a ubou san binawek digane dan ninedi wo dikon tabol dan man, tamol nunon ak mi wa, awad ta raru na wak, lukluk tubun mi ta digane na wak, agod moni ninen o tubun mi ta dumat na wa. ⁹ In ilod lo inaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talon uyan san ta pasauman na yan, an fidian

diabi sakar dop kagin dupani wa. ¹⁰In inug mi dibitiniyai pe bitinaek an lo disasau tap, an mi urat an ka digane wa. ¹¹Binawek pein adi in dam pein nunon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa. ¹²Midaen sad binawek tamol man in iwod kisaek o lian a, ago dop inaned pein nanuk, ditirnai uyanan a. ¹³Binawek tamol ensauta a urat digane uyan dan, in midaen malad lo inaned yanad tubun yen da. Agod in Jesus Kristus ilod lo rumok an ninen dubol o man ta direr na da, kagin an lo in ta katukadi na ya.

¹⁴Nai onsa na kitek an tap nupalu wo ilog isou dugo girek en nigire da. ¹⁵Ak gug naj nupalup njilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tanal an san, on ulon a. Midaen an man in Anut a kumaen imado dak san, agod ru rumok ak san bag tamol igo won a. ¹⁶Id mel en ninen o ilod kisaek ak, idsad ilo rumok ilon lo mel tubun ak pasauman talon san tia yak yen da:

In tamol mok igo ilasag,
Urgun in sen mi walal te tamol itaot ak
ibol ilasag,
enel adi dile dulong go,
tan titin fidian lo dubol go yau,
tan tilianek lo in o ilod lo rumok go,
Anut in aneg in girager anda isida yau
a.

4

Pitejanek sewak

¹Urgun in kuai tem ibol dak man mitep tamolpein aenta in sad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad pitejanek an ninen o mi kududod dugure wa. ²Tamol naok ago yak in bale uraru san kagin lo ru sewak dubol da, man dugo, inaned kankan uyan ak malan dusue ya, nek ibol mumaned yai inanig ipitini igo won a. ³In nug njanek san kagin man geg sakar digane da, agod anan naon aenta dam diani dumoi o durupidai da. Ak man Anut anan an fidian tani wo igane ya. Agod tamolpein a ilod lo rumok dop ru rumok

dulong uyan dan, in Anut o ilo uyan san gudanek digane yan lo anan an ka diani wa. ⁴Man dugo, melmel a fidian Anut igane yan man in uyanan a. Ago yak ninen o mel a fidian tinane dan ninen ilod uyan dop Anut naon na tugudani tap, dugo yak ta tamoi san man tia ya. ⁵Man dugo, Anut san ru in gudanek da lo man anan an gun igane ya.

⁶Ak ninen o on mel an tei tao fidian naod na kubunep fulale dop man, on Jesus Kristus san urat tamol uyanan a. Amaiak lo ilo rumok san ru, agod pitejanek uyan a uri pani dan lo, nek ibol anan uyan ak igo won onse ntu futuwi da. ⁷Ak gug am burau, nunon tia yak a pein busumak adi dupas dan umoi. Agod Anut kagin mi ninen o maeg gane. ⁸Fidian talon ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin ninen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa. ⁹Ru en rumok an lo an ananep abi sakar o uyanan a. ¹⁰Id Anut tinid tigane pani dan lo tau tisasau a. In man tamolpein fidian sad patun pasek a. Agod ensauta a ilod lo rumok nek an mi a. Kagin nek an ninen o urat wagai mok tigane dan man fun nek a.

¹¹Melmel an pitejanai dop ru dabai lo kubiai pidinai. ¹²On pinein damag ak ninen o, on talpein ta ule funi dop ta ibio udu na wa. Tia, ru lo, onsa turen lo, ilo panek lo, ilo rumok lo, agod kagin ikok ak lo dam on inaned tinanou igo won mado wa. ¹³On Anut san ru malak malak suti dan, agod ru fulale dan, girek manau urat an dam kagin panip yau dop naj on sijire na nupalu wa. ¹⁴Saen profet adi ru a dubol an, agod midaen sad gurman adi banid on tini fo digane yan lo, urat san dabai Anut ipano yan on ilo lo yen da. An lo on ta yalis na wa. ¹⁵Mel an kagin pani, an lo tini ntu fidian pani wa. Dal an lo onsa urat nunon ilasa yau on dan tamolpein fidian dile dulong a. ¹⁶On se itirno dop onane pitejanek dam kagin pani wa. Mel uraru en wabi sakar a, man dugo, on ago gane tap, ensauta a onane ru dulong dan, onse

dam dida patu pasek anjane wa.

5

Pein suos inj gurman adi da sad ru kagin

¹ Onj tamol a onsa busumak adi an ta pidai na wa, tia, inj onj tama igo wonj dabai panek ru lo tan suek ru rupidai a. Agod tamol a onsa bakan ak onj an, onj tei murou igo wonj kaginad gane wa. ² Agod pein busumadi man onj tina igo wonj a. Agod pein baras adi man kagin uyan ak fidian lo mi lu murou igo wonj kaginad gane wa. ³ Pein suos a insad muroudi tia yan onj kagin pidinai uyanan a, man dugo, inj suos pein mok a. ⁴ Gug pein suos ta inj nanun boi, tia, tubun muroun boi, aman da tap, inj muroun an inug mi kagin dupani wa. Ago tap, inaned tinad tamad tubudi an inaned kagin dupidinai an naon igo wonj a, man dugo, kagin an inj Anut malan lo uyanan a. ⁵ Pein suos a suos mok imado dan inj sen kisaek mok a. Suos naok an Anut lo inanen ilo rumok yau itutou da. Inj pempem imosiai dop imado da, tidom ad ago Anut san na mi igudani da. ⁶ Ak gug, pein suos a insen ninen o mi ilon isou dop imado dan, kumaen imado bo man imat la ya. ⁷ Ru kagin ago rupidai a. An lo tamolpein aenta insad kagin ninen o ru ta dupidinai wa. ⁸ Gug enti a inj muroun kagin ta ipidinai na dan, inj ilo rumok san dal ibisei a. Talpein naok an man saian mok a. Insan kagin man gob adi sad kagin saian an irinjani geig a.

⁹ En man pein suos sad tom. Pein suos a inj anajar 60 irinjani an, agod inj tamol kisaek san iwon an, ninen o onj suos naok nek an mi inj yanjad gire wa. ¹⁰ Pein suos an inj midaenj malad lo yanjak igo yak da wa. Wagam inj urat uyan uyan ak igane se ya. Inj nanun muroun adi itirnai dugo, ananj melmel tamol gol ak ipidinai na ya. Inj Kris adi njed ifulani dugo, tamolpein muruan amad da yak ibinawai se ya. Onj pein naok ago yak mi yanjan gire wa.

¹¹ Gug pein suos tinid foun an gidad busawai. Man dugo, saen inj Kristus patud dupani man, tamol foun ak dusu wo ilod imasa da. ¹² Insad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane

da. ¹³ Kagin taidam igo digane da. Inj yalis san kagin amad da ya, an lo ab ab dudu disida onj da. An mi tia, tia, tamolpein aenta insiganed mel digane wo dubol dan, inj ninedi wo patud fo paek ru dubol saian da, agod ru a dubol san tia yan dam dubol da. ¹⁴ Amaiak ninen o njai ilog ibol dak man, suos tinid foun ak inj tamol ka dijanane wa, nanuk digansi dop, inaned ab, inaned abed ditirni wa. Agop idsad ager Satan dal ta lo ru saian ipidinai san ta ile na wa. ¹⁵ Ule, aenta dal uyan ak diapiltig, Satan san dal duri da. ¹⁶ Ilo rumok pein ta inanen muroun adi lulunjad lo pein suos aenta dumado tap, insen mi ibinawai a. An lo midaenj inj muruan ta ipani na wa. An lo dop pein suos adi mok, a muroudi tia yan mi kagin ipidinai a.

¹⁷ Midaenj gurman ensauta a midaenj tirnek san urat digane uyanan dan, teil dop inaned naon bugagaru dijanane wo man uyan a. Tamol adi nek a inj ru dufulale dan, agod girek manjau urat digane dan mi ninedi wo njabol da. ¹⁸ Anut ru buk lo yen dak ago ibol, "Saen makau kon nujon irni dop, awan fou umoi." Nek ago mi, "Urat tamol man, inanen urat naon injane mok a." ¹⁹ Tamol ta gurman a kagin saian igane yak ago ibol dan, ninen o kudo ta gure na wa. Ak gug talpein uraru, tia, tamol utol, nug dususunjani tap, insad ru an onj ka ulonj a. ²⁰ Matu gurman adi au dupas dan, fidian malad lo kuai te rupidai a. An lo dop gurman aenta inj dam direr dop aupasek ninen o sen dilasa wa. ²¹ Ulonj, Anut, Jesus Kristus, agod enjel pilianek adi naod na njai kubiaenj en onj njupano da. Onj kubiaenj an fidian uri pani wa. Saen onj kubiaenj an uri dop, talpein enti ninen ilo ta isou na wa, tia, kagin kisaek mi tamolpein fidian pidinai a. ²² Onj ririan mi tamol ta Anut urat igane wo bani tinin fo ta gane na wa. Moi dop insan madok bitinae ule gup a. Onj talpein sen ak san aupasek ta lo ladu na wa. Onjse tini kagin panip, gun mado wa. ²³ Taida mi, you kawan mi ta uluk na wa. Tia, wain kitek dam uluk dop, an lo onsa tinjane ibinawi dop subam wei mi ifuno dan kute ibol a.

²⁴ Tamolpein aenta sad aupasek walal te

yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa. ²⁵ Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

6

Urat bigabeg sad ru kagin

¹ Ensauta a urat bigabeg dumado dan inaned urat gurman awan kagin dupani uyanan a. An lo talpein ta Anut yanjan, agod idsad pitejanek an ninjen o ta ibol saian na wa. ² Urat bigabeg adi a inaned gurman ilo rumok amad da yan, in teid taod igo yak ninjen o awad duparsisali san tia wa. Tia, urat lak na mok digane wa. Man dugo, gurman a insad urat san nunjon dijane dan in ilo rumok adi mok a, ago dop bigabeg adi an inaned gurman o dumat a. On kubaen an pitejanai dop in an lo duri dupani wo duduwai a. ³ Talpein ta pitejanek sen ak tamolpein irupidai dop, ru uyan ak a idsad Tubun ak Jesus Kristus irupaiad an ninjen o, agod pitejanek a Anut kagin iri pani dan ninjen o dam, ilon ta kisaek na tap, ⁴ tamol an in se pitianoi san kagin tinin inane fute ya. In mel ta ilon na ya. Insan kankan subam anda ya, sumiaek naon sensen ak, agod ru lo nug funek san kagin an ninjen o tubun mi imat geig da. Kagin naok ago yak lo mala sek, nug funek, uf ru, turan ninjen o ilo saiak san kagin an dilasa ya. ⁵ Insad ru bilabol an nunjon tia yak lo, tamol a in ilod iburkaruk idu dan, agod in lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian dijane san dal man nek amaiak ago dubol. ⁶ Gug id melmel a idsad madok san ninjedi wo katuk ad tia yak, agod Anut kagin an tiri tupani dak ago tap, an nunjon uyanan ak tubun mi idsad madok lo igane ilasa wa. ⁷ Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta tisinip tau san tia wa. ⁸ Ak ninjen o, id ananj biounj amad da tap, man igo tabol, an id o nek idaisuda ya. ⁹ Ak man talpein tan en san filian dijane wo ilod ibol dan, ilo

nanek san kagin, dob igo won, lo disidag diau dudu da. In ilod imasap kagin burau wei mi an digane da, an lo insed tini madai sensen ak dupani da. Kagin an lo insed malad dusuep daonj panek lo diau dudu wa. ¹⁰ Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni ninjen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo won, inaned bubed madai wei mi nam malan dusue da.

Pol Timoti kubaen san ru wadan ipani a

¹¹ Ago gug, on man Anut san tamol mok a. An lo dop kagin an fidian on patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man onsa bube san kob uyanan a. ¹² Idsad ilo rumok san wagai uyan ak gane wo uyanan. On kumaen pempem san nane wo Anut igio ya, agod saen ilo rumok adi wei mi naod na onsa ilo rumok an ubol ilasa dugo dulon an san saen lo, on kumaen an nane ya. Aria, kumaen an wabi sakar a. ¹³ Anut a mel fidian kumaen ipidinai dan naon na, agod Jesus Kristus a Pontius Pailat naon na itur dugo insen ninjen o ru rumok ibol ilasa yan naon na dam, ¹⁴ nai ru dabai nam on kubaen an kagin pani uyan mok o nabol a. Kabelan mel ta nun anda yak ilasap an lo tamolpein malad lo kubaen an saian dubol banau. On ago ganep yau dop idsad Tubun ak Jesus Kristus imul ipalu wa. ¹⁵ Kulob an man inanen saen fo mok Anut kuai tem iganep ilasa wa. Insen mi uyanan mok, idsad Gurman kisaek o lian a. In mi kinj sad Kinj, agod tamol tutubu yak sad Tubun a. ¹⁶ Insen mi ta imat na wa, lalaman a sinjiren na id tau san tia yan lo imado da, agod tamol ta in ile man tia ya, ta in ile san dam tia ya. Awo, yanak tubun ak in tupanip, tuon dabai ak pempem san dam in lo imado wa. Rumok

¹⁷ On tamolpein a tan en san filian wei mi amad da yan ru kagin igo rupidai a, in aenta dirinjanai ak ago dubol dan san kagin lo dumado dutor man tia wa. In tan en san filian ninjen o dam tini ganei ta digane

na wak ubol a, man ata wo, injsad filian an pasauman mok ka dideg diau a. Tia, in Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a. ¹⁸ Inj urat digane uyan ak ubol a. Injaned filian mok man, tan en san biouj tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawanj digane wa. ¹⁹ Dal an lo injaned filiadi bageu san fod lo dutumanig yen da. An man nek ibol saen a sumeik ipani dan san kadanj dimirirani san tia yak igo duguni a. Ago dop lo kumaen a kumaen nunjon mok an ka diabi wa.

²⁰ O Timoti, mel a gubak mi onj bani lo njigane yan kagin pani. Njinenj a Anut kagin san ager imado dan, agod ilo sou a pitenjanek itaot ak njinen o ipirgini dan man, yanjan “manjau” ago dubol dan njinen o onj sen lasa wa, man dugo, injsad ru an sewak mi a. ²¹ Aenta inj manjau sewak a lo leil dupani an lo ilod lo rumok san dal diabpilti a.

Anut san ilo panek anj fidian da ka amado wa.

2 Timoti

¹ Njai Pol, Anut san ilobol lo Jesus Kristus san aposel njilasa ya. Anut in ru dabai anda ibol panad an man, kumaen a Jesus Kristus banin lo yen dan ipanad a. Agod kumaen an san ru inanen bilalun tamol igo ipilianag a. ² Girek en on Timoti, njaineg nanug niñe wo njamat geig dan, onsa na njigane ipalu da. Ilo panek, ilo munanek, agod ilo maror a Anut idsad Tamad, agod idsad Tubun ak Jesus Kristus da sad na ipalu yan on lo yen a.

Timoti itur sakar san tan suek ru

³ Njaineg ilo sou muruan aman tia yan lo Anut ubou aman njile da, agod dal kisaek ago mi nai tubug muroug dam digane na ya. Ago dugo nai Anut ilo uyan njupani da, tidom ad pempem on o ilog isou dop Anut san na njugudani da. ⁴ Saen onsa mala turon idu yan o afon ilog isou dop njilio wo njamat da, an lo nai tubun mi youg isa wa. ⁵ Onjane ilo rumok man rumok geig a, an niñen o fon ilog isou da. Ilo rumok an imug onjane tubu pein Lois in lo yen a, agod tina Yunis da mi, agod nai ilog lo rumok ak, ago mi on lo dam gamu yen da. ⁶ Fun an niñen o, nai ilo njisafulale da. Nek ibol talpein yai iwip balen tubun mi ilasa dak igo won, lou panek a nai banig kabunja fo njidiri an lo Anut ipano yan mi dabai pani wa. ⁷ Man dugo, Anut id tarer kisaek on san ur ta ipanad na ya. Tia, dabai, ilo panek, agod sed ulum ad tabi uyanan san ur ipanad a.

⁸ Amaiak niñen o, idsad Tubun ak san ru ubol ilasa wo miai ta ifuno na wa. Nai niñeg o dam miai ta ifuno na wa, man dugo, nai subanek ab lo inisan subanek tamol on njumado da. Gug on luag usap bilalun ru san madai an tisini wa, an Anut san dabai lo ago tigane wa. ⁹ Insen patud ipasig madok gun ak lo tumado wo igiad a. An man id kagin uyanan tigane yan niñen o mi ta igiad na ya, tia, inanen ilo sou agod inanen ilo panek mi irig ate igane ya. Ilo panek an id Jesus Kristus da tumado dan tinjane san o wagam geig kob an ipanad a, saen nal malan malan gamugo ilasa yan lo in ago igane ya. ¹⁰ Ak gug gamu idsad patu pasek

Jesus Kristus in kuai isi an lo ilo panek an ikubiai panad a. Insen amaiak maten ipitininig igane itout a. An lo bilalun ru lo kumaen a yen on dugo ta imat na dan walal te igane ilasa dugo tile ya. ¹¹ Agod bilalun ru njabol ilasa san bilalun tamol, aposel, agod girek manau ago ipilianag a. ¹² Fun amaiak niñen o nai gamu muruan igo njisini dak gug an o miai ta ifunag na da. Man dugo, Talpein a niñen o nai ilog rumok dan njalon a. Agod nai dam njalon uyan en man, mel e nai in banin lo njigane yen, in ititiani uyanan san idaisuda ya. An lo nai ilog itarpasi sinjakaan a, an ta ideg yau na wa. Tia, an ago in lo yen dop imul san saen ilasa wa.

¹³ Mel a nai awag lo ulon na yan, an pitenjanek uyanan ak san mitilaen igo won kagin pani dop lo pitenjanai a. Ilo rumok agod ilo panek a Kristus lo yen dan lo ago gane wa. ¹⁴ Awan Urgun id ilod lo imado dan san dabai lo, mel a on ilo lo igane yan kagin pani uyanan a.

¹⁵ On ulon ak, talpein provins Esia lo yan patud dupanag go diau pasik a, Figelus in Hermogenes da dam lulunad lo nai dubusawag a.

¹⁶ Nai Onesiforus inanen samun dida Anut ilon imujanai o ilog yen da. Man dugo, saen wei mi lo in nai bubeg pasai ibol san ipanag da, in nai sein nam dsubanag an ile gug, an niñen o miai ta ifuni na ya. ¹⁷ Tia, in Rom na imado se yan, nai iliag o urat dabai geig igane ya. Ago iganeg yang nai iliag a. ¹⁸ Amaiak niñen o, Tubun en imul ipalu san nal lo dop ilo munanek ipani wo nai ilog ibol da. On ulon sinjakaan ak saen nai Efesus na njumado se yan, dal wei geig lo nai ibinawag na ya.

2

¹ O Timoti, nai nanug, ilo panek e Jesus Kristus ipanad en lo utur sakar a. ² Pitenjanek funfun a tamolpein wei mi naod na njabol ilasa dugo, on dida alon na yan, sinip awa bek tamolpein banid lo diri dop, an lo aenta ate dipitenjanai a. ³ Nek ibol Jesus Kristus inanen yu tamol sinjakaan ak igo won, on luama usap sisem madai a dupanad na yan tisini wa. ⁴ Yu tamol ta tamol gidad sad madok lo ta iladu na

wa, man dugo, in inanen urat mok igane dop lo inanen gurman ilo uyan ipani wo ilon yen da. ⁵ Talpein imaspalu san tap, in masapalu san kubiaen an iri ipani wa. Gug in kubiaen an ipitinini tap, gidad in imug yau bo man kob an san naon inane san tia ya. ⁶ Abi urat san tamol a anan ipae o wagai igane dan in mi malan malan urat an san nunon inane wa. ⁷ Ru mitilaen utol a naji nurupaio an ilo isou uyanan a. Man dugo, melmel an san fun mok fidian man, Tubun en ibinawo dop lo ilo isofulale wa.

⁸ Jesus Kristus in Kin Dawid san dar lo ilasa ya, agod maten lo imasa yan, ilo ta inaoen na wa. Naineg bilalun nabol ilasa dan lo melmel an nfulale da. ⁹ Nek fun an ninen o gamu naji sein nam tamol saiaq ak igo dsubanag a. Rumok, naji sein nam dsubanag a, gug Anut san ru sein nam dsubani san tia ya. ¹⁰ Amaiak ninen o, muruan naok fidian an lo neil funai on dugo numado se ya. Anut san tamolpein pilianek ak nbinawai o ago ngigane da, an lo patu pasek a Jesus Kristus lo ipalu dan dinane dop, girager pempem yen san an dam dinane wa.

¹¹ Ninen en uyanan a, agod ka tinid tigane wa.

“Id in da tamat tap,

id dam in da tumado wa.

¹² Id muruan lo tatur sakar tap,

id dam in da gurman igo wonj tamolpein titirnai a.

Id in ta talon na yak tabol tap,

in dam id ta ilon na yak ibol a.

¹³ Isop idsad ilo rumok ta turi na tap,

inisan ilo rumok id o man yen on da.

Man dugo, inisan bunun mok an yabiani san tia ya.”

Urat tamol mok Anut uyan ipani a

¹⁴ Saen fidian lo onane Kris midaen melmel en ninen o ilo sou pidinai a. Anut malan lo ru dabai geig ubol dop, in ru naon sensen lo nug ta dufuni na wa. Kagin en talpein ta ibinawai san tia ya. Tia, ru lo nug diabi dan lo inaned ilo rumok malan dusue da. ¹⁵ On Anut naon na utur pe tamol enti a uyan ipani dak igo wonj maeg gane wa. Onsigane urat ninen o miai ta ifuno na da,

agod Anut san ru rumok a itaot pitenanai dan, on urat tamol naok ago yak lasa wa. ¹⁶ Ninen e Anut san kagin ta iri na den ninen o sen lasa wa. Man dugo, tamolpein kagin a lo diladu dan ate naod iraep, Anut san kagin uyan an dubuseip asau mi diau a. ¹⁷ Pitenanek ago yan, nek ibol baob gengeen igo ilasap midaen lulunad lo mudadi yan yau a. Tamol uraru mel naok a dupitenanai dan Himeneus in Filetus da ya. ¹⁸ In ru rumok ak san dal dibiseig asau mi diau a. An lo tamolpein aenta, Jesus imul ipalu san saen ilasa la yak ago dubol se yan lo, insad ilo rumok an malan dusue ya. ¹⁹ Ago bo man, Anut bag iguni an yau imul san tia ya. Agog fufo girek en igire ya, “Anut enti inisan an ilon sinjakaan a.” Agod fon, “Enti in Tubun ak muroun ago ibol tap, kagin saiak saiak fidian patun ipani wa.”

²⁰ Tamol tubun ak san ab ilon lo, bod naon sensen ak daeg dida dien da. Aenta sinjakaan geig a, gol silva da nam digane ya; gug aenta ta sinjook adi na ya, tan katik agod ai lapan nam digane ya. Sinjakaan an tamolpein ate urat tubun ak digane wa. Aenta ta sinjakaan na yan man metmet disini san mi a. ²¹ Aria, an ninen o talpein ta kagin saiak saiak a ninen o naji imug nabol an ibiseip ikok ilasa tap, in urat tubun ak san daeg itaot igo imado wa. In inanen Tubun ak san urat tamol mok, an lo binawek uyan mok ak ipani da, agod urat fidian uyanan an lo kagin ipani wo tawan iganeg imado da.

²² Amaiak ninen o pinein damag ak sad ilo masa yan fidian patu pani wa. En man onane kob nao na yen da: kagin itaot, ilo rumok, ilo panek, agod maror mi uri wa. On Kris aenta a ilod ikok dop lo Anut dugudani dan, dida atumani dop, an sisem kagin an mi ari wa. ²³ Gug on tamolpein aenta sad kubiaek burau a nnejo lo ilasa dan bisei wa. On ulon uyanan ak kubiaek naok an man tamolpein nug dupei san kagin an mi igane ilasa da. ²⁴ Tubun ak san urat tamol man tamolpein aenta dida nug ta dupei na da. Tia, in tamolpein fidian ilon ipidinai da, tamolpein aenta ipitenanai san ilon uyanan ak, agod a muruan dupani

* 2:25: Awa sisalek ru

dan dam ta yabianai na wa. ²⁵ Tamolpein ta in awan lo pirginek ru* dubol dan mos lo mi in kududod yabi wa. In ago igane yan ninen o nag Anut ibinawai dop lo ilod ibileksap, ru rumok ak san manau an ilod lo tubun geig ilasa dop dulon fufei wa. ²⁶ An lo dam ilod ipastip kankan itaot ak dinane gup Satan san dob lo dusol pe dilasa wa. Man dugo, Satan in san ilobol diri wo isubanaig dumado na ya, kabelan in pem-pem ago dumado banau.

3

Anut patud dupani an san kagin saen wadan lo ilasa wa

¹ Ru en ulon o uyan a. Saen wadan lo nal saian geig ak ilasa wa. ² Tamolpein sed ninedi wo, agod moni o dam dumat dan, sed ipitianai dan, sed yanad mi disini dan, aenta dimisilanai dan, tinad tamad awad ta diri na dan, aenta sad binawek lo ilo uyan ta dupidinai na dan, gun tia yan, ³ ilo panek amad tia yan, aenta sad aupasek ta dupare idu na dan, uf tinadi an, sed ulum ad diabi san tia yan, madai panek san tamolpein, kagin uyan ak san ager adi, ⁴ inaned turadi ager banin lo didirai dan, silei tamol dilasa kisaek on dan, in nai nai kagin lo man da isuda geig a. In Anut o ta dumat na da, tia, tan en san mala bulbal mi ninen o yaes ifunai da. ⁵ In Anut san kagin duri wo man malak malak patun fo dukubiai da, ak gug kulob naok a digane dan lo id walal te dukubiai panad dan man, inaned ilod lo kagin an san dabai ta yen na da. Tamolpein naok ago yak patu pidinai a.

⁶ Tamol naok ago yak, pein bubed dabai an tia yan, ilod dinane dop, sad ab lo diaup ditirnai da. Pein naok ago yak aupasek wei kasik disini da, nek ibol mel muruan geig ak disini dan igo won lo inaned bube masak saian an naod irae dop lo aupasek digane da. ⁷ Pein an pempem pitenanek dulon o digane da, ak gug ru rumok ak san manau mok an sinjiren na dupalu san man in ta idaisuda na ya. ⁸ Nek ibol Janes in Jambres da, Igipta nawir tamol adi, gubak mi in Moses san ru diabianig dumado yak igo won, tamol naok ago yan dam gamu Anut san ru rumok an diabianig dumado

da. Aupasek in sad kankan malan isue an lo Anut ibitiniaig ile yak man, inaned ilo rumok an sewak mi a. ⁹ Gug kagin an diganep ta milaen mi yen na wa, man dugo, nek ibol wagam Janes in Jambres da sad na ilasa yak ago, in dam sad kagin burau an kuai isi dop fidian dile wa.

Pol Timoti ru kagin ipani da

¹⁰ Gug on naisag pitenanek an fidian ulon sinjaokan a. Agod mel en dam ulon a, urat nigane dak sag turen lo, naisag madok san fun, naisag ilo rumok, muruan lo bubeg maror numado dak, naisag ilo panek, muruan lo natur sakar on dak, ¹¹ muruan dupanag dop lo madai nisini da. Mel dugon Antiok na, Aikoniam na, agod Listra na, naog na ilasa yan ulon a, agod muruan naok dugon ante dam nile se yan ulon a. Ak man Jesus muruan fidian an lo nai patug ipasi a. ¹² Rumok, ta in Jesus Kristus lo Anut san kagin iri wo ilon yen dan, tamolpein muruan funfun madai anda yak dupani wa. ¹³ Gug, tamol saiadi agod Kris sewak adi da inaned naok naok saian an ago mi digane diau on dop tubun geig a. In aenta dirawai dop sed dam irawai da. ¹⁴ Gug, on man mel a dipitenano yan, ninen o ilo lo rumok geig dop, ago mi gane yau a. A dipitenano yan ulon uyanan a, amaiak ninen o awad itaot ka uri wa. ¹⁵ An ninen o ilo isou, saen on pinein tusa madog ipalug gamu en girek gun a Anut ipanad an ulon la ya. Girek an ka ipitenanop lo Jesus Kristus o ilo rumok dan lo patu pasek an nanep idaisuda geig a. ¹⁶ Girek gun an fidian Anut san Awan Ur ilon lo yen da. Amaiak ninen o, dal wei mi lo ibinawad dan igo ya, mel a rumok an ikubiai panad san, kagin saiak tabi idu san, kududod tabi san, agod kagin a Anut malan lo itaot an ikubiai panad san mi a. ¹⁷ An lo Anut anen tamol an in san manau milaen geig a, urat uyan ak fidian igane wan san manau in lo idaisuda ya.

4

¹ O Timoti, Anut in Jesus Kristus da naod na, nai gamu ru dabai ak nupano da. Jesus Kristus man, in tamolpein kumaen dumado dak, agod dumat la yan da kubianek lo idirai a, agod tan en lo idsad Kin igo won

imul ipalu wa. An niñen o ñai itaot ñurupaio da, ² Anut san ru fulale wa, gidad saen saian ak lo, saen uyan ak lo dam, kagin an lo maeg ganep utur sakar a. Saen oñ tamolpein Anut san ru piteñanai dan lo, inñsad kankan kubune dop, ru kagin pidinai dop, tan suek ru dam pidinai a. Gidad aenta muruan dupano bo man, oñ piteñanai san niñen o kabel ta ifuno na wa. ³ Man dugo, saen iparsikawad dan lo, tamolpein piteñanek itaot an duloñ man dumoi a. Gug inañed tinid san kagin an duri dupani dop lo, girek mañau dutumanaip niñen e duloñ o kududod bulbal den durupidai a. ⁴ In ru rumok niñen o kududod dufutani da. An lo dal dufurñip, dideg diau san am sewak mi duri wo kududod dugure da. ⁵ Gug oñ, mel dugo ilasa bo man ule dop tamol mok igo won utur sakar dop ta usuk umul na wa. Tutol urat gane dop, Anut urat a ipano yan fidian gane itout a.

⁶ Man dugo, ñai man wain igo won, alta fo Anut ilo uyan dupani wo dukulmaek o digane dak igo, tan en ñubusei san saen sumeik ipanag la ya. ⁷ Id Kris sad turen man wagai uyanan ak igo won, an lo ñai ñaloñ ak wagai an ñigane uyanan a. Ñai ñumaspalu uyanan go an ñigane itout a. Ñai idsad ilo rumok ñabituanu uyanan a. ⁸ Amaiak niñen o, kagin itaot an san naon Anut ikubuneg yen da, agod bitinaek san nal lo Tubun a bitinaek tamol itaot an naon ipanag a. Ñai niñeg o mi ago ta igane na da. Tia, tamolpein fidian Kristus kuai isi wo dumat dan anek anek atem naon kisaek ago mi ipidinai a.

Pol aenta niñedi wo ibola

⁹ O Timoti, ñaisag na palu kisaek oñ o maeg gane wa. ¹⁰ Man dugo, Dimas in tan en san mala bulbal buben ipanig lo ñai ibisawag go Tesalonaika na yau a. Go Kresens Tubun ak san urat igane wo Gale-sia distrik lo yau, ago dugo Taitus dam in Dalmatia distrik na yau a. ¹¹ Luk sen mi ñai da mumado da. Saen oñ ñaisag na palu wo dop, Mak ñanep da apalu wa. Man dugo, in Tubun en san urat lo ñai ibinawag uyanan da. ¹² Ñai Tikikus ñidinig Efesus na yau a. ¹³ Saen oñ palu wo dop, tini wananan san kulos taun Troas na Karpus san na yan

ñanep sini palu wa. Ago mi buk dam sini wa, bilelek sunulon fo ru girek ñigire yan sinip palu wa, an mel malan te yak niñen o ilo ta inañ na wa.

¹⁴ Aleksanda, bras nam melmel igane san tamol, muruan wei mi ipanag a. Muruan naok ñai ipanag an niñen o, Tubun en naon itaot ipani wa. ¹⁵ In niñen o oñ se itirno uyan a, man dugo, in ru girek e mabol ilasa den san ager dababai ak imado da.

¹⁶ Saen ñai inug Rom san gurman adi naod na bitinaek lo ñatur man, talpein ta ñai patug fo itur pe ru lo ibinawag man tia ya. Tia, in fidian ñai dubusawag go dusol diau a. An niñen o ñai Anut ñusumiani dop, kulob an niñen o ipidaip, diau dudu wo ago ta igane na wa. ¹⁷ Gug, Tubun en inñsen ñai patug fo itur dugo dabai ipanag a. An lo ñai awag lo inñsan ru kuai te ñabol ilasa pasik a, an lo gob adi fidian inañen ru ka duloñ a. Agod in ñai patug ipasig maten ta ñile na ya. ¹⁸ Rumok, Tubun en ago mi muruan fidian lo ñai patug ipasi wa, agod patug ipasip inañen kagin panek san aben a lak na yen dan lo ñau a. Id in yanñan pempem tabisa wa. Rumok.

Ru wadan

¹⁹ Ilo uyan ru rupidai, Prisila in Akwila da, agod Onesiforus inañen muroun adi dam mi wa. ²⁰ Erastus ñai da ente tia ya, in ñubiseig Korint na imado da. Trofimus subam anda ya, an lo ñai in ñubiseig Miletus na imado da. ²¹ Oñ madid san saen gamugo dop, etna palu wo dabai gane wa. Eubulus in Pudens da agod Linus, Klaudia, Kris aenta etna dumado dan dam oñ ilo uyan ru durupaio da.

²² Tubun en oñane ñutu da amado. Inañen ilo panek, an fidian da amado.

Taitus

¹ Nai Pol, Anut san urat tamol ipilianag go Jesus Kristus san aposel n̄lasa ya. In̄san pilianek tamolpein sad ilo rumok an ilasa wak, agod mañau a ru rumok san an lo id Anut san kagin turi tupanip tator o ipilianag a. ² Ilo rumok mañau da yan sad fun man, kumaen pempem san tiñane wan san tini ganek an id ilod lo yen da. Anut in̄ sewak tamol tia ya. Saen tan en gamugo ilasa dugo kumaen a ipanad an niñen o promis igane ya. ³ Agod saen a ipiliani an lo in̄san ru an kuai isip yen a. An n̄aisag ru fulalek lo ago igane ilasa ya. Anut idsad binawek tamol in̄san ru kagin ibol an lo urat an n̄ai banig lo igane ya.

⁴ O Taitus, oñ n̄aisag nanug mok igo ya, oñsa ilo rumok mañsama da naon kisaek a. Bai Anut in̄ Jesus Kristus idsad binawek an da in̄sad ilo panek, maror da dupanop oñ da amado wa.

Taitus Krit nui lo urat igane ya

⁵ Saen n̄ai Krit nui na oñ n̄ibisawo man fun igo ya. Urat awan atna yan muruan anda ya, amaiak kubune itout o n̄ibisawo ya. Ago dop imug n̄urupaio ago mi midaeñ ilon lo panu kisaek kisaek atem matu pilianai idu wa. ⁶ Aria, midaeñ ilon lo matu pilianai man tamol naok igo ya. Tamol in̄ niñen o ru ta dubol na da, agod in̄ iwon kisaek a. In̄san nanun muroun ilod lo rumok ak, agod in̄ tinad tamad awad paen na mi dumado wa. Ago gug in̄san nanuk silei tinadi dop man, in̄ urat tamol ta imado na wa. Kabelan nanuk fud saian an lo tamad diabi idu banau. ⁷ Man dugo, midaeñ san kagin panek tamol man sad tureñ lo tamolpein in̄ lo muruan ta dile na da. Man ata wo, in̄ Anut san urat tamol. Fun an niñen o in̄ kabuñan ta sakar na wak, tiñane ta saian kisaek oñ na wak, in̄ you sakar ak ta iluk na wak, agod wagai gidigheid ta igane na wa. In̄ dal saiak saiak lo filian in̄ane wo ago ta igane na wa. ⁸ Tia, in̄ kagin uyan ak mi igane wo imat ak, tamol asau ipalu dop kagin ipani uyanan a. In̄ tamol kankan uyanan anda wak, in̄ tamol itaot ak, in̄ tamol gun ak,

agod in̄sen ulum an yabi dop sen tinin kagin ipani uyanan an ilon a. ⁹ In̄ ru uyanan a gubak mi dupiteñanad go ilod tupani dan mi yabituani wa. An lo piteñanek a uyanan an san mañau ka ipiteñanai siñaokan a, agod tamolpein a in̄san awan lo dipirgini dan in̄san piteñanek uyanan an lo awad yafutani wa.

¹⁰ Man dugo, id luluñad lo tamolpein wei mi naok igo ya, in̄ silei digane dak, in̄ ru kawan diñeñ da, agod sewak tinadi, nek a muluñ san doup ama ya. ¹¹ Tamol naok ago yak oñ awad wafutani wo uyanan a. Man dugo, in̄sad niñeo lo piteñanek saian ak tamolpein dukubiai pidinai dop lo filian diñane wo ago digane da. An lo in̄ tamolpein sad samun dukubulai da. ¹² In̄siganed profet ta igo ibol, “Krit tamol man pempem sewak digane da, in̄ bor goun saiadi ak igo ya, agod dam tuñalek tinadi a.” ¹³ Agod ru an ru rumok a. Amaiak niñen o ru dabai anda nam pidai dop lo in̄aned ilo rumok an dukubunep itaot a. ¹⁴ Kabelan in̄ kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau. ¹⁵ Tamol ikok ak in̄san ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, in̄ lo mel fidian nun a. Tamol naok an in̄san kankan, in̄san mañau lo sen malan isue ya. ¹⁶ In̄ awad lo Anut dulon ago dubol da, ak man in̄sad kagin naok naok lo in̄siganed ru an sewak ru mi kuai te id dukubiai panad da. In̄ saiadi geig a. Awa parsisalek tinadi ak, agod in̄ mel uyan ak ta digane ilasa san dam ta idaisuda na ya.

2

Midaeñ ilon lo urat tamol urat uyan digane san ru kagin

¹ Aria, Taitus, oñ memmel uyan a piteñanek itaot ak san dal lo uyan ipani dan mi piteñanaip dulon a. ² Tamol busumak rupidai dulon dop kagin uyan ak mi digane dop tamol mok oñ dumado wa. In̄sed ulum ad diabi uyan ak, in̄ ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³ Nek ago mi pein busumak rupidai dop Anut naon na dumado dak igo won kagin

uyan ak lo mi dumado dutor a. Inj uf ru ta dubol na wak, agod you sakar an ulum ad ta yabi na wa. Inj kagin uyan an mi tamolpein dupitejanai a. ⁴ Ago dop pein kubakan njed murna an dile dop inaned tamol niñedi wo dumat ak, inaned nanuk dam niñedi wo dumat a. ⁵ Agod inşed kagin ipidinai dop madok gun ak lo mi dumado wa. Inj pein uyadi, inaned ab kagin dupani uyan ak, agod inaned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶ Nek ago mi tamol murna yak dam sed tinid kagin dupani uyan ak niñen o ru kagin pidinai a. ⁷ Onj onsa madok itaot an gane ilasa, an lo onse mok onane tura murou mitilaen uyanan an kubiai dile dop inj dam ago digane wa. Anut anen ru ubol itaot dan niñen o kagin gane wa, ago dop ru saian ta awa lo ilasa san tia ya. ⁸ Onsa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. Inj mel saian ak ta dilep ate id Kris tamolpein dupaiad san tia ya.

⁹ Urat bigabeg adi rupidai, inaned urat fidian digane dan lo, inj tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa. ¹⁰ Inaned tamadi an san mel ta digam na wa. Tia, mel fidian lo inj awa yabek kagin mi digane da. An lo inşad kagin naok naok a digane na yan lo Anut idsad binawek an san pitejanek bala dupani wa.

¹¹ Onj ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. Inşan ilo panek an lo idsad aupasek naon tisini wan lo ipasad injiliad a. ¹² Inşan ilo panek an lo manau ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe idsinaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a. ¹³ Ago dugo mel uyanan a ilasa wan niñen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an inanen girager aman da

tan en lo ilasa wa. ¹⁴ Inşen id abed lo muruan isini a, an lo idsad aupasek fidian an san naon lo ipasad injiliad tamul a. Agod inj wagen lo idirad go ikok tilasag inşan tamolpein mok tumado da. An niñen o urat uyan uyan ak mi tigane wo yaes isofutanad a.

¹⁵ Aria, ru an tamolpein pitejanaip duloj a. Tan suek ru pidinai ak, agod kudo bek ru lo dam pidai dop satuanai a. Talpein enti onj tamol kawan ak ago ibol dop dabai ganep awan wafutani wa.

3

Kagin uyan ak lo tatur sakar a

¹ Onj tamolpein kankan igo pidinai a. Inj gabman san tamol gurman agod tamol yanad anda yak sad awad paen na dumado wa. Inj awa yabek tamolpein ago mi dumado dop, kagin naok naok uyanan mi digane wan san tawanj diganep dumado wa. ² Inj talpein ta patun fo uf ta digane na wak, dida nug ta dupei na wak, aenta niñedi wo ilo sou digane wak, agod dam fidian malad lo inşad kagin mos an digane ilasa dop dile wa.

³ Imug id dam niñeo tigane na ya. Agod awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tigane se ya. ⁴ Ak man saen Anut idsad binawek inşan ilo panek agod ilo mujanek tan en lo kuai tem ilasa yan, ⁵ id patud ipasi a. Idsad kagin itaot ak ta tiganep lo na inj ago igane man tia ya. Tia, inşiganen ilo mujanek lo na id injiliad a. Inşan Awan Urgun iganeg id foud tilasa wonj an man ibol ifulanad go ikok tilasa yak onj a, dal amaiak lo patud ipasi a. ⁶ Inj Jesus Kristus idsad binawek an lo Awan Urgun tubun mok id lo iwatik idu ya. ⁷ An lo inşan ilo panek lo iganeg inj malan lo itaot tilasa ya. Ago dop an lo id inşan nanuk mok igo wonj filian a ikubune panad la yan tinjane wa. Id kumaen pempem tumado san tinjane wan niñen o malan tigane tumado da. ⁸ Ru

an ru rumok a. Agod ηaisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nuηon iganep ilasa wa.

⁹ Ae tugtog burau ak riηani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaen niηen o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nuηon tia ya. ¹⁰ Talpein ta midaen luluηad lo gilek gidigheid igane tap, kudon wabi. Gug in nek ago mi igane yau tap, fon kududon wabi da wa. Aria, in imoi go kagin saian an mi igane yau tap, patu pani. ¹¹ Man dugo, oη uloη ak tamol naok ago yak sen ikubulig saian idug inηan aupasek tinin lo awan isa ya. An lo inηen yabi idu ya.

Ru wadan

¹² Murnap ηai Atemas boi, tia, Tikikas boi oηsa na ηigane ipalu wa. Saen in ipalup ilasa tap, oη maeg ganep dal ta ulep Gris san taun Nikapolis na wau a. Man dugo, ηai ilog ibol dak madid san saen lo ηai ante ηumado wa. ¹³ Aria, oη fon Senas kubiaen san maηau tamol in Apolos da turen ηun fun digane wo dan o kagin pidinai a. In mel ta lo katuk adi tap, oη binawai a. ¹⁴ Oη Kris tamolpein piteηanai dop kagin uyan ak wagai an digane wa. An lo saen talpein ta muruan ile tap, in dibinawi uyan a. Kabelan inηad ilo rumok an nuηon an tia banau.

¹⁵ Tamolpein fidian ηai dadi mumado dan oηsa na ilo uyan ru digane ipalu da. Oη ilo rumok adi a niηema wo dumat dan ilo uyan ru inηad na gane yau. Anut inηanen ilo panek aη fidian da ka amado wa.

Filemon

¹ Njai Pol Jesus Kristus san subanek tamol girek en njigire da. Id teid Timoti dam naji da mumado da. Girek en manjanema bubema buson di urat kisaek Filemon, ² agod midaeñ onsa ab lo dutumani na yan dam anşam na njigire da. Apfia idaned lud, agod Akipus in man da sisem Kristus san yu tamol igo won, girek en miganeg sam na ipalu da.

³ Njaisag ilog lo Bai Anut agod Jesus Kristus Tubun en da insad ilo panek agod bube maror an dupanañ o ibol da.

Pol san ilo uyan gadin

⁴ O teig Filemon, saen naji Anut njugudani dan lo, on o pempem ilog isou dop, Bai Anut ilo uyan nupani da. ⁵ Man dugo, onane ilo rumok Jesus Tubun ak lo yan, agod inanen tamolpein gun ak fidian ninedi wo umat dan dam, naji nalon a. ⁶ Njai Anut njusumianip, aenta naod na onane ilo rumok kuai tem ubol ilasa dan lo se dabai ipanop, an lo nunon uyan uyan ak a id o Kristus lo yen dan ulon uyanan a. ⁷ O teig, onsa ilo panek an naji ilo uyan tubun kasik, agod tan suek uyanan geig ipanag da. Man dugo, on Anut san gun adi binawaig lo ilod pasa ibol a.

Pol Filemon ilon inane wo ibol da

⁸ Amaiak ninen o naji Kristus lo yak seg isodudunag njilasa dop, mel a on gane san an itaot gane wo ka njusoduduno wa. Ago bo man ru kubiaen naok ago yak njurupaio man namoi da. ⁹ Tia, on naji da nug ilon tupani da, fun an lo man on ilo njinane wo ilog tubun mi yen da. Awo, naji Pol, tamol wagam ag njilasa ya, agod gamu dam Jesus Kristus san subanek tamol njumado dan, ¹⁰ Onesimus,* njaineg nanuk igo won, on in maror lo nane wo njugudano da. Saen naji sein nam dusubanag an lo, in Jesus Kristus ilon lo rumok a, an lo in njaisiganeg nanuk mok igo ilasa ya. ¹¹ Imug mi on mala lo in tamol lou aman tia yak igo imado se ya, ak gug gamu man on o, agod naji o dam, tamol lou aman da yak igo ilasa ya.

¹² Gidad njaineg bubeg fidian in lo yen dak bo man, gamu naji onsa na njidinig ipalu da.

¹³ Njai njabituanip, saen naji bilalun uyanan ak ninen subanek lo njumado dan ninen o, in on wage lo ibinawag o ilog ibol da. Ago bo man, ¹⁴ mel ta a on uyan ta pani na yan njigane san o ilog ta ibol na ya. Ago dop man mel dugon uyan ak gane wo man, onse ilo nam gane wa. Ak gug kagin an ninen naji ta njusoduduno na wa.

¹⁵ Nag saen katukan mi on ibisawog isol yau a, an san fun man, in imul gup pempem mi on da sisem amado wak boi.

¹⁶ Gubak mi in onsa bigabeg urat igane ya. Gug gamu tia ya, tia, gamu man onane tei mok Kristus lo yak igo on ka nane wa. Njai in o bubeg bulbal da, on dam rumok nek ago mi a, in tinin lo agod Tubun en lo dam ibinawo wa. ¹⁷ Amaiak ninen o, on naji onane tura igo won liag tap man, on naji njiliag ak ago mi Onesimus dam nane wa.

¹⁸ Mel ta lo muruan ipano boi, tia, onane gubun ta tinin lo yen tap, naji yanag paen na ganep, an lo gubun an naji tinig lo yen a. ¹⁹ Njai Pol ru en seg banig nam njigire dan lo igo njabol, njaiseg mi inanen gubun njukubunep itout a. Njaisag gubun a on tini lo yen dan man onse mi, kabelan on an ilo inaoñ banau. ²⁰ Awo teig, on Tubun ak san a, ak ninen o lou uyan ak ta panag o ilog ibol da. Agod Kristus ninen o dam on njaineg bubeg maror pani wo ilog yen da.

²¹ Njai awag uri pani san o tinig nupano da. Ak ninen o girek en onsa na njigire den lo nalon ak, mel e ninen njusumiano den on itaot ganep subunan taidam gane panag a.

²² Njai mel kisaek taidam ninen njusumiano da. Galun ta kubune panag a. Man dugo, naji ilog yen dak man, an gudanek wei mi agane dan lo, Anut anşam gudanek awan yabi dop lo fon njamul pe naom na njilasa wa.

Ru wadan

²³ Epafras dam in naji da Jesus Kristus ninen subanek ab lo mumado dan, inanen ilo uyan ru anşam na iganeg ipalu ya. ²⁴ Nek ago mi njaisag urat kisaek adi, Mak, Aristakus, Dimas, agod Luk, inaned ilo uyan dam dupanañ da.

* **1:10:** Grik ru lo, Onesimus yan san fun man: lou aman da yak.

²⁵ Tubun ak Jesus Kristus san ilo panek an aņanem ņutum fidian da itumanip amado.

Hibru

Anut Nanun san yanjan tubun a

¹Wagam na mok profet adi awad lo Anut id tubud baged ru irupidai se ya, saen wei mi agod dal sensen lo in ago igane ya. ²Gug gamu nal wadan en lo man in sinan Nanun awan lo irupaiad a. In sen lo mok Anut mel fidian igane ya, agod Anut sen in murnap mel an fidian taman imado wo ipiliani a. ³In sen in Anut san lilaman in lo yen dan isapudadeg Anut san girager tubun an kuai te ikubiai tile ya. In san bunun an nek Anut sinan bunun mok igo ya. Agod in sinan ru dabai an nam mel fidian igane ilasag yen yau da. In tamolpein sad aupasek isuas yau san dal ikubuneg itout a, ago gug in kumaen panu lo Anut lak na yak in anen banin won ak lo imasig imado ya.

Nanun san yanjak enjel sad yanjak iriniani a

⁴Anut yanjak Nanun ipani an uyanan mok a. Yanjak an enjel adi sad yanjak dam iriniani a. Nek ago mi Anut Nanun ipilianig dabai tubun enjel sad dabai iriniani ak ipani a. ⁵Anut enjel ta irupeig ibol, "Onj naineg nanug, agod gamu njai onjane tama." In ta ago ibol na ya. Agod fon enjel ta ninen ago ibol, "Njai in san taman numado dop in njasag nanuk imado wa." An dam ta ibol na ya. ⁶Gug saen Anut Nanun matu an iganeg tan na ipalu an ninen o ago ibol, "Anut san enjel adi fidian in ninen o ubou an dile wa." ⁷Aria, enjel adi sed ninedi wo man Anut ibol, "Anut in anen enjel adi man tim igo wonj a, in anen urat pinein adi man yai balen imasa dak igo wonj a." ⁸Ak man Nanun ninen o ago ibol, "O Anut, onsa Kinj san kalik an pempem yen yau san a. Agod Kinj san makud bani lo wabi dan an kagin itaot san makud igo wonj a. ⁹Onj kagin itaot ak ninen o mi umat da, agod kagin saian ak umoi geig da.

Fun amaiak ninen o Anut, in onjane Anut, onjane tura murou sad malan te iginio ya,

agod yousai san gurenj an onj tini fo ikulmaek idu ya."

¹⁰Anut Nanun irupeig dag ibol,

"O Tubun en, fun lo mok onj tan en san kadanj guni a,

mel fidian lak na yan dam onjse bani lo diri a.

¹¹Mel an fidian dideg diau a, gug onj man mado wa,

in yamel wagam ak itout yau igo wonj a.

¹²Onj nek ibol yamel dululumip diabi yau ak igo wonj mel fidian lak na yan, tan en lo dam ago gane wa.

Nek ibol yamel wagam ak dupasip foun ak digane dak igo wonj, onj mel fidian bilisap foun ak dilasa wa.

Gug onj man igo pempem mado wa, onj sa anajar itout san tia ya."

¹³En dugo, Anut enjel ta irupeig ago ibol,

"Onj njasag aben malan te yak ate mado dop njai onjane ager adi njidiraip paen na dumado wa,"

Anut ru ta ago ibol man tia ya. ¹⁴Enjel adi an enso mel ta i? In man ur, amaiak Anut idinaig tamolpein a patud ipasi san amaiak dibinawai o dudu ya.

2

Anut injiliad an mel tubun a

¹Fun amaiak ninen o id ru rumok a talon an tabi sakar a, ago dop an lo na id tadedg tau san tia ya. ²Tubud baged adi wagam enjel awad lo kubiaen san ru dirjane ya. Ru dulonj an yen sakar da, fun an ninen o talpein enti aupasek ta igane, tia, awa parsisalek ta igane tap, kulob an san naon atem itaot injane wa. ³Fun amaiak ninen o id patu pasek uyanan en patud tupani tap, en dugo wonj id aupasek naon an tabiriniani wak i? Tubun en in sen malan malan mok patu pasek ninen o ibol ilasa ya, agod a in awan dulonj an id dukubiai tile yak ru an ru rumok a. ⁴Saen nek an lo mi Anut tamolpein a mel malad nam dile amaiak insad ru an dabai ipani. In kulob girager agod urat dabai tutubun ak igane na ya, agod in sen ilon ibol ak lo mi Awan Urgan

san dabai lo in urat digane san bar funfun iwae pidinai a.

Jesus sen imug injiliad a

⁵ Man dugo, Anut in enel adi tan foun murna ilasa wan kagin dupani wo ta ipilianai na ya. Tan amaiak ninen o naj ru nabol da. ⁶ Gug Anut san girek ta lo ru en igo ibol, “Tamol man nek mel kawan ak igo ya, amaiak ninen o, ata wo in o ilo isou di?”

Tamol nanun man in mel tubun tia ya, an ninen o onj ata wo in kagin pani uyan di?”

⁷ Onj saen katukan mi in enel paed na gane ya,

agog in girager yanak tubun ak da pani a,

⁸ agod mel fidian in taman imado wo tuon lo diri a.”

Aria, saen Anut tamol igane yan, in mel fidian sad taman imado wo ago ibol a, an lo in mel ta ibiseip tamol san kagin panek patun fo yen man tia ya. Ak man gamu saen en lo man tamolpein mel fidian kagin dupani dop id tile man tia ya. ⁹ Gug id Jesus mi tile da, in saen katukan mi Anut in enel paed na imado wo igane ya. Agod ilo mujanek Anut ipanad dan ninen o in tamolpein fidian abed inane g materj ile ya. Materj an lo na in madai ikubiani a, fun an ninen o gamu id tile yak in yanak tubun ak girager da inane ya.

¹⁰ Nek uyan ak Anut in mel fidian idirig ago dien diau dan, Jesus madai isini an lo in iganeg itaot mok ilasa ya. Nek an lo in nanuk wei mi injal ipalup in san girager an lo in da sisem dumado wa. Man ata wo? Jesus sen in patun pasek san fun. ¹¹ Ta a tamolpein gun dilasa wo igane dan, agod tamolpein a gun dilasa yan, in sisem fudi kisaek a. Fun amaiak ninen o Jesus in tein taon ibol san ninen o miai ta ifuni da. ¹² In Anut ninen o ago ibol da,

“Nai onja yanja an teig taog nurupidai dulon a,

insad tumanek lo naj bar naji dop onj yanja najabisa wa.”

¹³ In dam ago ibol,

“Nai Anut tinig nupanig numado da,”

agod in fon ibol,

“Nai ebo Anut nanun muroun ipanag emaiak dida mumado da.”

¹⁴ In san nanun muroun en man in tan en san tamolpein mi, fun amaiak ninen o nek in dumado dan ago mi Jesus dam in san tinin, tan en san tinik igo wonj ilasa ya. In ago igane yan lo in san materj lo Satan materj san dabai aman da yan ka ipitinjini wa. ¹⁵ Dal emaiak lo in tamolpein inane g materj san rirek lo patud ipasig maror ipidinai a, in fon materj san rirek inane g madok lo kagin ipidinai yau san tia ya. ¹⁶ Id talon ak mel an man rumok a, man dugo, in enel ta ibinawai na ya, tia, in Abraham san sawar ibinawai a. ¹⁷ Ago yak ninen inane g kagin naok naok lo in tein taon dumado dak ago mok ilasa wa. Ago dop an lo na in inane g pris malan te yak ilasap ago imado wa. In san urut awan lo Anut ibinawi dan igo ya, in awa yabek tamol agod ilo mujanek tamol an lo in tamolpein sad aupasek an ninen Anut ilon igane ibubarum a. ¹⁸ In sen aupasek san ate suek lo itur go madai ikubiani a, fun amaiak ninen o in gamu tamolpein a aupasek san ate suek dile dan ka ibinawai uyan a.

3

Jesus san yanak tubun an Moses yanjan irinjani a

¹ An ninen o an najineg teig taog gun ak, an man da Anut san wagin an lo itumanad go tumado dan, an Jesus ninen o mi ilom isou a. In aposel agod in pris malan te yak an ninen o tabol ilasa da. ² In Talpein a ipiliani an awan iri pani a, nek ibol Moses Anut awan kagin ipanig Anut san ab ilon lo urut igane igo ya. ³ Nek ibol tamol ab yabi an yanjan tubun dugo ab mok sen man yanjan tusan ak ago ya. ⁴ Rumok, ab fidian kisaek kisaek atem tamol diabi da, ak man Anut sen in mel fidian idirai an irinjani a. ⁵ Moses in Anut anen ab san tamolpein fidian lulunad lo urut pinein igo Anut awan iri panig urut igane ya. Nek mel amaiak saen murnap ilasa dan te dop ru a in ninen dubol an Moses dam gubak mi ninen o ibol ilasa ya. ⁶ Ak man Kristus in Anut Nanun mok imado ya, an lo in Anut san ab lo tamolpein kagin ipidinai a. Id dabai amad da Anut anen ru tabol dan, id ilo uyan amad da mel a Anut ipanad ak ninen o ilod

yen dan tabi sakar tap, id Anut san ab mok a.

⁷ Amaiak ninjen o nek ibol Awan Urgun gubak mi ibol ago,

“Nek gamu en, an inſan awan alon tap,

⁸ ananem bubem aganep sakar ilasa amoi.

Nek ibol wagam an tubum bagem bitinaek san saen lo tan kawan ak ate Anut patud dupani ago mi,

an kagin an ta agane na wa.

⁹ Saen an lo in űai tuog lo bitinaek an diganeg dukubianag se ya.

Ananar 40 űaisag urat dabai fidian űigane an dile bo man űai patud dupanag se ya.

¹⁰ Fun amaiak ninjen űai in ninedi wo tinjaeg saian go ago űabol,

‘Inſad bubed lo in pempem dal senamo diau da,

agod in űaisag dal dugo won űau dan ta dulon na ya.’

¹¹ űaisag tinjae saiak lo geg sakar ak űigane yan, ago űabol,

‘Rumok lak na, in űaisag yaes bilabal lo ta mok diladu na wa.’”

¹² An ninjen űai teig taog, kagin agane wa. Kabelan an luluűam lo ta in buben ilo

sou saian aman dap, ilon lo rumok tiap, Anut kumaen pempem san an patun ipani

banau. ¹³ Tia, nal fidian an tan suek ru nug arupej, nal “gamu” dubol dan lo an

ago agane wa. Kabelan aupasek san kagin irawan dop an luluűam lo ta bubem afutani

banau. ¹⁴ Ilo rumok malan malan an id fun tiganeg an tabi sakar pe yaup wadan na

idu tap, an lo id Kristus da sisem tutumani wa. ¹⁵ Id talon ak ru e Anut Dawid ipani

yen yen geig da, an ago ibol,

“Nek gamu en, an inſan awan alon tap,

ananem bubem aganep sakar ilasa amoi.

Nek ibol wagam an tubum bagem bitinaek san saen lo tan kawan ak ate Anut patud dupani ago mi,

an kagin an ta agane na wa.”

¹⁶ En sauta wagam Anut awan dulon gug awa parsisalek digane i? An tamolpein

wagam Moses injal go Igipta tan dibiseig diau ama ya. ¹⁷ En sauta ananar 40 in Anut

tinjae saiak dupani se i? An tamolpein a aupasek diganeg dumat go sad susanud

tan kawan ak ate dudu ama ya. ¹⁸ Agod en sauta ninedi wo Anut rumok lak na yaes

bilabal lo diladu san tia ago ibol irupidai i? An tamolpein a in awan duparsisali ama ya. ¹⁹ An ninjen o id tile talon ak in diladu san tia ya, man dugo, in ilod lo ta rumok na ya.

4

Anut san tamolpein inſan yaes bilabal lo diladu wa

¹ Aria, id Anut san yaes bilabal lo tiladu san ru gubak mi yen la ya. Fun amaiak

ninjen o id man tarut dop tarer a. Kabelan Anut an aenta luluűam lo ta bitinaek lo

idiran pe, an inſan yaes bilabal lo aladu san arinani banau. ² Rumok, Anut ru id giraned

na ipalu yan, nek gubak mi in giraned na ipalu yak igo mi a. Gug ru a dulon an ta

ibinawai na ya. Man dugo, rumok in ru an dulon a, ago gug in ilod lo ta rumok na

dan lo ru an nunon ta ifu na ya. ³ Id ilod lo rumok an mi yaes bilabal amaiak lo tiladu

wa. Nek ibol in ibol ak igo,

“űaisag tinjae saiak lo geg sakar ak űigane yan, ago űabol,

‘Rumok lak na, in űaisag yaes bilabal lo ta mok diladu na wa.’”

Saen Anut tan en igane yan lo inſan urat fidian igane itout a. An ninjen o id talon

ak, Anut san yaes bilabal yen la ya. ⁴ Man dugo, girek ta lo in nal seven ninjen o igo

ibol,

“Anut nal seven lo inanen urat an fidian ninedi wo yaes ibal a.”

⁵ Agod fon girek kisaek en lo igo ibol, “in űaisag yaes bilabal lo ta mok diladu na wa.”

⁶ Amaiak ninjen o id tile dak aenta diladu san dal ipasig yen da, ak man aenta a

gubak mi Anut ru dinane yan diladu san dal dirinani da, man dugo, in awa parsisalek

tinadi a. ⁷ Fun an ninjen o in fon mi nal itaot ipiliani a, “gamu en”, ata wo, Anut tan

iganeg saen milaen mok gug Dawid awan lo igo ibol,

“Nek gamu en, an inſan awan alon tap,

ananem bubem aganep sakar ilasa amoi.”

⁸ Rumok, Josua in yaes ka ipidinai tap, Anut murnap fon mi nal sen ak ninjen o ibol san

tia wa. ⁹ Fun amaiak ninjen o yaes bilabal bageu san Anut anen tamolpein ninedi wo

yen da, yaes bilabal an nal seven san igo ya. ¹⁰ Man dugo, ensauta Anut san yaes bilabal

lo diladu dan inaned urat tan en lo digane yan dibisei da, nek ibol Anut inſen urat a igane dan ibisei ak igo mi a. ¹¹ An niſen o id yaes bilabal amaiak lo tiladu wo urat wagai tigane wa. Ago dop aenta lulunad lo awa parsisalek kagin naok an lo diau dudu banau.

¹² Anut san ru man kumaen a, agod dabai aman da ago yen da. Nek ibol bubarek kisaek malan uraru aman da yak igo won, an talpein tinin isuep iladu yau geig da, inſan nſutun ur da ibiatai da, tatu batek dam titinaem igilep sensen dilasa wa. Agod bubed san kankan in ilo girek da ka ikubiani san ilon da. ¹³ Agod in malan lo talpein ta imianuk san tia ya. Tia, enti id ru naon tupani san in malan lo man, mel fidian walal te mi itufalak go dien da.

Jesus sen idsad pris malan te ya

¹⁴ Id pris malan te tutubun ak amad da ya, an niſen o in lak na yaug, id Anut san na tau san dal yabirubeg iladu ya, an man nek Jesus, Anut inanen Nanun. Amaiak niſen o id ilo rumok san ru tabol ilasa san tabip sakar a. ¹⁵ Dugo, idaned pris malan te tubun ak idsad muruan funfun niſen o ilo muſanek ipanad san ta idaisuda na yak i? Tia, in tamol naok ago tia ya. Man dugo, bitinaek naon funfun id lo ipalu dan ago mi in lo dam yau da, ago gug in aupasek ta igane man tia ya. ¹⁶ An niſen o id pempem Anut san kalik giranen na tau a, ante man Anut ilo panek iwae san aben mi a. Aben an lo saen muruan sumeik ipanad dan, ilo muſanek ka tinane wa, agod inſan ilo panek id ibinawad san tile wa.

5

¹ Pris malan te yan kisaek kisaek tamol lulunad lo Anut ipiliani a. Agod inſan urat man, tamolpein waged lo lou kawan ak in mel mudan a yai lo dumari san da, inſad aupasek ipasi yau wo Anut ipani da. ² In tamolpein a ilod tia yan, agod a dal diapi-tilip sen diau dan dam mos nam kagin ka ipidinai a, man dugo, in dam dabai aman tia yan lo yau idu da. ³ Fun amaiak niſen o, in malan malan man inſinan aupasek isuas san niſen o yai igane wa. Agop murna man tamolpein sad aupasek niſen o dam yai ka igane wa.

⁴ Pris malan te yak in yan an anda ya, ago gug talpein ta sen ilon nam urat an inane san tia ya. Tia, Anut talpein an imug iwagin a, nek ibol wagam Moses tein Aron iwagig pris malan te ilasa yak igo mi a. ⁵ Nek ago mi Kristus dam in sen tinin nam pris malan te yak imado wo ta igane na ya. Tia, enti a in irupeig igo ibol,

“On naineſ Nanuk,

agod gamu en nſai onane Tama nſumado da,” amaiak Kristus ipiliani a. ⁶ Agod girek ta lo fon igo ibol,

“On pris pempem san,

on pris naok Melkisedek imado yak igo, on dam mado wa.”

⁷ Saen Jesus tan na imado se yan, inanen gudaneſ lo pempem imosiai dugo, awan tubun mi tinan inaneſ Anut o mateſ san dabai lo ka patun ipasi wo igudani a. Agod in Anut awan kagin ipani uyan go sen yabi idu ya, an lo Anut inſan gudaneſ ilon a. ⁸ In man gidad Anut Nanun bo man, madai isini se yan lo awa yabek kagin ilon uyan a. ⁹ Agod saen in awa yabek kagin a lo itaot mok ilasa yan, in tamolpein ensauta awan kagin dupani dan niſedi wo patun pasek pempem san fun mok ilasa ya. ¹⁰ Agod Anut in pris malan te imado wo kob ipani a, nek ibol Melkisedek igo mi a.

Dutur sakar san ru kagin

¹¹ Mel en niſen o man ru mubate wo iloma yen da, ak man man fun mabol ilasa wo kitek muruan a. Man dugo, an alon pe anane kisaek san tia ya. ¹² An girek manau alasa san saen idaisuda ya. Ak man talpein ta fon piteſaneſ pasauman ak lo Anut ru ilon lo yen dan ikubiai panan san niſen o an katuk amami da. An anan sakar ak ani san ta idaisuda ya, ago gug an su mi aluk san niſen o katuk amami da. ¹³ Alon uyan, enti in su mi iluk o igane dan, in kagin itaot san ru niſen o inanon da, man dugo, in nanuk mi a. ¹⁴ Ak man anan sakar man tamol tutubui ak sadi a, en sauta a Anut ru pempem dusuti dan lo, mel uyan ak saian ak da niſen o ilod igire dugo dupiliani uyan san dulon da.

6

¹ Ago yak niñen o id tamug tilasap, piteñanek pasauman Kristus niñen o yan tibiseip yen dop, tusokalik pe tamol tutubu yak sad piteñanek lo tiladu wa. Id gamu piteñanek pasauman ak tibiseip bag foun ak tugunai wa, kabelan id bag wagam an fon mi tugunai o tigane banau. Ru en igo ya, mateñ san urat fidian lo id ilod ibileksap tadarña san piteñanek, id Anut ilod lo rumok ak san piteñanek da, ² agod fulanek funfun san, tinid fo banim agane san, dumat pe fon dumasa wak, agod Anut id bitinaek lo idirad pe pempem san pani naon ipanad san, an fidian niñedi wo ta tabol na wa. ³ Aria, id gamu en tamug tau a, agod Anut awok ibol tap man, id ka ago tigane wa.

⁴ Ak dugo, tamolpein a inñ gubak mi Anut san lilaman inñsad turenñ lo isapudade yan, agod kumaen panu san binawek kawan a igane ipalug dukubiani dile yan, agod nug dupinig Awan Urgun da dutor dan, ⁵ agod inñ Anut san ru a dukubianig dile yan uyanan, agod inñ madok a sumeik ipanad dan san dabai sensen dile dulonñ la bo man, ⁶ murnap Anut patud dupani tap, an dugo ilod isou wak i? Id talpein an ka tañal tamul pe ilod fon ibileksa san dal dile wak i? Man tia geig a! Man dugo, kulob en igo digane tap, an man inñ fon Jesus aigim fo dubali da wa, agod inñ tinin diabisa dop malak malak lo miai dupani wa.

⁷ Tan en lo saen wei mi ui idu den san you iluk da, agod anañ uyanan ak tamolpein a anañ dupae dan niñedi wo igane ilasa tap, Anut san bar uyanan inñane wa. ⁸ Gug tan en inñ ai dudurun anda yak mi, kurkur saiak saiak mi disa tap man, tan an saian a, agod lou aman tia ya. Saen milaen tiap tan muroun bar saiak ipani dop ipitiñini wa. Tan en itout san man dumari wa.

⁹ O mañsama adi, mañ ru an mabol bo man, mañ anñ niñem o igo iloma lo rumok. Melmel patun pasek san uyanan ak mi an, anñ o ilasa wa. ¹⁰ Man dugo, Anut inñ kagin itaot tia lo, anñanem urat agod anñanem ilo panek, saen inñ yañan lo anñ gun adi kagin apidinai se yan, anñ akubiai apidinai dan ile pilti san tia wa. Kagin uyanan an anñ gamu

nek ago mi agane da. ¹¹ Mañsama iloma igo wonñ a. Nek ibol kagin a anñ lo atur sakar dan, nek ago mi anñ anñanem ilo rumok mel a niñen anñ tinim agane dan abi awan isap, an lo dam atur sakar a. Anñ anek anek atem urat wagai agane dop amado yaup anñanem saen wadan ilasa wa. ¹² Dal amaiak lo anñ ta ayalis na wa. Tia, anñ dam tamolpein a Anut ilod lo rumok go, muruan lo dutor sakar dan lo, Anut san promis diñane dan, inñsad kulob an anñ agam anñane wa.

Anut san promis san nuñon ilasa wa

¹³ Saen Anut Abraham promis ipani wo ilon yen, talpein ta inñsan yañan an, Anut yañan iriñani dan imado man tia yan niñen o, Anut sen yañan lo rumok lak na ibol go ¹⁴ ago ibol, “Rumok geig, ñai onñ bar uyanan ñupano wa, onñane mala kubalan wei mi ñiganep ilasa wa.” ¹⁵ Abraham ru an ilonñ go sen dabai ipanig, mala nouk imado yaug saen milaen gug promis an san nuñon inñane ya.

¹⁶ Rumok, tamol adi inñ talpein sen ak iriñanai dan yañan lo inñaned ru dabai dupani wa. Agod saen inñ ru lo nug dufuni dan, kulob an lo ru digane itout a. ¹⁷ Ago yak niñen o tamolpein a Anut inñsan promis san nuñon diñane wan, inñsan ilobol ibileksa san tia yan, an kuai te ikubiai dile wo ilon yen da. Amaiak niñen o inñ ru rumok lak na ibol an lo inñsan promis ru dabai ipani a. ¹⁸ An lo na mel uraru a tibilsa san tia yan, agod an niñen o Anut sewak ipanad san ta isuda na yan, lo id tan suek tubun ak ipanad a, an lo id a aupasek niñen o tasol man, melmel a naod na iganeg niñedi wo mala naok tumado dan, tiñanep tabi sakar onñ a. ¹⁹ Id Anut tinid tigane tupanid amaiak anga igo wonñ ñitud yabituani da. Tini ganek amaiak dabai aman da ya, an lo iganeg id dalawan san yamel an patun fo taug galuñ Gun Di, Gun Mok an ilon lo tiladu ya. ²⁰ An lo Jesus id niñedi o imug mi iladu ya. Inñ man pris gurman pempem san, naok Melkisedek igo wonñ ilasa ya.

7

Melkisedek yañan tubun a

¹ Melkisedek inñ taun Salem dubol dan san kiñ, agod inñ Anut Naon Tubun Lak Na

yan san pris imado ya. Saen Abraham yu iganeg kiñ aenta ifu itout go imul an, Melkisedek Abraham ile wo yaug dal na nug dileg bar ipani a. ² Agog Abraham mel fidian isini an itarpaleg malan 10 itumani, ago gug malan kisaek inaneg Melkisedek ipani. Aria, yanak Melkisedek man fun igo ya, “kagin itaot ak san kiñ,” agod in mi Salem san kiñ, an san fun man “maror san kiñ.” ³ Inj tinan taman tia, tubun bagen dam tia ya. Tinan igansi ak san nal, imat ak san nal dam ta talon a. Nek ibol Anut Nanun on imado ya, inj pris pempem san imado da.

⁴ An Melkisedek yanjan tubun an ale. Abraham idsad tubud baged malan inug ak, yu san biouñ isini an itarpaleg malan 10 gug malan kisaek inaneg Melkisedek ipani a. ⁵ Ru ta Moses san kubiaen ilon lo yen dan ago ibol, Livai san malan kubulan a pris urat diñane yan tamolpein sad melmel aenta diñane wa. Tamolpein an inşad biouñ ditarpalep malan 10 gug malan kisaek dipidinai a. Ago dugo gidad teid muroudi agod Abraham tubun muroun bo man dam mi a. ⁶ Ak man tamol Melkisedek an Livai san gugoi lo kisaek tia ya, ago yak bo man Abraham biouñ itumanig malan 10 gug itarpaleg malan kisaek Melkisedek ipani a. Melkisedek biouñ an inaneg tamol a Anut san promis yabi dan bar ipani a. ⁷ Id talon uyan ak tamol lak na yan bar tamol paen na yan ipani wa. ⁸ Amaiak ninen o dal ta igo ya, tamol e Livai san gugoi lo dilasa yan binawek diñane bo man inj dumat da. Ak man dal turan lo, tamol Melkisedek inj dam binawek inane ya, gug girek en lo ibol inj pempem imado yau on da. ⁹ Ru ta dam nap talpein ka igo ibol a, Livai inşen, tamolpein sad binawek inane dan, gidad inj gamugo ilasa bo man binawek Abraham banin lo Melkisedek ipani a. ¹⁰ Man dugo, saen Abraham Melkisedek itumani ante man, Livai inj bagen Abraham tinin lo imado se ya.

Jesus ibol Melkisedek on a

¹¹ Aria, pris adi a Livai san gugoi lo dilasa yan sad urat man kubiaen a Anut tamolpein ipidinai an san fun. Tamolpein pris an sad urat an lo inj itaot mok ak dilasa tap, anta wo pris foun ak ta ilasa wo Anut

imat di? Pris naok Aron san ago tia ya, tia, Melkisedek san ago mi a. ¹² Aria, pris san urat awan lo bileksak yen tap man kubiaen dam lo bileksak yen a. ¹³ Tamol a man ninen o mininjen den man inj gugoi senamo ak san a. Ak man talpein ta gugoi an san, pris sad urat alta fufo igane man tia ya. ¹⁴ Id kuai tem talon uyanan ak idsad Tubun en man inj Juda san gugoi lo ilasa ya. Agod gugoi amaiak mi ninen o Moses pris ninedi wo ru ta ibol man tia ya.

¹⁵ Mel man ninen o mininjen den ru binawek lo kuai isi geig a. Alon uyan a. Gamu pris naok sen ak Melkisedek on ak ilasa ya. ¹⁶ Inj pris san kob inane ya, kubiaen ta gugoi dugon lo inj ilasa yan lo kob ta inane na ya, tia, kumaen dipitini san tia yan san dabai lo mi a. ¹⁷ Man dugo, ru en girek lo inj ninen o ago ibol, “On pris pempem mado geig a, nek pris naok Melkisedek ago mi on dam ago wa.”

¹⁸ Dal ta lo, kubiaen malan malan mi an Anut patun fo igane ya, man dugo, kubiaen an dabai an tia yak, agod nuñon an dam tia ya. ¹⁹ (Man dugo, kubiaen an mel ta itaot mok ak igane ilasa san tia ya.) Dal turan lo, ilo rumok uyanan nuñon anda yak ikubiai panad a, an lo Anut siniren na tau a.

²⁰ Saen Anut ago igane yan lo inşinanen ru dabai ipani a. Pris an Livai san gugoi lo dilasa yan, talpein ta ru dabai ipani man tia yan lo gidad pris dilasa ya. ²¹ Ak man tamol a ninen o mabol la yan Anut inşinanen ru dabai ipani an lo pris ilasa ya. Man dugo, Anut irupeig igo ibol, “Tubud inanen ru dabai ipani la ya, agod inj ilon ta ibilisa na wa. On pris pempem mado geig a.”

²² Fun an ninen o Jesus man kontrak foun an san balsinane, agod kontrak an kontrak wagam an irinani a.

²³ Pris wagam san an wei mi a, man dugo, maten yabitanai, an lo urat digane yau san tia ya. Fun an ninen o pris foun ak pris dumat ak sad abed diñane se ya. ²⁴ Ak gug Jesus man pempem imado yau da. An ninen o pris san urat man nek ago mi igane yau on a. ²⁵ Ago yak ninen o tamolpein a inj lo Anut sumeik dupani

dan patud ipasi pasik anen idaisuda ya. Man dugo, in pempem imado dan ninen in waged lo Anut igudani da.

²⁶ Pris gurman naok ago yak id lo uyan a. In saian aman tia ya, in gun, ikok, in tamolpein aupasek adi an sinjired na dam tia ya, agod Anut yabisag kumaen panu lo lak na isuda geig a. ²⁷ Nal wei mi pris aenkadi Anut yai digane pani da, malan malan in sinad aupasek dusuas san yai digane gup tinin te man tamolpein sad yai digane da. Ak man Jesus man in ago tia ya, in in sen tinin amaiak ibiseig nal kisaek tamolpein fidian ninedi wo aigim fo imat a. ²⁸ Rumok, kubiaen in tamol dabai amad tia yak ipilianaip pris gurman dilasa wa. Ak man saen Anut in ru rumok lak na ibol an kubiaen an patun fo igane ya. An lo Anut ru rumok a ibol an lo, in anen Nanun ipilianig pris gurman ilasa ya. Agod Anut in anen Nanun iganeg itaot geig ilasa ya, nek ago mi pempem imado wa.

8

Jesus idsad pris malan te ya

¹ Man ru mabol dan man mel malan te igo ya: rumok, id pris gurman uyanan ago yak amad da ya. In kumaen panu lo Tubun Geig ak san badim sinjiren na banin won ak lo imasig imado da. ² Agod in Anut san ubou ab rumok ak lo pris san urat igane da. Ubou ab an man tamol ta dususe na ya, tia, Anut sen mi isuse ya.

³ Pris gurman fidian dipilianai dan in tamolpein aned ilo uyan anan Anut yan an lo mel an dupani da. Agod in aned aupasek dusuas yau san mel mudan man Anut yai digane pani da. Fun amaiak ninen o gamu pris foun ak dam mel ta naon ago mi Anut ipani wa. ⁴ Aria, in tan en san tamol tap man in ta pris ilasa na wa. Man dugo, pris wei mi tan en lo dumado la yan, Anut san kubiaen kagin dupani dop yai digane pani se ya. ⁵ Ubou ab a tamol, lo Anut urat digane dupani dan man kumaen panu anen ubou ab san mitilaen igo ya. Fun amaiak ninen Moses Anut san ubou ab isuse wo igane dugo, Anut irupeig igo ibol, "On naji did fo na ru kagin jurupaio dugo ilo sou nukubiai pano yan lo, mel fidian gane ilasap

itaot a." ⁶ Gug gamu pris san urat Anut Kristus banin lo igane yan man uyanan geig a. Man dugo, in kontrak uyanan ak san titinae tamol igo ya, agod kontrak an kontrak wagam ak irinani a. Ata wo, kontrak foun an san bag man Anut anen promis uyanan, an lo wagam an dam san nunon irinani a.

⁷ Kontrak wagam an lo muruan tia yak man kontrak foun ak ta ilasa san tia wa.

⁸ Man dugo, Anut tamolpein ilod lo saian ile ya, amaiak ninen o,

"Tubun en ibol, alon ak, saen ipalu dan te dop

nai Isrel tamolpein in Juda tamolpein dadi kontrak foun ak mususe wa.

⁹ Agod kontrak en man naji Isrel tubud baged dadi mususe ago tia ya.

Saen an lo man naji banid te njibiaig najal go Igipta tan mubiseig mupalu ya.

Man dugo, in naisag kontrak an mi kagin dupanip ta diabi se na ya.

An ninen o naji patug njipidinai a.

Nai Tubun en ago najol a.

¹⁰ Saen an ilasa dop, kontrak en naji Isrel tamolpein lo njigane wa.

Naisag kubiaen an kabunad lo njidiri wak, agod bubedi lo dam njigire wa.

Nai man in aned Anut, agod in njaineg tamolpein a.

¹¹ Nal en lo ta lulunad lo turan boi, tia, tein boi, ipitejanip ibol,

'Tubun en ulon,' an ago ta ibol na wa.

Man dugo, in fidian naji dulon uyanan a.

Tamol yanad tia yan, agod tamol yanad anda yan, dam fidian naji dulon a.

¹² Man dugo, naji in aned aupasek an njupasi yau a,

agod naji insad muruan an ilog isou san tia ya."

¹³ Aria, Anut kontrak foun ta ninen o in inen dan fun man in san ilo sou lo kontrak malan malan an man wagam san a. Agod mel ta wagam an la yak, an saen katukan mi yen pe itout yau a.

9

Tan en san ubou ab lo ubou leil san kagin

¹ Aria, kontrak malan malan an lo ubou leil san kubiaen yen a, ago dugo tan en san ubou ab ta dam yen a. ² Ubou ab ta dususe

ya. Galuŋ malmalan an lo lam ta, badim da, agod badim an fo bret Anut naon na didirig dien dan mi ante dien da. Galuŋ an Aben Gun ak ago dubol da. ³ Aria, galuŋ an patun fo man yamel dalawan te dususe ya. Yamel amaiak patun fo man galuŋ taida yen da, galuŋ an Gun Di, Gun Mok ago dubol da. ⁴ Galuŋ en ilon lo alta ta gol nam diganeg yen da. Alta an fo man pawra mumalun bulbal ak sen nam yai digane da. Agod kunup kontrak an dam gol nam dubuluwig yen da. Kunup kontrak an ilon lo, bod gol a mana aman da yan, Aron san makud a balun foun ak idiri an dam, agod Anut san kubiaen pat aten uyan ak uraru fo na igire an dam, kunup an ilon lo dien da. ⁵ Kunup an fufo na Anut san ilo mujanek aben yen da, agod an gigin ananaem mi Girager san enel uraru mi mitilaed dututuŋanai an subarid duwate yaug Anut tamolpein inaned aupasek ipasi yau ak san aben amaiak dutuanig dutur da. Ak man gamu mel an man fun fidian mabol dop alon san tia ya.

⁶ Mel an fidian ago digane itout a, ago gup murna pris adi galuŋ malan te yan lo diladup inaned urat awan an digane yau on a. ⁷ Ak man pris gurman mi in galuŋ tinin te an ilon lo iladu wa. In ananar kisaek ilon lo nal kisaek atem galuŋ an ilon lo iladu da. In pempem dar inane iladup inşinan aupasek agod tamolpein njeo lo kagin si-saiak digane na yan, dam fidian ipasi yau wo Anut ipani da. ⁸⁻⁹ Kulob en fidian lo ru faŋan yen da. Mel an lo Awan Urgun kuai tem ikubiai tile ya, saen galuŋ malan te urat anda ago itur se man, galuŋ Gun di, Gun Mok san dalawan an itaug yen se ya. Man dugo, dalawan san yamel amaiak dal ifutani a. Galuŋ malan te man kontrak wagam san saen, an naon inane ya. Ubou leil ab an ilon lo Anut ilo uyan mel dupani dop yai digane pani se ya, ak man mel an talpein nşun ibinawip ikok ilasa san tia ya. ¹⁰ Melmel an man sen kubiaen ibol ago anan nuaen, you lukluk agod fulanek funfun digane dop lo ikok dilasa san mi a. Kulob en man tinik fufo yak san mi a, ago digane yaup melmel foun ak dilasa wan san saen ilasa wa.

Kristus san dar

¹¹ Ak man saen Kristus ilasa yan, in melmel uyan uyan a dilasa la yan, sad pris gurman on ago imado ya. Saen an lo in galuŋ Gun Di, Gun Mok a uyanan geig agod itaot mok a tamol banid nam ta dususe na yan, ilon lo iladu ya. Galuŋ an tan en san tia ya. ¹² In nal kisaek o lian mi galuŋ Gun Di, Gun Mok an ilon lo iladu ya, agod dar a inane ida iladu yan man bilelek boi, tia makau nanun ta boi san dar tia ya, tia, an inşinanen dar mok a. An ninen o id inşiad tamul pe inşan na pempem tumado yau san dal ipasi a. ¹³ Dugo, pris adi bilelek sad dar, makau nanun tamol sad dar, agod makau nanun pein ak san tatu, an diŋane go tamolpein a, Anut malan lo ilod ta ikok na yan, sad tinidi fufo dufurfi go gun dilasa ya, an lo tinidi ikok ilasa tap, ¹⁴ Kristus san dar sapta taida mip dabai aki? Ur pempem san dabai lo, Kristus inşen inşanen tinin a muruan aman tia yan dufuni imat pe mel mudan yai lo digane yak igo won Anut ipani a. Kulob an lo inşen mi idsad nşud ibinawig ikok tilasa ya, an lo idsad nşud lo kagin a sad nunon a lo mateŋ tile dan ipasi yau a, an lo id Anut kumaen imado dak mi ubou an tile wa.

¹⁵ Fun amaiak ninen o Kristus in kontrak foun en san tamol titiŋae ak igo imado da. An lo talpein ensauta a Anut ipilianai ak mi, in kumaen pempem san melmel diŋane san ipilianaig yen dan diŋane wa. Man dugo, mateŋ a ilasa amaiak lo, tamolpein kontrak a wagam paen na dumado dugo aupasek digane na yan patud ipasi a.

¹⁶ Aria, mateŋ kontrak san girek (pepa) ta yen tap, an man urat aman tia ya. Man dugo, tamolpein in girek muroun imat an dile dulon gup, girek an urat ka dupani wa. ¹⁷ Kontrak girek an mateŋ san saen lo mi dabai anda. Man dugo, saen girek muroun malan kumaen lo imado se yan, girek an kawan igo ya. ¹⁸ Fun an lo na wagam mel mudan dufu na yan sad mateŋ san dar amaiak kontrak wagam an dabai ipani na ya. ¹⁹ Saen Moses tamolpein naod na kubiaen an fidian ifulale idug itout an, in makau nanun bilelek da sad dar inane you da ibileksa ya. Ago gug yaug ai hisop raen ta kam daran ak bilelek fufulun sen

nam dufou yan inaneg dar lo isamuni, ago gug inaneg ifurfi buk fo na isida gug fon tamolpein fidian sad na ifurfi yau a. ²⁰ In ago irupidai, “Dar en kontrak dabai ipani san, nek emaiak ninen o Anut ru kagin ipanaj a.” ²¹ Kulob nek a igane ago mi dar an ifurfi ubou ab an fo isudag, ubou leil san mel an dam fidian fo ifurfi isuda ya. ²² Rumok, kubiaen paen na, mel wei mi dar nam ikok digane ilasa ya. Agod dar ta ikulmaek yau na yak man aupasek dam ta isuas yau na wa.

²³ An uyan ak kumaen panu san melmel anen mitilaedi an naok naok ago lo ikok dilasa da. Ak man kumaen panu san melmel insemi, naok naok a aenta irinjanai dan nam ikok dilasa da. ²⁴ Man dugo, Kristus in tamol banid nam galun gun mok dususe yak lo ta iladu na ya. An man galun mok ak san tutujanek mi a. Tia, kumaen panu mok lo iladu ya. Gamu ante id ninjed o Anut naon na imado da. ²⁵ Taida mi, in saen wei mi in sen tinin ipani wo igane man tia ya, nek ibol pris gurman galun Gun Di, Gun Mok ak lo anajar kisaek kisaek lo dar a in san tia yan da isinip iladu dan ago ta igane na ya. ²⁶ Ago tap, saen Anut tan en igane ilasag ipalu an lo Kristus nal wei mi madai ile wa. In ago ta igane na ya, tia, nal kisaek o lian saen wadan lo ilasa ya. In sinanen tinin ipidinai an lo aupasek ipasi yau san igane ya. ²⁷ Anut ibol, tamolpein nal kisaek mi dumat a, ago gup Anut naon na bitinaek lo dutur a. ²⁸ Nek ago mi, Kristus dam nal kisaek dufuni imat a, an lo tamolpein wei mi sad aupasek isini a. In ago igane dugup afon imul ipalu da wa. Aupasek isuas yau san ta imul ipalu da, tia, tamolpein a in o mala nouk dumado dan patud ipasi ipidinai o imul ipalu da wa.

10

Yai niganag wagam man aupasek ipasi san tia ya

¹ Kubiaen man mel uyan uyan murna dilasap dupalu wa, amaiak sad mitilaedi mi a. An man mel nunon tia ya. An lo tamolpein Anut anajar fidian yai naon kisaek anam digane pani dugo sinjiren na

diau dan, kubiaen ikubuniaip itaot mok dilasa san tia ya. ² Dugo, kubiaen tamolpein itaot mok idirai dilasa la tap, Anut yai digane pani se yan afon digane da wak i? Man tia geig a. Fun an ninen o, ubou leil san tamolpein saen kisaek atem ikok mok dilasa pasik tap, ilod lo aupasek ta afon dukubiani san tia ya. ³ Ak man tia, in sad yai niganag en man anajar fidian ago digane dop lo inaned aupasek an ilod isou da. ⁴ Man dugo, makau tamol ak in bilelek da sad dar man aupasek ipasi yau san tia ya.

⁵ Fun an ninen saen Kristus tan na ipalu yan Taman irupeig ago ibol,

“In on yai digane dupano wo, agod lou kawan ak dupano wo do umoi a.

Ak man tinik ta on gubak mi kubuneg naj panag a.

⁶ On tamolpein nao na dilasa san yai niganag,

agod aupasek isuas san mudan dam ninjed wo bube ta uyan na ya.

⁷ Agog naj nabol, ‘O Anut mala ipalu, naj ebo ya,

nek ibol Anut san ru girek buk lo ninjed o ibol ago mi a,

nai man onane ilobol niganag wo nupalu ya.’ ”

⁸ Aria, malan malan in ago ibol, “Tamolpein in on nige wo yai niganag, lou kawan an, mudan tinid fidian dimari dan, agod aupasek san yai niganag digane dan ninjed wo fidian umoi da.” (Gug kubiaen ibol kagin naok an tamolpein ago digane wa.) ⁹ In ru awan ibate dag ibol, “Nai ebo ya, naj man onane ilobol niganag wo nupalu ya.” An lo na in dal wagam an ipasi yau dugo dal foun ak aben lo igane ya. ¹⁰ Agod ilobol an lo, Jesus Kristus saen kisaek o lian in sen tinin dufuni imat san o Anut ipani a, an lo id gun tilasag tumado da.

¹¹ Nal kisaek kisaek atem pris dumasa dutur pe yai ganek aben na in sinad urat awan saen wei mi digane da. In mel mudan naon kisaek an mi nal pempem Anut yai digane pani da. Ak man yai ganek naok an tamolpein sad aupasek ipasi yau san tia ya. ¹² Ak man Kristus nal kisaek mi lo sen tinin Anut ipani a. Kulob an nunon pempem yen da. Saen kulob an igane itout man yang Anut banin won ak lo imasig

imado da. Man dugo, inſan urat itout a.
¹³ Gamu in mala naok imado yaup saen Anut inſan ager adi dabai amad tia yan injal pe njen paen na idiraip dumado wa.
¹⁴ Man dugo, in saen kisaek mi sen tinin Anut ipani an lo, tamolpein a gun idirai dilasa dan ikubuniaig itaot mok pempem san dilasa ya.

¹⁵ Awan Urgun dam mel an njenen o iku-biai ipanad go ago ibol,

¹⁶ “Saen an ilasa dop, kontrak en naj Isrel tamolpein lo njigane wa.

Naisag kubiaen an bubedi lo njidiri wak, agod kabunad lo dam njigire wa.”

¹⁷ Agog in ru awan ibateg ibol,

“Nai inſad aupasek agod inſad kagin saiak saiak dam ilog isou san tia ya.”

¹⁸ Amaiak njenen o, saen kulob an Anut isuas yau tap, aben ante aupasek san yai niganag taida yen man tia wa.

Tatur dabai san ru kagin

¹⁹ Fun an lo na, teig taog, id Jesus san dar lo Anut san galun Gun Di, Gun Mok an ilon lo tiladu wo tarer san tia ya. ²⁰ Dal a tiladu san an foun, agod kumaen yen yau san a. Yamel an id tiladu san dal ifutani a, ak man Jesus lo yamel an isireig dalawan id ipasi panad a. Yamel an inſen tinin amaiak naon inane ya. ²¹ Agod id pris tubun malan te yak amad da ya, in Anut anen tamolpein an fidian kagin ipidinai da. ²² Fun uraru an njenen o id Anut sinjiren na ilod sinjakaan mi tau a. Agod idsad ilo rumok idaisuda amaiak njenen o injiliad san o tinid tigane wa. Idsad ilo sou saian saian an tinjanep inſan na tau, ago gup Kristus san dar ifurfip idsad ilo sou saian saian an isuas yau pasik a. Agod idsad tinid an you uyan ak lo ifulanip ikok ilasa wa. ²³ Id Anut injiliad pe kumaen panu lo, in da tumado wak san ilo rumok an njenen tamolpein turupidai dulon dan ta tabip ila iso na wa, tia, tabi sakar pe itaot yen a. Man dugo, Enti a ru ibol panad an, inanen promis ru nunon igane ilasa wa.
²⁴ An njenen id nug ilo sou tupanip nug tisuusani dop nug njenen tamat dop urat uyan uyan ak tigane ilasa wa. ²⁵ Aenta ubou leil san kagin sisem dutumani san o dumoi da, ago gug id kagin an ta tagam tinjane na wa. Tia, an tan suek ru nug apani

wa, Tubun en imul ipalu san Nal sumeik ipanaj o ale dugo, kagin naok ago yan an lulunam lo agane ilasap tubun a.

²⁶ Id Kristus san ru rumok talon la gug id aupasek tigane ilasa won dan, id o mel uyan ak taida yen pe lo idaned aupasek ipasi yau san tia ya. ²⁷ Tia, tarut tarer dop, lo malad tigane dop tumado wa, man dugo, Anut san bitinaek agod yai wananan a inſan ager imiriai inantai yau san idsad na dam ago ilasa wa. ²⁸ Talpein enti Moses san kubiaen patun ipani dugo tamol uraru boi, tia utol boi, inſan kagin an malad nam dile tap, tamolpein fidian dufuni imat a, agod in ilo munanek ta dupani na wa. ²⁹ Amaiak njenen o dugo, talpein Anut Nanun yan an ipare idu dop, kontrak san dar a iganeg gun ilasa yan mel kawan ago ile dop, ilo panek san Ur an awan nam saian ipani a, ago tap, muruan tubun geig ak sapta taida Anut ipani wak i? ³⁰ Man dugo, id talon uyan ak talpein a igo ibol, “Naon panek man njaineg a, naj gubun an njukubune wa.” Agod afon, “Tubun en inanen tamolpein bitinaek lo idirai a.” ³¹ Rumok, Anut kumaen pempem san banin lo tau tadu tap, an tarut tarer san mok a.

³² An saen gubak mi lilaman ananeg, an lo atur sakar dugo muruan funfun tinim fo ipalu dugo asini na yan, an ilom isou uyanan a. ³³ Saen aenta lo an malak malak dugunan pe naom dufuteg dumisilanan dop muruan dupanan se ya. Agod saen aenta man an aenkadi in luad te dida atumanig, muruan nek ago mi saian geig ak dupidinai se yan, an dida asini na ya. ³⁴ An tamolpein a subanek ab lo dumado dan sad na au dop ael se ya. Agod saen anſam filiam dusu diau dop an ilo uyan lo mi aelafu on se ya. Man dugo, an alon ak ananem mel uyanan ak man kumaen panu lo yen da, an mi pempem yen a.

³⁵ Fun an njenen o ananem tini ganek Kristus lo yan abal yau amoi. Man dugo, Anut mel an naon tubun ak ipanaj a. ³⁶ An atur sakar on amado dan uyan a. An lo na Anut san ilo ibol ari dop mel a in ipanaj o ibol an anane wa. ³⁷ Man dugo, Anut ru igo ibol, “Saen katukan en yau dop, talpein ipalu wo igo yan ipalu ririan a,

agod in saen ibidani san tia ya.

³⁸ Gug naisag tamol itaot an ilo rumok lo mi imado wa,

gug in isuk imul tap, naisag nutug lo in o man ilog ta uyan na wa.”

³⁹ Ak man id tamolpein a dusuk dumul pe daon dijane dan sad tia ya. Tia, id man tamolpein a ilo lo rumok, an lo inaned nutud dida kisaek mi dumadop lo daon ta dile na dan nek ama ya.

11

Ilo rumok lo mi a

¹ Aria, ilo rumok man igo ya, mel a ninen o tinid tiganeg tumado dan id talon ak an ilasa wa, agod mel a ta tile na yan ninen o ilod rumok a. ² Ilo rumok an lo tamol wagam dumado na yan malak malak lo Anut per ipidinai a.

³ Ilo rumok lo mi, id talon ak Anut san wagin lo mel fidian idirai dilasa ya, an lo mel tile anen tia yan lo Anut iganeg idirai dilasa ya.

⁴ Ilo rumok lo mi, Abel Anut yai uyanan igane pani, agog Kein san irinani a. Insan ilo rumok amaiak lo Anut in yanan yabisag tamol itaot ak ibol a. Anut insan yai ganek an uyan ipani an lo ikubiai panad, in tamol itaot a. Agod ilo rumok nek an mi lo, gidad in imat la bo man, gamu id ru irupaiad on da.

⁵ Ilo rumok lo mi, Anut Inok tan en lo ipasig kumaen panu na inane yau, an lo maten ta ile na ya. Agog Enok naon tan en lo ta dile na ya, man dugo, Anut inane yau a. Gamugo inane yau se man, Anut in o ilo uyan yen dan ago irupidai a. ⁶ Rumok, ilo rumok a tia man Anut ilo uyan pani san ta idaisuda na ya. Man dugo, talpein enti Anut sinjiren na yau o dop, malan malan mi Anut imado on dan o ilon rumok a, agod insen amaiak talpein in o aban ile dan naon ipani wa.

⁷ Ilo rumok lo mi, Noa Anut san ru kagin panek ilon a, an lo gidad mel an ta yil na ya, ak man Anut san awan aban an irig kagin ipani dugo wog tubun geig ak ifoug, ate inanen tamolpein ibinawai a. In ago igane an lo tan san tamolpein patud ipidinaig inaned aupasek iganeg walal te ilasa ya,

agod ilo itaot an man ilo rumok igane ilasa dan anen muroun ilasa ya.

⁸ Ilo rumok lo mi, Abraham Anut san wagin ilon go inanen panu ibiseig tan foun an san muroun ilasap imado wan ate Anut ikubiai panig yau a. In gidad tan an ta ilon na yak gug Anut awan irig ate yau a.

⁹ Ilo rumok lo mi, in tan a Anut ipani wo irupei ante yaug san muroudi sinjired na dida dumado ya, nek ibol tamol gol imado won a. Aisak in nanun Jakob da nek dal kisaek an mi lo Anut san promis dam diabi a. Agog in Aisak Jakob da sisem sel ab lo dumado na ya. ¹⁰ Man dugo, in ilo isou imug iganeg yau dan, taun tubun ak lo bag ila iso san tia yan te yau o da. Taun an san ab susek tamol man Anut mi a.

¹¹ Ilo rumok lo mi, Abraham gidad tubun bagen dilasa pasik go Sara dam niganig, ak man Anut Abraham nanuk foun ak taman ilasa san o dabai ipani a. Man dugo, Abraham san ilo rumok igo ya, enti a promis ipani an san ninen an kagin ipani wa. ¹² Amaiak ninen o tamol a kisaek lo mi, amaiak imat o igane bo man, in tubun bagen dilasag ibol patui lak na teil dak igo, agod lon na lul igo won a. Ago man tusuti san tia ya.

¹³ Tamol en fidian ilo rumok lo dumado yaug dumat a. In Anut anen promis ru irupidai an nunon ta dijane na ya. Tia, in ibol asau mi dutur dugo malad yaug dile dugo an ninen o ilodi uyanan ak igo ya. Agod tan en lo in nek ibol tamol gol boi, tia, tamol naod senamo boi, igo won dubol dugo dumado na ya. ¹⁴ Tamolpein ru ago dubol man kuai tem dukubiai panad ak insiganed panu foun ta ninen o aban dile da. ¹⁵ In tan a dubusei la yan ninen o ilod isou ak man saen idaisuda yen dan lo in ka dumul diau a. ¹⁶ Ak man tia, in tan senamo ta a dibisei la yan irinani dan ninen o dumat da, an man kumaen panu san mi a. Amaiak ninen o Anut tamolpein a in ninen o insad Anut ago dubol dan, in ninedi wo miai ta ifuni na da. Man dugo, inaned taun tubun ak ta ikubuneg yen da.

¹⁷ Ilo rumok lo mi, Anut Abraham bitinaek lo igane dugo Abraham Anut awan yabig, nanun Aisak yai igane pani a. Tamol en in Anut san promis inane yak gug,

in nanun kisaek mok an Anut yai igane pani wo igane da. ¹⁸ Ak man nanuk an ninen o Anut Abraham irupeig ago ibol, “Nai Aisak kob nupani an lo in tinin lo gup, onane bage murou sad dar wei mi dilasa wa.” ¹⁹ Abraham in ilon lo Anut Aisak mater lo ifufuni yabisa wak ago ibol a. Ago yak ninen o id mitilaen an ninen ago tabol, Abraham nanun Aisak mater lo inane da ya.

²⁰ Ilo rumok lo mi, mel a murna dilasap dinane wan ninedi wo Aisak bar Jakob in Esau da ipidinai a.

²¹ Ilo rumok lo mi, Jakob imat o dugo Josef nanun muroun kisaek kisaek bar ipidinai a. Insinanen makud fo kabunan isoluwig igudani a.

²² Ilo rumok lo mi, Josef san saen wadan sumeik ipani dugo Isrel tamolpein saen a in Igipta tan dubuseip dilasa san ninen o inanen tatu an dugon te digane wak san ru kagin irupidai a.

²³ Ilo rumok lo mi, Moses ilasag saen katuk imado gug tinan taman dinane diaug dimianig kalam utol imado ya. Man dugo, in dile yak man malad lo uyanan mok a, agod kin san ru dabai anda yan ninen o dam ta direr na ya.

²⁴ Ilo rumok lo mi, Moses saen tamol igane man in Farou nanun pein san nanuk ago dubol man imoi a. ²⁵ In gidad Anut anen tamolpein dadi Igipta paed na muruan isini wo igane ya. In tan na saen katuk an mi aupasek igane dop sen ifutuwi man imoi a. ²⁶ In misilanek Kristus yan ninen o ile man Igipta sad bala filian an fidian irinani pasik an ibol a. Man dugo, in san ilo isou imug yau an lo in san urat naon ile ya. ²⁷ Ilo rumok lo mi, kin san tinajae saiak o ta irer nag Igipta ibiseig yau. Man dugo, enti a id tile wan tia yan in ile yak igo an lo itur sakar na ya. ²⁸ Ilo rumok lo mi, in Pasova nal an san kulob an yabituani dugo dar ifurfi a, an lo enel ager san ta Isrel sad nanuk matu ak irinani dugo yaug Igipta sadi an mi ifu dumat a.

²⁹ Ilo rumok lo mi, Isrel adi beig daran ak titinjaem dudug ibol tan aten igos ak ate diau won a, ago gug Igipta adi nek dal kisaek an mi lo digane wo dugo disarir dudu diaug you duluk go dumat a.

³⁰ Ilo rumok lo mi, Jeriko panu san ar pat nam dufou itilani an, nal 7 Isrel adi ditilianig ditor an lo ar an sen ibilani yau idu ya.

³¹ Ilo rumok lo mi, jeit pein Rahab, ilo maror lo aban leil tamol adi uyan ipidinai an ninen o, panu an san awa parsisalek adi luad te ta dufuni imat na ya.

³² Agod gamu fon nai dugo nabol ak i? Nai Gidion, Barak, Samson, Jepta, Dawid, Samuel agod profet adi dam ninedi wo nabol san saen tia ya. ³³ Tamolpein amaiak in Anut ilod lo rumok a. An lo na in kin aenta dibiai dudu dak, aenta tamolpein kagin dipidinai dak, agod aenta in Anut mel ipidinai o ibol an dinane da. Aenta inaned ilo rumok an lo na in laion awad dufutani da. ³⁴ Aenta yai balen tubun mi ided dan digane imat dak, aenta dusol dop sabiri nam dufu dumat san tia ya. Ilo rumok an lo, aenta in dabai amad tia bo man dabai dinanep, yu lo inaned ager aben senamo ak san an dibiai dudu se ya. ³⁵ Pein inaned nanuk dumat an ilo rumok lo profet inaned nanuk an ifufunai dimasag dinane ya. Aenta dufu malad dusue yan malak malak sed kuai te idirai dilasa man dumoi a, man dugo, mitep mater aben lo dumasa gup madok uyanan ak in sad turen tan en lo irinani an dile wa. ³⁶ Aenta kukok ad digane dugo, aenta dusukutai dugo, aenta sein nam banidi dususeg diriai subanek ab lo diau a. ³⁷ Aenta pat nam dufu dumat dugo, aenta soa nam dututeg ananaem dilasa dugo, aenta bainat nam dufu dumat. Ilo rumok tamolpein an bilelek sunulon an tinid nam dubuluwig dutor da, in melmel ad tia agog tamolpein saian dupidinai dugo malad dusue na ya. ³⁸ Ilo rumok tamolpein an aben igosan ak lo, did lo gidigheid dutor dugo, gib did fun te agod gib tan ilon lo an lo ninon diabi se ya. Tan en san tamolpein dida dumado san ta idaisuda na ya.

³⁹ Tamolpein an fidian inaned ilo rumok ninen o Anut per ipidinai a. Ago igane bo man in sad kisaek ta Anut promis ru ibol an lo mel an ta inane man tia ya. ⁴⁰ Man dugo, wagam mok Anut mel ta nen uyanan ak idsad saen an lo ilasa wan ile ya. An man

tamolpein an id tia yak man itaot dilasa san tia ya, tia, in̄ id da sisem itaot tilasa wa.

12

Anut in̄san nanun muroun bu ipidinai da

¹ Fun an nīnen o ilo rumok tamolpein adi dumat la yan nek ibol doup malan tubun ak ta dilasap kukok dile dak ago id ditilianad dulubanad go dutur da. An lo id in̄sad kagin dutur sakar san an tagam a. Fun an nīnen o id muruan in̄ aupasek da tinid lo ibiagatad go yen dan fidian tabi yau a. Ago dop id ilod kisaek sed dabai ipanad pe dal an fo Anut tom idiri panad an lo mi tumaspalup taup tom wadan an fo tisida wa. ² Id fidian malad yaup Jesus tile, in̄ mi idsad ilo rumok fun a, agod murnap in̄ mi idsad ilo rumok an iganep itaot mok ilasa wa. In̄ aigim an san muruan ileg an patun ta ipani na ya. Tia, in̄ murnap Anut ilo uyan tubun mi ipani wan nīnen o aigim san miai an man mel kabelan igo won̄ ile ya. Ago yak nīnen o gamu in̄ Anut banin won̄ ak ate yan̄ak tubun ak in̄aneg imado da.

³ Ilom isou uyanan, aupasek adi dumisilani dop muruan funfun tinin fo digane se ya, ago yak man in̄ itur sakar a. An nīnen o kabelan an̄ ilom iyalis dop ilom idu banau.

⁴ Rumok, an̄sam aupasek an da nug afuni da, ak man wagai agane dan lo an̄sam dar an gamugo ikulmaek da. ⁵ Agod en dugo, an̄ Anut ru kagin a irupaian̄ na yan lo in̄san nanun muroun ago ibol an̄ ilom in̄aon̄ di? “Nai nanug, Tubun en bu ipano dan kabelan mel kawan ubol banau, agod an nīnen o on̄ ilo idu umoi. Man on̄ mel gane saian amaiak nīnen o naon bu ipano da.

⁶ Man dugo, Tubun en in̄ talpein nīnen o imat mok dan ru kagin irupeidak, agod talpein a in̄ nanun muroun igo won̄ in̄al dan bu ipidinai da.”

⁷ Kagin ipiten̄anan̄ san nīnen o muruan lo atur sakar a. In̄ ago igane dan lo in̄san nanun muroun igo won̄ kagin ipanan̄ da. En dugo, nanuk ta lulun̄ad lo imado dan in̄san taman bu ta ipani na i? Man tia geig a. ⁸ An nīnen an̄ Anut bu ta ipanan̄ dop man, an̄ in̄san nanun muroun tia ya, tia, an̄ man jeit kagin san nanuk mi igo won̄

a. ⁹ Fon taida mi, id fidian tamad muroud bu dupanad da, agod id an nīnen o ilod ta saian da. Tia, kulob amaiak nīnen o id in̄aned awadi turi da. Ak an ago tap, id dam idsad ur san Tamad an awan paen na tumado dop an lo kumaen tumado wa. ¹⁰ In̄sed ilod ibol ak lo saen katukan en lo mi bu dupanad da. Ak man Anut id ibinawad uyanan san nīnen o mi bu ipanad da, man dugo, nek ibol in̄ gun imado dak ago mi id dam gun tilasa wa. ¹¹ Talpein bu in̄ane dak saen an lo in̄ madai ilon̄ da, an man sīnaokan tia ya. Ak man mite dugup amaiak tamolpein an kagin a lo dal ipiten̄anai la yan ilod lo nūon̄ igane ilasa da. Nūon̄ an man ilod itaot a, agod ilo maror amad da wa.

¹² Amaiak nīnen o an̄ banimi imagor dan abisa wa, agod turumi dabai tia yan dabai apani wa. ¹³ Niemi aten san dal itaot an akubune wa. An lo an̄ niemi akupakip on̄ ator dan san batek an ta ifurati na wa, tia, niemi an uyan ilasa wa.

An̄ Anut awan ta aparsisali san ru kagin

¹⁴ An̄ tamolpein fidian dadi ilom kisaek san maror lo mi amado ator, an nīnen o dabai agane wa. Agod gun alasa wo an dam yaes ifunan̄ a. Talpein enti ago ta igane na tap, Tubun en ile san tia wa.

¹⁵ Kagin agane, kabelan talpein ta an̄ lulun̄am lo Anut anen ilo panek ipanan̄ an yabigule banau. Kabelan talpein ta, dulun gigen ak igo an̄ lulun̄am lo isap, an lo talpein fidian bubed igane saian banau.

¹⁶ Talpein ta jeit kagin ta igane na wa. Tia, ta ibol Esau igane ago Anut awan ta iparsisali na wa. In̄ anan̄ kabelan a tein bakan ak san na in̄ane yan nīnen o in̄anen nanuk matu ak san bar ibidani yau a, kabelan an̄ dam nek ago mi Anut patum apani banau.

¹⁷ Man dugo an̄ alon̄ ak, murna gug in̄anen matu san bar a ibidani yau an fon in̄ane wo igane ya, ak man Anut patun ipani a. Ago dugo in̄ tinar̄ igane bo man ilon̄ ibileksa san dal ta ile man tia ya.

¹⁸ Ak man nek ibol Isrel sad tubud adi did Sinai na dile yak igo won̄ mel naok en an̄ ta sumeik apani na da: did a diabi dile o Anut naod ifutani an, yai balen tubun mi imasa dan, tidom tubun geig an, duwadau ifure

dan, ¹⁹ tour ilinjan dan, agod awak ta man tamolpein a duloŋ an ru taida irupidai imoi o ago dumosiai an, mel naok ago yan sad na an ta apalu na da. ²⁰ Man dugo, ru kubiaen a ibol ilasa yan kududod lo madai ipidinai saian mok a. Agod ibol, “Gidad mel mudan ta did en yabi ile tap, pat nam afunip imat a.” ²¹ Rumok, aban a ile yan san naon man urer san mok igo ya, an lo Moses ago ibol, “Nai narut go narer saian mok da.”

²² Gug an did Saion fo na apalu ya, Anut kumaen imado dan san panu Jerusalem o keit lak na yen dan lo apalu ya, agod aben an lo man enel malan tubun pempem yousai lo mi dumado da. ²³ An Anut san nanuk matu matu ak yanad buk lo igireg yen dan sad midaen ilon lo aladu ya. An Anut a tamolpein fidian sad bitinaek tamol an san na apalu ya, agod tamol itaot ak sad ur Anut idiraig itaot mok dilasa yan dam sad na apalu ya. ²⁴ An dam Jesus san na apalu ya. Insen amaiak kontrak foun ak san titinae tamol igo ya. Abel san dar in naon panek o Anut iwagin a, ak man Jesus san dar a dufurfi an lo Anut san ilo panek o iwagin da, nek dar amaiak lo inŋsan na apalu ya.

²⁵ Kagin agane, enti in inijen dop awan ta aparsisali na wa. Tamol a tan en lo ru kagin irupidai dugo awan duparsisali na yan lo, muruan an dirinani man tia ya. Aria, Enti a kumaen panu lo imado dugo ru kagin irupaiad dan, id inŋsan awan tiparsisali tap, tasol tau san tia geig a. ²⁶ Saen Anut did Sinai fo idu yan lo inŋsan wagin tan iganeg itugurer a. Ak man gamu in promis ru igo ibol, “Nai afon nal kisaek taida mi tan en nguri wa, tan mi tia, tia, mel fidian lak na agod tan en dam sisem nguri wa.” ²⁷ Ru a “afon nal kisaek taida mi” an fun man, mel a iguri an ipasai yau a. An man mel a fidian fun lo idirai dilasa yan itout yau pasik a. An lo melmel a talpein ta iguri san tia yan ibisawaip pempem dien a.

²⁸ Amaiak ninen o id aban a tamol ta iguri san tia yan ilon lo idsad kin kagin ipanad dan tinane ya. An ninen o id ilod uyanan a. Agod id kagin tiganep tarut dop ubou a Anut ilo uyan tupani san an mi tile wa.

²⁹ Man dugo, idsad Anut man ibol yai balen ided pe mel fidian inantiti yau dak igo ya.

13

Ru kagin san wadan

¹ An kisaek kisaek pempem teim taom igo won nug ninen o amat a. ² An tamolpein asau ak anjal anŋsam ab lo apalu san ta ilom inaoŋ na wa. Man dugo, wagam tamolpein ta kagin an digane dan lo enel inŋsad ab lo kagin dupidinai uyanan gug ta duloŋ na ya. ³ An ilo rumok tamolpein a, subanek lo dumado dan ilom isou dop amado wa, nek ibol an dam dadi subanek ab lo amado dak igo won a. Tamolpein a aenta saian dupidinai dan, an dam ilom isou wa, nek ibol ansem inŋsad muruan asini dak igo won ago abinawai a.

⁴ Nug iwon naneŋk lulunam lo man gun ilasa wa, nug iwon naneŋk san badim an nun aman tia wa. Man dugo, Anut jeit adi in talpein a nug iwon naneŋk malan dusue dam bitinaek lo idirai a. ⁵ Ananem turen lo moni ninen o yaes ta ifunan na wa. An mel dugon am da yan, nek an idaisuda yak igo ilom isou wa. Man dugo, Anut wagam ago ibol, “On tini gane panag tap, nai on patug ta nupano na wa, agod on nibisawo san tia wa.”

⁶ Fun amaiak ninen o, ru e id tabol ilasa den man ru rumok a, “Tubun en man najsag binawek, an ninen o mel ta wo nai ta narer na wa. Dugo, tamol ta mel ta lo dam nai ifunag san idaisuda yak i?”

⁷ Ananem gurman Anut anen ru durupaijan na yan ilom isou. Inŋsad kagin naok naok san nunon uyanan kuai isi a, an mi ilom isou wa. Agod inŋsad ilo rumok an dam ananep abi wa. ⁸ Jesus Kristus ta ibiliso ibilila na wa. Tia, wagam mi, gamu en, agod pempem mi dam nek ago mi imado yau a.

⁹ Pitenaneŋk funfun a, agod pitenaneŋk naon sen ak san dam lo an ilom inane dop adeg au banau, an amoi. Mel ta ilod dabai ipani san man Anut anen ilo panek mi a. Id anan dugon tani san ru kubiaen funfun lo bubed dabai ipanad san tia ya, agod tamolpein a anan san geg duri dupani dan,

in̄ dam ibinawai san man tia ya. ¹⁰ Id ilo rumok tamolpein alta amad da ya, an fo man talpein a Juda sad ubou ab lo urat digane dan, anaŋ dijanep diani san man Anut kob ta ipidinai na ya.

¹¹ Man dugo, nek ibol mel mudan san dar pris gurman banin lo in̄aneg aupasek isuas yau o galuŋ Gun Di, Gun Mok ak lo iladu yau a, ago gug in̄anen tinin panu patun fo dumari igo won, ¹² nek ago mi Jesus dam, in̄sinanen dar nam tamolpein gun idirai dilasa wo panu san dalawan patun fo madai ile ya. ¹³ Amaiak niŋen o id dam panu en tibiseip kuai te tilasap misilaneŋ in̄ isini an id dam tisini wa. ¹⁴ Man dugo, tan en lo man id panu ta saen milaen mok yen dak tile man tia ya, an niŋen o id panu a pempem yen amaiak aban̄ an tile dop tumado da.

¹⁵ Amaiak niŋen o Jesus lo, id pempem Anut per tupani wa, an idsad yai ganek Anut tupani dak igo ya. An man awad a in̄san yaŋan niŋen o tabol ilasa dan san nuŋon rumok ak mi a. ¹⁶ An̄ kulob uyan uyan a agane dan, agod tamolpein aenta abinawai o ilom ta in̄aon̄ na wa. Man ata wo, yai ganek naok ago yak Anut niŋen o imat mok da.

¹⁷ An̄anem gurman awad paen na amado dop in̄ dubol ago agane. In̄ an̄ ŋutumi kagin dupani da, ago dop murnap Anut in̄ urat dugon digane an naon sumiaek lo idiraip nuŋon ile ilon̄ a. An̄ in̄ awad paen na amado tap man, in̄ yousai lo mi urat digane wa. Kabelan̄ an̄ muruan apidinai banau, man dugo, an ta ibinawaŋ na wa.

¹⁸ An̄ maŋ niŋema wo Bai Anut agudani wa. Man ata wo, maŋ mukubiani dak maŋanem ilo girek an Anut malan lo itaot a, agod mel fidian lo kagin uyanan ak mi migane wak ago iloma lo yen da. ¹⁹ Ŋai an̄ tubun mi ago agane wo ŋususun̄anaŋ da, an lo Anut ririan̄ ŋai idinag pe an̄sam na ŋupalu da wa.

²⁰ Aria, maror san Anut amaiak, kontrak pempem san an san dar lo, bilelek sad titianek malan te yan, Jesus idsad Tubun en, mateŋ lo ifufunig yabisa da yan, ²¹ yu san biouŋ uyan uyan ak urat lo dabai ipanaŋ san an fidian ipanaŋ a, an lo na in̄anen ilobol agane itaot a. Ago dop mel

dugon in̄san malan lo ilo uyan ipani dan an̄ ilom lo igane ilasa wa. An man Jesus Kristus san dabai lo igane ilasa wa, in̄anen yaŋan dam id pempem tabisa wa.

²² Teig taog, tok abol pe amado dop kududom agurep ru kagin en alon̄ uyan o ŋusumianaŋ da, man dugo, ru en katukan mi ŋigire ya.

²³ Id teid Timoti subanek lo dupasi amaiak da alon̄ o ŋabol da. An niŋen o in̄ ipalu kisaek dop man niŋanep da mupalup miliaŋ a.

²⁴ Maŋanema ilo uyan ru an̄anem gurman adi, ilo rumok adi aenta dam arupidai dop dulon̄ a. Ago dugo tamol ensauta Itali na dupalu yan, dam in̄aned ilo uyan ru an̄sam na digane ipalu ya.

²⁵ Bai Anut anen ilo panek an̄ da pempem amado wa. Rumok.

Jems

¹ Njai Jems, Anut inanen urat tamol, agod Tubun en Jesus Kristus san dam mi a. Ilo uyan Anut san gugoi 12 tan gidigheid lo dumado den sad na girek en nigané yau da.

Kubianek id dabai ipanad da

² O teig muroug, muruan naon dugo dugo yak asini dop ilom uyan on a. ³ Man dugo, an alon ak saen anjam ilo rumok kubianek lo digane dan san nunon ilom lo igane ilasa dop lo atur sakar pe muruan asini san a. ⁴ Dabai agane dop anjam kagin uyanan an, nunon uyan uyan ak ilom lo igane ilasa wa, an lo anjam ilo rumok idaisuda geig a. Agop fun an lo an itaot atur ak, Anut san kagin kisaek ta lo adu san tia geig a.

Tamol manau tia dop igudani wa

⁵ An lulunam lo ta in manau uyan ak lo katukan tap, Anut isumiani dop in an ipani wa. Man dugo, Anut tamolpein fidian in dugudani den lo melmel uyanan ak ipidinai da. In dam tamolpein dusumiani dan ta ipidai na da. ⁶ Ak man in buben fidian Anut mi ipani dop igudani wa, man dugo, tamol buben raru raru den inisan ilon nek ibol tim beig ifunip beig yau imul on dak igo ya. ⁷ Tamol naok ago man Tubun en mel ipani wak ago ilon ta isou na wa. ⁸ In ilon gidigheid yau dak, inisan kagin fidian dam lo, dal kisaek ta iri na da.

Tamol yanad tia, tamol filiad da yak sad ru kagin

⁹ Kris tamol ta in yanjan tia man ilon ka uyan a, man dugo, murnap Anut yabisap yanak tubun ak ipani wa. ¹⁰ Kris tamol ta in melmel wei mi aman da man dam ka ilon uyan a, man dugo, murnap in nek ibol tamol yanjan tia yak ilasa won a. Anut in tamol filian anda yak aben tan en lo malan te yak ibisei san ago igane wa, nek ibol garan san ai bob an ilasad itapas yau kisaek on dak ago mi a. ¹¹ Id talon ak, ad tubun idu dan ad luon sakar ak ilasa da. Saen an ai rouk fidian imagar yau dop sad bob ad itapas yau pe leil lo dam uyan tia

ya. Nek ago mi tamol in filian aman da yak inisan urat fidian igane yan yabi idup yen dop ibisei yau a.

Kubianek san fun

¹² Tamol in itur sakar pe, ate suek lo muruan isini tap in dam ka ilon uyan a. In ate suek an irinani pasik tap, Anut in murnap naon madok pempem san ipani wa, madok an kumaen panu lo yen da. Anut wagam ibol la ya, tamol in ilon ipani mok tap in kumaen imadop milaen a, an itout san tia ya.

¹³ Tamol ta ate suek lo idu dop igo ta ibol na wa, "Anut ateg isue da." Man dugo, aupasek Anut lo ta ipalu na da, agod Anut dam in tamol aupasek lo ta idirai na da. ¹⁴ Tamol kisaek kisaek aupasek lo diau dudu dan san fun man, insigned ilo saiak an ilod inanep aupasek digane da. ¹⁵ Agop inisan buben imasa yan yaup nunon aupasek ilasa da, aupasek an yaup tubun mi ilasa dop materj ile wa.

¹⁶ Ago yak ninen o, naj teig muroug, mel en ale dop ninen o sem ta irawan na wa. ¹⁷ Melmel fidian uyanan in kagin fidian itaot ak da sad fudi man lak na dien da, Tamad in an idirai idsad na dudu ya. Patui keit lo dided dumat da. Ak man id Tamad man ago tia ya, in lilaman san, agog dam ta ibilso ibilila na da. In lo man tidom tia, pempem itaot ago mi imado da. ¹⁸ Insen ilon ibol go, inisan ru rumok an lo, id idirad-sig inanen nanuk mok tilasa ya. Ago dugo Anut san melmel igane yan lulunad lo id imug tilasa ya. Nek ibol ai ta malan malan nunon ifu dak igo won a.

Ulon dop gane

¹⁹ Njai teig muroug, an ru kagin en alon uyan. An fidian kududom agurep ru alon uyanan, ilo isou agane gup ru abol a, agod tinjam dam ta saian kisaek on na wa. ²⁰ Fun dugo, tamol san tinjam saiak an Anut san kagin uyan ta igane ilasa na da. ²¹ Ago yak ninen o anjam kagin saiak saiak fidian, anjam aupasek san naok naok fidian abiau dop sem ibian adup Anut san ru a bubem lo yen den ilom isoup ari wa, man dugo, ru an in dabai anda, an lo murnap materj san saen lo nutum ka ibinawi wa.

²² Ru an kawan ta alon on na wa, alon dop nunon dam agane kisaek a. An kawan alon on tap, sem irawan da. ²³ Tamol ru ilon on dop ta iri na tap, insen naon tig lo ile igo won a. ²⁴ Insen mitilaen ile wo uyan gup yau a. Ago gug insen naon dugo yan ilon inaoñ kisaek on a. ²⁵ Ak man kubiaen Kristus awan lo ilasa yan itaotan geig, agod kubiaen en subanek lo ipasad tilasag kawan tumado da. Enti kubiaen an tig igo won lo naon ilep lo Kristus awan iri dop man, bar inane wa. Gug in kubiaen an kawan ta iri na wa, tia, Kristus awan ilon gup iri uyanan o maeg igane wa. In Kristus awan ilon pe ilon inaoñ kisaek on san tia ya, tia, in awan ilon gup ilon san nunon an itaot fo mi igane ilasa wa. Tamol naok an Anut san bar inane wa.

²⁶ Tamol in ilo isou lo in Anut san tamol ibol dak pempem igudani dak man awan kagin ta ipani na dan insan ilo rumok an kawan a, an lo insen irawi da. Agog insan ubou leil an dam kawan a. ²⁷ Ubou san kagin ikok agod uyanan da Bai Anut malan lo man igo ya: nanuk bigabeg, pein suos, kaginad tigane dop insad muruan lo tibinawai a, agod tan en san kagin tile dop bubeed ta igane saian na wa.

2

Id tamol yan an tia yan ta tabi idu na wa

¹ Nai teig muroug an idsad Tubun ak Jesus Kristus, kumaen panu san gurman an ilom lo rumok, ago tap man tamolpein yanad anda yak mi kagin ta apidinai na wa, tia, tamol saiak saiak adi dam kagin apidinai a. ² Tamol ta damag uyan uyan ak idirip ansam ubou ab lo ipalu dop, tamol ta biouñ saiak saiak ak idirip dam ipalu wa. ³ On tamol biouñ uyan uyan ak idiri an kagin pani wo uyan pe in rupei, “Aben uyanan en nanep masi,” ago dop tamol neinta an rupei, “Ago ila utur, tia dop igo tan na njeg fun na masi.” ⁴ An kagin ago agane tap, an lulunam lo biatitek agane da. An gurman on alasag ansiganem ilo saiak saiak lo abititai da.

⁵ Alon, nai teig muroug, Anut tamolpein yanad tan en lo tia yan yanad inane wa, agod in ilo rumok lo idaisuda yan ipilianai

la ya, an lo Anut dam san madok aben lo filian fidian ipidinai a. Man dugo, fidian enti in ninedi wo imat den, Anut promis ipidinai ak ago igane wa. ⁶ Ak man an tamol melmel ad tia yan abiai dudu da. An alon ak tamol melmel wei mi ad da yan an dibian adu dop muruan dupanad da. Insed mi dinjilian pe gurman naod na atur a. ⁷ Insed mi Kristus san yan an uyanan ipanad go, lo digian se yan lo, ru saiak saiak dubol ilasa da.

⁸ Anut san girek lo kubiaen malan te yen dan lo igo ibol, “Onse nibe wo umat dak ago mi, tei murou sinire na dam ninedi wo umat a.” On an rumok uri tap, an nek uyanan mi a. ⁹ Go an aenta ael saiadi dop, an au apas da, an lo kubiaen ibol ago an kubiaen malan asue ya. ¹⁰ Tamol ta kubiaen fidian iri uyan dugo kisaek ipitiñini tap in kubiaen fidian ipitiñini mok a. ¹¹ An san fun man igo won. Anut ibol, “Tamol ta sen turan san iwon da aupasek ta digane na wa.” Agog in fon ibol da, “Tamol ta fini imat na wa.” On kubiaen kisaek an uri dop, turan ta lo tamol funi imat tap, on kubiaen fidian pitiñini a. Man dugo, Anut insen kubiaen an fidian ibol dilasa ya.

¹² An dugo aninon dop kagin agane wak i? Alon uyan, saen Anut id bitinaek lo idirad an, in malan ipalug turad bubeed tupidinai dop iliad o malan ipalu da. Nek fun an ninen o, onsa madok lo kagin ganep mado tap, ilo panek san dal uri wa. ¹³ Saen Anut bitinaek lo idirad dop, talpein a aenta ilon ta imunanai na yan, Anut talpein an ilon ta imunani na wa. Ilo munanek an tubun kasik, an ninen o on Anut ibio udu wo umoi tap, aenta ilo imunanai mok a.

Kagin naok naok en ilo rumok san nunon mok

¹⁴ Nai teig muroug, tamol ta in ibol, nai ilog lo rumok a. Ago ibol ak gug, insan ilo rumok an inanan naok naok lo yan nunon tia ya. Ak dugo, insan ilo rumok nunon an tia yan ka ibinawi wak i? Man tia geig a. ¹⁵ Isop tei murou boi, lu murou boi, in tinid san biouñ, tia, agod anan diani san dam tia tap man, ¹⁶ on melmel anan boi, biouñ direk san boi, an in lo tia yak ta pidinai na, ago gug rupidaig ubol, “Awo, an

ilom maror anda amado. Ilo isoup kulos wananan san ak adiri gup, anan tubun mok ani wa.” Kagin an ta uyan na, agod nunon an tia ya. ¹⁷ Nek ago mi, ilo rumok kawan yen dop inanen naok naok lo nunon tia tap, ilo rumok an imat a.

¹⁸ Ak man tamol ta in igo ibol, “On igo ilo rumok ama da, gug naj kagin naok naok uyan ak amag da ya.”

Naisag ru naon man igo, “Onsa ilo rumok a kagin naok naok an tia yan kubiai dop nile. Ago dop, naj kagin naok naok uyan ak ngane dan lo naisag ilo rumok nukubiai dop ule wa.” ¹⁹ On Anut kisaek mok an ninen o ilo rumok di? Uyan a, ak man an ta idaisuda na ya. Nek ago mi ur saiak saiak dam ilo rumok lo Anut kisaek dubol go dirut direr da.

²⁰ On burau tamol! On dag naj nukubiai dop ule o boi, ilo rumok naok an nunon tia kawan i? ²¹ Wagan en dugo won Anut in malan lo id tubud baged Abraham iganeg itaot ilasa yak i? Abraham insiganen kagin naok naok lo inanen nanun ifuni imat pe utut fo imarip Anut ilo uyan ipani wo ago igane ya. ²² On ule, insan ilo rumok in kagin naok naok da sisem urat digane kisaek da. Insan kagin naok naok an lo insan ilo rumok ilasa sinjakan a. ²³ Agog dal an lo ru a girek lo yen dan rumok ilasag ibol, “Abraham in Anut mi ilon lo rumok a, agog insan ilo rumok an Anut ileg ibol, in tamol itaot a.” Ago yak ninen o Anut ibol, “Abraham in naisag turag mok.” ²⁴ On ule yak, an insiganen kagin naok naok amaiak lo man in Anut malan lo tamol itaot ilasa ya. An insiganen ilo rumok lo mi tia ya.

²⁵ Nek ago mi dal san pein Rahab in dam Anut malan lo insiganen kagin naok naok lo itaot ilasa ya. Insen mi ru sinek san tamol ilo uyan ipidinaig idinaig dal senamo lo dusol go diau a. ²⁶ Ago yak ninen o tinid ur an tia man imat a, nek ago mi, ilo rumok urat an tia yan dam imat a.

3

Bale tirni wo uyan a

¹ Nai teig muroug an wei mi girek manau ta alasa na wa. An alon ak man girek

manau man aenta lulujad lo Anut san bitinaek dabai mok ak lo mumado wa. ² Id fidian aupasek funfun tigane da. Tamol ta in ninen lo aupasek ta igane na den, in itaotan, agog insen tinin fidian dam ka iturni wa.

³ Saen id bafolo nudun lo kam nanun tiganep tirae tap, bafolo tinin fidian mi itilanip njed abad iri wa. ⁴ Tia dop, wog tubun ak ilom isou. Gidad tim tubun ak ifurep wog an ididip yau a, agod wog an dam tubun mok, gug fei nanunan an nam unbek tamol mi, in ka wog dugo yau o imat dan igirip ago yau a. ⁵ Baled dam nek ago mi, sen ka nanunan a, ak man in dabai a, in ka melmel tutubun ak igane ilasa wa. Yai balen nanunan ak ka imasap dagui tubun ak igane inani yau a. ⁶ Id baled dam yai on a, in tinid san boi lulujad lo kagin sisaiak sad gurman imado da. Baled an kagin saiak saiak funfun igane ilasa da. In iganep tinid ilon fidian nun ipani da. Ago iganep tinid san kagin yai wananan on a, agop idsad turen ilasa saian da. Agod Ades san yai amaiak baled lo yai igane ilasa da.

⁷ Tamol in ka melmel funfun itirnai a, agog wei mi kagin ipidinai la ya. Anakanak, bor kasik, gown kasik, kusen funfun agog beig lo fon da mi a. ⁸ Ak man tamol ta insen balen itirni san tia ya. Balen yaes ta ibal na da, ru saiak saiak ibol yau won da. Insan balen dam ibol mot wagai ak on, agod insan dabai tubun mok an lo tamol ka iginiai dumat a.

⁹ Id baled lo idsiganed Bai Tubud tabol dan yan tabisa da, ago gug afon idsiganed teid taod tupudai saian da. Gug teid taod an Anut idirai dilasag ibol insen ago mi won a. ¹⁰ Ru ilo uyan san in ru saiak saiak da sisem awak kisaek lo mi dilasa da. Nai teig taog, kagin an ta mok ilasa na wa. ¹¹ Ka you ibanaip dal kisaek lo mi, gigen in bulbal da dilasa wak i? ¹² Nek ago mi papai ka anjar lo ilasa wak i? Aria, ka woi lo fud ilasa wak i? Nek ago mi beig lo you mok tinane san tia ya.

Manau uyan Anut san na idu ya

¹³ Enti an lulujam lo in kankan milaen anda, agod manau uyan anda yak i? Tamol ago tap, insan madok uyan ak lo sen ikubiai

dop tile wa. Inſan kankan milaen an nuſon tap, san nuſon man mos kagin. Ago tap, mos kagin an lo urat sensen igane dop tile wa. ¹⁴ Ak man aſ turak lo aenta eil saian dugo, ſai-ſai kagin lo yaſam tubun ilasa wo agane da. Aria, kagin an bubem inaneſute tap, se pitianoſ ru ta abol na wa. Kabelan sem irawaſ dop ru rumok san aben lo ru sewak agane banau. ¹⁵ Kankan milaen naok ago yan sewak a. An kumaen panu lo ta idu na ya. Tia, kankan an tan en san, an Urgun san tia, an ur saiak san mi a. ¹⁶ Man dugo, aben a ate turak susai agod ſai-ſai kagin dien dan, ante dam aban pitiniek san kagin, agod kagin sisaiak fidian dien da.

¹⁷ Ak man kankan milaen a lak na yak idu yan man igo ya: inſan ilo isou fidian man ikok, in tamol maror igansi san, in tamol mos an, in ilon dabai an tia ya, ilo muſaneſ tinaſ, inſan kagin nuſon uyan uyan ak mi, in kagin kisaek ak mi iwae dak, agod ru rumok san a. ¹⁸ Tamol a maror digansi dan, maror lo sad ai patun dupae yan, sad urat san nuſon man in tamolpein didiraip Anut malan lo itaot dilasa wa.

4

Anut mi awan wabi wa

¹ Fun ata mel ninen o aſ luluſam lo wagai agane dugo nug apeſ adiri di? Bube imasa san kagin aſ kisaek kisaek ilom lo yen da, agog aſ tinim ilon fidian lo wagai igane dugo mel ta ninen o amat den dam aſane wo da. ² Aſ melmel ninedi wo malam isi dak ta aſane na da. Aſ tamol afu dumat agod inſad melmel apasi asini wo ilom tubun mok imasa da, gug ta aſane na da. Ago agane dan fun dugo aſ Anut ta asumiani na da. ³ Agog saen aſ asumiani dubo man ta ipanaſ na wa, fun dugo aſ asumiani saian da. Melmel aſsiganem bubem lo aganeſ siganem tinim mi lo urat apani wo da.

⁴ Aſ Anut abisei ak ibol dal dal pein iwon ibisei ak igo woſ a. Aſ ta alon na yak, aſ tan en ninen o amat tap, aſ Anut san ager. Agog tamol enti tan en san turan imado wo tap, in Anut patun ipanip Anut san ager igo woſ a. ⁵ Girek an sen kawan ago abol

banau, Anut san ru rumok girek lo igo ibol, “Anut in tura susai kagin lo tamol sad ur ilod lo idiri an itargiranig imado da.” ⁶ Ak man binawek Anut id ipanad an san dabai idsad aupasek san dabai irinani a. Ago yan lo girek an igo ibol, “Tamol sed yaſad disini den Anut patun ipidinai a, gug tamol sed ibiai dudu den in ilon ipidinai a.”

⁷ Ago yak ninen o Anut paen na au a. Ago dop Satan patum apani wa. Ago tap in aſ ibisawaſ pe isol yau a. ⁸ Anut sinjiren na au dop in aſ sinjirem na ipalu wa. Aſ aupasek tinami, banim afulani. Aſ bubem raru raru amami, bubem akubune pasik pe ikok yen a. ⁹ Ilo idup tinaſ aru agane wa. Aſsiganem silen aſ abilisap tinaſ on a. Ilo uyan amoi dop ilo muruan agane ilasa wa. ¹⁰ Aſ Anut naon na sem ibiaſ adu wa, ago dop in aſ ibiaſsap lak na iginiaſ a.

Tei tao ta biai dudu na wa

¹¹ Awo, ſai teig muroug, nug patun fo aſinjeſ amoi. Tamol enti tein patun fo injeſ dop tein bitinaek lo igane tap, an ta igane uyan na da. In kubiaen patun fo injeſ, agog inſen tamol gurman on ilasag, kubiaen bitinaek lo igane ya. On ago gane tap, on kubiaen paen na man tia ya. Kubiaen aſ on paen na yen o gane da. An lo on tamol kubiaen ta iri na dak igo woſ lasa ya. ¹² Tamol kisaek o lian kubiaen ipanad dak ibitiniad a, Anut inſen mi a. Inſen mi dabai anda, an lo na kagin ipanad dak agod an dam lo malad isue wa. Ak man onsa ilo isou lo on tubu ubol di? On urat ta lo onsa tura murou bitinaek lo ta dirai na wa.

Ninjeſ lo se yaſa ta wabisa na wa

¹³ Aria, ſaisag ru alon, aſ tamolpein igo aſinjeſ den, “Gamu boi gabulo boi panu ta tubun geig ak lo taup anaſar kisaek tumado wa. Ate tumado dop moni san urat biabi tigane dop sed nined o moni wei mi tinane wa.” ¹⁴ Ata wo aſ ago abol dak i? Aſ gabulo san mel ilasa san an ta alon na ya. Aſsam madok dugudo, an man nek ibol kakao ilasap kitekan ka yen dop itout yau kisaek on dak igo woſ a. ¹⁵ Tia, aſ igo mi abol a, “Anut inſen mi siganen ilo isou lo, maſ mumado dop en migane wo, tia, an migane wo, ago ibol dop migane wa” ¹⁶ Ak man aſ silei kagin lo sem mi abol da, agog

yanjam asini dugo tubun mi anjinej da. An ago anjinej dan saian geig a. ¹⁷ Tamol enti mel uyan ak igane san ilonj, go ta igane na tap, kagin naon ago man aupasek anda ya.

5

Filian tamol adi sad ru kagin

¹ Agog gamu anj tamolpein filiam amam da yan najsag ru alonj. Madai funfun tinim lo ilasa wan ninjen o ilom saian dop malam turon idu dop asasai a. ² Anjam filian fidian igan yau dop tinim san biouj simirer diani wa. ³ Agop anjam pat fidian dam teirteir lo isuda wa. Teirteir an anj tamolpein fidian sam kagin saiak saiak ikubiai dop dile wa. Teirteir an anjam mudam mi yai inani wonj a. Fun dugo, tan en san nal wadan lo anjam filiami an atumani da. ⁴ Anj tamol a anjam abi urat digane dan arawaig tinid ta adad na ya. Agog sad padau dam ta alonj na ya. Alonj, saen dipadaug diwagin an asau mi geig yang, Anut inj enjel sad Gurman an kududon lo ilasa ya. ⁵ Anjam madok tan en lo man melmel funfun amam da, anjam madok uyanan, agog anj melmel naod lak lak ak idaisuda, agod anj dugo agane wo man ka agane wonj da. Anj materj san nal inj muruan san saen lo dam ansem ifutuwanj dugo sem tinim bulbal apani uyan da. ⁶ Anj tamolpein uyadi ak bitinaek lo adirai dak muruan apidinai dop kadi dam afu dumat da, man dugo, inj dabai ad tia yan lo anjam dabai an diabiani san tia ya. Ago yak ninjen o muruan tubun ak anjam na ilasa wan ninjen o asasai dop atata wa.

Muruan lo atur sakar

⁷ Nai teig muroug, muruan lo atur sakar, ago mi yen yau dop Tubun en ipalu wa. An ale yak, tamol abi lo urat igane dak injan abi ititianip imado yau dop ananj ibes idu da. Inj saen milaen mok tok ibol imado dop ui san saen ititiani da. ⁸ Anj dam tok abol atur sakar a. Man dugo, Tubun en ipalu wo sumeik da. ⁹ Nai teig muroug, nug patun fo ta anjurnur na wa, kabelan Anut anj bitinaek lo idiranj banau. Ale, Bitinaek Tamol sumeikan dalawan ate itur da.

¹⁰ Nai teig muroug, Anut san profet ilom isou, inj Tubun en yanjan lo dinjinej da. Inj muruan inj madai dam disini bo man dile

dugo disini wonj se ya, ago yak ninjen o anjam dal kisaek an ari wa. ¹¹ Tamol a dutur sakar go muruan lo ta dibiakik na dan, id talonj ak, inj ilo uyan san tamolpein a. Anj Job san madok itaot an alonj a. Job saen inj madai ile dop muruan isini se man inj tok ibol imado se ya. Agod injan wadan a Anut inj ninjen o igane ilasa yan dam alonj a. Job Tubun en ilo panek agod ilo munjanek dam tinin injanefute yan ile ya.

¹² Ak man, nai teig muroug, mel tubun geig man igo, anj Anut yanjan lo boi, ta tan yanjan lo boi, ta mel gidad gidad ta boi lo sinjanem ru dabai ta apani na wa. Anjam awok man nek mel nunjon ninjen o gup awok abol a, ago dop tia man nek tia mok abol a. Kabelan Anut anj ibitiananj dop muruan ipananj banau.

Ilo rumok san guduanej

¹³ Anj ta lulunjam lo muruan isini di? Ago tap inj Anut san na igudani wa. Dugo, anj ta lulunjam lo ilon uyan di? Ago tap inj Anut yanjan yabisa dop bar yabi wa. ¹⁴ Tamol ta lulunjam lo subam ifuni di? Ago tap midaen sad matu igiaip, dupalup, ninjen o dugudani dop Anut yanjan lo gurenj tinin diamisi wa. ¹⁵ Fun an lo gudanek ilo rumok san, anjam tamol subam anda yan iganep uyan ilasa wa. Agod gubak mi aupasek igane yak tap, Anut tamol an san aupasek ipasi yau pasik dop ilon ipani wa. ¹⁶ Ago yak ninjen o nug naon na sinjanem aupasek afulale dop nug ninjen o agudani wa, ago dop an lo Anut ikubunianj a. Tamol itaot aman ak san gudanek dabai tinan, agog dam ka urat dabai ak igane ilasa wa.

¹⁷ Nek ibol Elaija onj, Elaija man nek idsed onj a. Inj Anut san na ui ta idu na wo igudani, agog nunjon ilasa ya. Ui tan na ananj utol wadan da, ta isi na ya. ¹⁸ An itout go fon igudani da, agog ui idu dag, tan na ananj nunjon idiri ilasa ya.

¹⁹⁻²⁰ Nai teig muroug, tamol ta anj lulunjam lo kagin rumok ak ibisei dop anjam ta injanep dal uyan ak lo imul ipalu tap, tamol uyan an tein san njutun materj lo yak inane imul a. Aria, kagin en ilom isou wa, tamol enti turan dal saian ak lo itor den ibinawi tap, tamol an turan san njutun ta imat na

san ago igane ya, agog san aupasek fidian
dam imiamai pasik a.

1 Pita

¹ Nai Pita, Jesus Kristus san aposel. An tamolpein Anut ipilianan go ananem panu fun abiseig aug, Pontas na, Galesia, Kapadusia, Esia agod Bitinia na, aben a lulujad lo tamol gol ak igo wonj amado dan, anjam na girek en njigire da. ² Bai Anut gubak mi an gamugo alasa yan san saen lo ilian ilon go ipilianan an lo Awan Urgun inisan urat lo an inanen tamolpein gun ak alasa ya. Agog an inanen tamolpein awa bek san ago mi amado ator a, agod Jesus Kristus inanen dar ikulmaek an lo anjam aupasek isuas panan a.

Anut inisan ilo panek, agod inisan ilo maror ipanan pe ilom lo italusip tubun ilasa wan o njugudani da.

Id kumaen foun ak tile wa

³ Id Bai Anut, idsad Tubun en Jesus Kristus san Taman per tupani da. Man dugo, inisan ilo munanek tubun an lo, id ibol nanuk foun ak on tilasa ya. Ago yan lo id Anut tile san ninen o patud isa wa, agod tini ganei en ibol mel kumaen imat san tia yak igo wonj tabi sakar da. Mel en Jesus Kristus matej lo kumaen imasa yan lo ilasa ya. ⁴ Id nanuk foun tilasa yan lo Anut san mel uyan uyan ak lak na yen dan, in ipilianad pe murna gup an fidian tinane wa. Melmel en ta idafur na wa, tamolpein sad aupasek iganep melmel an nun dilasa san tia ya, agod an sad leil sinjakaan an ta saian na wa. Melmel en murna san an Anut kumaen panu na an ninemi wo kagin ipani da. ⁵ An ilom rumok ak lo, Anut san dabai an dumui on ibargiran an da, an lo patu pasek a saen wadan lo Anut iganep ilasa wan ale wa. Patu pasek an Anut ikubune lag yen da, ago yaup saen wadan a Anut ipate yan lo kuai isi wa. ⁶ Ak man gamu saen katukan en lo muruan sensen ak ale da, ago bo man arut amoi. Tia, uyam isusa wa, ⁷ man dugo, muruan asini dan lo fidian dile wak ananem ilo rumok Jesus Kristus lo yan rumok a. Anut malan lo ananem ilo rumok an sinjakaan mok a, agod an gol san naon irinani da. Rumok, gol san naon an tubun kasik bo man, dibilitinae

san ninen yai lo diganep dumari dop, sinjak dupasip an lo inanen naon yaup lak na mok a. Ago bo man, murnap gol in tan en da itout yau a. Nek ago mi, Anut ananem ilo rumok ibitinae o ilian funan dugo muruan ale ya, bitinaek an lo Jesus Kristus kuai isi san saen lo an per, girager, agod yanak tubun ak anane wa. ⁸ An in ta ale na ya, gug in ninen o amat da. Gamu dam an in ale san tia bo man, in o ilom lo rumok a. Agod an yousai anda mi ananefute da, an lo dop ananem ilo uyan an tubun kasik an lo ninen ta anin en san tia ya. ⁹ Agod ananem ilo rumok san nunon man anjam njutumi Anut injilai pe sasau lo idirai a.

¹⁰ Profet adi saen ilo panek a Anut ipanan an ninen dubol ilasa dan lo, patu pasek en san fun dile wo aban an diabi sinjakaan da. ¹¹ Saen Kristus san Ur in ilod lo imado dan Kristus san madai agod inisan yanak tubun ak mitep inane wan ikubiai pidinai dan, in Anut dusumiani ak, mel dugon boi, tia, nal dugon boi, ninen o Urgun inin en da. ¹² Gug in mel a dinin en ilasa dan sed ibinawai san o ta dinin en da, tia, an o dubol ilasa dan Anut ikubiai pidinai a. Melmel an san ninen an alon la ya. Dugo wonj ak i? Bilalun tamol an Urgun kumaen panu na Anut igane idu yan san dabai lo inisan ru uyanan an dufulale anjam na ilasa ya. Enel adi dam maladi lo melmel an san fun dile wo dumat geig da.

Gun amado

¹³ Ago yak ninen o kabunjam akubune uyanan pe urat ninen o tawan agane dop, sem ulum am abi uyanan dop, ilo panek san binawek a saen Jesus Kristus kuai isip anjam na ipalu wan mi tinim agane pani wa. ¹⁴ An imug anan en dugo amado se ya, ago dugo kagin naok naok a ilo masa igane ilasa se yan ari na ya, gug gamu nek ibol nanuk awa bek san igo wonj, an kagin an fon mi ta atutanani na wa. ¹⁵ Tia, nek ibol In a an igian an inisen gun imado dak igo wonj, ansem dam sam urat fidian lo gun amado wa. ¹⁶ Man dugo, Anut san girek ago ibol a, "Nai gun ak ninen o, an dam gun amado."

¹⁷ Agod Anut a titinae tamol igo wonj tamolpein kisaek kisaek sad urat bitinaek lo idiri dan ninen o an Bai abol tap, an

saen tan en lo amado dan, ibol tamolpein asau ak igo wonj arer dop anjam madok an kagin apani uyanan a. ¹⁸ Anj alonj ak, Anut anj tubumi sad kagin nunon tia man dupanan an lo idad go ipasanj injilianj a. Mel ta itout yau san ibol silva gol da igo wonj ak lo anj ta idad go injilianj na ya. ¹⁹ Tia, Kristus man ibol sipsip nanun nun aman tia, agod baob aman dam tia yak igo wonj, injsan dar naon lak na geig ak lo ipasanj go injilianj a. ²⁰ Tan en gamugo ilasa dugo Anut Inj ipiliani a, gug gamu saen en san wadan lo anj ninjemi wo Anut igane walal te ilasag ale ya. ²¹ Kristus lo anj fun aganeg Anut a inj maten lo ifufunig kumaen yabisag yanjak tubun ak ipani an ilom lo rumok a, ago yan lo gamu anjanem ilo rumok agod anjanem tini ganei dam diaug Anut lo dututou da.

²² Anj ru rumok ari apani na yan lo anj gamu njutumi adiraig gun dilasag, an lo anjanem Kris teim taom ninjedi wo amat dan, an mi nunon a. Amaiak ninjen o anj ilom njutum rumok amam da nug ninjen o amat a. ²³ Man dugo, ai patun kitekan yen pe itout yau san an lo anj foun ak igo wonj ta alasa na ya. Tia, ai patun a itout yau san tia yan lo tamolpein foun ak alasa ya. Ai patun an man Anut san ru kumaen ak, agod pempem yen yau san an mi a. ²⁴ Man dugo, Anut san girek ago ibol, “Tamolpein tinidi man ibol gafurfur onj a, agod injsad damag fidian an ibol boban onj a.

Gafurfur igos idu da, agod injsan bob dam diau dudu da.

²⁵ Gug Tubun en san ru man pempem yen yau da.”

Ru nek an man bilalunj uyanan ak anjam na dufulale dugo alonj a.

2

¹ Amaiak ninjen o anj ale saian san kagin fidian, rawek fidian, balek uraru san kagin, mala sek san tinjæ saian, agod uf ru a fidian bubem lo ale dan, anjanep abiliau a. ² Anj ibol nanuk foun ak igo wonj, su ta dukubuli na yan Urgun ipananj an aluk o amat geig a. Anj ago agane dop man ka atalbusi dop an lo sasau a Anut ipanad an anjane wa. ³ Man dugo, anj Tubun en

san bulbal akubianig ale alonj la ya, inj mi uyanan mok a.

Pat kumaen yen dak san njinjen

⁴ Injsen mi pat kumaen yen da. Ago dugo tamolpein inj diabiani ak gug Anut inj ipiliani a, agod inj malan lo pat an naon lak na geig a. Anj naon na au dan, ⁵ anj dam pat kumaen yen san ago mi Anut itumananj dop injsan njutum san ab onj isuse da. An lo anj pris adi gun ak onj alasa ya. Nek ibol pris wagam ak Anut yai dutuni pani na yak igo wonj, anj dam yai atuni pani da. Gug kulob an man tan en san yai tuneke tia, tia, an njutum san yai tuneke mi a, agod Kristus lo Anut inj uyan ipananj da. ⁶ Ru girek lo ago ibol,

“Ale, njai pat ta Saion na njuguni a.

Sukurun yabituani san pat an pilianek la ya, agod naon lak na geig a, agod tamolpein inj o ilod rumok dan, miai ta ifu na wa.”

⁷ Anj tamolpein ilom lo rumok dan anjam leil lo pat en naon lak na geig a. Gug aenkadi ilo rumok amad tia yan injsad leil lo,

“Pat a ab susek tamol dibiti an murnag ab sukurun isinig itur a.”

⁸ Agod afon,

“Pat an igane dop tamolpein ate njied dusue dak,

agod igane dop ate diau dudu da.”

Man dugo, inj Anut awan ta diri na da, an lo diau dudu da. Inj ago digane san Anut ipilianai a.

⁹ Gug anj man Anut san tamolpein injsen ipiliananj a. Anj man Kinj san pris adi, tamolpein gun ak sad midaen, agod Anut inj muroun a. Anjam urat man, inj a anj igianj go tidom tubun an abiseig, injsan lilaman sinjakaan ak lo aladu yan lo, injanen bunun uyanan an ninjen abol ilasa wo ago igane ya. ¹⁰ Imug na man anj tamolpein warou kisaek tia ya. Gug gamu anj Anut san tamolpein alasag amado da. Imug anj injsan ilo munjanek ta anjane na ya. Gug gamu anj injsan ilo munjanek anjane ya.

¹¹ O turag muroug, anj man ibol tamolpein panu sen ak san apalug tan en lo tamol gol ak onj amado da. Amaiak ninjen o, njai njususunjananj pe tinim san ilo masa ari

apani wo amoi a. Man dugo, kagin saiak an n̄utum san ager imado da. ¹² An̄ gob adi luluṅad lo aṅanem nao lalek pempem uyan an mi yen a. Gidad gamu an̄ agane saian dak dubol a. Gug saen Anut idsad na ipalu wan te gup an̄sam kagin naok naok a dile la yan niṅen o Anut yaṅan diabisa dop per dupani wa.

Gurman paed na amado

¹³ Tubun en yaṅan o tan en san gurman fidian paed na amado. Rom san kin̄ in̄ malan te yak ago abol a, agod paen na amado wa. ¹⁴ Agod gabman gurman dam paed na amado wa, man dugo, Anut in̄ ipilianai man tamolpein a dugo digane saian dan bu dupidinai san urat digane da, ago dop a digane uyan dan in̄ uyan dupidinai san urat dam digane da. ¹⁵ Man dugo, Anut san ilo ibol igo ya, an̄ uyan agane dan lo tamol burau ak sad ru niṅeo dubol dan sad awad afutani da. ¹⁶ Tamol in̄sen kisaek imado dak igo woṅ, an̄ ago amado wa. Ak gug, an lo amianuk dop kagin saiak saiak ta agane na wa. Tia, nek Anut san urat tamol mok igo amado wa. ¹⁷ Tamolpein fidian yaṅad asini wak, teim taom Kris adi niṅedi wo dam amat a. Anut niṅen o arer dop, Rom san kin̄ dam yaṅan abisa wa.

¹⁸ An̄ bigabeg man aṅanem titianek paed na mok, tok abol amado wa. Titianek tamol uyadi a kagin dupanaṅ dan lo ago agane wa, a muruan dupanaṅ dan lo dam nek ago mi agane wa. ¹⁹ Man dugo, tamol ta san kankan Anut lo yen dop, an lo madai muruan da isini san tia yak isini tap man, mel siṅaokan geig a. ²⁰ Ak man oṅ gane saian ak san bu ṅane dop lo utur sakar tap, an naon Anut dugo ipitiano wak i? Gug oṅ uyan gane yak lo madai ule dop lo utur sakar tap man, Anut malan lo an ipitiano san mel igo woṅ a. ²¹ Anut ago wo an̄ igian a. Man dugo rumok, Kristus in̄sen an̄ abemi lo muruan isini a. Saen tan ibisei an lo in̄san kagin naok naok man mitilaen igo woṅ ibisei panad an lo tile dop niṅen aban turi wa.

²² “In̄ aupasek ta kisaek igane man tia ya. Agod awan lo ru sewak ta ilasa man dam tia ya.”

²³ Saen tamolpein in̄ dimisilani se man in̄ ru naon ta ipidai na ya. Saen in̄ madai dupani an in̄ naon igane wo ta ibol na ya. Tia, in̄sen Tamol a san bitinaek itaot mok an banin lo igane ya. ²⁴ Kristus in̄sen tinin nam aigim fo idsad aupasek fidian isini a. Ago dop an lo id aupasek san dabai lo ipasad pe, idsad madok lo itaot tumado wa. In̄ tinin dufunig ikafut idiri an lo ikubinian a. ²⁵ Man dugo, an̄ ibol sipsip dal diṅaon ak oṅ adeg au a. Ak man gamu aṅanem Titianek san na amul apalu ya. In̄ mi an̄sam Kagin Panek Tamol.

3

Nug iwon iwon sad ru

¹ Nek imug bigabeg in̄aned gurman paed na dumado se ago mi, an̄ pein dam iwom paed na amado wa. Aria, dal an lo aenkadi Anut san ru ta duri na tap, iwodi sad kagin naok naok an dile dop ate ilod diṅane dop ilod dibileksa wa. An man ilo ṅanek san ru ta pein awad lo ta ilasa na ya. ² Man dugo, an̄ Anut niṅen o arer dop an̄sam kagin gun ak lo amado dan in̄ dile wa. ³ An̄ tinim san damag patun fo yak asinip nam tinim bala apani wo kankan tubun mi ta agane na wa. Dar diturṅe idu, kululoi naon tutubun agod biouṅ siṅaokan adiri dan an mel kawan a. ⁴ Tia, an̄sam bala man kagin dugon an̄ ilom lo yen dan an mi a. An̄ ilom man mosan, agod dagoman a. Bala naok ago yak man itout yau san tia ya, agod Anut malan lo an man naon lak na geig a. ⁵ Man dugo, wagam dal kisaek an lo mi pein gun ak Anut tinid dupanig dumado se yan in̄sed damag ipidinai siṅaokan a. Ago dugo iwodi awad paen na mok dumado na ya. ⁶ Nek ago mi Sara dam Abraham awan paen na imado dop niṅen o in̄anen tubun ak ibol se ya. An̄ uyan agane dop mel ta urer ipanaṅ san niṅen o ta arer na tap, an̄ in̄san nanun muroun alasa wa.

⁷ Nek dal kisaek ago mi, an̄ tamol iwom da sisem amado dan, pein in̄ dabai tubun amad tia alon̄ an niṅen o yaṅadi abisa fufeī wa. Man dugo, an̄ sisem Anut san ilo muṅanek lo kumaen aṅane wa. An̄ ago agane tap, an̄sam gudaneṅ an kawan tia ya.

Memel uyan ak san madai aṅane wa

⁸ Naine ru kagin wadan igo ya. An fidian kankan kisaek, agod nug ilon imunani wa. Nug tein taon igo won nug niñen o amat a. Nug niñen o bubem apasi wak, sem ibian adu dop aenta dirinanan ak ago ilom isou wa. ⁹ Ta diginiañ saian tap, naon dam ta aginiañ saian na wa. Ru saian nam dupaian tap, naon dam ta amisilanai na wa. Tia, an naon Anut bar uyan ak ipidinai o agudani wa. Man dugo, Anut ago wo an igian a. Agop an lo, bar uyan ak ka ipanan a. ¹⁰ Man dugo, Anut san ru ago ibol a,

“Talpein ta madok uyan ak lo imado wo imat,
agod melmel uyan ak ile wo imat tap,
ru saian ta ibol na wa,
agod awan lo dam ru rawek ak ta ilasa na wa.

¹¹ Kagin saiak patun ipanip kagin uyan ak mi igane wa.

Maror san dal o abañ yabi dop an ile wo yaes isofutani wa.

¹² Man dugo, Tubun en malan yaug tamol itaot ak yil pasai da,
agod insad gudanek lo pempem kududon igure da.

Gug tamolpein a saian digane dan niñen o naon ikafut pidinai da.”

¹³ Aria, an kagin uyan ak agane wo yaes isofutanan dop, enti maeg iganep saian ipanan ak i? Tia geig a. ¹⁴ Gug kagin itaot ak agane san o madai asini dan an rumok tap, gidad, an man bar ñanek tamolpein mok a. A muruan dupanan dan niñedi wo ta arer dop ilom ta muruan na wa.

¹⁵ Tia, nek an bubem lo Kristus aganep an sam Tubun ak on ale wa. Ananem ilo rumok niñen o kankan anane fufei dop man, talpein ananem tini ganei Kristus lo yak a ilom lo yen dan san fun afulale wo isumianan tap, ru ilo safulalek san ka apani wa. Gug pasak na mi agod urer amam da ago agane wa. ¹⁶ Ananem kagin naok naok atitiani uyan dop man ananem kankan muruan ta ipanan na wa. An lo dop tamolpein a an kagin uyan uyan Kristus lo agane san niñen o dipirgini dop dimisilanan dan miai ifunai a. ¹⁷ Man dugo, Anut ilon ibol tap an kagin uyan ak niñen o madai asini san man uyan a. Kabelan saian agane san niñen o muruan

ale banau. ¹⁸ Man dugo rumok, Kristus insen saen kisaek o lian aupasek niñen o maten ile ya. In man tamol itaot ak igo won an tamolpein ta itaot na yan an sam abem inane ya, an lo an inilian pe Anut san na au a. Tinin tan san en lo dufuni imat a, gug n̄tun lo Anut iganeg kumaen ilasa ya. ¹⁹ Ago dugo n̄tun yaug wagam san tamolpein a n̄tudi subanek lo dumado se yan naod na ru ifulale ya. ²⁰ Tamolpein an wagam Anut awan diparsisali se ya. An Noa san saen lo Anut ka yil fu on dugo yaug Noa wog tubun ak ifoug urat itout a. Nal an lo tamolpein wei tia, 8 mi, wog an ilon lo in̄al go, lom tubun ak san you lo patud ipasi a. ²¹ You an man Kris fulanek san mitilaen igo won a. Man dugo, gamu fulanek san you an id patud ipasig tumado da. Fulanek an tinid sad nun ta ifulani yau na da. Tia, fulanek tile dan lo Anut tusumiani dak id ilod ikubunep kankan uyan ak ipanad a. Fulanek an nek Jesus Kristus maten lo kumaen imasa yan lo mi dabai in̄aneg an lo id patud ipasi da. ²² In kumaen panu na isidag Anut giran̄en won ak lo imado dugo en̄el adi, ur sensen sad gurman adi, agod mel dugon dabai amad da atna dumado dan, an fidian paen na dumado da.

4

Anut san ilobol paen na tumado da

¹ Ago yak niñen o, Kristus tinin tan en san lo madai isini ak niñen o, an dam ilo isou kisaek an mi abi sakar a. Dal an lo madai asini san niñen o an sem dabai ipanan a, man dugo, talpein enti tinin sen nam madai isini tap, aupasek san kagin an ibisei a. ² Ago yak niñen o insan madok tan en lo tamolpein sad ilobol an iri san ilon ta yen na da. Tia, Anut san ilobol an mi iri ipani wo ilon yen da. ³ Inug an saen tubun mi gob adi sad kagin diri wo dumat an an dam ago agane na ya. Agod an kagin an arig yaug idaisida ya. An se pitiano i kagin, ilo masa san kagin, jeit kagin, soubul gidigheid lo, lukluk san n̄itan̄at amado dugo, tubud sewak adi ubou ad tile san Anut geg igane yan ari apani se ya. ⁴ An gamu in̄ luad asap kagin saiak saiak wei mi a digane dan lo dida asourubep, au o

afon ta agane na dan niŋen o durut saian geig a. An lo aŋ dumisilanaŋ da. ⁵ Gug Anut mi iŋ tamolpein a kumaen dumado dugo a dumat la yan bitinaek lo idirai san tawaŋ igane dan, naon na dutur dop iŋ o ru naon dupani wa. ⁶ Nek fun amaiak niŋen o Kristus iŋ tamolpein dumat la yan sad na yaug bilaluŋ uyan ak san ru ifulale dugo duloŋ a. An lo gidad, iŋ tinidi tan en san lo tamol sad bitinaek dile ya, ago bo man iŋ ŋutud lo kumaen a Anut da yan, iŋ dam kumaen an lo ka dumado wa.

⁷ Mel fidian itout yau san saen sumeik ipanad da. Ago yak niŋen aŋ kabuŋam ipasti dop sem ulum am abi o uyanan a. Ago dop man ka agudani uyan a. ⁸ Mel malan te man ilom ŋutumi fidian nug niŋen o amat a. Man dugo, nug niŋen o amat dan san kagin aupasek wei mi imianai idu ya. ⁹ Nug kagin apani uyan dop, an o ta aŋurŋur na wa. ¹⁰ Dabai dugo aenta abinawai san Anut aŋ kisaek kisaek ipanaŋ an kagin apani wo uyanan a. Awa yabek tamolpein igo woŋ Anut san ilo panek iŋanen dal kisaek kisaek atem urat apani wo uyanan a. ¹¹ Ta iŋ ru ifulale san maŋau aman da tap, nek ibol Anut san ru mok mi ifulale dan igo ru ifulale wa. Ta iŋ binawek urat igane tap, dabai a Anut ipani dan lo urat an igane wa. Ago dop urat fidian lo tamolpein ka Anut per dupani wa, an man Jesus Kristus lo mi a.

Oŋ Kris ak niŋen o muruan sini

¹² O turag muroug, aŋ bitinaek wananan geig ale dugo amasa saian an mel naok foun ilasa yak igo abol banau. ¹³ Tia, youm isa wa, man dugo, aŋ Kristus da sisem mi muruan asini da. An lo saen Kristus san girager kuai isi wan ate dop ilom uyanan geig a. ¹⁴ Aŋ Kristus yaŋan niŋen o saian dupanaŋ tap man aŋ tamolpein Anut san bar aŋane ya, man dugo, Ūr a Anut san agod girager san an aŋ tinim lo yen da. ¹⁵ Kabelan ta aŋ luluŋam lo tamol ifuni imat o boi, tia gumagam o boi, tia kagin saiak saiak funfun igane wo boi, tia, niŋeŋ o kabuŋan isou imug dop, mel naok an fidian niŋedi wo madai isini banau. ¹⁶ Gug aŋ Kris igo woŋ muruan asini tap, miai ifunaŋ amoi. Tia, aŋ Anut yaŋan abisa wa.

Man dugo, iŋ yaŋan aŋ tinim lo yen da. ¹⁷ Anut bitinaek igane san saen ipalu la ya. Agod fun iganeg, ilo rumok tamolpein adi malan malan ibitini ai da. Aria, id lo fun igane tap, tamolpein a Anut san bilaluŋ uyan ak ta diri na dan sad wadan an dugo woŋ ilasa wak i? ¹⁸ Agod afon, Anut san ru igo ibol,

“Tamol itaot ak patu pasek lo iladu san ta pasauman na yan rumok tap, tamolpein a au dupas dan ago Anut san kagin iŋ lo tia yan muruan dugo iŋsad na ilasa wak i?”

¹⁹ Amaiak niŋen o, ensauta iŋ Anut san ilo ibol lo madai dile dan, sed idiraip Anut banin lo diau dop urat uyan ak mi digane yau a.

5

Gurman iŋ pinein da sad ru kagin

¹ Nai matu gurman aŋ luluŋam lo dumado dan, nai dam nek iŋ ago mi ŋumado da. Nai dam Kristus madai isini an seg malag mok nam ŋile ya. Taida mi ŋaiseg dam iŋsan girager murnap kuai isi wan nai dam an lo ŋumado da. An lo igo ŋusumianaŋ o da. ² Aŋ Anut san sipsip atirnai o ipanaŋ an atitiana i a. Gurman mok oŋ kagin apidina i a, aŋ talpein a dusou dudunaŋ dan niŋen o ago ta agane na wa, tia, an nek aŋanem ilobol lo mi a, nek ibol Anut aŋ o ilon yen dak ago mi a. Aŋ moni aŋane san o malam ta isi na da, ak man urat an agane wo bubem yen da. ³ Aŋ sipsip a Anut banim lo idirai an nai-nai kagin lo atirnai amoi. Gug aŋsam kagin an ibol mitilaen igo woŋ Anut san sipsip dile dop duri wa. ⁴ Agod saen sipsip titianek sad gurman ipalu dop, girager san lilit gumuran ta itout yau dan aŋanem urat naon oŋ aŋane wa.

⁵ Aria, aŋ pinein dam tamol busumadi ak paed na amado wa. Aŋ fidian nug naon na sem ibiaŋ adu wa. Man dugo, Anut san ru ago ibol a,

“Tamol sed yaŋad diabisa dan Anut naod yabi da.

Gug tamol sen yabi idu dan iŋsan ilo panek ipani da.”

⁶ Ago yak niŋen o aŋ sem ibiaŋ adu dop Anut tuon dabai an paen na aladu wa. An

lo murnap saen mok fo in ka an ibiansa wa.

⁷ Ananem ilo muruan fidian banin lo agane wa. Man dugo, in malan lo an mel tubun an lo in an kagin ipana da.

⁸ Malam ipuk pe tawan agane dop, sem ulum am abi uyanan a. Man dugo, ananem ager Satan ibol laion imatigen ak ibob dugo tamol ta yani itout o aban isueg itor dak igo won a. ⁹ Ago yak ninen o an naon abi dop ananem ilo rumok lo mi atur sakar a. Man dugo, an alon ak ananem teim taomi tan titin fidian lo muruan naon kisaek anami disini da.

¹⁰ Agod Anut in mi ilo panek fidian san muroun, in sen Kristus lo igian go in san aben a girager anda pempem yen on dan lo aladu wa. Saen katukan mi madai asini gup in sen mi an sam madok ikubunep lo atur sakar dop dabai ipana a. ¹¹ In mi dabai pempem yen yau on dan aman da ya. Rumok.

Ru wadan

¹² Nai girek katukan en Sailas ibinawag go ngire ya. In ninen o nai ilog rumok ak, in Kris tamol mok a. Girek en lo nai an tan suek ru nupana, agod ru e nurupaian den man Anut san ilo panek mok a. An lo atur sakar a.

¹³ Midaen Anut ipilianai go Babilon na dumado dan insad ilo uyan ru an sam na digane ipalu ya. Nai nanug Mak dam ago igane ya. ¹⁴ Kris kagin lo nug banin abi wa.

An fidian Kristus da amado dan ilo maror an lo ka yen yau a.

2 Pita

¹ Njai Saimon Pita, Jesus Kristus san urat tamol agod n̄ai in̄san aposel. Tamolpein a in̄sad ilo rumok siñjakan, nek mañsama ago mi amaiak, in̄sad na girek en n̄igane ipalu da. Ilo rumok e n̄ai niñen o n̄abol den man Tubun en Jesus Kristus, idsad binawek, an in̄san na diñane ya. In̄ itaot mok an niñen o ilo rumok an ipidinai a. ² Njai an̄ niñemi wo Anut n̄jugudani dak, an̄ ilom lo Anut in̄ Jesus idsad Tubun en da alon̄ uyanan, an lo in̄san maror in̄san ilo panek an̄ bubem lo ka iganep awan isa wa.

An̄ a Anut ipilianan̄ an dabai apani wa

³ Id in̄ talon̄ amaiak niñen o, Anut san dabai tubun ak Kristus lo yen dan niñen o, id an lo ibinawad go mel fidian kumaed san, agod id Anut san kagin tiri san dam ipanad a. In̄sinanen yan̄jak tubun ak lo agod kagin uyanan ak lo melmel an tin̄ane san niñen o igiad a. ⁴ Agod in̄san yan̄jak tubun ak, in̄san kagin uyanan ak lo dam, in̄san promis lak na igane idu yan ipanad a. Promis an id malad lo naon lak na geig di tubun a. Promis nek amaiak lo an̄ tan en san nun panek ka arin̄ani wa, man dugo, ilo imasa san kagin an lo tamolpein nun ipidinai da, ak man gamu asol san dal ilasag yen da. Promis an lo dam, in̄sinanen bunun an̄ ilom lo igane yan lo an̄ dam nek ago amado da.

⁵ Fun an niñen o an̄ maeg aganep kagin uyan uyan en taida an̄ lo aganep dilasa wa, agop an̄anem ilo rumok da abate wa. Malan malan an̄anem ilo rumok, an kagin uyanan ak da abate wa. Tinin te kagin uyanan ak, an Anut ulon̄ san mañau da abate wa. ⁶ Agod tinin te Anut ulon̄ uyan san mañau an̄ sem ulum am abi uyan san kagin da abate wa. Tinin te sem ulum am abi uyan san kagin, an atur sakar san kagin da abate wa. Tinin te atur sakar san kagin an, Anut san kagin ari san da abate wa. ⁷ Agod tinin te Anut san kagin ari san an, turam muroum ilom apidinai san kagin da abate wa. Agod wadan man turam muroum ilom apidinai san kagin an, aenta niñedi wo tubun mi amat dan san

kagin da abate wa. ⁸ Man dugo, an̄ Jesus Kristus idsad Tubun en alon̄ uyanan dan san kagin naok igo yak an̄ lo yen dop, in̄ pempem an̄ ilom lo itabusip tubun tap, an iganep an̄sam madok lo nun̄on ifu wa, agod an̄sam urat in̄ niñen o agane dan mel kawan tia wa. ⁹ Ak man talpein ta kagin an in̄san bunun lo tia tap, in̄ ibol tamol mala tia yak igo ya, tia, ibol tamol malan asau mi aban̄ ta ile na dak ago ya. Man dugo, talpein ago man in̄anen aupasek imug an Jesus ipasi yaug ikok ilasa yan ilon in̄aon̄ a.

¹⁰ Teig taog, fun amaiak niñen o Anut igian̄ go tamolpein aenta lulun̄ad lo ipilianan̄ an, dabai apani wo urat wagai agane wa. An̄ kagin an fidian ari uyanan tap, au adu san tia ya. ¹¹ Ago dop saen an̄ idsad Tubun en Jesus Kristus idsad patu pasek tamol san kagin panek aben an lo aladu wo dop man, malam dupare uyanan a.

Profet ru, girek lo yen dan san niñen

¹² Aria, gidad an̄ mel fidian alon̄ uyan go, gamu ru rumok en abig atur sakar dak bo man, n̄ai ilog yen dak ago melmel an saen fidian fon n̄rupaian̄ da. ¹³ Man dugo, n̄aisag ilog lo saen gamu n̄ai tinig tan en lo n̄umado den man gidad n̄ai safulalek ru igo n̄rupaian̄ da, an uyanan a. Ago dop an̄ dam mel en san ilo sou man mi agane wa. ¹⁴ Man ata wo? Njai n̄alon̄ ak, milaen tiap n̄ai tinig gigin na n̄igane wa. Jesus Kristus, idsad Tubun en mel an ikubiai n̄ile la ya. ¹⁵ An niñen o n̄ai urat wagai n̄iganep an lo saen n̄ai tan en n̄ibisei dop man, an pempem mel an fidian niñedi wo ilom ka isou dop amado wa.

¹⁶ Saen mañ imug an̄sam na mupalu yan, mañ Jesus Kristus idsad Tubun en san dabai mukubiai ale ya. Agod nal ta lo gup in̄ fon dabai anda imul tan na ipalu wan niñen o mabol alon̄ a. Saen mañ mel a niñen o murupaian̄ an dugo, mañsiganema ilo sou lo ru sewak ak awan mubate dop lo mirawan̄ o migane di? Tia geig a, man dugo, mañsema malama nam in̄san naon lil-aman, in̄san girager tubun an da isapudade dugo mile ya. ¹⁷⁻¹⁸ Man dugo, saen in̄ Bai Anut lo yan̄jak tubun ak girager da in̄ane yan, mañ in̄ da did gun an fufo mumado ya, ago dugo in̄ niñen o Anut awan keit lo

iwagin dugo malon a. Awak an san lilijan inſan na ipalug yan an yabisag yanak tubun ak ipani a. In ibol, “En man naineg Nanug mok, naineg bubeg mok, in ninen o nai ilog tubun mi uyanan da.” Awak a kumaen panu log ipalu yan man malon a.

¹⁹ Agod taida mi, gamu Anut profet adi sad ru an rumok dabai ipani panad a. An inſad awad kagin apani tap, an uyanan a. Man dugo, inſad ru an man nek ibol lam ta tidom tubun lo ided dugo aban isapudade dak igo won a. Ago agane dop yaup salso idu wa, agod salso idu san boi tinan an bubem lo isida wa. ²⁰ An ru en alon uyan, ru en tubun a. Ru fidian a girek lo profet awan lo ilasa dan man, profet an san ilo sou tia ya. ²¹ Man dugo, ru a profet sad awad lo ilasa dan san fun mok man, tamol san ilo sou igo tia ya. Tia, Urgan inſen profet adi ilod iduduwig ru a Anut san nag ipalu yan mi dubol ilasa ya.

2

Girek manau sewak adi inſad kubulek

¹ Wagan na profet sewak wei mi Isrel tamolpein lulanad lo dilasa ya. Nek ago mi girek manau sewak ak wei mi an lulanam lo dilasa wa. In pitenanek sewak a imianuk an mi dinanep midaen lulanam lo diladup dupanan a, an lo anſam ilo rumok an dukubuli wa. Agod Tubun en inſen girek manau sewak adi an idad injiliai a, ago bo man in patud dupani wa. Kagin an lo in milaen tiap daon dinane dop diau dudu wa.

² In jeit kagin an ta saian na ago dubol a, an lo ilo rumok tamolpein wei kasik kagin an diganuri wa. Fun an ninen o tamolpein aenta rumok san dal an saian dupani wa.

³ Tamol naok an inſad ilo sou moni ninen o man tubun kasik a, an lo ru sewak nam nudum dusue dop ananem moni dinane wa. Anut inſad naok naok an wagan mi ile ya, agog inaned muruan an ikubune pidinai la ya. Muruan an dal na ipalu da, ago dugo inſad daon an dam sumeikan mi yen da.

⁴ Alon o uyanan a. Gubak mi enel aenta au dupas, ago gug Anut inſad aupasek an inane gigin na ta igane na ya. Tia, in enel an tan paen na gib ilon tidom tubun ak lo isubanaig idirai diau a. Ate dumado

yaup bitinaek nal ilasa wa. ⁵ Agod taida mi, tamolpein a wagan na Anut san kagin ta duri dupani na yan sad aupasek lo ta yilfu on na ya. Tia, fidian lom tubun geig ak inal dugo Noa mi imado ya. Tamol kisaek an iwon agod muroun 6 an dida Anut ninedi wo ilon isou a. Man dugo, Noa in kagin itaot ak san bulalun tamol. ⁶ Agod taida mi, Anut Sodom in Gumora da sad tamolpein fidian ifu yau a. Yai ui on iwatik go inſad panu tubun an inani yau itout a, agod tamolpein dam fidian inanai pasik a. An lo inſad mitilaen an tamolpein fidian gamu Anut san kagin ta duri dupani na dan dile dop, in lo dam kulob ago ilasa wa. ⁷ Agod taida mi, Lot in tamol itaot a, agod Anut daon an lo patun ipasi a. In tamolpein kagin saiak saiak digane dan ileg ilon tubun mi muruan a. ⁸ (Man dugo, tamol itaot a lulanad lo nal fidian imado dan, in kubiaen dipilali dan san kagin sensen an ile dugo inſad ru saiak saiak an dam ilon se ya. Kagin ago an ilon imoi da.) ⁹ An rumok tap, Anut muruan funfun dugo yak lo tamolpein a Anut san kagin duri dupani dan patud ipasi san ilon a. Nek ago mi in tamolpein saiad muruan lo idiraip dumado wan bu panek an paen na mi dumado dop yaup bitinaek nal ilasa san, an dam ilon a. ¹⁰ Lulanad lo tamol a ilo masa san kagin diri dupanig lo sed nun ipidinai dugo, gurman awad paen na dumado wo dumoi na ya, tamol naok ago yak Tubun en ninedi wo tubun geig imoi a.

Tamol naok ago yak silei tinadi agod kabunadi dababai a. In enel adi kumaen panu lo dumado dan dumisilanai o ta direr na da. ¹¹ Ago gug enel Anut naon na dutur dan inſad dabai girek manau sewak tinadi an irinanai a, ago bo man in tamol an bitinaek lo dumisilanai san ago ta didirai na da. ¹² Tamol an melmel a ta dulon na yan ninedi wo dinin saian da. Tamolpein naok ago man nek ibol bor gown on, in kankan amad tia ago dutor da, dilasa san fun man talpein duburou idup dufu dumat san ago mi a. Girek manau sewak adi an nek ibol bor gown on in dam daon dinane wa.

¹³ Girek manau sewak adi a muruan aenta dipidinai an lo in dam naon dile wa.

Adian in tinid dugo urat dupani man ago digane da, an insad yousai. In baob nun anda yak igo ya. Agod in tamol uyadi on an dida anan ani da. Gug gigin na man kagin saiak saiak an lo dumado da. ¹⁴In jeit pein adi mi dil o dumat da. Aupasek o mi nal fidian yaes isofutanai da. In pein adi a ilod gidigheid an ilod dijanep jeit kagin san dal duri da. In mala sek lo man ibilem adi a, agod in pitiñinek a Anut ipidinai an san nanuk adi mok a. ¹⁵In dal itaot ak dubiseig sen diau geig a, agod in Beor nanun Balaam gubak mi yau ago diau da. In kagin saiak saiak iganep naon moni inane wo mi imat da. ¹⁶Ak man insan aupasek san kudo bek ru an ilon a. Man dugo, donki inijen san tia gug tamol awan lo inijen ilasag profet an san njeo kagin an yabituani a.

¹⁷Tamol naok an sad kagin nunon aman tia ya, nek ibol you igos yau ak on, tia, in ibol ui idu wo tim taen gigin na itumanig yen dugo tim iwi yaug ui tia yak igo ya. Anut inaned aben tidom tubun geig ak lo tan paen na ikubuneg yen da. ¹⁸In awad ru tutubun mi dubol da, ago gug insad ru an nunon aman tia ya. Insad ru lo tamolpein a saen milaen tiag aupasek adi sad na dusol diau an ilod dijanep da, an lo tinid imasa dop lo jeit kagin digane da, agod tinid san kagin saiak saiak aenta dam digane da. ¹⁹Girek manau sewak an mel ta isubanai san tia ago dutor san ru dubol pidinai a. Ago gug insedi man kagin saian ak san bigabeg dumado da. Man dugo, mel dugon tamol yabituani dan, nek in mel an san bigabeg imado da. ²⁰Man dugo, in imug Jesus Kristus idsad Tubun en, agod idsad binawek an dulon a, manau an lo tan en san nun kagin san na dusol diau la ya. Ak man in afon dumul kagin saian ak lo diladug isubanai tap, insad wadan gamu en san man saian mok, agod insad naon gubak mi an san irinani geig a. ²¹In kagin itaot an san dal kitek ta dulon na yak man, an uyan a. Man dugo, in insad Tubun en awan lo kubiaen gun ak ibol dulon dugo dijanep, ago gug an patud dupanip dal an dibisei tap, an saian geig a. ²²Ru mitilaen uraru en rumok in ninedi wo ibol da, “goun ilu gug imul yaug insinanen ulu an fon yani da,” taida

mi, “bor you isug la gug fon yaug gigeo lo ibubulam da.”

3

Tubun en imul ipalu san nal

¹Turag muroug, en njasag girek turanein ngireg ansam na ngane ipalu ya. Nai girek uraru ngire en lo ananem kankan itaot nufufunip ilo sou uyanan ak ipanan san a. ²Kankan en igo ya. Ru a profet gun adi wagam mi dubol na yan, agod ru kubiaen a ansam aposel adi awad lo ansam bunawek Tubun en ibol panan an dam ilom isou wa.

³Mel en inug alon o nmat da. Nal wadan dilasa dan san saen lo dop tamolpein ansam ilo rumok en kukok an digane san dilasa wa. In Tubun en san ru ninen o disel a, agod ilod imasap mel dugo digane wo ilod ibol an mi duri da. ⁴In igo dubol, “In imul ipalu san ibol panan an san nunon dugon te yen di? Man dugo, gubak mi mansama tamama dumat dugo ipalug gamu en mel fidian ta ibileksa na ya. Tia, fun lo ipalug gamu en nek ago mi yen yau da.” ⁵In melmel a Anut wagam idirai an ilod inon o digane ya. Melmel an man, Anut anen ru lo keit wagam mi ilasag yen da, agod insan ru lo you inanep nam tan igane ilasa ya. ⁶Agod you an lo mi lom tubun ak ilasag tan fidian ituanig saen an san tamolpein fidian itarmunaig ipitiñinai a. ⁷Ak man ru an lo mi keit in tan da gamu e dien den Anut gigin na idirai a. Ago dien yaup yai lo idiraip imiriai a. Nal a mel en ilasa wan man Anut san bitinaek nal, saen an lo Anut tamolpein a inanen kagin ta diganuri na yan ipitiñinai a.

⁸Ak man nai teig muroug, mel kisaek en ilom ta inon na wa. Tubud malan lo nal kisaek man ibol ananar wan tausen ak igo ya, agod ananar wan tausen man ibol nal kisaek ak igo ya. ⁹Aenkadi Tubun en mel igane wo ibol gug saen ibidani dak abol da, gug in tinin saen bidanek an tia ya. Man dugo, in mos nam ilian da, ta an lulunam lo ideg yau man imoi a. An ninen o an ilom abileksap in o ilom rumok an ninen o saen ipanan da.

¹⁰Ak man Tubun en san nal man nek ibol gumagam tamol igo won ipalu wa. Nal an

lo dop pitininek san liliñan tubun geig ak ta ilasa dop keit itout yau a. Agod yai lo mel fidian you oñ ibilip itout yau a. Agod tan en in tamolpein sad kagin naok naok an fidian da kuai te dilasa wa.

¹¹ Aria, Anut kagin an lo mel fidian ipitinini tap, an tamolpein naok dugo won alasa wak i? An kagin gun ak mi agane wa, agod Anut san kagin ari apani dop amado wa. ¹² Dal an lo Anut san nal tubun ak ipalu san ninen o mala nouk amado wa, ago dop an sam kagin uyan ak lo nal an ilasa kisaek oñ o agane da. Nal an lo Anut yai ituni dop keit inanip itout yau a, agod yai an mi tan en igane imatal pe you oñ ibilip itout yau a. ¹³ Ak man id a ilod lo rumok an promis a Anut ipanad an lo keit foun ak, tan foun ak dam tile wo mala nouk tumado da. Agod tan foun an ilon lo man kagin itaot ak mi ate yen yau a.

¹⁴ Nai turag muroug, fun an ninen o saen Tubun en ipalu wo mala nouk amado dan, an baob amam tia, nun amam tia yak, agod nugnug lo ilo maror amado dan lo dam, in ago ilian san ninen o urat wagai agane wa.

¹⁵ Agod idsad Tubun en mos kagin e ipanand den ninen o igo ilom isou, an in patu pasek anane san saen ipanand dak abol a. Idsad turad mok Pol dam in Anut manau ipani an lo girek naok en taida igireg ipanand a.

¹⁶ In san girek fidian lo ru naon nek ago mi igire idug ninen o mi ibol na ya. In san girek an lo mel aenta id talon uyan san muruan kitek yen da. A ilod tia yan, ilod gidigheid ak in sed dideg diau san, ru an dukubuli da, nek ibol girek gun ak aenta lo dam digane dak ago mi a. An lo sed ipitininai da.

¹⁷ Turag muroug, an mel en alon la ya, fun an ninen o an kagin agane wa. Kabela tamol saiadi ak sad aupasek an ilom in anep, an atur sakar san abi dan banim ibisawaip au adu banau. ¹⁸ Gug an idsad Tubun ak Jesus Kristus idsad patu pasek an san ilo panek, in alon uyan san an da atabulsi wa. Id in yan tabisa dan lo gamu girager anda imado da, ago mi yen yaup kumaen pempem san nal ilasa wa. Rumok.

1 Jon

Kumaen San Ru

¹ Kumaen san ru a fun lo mok yen go ipalu yan, tamol mok igo ilasa ya. Injen awan lo kumaen san ru ilasa dugo mañ malon ak, malama lo mok mile yak, agod tinin dam banima nam mabi ak, an mi mañ niñen o miñiñen da. ² Kumaen an injen mi kuai tem ikubiai panama dugo mile ya. Rumok, kumaen pempem san an imug mi Bai da dumado na yan kuai isi a. Kumaen an mañ malama nam mile tag gamu en mañ an niñen o mi mabol dop alon a. ³ Mel e mañ mile dugo malon en murupaian da. An lo an mañ da sisem idsad madok an kisaek mi yen yau a. Agod mañsama madok man Bai da, agod injanen Nanun Jesus Kristus da mumado da. ⁴ Mañ girek e migire panan den lo idsad yousai awan isa wa.

Ilalan lo tator san ru

⁵ Ru a in awan lo malon an mabol alon da. Anut mi in ilalan. In lo tidom tubun ta yen man tia geig a. ⁶ Id igo tabol da, id in da madok kisaek mi tumado da, ak man id tidom tubun lo tator tap, ru raek tabol da, agod idsad madok an ru rumok san dal ta iri na da. ⁷ Gug in ilalan lo itor dak ago mi id dam tator tap, id anek anek sisem ilod kisaek mi tumado wa. Agod injanen Nanun Jesus san dar an mi lo idsad aupasek fidian isasi panad go ikok tilasa ya. ⁸ Id aupasek amad tia yak tabol tap, sed ilod irawad da, agod ru a rumok an id ilod lo ta yen na da. ⁹ Ak man in awa urek san tamol, agod itaot geig a, amaiak niñen o id idsad aupasek an kuai te tabol ilasa tap, idsad aupasek an fidian isasi yau dop, ilod lo kagin itaot tia yan fidian ipasi dop ikok tilasa wa. ¹⁰ Gug id aupasek ta tigane na yak tabol dop man, id in sewak tamol igo won tigane da, agod injanen ru an id ilod lo aben ta yen man tia ya.

2

Kristus idsad binawek

¹ O nai nanug muroug, an au apas amoi o ru en nigire da. Gug ta in au ipas tap man, id binawek tamol amad da ya. Tamol an Jesus Kristus itaot mok a. In ibinawad san o Bai naon na itur da. ² Idsad aupasek niñen o Anut ilon wananan da. Ak man Kristus sen injan mater lo Anut ilon ago iganeg ibubarum a. Id niñed o mi tia ya, tia, tamolpein a tan titin fidian lo dumado dugo in niñen o ilod rumok tap, sad aupasek an dam isasi yau a. ³ Id injan ru kubiaen ibol talon an mi turi tupani tap, dal an lo na id ka talon ak id rumok mi Anut talon a. ⁴ Gug ta in ibol, "Nai Anut nalon a," ago gug injan awan kagin ta ipani na dan, in sewak tamol, agod Anut san ru rumok ak in lo man tia ya. ⁵⁻⁶ Ak man talpein a Anut san ru a kagin ipani dan, rumok, in lo Anut san ilo panek italbusip tubun geig a. Ta in Anut da dumado dak ibol dan, dal kisaek a Jesus itor an lo mi in dam itor a. Dal an lo mi id talon ak, rumok, id Anut da tumado da.

⁷ O turag muroug, gamu ru kubiaen e nigire den man foun tia ya. Tia, ru kubiaen en wagam a, nek a fun lo mok alon ama ya. Ru an man fun an alon la ya. ⁸ Ago bo man ru kubiaen en man ibol foun ak on a. Ru kubiaen an san nunon man Kristus lo tile da, agod an lo dam mañ mile da. Man dugo, tudom tubun itout yau dugo ilalan mok an kuai isi da. ⁹ Ago yak niñen o talpein ta in ilalan lo itor dak ibol gug turan ta ile saian tap, in tidom tubun lo mi imado da. ¹⁰ Talpein a in turan niñen o imat dan in ilalan lo imado da. An niñen o mel saian ak ta lo yau idu san in tinin lo yen man tia ya. ¹¹ Gug tamol ta turan ile saian dan in tudom tubun lo imado itor da. Ago yan lo malan tidom tubun dop dal in aon a.

¹² Nanug muroug, in yan an o, an sam aupasek ipare idu yak niñen o nai an sam na girek en nigire da. ¹³ O tamag muroug, in fun lo imadog ipalu yan alon uyan ak niñen o nai an sam na girek en nigire da. O an pinein foumi, Satan san dabai abi idu yak niñen o nai girek en nigire panan da. O nanug muroug, an Bai alon ak niñen o an sam na girek en nigire da. ¹⁴ O tamag muroug, an man in fun lo mok imadog

ipalu yan alon uyanan ak ninen o ru en njigire da. O an pinein foumi, girek en an sam na njigire den man fun igo ya, an dabai amam da, Anut san ru an lo yen da, agod Satan san dabai abi idu ya.

¹⁵ An tan en san madok inanen filian da ninen o yaes ifunan amoi. Ta in tan en san madok ninen o imat tap, Bai ninen o imat dan, in lo man tia ya. ¹⁶ Man dugo, kagin fidian tan en lo yen dan igo ya, tinik san ilo imasa san kagin, mala sek san kagin, agod se pitiano kagin tan en san tamolpein digane dan, fidian Bai san nag ta ipalu na da, tia, an tan en san mel mi a. ¹⁷ Tan en in tamolpein sad ilo masa da ditout diau da. Ak man talpein ta in Anut ilon ibol dak ago mi igane dop man, pempem imado yau a.

Kristus san ager

¹⁸ Nanug muroug, saen wadan ipalug sumeik da. Nek ibol an ru en dubol dugo alon na yak ago, Kristus san ager ipalu wo da, gamu en Kristus san ager wei kasik dilasa yan lo tile talon a. Amaiak ninen o id talon uyan ak saen wadan sumeik ipanad da. ¹⁹ Tamol malan an idsad doup lo dilasag diau a. In dubusawad man fun in id muroud tia ya. Aria id muroud ak man ta dubusawad na wa. Gug id dubusawad an lo kuai tem tile talon ak, an id muroud tia ya. ²⁰ Ak man Urgun in san dabai an lo ikulmaek idug yen da, an lo an fidian Anut san ru rumok an alon a. ²¹ An ru rumok ta alon na yak ninen o nai girek en ta njigire na da. Tia, an ru rumok alon la ya, an ninen o an sam na njigire ipalu da. An alon ak ru sewak fidian an ru rumok ak muroun tia ya. ²² Ru sewak an enti awan lo ilasa dak i? Tamol a Jesus in Anut san pilianek tamol yanak "Kristus" dubol dan ninen o "tia yak" ago ibol dan, tamol an Kristus san ager. Tamol naok ago yak in Bai Nanun da ninedi wo dam imoi a. ²³ Ta in Nanun imoi dop man in Bai san tia ya. Gug ta in Nanun ninen o ilon rumok ak ago ibol tap, in Nanun san muroun mi tia ya, tia, Bai dam inanen muroun a. ²⁴ Ru a fun lo alon an ilom lo aganep yen a. Ago agane tap, an Nanun in Taman da urarum dadi amado wa. ²⁵ Agod in san promis ipanad en igo ya, kumaen pempem yen yau san an ipanad a.

²⁶ Tamol dirawan o digane dak ninen o girek en njigire panan da. ²⁷ Ak man Urgun san dabai ikulmaek idug anane yan, an lo yen da. An ninen o talpein mel foun ak ta ipitenanan san tia ya. Man dugo, Urgun san dabai anane yan manau fidian ipitenanan da. An man rumok a, ta sewak na ya, amaiak ninen o nek ibol an ipitenanan igo won Kristus da amado wa.

Enti in Anut nanun muroun

²⁸ O nanug muroug, an in da amado wa. Ago tap, saen in kuai te ilasa dop id in da tinijen o ta tarer na wak, agod miai ifunad dop tasuk tamul san dam tia ya. ²⁹ In itaot geig ak an alon tap, mel en dam alon a, tamol a kagin uyan ak mi igane dan in Anut lo foun ilasa ya.

3

¹ Alon, Anut dugo mok id ninen o imat di? In san ilo panek id ninen o man tubun geig a! Man dugo, id Anut nanun muroun ago ibol da. Id nek ago mi a. Tan en san tamolpein id ta dulon na yan fun man in Anut ta dulon na ya. ² O turag muroug! Id gamu Anut nanun muroun tumado da. Gug id mitep dugo tilasa wan ta talon uyan na da. Gug id mel en talon ak, saen Kristus kuai isi dan, id tilasap in ago mi wa. Man dugo, in naon tinin tile ago mi tile wa. ³ Talpein mel an ninen o Kristus tinin igane pani dan in sen iganeg gun ilasa ya, nek ibol Kristus in sen gun ago mi a.

⁴ Ta in au ipas tap, in Anut san kubiaen ipilali a. Rumok, aupasek man igo ya, tamol kubiaen paen na ta imado na dak san kagin igo ya. ⁵ An alon ak, Kristus tamolpein sad aupasek ipasi wo ipalu ya. Agod in lo aupasek ta ule san tia geig a. ⁶ Ago yak ninen o talpein enti Jesus Kristus da dumado dan au ta ipas na da. Gug ta in au ipas on dan, in Kristus ta ile na yak, agod dam ta ilon na ya. ⁷ O nanug muroug, mel en ninen o tamolpein eil afu dop dirawan banau! Ta in kagin itaot igane dan, in mi itaot a. Ibol Kristus itaot imado dak ago mi in dam imado da. ⁸ Talpein enti aupasek igane on dop man, in Satan san muroun mi a. Man dugo, Satan in fun lo mok go ipalu yan au ipas na ya. Ak man Anut Nanun

kuai isi an fun man, Satan san banin aban isubari idu wo ipalu ya. ⁹ Tamol dugon Anut lo foun ilasa yan in au ta ipas na da, man dugo, Anut san bunun in ilon lo yen da. Rumok, in aupasek ta igane yau on na wa, man dugo, Anut lo foun ilasa ya. ¹⁰ Ru en tamol dugon Anut nanun ago dugo, tamol dugon Satan nanun, an fud ifulaleg kuai tem tile da. Talpein a kagin uyan ak ta igane na yan in Anut san muroun tia ya. Agod ta in tein ninen o ta imat na dan in dam Anut san muroun tia ya.

Nug ninen o amat a

¹¹ Ru en gubak mi mok go ipalu yan alon a, id nug ninen o tamat a. ¹² Id Kein tutunani tamoi a. In man Satan san muroun mi a, an lo in sen tein Abel ifunig imat a. Ata wo ifuni ak i? An fun man in san kagin naok naok saian a, gug tein san kagin fidian itaot, amaiak ninen o ifunig imat a. ¹³ Teig taog, amaiak ninen o tan en san tamolpein dilian saian geig dan, ninen o yaes ta ifunan na dop bubem ta irut na wa. ¹⁴ Id talon ak mater san dal tibiseig, kumaen san dal lo tiladu ya. Id teid taod ninedi wo tamat an lo talon ak, an rumok a. Agod ta in turan ninedi wo ta imat na dan mater san tuon yabituani on da. ¹⁵ Talpein in turan ile saian tap, tamol an in tamol ifuni imat ak igo won a. Agod an alon ak, talpein a tamol ifuni imat an kumaen pempem san an ilon lo yen man tia ya. ¹⁶ Kristus id o in tinin kumaen ak gigin na igane yan lo, id nug ninen o tamat san dal an ikubiai panad o igane ya. Fun an ninen o id dam turad muroud o ago mi tigane wa. ¹⁷ Talpein tan en san filian anda yan in san turan mel ta lo katukan dugo ile gug ilon ifutani tap, ilo panek Anut san na ipalu dan in ilon lo yen dak i? Man tia geig a! ¹⁸ Nanug muroug, id nug ninen o tamat dan awad mi ru ibol da, gug an san nunon tia yak ago ta tigane na wa. Tia, idsad kagin kagin lo dam ago tigane mok dop man, nunon ilasa wa. ¹⁹⁻²⁰ Dal an lo id talon ak id man ru rumok ak san muroun a. An ninen o saen id ilod ibiad tadu dan, Anut naon na id ilod san urer an ka kute ibol a. Man dugo, Anut in sen idsad ilod irinani geig a, agod in mel fidian ilon uyanan a.

²¹ Turag muroug, idsiganed ilod ta ibiad tadu na tap, id Anut naon na tugudani wo sumeik ka tupani dop, an lo id ta tarer na wa. ²² Agod mel dugon ninen o tugudani dan, an mi ipanad a. Man dugo, in san ru kubiaen kagin tupani dugo ilon ibol ak ago mi, id iri panim tigane da. ²³ En man in san ru kubiaen, id in Nanun Jesus Kristus in san yan an lo ilod lo rumok a, agod nug ninen o tamat a, nek ibol ru kubiaen ipanad ago mi tigane wa. ²⁴ Talpein a fidian in Anut san ru kubiaen kagin dupani dan, in Anut da dumado da. Agod Anut dam in dida dumado da. In anen Urgun ipanad an lo id talon ak, in id da tumado da.

4

¹ Turag muroug, an ur fidian sad ru ilom lo ta rumok na wa. Tia, ur an sad ru abitinae ale gup a, kabelan ur an Anut san boi, tia, Satan san boi, an an ale alon uyan a. Man dugo, profet sewak wei mi aben fidian lo dufufurak go diau a. ² Ur a Jesus Kristus in tamol mok on tan na ipalu yak ago dubol dan, in Anut san a. Dal an lo mi an Anut san Ur ka ale alon a. ³ Ak man ur a Jesus Kristus in tamol mok on ta ilasa na yak ago dubol dan, in Anut san tia ya. In man tamol a in san yan ak “Kristus san ager” dubol dan san ur mi a. Ur an ipalu wo ru an alon se yan, gamu tan en lo imado la ya.

⁴ O nanug muroug, an Anut san muroun a, agod an profet sewak adi arinani a. Man dugo, Ur an lo yen dan in san dabai man, ur a profet sewak adi lo yen dan san dabai irinani a. ⁵ Profet sewak adi in tan en san muroun mi a, amaiak ninen o ru a dubol dan, nek tan en san mi a. An lo dop tan en san tamolpein kukudod dugurep in awad dulon da. ⁶ Gug id man Anut san muroun a. Ago yak ninen o talpein a Anut ilon an, id awad ilon da, ak man a in Anut san muroun tia yan, id awad ta ilon na da. Dal an lo dop ur dugon rumok san, agod ur dugon sewak san dam ka kuai tem tile talon a.

Anut imug id ninen o imat a

⁷ O turag muroug, id nug ninen o pempem tamat a, man dugo, Anut in san bunun man ilo panek san fun mok a. Talpein a ilo

panek aman da yan, in Anut lo foun ilasa ya, agod in Anut ilon da. ⁸ Gug talpein a ilo panek an tia yan, in Anut ilon man tia ya. Man dugo, Anut man in sen ilo panek mok a. ⁹ Anut in san ilo panek a id lulujad lo kuai tem ikubiai panad an san dal igo ya. Inanen Nanun kisaek o lian amaiak tan en lo iganeg ipalu ya, an lo dop in sen tinin lo kumaen tumado san tinane wa. ¹⁰ Ilo panek e nai ninen o nabol den igo ya. Id malan malan Anut ninen o ta tamat na ya, tia, in imug id ninjed o imat a. Agod Taman san ilo wananan a idsad aupasek igane ilasa dan, Nanun in sen yabiani wo iganeg ipalu ya. ¹¹ Turag muroug, Anut id ninjed o ago imat tap, id dam nug ninen o tamat a. ¹² Tamol ta in Anut ile man tia ya. Gug id nug ninen o tamat tap, Anut id da tumado wa, an lo dop in san ilo panek id lo yan italbusip nunon ifu wa.

¹³ Id igo talon a, id in da tumado da, agod in dam id da tumado dan, rumok a. Man dugo, inanen Urgun titin aenta in aneg id ipanad a. ¹⁴ Agod id malad lo Anut in anen Nanun idinig tan en san tamolpein patud ipasi wo ipalu yan tile ya, agod an ninen o tamolpein aenkadi tabol dulon da. ¹⁵ Talpein a Jesus in Anut Nanun mok ibol ilasa dan, Anut in da dumado da, agod in dam Anut da dumado da. ¹⁶ Dal an lo id Anut san ilo panek ipanad dan talon a, agod id ilod lo rumok a. Anut in mi ilo panek. Ago yak ninen o talpein a ilo panek aman da yan, in ilon lo Anut imado da, agod Anut ilon lo in dam imado da. ¹⁷ Dal an lo ilo panek id lo yen dan italbusip itaot geig a. An lo dop bitinaek san nal lo id Anut naon na tatur san ninen o ta tarer na wa. Man dugo, tan en lo id man, nek in igo mi id dam ago mi a. ¹⁸ Ilo panek man tinin rurek an tia ya. Tia, ilo panek itaot geig an ilo irer ikudip patun fo ilasa da. Man dugo, ilo irer man naon panek san mel mi a, an lo dop talpein a irer dan, ilo panek san kagin lo tamol itaot mok ta ilasa na ya. ¹⁹ Id aenta ninjed wo tamat san fun man in imug id ninjed o imat a. ²⁰ Talpein ta igo ibol, "Nai Anut ninen o namat da," gug turan ta ile saian tap, in sewak tamol. Man dugo, in turan a ile yan ninen o ta imat na tap,

in Anut a ta ile na dan ninen o imat san tia geig a. ²¹ Agod taida mi, in sen ru kubiaen en ipanad a, ta in Anut ninen o imat dan turan dam ninen o imat da.

5

Id Anut Nanun ninen o ilod rumok a

¹ Tamolpein ensauta a Jesus in mi Kristus an ilod lo rumok tap, in Anut nanun muroun. Agod tamolpein ensauta a taman ninen o dumat dan, in anen nanun dam ninen o dumat da. ² Id dal an lo Anut in anen nanun muroun ninjed wo tamat dan talon da, id Anut ninen o tamat dop in anen ru kubiaen dam turi tupani da. ³ Id Anut ninen o tamat dan nek ema ya, id in san ru kubiaen turi tupani da. Agod in san ru kubiaen turi san man pasauman a. ⁴ Man dugo, tamolpein a Anut lo dilasa yan fidian in tan en san kagin saian ak diabi idu da. Agod ata mel ta dabai aman da yak lo id tan en san dabai ka tabi idu wak i? Mel an man idsad ilo rumok mi a. ⁵ Enti tan en san dabai yabi idu san ilon i? Tamol a Jesus in Anut Nanun mok ak ilod lo rumok dan, nek ama ya.

⁶ Tamol e ninen o tinjen den, Jesus Kristus, you san dal, agod dar san dal dam lo ipalu ya. Fulanek lo mi ta ipalu na ya, tia, in san mater san dar lo dam ipalu ya. Agod Urgun sen ru an kuai tem igane ya. Man dugo, mel e uraru en, Urgun in ru rumok ak da, man sisem naod kisaek a. ⁷⁻⁸ Mel utol en Kristus ninen o kuai tem dubol ilasa da: Urgun, you, agod dar. An lo mel utol an dutumanig awad kisaek go ru an dubol ilasa da. ⁹ Ru ta tamol adi kuai tem digane ilasa yan id ilod lo rumok tap, id ru a Anut ibol go talon an dam ilod lo rumok a. Man dugo, Anut san ru an tamol sad ru irinani geig a. Agod Anut in sen ru e irupaiad den, in sen mi in anen Nanun ninen o kuai tem ibol ilasa ya. ¹⁰ Talpein a Anut Nanun ninen o ilon rumok dan, in buben lo ru a Anut ibol ilasa dan yen da. Gug talpein in Anut san ru an ilon lo ta rumok na yan, in Anut sewak tamol igo won igane da. Man dugo, Anut in sen Nanun ninen o ru an ibol a, ak gug talpein an ilon lo ta rumok na ya. ¹¹ Ru a Anut ibol ilasa yan san fun igo ya. Anut id kumaen pempem san ipanad a.

Agod kumaen an injanen Nanun san banin lo yen da. ¹² Talpein a Nanun yabituani dan, kumaen pempem san dam yabituani da. Gug ta in Nanun ta yabituani na dan, kumaen an in lo tia ya.

Ru wadan

¹³ An Anut Nanun yanjan ninen o ilom lo rumok an, girek en ngire panaŋ da. Agop an kumaen pempem san anjane la yan alon a. ¹⁴ Id talon ak, saen id in o tini ganei tiganeg tumosiai dan, mel a ninen o in tustumiani dan in san ilobol an iri pani tap, id awad ilon mok a. ¹⁵ Agod id mel dugon ninen o in tugudanip awad ilon dak rumok an talon tap, id mel en dam talon a, mel dugo yak ninen o tustumiani dan in ka ipanad a.

¹⁶ Talpein ta in san turan aupasek naok a nɗun igane imat san tia yak an igane on dugo ile tap, in ninen o Anut igudani dop, fon kumaen ipani da wa. Aupasek naok ago yak mi ninen o nabol da. Gug aupasek naon sen ak a nɗud ifu dumat ak san dam yen da. Agod nai aupasek naok ago yak ninen o an agudani wo ta nabol na da. ¹⁷ Kagin saiak saiak fidian an man aupasek a. Gug aupasek aenta a nɗud ifu dumat san tia yak an dam yen da.

¹⁸ Id talon ak enti a Anut lo ilasa yan au ta ipas na da. Man dugo, Anut Nanun iparfutani da, an lo dop Satan yabi ile san tia ya. ¹⁹ Id mel en dam talon ak id Anut san muroun a, ak gug tamolpein a tan en san muroun mi dumado dan fidian, in man Satan tuon lo dumado da. ²⁰ Id mel en dam talon ak, Anut Nanun ipalug, an lo id Tubud a in Tubud rumok ak talon san ninen o manau ipanad a. Rumok, id a Tubud rumok ak in da tumado dan, in san Nanun Jesus Kristus dam ida tumado da. Kristus in sen mi man Anut rumok ak, agod in lo dam kumaen an pempem yen yau da.

²¹ O nanug muroug, tubud sewak ak mi-tilaedi ninedi wo asau mi amado wa.

2 Jon

¹ Nai matu gurman, girek en njigireg pein ta pilianek ak inanen nanun, nanun pein dadi sad na njigane yau da. Idaned ilo rumok kisaek an lo mi nai ilog njupanan da, agod an nai mi tia ya. Tia, aenta a ru rumok ak dulon dan in dam mi a. ² Ru rumok an id ilod lo yen da, agod an ago id lo pempem yen yau a.

³ Bai Anut, in Jesus Kristus Bai sen Nanun da, insad ilo panek, insad ilo mujanek agod insad maror id da tumado wa, an man ru rumok lo, agod id ninjed o dumat an lo dam mi wa.

⁴ Nai ilog uyanan mok da, man dugo, onsa nanuk aenta ru rumok ak diganuri dan neil a, an nek ibol Bai sen ru kagin irupaiad ak igo won ago digane da. ⁵ O pein, nai ru foun ak ta njigireg njurupaio na da, tia, ru en o fun lo mok giranje na yen an nek amaiak mi fon njurupaio da. Id kisaek kisaek nug ilon tupani san ninjen o njugudano da. ⁶ En man ilo panek, insan awak aban san ru kubiaen an mi turi wa. Agod en man insan ru kubiaen, nek kubaien a fun lo mok alon an ago mi, an ilo panek san kagin an lo mi ator a. ⁷ Man dugo, sewak tamol wei mi dilasag panu panu lo dutor da. In Jesus Kristus tinin tamol mok igo won ilasa yan uyan ta dupani na da. Tamol naok ago man in sewak tamol, agod Kristus san ager tamol ta igo ya. ⁸ Kagin agane wa. Mel a an lulunam lo dilasa san ninjen man urat wagai migane na yan ideg yau banau. Tia, mel an naon idaisudam anjane wa. ⁹ Talpein a imaspalup imug yau dop, an lo pitejanek mok Kristus ninjen o yan lo ta itur sakar pe imado na tap, in Anut da tia ya. Gug talpein pitejanek an lo itur sakar pe imado dan in Bai da, agod inanen Nanun da mi a. ¹⁰ Ak talpein ta anjam na ipalu, ago gug in pitejanek ru en tia tap, an anjanem ab lo imado wo ta anjanep au na wa. Agod ilo uyan ru ta arupein na wa. ¹¹ Man dugo, talpein a tamol naok ago yak ilo uyan ru irupein dan, kulob an lo insan urat saian an in da sisem disini wa.

¹² Nai ru wei mi njigirep anjam na njigane ipalu wa. Ak man nai gau nam pepa roun lo njigirep njigane ipalu man namoi a. Ago gug naisag ilog yen dak, mitep naiseg njeg nam njupalup id sisem nug naon tupanip tinjen a. Ago dop man id sisem ilod uyanan mok a.

¹³ Onjane lu (pein) a Anut sen ipiliani an, insan nanun muroun onsa na ilo uyan ru en digane ipalu ya.

3 Jon

¹ Nai matu gurman, girek en ñigireg ñaineg turag mok Gaias, onsa na ñigane ipalu ya. Idaned ilo rumok kisaek an lo mi ñurupaio da, ñai onj ñiñe wo ñamat da.

² O turag, ñai ñalorj ak igo ya, onj onjane ñutu lo man mado uyanan da. Amaiak ñinjen o, dal kisaek en lo mi ñai onjane tini subam tia itaot yen dop, onsa turenj lo muruan ama tia san ñinjen o Anut ñugudani da. ³ Gubak mi teid taod ta dupalug onj ru rumok ak lo mado dan, agod lo utur yau dan dubol ñalorj go, ñai ilog uyanan mok da. ⁴ Nai nanug muroug ru rumok ak lo mi dumado dutor dan ñalorj tap, an lo man ñaisag yousai tubun geig a, agod mel aenta san yousai fidian an iriñanai a.

⁵ Turag uyanan, saen onj Kris aenta binawai dan, agod tamol asau ak ñinjedni wo urat gane dan, onj kagin uyan ak uri da.

⁶ Inj midaen naod na onjane ilo panek an dupitiani da. Onj tamol a urat lo diraig dumug diau dan, Anut san kagin ibol ak atem ago gane uyan da. ⁷ Inj Anut yanjan lo dumasag dutor da, agod gob adi banid lo mel ta diñane man tia ya. ⁸ Amaiak ñinjen o id tamol naok ago yak tibinawai a, ago dop man id inj da ru rumok ak san urat sisem ka tisini wa.

⁹ Nai girek ta ñigireg Kris midaen lo ñigane yau a. Ago gug Diotrefes inñsen tinin isinip malan imug o igane dop ñaisag ru ilonj san imoi da. ¹⁰ An ñinjen saen ñai anñsam na ñupalu tap, ñai inñsan naok naok en ñabol dop alonj a. Inj ñai patug fo uf igane dop ru saiak saiak ibol da. Agod kagin naok ago yak mi ta igane na da, tia, teid taod an injal pe inñsan ab lo diau o man imoi. Agod aenta diñal pe inñsad ab lo diau wo digane bo man yabtuanai da, ago dop midaen ilon lo yan ikudaip patun fo dilasa da.

¹¹ Turag uyanan, kagin saian ak ta tutunani na wa, tia, kagin uyan ak mi uri wa. Talpein a kagin uyan ak igane dan inj Anut san, ago gug talpein a kagin saian ak igane dan Anut ta ile na ya. ¹² Tamolpein wei mi Demetrius san kagin uyanan an ñinjen diñinjen da. Agod ru rumok inñsen mi inj

ñinjen o dam ru uyanan ak ibol ilasa da. Nai dam inñsan kagin uyanan ak ñinjen o ñinjinjen da, an ñinjen o ulorj ak ñaineg ru en rumok a.

¹³ Nai ru wei mi ñigirep anñsam na ñigane ipalu wa, ago yak man ñai mel ate gau bilkas ak nam ñigirep ñigane ipalu man ñamoi a. ¹⁴ Ago gug ñaisag ilog yen dak, milaen tiap ñai onj ñiliop id sisem nug naon tupanip tinjinjen a.

Maror onj da amado. Turad muroud onsa na ilo uyan ru digane ipalu ya. Onj dam ñaineg turag muroug anen anen ilo uyan ru rupidaip dulonj a.

Jud

¹ Nai Jud, Jesus Kristus inanen urat pinein, nai Jems tein.

Anj ensauta a Anut igian an, Bai Anut an ninemi wo imat mok go, Jesus Kristus in sen an kagin ipanaj dan, ninemi wo nai girek en an sam na niganeg ipalu da. ² Anut inanen ilo mujanek, ilo maror agod tamolpein aenta ninedi wo amat san an lo awan isap yen a.

Tamol a Anut san kagin ta diri dupani na dan sad pitinjek

³ Nai turag muroug, patu pasek e an man da sisem tabig tumado den san fun nigure wo nai yaes isofutanag da. Gug nai ilog isoug gamu ru senamo nigure wo da. Ilo rumok e id gun adi tabi den, Anut in sen saen kisaek o lian id banid lo igane yan man id ta tibileksa na wa. Fun amaiak ninen o, idsad ilo rumok abal girani san ninen wagai agane wo ru kagin nupanaj da. ⁴ Man dugo, tamol aenta mianuk lo mi anj Kris adi lulujam lo disadu ya. Tamol amaiak Anut wagam mok, inanen girek lo, daonj panek dinjane san o ipilianai a. Inj Anut san kagin ta diri dupani na dan, Anut san ilo mujanek dibilisag mel naon senamo geig ilasa ya. Inanen ilo mujanek ipanad dan san fun man, tinid san ilo masa mi ka turi tupani wak ago dubol da. Ak ninen o in jeit kagin digane dan Anut uyan ipidinai ak ago dubol da. Agod Jesus Kristus, Tubun en in sen Kin an in dumoi da.

⁵ Anj mel en alonj fufei la ya, Anut wagam Isrel inaj go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitinjinai a. Ansem alonj la yak gug, kulob naok an anj fon mi ilom isafulale san njabol da. ⁶ Gubak mi enjel sauta, inaned urat malan te yan lo dumado san dumoi a. Anut urat an ipidinai a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a. ⁷ Nek ibol Sodom in Gumora da, agod taun a

panu uraru giraned na yan sad tamolpein, enjel adi a jeit kagin digane na yak ago mi inj dam ago digane ya. Pein inj tamol da sad ilo masa san kagin an dibiseig, tamol inj tamol da sad ilo masa san kagin diri se yan lo aupasek an dam digane ya. Amaiak ninen o Anut aupasek an naon yai pempem yen yau san lo imiriaig inana pasik a, an man mitilaen ru kagin ipanad san ago ya.

⁸ Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an ninedi wo dumoi da, agod enjel girager amad da yan patud fo uf digane da. ⁹ Ak gug saen enjel gurman Maikel in Satan da nug dupei, enti Moses san sisanun inane wa, in se pitiano kagin lo sen yabisa o irer an lo in sen ilon nam misilane ru lo ta yabi idu na ya, tia, inj igo ibol, "Tubun en in sen imisilano wa, nai man tia ya." ¹⁰ Gug tamol an mel dugo ta dulonj na yan dumisilani da. Agod tinid san melmel a, ibol mel kasik ilod tia yak igo, inaned ilod iduduwai dop lo dulonj dak igo, tamol nek an dal kisaek an mi lo dulonj dugo digane da. Gug melmel nek a dulonj amaiak daonj ipidinaip ipitinjinai a. ¹¹ Inj kagin digane wa! Man dugo, in man Kein san njen aban duri da, moni dinjane san man Balaam san aupasek lo diladu ya, agod nek ibol Kora wagam Anut awan lo ipirgini tag daonj tubun ak ipani a, nek ago mi tamol an dam daonj naon kisaek an mi dinjane wa. ¹² Ansam ilo panek san soubul lo in man ibol lad luon kasik ak igo ya. Kabelan an fo Kris tamolpein dinjaonj dop disida banau. Anut ilo sou an ta digane na dop sed ifutuwai da. Inj nek ibol tim ifurep, timtaen isini yau dak igo wonj a, gug ui ta isi na da. Inj ibol ai igo ya, nunodi ifu san saen lo nunon ta ifu na dak igo ya, ai an dam dubulani a, fun an ninen o in saen uraru imat a. ¹³ Inj ibol beig bururuk anda yak igo ya, in sinaned kagin san miai an ibol beig ibalsunig sabalbal an ilasag kuai isi ak igo ya. Go in man ibol patui keit lo gidigidad dutor dak igo mi a. Tidom tubun aben a lo na pempem dumado san an Anut ikubune pidinai la ya.

¹⁴ Enok, in Adam san dar lo ipalug bagen seven lo ilasa ya, inj tamol saiadi an ninedi

wo profet ru igo ibol, “Ale. Anut inanen enel gun ak tausen wei geig dida dupalu wa. ¹⁵ Amaiak lo, in tamolpein fidian ru lo idiraip inaned naon ipidinai a. In tamolpein fidian a Anut san kagin ta duri dupani na dan, kagin an lo kulob saiak saiak digane na yan ninen boum ipidinai a. Agod aupasek adi a Anut san kagin ta duri dupani na dan, in mi lo misilane ru fidian dusue se yan lo, in dam naon boum ipidinai a.” ¹⁶ Tamolpein an nurnur tinadi a, in melmel fidian ilasa dan uyan ta dupani na da. In sad ilodi fidian man nek dal saian an mi duri wo digane da. In sed ipitianai dan lo awad tubun mi diinjen da. Agod aenta insad dal an duri wo ilo njalan ru dubol da.

An ilo rumok abi sakar a

¹⁷ Ak gug nai turag muroug, ru imug Jesus Kristus inanen aposel adi dubol ilasa yan ilom isou wa. ¹⁸ In ago dubol dugo alon a, “Saen wadan lo dop, tamol dilasap kukok amam digane wa. Tamol naok an insad ilo masai Anut san kagin ta iri pani na da. In sinaned ilo masai an mi duri da.” ¹⁹ Tamolpein nek amaiak in Kris midaen biatitek lo didirai da. In tan en san tamolpein sad kankan mi duri dupani da. An lo Awan Urgan in ilod lo tia ya.

²⁰ Ak man nai turag muroug, saen fidian ananem ilom bubem dabai pe, ananem ilo rumok gun geig an abi sakar. Agod saen fidian an Awan Urgan san dabai lo agudani wa. ²¹ An sem ititiana o uyanan dop Anut san ilo panek ilon lo amado wa. An ago agane dop mala nouk amadop, idsad Tubun ak Jesus Kristus inanen ilo mujanek iganep kuai te ilasap, an lo injiliad pe kumaen pempem yen san lo tau a. ²² Ensauta a idsad ilo rumok ninen ilod weiwei dan ilom imujanai a. ²³ Tamolpein aenta yai lo dumado dan, abinawai dop anjal saltik on a. Aenta inaned ilo masa lo ilodi nun anda yan, ilom imujanai dop abinawai a. Gug ninedi wo arer dop, sem kagin ipana o uyanan a, kabelan insad dal an lo au banau.

²⁴ Anut an ititiana sinjakan dop, au adu san tia ya. In ka an injilian pe aup youm isa dop, muruan tiap insen naon na girager an lo atur a. ²⁵ Anut kisaek en mi patud ipasi san, Jesus Kristus idsad Tubun ak lo yan

tabisa wa. In Kin girager aman da, imug imado ya. Agod dabai tubun ak aman da ya. In melmel fidian sad gurman imado da. In gubak mi imado ipalug, gamu dam mi imado da. Saen murna dop, ago mi imado yau a. Rumok.

Revelesen

Ru kagin

¹ Gubak mi ru en mianuk lo yen a. Ago man Jesus Kristus inſen kuai te iganeg ilasa ya. Anut sen ru en Jesus ikubiai panig an lo inſen urat tamol adi, melmel murnap ririanan ilasa san, amaiak niſedi wo ikubiai pidinai dop duloſ a. Ago dugo Jesus ru en kuai ipani wo inſen enjel idinig, ru en isini ipalug ſai Jon, Jesus anen urat tamol ipanag a. ² ſai Jon, mel fidian malag ſutun lo ſile amaiak, buk en lo ſigire ya. An man Anut san ru agod ru rumok Jesus Kristus ikubiai panag a. Aria, ſai igo ſabol da, ru en man rumok a. ³ Ru en man profet ru, Anut san nag ipalu ya. Talpein ta inſen ru en aenta luluſad lo isuti dan, inſen Anut san bar inſane wa. Agod tamolpein a talpein an awan duloſ go duri dupani dan dam, Anut san bar diſane wa. Man dugo, Kristus san ru nuſon ifu san saen sumeik ipalu la ya.

Jon Kris midaeſ seven sad na ru igire ya

⁴ ſai Jon, ſai ru e ſigire yen man aſ Kris tamolpein nek a Kris midaeſ seven, tan Esia lo amado dan aſſami a.

Anut gamu imado dak, gubak mi imado ya, agod murna dop ipalu wa. Inſen ka ilon ipanaſ dop, ilo maror amado san ipanaſ a. Agod ur seven Anut san kalik naon na dumado dan, inſen dam ilo panek, agod ilo maror amado san ka dupanaſ a. ⁵ Nek ago mi, Jesus Kristus dam, ilon ipanaſ dop ilo maror amado san ka ipanaſ a. Inſen Anut san ru itaot geig ibol ilasa da. Inſen mi tamol malan te geig mutou* lo imasa ya. Agod inſen dam kinſen adi e tan na dumado den sad Tubun a.

Inſen id niſed o tubun mi imat da, agod inſen dar lo idsad aupasek fidian mi isasi panad an lo, muruan tiag kawan tumado da. ⁶ Agod inſen itumanad go inſen kagin panek paen na tumado da. An lo man Kristus id idirad go inſen Taman Bai san pris adi igo woſ gamu tumado da. Aria, id saen fidian lo Jesus yaſan tabisap yau a. Inſen mi saen pempem melmel fidian itirnai

san dabai aman da ya. Idsad per panek pempem nek ago yen yau a. Rumok.

⁷ Ale. Inſen keit lo timtaen titiſaem imado dugo ipalu da!

Ago dop tamolpein fidian mi inſen malad lo dile wa.

Tamolpein a gubak mi yu nam inſen dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep, an lo ilod tubun mi saen pe tinaſ tubun mi geig digane wa.

Nek a, rumok!

⁸ Anut igo ibol, “ſai mi imug ſumado dak, agod ſai mi murna ſumado da. ſai gubak mi ſumado yak, ſai gamu ſumado da, agod murna dop ſupalu wa. ſai mi dabai fidian amag da ya.”

Jon inſen Kristus ile ya

⁹ ſai Jon, ſai aſanem teimi, ſai aſ da Jesus san warou lo tumado da, agod ſai aſ da tutumanig id sisem muruan da madaſ da tisini da. ſai aſ da Kristus san kagin panek lo tumado da, agod id fidian mi tatur dabai dugo muruan tisini na ya. ſai Anut san ru, agod ru rumok a Jesus ikubiai panad an dam ſabol ilasa na ya. An niſen o ſai dukudag go subanek tamol oſ ſaug, nui ta yaſan Patmos dubol dan te ſumado se ya.

¹⁰ Ubou nal ta lo, Awan Urgun inſen ſaisag ilo sou itirni dugo, tamol ta awan dabai geig ak, nek ibol barag san lilaſan igo woſ, ſai patug na iwagiſ dugo ſaloſ a. ¹¹ Awan an irupaſag go ago ibol, “Mel fidian e ule den man, buk lo girep, Kris midaeſ seven an sad na ganep yau a. Oſ ka ganep Kris midaeſ o taun Efesus, Smerna, Pergamum, Taiataira, Sardis, Filadelfia, agod Laodisia na yau a.”

¹² Agog ſai tamol enti ſaisag na inſen dan ſile wo ſadaſsa man, lam gol seven an dutur dugo ſeil a. ¹³ Agod ſai tamol kisaek lam an luluſad lo itur dugo ſile ya. Inſen nek ibol “tamol nanun oſ a.” Inſen kulos milaen ak iganeg ſien ibuluwi a, agod inſen let gol titire na igane ilubani a. ¹⁴ Gumuran roun man milkouk geig a, nek ibol sipsip fufulun oſ, tia, timtaen milkouk ak igo woſ a. Inſen malan man nek ibol yai ided dak ago mi a.

* 1:5: Nitou

¹⁵ Inſan n̄ien man milkouk geig a, nek ibol bras yai tubun ak fo dumarig san ilalaŋ ad ided dak igo woŋ a. In awan n̄aloŋ ak san liliŋan man, nek ibol dog kuror ak lo you isokalik dop san liliŋan tubun geig ak igo mi a. ¹⁶ In patui seven banin won ak ate yabi da. Agod sabiri milaen di malan uraru luon geig a, in awan lo yen dugo ipalug ilasa da. Agod inſan naon man ilalaŋ geig a, nek ibol ad san ilalaŋ dabai ak ago mi a.

¹⁷ N̄ai in n̄ile dugo n̄ien fun na sumeik mi tamol imat ak igo woŋ n̄au n̄adu ya. Ak man in banin won ak iwateg ibiag dugo irupaiag, “On ta urer na wa. N̄ai malan te geig n̄umado dak, agod murna geig n̄umado da. ¹⁸ Agod n̄ai tamol kumaen san n̄umado da. Gubak mi n̄ai n̄amat la ya, ak gug ule, gamu n̄ai kumaen pempem n̄umado da. N̄ai mateŋ san ki agod tamol dumat la yak sad abedi san ki dam n̄abi da.

¹⁹ “Ago yak niŋen o on melmel e ule den, nek melmel gamu e yen den, agod melmel murnap dilasa wak dam, buk lo gire idu wa. ²⁰ On gubak mi patui seven an banig won ak ate dien dugo wil la ya, agod lam gol seven an dam mi a. En man in mel mianuk a, agod fun man igo ya: patui seven en man, Kris midaeŋ seven amaiak sad eŋel adi, agod lam seven an man Kris midaeŋ seven amaiak inſedi a.

2

Ru Efesus Kris midaeŋ sad na yau a

¹ “On ru ta girep taun Efesus na Kris midaeŋ sad eŋel malan te yan san na yau a. Ru man igo ya.

Tamol enti patui seven banin won ak ate yabig, lam gol seven lulunad lo turen yabi dan, ru en anſam na iganeg ipalu da. ² An Kris midaeŋ, n̄ai ananem kulob fidian, ananem urat dabai ak, agod muruan lo atur sakar na yan n̄aloŋ la ya. N̄ai n̄aloŋ ak, tamol saiadi ak niŋedi wo ayalis da, agod tamol ensauta a inſed aposel ago dubol dak gug in aposel tia yan, bitinaek lo adiraig an lo in kuai te dilasa man in sewak tamol adi mi a. ³ An muruan tubun mi dupanaŋ bo man atur dabai dugo, n̄ai yanag niŋen o madai wei mi asini na ya, agod an lo dam an ta ayalis na ya.

⁴ Ak gug n̄ai an niŋemi wo ru igo yak amag da ya, saen an imug ilom rumok an lo an n̄ai o tubun mi amat se ya, ak gug gamu saen en lo man n̄ai o tubun mi ta amat na da. ⁵ An au adu geig an niŋen o ilom isou wa. An gidad ilom ibilisa wa, agod kagin naok imug mi agane se yan ago mi fon agane wa. Ak gug an ago ta agane na dop man, n̄ai anſam na n̄upalup, lam a inanen aben ate itur dan n̄upasip n̄abal yau a. ⁶ Ak man an kagin uyan ak kisaek amam da ya. An tamolpein warou a yanad Nikolaitan dubol dan sad kagin niŋen o ilom tubun mi saian da, an lo an n̄ai da inaned kagin an niŋen o ilod kisaek a.

⁷ Aria, talpein enti kududon da dop man, in gidad Awan Ur ru e Kris midaeŋ irupidai den ilon uyanan a. Talpein enti yu igane itout dop, n̄ai dabai n̄upanip an lo, kumaen san ai ate anan inaneŋ yan wa. Ai an Anut san abi yan Paradais dubol dan, ante isa da.

Ru Smerna Kris midaeŋ sad na yau a

⁸ “On ru ta girep taun Smerna na Kris midaeŋ sad eŋel malan te yan san na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug gamu kumaen imado dan, ru en anſam na iganeg ipalu da. ⁹ N̄ai anſam na muruan di, madai dam ilasa yan n̄aloŋ a. Agod n̄ai n̄aloŋ ak man, an filiam tiag amado da. Ago bo man an filiam amam da geig a. Taida mi, tamol aenta dam an niŋem o uf ru dubol dan n̄aloŋ a. Tamol an in Juda sadi ak ago dubol da, ak gug in Juda sad tia geig a. In Satan san midaeŋ mi a. ¹⁰ Saen kitekan dap an muruan asini wa, ak gug an niŋen o an gidad ilom ta irer na wa. N̄ai n̄urupaian da, Satan ago igane dop, in tamol aenta an lulunam lo subanek lo idirai a, ago dop an lo an ikubianaŋ a. Saen an lo dop an nal 10 muruan in madai da asini wa. Gidad on dufuno umat a, onane ilo rumok n̄ai lo yan wabi dabai dop yaup umat a. Ago dop man, kumaen pempem mi mado san kob n̄upano wa.

¹¹ Aria, talpein enti kududon da dop man, in gidad Awan Ur ru e Kris midaeŋ irupidai den ilon uyanan a. Talpein enti yu

igane itout pe, in materj murnai an irinjani dop madai an ta ile na wa.

Ru Pergamum Kris midaen sad na yau a

¹² “On ru ta girep taun Pergamum na Kris midaen sad enel malan te yan san na yau a. Ru man igo ya.

Tamol enti sabiri milaen di malan uraru luon geig ak yabi dan, ru en anjam na iganeg ipalu da. ¹³ Nai aben a an amado dan nalon uyanan a. Satan san kalik ante yen da. Ak gug an njasag yanag abi dabai da, agod an nai nineg o ilom lo rumok a, anjam ilo rumok an tamolpein naod na ta atot na ya. Tamol Antipas amaiak njasag a, anjam panu nek a Satan imado dak ate inanen ilo rumok nai o ibol ilasag ninen o dufunig imat a. Ak gug saen an lo dam an nai patum ta apanag na ya.

¹⁴ Ak man nai an ninemi wo ru aenta amag da ya. An Pergamum na amado dan lulunam lo, tamolpein aenta in tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya. ¹⁵ Nek ago mi, tamolpein naok ago yak ta an lulunam lo dumado da, in warou a Nikolaitan dubol dan sad pitejanek duri dupani da. ¹⁶ Ago yak ninen o an ilom ibilisa wa. Tia dop, nai gugurut nam anjam na nupalup, sabiri e awag lo yen den, ate tamolpein an nafu wa.

¹⁷ Aria, talpein enti kududon da dop man, in gidad Awan Ur ru e Kris midaen irupidai den ilon uyanan a. Talpein enti yu igane itout dop, nai mana a mianuk lo yen dan kitek in nupanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod nai pat milkouk ak ta dam nupani wa. Nai pat ante yanak foun ak ta ngire wa, ak man yanak an tamol sen ak ta fun ilon san tia ya. Tia, talpein a pat inane dan mi yanak an fun ka ilon a.

Ru Taiataira Kris midaen sad na yau a

¹⁸ “On ru ta girep taun Taiataira na Kris midaen sad enel malan te yan san na yau a. Ru man igo ya.

Ru en man Anut Nanun anjam na iganeg ipalu da. In malan ided dak yai balen igo won a, agod nien dam ided da, nek ibol bras dusosisi uyanan ak igo won a. ¹⁹ Kulob fidian an agane dan, nai nalon la ya. Nai nalon ak, an tamolpein ninedi wo tubun mi amat da. Agod an nai nineg o ilom lo rumok da. An urat naon sensen ak lo aenta abinawai o agane da. An bo muruan wei mi an lo ilasa dugo atur dabai da. Agod nai nalon ak, kulob e gamu agane den, kulob a imug mi agane se yan irinjani a.

²⁰ Ak man an ninemi wo nai ru ta amag da ya. An pein Jesebel alefuni dugo in an da amado da. Pein an in profet ak ibol da. An lo in naineg Kris tamol adi irawai dugo jeit kagin lo diau dudu da. Taida mi, in mudan a tamol aenta tubud sewak adi yai digane pidinai dan ka diani wo manau ipitejanai da. ²¹ In ilon ibilisa wo nai ilog yen da, amaiak ninen o saen subunan taidam nupani a. Ak gug ilon ibilisap jeit kagin ibisei wo man imoi a. ²² An ninen o nai pein an subam lo nganep, madai tubun ak inane wa. Ago dop tamol adi dida jeit digane na yan, pein an san kagin saiak ta dibiseip ilod ta ibilisa na tap, an ninen o nai muruan tubun ak, agod madai tubun mi nupidinai a. ²³ Agod pein an inanen warou adi dam nafup dumat a. Ago dop an lo Kris midaen fidian dulon ak, nai man tamol ema ya: nai an ilom ilon lo, agod anjam kankan lo dam nukubianip anjam bunun mok mi nile uyanan a. An ninen o kulob dugo agane dan injan naon nai an kisaek kisaek nupana a. ²⁴ Ak gug gamu an tamolpein aenta, Taiataira san Kris midaen lo amado dan, pein an san pitejanek ta ari apani na dugo, Satan san melmel imianuk geig go yen dan dam ta alon na dan, anjam na ru en nabol ilasa da. An muruan subunan taidam asini wo nai ta nududuwan na wa. ²⁵ An melmel fidian nek a abi dan, gidad abi dabai dop na wa. Ago mi agane dop yaup saen nai namul nupalu san ilasa wa.

²⁶⁻²⁷ Talpein enti yu igane itout dop njasag ilobol mi iri ipani dop yaup saen wadan

idu wan, ñai igo ñurupei da. Bai wagen lo dabai ñinanege, an lo tamolpein ñitirnai ak ago mi, talpein an ñai dabai ñupanip an lo in dam tan en san tamolpein itirnai a. Anut san ru ago ibol,

‘In itirnai dabai dop kin san makud ain nam ifu irubai a, nek ibol tamol bod igufutep kilaken kitiktik ilasa dak igo won ago igane wa.’

²⁸ Agod ñai patui tidom lom mi mok ilasa dan ñupani wa. ²⁹ Aria, talpein enti kududon da dop man, in gidad Awan Ur ru e Kris midaen irupidai den ilon uyanan a.

3

Ru Sardis Kris midaen sad na yau a

¹ “On ru ta girep taun Sardis na Kris midaen sad enel malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en an sam na iganeg ipalu da. Ñai an kulob fidian agane dan ñalon la ya. Tamolpein an ñinemi wo igo dubol da, ‘midaen en malad kumaen dumado da,’ ak gug an amat pasik a. ² An gidad kumaemi amasa dop lo ananem kulob kisaek kisaek dumat o sumeik dan dabai apidinai a. Man dugo, ananem kulob fidian ñukubianig ñile la ya, an ñinen o kulob amaiak ñaisag Anut malan lo ta itaot na yak ago kuai ñupani a. ³ Amaiak ñinen o ru a gubak mi alon dugo anane yan, ilom isou wa. An ari apani dop ilom ibilisa wa. An ñion mi abi dop ta amasa na tap, ñai gumagam tamol igo won an sam na ñupalu kisaek on a, ak gug saen dugon te ñai ñupalu san man an ta alon na wa. ⁴ Ak man ananem midaen Sardis na yan lulunad lo tamolpein kisaek kisaek inaned kulos nun ta dupani na ya. Tamolpein an in kulos milkouk ak didirip ñai dida mator a, man dugo, in ago digane san man idaisuda ya.

⁵ Talpein enti yu igane itout dop, in dam ago mi kulos milkouk ak igane wa, agod ñai kumaen san buk lo yan an ta ñusuas na wa. Tia, ñaisag Bai naon na talpein an yan an ñabol ilasa wa, agod in san enel adi naod na dam yan an ñupate wa. ⁶ Aria, talpein enti

kududon da dop man, in gidad Awan Ur ru e Kris midaen irupidai den ilon uyanan a.

Ru Filadelfia Kris midaen sad na yau a

⁷ “On ru ta girep taun Filadelfia na Kris midaen sad enel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en an sam na iganeg ipalu da. In Dawid san ki yabi da, an ñinen o dalawan dugon ipasi man, talpein ta ifutani san tia ya, agod dalawan a ifutani dan dam talpein ta ipasi san tia geig a. ⁸ Ñai kulob fidian a an agane dan ñalon la ya. An ñinen o ale, dalawan ta an naom na ñai ñupasig ikasap go yen da, amaiak tamol ta ifutani san tia ya. Ak man ñai ñalon ak igo ya. Ananem dabai man tusan a, ago bo man an ñaisag ru ari apani na ya, agod an tamolpein naod na ñai yan an ta atot na ya.

⁹ Tamolpein a Satan san warou lo dilasa yan, in Juda sad warou lo yak dubol da, ak gug an rumok tia ya, in sewak tamol adi. Ñai tamolpein an ñiririaip an sam na dupalu dop ñiem fun na turud dusoluwi wa. Agop ñai in ñusodudunaip in siganed awad lo, ñai an ñinemi wo tubun mi ñamat ak ago dubol a. ¹⁰ Gubak mi ñai ru en ñurupaian a, an muruan fidian lo atur dabai a. An ru an ari apani na ya, an ñinen o ñai an ñubargiran an a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo ñai kagin ñupanan dop muruan an irinanan a.

¹¹ Saen ñai tan na ñamul ñupalu wan ipalu sumeik la ya. Melmel fidian an abi dan man, gidad abi dabaip yen a. Kabelan talpein ta ananem urat naon igam banau.

¹² Talpein enti yu igane itout dop, ñaisag Anut san ubou ab lo in bag tamol igo won ñuguni wa. Ago dop in Anut san ubou ab ibiseip kuai te ta ilasa na wa. Tia geig a. Agod ñai ñaisag Anut san yan an in tinin fo ñigire wa. Agod ñaisag Anut san taun tubun ak man, Jerusalem foun a, amaiak san yan an dam, agod ñaisag yan an foun ak dam, in tinin fo ñigire wa. ¹³ Aria, talpein enti kududon da dop man, in gidad Awan Ur ru e Kris midaen irupidai den ilon uyanan a.

Ru Laodisia Kris midaen sad na yau a

14 “On ru ta girep taun Laodisia na Kris midaen sad enel malan te yan san na yau a. Ru man igo ya.

Tamol enti yaŋan ‘Rumok’ dubol dan ru en anŋsam na iganeg ipalu da. In mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yaŋan ‘Rumok’ dubol dan mi sad Tirnek Tamol imado da. 15 An kagin fidian a agane dan ŋai ŋaloŋ la ya. An ta bubarum na dak, agod an ta wananan na da. Nŋaisag ilog yen dak man, an wananan amado wa, tia dop, an bubarum mok amado wa. 16 Ak gug an wananan geig tia ya, agod an bubarum mok dam tia ya. An wananan tusan mi a. Ago yak niŋen o awag lo ŋai an ŋugulanaŋ o da. 17 Man dugo, an igo abol da, man moni wei mi, agod biouŋ naok fidian dam amam da ya, an lo mel ta lo katuk am man tia ya. Gug nŋaisag leil lo man, an saiami geig a, tamol fidian an niŋemi wo ilod ka imuŋanaŋ a, an filiam tia ya, agod malam itau di taem kawan amado dan, an an fidian ta ale aloŋ na ya. 18 Amaiak niŋen o ŋai kankan emaiak nupanaŋ o da. An nŋaisag na apalup melmel ibunawaŋ san ka adad a. An gol yai lo dumarig itaotan ilasa yan adad dop man, an filiam mok amam da wa. Agod an kulos milkouk ak tinim atuani san adad dop man, tamol adi an taem kawan amado dan ta dile na wa, an lo miai ta ifunaŋ na wa. Taida mi, an marasin malam te abubuni san adad dop man, aban ka ale wa.

19 Tamolpein a ŋai ilog nupidinai dan man, ŋai ru lo kududod nŋabip bu dam nupidinaip lo inaned kagin naok naok nŋukubune wa. Amaiak niŋen o an ilom ibilisa dop nŋaisag dal ari apani san niŋen o dabai agane wa. 20 Aloŋ ak, ŋai dalawan te nŋatur dugo nŋuwagiŋ da. Ago dop talpein ta ŋai awag iloŋ pe dalawan ipasi tap, ŋai nŋiladup in da mumado wa. Ante ŋai in da anaŋ mani wa.

21 Talpein enti yu igane itout dop, ŋai in dabai nŋupanip an lo in ŋai da nŋaisag kalik fo mumasip mumado wa; nek ibol gubak mi ŋai dam yu nŋigane itout go, Bai san kalik fo nŋumasig in da mumado yak ago mi a. 22 Aria, talpein enti kududon da dop man,

in gidad Awan Ur ru e Kris midaen irupidai den ilon uyanan a.”

4

Kumaen panu lo Sipsip Nanun san ubou leil

1 Murnag ŋai malag yau man, kumaen panu na dalawan ta ikasap lag yen dugo nŋile ya. Ago man tamol en gubak mi, barag igo won awan tubun mi ibob dugo nŋaloŋ man, gamu igo ibol da, “On ente palup sida dop man, ŋai melmel murnap ilasa san nŋukubiaip ule wa.” 2 Agog Awan Urgun tuon aman da nŋaisag na ilasag malag nŋutun ile kisaek on a. Malag yaug kumaen panu na kiŋ san kalik ta itur dugo nŋile yan fufo, Tamol ta imasig imado dugo nŋile ya. 3 Tamol en inŋsan rafulei man kadabog a, nek ibol pat ta yaŋan jaspera dubol dan, agod san daran ak dam nek ibol pat ta yaŋan konilian dubol dak igo won a. Galbaob kisaek kiŋ san kalik ilubanig, inŋsan rafulei man mum* mok, nek ibol pat a yaŋan emeral dubol dan igo won nŋile ya. 4 Kiŋ san kalik fun te kalik aenta 24 dutur dulubani a. Matu gurman adi nuŋod 24 kalik an fufo dumasig dumado da. Matu gurman adi an man in kulos milkouk milmilae ak didiri dugo, kitikat gol lilit aman da yak kabunad fo didirig dumado da. 5 Kiŋ san kalik fo na weil irafule dugo nŋile ya, agod liliŋan funfun dilasa dugo weil tubun mi iliŋan dugo nŋaloŋ a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya. 6 Agod kalik an naon na man, mel ta nŋaisag leil lo nek ibol beig galas igo won, agod you malin malan siŋaokan ak igo won a.

Ago dugo melmel iwoiwo kumaedi dumado dan, in kiŋ san kalik dulubanig dutur da. In kalik a sukurun iwoiwo yan da dusatuanig dutur dugo kalik disasuŋani da. Inŋsad maladi man wei mi geig, naod na patud na tinid fidian inaneŋfute ya. 7 Mel malan te kumaen imado dan man nek laion on a. Mel taida mi kumaen imado dan man, makau tamol ak on a. An tinin te taidam, kumaen imado dan man naon nek tamol on a. Agod mel a murna geig kumaen imado dan man, bog ta irou dak

* 4:3: Grin

igo wonj a. ⁸ Melmel iwoiwo e kumaed dumado den, in anen anen subarid 6 amad da ya. Agod maladi man wei mi geig, tinid ibuluwi yaug, subarid paen na dam yen da. Ago dugo in ad tidom bar en pempem igo diabi da.

“Tubud Anut in dabai fidian aman da ya, in gun di gun agod gun geig a.

In gubak mi imado yak, gamu imado da, murna dop man ipalu wa.”

In yaes bilabal amad tia ru en dubol da. ⁹ Melmel e kumaed dumado den, Tamol a kin san kalik fufo imasig kumaen pempem imado dan ninen o, saen pempem mi uya-susai digane da. An lo na yanjan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da. ¹⁰ Saen ago digane dan lo, matu gurman nunod 24 yan, in Tamol e kin san kalik fo imado den naon na turud dusoluwi da. Agog in Tamol nek a pempem mi kumaen imado dan in ubou an dile da. Ago dugo insiganed kitikat gol aman da yan dupasi dugo, kin san kalik naon na sumeik mi diabibol idu dugo, bar igo diabi da.

¹¹ “Tubun ak, onj mansama Anut, onj girager ama da yak, onj yanja lak na geig ak, agod onj dabai ama da ya.

An lo tamolpein kagin amaiak ninen o per dupano wa, agod in ago digane san man onj idaisuda mok a.

Man ata wo? Onj mel fidian onsigane ulon ak lo gane ya,

an lo mel fidian ganeg dilasa yan gamu onj tuo lo mi dien da.”

5

Buk dufutani ak Sipsip Nanun awan ipasi a

¹ Tamol en kin san kalik fo imasig imado dugo, tuon won ak ate buk ta yabi dugo njile ya. Buk en man nek ibol pepa milmilae ak dubuleg dufou yak igo wonj a. Pepa an man girek naon ananae mi dien da. Pepa an dulumu yaug titin seven an lo, kendel san gurenj nam dufou dababai dugo kendel san gurenj seven an fidian mi tinid fo na kob ta digane ya. ² Ago man naj enjel ta dabai aman da geig ak, awan tubun mi igo isasaig

iwaginj dugo njile ya. “Tamol idaisuda yak enti, in kendel san gurenj e lo buk dufoug yen den ka ifulalep ipasi wak i?” ³ Ak gug tamol ta in ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate abanj an diabi se yak gug tamol ta idaisuda yak dile man tia ya. ⁴ Saen tamol ta in buk en awan ipasip, ilon lo ru isuti san dile man tia dugo naj njile man, tinanj tubun mi njigane da. ⁵ Agog matu gurman ta igo irupaig a, “Onj ta tata na wa. Ule, Laion e Juda san dar lo ilasag yen den man, kin Dawid san tubun muroun sad kubuladi, in yu igane itout dugo insan ager adi ibiai dudu ya. Ago yak ninen o in ka kendel san gurenj seven a ate buk dufutani an ipasip ifulale wa.”

⁶ Agog naj Sipsip Nanun ta itur dugo njile ya. Insan leil man dufunig imat ak igo wonj a. In kin san kalik titinjaem itur dugo, mel iwoiwo a kumaed dumado dan, agod matu gurman adi dulubanig dutur se ya. Insan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a. ⁷ Aria, Sipsip Nanun yaug Tamol a kin san kalik fo imado dan banin won ak ate buk injane ya. ⁸ Saen buk an injane man, mel iwoiwo kumaedi dumado dan, agod matu gurman adi nunod 24 an dam, Sipsip Nanun njen fun na diau dudu ya. Matu gurman adi anen anen in mel ta gita igo wonj,* agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudanek amaiak touad yabi a. ⁹ In bar foun ak ta igo diabi da,

“Onj buk nanep kendel san gurenj ate buk dufutanig dufou yan fidian onj pasi san ulon a.

Onj ago gane san man idaisuda geig a.

Ata wo, in onj dufuno umat dugo, onjane dar lo tamolpein Anut tuon lo dirai san udad a.

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan onj udad unjal a.

* 5:8: Harp

10 On in tumanaig an lo Anut san kagin panek an paen na dumado da, ago dugo in dam Anut san pris adi dilasa ya.

Agod in tan na kin igo won dumadop tamolpein ante dumado dan ditir-nai a.”

11 Agog nai malag yang enel wei geig neil dugo sad awad nalon a. In sad sutek man milion milion geig agod tausen tausen geig a. In mel kumaedi dumado dak, matu gurman adi, agod kin san kalik dam dulubanig dutur se ya. 12 In awad tubun mi bar igo diabi se ya,

“Sipsip Nanun e dufuni imat en, in dabai, filian, manau, tuon dabai ak, yanjan lak na geig ak, girager agod per dam, amaiak fidian inane san idaisuda mok a.”

13 Ago man nai melmel fidian Anut igane yak sad ru nalon a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo nai nalon a.

“Tamol e insinan kin san kalik fo imado den, agod Sipsip Nanun dam, in sisem per panek, yanjan lak na yak, girager, agod tuon dabai ak da nek ago mi pempem mi dinane wa.”

14 An lo mel nuod iwoiwo kumaedi dumado dan, igo dubol, “Rumok!” Ago dugo matu gurman adi turud dusoluwig, urarum naod na ubou dile se ya.

6

Sipsip Nanun kendel guren buk dufutani an yafute ipasi a

1 Nai leil niganeg Sipsip Nanun in kendel guren malan te yak yafute dugo nile ya. Agog mel iwoiwo kumaedi dumado dan, lulunad lo kisaek in ru ta ibol a. In san kulagun man weil ilinan on da, in igo ibol, “Palu!” 2 An lo nai malag yau man, tamol ta in hos milkouk ak fufo imasig fui yabi dugo nile ya. In tamol yu iganeg itout ak san kitikat kisaek dupani a. In man tamol yu igane itout ak igo won a, aria, tan na

ilasag yu iganeg itout san ninen o yau dugo nile ya.

3 Saen Sipsip Nanun kendel guren tinin te buk dufutani an yafute man, nai mel a tinin te kumaen imado dan igo ibol dugo nalon a, “Palu!” 4 Agog hos sen ta ilasa yak man daran a, nek ibol yai balen tubun ak igo won a. Tamol a fufo na imado dan dabai dupani a. Dabai an man, tamolpein tan en san inaned maror nugnug lo yan ipasi yau san, an lo tamolpein dumasap nugnug lo yu digane dop lo mater dile wa. An ninen o sabiri tubun ak ta dupani a.

5 Saen Sipsip Nanun kendel guren utol buk dufutani an ipasi man, nai mel a tinin te kumaen imado dan igo ibol, dugo nalon a, “Palu!” Ante nai malag yau man, hos bilkas ak kisaek ilasa dugo nile ya. Tamol a fufo na imado dan in skel* kisaek tuon lo yabi se ya. 6 Ago man nai mel iwoiwo a kumaed dumado dan, lulunad lo lilijan ta nek ibol tamol awan lo ru ibol dak igo won nalon a. An lo man awak en igo ibol, “On waup anan kiskisaek daon pidinai a. Ago dop tamol ta nal kisaek urat igane yan san naon inane ate wit bod nanun ak kisaek ka idad a, tia dop, bali bod kititik utol mi ka idad a. Ak man on ai oliv agod ai wain da daon ta pidinai na wa, an lo dop ai uraru an guren lo ta katuk amadi na wa.”

7 Saen Sipsip Nanun kendel guren iwoiwo san buk awan dufutani an ipasi man, nai mel utol an tinin te kumaen imado dan igo ibol dugo nalon a, “Palu!” 8 Nai foun mi malag yau man, hos tinin mater san kitek milkouk ak ta ilasa dugo nile ya. Tamol a fufo na imado dan in san yanjan Mater, agod aben a yanjan Ades dubol dan lo tamolpein dumat la yak dumado dan man, Mater patun fo iri ipalu se ya. Nuod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag† lo, subam naon funfun lo, sabiri nam tamolpein dufup dumat a, ago mi tan san bor goun kasik ak dam dufu dumat a.

9 Saen Sipsip Nanun kendel guren kafenda ipasi man, nai tamolpein dumat

* 6:5: Ru en man, muruan ibitinae san. † 6:8: Futol

ak n̄tudi alta paen na dumado dugo n̄eil a. Gubak mi tamolpein nek an man, in̄ Anut san ru diabi dabai dugo in̄san ru itaot dubol ilasa na ya, an nin̄en o ager adi tuod lo mater̄ dile na ya. ¹⁰ Tamolpein n̄tudi an awad tubun mi igo duwagin̄ se ya, “O Tubun en, oñ Dababai a, oñ gun di rumok a. Saen sapta yau dop man, oñ tamolpein tan na dumado den kubianaip in̄aned ai wadan nin̄en o ilo sou gane wak i? Mañ iloma igo yen da, in̄ dufunama mamat san naon oñ ririan ka pidinai a.” ¹¹ An nin̄en o kulos milmilae milkouk ak, tamolpein kiskisaek dupidinai dugo, ru igo durupidai a. “An̄ gidad yaes kitek abal gup, murna dop man ager adi an̄anem urat kisaek adi Kristus n̄ien aban duri dan dufup dumat a, nek ibol an̄sem dufunan̄ ak igo mi a. Aria, Anut tamolpein sapta mater̄ dile san kob ipidinai la ya. An lo mater̄ diñane yaup in̄aned sutek san kob idaisuda wa, ago dop Anut an̄anem ager adi yu digane yan naon ipidinai a.”

¹² Agog Sipsip Nanun kendel guren̄ siks an ipasi dugo n̄ile ya. N̄ai malag yau man, kanaurig tubun geig ak dam tan na ilasa dugo n̄ile ya. An lo man ad bilkas, nek ibol tidom tubun ilasa won̄ a. Kalam dam nek ibol dar igo won̄ daran geig ilasa ya. ¹³ Agod keit san patui man, nek ibol tim tubun ak ifure dop gurab nuñon ta ilubon̄ na yak ikuparip tan na dudu dak igo won̄, nek ago mi patui an tan na dudu ya. ¹⁴ O lak na keit dam yau itout a, nek ibol taweg dulumu yang dufou ak oñ a. An lo na did dam nui dam dusuk diaug in̄siganed abed dibiseig aben sensen lo diau a.

¹⁵ An lo man tan san kin̄ adi agod tamol yañad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tubun a did lo yan patud fo dimianuk dugo, aenta pat guburan lo dimianuk a. ¹⁶ Agog in̄ disasai dugo did in̄ pat da digiaig igo dubol, “An̄ gidad adup mañ atuanama dop, Tamol e in̄sinan kin̄ san kalik fo imado den, mañ mile san nin̄en o abtuanama wa, man dugo, in̄anen naon mile wo tubun mi marer

da. Agod Sipsip Nanun mañ nin̄ema wo tin̄aen imumari da, amaiak mañ sin̄jirema na ta ilasa san nin̄en o adup atuanama wa. ¹⁷ Enta wo? Nuñod uraru en sad nal tubun ak ilasa la ya, nal an lo man in̄aned tin̄ae mumarek tamolpein ifu wa. Amaiak nin̄en o enti in̄ uraru an sad dabai yabiani dop imado uyan ak i? Tan en lo talpein man tia geig a!”

7

Isrel tamolpein 144 tausen kob diñane ya

¹ Mel en fidian itout dugo, n̄ai en̄el iwoiwo tan titin iwoiwo ante dutur dan n̄eil a. In̄ tan titin iwoiwo yan san tim diabituan̄i se yan lo tim ta ifure na ya. Tim an tan na, beig lo, agod ai fidian ta iwi na ya. ² Ago man ad ilasa san ban̄en lo en̄el ta ilasag ipalu dugo n̄ile ya. In̄ banin lo tuod* ta kin̄ san kob aman da yak yabi se ya, an lo mel kob igane san man, Anut a pempem kumaen imado dan in̄san mi a. En̄el iwoiwo yan gubak mi Anut dabai ipidinaig, an lo murnap in̄ tan beig da ka dupitin̄inai a. Aria, en̄el a imug n̄ile yan awan tubun mi lo en̄el iwoiwo yan igiai a. ³ In̄ igo ibol, “An̄ tan, beig, agod ai da, gugurut nam muruan ta apidinai na wa. Tia, mañ idsad Anut san kob, in̄san urat tamol adi naod kapen fo migane gup, melmel an malad ka asue wa.” ⁴ Agog tamolpein sapta kob a diñane yan dubol dugo n̄ai n̄alon̄ a. Sutek an man tamolpein 144 tausen, sisem kob an diñane ya, tamolpein an Isrel san gugoi anen anen lulun̄ad lo dilasa ya.

⁵ Juda san gugoi lo 12 tausen kob diñane ya. Ruben san gugoi lo 12 tausen, Gad san dam 12 tausen.

⁶ Ago mi urig 12 tausen ta Aser san gugoi, 12 tausen ta Naftali san gugoi, 12 tausen ta Manase san gugoi lo ya.

⁷ Nek ago mi 12 tausen ta Simion san gugoi, 12 tausen ta Lewai san gugoi, 12 tausen ta Isakar san gugoi lo ya.

⁸ Nek ago mi 12 tausen ta Sebulon san gugoi,

12 tausen ta Josef san gugoi,

12 tausen ta Benjamin san gugoi lo ya.

Tamolpein en in̄ Anut san kob diñane ya.

* **7:2:** Kin̄ san mitilaen ai fo dusuwari ak

Tumanek tubun ak lo tamolpein kulos milkouk ak didiri da

⁹ An itout dugug ñai malag yau man, tumanek tubun mi geig kiñ san kalik, agod Sipsip Nanun dam, naod na ditilianig dutur se yan ñeil a. An lo man talpein ta isutai san ta ilonj na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. Inj kulos milkouk milmilae ak didiri dugo, banid lo man pator roun dubouro se ya. ¹⁰ Inj awad dabai geig igo duwagin se ya,

“Idsad patu pasek an man, Anut a injanen kalik fo imado dan, agod Sipsip Nanun dam, inj nuñod urarum patu pasek an san fun mok a.”

¹¹ Ago dugo eñel fidian man, kiñ san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya. ¹² Inj igo dubol,

“Rumok geig, per, girager, mañau, ilo uyan panek, yanjak tubun, dabai tubun, agod tuon dabai geig ak dam, an fidian pempem mi man Anut san mi a. Rumok!”

¹³ Agog gurman ta tamol gurman adi luluñad lo yak ñai igo isumianag a, “Tamolpein nek a kulos milmilae milkouk ak didiri an, en sauta yak i? Inj aben dugon te dupalu yak i?”

¹⁴ Ago man ñai ru naon ñurupeig ñabol, “Tamol tubu, onj mi ulonj a.”

Agog inj igo irupaiag a, “Tamolpein en man muruan tubun ak madai da lo, Anut irapasaig kuai te dilasa ya. Inj gubak mi Sipsip Nanun san dar lo injaned kulos dufulanig, kulos an milkouk geig ilasa ya.

¹⁵ Amaiak niñen o,

“Inj Anut san kalik naon na dutur da.

Ad tidom inñsan ubou ab lo dumado dugo, Anut o biabi digane da.

Tamol a injanen kalik fo imado dan, inj dida sumeikan dumado dop dumui igo wonj ibalfutanai a.

¹⁶ Inj fon kadag ta ibiai na wa, agod inj kulagud ta igos na wa.

Ad dam tinid ta inani na wak,

mel ta tinid iganep wananan geig san tia ya.

¹⁷ Ata wo, Sipsip Nanun inj kiñ san kalik titiñae mi imado dan, inñsad titianek tamol imado wa.

Inj kumaen san you ibanai dan san aben ate diau san niñen o ulum ad yabi wa.

Agod Anut inñsen mi injaned malad turon fidian mi isasi dop tinañ fon digane san tia ya.”

8

Sipsip Nanun kendel gurenj seven an ipasi a

¹ Saen Sipsip Nanun kendel gurenj seven a buk dufutani an ipasi yau man, kumaen panu lo mel ta liliñan igane san tia yak, agod ru taidam ilasa san tia ya. Ago mi yaug auwa wadan mi igo wonj a.

² An itout go ñai eñel seven e Anut naon na pempem dutur den ñeil a, ago dugo barag seven dupidinai a. ³ Agog eñel sen ta ipalug alta fun na itur a. Inj paura san daeg gol yakas mumalun uyan geig igane ilasa dak yabi a. An lo man inj paura naok an wei mi geig dupani dop, inj ate Anut san tamolpein fidian sad gadinj da itumani wa. Ante Anut san kalik naon na yai niganag san alta gol itur dak ate Anut yai digane dupani wa. ⁴ Aria, yakas an inñsan mumalun uyan ak inj Anut san tamolpein sad gudanek da itumanig, eñel e Anut naon na itur den, banin ibiseig lak na yau a. ⁵ Ago man eñel an alta san yai injaneg, daeg an lo ikulmaek go inawai a. Agog inj daeg an tan na ibildu ya. An lo man, saen wei mi keit iliñan se yak, liliñan funfun dilasa se yak, weil irafule dugo kanaurig dam ilasa ya.

Barag seven eñel adi duwi a

⁶ Agog eñel seven a barag seven dubouro dan, inj barag an duwi wo sed ikubianaig mala nouk dumado se ya.

⁷ Agog eñel malan te yak inñsan barag iwi dugo ui ais agod yai inj dar da dilasag eñel an iburoug tan na isuwarraig dudu ya. Aria, tan en ai fidian da itarpaleg malan utol dilasag, luluñad lo malan kisaek muruan ipani wa. Ui ais agod yai dar anda dudug

mel a utol amaiak malan kisaek dufuni a. An lo man tan ai fidian malan kisaek ilon lo yan yai inanai pasi a. Ago dugo gafurfur mum* ak dam fidian mi yai inani yau a.

⁸ Agog enel tinin te imado dan inſan barag iwi dugo, mel ta did tubun ak inani dak igo woŋ, dubuli beig lo idu ya. Aria, beig itarpaleg malan utol dilasag, lulunad lo malan kisaek muruan ipani a. Malan kisaek an lo man, beig dar igo woŋ ilasa ya. ⁹ Mel beig lo kumaedi an dam, in warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo wein diabi dan dam, warou ditarpaleg utol dugo warou kisaek mi daon inane ya.

¹⁰ Agog enel uraru an tinid te imado dan, inſan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian, warou ditarpaleg utol dugo, patui an you naok an dam ifuni a. ¹¹ Patui en san yan man “Gigen Geig” ago dubol da. In you warou kisaek fufo na idu dugo, you an gigen geig ak ago ilasa ya. You a duluk an lo tamolpein wei kasik mateŋ dile ya.

¹² Agog enel a utol an tinid te imado dan, inſan barag iwi dugo, mel ta ipalug, ad, kalam agod patui muruan ipidinai a. Nunon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya. Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

¹³ Nai malag yau dugo bog ta tubun ak keit titinae mi irou dugo nile ya. In awan tubun mi igo iwagin se ya, “Muruan di muruan agod muruan tubun geig tamolpein a tan na dumado dan sad na ilasa wo da. Enel wadan nunod utol amaiak inaned barag duwi wo da, saen barag an duwi dop muruan tubun geig ak ilasap tamolpein disini wa.”

9

¹ Agog enel a enel iwoiwo tinid te imado dan, inſan barag iwi dugo patui ta nile ya. Gubak mi keit ibiseig tan na yau idu ya. In gib kuror geig fun tia yan san dalawan san ki dupani a. ² Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo woŋ a. Agod yakas a gib lo ilasa yan, ad in keit da ibuluwaig ad in keit da tidom tubun dilasa ya. ³ Agog mel wei mi sad leil man makmaguk igo woŋ, yakas en dibiseig tan fidian lo diau a. In dabai a diŋane yan man, nek ibol tan en san buramat ai sukulon lo dumado dan sad dabai igo woŋ a. ⁴ An lo in makmaguk adi ru igo durupidai, “An tan en san gufurfur, garan agod ai fidian dam daon ta mok apidinai na wa. Tia, an tamolpein nek a Anut san kob naod kapen fo tia yan mi madai apidinai a.” ⁵ Anut yilafu on dugo kalam kafenda lo tamolpein madai tubun geig ak dupidinai a. Ak gug dufu dumat san geg ipidinai a. Aria, madai dupidinai na yan man, nek madai a buramat uyun bitinen si anda yak nam talpein issue dak igo mi a. ⁶ Saen en lo, tamolpein mateŋ san dal abanjan diabi wa, gug ta dumat na wa. In dumat o ilod tubun mi yen da, ak man mateŋ tamolpein an ibisawaip isol yau a.

⁷ Nai makmaguk en neil duman, in hos yu digane wo tawan digane woŋ da. Inſad kabunad fufo mel ta gol kitikat igo woŋ dien da. Naodi man tamol naod isiai a. ⁸ Inſad gumurad roun dam, pein adi sad igo mi a. Agod inſad luod dam laion luodi igo woŋ a. ⁹ Nek ago mi inſad titiredi man, mel ta siot kapa igo yak nam dubuluwi a. Inſad subarid san liliŋan man, hos adi karis wei mi diraug yu lo diau dak ago mi a. ¹⁰ Inſad uyudi man buramat igo woŋ a, agod uyudi bitinen san si marasin saian ak lo madai tamolpein dupidinai san yen da. Inſad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da. ¹¹ Kin ta kisaek inſad gurman imado da. Kin an man enel a gib kuror ak itirni da. Hibru ru lo enel an yan Abadon dubol da, agod Grik ru lo dam yan Apolion dubol da, fun man “Daon Niganag Tamol.”

¹² Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

¹³ Agog enjel a enjel kafenda tinid te imado dan, inſan barag iwi dugo, űai tamol ta san awan űalonű a. Alta gol a Anut naon na yen dan lo, mel ta nek ibol makau faian igo wonű, alta san sukurun iwoiwo ante dugunig dien da. Aria, awak a űai űalonű an fai an lo kuai te ilasa se ya. ¹⁴ Awak an enjel a barag yabi dan irupeig ibol, “Enjel iwoiwo amaiak you tubun ak yaűan Yufretis dubol dan, ate kam nam dusubanaig mala nouk dumado dan, gamu en ka bisawaip diau a.” ¹⁵ Inű ru an ilonű go enjel iwoiwo yan ibi-sawaig, tamolpein warou ditarpalep utol dop warou kisaek lo tamolpein fidian dufup dumat a. Enjel emaiak mi, Anut ru gubak mi igansig inű auwa, nal, kalam agod anaűar nek en mi ate tamolpein dufu dumat san ninen o tawaű dumado wo ago ibol a. ¹⁶ Tan na yu tamol adi a hos fufo na dumado dan, inűsad sutek man 200 milion igo yak dubol dugo űai űalonű a.

¹⁷ Aria, űai malag űtun lo abanű űile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo wonű ak didiri dan, sad girager man daran, yedyed di kadabog a. Hos sad kabuűadi man laion kabuűadi igo wonű a. Agod yai inű yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigheid diau a. ¹⁸ Tamolpein fidian tan en lo dumado den warou ditarpaleg utol go, warou kisaek man, muruan a yai, yakas, agod pat salfa inani dan nek amaiak warou an dufunig inűanen tamolpein fidian dumat pasik a. ¹⁹ Hos adi sad dabai man, awad lo agod uyud lo dam yen da. Uyudi man mot igo wonű a, inű kabuűad da ya. An lo hos uyudi amaiak nam tamolpein tinidi tubun mi madai dupani da.

²⁰ Ak gug tamolpein aenta a muruan amaiak lo materű ta dile na yan, inűsed ilod lo mi tubud sewak adi, banid nam dutu-tuűanai dan ta patud dupidinai na ya. Tia geig, kagin naok naok a gubak mi digane se yan dirig diau a. Inű bugai adi sad ubou leil digane se ya. Agod tubud sewak mitilaedi,

tamol inűsed banid nam gol silva bras pat agod ai nam digane yan lo dam gadiű diganeg yau se ya. Tubud sewak mitilaedi an gidad abanű ta dile na dugo, ru dam ta dulonű na dak, agod inű turenű dam ta diabi na da. Ago bo man tamolpein an ilod ta ibilisa na ya. ²¹ Taida mi, tamolpein amaiak inű, tamol dufu dumat san kagin, aenta lo nawir digane san kagin, inűaned jeit kagin, agod inűaned gumagam kagin dam, an ninedi wo ilod ibilisag kagin amaiak patud dupani man tia ya.

10

Enjel ta buk nanun ak Jon yani wo ipani a

¹ Agog enjel sen ta dabai geig ak kumaen panu nag idu dugo űile ya. Inű kabuűan fufo galbaob ilubanig yen dugo tinin dam keit san timtaen ibuluwi a. Naon san ilalanű man ad igo wonű a, nek ago mi űien san leil man kadanű uraru inani dak igo wonű a. ² Enjel en man buk kutusan ak kisaek awan ikasap go yen dak yabi se ya. Inű űien won ak beig fufo ipare dugo, űien űas ak tan ipare da. ³ Ago dugo inű awan tubun mi isasai da, nek ibol laion ibob igo wonű a. Inű ibob itout a, ago gug weil seven sad liliűan an dam inűaned awad lo ru dubol ilasa ya. ⁴ Weil seven an sad liliűan itout a, ago gug űai ru dubol en űigire wo da. Ak man awan kisaek kumaen panu na yak ipalug igo ibol dugo űai űalonű a, “Onű ru e weil seven diliűan en onűsiga ilo girek lo tuep yen a. Inűaned ru onű ta gire na wa.”

⁵ Agog enjel e tan beig da fufo itur den banin won ak kumaen panu san banen lo yabisa dugo űai űile ya. ⁶ Ago man inű Anut yaűan lo ru lak na geig ibol ilasa ya. Anut enti kumaen pempem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, inűanen yaűan lo igo ibol, “Anut saen iriűani san tia ya.” ⁷ Tia, nek enjel e enjel sukunda tinid ate murna geig imado den, inűsan barag iwi dop san liliűan ilasa wan, kulob an san saen lo mi, Anut san ilo girek gubak mi mianuk lo yen se yan nuűon ilasa wa. Ilo girek nek

amaiak mi imug inanen urat tamol profet adi irupidaig dulonj a.

⁸ Agog awak a gubak mi kumaen panu nag ipalu dugo njalonj amaiak fon igo njai irupaiag go ibol, “Onj waup enjel a tan beig da fufu itur dugo, banin lo buk awan ikasap go yen dan, san na susap buk amaiak njane wa.”

⁹ Ago yak ninen o njai enjel an san na njaug njurupei, “Onj buk kutusan en njai panag a.”

Ago man inj igo irupaiag a, “Onj njanep wani wa. Inj onj tinjae lo yu igane wa. Ak man onjsa awa lo man guburur taen igo bulbal geig a.” ¹⁰ Inj ru ibol itout dugo, njai buk kutusan an banin lo njinaneg njani a. Njai awag lo man guburur taen igo bulbal a. Gug saen njai njani pasik an lo man tinjaeg lo gigen ifunag a. ¹¹ Agog inj igo njai irupaiag a. “Onj gidad fon mi tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kinj adi wei mi dam, ninjedi wo melmel dilasa san ninen o profet ru ubol ilasa wa.”

11

Profet uraru ru dubol ilasa ya

¹ Agog njai melmel touad njabi san ai tok dupanag an, nek ibol turenj san makud onj a. Agog awan ta igo irupaiag, “Onj masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam onj sutai a. ² Ak man onj aben e Anut san ubou ab injsan ar patun fo ilubani yen man, tou aman ta wabi na wa. An onj gidad bisei a. Ata wo? Anut aben en man gob adi injsad tumanek san aben igo wonj ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.) ³ Agod njai njaisag ru bilabal tamol, nuñod uraru an profet ru dubol ilasa san dabai njupidinai a. Ago dop inj mugun san kulos didirip profet ru dufulale dop yaup nal 1,260 itout a.” ⁴ Tamol uraru en man inj ai oliv agod lam uraru ninjedi wo Sekaraia inanen profet ru lo gubak mi ibol ilasa ya. Tamol uraru en tan titin fidian sad Tamol Tubun ak naon na dutur da. ⁵ Agod talpein ta tamol uraru

an dibitiniaip malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitiniaip muruan ipidinai o igane dan dufunip imat a. ⁶ Uraru en inj keit diabituanis san dabai amad da ya, an lo saen inj profet ru dubol ilasa dan lo, ui pempem ta idu na wa. Uraru an inj you fidian diganep, dar igo wonj ilasa san dabai amad da ya. Agod injsiganded ilobol lo mi man, daonj panek agod subam naon funfun diganep, an lo tan en san tamolpein muruan di madai funfun ifu wa. Uraru an inj dabai naok ago yan amad da ya.

⁷ Saen nuñod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, inj gib an ibiseip kuai te isudap, uraru en lo yu igane wa. Inj uraru an ibiai dudu dop ifup dumat a. ⁸ Ago dop injsad tubabudi taun tubun ak san dal tubun ak ate dien a. Taun tubun an san yanjan man, tou yabek ru lo Sodom inj Egipta da ago dubol da, taun tubun nek emaiak ate, Tubun en aigim fo dubali dugo dufunig imat a. ⁹ Tamolpein tinid naon sensen ak, warou wei mi ak, muroun ru lo dinjinej na yak wei mi, agod tamolpein tan titin fidian lo dupalu yan, nal utol wadan da lo inj malad ti ibol pe, uraru an tubabudi leil dupidinai a. Inj tamol aenta disiriai san ninen o dal dufou wa. ¹⁰ An lo tamolpein tan san, uraru dumat an sad matej ninen o mugurunj digane wa. Inj soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai inj muruan da wei mi tamolpein tan na dumado den dupidinai na ya.

¹¹ Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya. ¹² Agog tamol uraru an talpein ta kumaen panu na awan tubun mi igiai dugo irupidaig ibol, “Anj igo asida!” Ago dugo injsad ager adi malad lo mi, tamol nuñod uraru an, keit san timtaen ilon lo diladug, kumaen panu lo timtaen an da disuda diau a.

¹³ Saen nek amaiak lo mi, kanaurig tubun ak ilasa dugo, taun tubun an titin kisaek daon ipani a, ago gug titin 9 an yen a. An lo man seven tausen tamolpein kanaurig an lo dumat a. Gug tamolpein a dumado yan, tubun mi geig direr dugo, kumaen panu san Anut yanjan diabisa se ya.

¹⁴ Aria, muruan tubun geig ak uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

Eñel warou seven lo yan inşan barag iwi a

¹⁵ Agog eñel e eñel sukunda tinid ate murna geig imado den, inşan barag iwi dugo, kumaen panu lo awak tubun mi igo duwagin dugo ñai ñalon a.

“Anut tan titin fidian en sad kin adi inşaned kagin panek iganeg itout a, ago dugo Anut inşanen Kristus da sad kagin panek ilasag abed inşane ya.

An lo Tubun en inşen saen pempem kin igo imado yau a.”

¹⁶ Agog tamol gurman adi nuñod 24 inşigned kin san kalik fufo Anut naon na dumado dan, turud dusoluwig naod itakok tan na idug Anut ubou an dile ya. ¹⁷ Inş ago dubol,

“O Tubun en, mañ ilo uyan mupano da. On mi Anut, on dabai fidian ama da ya.

On gamu mado dak, gubak mi geig mado ya.

Gamu onşane dabai tubun geig ak ñaneg, an lo fun ganeg onş Kin igo wonş mel fidian tirnai da.

¹⁸ Gob adi tiñaed imumari se yak gug, onşane tiñae mumarek san saen man ilasag itout a.

Gamu man tamol adi dumat ak onşane kot lo dilasa wa.

Onşane urat tamol adi naon uyan ak pidinai san saen man gamu.

Awo, onşane profet adi, agod onşane tamolpein fidian dida, tamolpein fidian a onşane yanş lak na disini dan, a inş yanşad aman da yan, agod a inş yanşad tia yanş dam, gamu onş naon uyan ak pidinai a.

Ago dop onş tamolpein a tan en daonş dupani se yan, gamu daonş pidinai a.”

¹⁹ Agog Anut san ubou ab kumaen panu na yan, inşan dalawan dupasig ikasap go yen da. Ago man Anut san ubou ab lo kontrak san kunup kuai te yen dugo fidian leil dupani a. Saen an lo weil irafuleg gidigheid yau dugo, liliñan tubun mi inşur a, agod weil weiwei mi diliñan dugo, tan isuruwor dugo, ui ais da pat igo wonş tubun mi geig dudu ya.

12

Jon inş, mot a yanşan dragon dubol dan pein dayil a

¹ Aria, mel ta naon sen geig ak keit lak na ilasa ya. Mel an man igo ya. Pein ta imado dan, inş ad kulos onş igane dugo itur da. Kalam ñien aten paen na yen dugo, patui 12 kitikat igo wonş kabuñan fufo dien da. ² Pein en luan aman da ya. Agod nanuk igansi san madai inş lo ilasa ya. Inş nanuk igansi wo dugo, madai tubun geig ikubiani dan niñen o awan tubun mi isasai da. ³ Agog taida mi, mel ta naon sen geig ak keit lak na ilasa ya. An man mot daran di tubun geig a. Inş kabuñan seven, agod fai an 10, kabuñan fufo dilasag dien da. Inş kabuñan seven an fufo, kitikat ta kin san kitikat igo wonş dien da. ⁴ Inş keit san patui fidian itarpaleg warou utol dilasag, warou kisaek inşen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. Inşan ilon man, pein nanuk igansi wo ititiani da, agod saen nanuk ilasa dop ka yani wa. ⁵ Aria, pein nanuk tamol ak igansi a. Nanuk an murnap kin san tok ain yabip ate tamolpein fidian itirnai dabai a. Pein nanuk igansi la ya, ago man nanuk an ririan disinig, Anut san na diaug, Anut da inşan kalik fo dumasig dumado ya. ⁶ Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben an lo inş pein an anañ dupani dop kagin dupani yaup nal 1,260 itout a.

⁷ Aria, gamu yu tubun ak kumaen panu na imasa ya. Isrel san eñel gurman, yanşan Maikel dubol dan, inş inşanen eñel dida mot tubun en lo yu digane se ya. Ago dugo mot tubun an inşanen eñel dida yu naon

digane se ya. ⁸ Ak man in̄ yu diganep itout san dabai amad tia ya. Ago yak nin̄en o kumaen panu lo aben ta ate dumado san tia ya. ⁹ An lo man Maikel in̄anen eñel dida mot emaiak san dabai kumaen panu lo yan diganeg itout a. Mot en man, in̄ gubak mi yan̄an Uf Ru San Ur, yan̄an turan Satan dubol dak, ama ya. In̄ tamolpein tan titin fidian lo yan irawai na ya. Aria, in̄ Satan diñaneg, in̄anen eñel adi dida sisem dubilai tan na dudu ya.

¹⁰ Agog kumaen panu lo tamol ta awan dabai geig igo iwagin̄ dugo ñaloñ a.

“Gamu mañsama Anut in̄san patu pasek, agod in̄san tuon dababai ak di kagin panek dam walal isi a, agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo mañ teim taom uf ru lo idirai na ya, ak gug gamu tan na dubilig idu ya.

¹¹ Mañ teim taom man, Sipsip Nanun san dar nam, agod Anut san ru dufulale na yan lo dam, in̄ mot en lo yu diganeg itout a.

In̄siganed madok nin̄en o tubun mi ta dumat na ya, tia geig a.

Amaiak nin̄en o saen mateñ sumeik ipidinai bo man, in̄ ta dusuk dumul na ya.

¹² Amaiak nin̄en o añ kumaen panu adi, añ warou fidian mi kumaen panu na amado dan, uyasusai agane wa.

Ak man añ a tan na agod beig lo amado dan, kagin agane wa.

Muruan tubun ak añsam na ilasa wo da. Satan añsam na idu la ya.

In̄ ilon tubun mi imumari da, man dugo, in̄ ilon̄ uyanan ak man, in̄anen saen katukan mi a.”

¹³ Aria, saen mot an dubilig tan na idu dugo ile man, pein a nanuk tamol igansi amaiak yabi wo ñien aban irig yau se ya.

¹⁴ Ak gug bog tubun ak subein uraru pein an dupanig, an lo in̄ mot ibiseip iroup, yoitout imado wo aben kawan ak lo yau a. Aben ante kagin dupani uyanan pe, anañ dupani yaup anañar utol wadan da itout a.

¹⁵ Aria, mot en awan lo you igulani a, you an lom tinan igo won̄ imasag yaug, pein en ñien aban iri se ya. Mot in̄san ilon man, you gidad pein in̄anep iriani yau dop ideg yau a.

¹⁶ Ak gug tan pein an ibinawi a. Tan awan isupanig mot you e igulani emaiak iluk a. ¹⁷ Agog mot in̄ pein en lo ilo wananan tubun mok aman da ya. Amaiak nin̄en o in̄ yaug nanun aenta lo yu igane wo da. Tamolpein nek a Anut san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in̄ lon̄ na lul fufo na itur dugo ñile ya.

13

Beig san mel kasik

¹ Agog ñai malag yau dugo mel kasik ak ta kabuñan seven dugo fai aman 10 an beig lo yak ilasa dugo ñile ya. Fai anen anen atem kitikat gol kisaek fufo na yen da. Kabuñan anek anek ate dam, yan̄ak ta Anut nin̄en uf ru digireg yen da. ² Ñai mel kasik e ñile man, nek ibol lepad* igo won̄ a. In̄san ñien man bear ñien on̄ a. In̄san awan dam laion awan on̄ a. Mot amaiak in̄sinan dabai mel kasik en tan itirni san nin̄en o ipani a. An lo man mel kasik an, mot an kin̄ san kalik fufo imasi dugo, in̄anen tuon tubun geig dam in̄aneg lo tamolpein itirnai na ya. ³ In̄san kabuñan kisaek wagai lo mateñ san baob in̄ane manon̄ a, ak gug kabuñan an dukubuneg afon uyan isusa ya. Tamolpein fidian tan tilianek lo yan mel kasik an nin̄en o durut saian geig dugo tinid ñitud fidian mi lo ñien aban duri na ya. ⁴ Mot en in̄sinan dabai a lo tamolpein itirnai san an mel kasik an banin lo igane ya, an lo tamolpein fidian mot an ubou an dile na ya. Agod in̄ mel kasik an dam ubou an dile na ya. Ago dugo in̄ igo dubol, “Enti in̄ mel kasik en igo mi ak i? Enti in̄ lo ka yu igane wak i?”

⁵ Agod mel kasik an awan lo ru in̄in̄en san dabai dupani a. An lo Anut imoig, mel kasik an Anut nin̄en o uf ru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a. ⁶ Amaiak nin̄en o mel

* 13:2: Pusi tutubu yak.

kasik an awan isupanig, Anut ninjen o uf ru ibol se ya. In Anut yanjan ninjen o, agod Anut san aben ate imado dan, agod fidian a kumaen panu na dumado dan, ninjedi wo nao futek ru saian geig ak ibol se ya. ⁷Taida mi, Anut mel kasik en ilefunig injanen tamolpein lo yu igane dugo ibiai dudu geig a. Agod Anut mel kasik an ilefuni dugo tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai injane ya. ⁸Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut injaned yanjadi buk lo igire idu ya. An man Sipsip Nanun dufunig imat ak injanen kumaen san buk nek ama ya. Aria, tamolpein nek an mi mel kasik an san ubou ta dile na wa.

⁹Talpein ta in kududon aman da dop, in gidad ru en ilon sinjakaan a.

¹⁰Anut talpein ta subanek lo yau wo kob ipani tap,
aria, in gidad subanek lo yau a.
Agod in talpein ta sabiri nam dufunip imat o kob ipani tap,
aria, talpein an sabiri nam ka dufunip imat a.

Kagin en lo man, Anut san tamolpein gidad dumado dabai dop injaned ilo rumok diabi sakar dop dumado yau a.

Mel kasik ak tan log ilasa ya

¹¹Agog naj mel kasik ak sen ta tan ilon lo yak imasag isuda dugo njile ya. Injan kabunan fufo man fai aman uraru dien da, nek ibol sipsip nanunan ak san fai igo won a. Agod injan ru man mot tubun ak san ru igo mi a. ¹²Mel kasik a imug ilasa yan malan lo man, mel kasik a murna ilasa yan, in mel kasik a imug ilasa yan wagen lo, san dabai fidian tamolpein itirnai san injane ya. Dabai injane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo injanen mater san baob dukubuneg uyan isusa amaiak, ubou an dile se ya. ¹³Mel kasik murna ilasa yan kulob girager tubun ak iganeg ilasa se ya.

* **14:2:** Harp

In ago iganeg, tamolpein malad lo yai keit lo yan tan na idu ya. ¹⁴Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en in tamolpein tan na dumado den irawai pasik a, an ninjen o man tamolpein mel kasik a gubak mi sabiri nam dufuni an san mitilaen ditutunanip duguni wo isodudunai a. ¹⁵Agod Anut imoig mel kasik murna ilasa yan injan ur iwig lo mitilaen an kumaen ilasa ya. An lo man mitilaen an ru ka injan san ilon a, agod dugo tamolpein ensauta a mel kasik an san mitilaen ta ubou an dile na yan fidian idiraig mater dile ya. ¹⁶Taida mi, mel kasik a murna ilasa yan tamolpein fidian nek a yanjad amad da yan, yanjad tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate dinjane ya. ¹⁷An lo man, talpein ta in kob aman tia tap, aria, in tamolpein aenta sad na melmel ta idad na wak, agod aenkadi injan na dam melmel ta didad na wa. Kob an man mel kasik malan te yak san yanjan boi, tia dop, sutek amaiak lo mel kasik an yanjan tou aman yabi dan, nek ama ya.

¹⁸Talpein ta in mel en ilon o imat tap, gidad kankan milaen uyan geig ak aman da wa. Enti in kankan milaen tubun ak aman da yan, mel kasik en san sutek kuai ka ipani wa. Sutek en man tamol ta injanen yanjan san tou yabek, agod tamol an yanjan san sutek man 6 utol mi a. (666)

14

Sipsip Nanun tamolpein 144 tausen dida dutur go bar diabi da

¹Agog naj malag yau man, Sipsip Nanun in Did Saion fufo na itur dugo njile ya. In 144 tausen tamolpein dida dutur da, injanen yanjan, agod Taman yanjan dam, tamolpein an naod kapen fo digireg yen da. ²Ago dugo naj ru awan ta kumaen panu lo ibol ilasa dugo njalon a. An man nek ibol beig tubun ak imasa san lilijan boi, tia, weil san lilijan tubun ak igo won a. Nek tamolpein wei mi mel ta gita igo

yak* dufuni dop san liliñan tubun mi ilasa dak igo woñ a. ³ Tamolpein 144 tausen kiñ san kalik naon na dutur se ya, agod mel iwoiwo kumaed dumado dan in matu gurman adi dam, naod na dutur se ya. In bar foun ak diabi se ya, tamolpein aenta bar an diabi san marñau ta diñane na ya, 144 tausen amaiak mi bar an diabi san duloñ a. Tamolpein amaiak mi tan en lo Anut idad injal a. ⁴ Tamol emaiak pein adi dida sed nun ta ipidinai na ya. Tia, in ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein luluñad lo idad injal a. Agop in warou malan te Anut injal an, inñanen warou lo, agod Sipsip Nanun san warou lo dam dumado wa. Nek ibol abi taman anañ malan te ilasa dak inñanep, Anut yai igane pani dak igo woñ, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya. ⁵ In ru sewak ta dubol man tia ya. Tia, in mel ta niñen o dam muruan amad tia ya.

Enjel utol ru dubol ilasa ya

⁶ Agog ñai enjel sen ta keit titiñae mi irou dugo ñile ya. In bilaluñ uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa. ⁷ In dabai geig igo iwagin go irupidai, “An gidad Anut niñen o arer a! In yanñan abisa wa! Ata wo? In tamolpein bitinaek lo idirai san nal ilasa la ya. An Tamol e in keit, tan, beig di you gib lo ibanai dan dam idirai en, in lo mi agudani dop inñanen ubou leil lo mi amado wa.”

⁸ Agog enjel sen ta, in enjel imug ipalu yan irig ipalu da. Enjel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, inñan jeit kagin dabai an niñen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo woñ a.”

⁹ Enjel sen ta enjel uraru dupalu dugo patud fo ipalu yan, awan dabai geig iwagin go ibol, “Talpein ta in mel kasik en inñan mitilaen da sad ubou leil igane dop, agod in

naon fo, tia, banin te, kob inñane tap, ¹⁰ aria, in gidad wain naon sen ak ka iluk a. Wain en man Anut san ilo wananan agod Anut in wain en you da ta ibilisa dop, tia, wain an inñanen ilo mumarek san gab lo iwali wa. Ago dop talpein en ka iluk a. Ago dugup enjel gun ak malad lo, Sipsip Nanun malan lo dam, talpein en in yai lo, agod pat salfa inani dak lo, madai inñanep ago imado yau a. ¹¹ Ago dugo yai a madai tubun geig ipidinai dan san yakas pempem mi lak na isuda yau a. Tamolpein emaiak in mel kasik, inñan mitilaen da sad ubou leil digane da, agod inñan yanñan san kob diñane dop, ad lo tidom lo dam inñaned madai niñen o yaes bilabal amad tia wa.” ¹² Saen an lo tamolpein gun ak gidad dumado dabai a. Tamolpein a Anut awan paen na dumado dugo inñaned ilo rumok Jesus lo diabi sakar dan nek an mi a.

¹³ Agog ñai talpein ta kumaen panu lo igo iwagin dugo awan ñaloñ a. “On ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, in ka uyad isusa wa.”

Ago dugo Awan Urgan ru naon igo ibol, “Rumok geig, in ka uyasusai digane wa. Inñanen urat dabai ak dibiseip ka yaes dubal a. Man dugo, ata urat digane yan san nuñon imug mi ilasa yan in dida kumaen panu lo diau a.”

Tan en lo anañ ñilanjal san nal idu ya

¹⁴ Aria, ñai malag yau dugo, naog na timtaen milkouk ak kisaek ñile ya. Ago dugo talpein ta tamol nanun igo woñ an fufo na imasig imado se ya. In kitikat gol aman da yak kabuñan fo yen dugo, banin lo man bubarek luon geig ak yabi se ya. ¹⁵ Ago man enjel sen ta Anut san ubou ab patun fo ilasa ya. In awan dabai geig talpein timtaen lo imado dan san na iwagin go ibol, “Onane bubarek ñanep anañ tute idu wa. Anañ tumanek san saen ilasa la ya, an niñen o tan na anañ fidian ibes pasik a.” ¹⁶ An lo man talpein a timtaen fo na imado dan, inñanen bubarek yabig, tan na itakoksig abi lo anañ ibes ak itute idug itumani dugo isini yau a.

¹⁷ Agog enjel taidam bubarek luon geig ak yabi dan, kumaen panu lo Anut san ubou

ab patun fo ilasa ya. ¹⁸Agog enjel sen ta alta ibiseig kuai te ilasa ya. In man alta san yai itirni san dabai aman da ya. In awan dabai geig enjel bubarek luon ak yabi dan iwagig ibol, "Onjane bubarek njanep, wain patun abi a tan na yak lo yan tutep tumani wa. Man dugo, wain patun fidian dulubonj la ya." ¹⁹An lo man enjel en injanen bubarek injaneg, tan na itakoksig, wain kutubuk itartiti idug itumanig dien da. Ago man in wain patun an, pat bod tubun ak ilon lo tamol wain patun njedi nam dupartitale wo isuwari idu ya. En man Anut san ilo mumarek itutunjan a. ²⁰Agog Jerusalem san ar patun fo, wain nunjon bod lo dupartitale dugo dar bod an lo imaspalug kuai te ilasa ya. Ago dugo dar an imaspalu yau se ya, injan milaelen man 300 kilomita igo wonj, tan fidian ituani a, agod injan kuror man mita kisaek wadan da igo wonj a.

15

Daeg seven ilod lo muruan murnai san dien da

¹ Aria, naj kulob naon senamo geig ak kumaen panu lo ilasa dugo njile ya. Mel an man tubun a, an njinen o njumasa saian go an lo dam njurut saian geig da. Naj enjel seven dutur dugo banid lo muruan seven a murnap tamolpein daonj dupidinai san duburou dan njil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a. ² Naj mel ta nek ibol beig tubun ak galas onj, yai lo dukubuli ak njile wonj da. Tamolpein a yu digane itout an, gubak mi mel kasik ak, injanen mitilaen agod yanjan san sutek dam dibiai dudu yan dam njil a. Tamolpein amaiak in beig galas onj an giranen na dutur dugo, inj melmel gita igo wonj Anut ipidinai an duburou se ya. ³ Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

"O Tubun en, onj Anut, dabai fidian ama da ya.

Urat fidian onj gane man tubun a. Manj mile dugo, iloma weiwei da.

O Anut, onj tamol warou fidian sad kin, onjane kulob fidian itaot di rumok geig a.

⁴ O Tubun en, enti onj yanja njinen o ta irer na wak i?

Enti onj yanja yabisa wo imoi ak i?

Man dugo, onj mi gun a.

Tamolpein tan titin fidian lo dumado dan dupalup onj ubou ama dile wa.

Ata wo, onjane kulob naok naok itaot mok an, gamu kuai tem walal isig, tamolpein fidian dile da."

⁵ Mel an itout go, kumaen panu lo kontrak san ab sel dalawan dupasig yen dan njile ya. Ilon lo galun a yanjan aben gun di gun geig ak dubol dan njile ya. ⁶ Ago dugo enjel seven e muruan seven daonj panek san duburou dan galun an dibiseig kuai te dilasa ya. Inj kulos milkouk irafuleg ikokan geig ak dupulau a, agod let gol titired fo diganeg ilubani a. ⁷ Aria, mel iwoiwo a kumaed dumado dan, lulunjad lo kisaek inj gol daeg seven enjel an ipidinai a. Anut e kumaen pempem imado yau den, injan ilo mumarek an daeg a seven an lo inawai a. ⁸ Ago dugo tempel san galun gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta inj galun gun an lo iladu san tia ya. Tia, inj enjel seven an malad digane dop muruan seven an san urat digane itout gup a.

16

Enjel seven muruan daeg seven duwalig idu ya

¹ Aria, naj awan ta ubou ab san galun gun an lo ilasa dugo njalonj a. Inj awan dabai geig enjel seven en igiai dugo ibol, "Anj aup, Anut san ilo mumarek daeg seven lo yan awali tan na idu wa."

² Ago man enjel malan te yan yaug injan daeg iwali tan na idu ya. Agog tamolpein mel kasik ak san kob dinjane dugo injan mitilaen ubou an dile dan, baob saian geig ak wei mi sad na ilasa ya.

³ An itout go enjel neinta injan daeg iwalig beig lo idu ya. Ago man beig ibilisag, tamol dumat ak sad dar igo wonj ilasa ya.

Ago man melmel fidian beig lo kumaed dumado dan dumat pasik a.

⁴ Enjel a enjel uraru tinid te imado dan in dam inſan daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo won dilasa ya. ⁵ An lo naj enjel a tan san you fidian itirnai dan igo ibol dugo nalon a.

“O Tubud Gun, on gubak mi mado yak, agod gamu dam mado da.

Naon saian geig amaiak on tamolpein pidinai an itaot mok a.

⁶ Tamol warou en onane tamolpein agod profet adi dufu dumat dugo, inſad dar ikulmaek a.

Amaiak ninen o on talpein a saiadi amaiak dar en duluk o pidinai a.

Dar e duluk den man, inſigned kagin saiak saiak san naon itaot ak dinane da.”

⁷ Agog naj alta igo iwagin dugo nalon a.

“Awo Tubud Anut, on dabai fidian ama da ya.

Tamolpein a saiadi an sad urat naon on pidinai man rumok di itaot mok a.”

⁸ Aria, enjel a enjel utol tinid te yan inſan daeg ad fufo ikulmaek a. An lo ad san wananan isida yan, tamolpein e tan na dumado den tinid inani saian geig a. ⁹ Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yan lo ru saiak saiak dubol se ya, man dugo, in dulon uyanan ak man, Anut mi muruan a dile dan itirni se ya. Ago bo man in ilod dibilsag Anut yan ta diabisa na ya.

¹⁰ Agog enjel a enjel iwoiwo tinid te yan inſan daeg ikulmaek go, mel kasik malan te yan san kalik fo idu ya, an man kin san kalik. Ago dugo tamolpein a mel kasik san kagin panek paen na dumado dan, sad na tidom ilasag ituanai a. Agod tamolpein an madai tubun geig ak lo inſed baled diani se ya. ¹¹ Inſigned madai agod baob tinid fufo ilasa yan dam ninen o in kumaen panu san Anut naon dufute dupei na ya. Ak gug in ilod ta ibilisag, kagin saiak saiak digane na yan dam ta dubusei na ya.

¹² Agog enjel a enjel kafenda tinid te imado dan, inſan daeg you tubun ak Yufretis fufo iwalig idu yan lo, you an igos yau a. An lo kin adi ad ilasa san banen lo dupalu san dal ikubune ya. ¹³ Agog naj ur saiak saiak utol gurogurou igo won neil a. In mot tubun ak awan lo, mel kasik ak awan lo, agod profet sewak awan lo dilasa ya. ¹⁴ Ur adi emaiak mi in ur saiadi a. In kulob girager naon sensen digane wo, dufurak go tan fidian sad kin sad na diau da. Inſad urat man, kin fidian inaned yu tamol adi dutumanai o digane da, an lo dop Anut dabai fidian aman da tamolpein kot ipidinai san nal tubun ak lo, yu diabisa wa.

¹⁵ Agog Jesus igo ibol dugo nalon a, “Ale. Naj nek ibol gumagam tamol ipalu dak igo won, anſam na nupalu wa. Amaiak ninen o talpein in nion ta yabi na dop, inanen kulos giranen na idirig imado dan, ka uyan isusa wa. Nal a ilasa wan san saen lo, kabelan in nunon kawan itor dop tamolpein inſan miai dile banau.”

¹⁶ Aria, ur saiak saiak kin adi dinjal dupalug aben ente dutumanai a. Aben en Hibu ru lo Armagedon dubol da.

¹⁷ Agog enjel a enjel sukun tinid te imado dan, inſan daeg keit lo iwalig idu ya. Ago dugo awak dabai geig in galun gun di gun geig ak Anut san ubou ab ilon lo yen dan lo ilasa dugo igo iwagin, “En man itout a!” ¹⁸ Ago man weil wei mi irafule dugo, lilihan tubun mi dunur a, ago dugo weil dilihan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya. ¹⁹ Aria, taun tubun ak itarpa-leg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut in taun tubun ak Babilon ninen o ilon isoug, an lo gab a ilon lo wain awan isa yan inaned Babilon ipani a. Wain an man inanen ilo mumarek tubun geig an tou ipani da. ²⁰ Ago dugo nui fidian dusol go diau pasik a. Agod did fidian dam talpein ta yil san tia ya. ²¹ Ago dugo ais tubun ak dudu ya. Ais lapan kisaek kisaek sad muruan 50 kilogrem igo won a. Keit lo ais

an tamolpein tinid fufo dudu dugo daon tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

17

Jeit pein tubun an naon saian ak injane ya

¹ Ago man enjel nunod seven daeg seven diabi dan luluḡad lo enjel kisaek ḡai Jon ḡaisag na ipalug igo irupaiag a. “On palup, jeit pein a you wei mi fufo imasig imado dan, naon dugo wonḡ Anut ipani wan ḡukubiaip ule wa. ² Tan san kinḡ adi pein en da jeit kagin saen wei mi digane na ya. Tamol tan en san fidian inḡ dam pein en da jeit kagin digane na ya. An lo man inḡ fidian inḡanen jeit kagin san wain duluk na yan lo burau dilasa ya.”

³ Agog enjel e ḡai da minḡinḡ den, ḡionḡamin Urgun igane ilasa yan lo ḡai isinag go, inḡ da aben kawan talpein an tia yak ate mau a. Aben an lo ḡai pein kisaek mel kasik daran ak fufo imasig imado dugo ḡile ya. Mel kasik an yanḡak wei mi tinin fo anua ya. Girek en lo yanḡak en fidian man, Anut ninḡen o uf ru funfun agod ru saiak saiak dam dien da. Mel kasik an kabuḡan seven dugo fai aman 10 kabuḡan fufo dilasa ya. ⁴ Pein en kulos a igane yan daran a, agod sad girager daran an naok uraru a, man dugo, girager uraru an kinḡ san a. Inḡ gol damag naon funfun, agod kululoi naon lak na yak, damag naon uyanan pat nam digane yak dam aman da ya. Inḡ gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da. ⁵ Agod pein en naon kapen fo yanḡak ta digireg yen da. Yanḡak an man igo ya.

Ru mianuk an.

Babilon tubun a.

Jeit pein sad tinadi mok.

Agod tan san kagin iganan fidian sad muroud imado da.

⁶ Pein en Anut san tamolpein ifug dumat a, tamolpein nek Jesus yanḡan ilod lo rumok go, inḡsan yanḡan dubol ilasa na ya. Pein en gubak mi inḡsad dar iluk go, an lo nek ibol tamolpein ayu duluk pe burau digane dak igo wonḡ, ago burau imado dugo ḡile ya.

Saen ḡai ago ḡile dugo ḡumasa saian go ilo sou wei mi ḡigane se ya. ⁷ Ago man enjel an igo irupaiag a, “Ata wo onḡ masa saian ak i? Pein an, agod mel kasik ak isini dan, nek a fai aman seven dugo kabuḡan 10 aman da yan, sad fudi ḡupano wa. Mitilaen en fun imianuk a, gug ḡai ka ḡufulale pano wa. ⁸ Mel kasik en onḡ ule la ya, gubak mi imado yak, gamu fon ta imado na da. Ak man murnap inḡ gib e fun tia yen ibiseip isuda wak gug, ideg yau geig a. Tan san tamolpein inḡ mel kasik en dilep dumasa saian geig a. Nek tamolpein a inḡaned yanḡadi Anut tan gamugo igane ilasa yan lo, kumaen san buk lo ta igire na yan, inḡ dumasa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

⁹ “Talpein inḡ kankan milaen aman da tap, inḡ ka mel en fun ilonḡ uyanan a. Kabuḡan seven en man, did seven emaiak fufo na pein a imasig imado dan ate tou ipani da. ¹⁰ Agod taida mi, kabuḡan seven en man kinḡ seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kinḡ ilasa da. Saen inḡ ilasa tap, inḡ saen kitekan mi kinḡ imado wa. ¹¹ Agod mel kasik e gubak mi imado gug gamu tia yen man, kinḡ kisaek taida mi, gamu nunod seven an luad isa da, ak man inḡ kinḡ nunod seven an sad warou lo dam mi a. Agop inḡ ideg yau a.”

¹² “Agod fai 10 en onḡ gubak mi mel kasik en kabuḡan fufo ilasa dugo ule man, inḡ kinḡ 10 ate tou dupidinai da. Inḡ gamugo kinḡ sad dabai diḡane ya, ak gug murna dop kinḡ sad dabai diḡanep auwa kisaek mi mel kasik ak dida tamolpein ditirnai a. ¹³ Kinḡ adi en man inḡsad kankan kisaek mi a. Inḡsad dabai agod yanḡad tubun ak da mel kasik an dupani wa. ¹⁴ Kinḡ adi emaiak inḡ mel kasik da Sipsip Nanun lo yu digane wa. Ak man Sipsip Nanun agod tamolpein a ḡien aban duri dupani dan sisem yu lo diriḡanai geig a. Man dugo, Sipsip Nanun man tamol tutubu yak sad Tubun a, agod kinḡ fidian sad Kinḡ, agod tamolpein a inḡ dida dumado dan man, Anut ipilianaig igiai a, agod inḡ awan kagin dupani da.”

¹⁵ Ago man eñel an foun mi igo irupaia g a, “On you wei mi a gubak mi jeit pein fufo na imasig imado dugo ule yan, in tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da. ¹⁶ Mel kasik en, agod fai 10 e ule yen dam, in sisem jeit pein an lo siai digane wa. In pein an san bioun fidian dupasi idup nuñon kawan ilasa wa. Agop inñsan tinin mudan diani dop yai lo dumarip inani yau a. ¹⁷ Man dugo, Anut inñsen mi kin en kankan ipidinaip, an lo kulob a gubak mi Anut niñen o ilon ibol amaiak ka digane ilasa wa. In ilo sou kisaek amad da wa. In kin dumado san dabai e diñane yen, fidian mi mel kasik en dupani wa. In ago mi digane dop yaup ru a Anut gubak mi ibol an fidian nuñon ilasa wa. ¹⁸ Pein gubak mi ule yan man, in taun tubun e tan en san kin fidian itirnai den ate tou ipani da.”

18

Babilon saian igane geig a

¹ Murnag ñai eñel sen ta kumaen panu ibiseig idu dugo ñile ya. Inñsan dabai man dabai geig a, agod ilalañ a inñsan nag irafule ilasa dan, tan ilalañ ipani siñaokan a. ² In awan dabai geig igo iwagin go ibol, “Ale, taun Babilon tubun an dibildu ya, awo, Babilon dibili yau idu geig a. Gamu in man bugai adi sad yaes bilabal aben ago ilasa ya, ur saiak saiak fidian sad wur igo ilasa ya, agod anakanak di yok naok fidian nun amad da yan sad wur igo dam ilasa ya. ³ Ata wo, tamolpein warou fidian in da inñanen jeit kagin dabai ak san wain duluk a. Tan san kin adi dam in da jeit kagin digane na ya. Agod tan san daden tamol adi in Babilon san ilo masai dabai ak san kagin lo moni wei mi diñane na ya, an lo inñanen jeit kagin an aenta sad iriñanai geig an lo, tamol filiad tubun ak igo dilasa ya.” ⁴ Agog ñai kumaen panu lo Anut awan igo ilasag iwagin dugo ñalañ a.

“An ñaineg tamolpein adi, an gidad aben an abiseip kuai te alasa wa. Kabelan aupasek funfun a igane dan lo luan asa banau. Agod kabelan an inñsan muruan funfun ñai ñupani wan ate dam atutou banau. ⁵ Man dugo, inñsan aupasek itumanig malan tubun go kumaen panu lo isuda yau la ya. Agod kagin saiak saiak igane na yan fidian niñen o Anut ilo sou igane da. ⁶ In aenta ipidinaip ak igo Anut dam naon in ipani wan man babagaru a. Ayu naok dugo inñanen gab lo yak Anut inñanep, ikubulip, subuñan taidam ililip, urarum iluk san ipani wa. ⁷ Nek ibol in girager agod mel wei mi siñaokan ak dam inñsen ipani se yak igo won, madai tubun geig agod ilo papao a Anut ipani wan da tou kisaek a. In buben ago ibol, ñai mi kwin, ñai pein suos tia ya, amaiak niñen o ñai tinañ aru ñigane san tia geig a. ⁸ Amaiak niñen o, nal kisaek ilon lo mi, naon dugo Anut ipani wan ile wa. Naon an man maten, mala turon, agod kadag san saen tubun a. Yai man Babilon inani yau pasik a. Man dugo, Tubud Anut e naon ipani den, in dabai tubun ak aman da ya. ⁹ “Tan san kin adi e gubak mi in da jeit kagin digane se yan, agod dida inñanen ilo masai san kagin ate dututou se yan, yai a Babilon inani dan san yakas dile wa. In ago dile dan lo, taun an niñen o tinañ aru digane dop ilo muruan amad da dumado wa. ¹⁰ In madai saian ak inñane dan dile dop niñen o direr geig a. In asau mi dutur dop igo dubol, ‘Ilog imuñano, Babilon, ilog imuñano geig da. On tubu kasik agod taun dabai geig a. Ak man auwa kisaek ilon lo mi onñane aupasek naon saian ak onñsa na ilasa ya!’ ¹¹ “Daden tamol adi tan fidian san, Babilon niñen o tinañ aru digane dop, ilo muruan amad da dumado wa. Ata wo, inñaned

biouñ didad san talpein tia ya. ¹² In sad biouñ wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk siñaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya. Mel aenta digane man, ai naod tutubu yak lo, bras, ain, agod pat girager siñaokan ak nam digane ya. ¹³ In aned biouñ aenta dam dien da. Sinamon nesnes nuaen san, paura, yakas mumalun uyanan igane ilasa dak, guren naon funfun mumalun uyan ak, sanda uyan ak, wain, oliv guren, plaua uyan ak, agod wit da, makau, sipsip, hos di hos karis da, agod tamol bigabeg adi dam mi a.

¹⁴ “Tamol daden urat digane dan Babilon igo durupeia. ‘Onane urat san nuñon a on nane wo ilo ibol na yan, an fidian on sinire na tia ya, asau mi geig dien da. Melmel uyadi didaen san naon tutubu yak, agod onane biouñ bala siñaokan ak an fidian dideg la ya. Ago yak ninen o on melmel en afon ule san tia geig a!’ ¹⁵ Tamol mel an lo daden digane na yan, in taun an san moni wei mi dinane la ya. In taun an madai tubun mi inane dop dile wa, ago dop in dam tubun mi direr a. In asau mi dutur pe tinar aru digane dop, ilo muruan lo dumado wa. ¹⁶ In disasaip igo dubol a.

‘Ilo ma saian da, taun tubun an ninen o iloma saian geig da.

Gubak mi in kulos milkouk siñaok amadi ak, yamel daran ak naon funfun tinin fufo idiri na ya.

In gol di pat siñaokan, kululoi naon lak na geig ak ate bala yabi se ya.

¹⁷ Auwa kisaek an ilon lo mi, moni en in biouñ en da fidian mi ideg yau a.’

“Wog tubun ak wei mi sad unbiek adi, agod tamol fidian wein diabi dan, wein tamol wog lo urat digane dugo tan tutubu yak lo dutor dan, agod wog tubun amaiak sad tamadi fidian mi, dutur pe asau mi geig dumado wa. ¹⁸ Ago dop in Babilon yai inani dak san yakas dile dop disasaip igo duwagin a, ‘Taun dugomaiak in taun tubun en da naon kisaek i?’ ¹⁹ In tan san gufgaf dubourou, sed kabunad fo

dusuwarip, tinar aru digane dop ilo muruan amad da dumado wa. Ago dop in igo duwagin a,

‘Ilo ma imuñano, o on taun tubun ak iloma tubun mi imuñano da.

Wog tubun ak taman adi beig lo dutor dan, in taun amaiak san moni tutubu yan lo moni tamol dilasa ya. Ilo ma imuñano da.

Auwa kisaek ilon lo mi saian gane geig a!’

²⁰ “An kumaen panu san tamolpein, Babilon ninen o gidad uyasusai tubun mi agane wa!

O an gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak ninen o naon saian ak ipania a.”

²¹ Ru an itout go, enel dabai ak kisaek pat tubun ak ta ate wit dufufari idu dak inane ya. In pat en yabisag beig lo ibildu ya. In igo ibol,

“Kagin amaiak lo in Babilon tubun an dinanep dubildu dop in fon ta dile geig na wa.

²² O Babilon, gita san liliñan, dum san liliñan, barag san agod dum wek naon funfun onsa ar lo fon ta ilasa na wa.

On lo tamol adi insad urat pinein adi urat dugomaiak digane san manau dupidinai man, fon ta ilasa na wa.

Pat wit ifufari san ibob dan, in fon on lo ta ilasa na wa.

²³ Lam san lilaman onsa na fon ta ilasa na wa.

Pein tamol nug iwon iwon awad onsa na fon ta dulon geig na wa.

Gubak mi onane daden tamol adi, in tamol tutubu geig tamolpein aenta malad lo dumado na ya.

On nawir naon funfun gane dugo, an lo on tamolpein warou fidian rawai na ya.

²⁴ Anut taun en ilon lo aban ile dugo dar tubun mi kuai ipania.

Dar an man profet adi agod inanen tamolpein gun ak sadi a,

agod taun en ilon lo man tamolpein fidian a gubak mi dufu dumat ak sad dar ikulmaek idu yan dam ante yenda.”

19

Tamolpein Babilon daon injane yan dile yak ninjen o uyasusai digane ya

¹ Mel en itout go, naj mel ta waginj tubun ak igo wonj kumaen panu san tamolpein warou tutubu yak dubol dugo njalonj a.

“Aleluia,* id Anut per tupani wa! Patud pasek, girager agod dabai da insan mi a.

² Man dugo, insan kot man rumok di itaot mok a.

Inj jeit pein tubun en, injanen jeit kagin lo, tamolpein tan san fidian mi injaned madok malan isue dugo nun dilasa yan, yabi idu ya. An lo naon itaot ak ipani a.

Pein en insan aupasek lo Anut san urat tamol di urat pein ifug dumat an lo aupasek amaiak gamu naon ipani a.”

³ Inj fon mi igo duwaginj a.

“Aleluia! Taun tubun en yai inani da, amaiak san yakas pempem mi lak na isuda yau da.”

⁴ Matu gurman adi 24 inj mel iwoiwo kumaed dumado dan dam, Anut kinj san kalik fufo imado dan, naon na turud dusoluwig inj ubou an dile ya. Inj igo dubol a,

“Rumok. Aleluia, manj Anut per mupani da!”

⁵ Agog talpein ta awan kinj san kalik lo ilasag igo iwaginj go ibol,

“Anj idsad Anut san urat tamolpein, anj Anut per apani wa.

Anj tamolpein kawan ak, agod tamolpein yanjad anda yan, anj fidian mi gamu Anut yanjan abisa wa!”

⁶ Agog naj liliñan tubun ak nek ibol tamolpein warou adi dutumanig dumado dugo sad ru ilasa dak igo wonj njalonj a. An man nek ibol you wei mi sad liliñan ilasa da, tia, weil tubun mi ilinjan dak igo wonj a. Inj igo duwaginj da,

“Aleluia, id Anut per tupani wa.

Ata wo, idsad Tubud Anut dababai fidian mi aman da yak, gamu kinj rumok imado da.

⁷ Gamu id ilod uyan pe yousai tubun mok tigane wa.

Ata wo, Sipsip Nanun inj iwon pein injane san nal idu ya, agod insan pein sen bala ipanig malan igane da.

⁸ Anut ilon ibol an lo man, kulos milkouk sinjaokan geig ak pein an injaneg idiri a.

Kulos en ikokan di lilaman geig a.” (Kulos e milkouk sinjaokan en, inj Anut san tamolpein sad kagin itaot digane na yan ate tou ipani a.)

⁹ Agog enel an igo irupaiag a, “Onj ru igo gire wa. Talpein e Sipsip Nanun pein injane san ananj tubun ak lo Anut igiaig dupaluyen, uyasusai digane wa.” Inj fon mi igo irupaiag, “Ru en man Anut san ru rumok a.”

¹⁰ An lo gug naj enel en sinjiren na turug nusoluwig inj ubou an njile wo da. Ak man inj igo irupaiag, “Onj gidad ago ta gane na wa. Naj man onj tei murou nek a Jesus ninjen o ru diabi dabai dan dida, id sisem urat kisaek a. Onj Anut mi ubou an ule wa! Man dugo, idsad ru Jesus ninjen o tabol ilasa dan, nek an mi profet adi sad ru fun mok a.”

Jon inj tamol hos milkouk ak fo imado dugo ile ya

¹¹ Naj kumaen panu awan ipasig, hos milkouk ak imado dugo njile ya. Tamol a yanjan Uyan di Rumok dubol dan hos an fufo imasig imado se ya. Inj kagin itaot mok an lo mi tamolpein kot lo ibitiniyai dak agod yu igane da. ¹² Injanen malan man yai ided onj da, agod inj kinj san kitikat wei mi kabunjan fo dien da. Inj tinin fo yanjak kisaek girek a, agod insen kisaek mi yanjan an ilonj a, tamol aenta man tia ya. ¹³ Inj kulos igane dan gubak mi dar lo dusomini a. Agod inj yanjan igo dubol, Anut san Ru. ¹⁴ Kumaen panu san yu tamol adi, agod yu pein adi dam, insiganed hos milkouk ak fo dumasig njen aban dirigitun fo dida dupaluyen se ya. Inj kulos milkouk sisinjaok amadi ikok geig ak didiri a. ¹⁵ Sabiri kisaek luon geig ak ta tamol an awan lo ilasag gidigidad yau se ya. Sabiri an lo inj tamolpein warou fidian ibiaidudu wa. Inj makud ain yabip, an lo

* **19:1:** Hibru ru ‘aleluia’ san fun: Yawe per tupani.

tamolpein warou fidian itirnai dabai a. In pat bod tubun ak lo wain patun ipipi wo ipartitale wa. Wain an man Anut dabai fidian aman da yan san tiŋae mumarek tubun geig ak ate tou ipani da. ¹⁶ Inŋsan kulos milaen an fo, agod ŋien dam fo yaŋak en digire ya.

Kiŋ fidian sad Kiŋ,
agod tamol tutubu yak fidian sad Tamol
Tubun a.

¹⁷ Agog ŋai eŋel kisaek ad malan lo itur dugo ŋile ya. In awan dabai geig lo anakanak keit titiŋaem durou dan igiaig igo ibol, “An apalup atumanip, Anut san anaŋ tubun en malan agane wa. ¹⁸ An kiŋ adi sad tinidi, yu tamol sad yu gurman dababai ak, hos agod tamol hos fufo dumado dan, tinidi ka ani wa. An tamol fidian, tamol sen ka bigabeg dumado dan, tamol kawan dutor dan, tamol gidigheid ak, agod tamol yaŋad aman da yak, sad tinid mudan ani wa.”

¹⁹ Agog ŋai mel kasik en, agod tan san kiŋ adi agod sad yu tamol dida dupalug dutumani dugo ŋeil a. In dutumanig an lo Tamol e hos milkouk ak fufo imado den, iŋanen yu tamolpein dida in lo yu digane wo da. ²⁰ Ak man Tamol e hos milkouk ak fufo imado den, mel kasik an yabig isubani a. Profet sewak an dam yabig isubani a. Profet sewak en mel kasik an naon na kulob girager wei mi idiri ilasa na ya, an lo tamolpein a mel kasik an san kob iŋane dugo, san mitilaen dam ubou an dile yan, irawai se ya. Agog mel kasik in profet sewak da, nuŋod uraru kumaed dumado dugo, gib saltek tubun en lo pat salfa awan isag, inani dak lo diabibol dudu ya. ²¹ Ago dugo Tamol e hos fo imado den, inŋsan sabiri awan lo yen dan ate, mel kasik san yu tamol ifug dumat pasik a. Agog anakanak adi fidian yu tamol adi sad sisanun dianig, luad ikafut idu ya.

20

Kristus anaŋar 1,000 tan na tamolpein itirnai a

¹ Ago man ŋai eŋel ta kumaen panu ibi-seig tan na idu dugo ŋile ya. In banin lo man gib kuror fun tia yak san ki yabi dugo sein tubun geig ak ta dam yabi a. ² Eŋel

en tan na ilasa dugo mot tubun en yabi a. Mot en man wagam geig ak san, yaŋan Satan dubol da, yaŋan taidam Uf Ru San Ur ago dubol da. Aria, eŋel en yabig sein nam isubanig, subanek lo anaŋar 1,000 ago imado wa. ³ Eŋel en Satan ibal gib kuror fun tia yak lo idu ya. In gib en san dalawan ifutanig lok iganeg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai san dal tia ya. Satan gidad malan igane dop, anaŋar 1,000 yau gup, dubuseip kuai te ilasap saen katukan mi gidigheid itor a.

⁴ Nai kalik wei mi ŋeil a, in nek ibol kiŋ adi sad kalik igo woŋ a. Ago dugo tamolpein kalik an fufo dumado dak ŋutudi dam ŋeil a. Anut in tuod lo tamolpein bitinaek lo didiri san dabai ipidinai a. Tamolpein en Jesus o ilod lo rumok, inŋsan ru diabi sakar dugo, dubol ilasa na ya. In dam mel kasik an, agod san mitilaen dam ta ubou an dile na ya, agod mel kasik an san kob man, in banid fo, tia, in naod kapen fo ta diŋane na ya. Fun amaiak niŋen o ager adi burodi dutute dugo dufu dumat na ya. Tamolpein emaiak fon kumaed dumasag kiŋ igo woŋ Kristus da sisem anaŋar 1,000 dumado na ya. ⁵ Aria, en man tamolpein mutou lo yak foun dumasa dak sad saen malan te ya. (Tamolpein aenta dumat la yan, in saen an lo kumaen ta dumasa na ya. Saen anaŋar 1,000 itout gup, tamolpein an kumaen dumasa wa.) ⁶ Tamolpein malan te mutou lo foun dumasa dan, ka ilod uyanan pe uyasusai tubun mi digane wa. Materŋ murnai san man, tamolpein naok amaiak ibiai dudu san dabai an tia ya. Tia, in Anut Kristus da sad pris adi ago dumado wa. Ago dop in Kristus da anaŋar 1,000 en lo tan na tirnek tamol igo dumado yau a.

Anut Satan daon ipani a

⁷ Aria, saen anaŋar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa. ⁸ Satan tamolpein a tan titin fidian lo dumado dan irawai o kuai te ilasa wa. Tamolpein an man Gok in Magok da sad warou adi. Satan itumanaip yu diabisa wa. Inŋsad yu tamol sad sutek man loŋ na lul

igo wonj a. ⁹ Yu tamol an tan titin fidian lo dupalup tan aten fo turenj diabip, gun adi sad aben agod taun tubun ak e Anut ninjen o imat den ate dilasap disalti wa. Ak man, yai kumaen panu lo yan idup, yu tamol adi an inanai pasik a. ¹⁰ Agog Satan gubak mi rawek igane se yan diabip, yai saltek a pat salfa ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nunod utol an ad tidom pempem mi madai dam muruan dam disini wa.

Kot tubun ak ilasa ya

¹¹ Agog naj kalik tubun milkouk ak, agod Enti inj kalik fufo imado dan dam nejil a. Tan keit da in naon na dien san ta idaisuda na ya, an ninjen o dusol diaug itout yau a. ¹² Ago dugo naj tamolpein yanjad aman da yak, tamolpein kawan a dam dumat la yan nejil a. Inj kinj san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut inj buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidinai se ya. ¹³ Tamolpein ensauta beig lo dumat go ate dumado dan, inj dumasag beig dubuseig kot lo diaug dutur se ya. Tamolpein ensauta a Materj inj Ades da lo dien dan, inj dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai dugo naon ipidinai a. ¹⁴ Agog Materj Ades da yai saltek an lo diabibol dudu ya. Yai saltek an man materj murnai a. ¹⁵ Tamolpein fidian yanjad kumaen san buk ilon lo ta yen na tap, yai saltek lo diabibol dudu diau a.

21

Anut melmel fidian idiraig foun dilasa ya

¹ Nai malag yaug keit foun ak inj tan foun ak da dien dugo nejil a. Tan wagam ak inj keit wagam ak da ditout diau la ya, agod beig dam itout yau dugo foun ak ta aben injane man tia ya. ² Nai Anut san taun tubun ak njile dan man, Jerusalem foun

a. Naj malag lo Jerusalem foun an Anut san kumaen panu ibiseig idu se ya. Insan bala man uyanan geig a, nek ibol pein tamol injane wo damag dupani ak igo mi a. ³ Ago dugo kinj san kalik fo na talpein ta awan dabai geig ak, igo iwagin dugo njalon a. “Aloj ak, gamu Anut injanen tamolpein lulunjad lo imado da. Inj dida sisem turenj diabi wa. Tamolpein en man Anut san warou mok a. Anut injen mi dida dumado wa. ⁴ Inj tamolpein an malad turon isasi pidinai dop fon ta dumat na wa. Inj ilo muruan dam tinanj dam tia wa. Inj madai fon mi ta dile na wa. Man dugo, melmel wagam ak san man gamu itout geig a.”

⁵ Enti a kinj san kalik fo imado dan igo ibol, “Aloj ak, naj melmel fidian njidiraig foun ak dilasa wo da.” Inj fon mi igo ibol, “Onj ru en gire wa. Ru en man rumok geig a. Tamol fidian ru en ka ilod lo rumok a.”

⁶ Agod inj igo naj irupaiaig a, “Melmel fidian dilasa la ya. Naj mi malan te njumado dak, ago mi murna dam njumado wa. Naj mi fun, agod naj mi wadan. Gidad talpein ta kulagun igos dop, naj you kumaen san e sen ibanai den njinanep, naon tia kawan njupanip iluk a. ⁷ Talpein enti yu igane itout dop mel en fidian inj sad tamad imado wa. Naj man injanen Anut, agod inj dam njaineg nanug mok a. ⁸ Ak man, talpein a direr dugo dusuk dumul dan, talpein a injaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, injaned aben man, yai saltek pat salfa lo ided dan ate dumado wa. En man materj murnai a.”

Jon Jerusalem foun ak ile ya

⁹ Enjel seven inj sad daeg lo muruan seven a tamolpein malad isue san awan isa yan diabi da. Aria inj lulunjad lo enjel ta kisaek njaisag na ipalug igo irupaiaig, “Onj palup, naj nug njanek san pein njukubiaip ule wa, an man Sipsip Nanun san pein.” ¹⁰ Ago dugo enjel en, njonjamin Urgun igane ilasa yan lo naj isinag go, inj da did tubun lak na geig ak fo mau a. Ante man inj taun tubun gun

ak Jerusalem ikubiaig n̄ai n̄ile ya. An Anut san na kumaen panu ibiseig idu dugo leil n̄upani se ya. ¹¹ Anut san lilaman girager tubun an naon senamo geig taun an lo irafule dugo aban̄ kuai isi a. An nek ibol pat siñaokan yañan jaspā naon lak na geig ak igo woñ a. Pat jaspā san lilaman man pat daran di kadabog, agod mum igo woñ ided da, siñaokan geig man nek galas oñ a. ¹² Taun en man in̄san ar tubun di lak na geig a. In̄san dalawan 12 ar ate dien da. En̄el 12 dalawan an siñired na dutur se ya. Agod Isrel gugoi 12 sad yañadi dam dalawan ate digireg dien da. ¹³ Ar en san titin ad ilasa dak lo man, san dalawan utol a. In̄san titin not lo man dam dalawan utol, saut lo dam utol a. Ar titin ad idu yau dak lo an dam utol a. ¹⁴ Pat 12 taun en san fun dabai dupanig dien da. Sipsip Nanun san aposel 12 an yañadi dam pat en fo na digireg dien da.

¹⁵ Agod en̄el e n̄ai da mukubiai den, makud gol ta lo tou igane san aman da ya. In̄ taun tubun en, agod in̄san ar, agod ar san dalawan dam touad igane wo da. ¹⁶ Taun tubun en san giran̄en iwoiwo yan san tou man naon kisaek a. In̄san milaen in̄san tubun dam tou naon kisaek mi a. En̄el makud an nam taun tou yabig, san tou man 12,000 kilomita igo woñ a. Taun giran̄en iwoiwo yan, san lak na dam fidian sad tou naon kisaek a. ¹⁷ In̄ taun an san ar tou yabig, ar san bubañan san tou man 144 mita igo woñ a. ¹⁸ Taun an san ar man, Anut gubak mi pat siñaokan daran di tinin mum ak nam igane ya. Taun in̄sen man Anut gol nam igane ya, siñaokan geig di ibol galas oñ a. ¹⁹ Taun an san ar fun man, Anut pat sensen naod lak na yak nam damag ipani a. Pat siñaokan ar fun te man jaspā. Tinin te man pat yedyed ak yañan safaya. Ta man pat girager wei mi dukubuli dan yañan aget. Ta man pat mum ak yañan emeral. ²⁰ Pat kafen ak san girager man daran di milkouk da, yañan onikis. Pat sukun an man daran, yañan konilian. Pat balab man kadabog, yañan krisolait. Pat mum ak ta man naon sen ak ibol beig oñ yañan beril. Ta man pat kadabog ak yañan topas. Ta yañan krisopres, san girager kitek mum oñ a. Ta yañan aiasin, san

girager man daran di kadabog da dukubuli a. Ta yañan ametis, san girager man ibol daran di yedyed da dukubuli igo woñ a. ²¹ Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas oñ a.

²² Nai ubou ab ta taun en lo yen dak n̄ile man tia ya. Tia, Tubud Anut in̄ dabai fidian anda yan, Sipsip Nanun da in̄sed mi ubou ab san aben diñane ya. ²³ Taun en lo ad in̄ kalam da lilaman digane san urat amad tia ya. Tia, Anut san ilalañ tubun an mi lilaman ipani da. Agod in̄san lam man Sipsip Nanun mi a. ²⁴ Tamol warou fidian man taun en san lilaman lo dutor a. Ago dop tan san kiñ adi in̄aned filiadi an disinip in̄san na dupalu wa. ²⁵ Ad lo in̄ ar san dalawan ta dufutani na wa. Tidom fon taun an lo ta ilasa na wa, an lo man ar san dalawan pempem mi ikasap dien a. ²⁶ Tamolpein warou fidian sad melmel girager amad da yak, agod mel uyanan dam disinip taun an lo diladu wa. ²⁷ Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia, tamolpein a in̄aned yañadi Sipsip Nanun in̄anen kumaen san buk lo digire yan mi ka diladu wa.

22

You kumaen san agod ai kumaen san

¹ Agog en̄el en n̄ai you tubun ak ta ikubi-aig n̄ile ya. You en kumaen san, in̄san lila-man nek ibol galas oñ a. You en Anut in̄ Sip-sip Nanun da sad kalik paen na ilasa dugo, ² taun titiñae mi yau da. You san awan gigin aenta lo agod aenta lo dam ai kumaen san dutur da. In̄ anañar kisaek ilon lo saen 12 nuñod dufu da, kalam kisaek kisaek ate mi. Ai roudi an tamolpein subam ad da yak ikubuniaian san. ³ Mel ta Anut san misilanek ru paen na yen dan taun en ilon lo ta yen na wa. Anut in̄ Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam in̄ lo ubou dile wa. ⁴ Tamolpein en Anut naon ka dile wa, agod in̄ yañan man naod kapen

fo igirep yen a. ⁵ Tidom fon ta ilasa na wa. Lam in ad da lilaman digane san urat amad tia wa. Tia, Anut in sen mi insad lilaman. Agod in anen tamolpein an in kin agod kwin dilasap pempem mi ago dumado wa.

⁶ Enel e nai da mukubiai den igo irupaiag a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak in profet ntudi sad Anut, in anen enel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

Jesus ririan imul ipalu wa

⁷ Jesus ibol, “Alon uyan. Nai ansam na npalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, in bar uyanan inane wa.”

⁸ Nai Jon, nai ru en nalon dugo mel fidian dam malag nam nile ya. Agod saen nai nalon dugo nile yan man, nai enel emaiak mel e fidian ikubiag nile yen, nien fun na turug nsoluwig in lo ubou nile wo da. ⁹ Ak man in nai irupaiag, “On gidad ago ta gane na wa. Nai on da urat kisaek a. Taida mi, onane tei tao profet adi, agod tamolpein a buk en san ru diganuri dan man dida urat kisaek a. Anut mi ubou an ule wa!”

¹⁰ In fon mi nai igo irupaiag a. “Profet ru buk en lo yen den, on ta pirani na wa. Tia geig, man dugo, ru en nunon ilasa san nal man ipalu sumeik a. ¹¹ Saen katukan ak ninen o, talpein kagin saiak saiak digane dan in ago mi ka digane wa. Talpein kagin nun aman da yak digane dan, in dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam in aned kagin gun an mi ka digane yau a.”

¹² Jesus igo ibol, “Alon ak, nai npalu san saen sumeik a. Nai tamol fidian in aned urat emaiak san naon npupidinai san nisinip npalu wa. Nai tamol kisaek kisaek urat dugo dugo digane na yan atem itaot in aned

urat naon npupidinai a. ¹³ Naisag mi imug numado yak, agod wadan lo dam numado wa. Nai mi malan te numado dak, ago mi murna dam numado wa. Nai mi fun, agod nai mi wadan.

¹⁴ “Tamolpein in aned kulos dufulani la yan, in uyasusai digane wa. In ai kumaen ipidinai san an ate anan ka dinane wa. Agod in taun san dalawan lo ka diladu wa.

¹⁵ Ak man goun adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

¹⁶ “Nai Jesus, nai gubak mi naisag enel nidinig ansam na yau a, an lo ru e an Kris midaen adi alon la yen irupaiag a. Nai man kin Dawid san ai dabin, agod insan malan kubulan. Nai man patui nek a salso idu dop ided dan nek ama ya.”

¹⁷ Awan Ur in Sipsip Nanun san pein da Jesus durupeig ago dubol, “On palu.” Agod talpein enti buk en lo ru ilon dan in dam ka ibol, “On palu.” Talpein enti kulagun igos pe iluk o imat dop, in ka ipalup you kumaen san an naon tia kawan inane wa.

¹⁸ Nai ru dabai nam tamolpein fidian a profet ru buk en lo dulon an nrupidai da. Talpein enti buk en lo ru sen ta ibate dop, aria, buk en lo mel saian geig Anut ninen o ibol en, Anut in sen mi ibatep talpein an san na ilasap isini wa. ¹⁹ Taida mi, talpein ta in profet ru aenta buk en lo yen den ipasi yau dop man, muruan naok en in isini wa. In ai kumaen an lo anan ta inane na wa. Agod Anut san taun ninen o buk en ibol dak, ilon lo ta imado na wa.

²⁰ Tamol mel en fidian ninedi wo ibol ilasa den, gamu igo ibol, “Rumok nunon, nai milaen tiap npalu saltik on a.”

Rumok. O Tubun ak Jesus, on palu!

²¹ Tubun ak Jesus in anen ilo panek an Anut anen tamolpein fidian mi ida ka amado wa. Rumok.